











北京大學《儒藏》編纂與研究中心



國家出版基金項目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目一十一五」國家重點圖書出版規劃項目・重大工程出版規劃



《儒藏》精華編第一 一九四册

首 席總編纂 季美林

項目首席專家 湯一介

纂 湯一介

總

編

本

册

主

編

馮達文

龐

樸 孫欽善

安平秋 (按年齡排序)

《儒藏》精華編凡例

爲儒 則 的典籍 家經典和反映 、中國傳統文化以儒 儒藏 的 叢 ()精華 編。 收 儒家思想、體現 編爲《儒 書 時 限自先秦至清代結束 家思想爲中 藏 》的 儒家經世做人原 部 心。 分,選收《儒 《儒 藏

藏

学中,

的

精要書

籍

寫者一 互見。 漢文寫作的儒學著作,編爲海外文獻部 《中國古籍善本書目》,於個别處略作 已收入入選的個人叢書或全集者,僅存目録,並注 分類法分類,大類、小類基本參照《中國叢書綜録 土文獻。 律收其釋文文本。 出土 傳世文獻按《四庫全書總目》經史子集四 儒藏》精華編所收書籍,包括傳世文獻 一文獻 單 列 爲 韓國、日 個 部 類,原件以古 本、越南儒學者用 調 類 整。 文字書 凡 單 和 》和 書 部 明 出

,不改編,保持原書的完整性和獨立性。四、所收書籍的篇目卷次,一仍底本原貌,不選

編

勘價 確定· 爲主,酌校異同。 值 内容完足、精 五、對人選書籍進行簡要校勘。 的版本爲校本。 校記力求規範、精 確率 高 出校堅持 的 版本爲底本,精 少而 煉 以對校爲主, 精 以 選有 校 正 校 誤

外,其他一律省略。例,進行規範化標點。專名號除書名號用角號(《》) 六、根據現行標點符號用法,結合古籍標點通

一般不分段。落。正文原已分段者,不作改動。千字以内的短文落。正文原已分段者,不作改動。千字以内的短文七、對較長的篇章,根據文字内容,適當劃分段

及其 及整 出 介紹作者生平、該書成書背景、主要内容及影響,以 現 近理時? 順序前詳 他有關情 八、各書卷端由整理 所確 定的 後 況。 略 重 底本、校本(舉全稱後括 複 出 者撰 現的 寫《校點説明》, 作者,其生平 注 -事蹟按 簡 簡要 稱

九、本書用繁體漢字豎排,小注一律排爲單行。

《儒藏》精華編第一九四册

子部儒學類

性理之屬

説理會編〔明〕季本	心齋約言〔明〕王艮	涇野子内篇〔明〕吕柟	下册	困知記〔明〕罗欽順	道 編〔明〕程敏政	居業録〔明〕胡居仁	讀書録〔明〕薛瑄	曹月川先生語録〔明〕曹端	上册
1075	1063	737		509	407	235	33	1	

《儒藏》精華編第一九四册

子部儒學類

性理之屬

困知記〔明〕罗欽順	道一編〔明〕程敏政	居業録〔明〕胡居仁	讀書録〔明〕薛瑄	曹月川先生語録〔明〕曹端
		0 0 0 0	8 0 0	* * * * * * * * * * * * * * * * * * *
:	:		*	*

曹月川先生語録


〔明〕趙邦清 輯

董

平

校點

红	四庫全書總目提要	曹月川先生語録 :	校點説明	 録
	月川語録一卷			
		0 0 0 0 0 0 0 0 0	0 0 0 0 0 0 0 0 0 0 0 0 0 0 0 0 0 0 0 0	



校點説明

端。 幾二十年,卒於霍州。 會試 父母 官 河 德 南 南宫。登乙榜第 謂 永樂六年(一四〇 九年(一四三四)。 澠 其「儼 池 端 人。 字 然老成 正夫, 生 於 自 明 人一 洪 號 0 八),曹端鄉 少負奇志,行爲異於常人, 武 月 出 般」(《年譜》),因名其 川子,學 九 任 年(一三七六),卒於 山 西霍州 舉中 者稱月川 副 蒲 榜,次年 州 先 學 生, E 日

川 至 明之盛 明 先生 於道學 代 大、備受推 初期 遺 端之學, ,經濟之學,莫盛於誠 之 書 理 傳 學 • 頌 的 推崇周 則 言 重 明 斷 要代 人彭 自 端 敦 澠 爲 表人物 幸 頤 池 霍 庵 月 意 張載、二程 蒲 曾 川 伯 之 學 説 先 劉 IE 生 公、 以 「我 對 始。」(《 潛溪宋公。 與朱熹, 後 朝 嘉 世 言 代 曹 懿 影 行 月 文 爲 響

> 啓沃 三十一) 言、質 許 初 方可坐明倫堂, 魯 儒 後學 齋 者多從 過乎文。」又 其 被被 躬 許 後 行 魯蘇 方可 世 亦 奉 日 相 稱 爲 似。 派 爲 師 如 來,故《曹 範。 師 以 月 表。」(《思辨 此 川 清 知 方可 初 儒 月 陸 者 謂 川 世 寧 語 録 之 儀 可 真 録 輯 云 行 教官, 要》 絶 過 卷 明 乎 似

清,甘 三《選 其「深 寧 天 語 端所自著,不足 曹端論學 至 通 月川 録》一 啓元年(一六二一),劇 趙邦清輯其 遵義參 考》卷 舉》載 入藺穴」、蓋謂 語 肅真寧(今正寧)人。 曹月川 卷。 绿》作 語。 議 百七十三《經籍考》曰 邦 是編 先生語 死 ^ 講學之 清爲 四 於 以 卷 所載 庫 奢崇明之叛。 盡其 其至古 萬曆壬 則 全書總目提要》日 録》一 語 所見亦即 ,皆曹端 底 爲 於次年。 藴。 卷, ___ 一辰(一 藺之崇 據《甘 卷, 爲 然《千 講 . 此本矣。」《續 非 奢 明 學 五 肅 端 明 趙 ^ 崇明之叛起 之語 代 九二 甘 巢 通 頃 邦 之全書 趙 肅 堂 志》卷三十 穴 清 一是 邦 通 書 也 進士, 輯《月 按 清 編 志》 目 趙 文 趙 亦 所 乃 **>** 於 官 川 邦 謂 獻 載 邦 非 真 輯

録》之輯,乃必早於天啓元年。是則《曹月川先生語

(《遺書 削 邵 别 爲多,然邵氏 容並無太大差 四,字伯英)又輯 之「校點說 早刻本爲 在明代是 而各不同 目》、《四 錯 所編輯 ,抑或另據 卷,其版本并不複雜,均 訛。 明史》、《續通志》、《續文獻 》的 庫全書總目》均著録《曹月川先生語 的《續 版 否 清 而 明」)。 版 邵 曾 本 初 他 本刻印 本 別,惟 有單 氏 張 的《曹 中 書 情 有《曹月川先生語録》一卷,收入 璟 所 州 近 而 況 所 行 重 輯 清晰,也 趙氏 名賢 人邵松年(一八四八—一九二 詳 月川先生遺 編 爲 本 本 見 輯 的《曹 爲 刊 文表》第二 所輯之 集 爲 次 印,不 僅 改正 部《曹 趙邦清 據 則 月 通 内容 不得 趙 T 川 可 月 書》也均予收入 考》、《千 氏 卷。 趙 考。 先生遺 所輯 川 而 輯 輯 較 先生 知。 本 邵 今所 本 兩 本。 中 有 氏 輯 書 頃 一遺書 録》爲 一》本, 所 本 見 的 所 該 堂 删 内 最 本 個 輯 書

中

或

科

學

院

圖

書

館

刻

於道光十八年的

《曹

月

川

先

此

次校點,據《四

庫全書

存目

叢

書

×,

取

原

藏

於

《曹月川先生語 程中, 誤或在所難免,敬祈方家賜 生遺 書》所收《曹 參校邵 松年所輯《續 録》 月川 簡 先 稱一邵 生 正! 中州名賢文表》卷 語 氏 録》爲 本二。 底本。 校點中 校 的 二之 點 過

_

校點者 董 平

曹月川先生語録

真 定趙 邦清 輯次

造 分。 「吾道 :「天地之道,可一言而盡 化 其中節者爲善,其 以 大 性 抵 以貫之。」又曰:「予一以貫之。」天 此 本 ൬ 善,而感動 理 已,聖 散 爲 人 萬 以 不 則 物 此 中 有中節、不中節之 萬 節 而 也。」夫子 物 者 己。 合 爲 爲 惡 子思子 理。

始 發,必有不盡純於義 有 益 學者須要天理、人 理有未窮,故其 毫相 雜 理 知 則 學 欲 而 有不盡 之間 非 無 其 雜 、學,而德非其 乎物欲之私 一,則其心之所 見 得分明 方

地

聖人,豈有二道也哉

於内 德矣。 之言、非禮之色不得接吾耳目 而天理寧矣。 於天理、人欲之界上截然限斷,

則

無

以

侵

撓

使

不

正

欲 惰。 苟心志不立,未免血氣所使。孟 志,氣之帥 帥 去昏惰之病,必以立志爲先。 統士卒,有紀律,有號令,上卒放惰 如將勇則 學者自强,氣亦從之,不至怠惰。 也。」蓋志 士 勇,將惰 强 氣 則 亦 士 强 惰 一、志惰 子曰 也 一、「夫 不得。 學 氣 如將 亦

有 極」 是 先,却説未有天地萬物之初,有 天地鬼神之變、鳥獸草木之宜,何往 卦。」自身心性情之德、人 也。 」,「太極生 異端非聖人之道别爲一端者,如老、佛 老氏之虚 吾儒之虚,虚而 兩儀,兩 虚 圃 無。 儀 有。 生四象, 倫 如日 日 如曰 用之常,以 箇 道 四 虚 在 無極 象 空道 太極 非理之 生 加 至 理 太

吾真 罪 不 理 盡 寂 下, 範 動 而 在 名,他 待深辨 欲 加 民 圍之不出一心, 可 感 屏 體 滅 彝 石 傳 諸 與 而 除 物 儒 不消 後世 事 遂 人 以 1 如 則 之寂 只 業? 天 通 物 燦 説 廢 天 地 不 何 以 然 下之故。」 歸 萬 干 寂 往 朱子 空 具 綱 酬 真 物 涉 非 而 爲 備其 五 酢之通 空。 0 爲幻, 心 感。 謂 宗, 常 之感 不 門 中。 蓋 這 此等 未有 知 人事 如 弟 乎 此 道 Ţ 事 子 感 日 萬 鳥能 心 天 只 . 都 佛 侕 方 日 變,爲法 地 是 己 遂 其 爲 氏 寂 察 之先爲 人 是 之寂 粗 通 寂 夫 極 佛 事 然 然 迹 義 老 大 之 天 則 不

萬 是 利 得 那 善之首 以 貞 裹 朱子曰 生 皆 面 者。 是 來。 義、禮 善。 所 謂 ∭ 者 、智皆從 義、 元 元 天地 者 ,善之長, 禮 善 這 生萬 智 之長 裏出 皆 善 物之心 亨、 也。 來 也 利 元 圃 貞 加 亨

> 寧静 欲。 , 發言之際能 人之言躁 不爲 欲 所 妄, 分 禁制 故 最 之,不 害 心 事 專 爲 躁 氣 屬 所 氣 動 妄 故 屬 心

聽 禍 爲聖賢,棄之爲 殃。 非 禮者 禮 所 勿言 一,天 以古之君子, 非 理之節文,人事之儀則 禽獸,修之 禮 勿 動 非 禮 致 勿 福 視 慶, 非 敗 禮 之 守之 取 勿

生而 賢 以 則 文 盡 能 則 則 死 盡 其仁之性 聖人自父子 能 有 其智之性。 無所 盡 以 其 盡 不實 禮 其 之 義 之親 自 性 之 無 自 君 3 性 所 以 有 臣 Щį 不 至仁民 是 之分 有 盡 萬 非 恭 自 邪 以 敬 愛物, 始 IE 至 辭 之 而 敬 讓 終,自 分 之節 長 則 别 尊 有

不 可 有自 爲 學 足之心 必 先尊 師 重 友 以 求 聖賢 之道 切

會 務 爲 要體之於身,見之於行 學 須 將聖經 賢 傳字字句 不 句 口 於 只 心 做 F 理

場話説。

之後 是自 ,須要力行 暴自 前 棄。 云 : 蓋古人之志大 纔 以 遜第一等事 酬 其 率 與 如 别 此 做 立 便

彼 語》言, 民。 人之事備於己 霸者: 庸》言 自《大學》言, 聖賢之事, 非 :惟無益 ,則盡 人 功 ; 用 性 自 於是,實 發政 云孟 明德,新 贊 實 化 與 施 子》言, 育,參 天 仁、聖王之事及 有害 地 民,止 於是 參 居仁 天 地 丽 至 曲 四 善善。 義, 時 自《論 同 自 於 大

人 時,多少分明 、去香 活 潑 默 窈 潑 冥 地、只是不滯 快 中 活 求 道 理。 於一隅 平 平正 大大 Œ 處 較 不 會 要 得

怨? 心而 望, 則 人不我應,必歸罪於人。 上不 下不尤人。 必怨天。 - 怨天。 聖人 蓋 尤 人責 罪 無 之也。 責 望於天而 望 聖人 天之心 有 天不 本 求 無求 取 夫 副 人 之 所 何

> 明瑩 之意,何尤之有? 真 如光 風 霽 此 月 處 無 聖 人 點占 胸中 私 累 多少 如 此 灑 落

精 亦 或 則 公平正直 長,秋收冬藏 聚 謂 粗 不正 或 鬼神 大 鬼 小 邪 散 神 不 暗的 鬼神。 如 者 同 同 寒來 又 鬼 畫 (有禱 神。 若 理 夜、 暑 所 也 往 之 雨 謂 或 0 mj 風 有 日 嘯 世間 應、 或 於 往 露 無,或 梁 月 萬 祈 雷 來, 事 之 觸 此 mj 去 吾 是 春 獲,此 或 理, 躬,此 生 明 但 夏

之; 善? 不 彼 不 使 在 己 纔知 萌 氣 程 所 何 於 子言 血 謂 之, 與 再 不 則 焉 故 便 善 不 喜 ? 日 更 遷。 怒在 不 不 只 且 貮 萌 是 如 如 事 過 作。 微 顔 舜 理 有 子 之當 誅 是 差 地 四 則 失, 位 喜 凶 慊 於 怒者也 豈 便 可 怒 能 有 知 不 在

路 多才能 聖 門 重 如 厚 冉 簡 有 默 明 如 仲 禮 弓, 節 如 忠 子 信 華 明 決 夫子皆 如 子

憲,而 子有「 月 有 日 不 至焉者 「非 夫子 難 知 爾 與 其 所 亦 爲 及一之 仁 日 也。 仁 之譏 抑 則 聰 吾 執 明 克伐 不 潁 德 知 信 悟 怨欲 也。 道 如 子 如 不 貢 子 此 行 張 皆 夫 如 曾 子 日 原

適矣? 樂,顏子以持守之仁 而 樂仁」,仁之中自 不 改其 孔 不憂, 子 樂。 安 樂 於 孔 也 仁 子 而 以 有 尋 樂 而 自 樂 孔 在 有持守之樂。 然之仁 也 顔 其 樂 中 故曰 處 顔 而 者, 三仁 有 子 舍 不 自 者 非 然 違 之 不 何 日

無

物

不

得

其所。

行 秋之世 聖 行 息 交作 人 者 怪 聖人任道之宗,怪嘆時人深矣! 道 索隱 時 嘆 聖學 中 之日 人知 庸」之道,天理 木 行怪之徒 由户 . . 明, 何 E 而 莫 出 綱 蜂 由 不 起, 斯 不 人倫之至,人所 振 道 知 處 天理滅 由 也 道 + ! | | | | | | | | 横 mj 而 行 議 人 道 暴 當 故 春

> 其 以 也。 未 預 心 其 嘗 養 分 則 不 天 丽 本 殊 地 殊 天 心 心 不 故 失 之間,人物之衆,其 地 得 9 其 位 以 其 立 也 其 加 養 序 愛 0 萬物育者, 則 理一,故 而 必 已 擴 一發 自 天 充 在 親 下之大, 焉 於 始。 推 不言 擴 即 己可以 理 爲 充, 致 本 親 天 可 中 未 下者 知 疏 及 和 發 , 遠 人 之 而 在 邇 以 分 於

言 大用 天 伊 之志 學 民 知 下者 不遷 也。」 伊 尹 日 耕 : 固 尹 問 予天 及三 有幸 便是堯、舜事業。 之學,顏子之志 :「伊尹之志 在 無 怒, 行 不 聘 而樂堯、 不 道 民之先覺 理 一,道 幡 貳過,其 會。 然 非 舜之道,凡 ,堯、舜 但 便 學 也 處 不明。 心三月 如 畎 看 向 子 何 其 畝 ____ 將 如 君 時 所 不 此 何 以 民, 典》之書 以 以 違 斯 做 不 道 治 敢 顏子 去。 行 仁。 或 伊 必 耶 斯 尹 之 其 其 平 不

千 舜 五 觀 顔 道 堯 佞 載 典, 問 子之學, 自 舜 無 爲 民公天下之心 導之以 無 所 戦闘 其言 邦 則 本 以 而 日 固 領 卷 夫子 -之患。』然 志 禮樂 在 舒 如 願 明道, 一則 告以 作 何 得 用 使 便 明 日 四 則 民 未嘗 舉 E 直 • 代禮樂,放 顔子 室 聖主 而 如 願 家 不 措 此 之 無 無 欲 輔 之 志 伐 離 道 天 相 若 之行 豊 善 曠 之, 鄭 下 志 非 之思, 聲,遠 ? 於 敷 無 堯、 也 若 其 施

先。 氣 生 在 形 爲一之説 太 極 己 所 圃 按 有二 具 謂 後 太 之先,不 道 極 加 生二,莊 耶 ,所謂 以 ,所指皆 ,自孔子外, 渾 極 淪未 知 致 列 太 子 言 子 判 即 極、皆作天、地、人三者 師 同 混 之名。 日 道 之 多 太 淪之云、《漢 道 微周 日 以 極 即 道 氣 子 以 道 言。 太 爲一之母 洞 在 不 極 見 雜 太 老 志 道 言 極 以 子 之 藴 通 道 函

> 有 丽 開 無 示 時 深 不 切 然 明 耶 著 孰 知 太極爲 理 又 無 物

信。 之北 良 教 游 此 遠。 以 中」之言,以何物定其去取 自 假 久, 學 升 間 甎 作 方 喻之?」曰: 降』之説 復問 之 甎 復令訪四 邊視之,不近; 來學 有 出出 日 東 偏 耳。」未 極 隅 西 問:「先儒 星 正 不 一夫 其 兩 遠 以 極外 亦 達。 邊視 只 地地 令自 子 近 _ 北 取 隅 不 殊 在 來者,問 退自 令取一小珠懸 極 之,皆正 反 天 甎 乎? 謂 録 天 星定之矣乎?」 之 張 天極大, 則 北 中 甎之南邊視之,不 中 子 ? 日 - , 譬諸 不 高 愈 視 復。」 北 南 地 日 之, 視北 也 下, 同 在 地 明倫 來 堂 天 E 則 孔子 進 地 來 國, 極 中 北 中 小, · 思之 平 星 自 堂 北 也 中 著 甎 與 刀 方 何

朱子曰:「陰氣凝結於内,陽氣欲入不

之。 言 者 律 庶 至 風 則 有 五 則 按 可 此 乃 得 風 一、芒也 者 從 陽氣長養 ,十二月之律。 行 風 知 已 大 由 處 者,火 故 之火 條 撓 律 其 生。 小、 無 衆 旋 者 説不合。 萬 屈 又 如 而 風 也 繞 緩 伸 之 物 蓋 氣 夏 日 不 生 川 其 或 也。 者 消 急、 兹 氣 風 所 多 + 也 外 旋 四 之流 自 化 南 風 莫 長 五 進 不 邵 在 + 四 是 距冬 疏 之理 疾 風,冬多 日 四 如 己 7 退。 子 那 五 程 天 行 日 + 乎 天 而 日 邊 五 景 H :「八 子 地 也。 至 耳。 五 相 風 爲 \wedge 日, 風 造 謂 或 易 夜 似 日 清 風 至。 火 北 其 化 旋 四十五 風 凉 \wedge 亦 > 明 風, 《樂記》 明 不 至 爲 日 風 大 發 自 風至。 猶 在 景者 風 庶 住 吹 風 八方之風。 育 小 火 水 上 亦可 至 風 散 旋 之 疾 之 出 邊, 日 云 風 至 注 轉 陰 凉者 大 潮 徐 具 清 以 條 見。」 都 火 云 氣 沙 也 散 實 明 風 動 熾 明 不 今 盡 :

> 日 氣 周 闔 寒 者 者 巾 9 忧 廣 不交 咸 陰 莫 收 氣 風 藏 化 也 至。 言 也 也 陰 廣 几 四 十 陽 + 莫 未 五 五 者 合 日 日 大 化 不 閶 莫 也 周 闔 也 風 風 四 至 至 開 + 陽 五 閶 不

六

東 之, 彩 明 爲 H 西 之 照 説 照 彤 霞 内 明, 氣 \wedge 霞之意 東視 板 視 河 自 竊 西 爲 圖 是 近 不 視之, 亦 紅 **>** 謂 曰: 然。 而 然。 之霞 起,結 余軒 油 蓋 崑 因 節 日 呼 崙 下樹 作 如 紅 在 二三子視之,方 山 花雲, 白 如 東 有 鮮 紙 西 油 五 血 糊 日 色水 節 至 丽 光 窗 松 遠 明 外映,雲 氣 板 日 也 外 喻 夕 朝 E 照 清 平 H 蒸 H

者。 河 流 雲漢 世 行 説 於 天 似 黄 地 雲 河 之説 非 之 雲, 氣 皆 上 似 浮 不 水 敢 於 非 信 天 水 及 蓋 天 積 河 氣 與 成 黄 象

太極,理之别名。天道之立,實理所

初。 方 爲 之旨,天明悉 命 用 羲 所 ጠ 天 位之圖 日 無 明 則 以 文王 窮 範 授 理 周 爲 圖 義 學之原 易」。 雖 也 九 繫 也 面 日 疇 欲 挂 作 備 先天者, 敘 羲《易》 紹 洛出 實 孔 辭 焉 易》,八 天 mi, 子 天 周 書》 明 理學之傳 作 所 聖 八卦 公繫爻 以 十翼 前 》,天 出 心 太 桂 民 0 及 極 畫 用 之 河 發 辭 有宗 六 爲 焉 天 所 出 明 實 十 本 9 理 其 以 義 理 四 禹 圖 而 也 義 錫 畫 學 生 排 》,天之 則 * 明 禹 之 聖作 周 出 次 備 也 運 經 序

萬 之 理 極 理 人,人 與 物 動 何 明 之 静 周 足 之 子 \wedge 尚 靈 遂 語 與 動 陰 ? 9 謂 之 録 陽 理 理 > 人 静。 之 却 爲 之 出 何 生 説 乘 死 足 人, 若 由 太 理 氣 貴 然,人 極 太 , 猶 ? 不 以 極 不 人 足 今 會 爲 喻 之 動 爲 使 静 動 死 氣 乘 活 萬 人 静 馬 朱 化 不不 動 人 子 馬 乘 之 乘 足 之 陰 静 原 馬 出 陽 解

> 理 則 亦 其 出 然 行 止 疾 徐 由 馭 之 何 如 活

者 者 幻 非 非 妄 道 性 使 者 矣 矣 天 非 下 3 ; 誠 皆 皆 皆 矣 知 知 知 鬼 率 天 神 性 命 之 之 之 誠 道 性 則 則 則 知 知 知 後 老 佛 世 氏 氏 之 淫 之 空 祀 無

首 則 婦 書》 乾 其 之 坤 紀 所 間 夫 釐 婦 以 重 居 降 之 戒 咸 室 謹 倫 恒 隱 禮 恐 * 微 最 懼之實, 謹 \wedge 之 詩》首《關 宜 大 際 著 香 力 尤 宜 皆 處 見 無 此 雎 道 意 不 朱 $\stackrel{\cdot}{st}$ 不 至。 戒淫 子 口 日 離 ^ 佚 易 處 夫

諸 期 也 爲 有 世 I 侯 天子 交 統 IE 絶 期 統 一、大夫 之喪 母、叔父 之期,爲 諸 之 侯 期 達 降。 絶 乎 母 祖 服 雖 大 、衆子 按 父 而 天 夫。 大 母 \sim 子 周 夫 者 諸 禮 ^ 昆 降。 也 喪 侯 \forall 弟 * 莫 服 期 昆 所 有旁親之期 降 **>** 自 謂 弟之子 喪 尊 期 旁親 有 不同 以 下 是

大 天 故 子 夫 或 亦 諸 絶 不 侯 或 降 降 絶 也 服 所 謂 大 如 夫 尊 旁 雖 日 親 降 而 之 服 猶 期 其 服 親 亦 大 之 爲 功 服 大 不 夫 也 如

1 爲 子 喪 諸 而 在 冷達 爲 夫 五 加 侯 屈 月 杖 雖 母 妻 乎 而 也 絶 及 而 天 橝 服 妻服 也。 子 已 故 旁 與 由 期 也 + 爲 親 齊 庶 父 尊 期之餘 本 人 月 爲 必 同 爲 而 母 而 E 年 亦 練 喪 適 年 達 不 而 十三 異 之 孫 天 降 後 者,有 喪 爲 子 娶 月 祖 但 也 而 年 ____ 爲 爲 也 祥 服 之 父 父 長

年 周 之 穆 后 吧 下 崩 同 之。 太子 則 包 子 壽 后 生 卒 亦 叔 年 爲 向 \equiv 然 日 年 後 免 王 也 於 父 歲 父 母 母 而 之 之

懷 也 放子 三年之喪,不 於父母 服 止 必 父 \equiv 母。 年。 言 父 天 子 母 者 庶 人 舉 重

日生於東,没於西,月生於西,没於

ጠ

言

傳 東。 天 大 火 ***** 而 謂 度 星 之大 數 日 者 月 口 攷 五 辰 所 會 緯 日 是 列 謂 宿 月、 辰 之 斗 總 爲 北 名 \equiv 極 辰 謂 辰 之北 者 此 \wedge 辰 左

八

舍生 虞, 間 然災 這 宜 厶 邪 幾 0 以 明 取 句 害 人 ^ 如 保 詩 八讀《詩》 哲 誤 義 楊 不 天 尝云 處 只 T 雄 及 命 是 其 0 \forall 又不 明 明哲 曉 身 便是 既 謂 哲 天 如 明 明 煌 所 下 保 占 此 哲 且 煌 謂 身,亦 事 論 哲 是 便 明 旁 理 宜 見 哲 以 燭 説 機 是 保 保 順 無 話 知 常 身 其 疆 微 理 者 法 所 身 而 遜 先 也。 以 若 朱 占 被 於 到 他 不 便 世 自 子

何 輅 孔 顔 子 子 服 爲 按 日 蓋《 周 邦 之冕 論 之問 論 吾 語》從周 從 語 樂則《 礼 周 則 日 子 其旨 韶 . 日 以三代之禮 **>** . 舞 行 亦 吾 夏 有 又 從 之 異 不 周 時 平 至 純 乘 周 從 中 大 周 殷 及 庸 備 者 之 答

從之也 至答顔 經 也 • 子之言,所 中 故 庸 日 》從 謂 孔 周 垂 子時 以 白 時 王 中 E 之大法、立 之 制 從 之 萬 也 世 3

問 爲 民 之田 信,不惟 非 知 之,然後爲之子 無 領望之,其爲 敵 者 日 民 : 兵可 也 之父母 爲 實 空 空言? 國之病,而 了又倡 父母 一,使民 國之大體,相 言 用 黄 故功 氏曰: 吾之民皆知 ,聽其 强 也。 而 爲 養 儒 儒 或 生 利 吾 功利之説斲喪之,豈爲 術 實 父母 儒行不 術 之説 自 或 喪 則 口】 者得全其 用 實 生自 一之民 死 富 不 孰 傾 於 易售 用 尊君親上 無 然 也 相 過 子 見用 死 也。 憾 固 ,有以为 於 詐 然後 挾 自 以 父母 自愚 此 於 於世,以 相 品 不 爲 Ħ. 得 戕 養之,有 品 ,天下之人引 畝 功 之身。 自 夫元后 教以孝弟 之宅、 安其 之小 相 利 不 智 賊 説 其 知 民父母 而 生, 數,不 莫 今也 以 白 者 空言 功 者, 之 豈 教 忠 惟 利 畝 則

爲

天下先」底意

思。

子桑户

死,琴張

臨

其

喪

而

歌,是不

以

生死芥蒂,

便

如

釋氏

如

此

等

之術 者已 之道 試 哉 而 之效 後 ? 可 虞氏 乎? 孰 謂 九 其 官 空 Ì 周 無 官 實用 六 典, 必必 待 無 管 非 儒 商

不 索 舍行 事 堯、舜 小 隱 伐,是他 ,所以易入異 則 藏隨 如 道 行怪之人,其 狂簡之人,只是自立 之禪受、湯、 得 夏 其 一葛 於 自 時,仕· 己見 加 占 冬 二端 便 於 裘 武 宜 止 流 之放 事者,以時措 大率 久 處 渴 爲 速 佛 飲 便 當其 異端 高了 伐 老 ௱ 如 又 饑 老氏 可 是遯 且 食 都 如 如 不 孔 之得 所 世 孟 理 大 子 謂 高 之反 一會世 Ż 則 宜 尚 不 用 如

計 較 作 大凡 爲,不得爲直 平心 順 理, 應 物 如 孔 爲 子不 直。 直 若 乞 有 醯 應 毫

更

無

收煞,便全不

濟事了。

雖

志意

高

遠

,非聖人裁

ΙË

之,一

门

狂

去

九

誰 父爲 譽」之類 便 子 知 隱 所 無 子 以 爲 非 爲 欲 父隱 直 人 立 又如「 」,「吾之於 心行 左 事 邱 以 人 明 直 也 恥 誰 之 毁

遭 好 所 故 有 謂 色,惡惡 日 直 不齊 直 人之生 也。 了,莫非 在 如 直 也 人順其性 惡惡臭 者 生 稟天 生之道 道 爲 命之性 而 臣 0 不 則 循 違 ,受帝降之衷 忠,爲子 如如 理 而 好善 行 則孝, 如 雖 好 命

諸 變 是 七 軍 變 日 齊 空言 使 魯 誅 至 孔子 齊 亂 魯 耳 至 人 道 相 政 心 機 大 之 夾谷之會 服 夫 兆 少 又 也。 來 E 如 歸 卯。 爲 惜 鄆 9 以 魯 齊 讙 = 禮 司 魯 月, 寇 責 示 龜 齊, 能 攝 陰 魯 之 用 或 行 威 徒 大治 田 相 懾 事 托 是

莫非 此 H 己 最 程 也 子 善 日 名 認 狀 得 醫 爲 書 己 者 以 一,何 以 手 天 所 足 地 不 痿 萬 至。 痺 物 爲 爲 若 不 不 屬

> 與天 貫。 手足 萬 也; 貫 己 示學者 物 皆 自 天 身 之 地 不 與己不相 間 與 地 體 去間之方也 萬 屬 手 萬 物 ,聖人亦必 也 己。 外外 物 足之間 體 不 邪 干 蓋 也 屬 間 涉。 手 己,心 之,故 有 人欲間之,故 蹬 足 如手 方 必 不 之不 有 與與 屬 足不 能 方 氣 己, 近 貫 不 取 氣 我 與 也 相 譬, 之 與 貫 氣 心 不 聖 天 不 身 己 地 相 與 貫 己 不

者 故 意。 心 、哭之 法 如 加 弔 先 春 日 哭一日之内 儒 勉之,足養忠厚之心 夏 굸 秋 自 冬,不 不 聖人 能 遽 遽 臨 志 自 寒 喪, 其 不 煖 自 哀 能 也 有 歌 面 須 食 驟 漸 蓋 不 歌 漸 聖人 下 過 咽 去 ENI, 之 之

爲 壯 如 所 浮 底 乘 雲 聖 人 矣。 人 遇 有 疏食水飲 無 熱 蓋聖人之心,無 漠 亦 然 不 怕 肱 無 所 遇 枕 動 寒 而 其 時 亦 樂, 中 不 不 視 正 樂, 怕 不 如 氣 義 如 元 富 虚 箇 貴 則 氣 氣

流行天地間,無一處不到,無一時或息。

廷,下 弟子 弟子 皆道 出 三子以 來,所謂 用 所呈 由 聖人一 前 我 意 而 衣 露 爲 以 不 服 與道 身,渾 隱 知 觀聖人、《鄉黨》所載, 飲食,莫不屢書特書。 無 乎? 習 爲 形 然此 體 ៣ 體 吾無 不 面 之道於聖人身上形 道 無 察,故聖人 一,動 隱 所隱 乎 静 爾。 於 語默之間 人 日 L 厥 也 而 後 朝 羣 見 羣

不 不 覺得,所以不與計較。 見物我之有間。 犯 m 校」,校,計校 有犯者, 也。 如蚊 顔 蟲 過 子之心, 前 自

若 是 孟 不忍,念發於私 夫之勇説 戒之也。 不忍之念出於正大,君子所當擴 子言是心足王 《論語》「小不忍」,朱子兼婦人之仁、匹 宣王不忍 婦人不忍其愛,匹夫不 小,常人所不能 獎勸 一牛觳 而 成之,何耶 觫,宜若 禁、故 忍 充者,故 戒之。 小,然 其 ? 忿, 小

道 行之利,擴之配 長者,仁義而 天下平。 不修,爲家則家 由 義 E 《易》曰:「立天之道 理 柔與剛,立人之道 無不明,意無不誠 夫言則仁義 己。 天 齊,爲國則國治,爲天下則 地。三王所以 行 日 日 則 仁與義 、心無 陰與陽,立 仁義,居之貴 不正,身 爲有道 故 地 居 之 無 1 之

是 撲 梁惠王事,所謂不當報者。 愈熾,不至大敗 忿懥者所爲。 怨有當報者,有不當報者。若孟 忿懥所爲,其熏灼焚燒 極壞 不 总。 不當 報 而 報 子述 愈 則

必知仁之,於物也必知愛之。然或蔽於物也。是心之存,其於親也必知親之,於民也仁者天地生物之心,而人所以爲心者

其不 欲之私 然其 也。 之,豈自外至哉 結怨,急戰 牛之死,不 古之聖王所 蔽之時 根 於天地之性者終不亡 ,失本心之正,故 伐 之功 可 則 不 必 以 謂 其 隨 仁覆天下,亦即 之惻隱之發,而 事 蔽 而 爲 其 發。 不 發 淺 也 有 若 矣。),故 不 齊 盡 是 間 然 王 然者 心 之 與 而 不 推 端 忍 值 兵

多 禮尊賢, ,未若孟 E 霸 重 如董子 子。 法 愛民, 美 玉、碱 與 夫 日 砆 粹 之論 日 駁 諸 荀 説 子 固 隆

毛,却 者 毛,天下自利。 愛無 釋氏 説 本忘 差 天 等 下 父母 非 却 便説 説 , 他 毛 施 得 却 所 由 口 説《父 利 親 互走作 始 若 母 楊 人 去。 經 人 氏 不 不 拔 拔 如

之正 守之正 君子於禮樂, 存之 ,則外善其 熟 則 講 威儀節奏之文。 内 明 養 則 其 存之熟, 莊 敬和 依 樂 據 之 實 則 守

> 其 其 氣 之,故曰: 安 理 和 也 朱子 静 是 虚 云 以 所 修己 動直,凡 治之所 以 修 貫 以 己 徹 安百姓 及、羣 以 L 所 敬 下, 施 而 爲 黎 包舉 極 白 無 其 姓 遠 不 至 自 近 莫 然 而 不 則 各 各 統 1 得 當 V.

之名; 非天理 我忌克 有 可憑。 無 如 氣 只合 風 勝 行做 質之 行 形 事父底節 也 影 者 盡 克己復禮爲仁」,先儒之説備矣。 文者 禮→ 偏,一 有君 之類,三也。 將 如 歸 力 不 孤 家 舍 去手段。 文 能 儀 文,他 臣 軍 相 死 也;耳 畫 便 猝 不壞於 向 似。 章 出 遇 有 前 莫 脈 强 事 禮者, 便 不 箇 自 身之私 理 復,反也。 敵相 人欲 君底 是。 然。 鼻 也 天 理 天理 一般,定 節文,有 天 節 欲 之欲,一也; 蓋 與 天 者 旋 其 人 反,猶 心 節 八看,有 理 乏 限 地 要 文。 目 人欲 全 轉,雷 克 制等 父 有三: 德 勝 歸 天 子 規 猶 莫 他 克, 也 級 便 理 厪 矩

來。 矣。 勝 理 水 火相 如 來 私 垢去鏡自明 能 欲 大 克 抵 復 克 勝然,此全則彼息,彼盛 得 克 於 己 + 得 禮 則 分 ,則事 禮 分人 人 自 礫掃室自清 、欲去, 復 皆 欲 天 能 去, 理 則 復 復 則 而 禮 也 得 復 本 則 則 + 得 心 此 自 分 之 滅。 爲仁。 德 天 分 理 天 全 必

意。 腔 私 此 皆歸 心 子都是 既 發 H 是 日 見 於禮 天 克 之實。 私意,如何得仁? 之, 地 一方始! 生 不 物之心, 程 以 是仁。 子曰: 爲 難 ጢ 則 非 日 私 禮 •須 月 欲 是 處 之間 浄 克 便 盡 盡 是 莫 己 私 非 滿

麾 所 動 上。 身耳 以 容 III] 蓋 用 周 説 一心爲 力 旋 軍 文 特 中 坐 П 在 禮 作 體 一身之主, 勿字 勿 進 ,惟心所令,猶 而 退 日 與 似 用 惟 「不勿」之間 旗 之間 其 即 脚工 所 將 莫非 令也 爲 大將之旗 夫 三軍之主。 天 在 理 私 自 勿」字 流 勝 是 行 m 則

合做。 誠之於思。 明哲之人,只思 思,動之微 思於 慮 間 内 便 不 見 可 得 不 合 誠 做 與 故

賢,昏之人禽獸 之志 之序,朋友之信,五者 師 賦 事 形 有爲的 使之治而教之,以 同,故夫子喟然嘆曰 父子之親,君臣之義,夫婦之别,長 曾皙言 無 所 功業。 不可 志, 是箇. 大以 與 所 無 夫子老安、 明 以 成 人之大倫 事 其 天 大 . 無 倫 降 「吾與點也 小 爲 生 的 以 民 友信 道 成 明之爲 理 小 必 .! 作 少 隨 做 之 聖 幼 懷 有 物

亦 堯 、舜 保,曾子戰 孟子曰 或 兢兢業業 有國法,家 「守孰 戰 兢 成成 有 兢 湯 家法。 是皆 爲大? 慄慄 明哲保身之實。 危 治國 守身爲大。」 懼, 無法,不能 文王 無 如 射

.

不 治 可 或 國家者 無 治 規 矩 家 ,必先立法以 無 爲 法 平 直 不 者 能 不 治 垂其後。 미 家 無 譬 準 爲 繩 方 圓 是 故 者

人無 下 丽 爲一家、中國 聖帝明 莫大乎行孝。 不 君子莫大乎盡 通 Ē 所 夫孝,天之經,地之義,民之行 以 爲 孝之至, 中天地 ___ 性 人者,無他,孝而已 盡 mj 則推之無 性 立人極 莫大乎爲仁,爲 能 不 準 以 感感 天

世之心 周、召 帝 以 H 巨 相 而 中」而 三王, 其大目則 語 天 皇、帝、 儒 • 地 道 加 己。 儒 総 一、公天下 相 王 帝 而 日 相 三皇,儒 王。 王 孔 承 子, 師 - 萬 綱」, 泉、 所 聖 儒 世之道。 夔、 以參天 而 賢。 三五元. 而 皇; 師 稷、 心 常」,其 、公天 <u>Ti.</u> 契、伊 地 豈老、 一 儒家者 帝, 立 下 釋 儒 大 人 傅、 所 萬 要 同 而 極

事死如事生,如每日清晨,侍者設盥櫛

色不 之具 聲 見乎 於朝 心, 也。 一如存 ·其位 出 奠設 忘乎目 事 既 户 而 饌 而 如 時 朝 事 有 聽 周 奉養 聲 奠, 存 還 愾 不 新 食 ,如祭之日入室,愛 出 也 絶 然 物 時 户, 乎 必 則 耳 有 薦之,一 肅 食 ,心志 聞 然必有 乎 晚 其 而 嗜欲 如 歎 夕 聞 生 息之 乎其 然 不 時 志 必 奉 朔 乎 有

色, 此 隱 則 好 微 重 ,賤貨 佞 賢不篤 則 朱子云:「信讒邪則任賢 彼 前 人 輕 用 。」賈捐 事則諍 於貴 理 固 德。 之所謂 然 臣 矣。 杜 口 後 故 宫盛 不專 蓋 持 色則 去 衡 徇 讒,遠 之勢 賢 貨 者 色

天子 夫 夫不可爲士之事。 治三公之職,三公不可 不 不 口 自 侵 口 下 過 而 三公之職,三公不 上,士不 於天道 又從 可 自 爲 侵 上 而旁推之,則 卿 卿 大夫之事, 加 大 口 下,天子 侵 夫 之事 天子之政 左不 不可 卿 卿

踰 口 侵右 涉 君 ,右不可侵左, 大 夫 問 丽 告者 同寮亦 則 有之。 有 分守 故 , 不可 E

在

其位

不

謀

其

政

經 禮 男女有 尤重者。 别 男女 乃 人 無 倫之大體,正家 别, 與 禽 潤 何 之大 異 ?

幼 兀 今人都 嚴 七 古之君 禮 者 如 歲 口 爲 此。 以 E 子 重 使 不 程 至 必 漸 理 會 f 六 一嚴 知 + 禮 日 内 以 人家能 義 外之分 下, 冠 所 婚 不 以古 存 護 喪 同 此 祭,禮之大者。」 席 男 等事 人正 不 女 之 共 數件, 名 别 食 Ē 家, 雖 其 自

將 妄爲 非 公而 迦、老聃之書, 求 冥 上,作之者非 **齋醮之説** 儒家之禮,原於天地,制成於聖人。 福 其在 「俱遭 本 五)顯禍 武 無 經 餓 齋 人; 四 萬 醮 死 書 世 之 臺 孔子 詳 一明鑑· 論 城 E. 徽 IIII 圃 備 也 下,明之者 流 梁 焉 武 落 金虜, 彼 宋 徽 釋 周

> 生 遵 有 有傚之者。 爲 古 一二人家化之。 法。 制 程 伊川 不 用釋、老、士大 今欲 先生 明 家治 其 許 禮 魯 喪不 却 齋 夫 居 用浮屠,在 其 因 鄉 俗俗 以 凡 常以二 爲 俗 喪 一洛亦 四 先 方

君 皆 子 足 切以 速 不 一忍事 禍 爲 小 戒 聽 則 婦言, 損 身 滅 好 性 飲 大大 酒 則 惡 覆 諫 宗 諍 絶 四 者

門。 雍 更 以 藝 相 不 取 睦 矣。 責 協 麟 張 紙 德 筆 公藝九世同居、北齊、 望,遂爲 由 識之! 書 中 尊 高宗幸其 忍」字 長 乖 衣食 争。 百 不均 餘 苟相 宅 以 卑 進 問 與 幼 隋、唐皆旌 忍 睦 其 之,則 禮節 族之道、公 意宗族所 不 家道 備 其

之家 妲己之言亡商,幽信襃姒之言亡周。 ,絶人之嗣。 婦言之禍,破 桀惑: 人 之 妺喜之言亡夏, 親 斷 人 之義 今有 紂 敗 用 人

宗族 者。當以 族 聽 外外 婦 鄰 人之言 失鄰 里 聽 相 婦言 里 視 上亡 如 圃 爲 路 以 戒 父母 至 人 讐 父 下 敵 子 然。 異 È 居 兄 故立 兄兄 弟 弟别 内 身成家 失宗 財

家 紀 夏 紂 興 以 湯。 商 夏,桀以 荒 詩 夫酒 日 腆 怕 於酒 亂 君 荒 「養性 湛 不 性之物, 亡之。 於酒 信 毋 觀 貪 亡之。 其餘 速過 前 昏 性 古 之萌 以 水,成 湯 酒 桀 不 敗 紂 ·崇飲 家 者 禹 曾 切 惡 歷 興 因 戒 旨 歷 商 敗 破 口 酒

之福 成聖賢 門。 子胥 福 也; 諫 君 受諫 也 之 兄 有 德 有 成 之道 争 死 湯 争 臣 桀、 紂、 從 龍 弟,兄之福 一,君之 消惡 諫 逢 諫 弗 長 福 夫差皆 咈 而 善之功 也 子 死 也 "父有争子,父之 路 比 • 爲 一出 干 士 聞 人擒 有 過 諫 禍 争友, 則 而 滅 喜 死 福 伍 弦 故 士 之

永

監

哉

親 於 無 諺 過 語 之 . 地 家 則 有 能 争 全家 子 勝 於 萬 無 年 過 糧 之 荷 能 保

者 怡 慈父母當察。 以孝,烝 承 色柔 矣。 志 孝子保 諭親 \wedge 聲,諫父母 烝 書 》稱 於道 义, 親 不 全家之道,當 虞 ,其孝大於養 格 舜 於善,其孝大於拜醫求 女好。 父 (頑、母) 不 惟孝 進 킮 極 諫 子 象 甘 爲 當 傲 脆 心? 者矣。 克 先 誻 藥 意 實

分居者 輕 兄弟 貞 視 所深惡 静 氣分形 ,既失己之身,又辱夫之行 重 如 專 之 讎 詩》曰: 同 也。 敵 親 疏 同 生 傷 小 天 况 今有兄 合 則 胞 則 無 「凡今之人, 莫如 共 氣之 而 鬩 同 禮 乳。 室, 親 墻 無 弟分居 和 人合, 鬭 義 死 爲 很 之 則 多 婦 者 衆 同 非 大 昵 人之 惑 則 妻子之愛,忘 未聞 夫 兄弟。」兄弟 乎? 分 死 猶 恥 門 有 便 與 割户 適 兄 夫 君 H. 弟 妻 子 妻 他

心 心 爲 於 也 心 不 世 苟 也 愛 矣。 體 愛兄 荷 父 體 母 不 弟者,是不 祖 睦 愛 宗 宗 子 之心 愛 族 者,是 子 孫之心 以 則 父 於 不 母 以 兄 之心 祖 弟 則 於宗 宗 自 之 爲 不

族

自

不

容於

不

恤

矣。

衆 戮 忘宗 物 義。 與 虧 來 衆共之。 臨 也 憂 輒 之 荷 原其 族 恤 生暴怒,或 知之, 當 鄉 穴之宫, 所以,皆 里 及 患 粒、 可 之 事 難 則 以人而 之食,與 情 平 中 親 相 與 , Ó 由 愛 内 則 毆 衆 或 不 無 各 公置,或 而 不 居 頭 知宗 衆聚之; 日 宗 私 如蟻子乎 畜 之, 矣。 族,外 其 族 相 相 私, 之情 告許 侵 今夫 拳 各 ௱ 或 之 蟲 鄉鄉 利 鄉 螻 或 財 之羶, 臺 蟻 里,皆 其 里之 物 相 利 與 微 相 屠

成家之計,莫先於教子孫爲善。

稟 , 敝 於物欲 惡 之分 昏 猶 本 黑 明之德 白 香 臭。 往 往 然 以 惡 拘 爲 於 善善 氣

> 以 凡 釋、老之流 胎 下 列 視 其於君臣、父子、夫 聖 之,視 人 ,本無父無 所 我 明者爲 周 公以 何 君 上 物? 婦 ,世人指 列 之 聖人 倫, 所 彼 爲 行 善 方 門 臭 孔 肉 子 中

聖賢 生益 討 俗 士 ? 之,不必士 君子當扶世 ,猶《春秋》之法,亂 於 異 朱 端端 時 子 死 滅 曰 師。 而 闡 道 世 於後 邪 Ĕ 道 説 人心 明, 豈 可 邪 臣 人 曲 説 明 賊 得 學 禮 息 子,人人 而 荷 義, 而 攻 合 人 之, 厚 以 心 風 得 不 隨 E 必 而 流

理 使 出 乎 陰 不 上 一,有 ? 生 於 生 生不 自 使天 且 下 胎 則 然。 者 萬 肅 吾 地 窮。 物 然 族 聖 有 如 常 生 無 卵 人 佛 昔 冬, 於天 有 順 者 伏 老 矣, 天 萬 羲 清 有 地 地, 物 若 浄 彼 勾 之理 何 爲 各 佛 者 則 自 佛 具 老 陽 有 制 而 天 之 老 自 甲 夫 生 地 清 徒 者 陽 婦 ? 生 浄 能 之義 莫 生 自 萬 陰 夫 非 自 有 物

誰 家 祀 几 周 净,則六百二十九年之商,八百六十九年之 年之祀得乎? 五 五 婦 誰 得 帝、夏后氏二十年三主之傳,九百二十三 興耶? 又如男佛老而不室,女佛老 百二十五年之漢,二百八十九年之唐, 百二十年之祀得乎? ,則十五世之傳,一萬一千七百八十年之 則百年之下,生民之類,有邪? 乎? 傳耶? 神 農清 高祖、太宗清浄 成湯、文、武若爲佛老之清 浄 不夫 黄 婦 帝 則 而 於清 不 八代之傳 夫婦 無邪 净,則 mj 不 抑 則

古 有 鄭 是 氏子弟未冠,學業 法。 非 惟 有 資 勤 未成了 苦, 抑 不 欲 得 識 食 虀 肉。 鹽

之味。

里,遠 術 心,受地 保 童 身 小 祇。 體 子 箴》 親 孝 案《年譜》: 君 父 티 : 子 母 敦 事 友 《童子箴》,先生爲子璐作也。 威 兄 誠 儀, 弟 明 慎 睦 終始 宗 行 止 族 IE 和 心 天 鄉

此」。
■「饗天心、受地祇」、《年譜》作「不他求、事於

之國 戰 孟 越境、必禮先之、然後 或 軻 未 至 《史記》: 時 梁。 仕 上 必必 鮮 蓋先王之禮,未仕 守 君先 梁 禮 惠 就 孟 卑禮 子 見 往 答 然 獨 厚幣以招賢者,而 守 其禮 後 此 往 不得 禮 0 異 見諸 或 故 所 侯。 居

不 樂,失其心則曷 利 受,非要名也,成治道 無非公天下之心。 也,明治 敢自樂之心,則足以 也,成治道 聖賢之心,公天下之心也。 夫民,一也。 道 也。 也; 喪 達 孔、孟 得 丽 丽 夫義 其 È. 成 也;湯、武 心 遏 君 治 禮之 辨 之亡。 則 道 人欲矣; 王 子 辨 一霸,非 窮 治治 來 而 放伐,非 人 而 亂 堯、 明 君 樂 私 之關 治道 懷 常 民 舜 求 之 譽 懷 與 禪

民偕樂之心,則足以擴天理矣。順理徇欲

樂,亡之原也。

思 此 武王勝殷 如傷,而二老來歸。萬邦之方,下民之王。 允懷,自彼氐羌,莫不來享來王。 世人牧龜 不服 心,然後可爲天之子,爲民之父母。 好生不嗜殺,天地生物之心也。 鑑 遏劉,而自西自 也。 如成湯代 東,自 虐以 寬,而 文王 南自北,無 一視民 兆 必 此 民 得 萬

暗 心也 足王 矣」,所謂納 則 E 一不慕 ,明彼暗此,卒不歸 推 矣,但 恩以保民,循人欲 王道,天理也,霸圖,人欲也。 孟 湯、武之道而 子 不忍一牛觳 因 約 自 ௱ 開 牗 導之, 曰「是心 也。 於王 慕桓、文之事 觫, 則逞私 道。 即 惜 先王不 乎 以 1 虐 于,是心 足 乍明 民。 忽 循天 以 人 示 復 之 理 王 宣

忠臣之心,惟恐君之有欲; ❷奸臣之

心,惟恐君之無欲。

仁之至,而王政之本。 於心腹腠理易傷犯處,尤愛護之。此又體於心腹腠理易傷犯處,尤愛護之。此又體

强不得,須學到 君 氣後,自然有這等功用 而 使之距 後世 不知學者所爲,淺暗拘滯 吾説 孟子地位 耳。 若 孟 能 子對君事 如 此。 知言 徒 激 亦 勉 其

之心 際會 加 施之,亦必在我之權度精切不 ,切劘治道,講明帝學,施之政事,自 同乎天地,傅説之德通乎神明。 昔高宗恭默思道,夢帝賚 凡學者必堯、舜、湯、 武之道 良弼,是高 差方 隨 其 口 君 所 得 臣 遇

- 「牖」,原作「馬」,據邵本改。
- 「惟」,原作「惜」,據邵本改。
- 3 「對」,原作「將」,據邵本改。

其 非 不 特 謹 宜 殷 邦畿 邦 天 地 嘉 定千 之間 靖 里 而 無 之 赫 往 赫 制 不 之聲、 敬 四 》, 賞 罰 海 濯 同 濯 來 之行 之 格 靈,保 之 無 誠

厥

後

於

無

窮

中爲 矣。」 視 則 也 則 差不正 并、方千里、方百里皆 之形體,必端正 水 加 中 北 各 東 中 方向 央 方 殊 有 或 央土。 不不 雖 不 日 屬 方 中 既 也 然。 方之爲 可言 之 無 定, 西西 央 所 東方木, 不 分五 蓋 四 方矣。 東、 極 面 界 方之交, 中 義 即 後 mj 方 無不 行 可 可 屬 别之, 也 口 南 於 是。 指 於 故 分。 四 方火, 西 五 南 外 西 自 亦 言 處 方, 非 若 爲 中 如 惟 不 南之 巾 東 方 五 方 央 方 西 是 其 口 分 則 也 丽 田 方 土 方 所 外 自 五 之, 北 西, 方 視 金, 之 有 言 極 不 四 四 所 非 定 則參 里 北 外 口 即 方 南 位 指 屬 近 方 而 而 方

> 位 四 而 與 方之中 何 四 可 方 五方言哉 位 並 乎 \ 1 方 東 也 西 0 南 然 北 則 之交, 中 央之 無一定之 五 亦

 $\overline{\circ}$

佛 周。 體 天 心 離 下 斯 無 雖 民 之 舜、禹之心,精 倫 ? 溺 天下了 絶 理 猶 觀 類 不 己 舜 具 不 自 溺 不 相 3 爲 而 得 用 高 弱 竭 禹 耶 天 執 只 力 泉 中 地 是 勞 之 侕 陶 無 萬 用 爲 心 民 己 富 無 體 员 憂, 貴 天 如 禹 豊 事 地 之 視 無 不

其 者 至 而 論 致 尊 而 隆 輔 祇 朱 뻬 子 奉 世 焉 無 云 長 嗣 所 民 故 E 8 屈 之任 , 0 朝 爵 ; 廷之上,以 左右 丛、 則 相 德 值 孺 太甲、成 \equiv 子 則 者 不 伊 通 敢 が、周 不 視 E 以 相 之孔 重 固 丛 值 之 拜 德 手 各 聖 所 加 稽 在 伸

於

北

中

特

四

方交會之極,不能

自有

所

^{●「}之孔」,原作「以恐」,又於「恐」下注云:「案:「以恐」

晦

則

在

朔

其

交

也

月

食

在

望。

蓋

晦

朔

合如 黨,施 子「惡得 於身,刑 首於伊、周 吾仁 此 吾 於 有其一 義 於 鄉 黨者 之 家 之前矣。 論 推 以 不 子 於 皮 慢其二」。 鄉 思 朝 蓋 黨,達 廷。 事 施 於朝 之友 惟德 於 師 廷者不 朝 弟意見之相 之之云云, 得於 廷。 心。 曾 及 孟 子 充 鄉

義 T 0 陳 臻 孟 辭 子 受之問 __ 以 義 只只 爲 斷 就事 制 自 Ě 然當 較 量 可 却 木 論

禮 理 子 無 不 爲 待 之事 欲言 是 惡之 小 惡惡之心 也 月 輔 本 不 人,有正 則 氏 無 其 欲 溢 但 日 中 易不 光 0 言 言 孟 雖 自 受 有 己而 則 不 子 有 司 ·與言 日 爲 能 不 不 辦 無 之 易之不 惡 與 無 事 屈 則 光 驩 ,亦不爲已 圃 而 忽。 意,有容 則 言 嚴之意。 不 足與 光。 與 以 隘 言 與 常 日 言。 德 甚之行 忽, 情 食 大 則 而 論, 不 夫 無 抵 孟 亦 在 過 悪 君 不 順 子

> 光 食爲 立 大。 月 地 Ŀ 而 而 不 其 食。 地 居 日 日 照 名 暗 爲 月之合, 地 中 天 之食。 虚 與 故 其 内 月 H 所 隔 月 則 云 居 射 如 相 或 虚 失 地下, 東西 鷄 ,□言對 當 多 望 明, 子 則 或 則 同度, 中 故 寡 日 地 食 黄 日 月 云 影 所 既 之衡 之 暗 南 既 其 矣。 食 對 北 隔 形 有 其 非 同 百 不 曆 日 淺 道 有象景 度 大 调 家 光 有 如 同 與 月 又 深 不 道 日 謂 照 月 掩 月 强 月 同 日 蓋 而 日

正 有 説 資 ,求合於 而 正 諸 順 而 或 常 問 無 重 邪 . 儒 其 無 胡 朱 不自 待 何 始 子 ? 於 有 ---近 人, 順 . E 世 而 夷 佛 邪 無 子 學 天 逆。 而 觀 學 下 逆 之? 墨 常 天下 之 輕型 理 必 不 之勢, 五日 其 推 儒 得 其 初

⁰ 曆 不再 原 出 爲 避 清 乾 隆 帝 諱 作 歷」。 今 ·回改。 下同 逕

則 拒 光 彼 者至矣,彼未嘗不求附吾儒 反 見。 側 無以自安矣。 其理之悖、説之窮 不 如 是,

此

亦

可

時之吉 攻之 善乎?! 以 天時之吉, 春 環 統 官官 者、筮 則 知 西 則 統 統 安 吉 吉,故 顧 人》: 加 [X] 而 必 用 太 也。 勝 不能克之,非天時不如地 之,軍 守舉「環 미 九 日 環 也。 必 日 師 而 有 然 之名也。 巫 得 攻之,筮 而攻之」爲問。 而 環。」巫, 天 不勝者,雖 時者矣。 丽 按《周 箛 行 音 之 利之 筮 得 禮 也。 也 天 得

各有 動。 藐 之。」蓋 2攸指 若尊敬之分,未嘗不存。 孔子曰「畏大人」,孟子 當 E 義 以告之時,不 日 一一一説 當 孔、孟之言 爲 勢 大 位 人 則 所

不然,做宰相不能進賢退不肖,爲學不能辨 觀 人, 必 如 孔 子 視、 觀、 察,自 不 能 隱。

> 益 友損 友,可乎

聖人 革、毛 以 辰。 미 財 贊 能 至民 成 助 堯 选、 天 天 命 盡 地之道,輔相天地之宜。」 羲 地 氄 之 萬 造 毛, 析 和 物之性,仁心 化發育之功。 :「欽若昊天, 各以 因 夷 時 隩, 面 鳥 流 得 潤 其 布 《易》曰 曆 之 和 所、 象 孳 遂 氣 日 尾 充 其 月星 塞 生

敘 宙; 理。 爲一心之全德 萬 養之不間 物。 斯 理 者 ,天地生物之心,而人所受以 也, 斂之不 俄 ,萬善之總名, 頃,達之則貫 盈方 寸 包羅 充 幽 之 明 天 則 地, 塞宇 所 生之 揆 以

道 致、誠、正、修、齊、治、平,不使一理或遺,弘 遠。」曾子平日三省一 曾子 日 : 士 不 可 以 貫,致力《 不 弘 毅 • 大學》格 任 重 丽

也 而 斃 , 毅也 啓手 啓 足, 此 戰 所 以 兢 卒 不 任傳 已,易實 道 之際, 得 E

復是 復 復惻 復羞惡之心矣。 .默 解 讓之心矣。 隱之心 黄氏 非之心矣。 日 矣。 暴 背善 驕 頑 虐 淫 鈍 雖 很 趨 矜 嗜 具 鷙 悪 侉 利 人 傲 傷 寡 形 舍 人 Œ 狠 廉 以 害 習 凌 鮮 生, 物 邪 物 恥 何 則 則 則 則 異 無 無 無 無

而 應 物 人心本 無蹤 自 跡 虚 可 靈 尋捉 知 覺 處 但 事 物 纔 觸 即 動

之道 得 得聞 兩 以 速 便 人 至 肖 説 者 人 忠 如 當時遊聖人之門、學聖人之道者三千, 得,會不得便人不 話 恕 七十二人。 七十子之徒,能幾人入得? 有 所 人 子貢 V 卓 理 得 爾 一會 顔 人,故言性 0 得 曾子 子得入,故仰 得。 一人理會 得 人,故 孔 與 子教衆人, 天 不得, 鑽 譬 道 言 瞻 夫子 如 不 忽 與 口

> 與 不 得 顔 子 何 異 ? 顔 子 自 人 得 衆 人 自

> > 人

之心 胡 妻 其 欺 是。 奪, 孔子 伊 而 不 日 顯 才, 竊 미 氏之説,善矣。 未 尹 0 如 是 徒 足 偏 攝 而未足寄, 蓋才者,德之用 \wedge 輔太甲、 公侯 龍逢、 周 無 也 托 廢。 行 其 死 禮 相 節 皆 無 恐不免 疏 有其 比干及周 事 周 地 益 **>** 者 則 是 日 恐不 公 百 大 節 並 也。 輔 里 荀 爲 者 無 言, 六六 成 息 , 免 他 其 不 節 公欲代武王之死, 其 其 E 死 爲 而 人 足 尺, 才可 者 才, 節 是 節 於 他 所 觀 ,德之守。 也。 死 年十五。」孟 奚 人 欺 爲之本。 矣 雖 以 生之際 齊 所 ; 無 輔 寄國 是 欺 霍 竊 雖 幼 光 也 無 人之 君 政 先 不 奪 爲 竊 心 者 於 皆 可 有 如 子 人 如

吾道一以 「克己 復禮 貫之」,孔傳曾之心 爲 仁 孔 傳 顔 法 之心 也。 法 夫 也 聖

仁之體 人之心 0 法,一 ,貫是仁之用。 夫何不一之有 也 何 傳 不 事皆 旨 天 歟 理 ? 是 貫 蓋 心 是

爲仁 謂道 此 心也; 舜 所謂 所謂 己,舜所謂人心 所謂克 執 中 也。 復 舜 千聖 所謂 也 相 所謂禮 精 傳 蓋 也 不 3 所 出 舜 乎 謂 所

當言 豊 免! 聖 門忠孝之教 加 南容免於刑戮,只是不輕言妄動取 若以 言,雖 直言極 箕子之囚,比干 諫、 面折廷争爲 之死 党党 不謹 言 禍 荷

之哀 葬責 所謂 也 之,非 非 愛人 子不可,安貧 黄幹云: 厚 以 顔 薄 德,不 顔 子 門人欲厚葬 子 忧 之義 以 也 爲 姑 爲 道 息 也 道 也 0 ; 也 喪 蓋 9 顏子,尊賢之情 請 予 不 聖人之心, 車 之 以 却 情 嘆 之, 勝義 有 厚 慟

> 焉,不必 吴; 之天下,有天下 一家有一家禮樂, 冉有足民,非若後世之管、 禮樂之用, 朱子云 功大名顯 . 子 禮樂。 通乎上下。 路 丽 後 使 施之。 民 亦 邑有 隨 非 其 若 商。」良 身 大 邑 後 小 有 禮 世 樂。 而 一身禮 之 致 孫 用 推

於魯 狃意 觀 不 之豚,其意 蓋 召,不害爲 孔子不見,不狃 在 弗 異 擾名 張 日吴欲伐魯,不 公室,特欲 按虎與不 則可見夫子不見、欲往,殆謂 公室,特 爲 嚮慕之誠 譎 矣。 畔臣,勢不得來見,故欲 狃欲去三桓,一 召欲往,其用 假 不 且. 公室 知 狃止之,虎乃勸齊三加 非 虎不 人皆欲去三桓 制 家 大夫,爲 臣 來見,又瞰亡 宜 心必 也。 舉 有異 爾 是 利 虎欲 歟 而 者,不 乎 虎 見 見 本 歸 而 1

無非

爲道

聖人! 在 何 聖人又有以處之。 人之不善,一 至於浼 下若夫子之待陽貨、公山 輔 漢 卿曰 ! 若昏 經照臨,大者革心,小者革 : 聖人道大德宏,所過者化 頑之至,不可常理 在上若堯、舜之待 佛肸,豈 化 三苗 者, 面 浼

外; 得情 黄氏 而 티 : 矜,則 得 不忍行於法中 情 ጠ 喜, 則 刻意 溢 於 法

用 體用,終歸帝王相傳之中。 之大本,中之體 之用也 發之時 之德言,即未發之大本,以愛之理言, 於帝王相傳之中何? 蓋仁即中也。 孟子》之仁義,胥一 以 明體。 論語》一書之要,日 中。 孔門 帝王相傳之中, 若《大學》之敬,《 傳授、《中庸》首章方言未 也。《論 中 也。 語 仁而 》一書之仁,兼 《易》之時、《詩 由 已發之時 體 中 己。 以達 庸 》之誠 篇 用, 中 即 以 終 中 即 發 心 歸 中

> 之思無邪、《禮》之無 非 中乎 不敬、《春 孔子 日 「吾道一 秋》之正 以 名

貫之。」 分,又何往

四庫全書總目提要 月川語録一卷

河南巡撫採進本

語爲 覽》一卷、《性理 語 足以盡其底蕴。 存疑録》,亡其卷數,並載《千頃堂 今皆未見。是編乃真寧趙邦清 録》作一卷,則所見亦即此本矣。 一卷,非端之全書,亦非端所自著,不 明 曹端撰。 一論》一卷,又有《儒家宗統 然《千頃堂書目》載《月川 端講學之書,有《理 輯其 書 講學之 學 目 譜 要

■ 此標題原無,據下文補。

讀

書

绿

〔明〕薛 瑄 撰



八九

九

四

0

四

 \bigcirc

四

七

四

四七

目

校點説明

録》和《讀 道: 諡文 銀場。 法。」其作品有《薛文清 其 卿、 _ 年(一四二一)進士。 脩己教 起 清。 而燃燭記 值冬夜雪 單 薛子道 部 部 讀 後任 四 記 行 左侍 右侍郎 書 六四),字德 性質, 本。 續録 録 瑄半生爲官,爲學 山東提學僉事、大理寺丞、南京大理寺 論 以 郎 之。」《 飄 作者 薛 》、《從 兼翰林院學士。 復 兼 思 》中、後人尤 盈几,讀 瑄 性爲 翰 想 理學 明 爲 林 表 宣德中,擢授御史,出監 温 政録》、《 公全集》存世,亦 明 史》稱: 院學 述 主,充 思 代 山 雖 誦 想主 薛 西 不系 士薛先生行狀》描 重《讀 不 養邃 不 讀 河 瑄。 輟。 卒後贈 瑄 輟。 津 要 書 統 學 書 密 反 録 或思有所得 但 録 其弟子 映 *\ \!\ 有《河 瑄(一三 禮 言 字 本程、朱, 永樂 在《 部 裏行 讀 動 尚 讀 讀 汾 咸 書 間 湖 + 間 書 詩 書 續 可 禹 述 廣 九 九

> 宗羲 多 隨 四 兢 處可見一 庫 於《 兢 全 檢 明 點 提要》說 儒學 位 言行 注 ·案》有 重 間 踐 所 履之理學家 其 評 謂 價 書皆 學 云 貴 躬 閲 踐 行 的 履,意 心得之言 先生《 真切 蓋 讀 體 會。 如 書 此。 録

説 吕 十四卷本《讀書録》,從內 本今不存。 有得,至忘寢食,隨 二年(一四 如 從 分類 廣。 四 版 近思録》分門 祖 閻 知 個 本 論 謙《近 先師殁之二年,愚反復讀之,深有感焉。 曉。 禹 此外, 明晰,但從版本源 版 來 在薛瑄生 學 錫《讀 本系統,其中十一卷本影響最大,流布亦 看 論 原刊本之後 主 録 六六)編刻 思録》的 清代也出 嘉靖二年(一五二三)有蕭鳴 じ、 要有 書録序》所説: 》在 别 前當 論 類、去其 明 性、 + 筆劄 清 有 分類 現 論 了二十四 ,薛瑄的弟子閻 兩代 流上 過八 卷、十 記 教、論 原 重 ,分爲十 容編排 刊 刊 複 未 看 卷本的《讀 卷、二十四卷、二十 本,其 刻 當先師著 釐 暇 不如 仁、 卷本的《讀 倫 頗多,就 來 爲二十四 六門 類,已板行於 出 看 具 明刻 處 禹 體 書 類 述 鳳 錫 情 本重 録 目前存 教 道 似 時 所刻 卷。 在 書 形 體、 朱 乃 中 録 成 己 要。 雖 治 閻 經 倣 世 化 無 世

做《 道 此 又因 二十四 近思録》分門 理 不 論 卷本的 同 文、論 經典 祖 别 加 史、諸子、 本。 類 以 分 相 别 異 致 與 端 閻 習 道 禹 禹 學。 錫 錫 本很可 所 其中 説 的 能 經 是 乃 説

中,此 陳 書 附 完 黑口 刊 暇 爲 明 本 所存六卷 之六讀 惜存世 於 整 最 前 棐校刻當 録 有 倫 五 期刻 嘉 後》。 張 的 早,觀其 致。 明 七四),又有 本與 靖 珩 + 成了白 只是 绘 代成 丁巳年(一 的 很可能 從第 符經雜 本 八嘉靖 此 是 卷 $\stackrel{\cdot}{\sim}$ 的 殘 般而、 後 内 重 弘 特徵 本《 以 六 本, 口 有 容 四 刻 間 原 言 卷 言并序」,版 嘉 讀 湖 年 由 讀 並 有 存六卷,正 刊 此《讀 「版 開始 從 靖 五 本 廣 陳 無 書 書 本即 四 棐 五 IE 布 最 録 種十一 録 歸 心大黑 其 七)。 年 校刻 德之後到 引》和 書録》在現 政 沙刊 爲 類 爲 本 卷數 司 接 編 + 心 文卷 刻 的 卷本的 爲 排 刻《讀 近 在所有的十一卷本 大黑 口 於 田 趙 底 幾 之痕 與 卷。 雙黑魚尾」 隆慶 賦 嘉 府 端 本。 現 存所 口 乎没有異文 的《跋 書録》十 靖 味 題 《讀 存 跡 雙黑 而 經堂刻 四 「讀 版 萬曆二年 的 所 現 有版 年, 存較 重 式 + 書 録 調 魚 此 IE FI 本 由 本 「未 尾。 卷 爲 卷 讀 本 中 是 大 米 可

> 有不 王圻 間 本。 石 代康熙、 四 僅 EIJ 庫 同 在 本 負 萬 者最 全書》本了。 十 個 責刊 曆七 乾隆、光 别字詞上 一卷《讀 易找 年 刻 的 有 到 + 山 緒 書 的 一,以及 此 東 绿》。 間 + 外, 卷 洲 皆 本。 撫 有 卷《讀 在個別節 民國七年山 各種 趙 刻 + 汝 本。 十 書 泉 卷《 録 所 清 次的 卷 》就 一讀 倡 代 西 演 書録 的 分合上 還 是 青 有 諸 文 州 録》之 》在 淵 版 知 種 閣 本 府

+ 點不 整以 説 書録 録》十卷本,同 别不大,僅 校之,釐爲十卷,付 舊本」當不會是閻 卷本當源於鄭本。 維 「舊本」可能是十 五二〇)由 及補充。 新本是十卷本的 同。 序》中有「舊本 最 早的 此 在個別 後、嘉 明 年 刻 鄭 一者最 + 有古郇 維 地 靖三十 漫 禹錫 之鋟 卷 新 方十卷本對 卷本。 明 港, 本《讀 肇 所 顯 端 所釐定的二十四 何 梓」之説 編 殊不 四 ,從内容安排來看 的 尚 定。 書録》, 年 品品 十卷本與十 賢 便繙 有 别 延 鄭 十 乃是 安 沈 維 閲 是 鄭 一卷 維 府 新 維 分卷 IE 藩 刊 在《 本 因 卷 德 新 十卷本。 刻 卷 本 的 有 + 所 重 取 後來 讀 説 起 所 本 刻 五 而 始 鄭 調 品 的 手 讀 年

之

系,故 學家 統 有其 庸》本來就是《 子》同《太極圖 書之《大學》、《 清 又 現 從 録》打亂次序,分門 書 所編刻 編 公讀 的 五 排 而 本内容 有重校本。 録》提要所提及。 經 言似不甚妥當。 道 重 思想内容 最 前 調 一視 的 理,但將 書全録 到四書 精 説 其排 的 二十卷本,此 的 二十四 樣,只 當 得 禮 些概 中庸》與 萬曆 類 、儼然與薛 * 屬 四書 精。 再到北宋道學家的著作, 編》二十卷。 薛 卷 記 是總 通 》中 念及工夫。 本 四十二年有張銓校刻 别類編成二十卷,其内 瑄 侯鶴 打 此本在三年後 書》 經 同 散 的 五 本爲《明史》本傳及四 目 過了 鄉 排 的 内 經 排序 齡將《讀書録》與《讀 瑄推崇朱 侯鶴 做 排 容 在 ,分門 法 張 在 有 張銓本各卷與 這 龄 起。 變化。 於薛 樣 銓 於萬曆二十四 起。《 别 萬 惠 如 類 曆二十 成 個安排 瑄 此 大學 論 的 張氏 爲 以 的 編 的《 語》、 編排, 至於 容 思 排 * * * 庫 安 將 侯 薛 七 個 所 書 古 ^ 孟 年 道 系 中 四 然 鶴 文 體 體 排 讀 年 續 而

體 覺 驗出 得 就《讀 經 發 過 書録》而言,若從 整 便 理 會 編 覺得 排 者更 + 有 瞭 卷 條 解 本《讀 理 薛 瑄 若 書録 思想出發, 從 瞭 》更 解 有 薛 軌 便 瑄

> 實情。 的 泛,我們將 完整的 全書》曾 到 迹 陳本)、青州 可尋。 本子一起作爲校本。 推 重 維 明嘉靖四年本(張珩 故而,本次校 道 整 新十卷本(鄭 從薛瑄 之同 理 正符合十 王圻本(王 過 沈 + 注 維 重 點 藩 卷 踐 選 卷本在 本)在 本(沈 本, 履著 本 擇 本 作 現 這 眼,十 一明代 次校 本)、 引)作爲 存最日 幾 歷史上 種 影 趙 點 早 明 響 卷本 亦 代 府 且 影 底 保 亦 保 有 書 味 本 存 應 甚 部 存 經 更 完 堂 爲 分 較 廣 四 該 本 廣 參 爲 受 庫 的

校點中不當之處,敬請方家指正。

校點者 許雪涛

嘉靖乙酉夏,石州後學張珩頓首書

重刊讀書録引

嘑! 録。 此録不多見,因付淮田守賦刻之以 之學,何患理學之不倡於天下乎。 爲身心之要領也。但今之世詩文遍天下,而 言之也,豈可徒以言語求哉 乎理。觸處洞然,隨在發見。誠身有之,故能 實地,始則以書而思索於心,久則以 即專心於濂洛關閩之學,故平生精力盡在此 文清公薛先生之手筆也。 口耳章句之粗久矣,近年得是録而涵泳之,誠 究其用功亦惟以誠敬爲人門,以踐履爲 使吾人果能潛心於是,則爲居敬窮 (讀書録》與《讀書續録》二集,迺我河東 先生自少厭舉業, 1! 珩不敏,習于 、廣傳。 心而 貫通 理

跋重刊讀書録後

之世以 清 潔,如 竊謂. 賢 録 膾 讀 不 誠 者 》,不 公者 炙。 枝 爲 待 者 敬 爲 蔓, 古之人以 歸 我 御 口 爲 右 太羹鍾鏞, 詩名者、若高、楊、張、徐、士人或 知 至 索 朝 宿。 主 石 惟 意 讀 間 河 何 州 而 我 書録 本以 故其 東薛文清公,新 如 文清公, 張公也 玩 侍 出 文名者,若韓 味 御 秘 闘 并《 録 非嗜 焉。 公 抑 閩 也,於心身 旬 續 諸 圃 獨 不 不怪 樂之真者弗 文清公平生讀 雋 録 己。 子爲 何 知 永 **>** 邪 何 凡二十三 誕, 沖 而 公膺 ? 法 柳、盧、駱, 如如 梓之者爲 足,悠遠 爲 繩 明 人,《 然 命持 切要, 以以 Œ 則 取 簡 讀 古 知 書 文 加 今 賦 整 詞 以 聖 我 作

> 賦 之號能文者律文清公,以 不于今,而公之患人之趨 公之患人之無者,道德。 按 又 也 兩 可 因 乃 淮 謂真愧焉者矣。 圃 鹺 獨 嘆 政 拳拳於古聖賢之學,其心尚矣。 夫今之患人之無者,功名。 法 貞 弊 釐 遠 也 世之患 今之教 邇 不 于古。 肅 士文 人之趨 者 以 其 古 也 而 教

後學建安田賦拜書 嘉靖乙酉夏六月望,直隸淮安府知府

讀書録卷之一

君子云。 所 記 塞 横渠張 也 開 不不 處 思則還塞之矣。」余 若 隨 子云:「心 所 河東薛瑄謹識 即録之、蓋以 見 之是否,則 中 有 所 備 俟 讀 開 IE 不 書 思 即 於 至 後 而 便 心 之 還 有 劄

之「太 臭而言,謂之「無極」,以極至之理而 極 極 無 m 太極」。 極 而 無 太極」非 聲 以性觀 無 臭 有二也。 而 之,無兆朕之 至理 存 以 焉 無 故故 言, 可 聲 謂 窺 無 日

太 圃 化; 極 至 即 理咸 統體 各具者,即小德之川流。 一本之萬殊。 具,即「無極 太 極 即 萬 而 統 殊之一本; 太極」 體 者 也 天地 即 大德 各具 間 只 之

理也。故曰「君子之道費而隱」。有理氣而已。其可見者氣也,其不可見者

之大原出於天」。 者,天道之流行而賦於物者也。故曰「道者,天道之流行而賦於物者也。故曰「道教本於道,道本於性,性本於命。命

語小,天下莫能破焉」。無不寓。故曰「君子語大,天下莫能載焉。大而六合,小而一塵,氣無不貫而理

不可離。 天下無性外之物,而性無不在。故道小無内兮其大無垠。」形容道體之言也。 《遠遊篇》曰:「道可受兮而不可傳,其

而已。 智,人之四德。 私柔雜之也。 元、亨、利、貞,天之 人雖有是德 故貴乎自强不息。 天德流 而 不 行 能 四 無 而 德。 間 不息者,剛健 斷者, 仁、義、禮 由 有

相似。人心有一息之怠,便與天地之化不

可 有 道 毫 天 髮 地 即 之間 之 天 間 之 斷 道 時 也 時 故 當 處 處 隨 皆 時 是 隨 道 處 之 省 察 流 行

獨 處 不 天 能 理 謹 無 内 而 徒 外 飾 隱 乎外 顯之 間 僞 也 9 故 貴 乎 謹 獨

未 有 不在天 心 理人欲而 息之頃 不 中立 在 者 天 也 理 便 在 人欲

者,由存養省察之不至也。

吾於静時亦頗識是理,但動有與静違

難 間 焉 或月一 不知幾 而 嘗念顏子三月不違仁,諸 亦不 至焉。 出 可 幾人 不 勉 也 吾 自體 以 是 驗此 知 聖 子 賢 或 之學 日 日 之 極

知 免 再 之未嘗復行 萌 於 於 心 所 爲 難 因 之失, 謂 隨 有 即 不 善 知 未嘗不知易 丽 改之,

> 釋 邪 鮮 所 有 萬 也 矣。 氏 輪 物 生 ? 矣。 始終,莫 釋氏 也 回之説 天 若如 徧 者 滿 豈有天 亦 天 寧有是 其 下皆 人耳, 説, 非陰陽合散之所 物 則 之祖 所 萬 氣 則 理 生者 其 物 之 天 邪? · 生 四 始 充 不 肢 終,不在 在 而 物 道大 白 天 能 而 而 骸 而 理 擅 爲。 不 無外 在 寓 造 造 固 生 釋氏 其 化 釋氏 化 於 亦 中 知 之柄 ൬ 天 物 之 者 在 乃

程 子作 天 字 理 時 流 甚 行 敬 隨 ·, 日 處 : 充 只 滿 此 無 是 學。」 少 欠 缺 故

之 之德 自 乎 屬 大 理 氣 有 不 於 能 根 以 也 物之 生理已 、培之。 己。 天 乎天理,浩浩 栽 是 亦 以以 [X] 者 絶,故 猶物 若物之 保 根 則 佑 乎 之生氣 戕 眷 氣 天 賊 傾者 不 顧 因 其 仁 息 有 9 生 已 義 丽 以 猶物 則 絶 理 天之培 自 覆之。 與 山 故 絶 之 氣 盛 其 栽 不 養 之所 固 聖 相 故 而 有 根 連 天

於 以 覆 天之所爲,而實皆有以 亡 上者有 必至。 是以培之覆之,雖 自取之也 若 出

也。 静之合乎理者,即 如 易傳》 人之一 日 易 動 道 ,變易 也。 静 者,變易 也 ,變易以 也 從 而 道 動

少欲覺身 輕

心中無 一物,其大浩然無 涯

萬 亦 疽 之器,其不可 信之理,即 白 朋友,皆形而 臟、耳、目、 上之道也。 器 物,小 乎 骸 道之中,道 也,器亦道也 凡有形者皆形而 之 而 形 口、鼻、四 身,五 推之君臣、父子、夫婦、長幼、 見者 加 下之器也。 髪 E 不 皆形 之道 離 臟、耳、目 塵 肢、 乎 一,凡可見者皆形 也。 丽 器 百骸之理,即 下之器 之外。 上之道 其仁、義、禮、智、 以至大 口、鼻、 也。 故 然 而 日 四肢、 器 形 圃 天 地 五 道 即 下 加

周 : 「惟 天地萬物父母 惟 萬

> 母。 物 之 此 靈 言 理 亶 聰 分 明,作 殊, 元后, 西 銘》之原, 元后 作 疑 民 父 出

於此

在物之理也。 君 物之義也。 之仁,臣之敬,父之慈,子之孝之類, 先儒 「 在 於此處之,各得其宜,乃 物爲理,處物爲義」。● 處 皆 如

所 藏 緘 是 以 諸 藏諸 處 《易》 爲顯諸仁之本。 用 之妙。 用 顯 諸 之發見 Ĕ 「顯諸 仁 藏 是 二元亨, 諸 處,藏諸用是顯 仁,藏諸 用是 「利貞,誠 誠之通」, 用 ___ 諸 蓋 之 所 仁 顯 復 以 之 諸 機

不 可 見者。 可見者 顯諸 藏 仁,是藏諸 諸 用 是能 用 爲顯諸 之 所 爲, 一之機 乃 發 緘 見 而 而

顯 諸 仁, 似 隱 而 費; 藏 諸 用, 似 費

0 原文爲「爲」, 爲」,原作「惟」,沈本、王本作「爲」。 按《伊 川 易 傳

而隱。

外,以藏則在中。「仁」本在内,以顯則在外。「用」本在

之本 中 而 太 虚 極也 中 則 ·孚,「一體皆 無 實信之質」。 物, 中 實 則 中 實」,「< 有 無 理 物 丽 全 故 有 體 理 則 7 中 即 中 無 虚 虚 信 極

見 事 道 爲 分明 義 每 某 日 所 事 行 爲禮, 之事 某 必 事 體 爲 認 智。 某 事 庶幾 爲 仁,某 久 則

崇,未覩斯民康」之句,惕然有警於心云。吾居察院中,每念韋蘇州「自慚居處

事 歷 川 萬萬 者 見 大,天下莫能 自京 孔子 知 萬物 無 其味。 E 師至沅 盡 生生之盛 ,况敢恣肆 「不患」 余忝 六 載 無 語 清 七 不以遠 位,患所 要,日 千里,涉 於禮法之外 小, 天下 邇 夜思念 有 以 越名 異 <u>\\</u> 莫能 平 於 惟 Ш 所 破 謂 大 職 親

者,當有以默識之。

句 有 誦 余每 唐 余 作 人「此 不忘其規戒之厚 自 京 鄉 師 多 來 寶 湖 玉 南 慎 瀕 莫 行 厭 院 清 中僚 之 友

欲責 人,嘗念此 程子書「視 意 民 而 如 不 傷 ·敢忽。 一四字 於 座 側 余 每

口,又可治人。 爲政以法律爲師,亦名言也。既知

律

乎 能 時 熟觀 宜 凡國家禮 而 深考之,則 文 制度,法 有 以 酬 律 應 條 世 例 務 之 而 類 不 戾 皆

當,殊愧之。 爲官最宜安重,下所瞻仰,一發言不

茂 藏 物 其 之 勢 者多,故 奔 力 嘗觀 蓋 赴 薄 高 溪 Ц 峻 生物之力厚。 勢 谷 直 旦 環合輳者 高 合 截 者 輳 峻 口 直 氣 環 截, 散 元元 者 水亦然,灘 即 走 氣 即 難 生 至此蓄積 其中草 物 畜 聚 不 暢 石峻 故 木 茂 暢 生 句

容,作 成 於 無 聚 即 Ш 焉 所 水 寬緩深沉 水之間 蓄 急 事則安重 以 積 而 是 魚 必 亦可 而 者 不 驗 不 有 能容物,作事則 留 之人, 則所蓄必多,於物 以 力 • 進德矣。 而 淵潭 事 其 必 峭 深 成。 急 則 淺 輕 善學者 魚鱉之 露 易 無 者, 所 而 觀 寡 不 必

字 有 ,尚未消磨得 暴發者 氣直是 可 難 不勉 養。 盡,以是知克己最難 哉。 余克治用 二十年 力久矣, 治 而 忽

合當. 絡 也 地 夏 以 有 生,春夏秋 合當 其 健 條 青黄者變爲 若春夏者 色,萬 如 理 而 天地之間 此 不 合當是 之理矣。 也。 息,地之所以 古常然 冬之各有 若 如 赤白 發於秋冬, 物 天 以萬 此 各 不 有息 者是也。 ,赤白者變爲青黄 其 易,此花 有 物觀之,如 時, 理。 順 mj 而 地 秋冬者發於 青黄 有常 理者,其 不 木 大而 寧 合當 赤 白 花 皆 天 即 之 之 理 非 中 春 所 即 理 脉

> 也。 此 則 ൬ 存 非 大,天下莫能載,語小,天下莫能 之慈,子之孝,夫婦之别,皆合當如是之理 各有合當 非 以至 理之所以「無 花 不可易者,乃合當如是之理 凡此一有不 人之理矣。 木合當之理矣。 一身之所具,皆有降 之理。 物 盡 以 以 不 則 至君 人言之, 以 有 非人倫合當之理矣。 至昆蟲鳥 之仁,臣 無 時 自 衷秉 也。 不然」, 破」也。 一之敬 、默,莫 心之 彝 不 如 之 是 性 父 所

驗崖 泥,然 未 漾 蓋 沙 天 出穴時, 石始 地之初,陰陽之氣 觀崖 及 層復 凝 柔 石 其軟如泥 結 終 每 之 剛 層也 層 久 也 , 有 遂成 出 紋 盪 意 横 穴見風 堅 其 磨 界而 剛 初 而 必柔 成。 層 即硬,此 北 層 若水之 方 軟 相 如 石 炭 濕 口

則 至 剛 大 而六合,細 孟 則貫崖 子言浩然之氣「至 石 而一塵 而 草木生,透金鐵 無 大 非 至 此 剛 氣之充周。 三至 而

無害 見 出 之 則 氣 塞 天 即 地 天 地 貫 之 金 E 石 氣 也 至大至 能 剛 直 者 養 口 而

子孫誠 禮法 蒙 則 富 不 命 命 貴 IE 義 取 他 雖 构 不 、范文正 而 世之人不 人之子孫,富貴 積 取 日 義之 有 極,曷當有 不義之財,欲 金 之富 者, 富貴之命,今雖 如 財 又有 公諸 山 欲 貴 明諸 爲 將 亦 賴 悖 公, 咸以 子 自 此, 將 出 貧 於先世之遺財 孫 至。 蕩然 爲 一之禍 賤 往 計 子 無 往 莫 者 寒微致 使 不 孫 乎。 於 文 不 ,惑之甚矣。 其 能 計 錐 仕 各 無 保 之地 如 宦 有 位 乎。 富 宋之吕 矣。 殊 中 將 貴 定 以 不 昧 相 之 遺 之 况 知

贵 術 可 求 非 在 愚 者 人 富 之 貴 教 有 甚 利 之,善矣。 口 達 耶 求之道 在 天, 無 欲 미 誠 以 求 欲 不 之 厚 可 理; 求 其 者 子 厚之, 孫 學

余 在 長 沙 道 中, 偶 得 兩 旬 云 忽 悟 天

> 無 際 方知 道 不 窮

> > 六

性 凡 非 耳、 外 特 天 目 之物 地 耳、目、口、鼻、手、足、 日偶 萬 口 物 、鼻、手、足、 而 思 之 性 理,皆是 無 性 不在 非 特 動 也 具 静 動 於 之理 故 心者 静 之 日 天 理 皆 爲 一爲是, 是 是,凡 下 也。 無

實 之名 道 姓 會於言意之表。 也 也 理之名,則必 ,有是人之姓 也 中 夜 書之所謂 思 至 於 凡聖賢之 天 實實 0 某 地 名 有 道 萬 是 則 某 物 道 書 必 理 所 理之實。 實有是 所 猶 具 者 載 人之某 者 皆 學 道 皆 者 道 名 有 理 是 某 之 理

48

也 不 行 能 合 因 理 余每 寐 筆 録 則 思 夜 以自警。 恬 有 就 然 以 枕 安 更 9 必思 寢。 其 失。 或 日 有 又慮 所 不 行 始 之 勤 即 事 展 轉 怠 所

質。」 無 物 然已具 蓋 而 中孚傳》 中 有 也。 虚 理 者, 即即 日 無物 所 : 中 謂 也。 沖 虚 漠 信之本,中實信之 中實者,有 無 朕之中 - ,萬 理也

視富貴如浮雲。

森

魯齋 余莫測其爲 何 如 人, 但 想 其 大

而 己。

欲淡 則 心 清,心清 則 理見

Ħ. 經 四 書,皆 聖賢之言也。 由 其言

以 得 其心 ,則在人焉耳

之道 表者,章句之徒 也。 經書,形 滯於言 而 也 下之器 詞之間 也 而 0 不會於 其 理 形 言 詞之 而 E

所 知言者也。」 見。 程子曰:「求言 積累之久,涵泳之深,當别 必自近。 易於近者, 有 非

能 因 聖賢千 其言以 言 反 求諸身心,猛 萬語,皆説 人身 省 心 而 E 擺 脱 事。 盡 誠 私

元人有以

北有許衡,

南有

吴

澄

並

稱

累 則 身心皆 天理,而 大 可 知 矣

賊之甚矣。 少言語 嘗默念: ! 于 爲此 此而尚 七 不 尺 能 之 脩其身, 軀 費 却 可 聖 謂 賢 自 多

變,不可模擬 老莊 雖 翻 ,卒歸於自 騰 道 理, 私 愚 與與 弄一世, 〈釋氏 同 奇 詭 萬

爲 自 至正之心 物,極其智術爲巧免之計,其自私 之自然 私之心,遂 體,屈伸、消長、進退、存亡,一 老莊於道 聖人之所以 而不自私 乎。 鄙 理 溥 非無所見,但 爲聖人,以其公天 也 而 0 不爲是, 豈聖人大公 老莊必欲外 不 勝 也 其 天 地 由 甚 地萬 避 矣。 乎 萬 害 物 理

信而行之,是亦知之實有 程 至 ,則必信之篤 子所謂 莊子之言, 窺測 天道未盡者 雖 ,信之篤 日 形 容 ,則行 未 煮 道體 至 謂 也 然 之必至矣。 此 使知之 不 能 必

七

之,蓋 心 考其行 此 真 非 魯 知實踐 後 齋 評 學 在 其 所 後 者 出 敢 學 也 處 輕 固 ,則二公之實 議 不 能 然 窺 即 測 其 미 竊 書 見 求 矣。 思 其

之言 後, 胸 其教人有 次 灑 許 人而 曰:其質粹 圃 魯齋 落 有 序 已 其 厭 余 其 志 文 條理 誠 量 弊 其識 實 弘 從 仰 精密 毅, 先 高 慕 進之意。 ,其學純 又不 ,其規模 竊 不 爲 自 浮 其 廣 揆,妄爲 靡 朱子之 大, 行 無 益 其

説 怪後 杰 之法,潛心 藴 群賢之言議,而 至大,至精 寓 識 人之於朱子之書之意,尚 學者但當依 以 四 或 書 新 輒 名 至 體 集 逞 密 註 認 己 衒 章 折 而 發 見,妄有 新奇而掠 朱子 衷 旬 力行之,自 揮 》、《或問》,皆 以 先 精 義理之權 聖賢之心 思 疵 著述之功 熟 議 有 讀 不 或 能 所 循 勦 朱 序 遍 得。 殆 拾 至 子 觀 漸 成 萃 切 進 廣 而 餘

其不知量也。

經文、《 諸儒 反爲 《集註章 度既定,然後兼考諸 或 語 間 録 又或 所 几 **%** 集 書 帰 或 何 當 註 各 因 如 **≫**′ 使人將有 先 持 章 輯 人 以《集 或 所 句》 淺 釋 見 問 諸 深 未 **>** 書, 書 脯 間 註 既 望 通 發, 章 有 則 固 己 洋 而 句》爲 與 知 之 或 通 汎 多 朱子 所擇矣。 嘆。 觀 貫, 有 有 未 發 主,參之於 ·異者。 此則本義 在己之權 若經文、 明 定之論 處,但

又有形 誤。 神, 妙,是即 語 録 亦有 蓋精 日 余讀《集釋 : 圃 形 形 1 義 灑掃 而 而 者 人 上者 神,謂 上 應 : 》「灑 則 者。」 對 精 也 有 義 精 掃 竊 若謂 究 應 形 疑 神 事 對 而 此 爲 精 物 上者。 條下 語或 何 義 之 物 理 X 記 耶 神 載 精 人 者 朱 於 義 以 之 神

無 所 齋 係 累,真仕 召 之未嘗 止 不往 久 速 之氣氣 ,往則未嘗 象 也 不 辭

加

許

魯

齋

自

謂

學

孔

子。

觀

其

去

就

從

容

八

齋 微 之書 歟 學》、《 進, 詳 邵子 謹守二程之法,博學之功,又當兼考三子 而 善學孔 大學》之基本,註 於性 專 能 子以二程 義 不及三子, 自 是則 邪。 於《 然朱子於《太極圖》、《通書》,則尊 窺測。二程 灑掃應對,孝弟忠信之常, 中庸》序, 則主邵子。 孟 子 神之妙, 命、道德、 小學》、四 西銘 與 繼 者也 及朱 》,述孔 斯道 子 何 程之 **>**′ Ŀ 子又集《 邪? 惟 循 之 門教 嘗 一繼孔 則表 象數之微,有非後學造 釋四書,以發聖賢之 Œ 又贵 書爲脩己教人之法,不 傳 循 以二程子繼 統 觀 蒙 者 者,朱子 有序,人得 周 人之法,使皆 蓋三子各自 章《大學》、《中庸 孟之統 不 ×, 小學》之書,以 也 子 以進脩之序 則 加 述 也。 ௱ 一程子、 朱子 孟 張 不及三子 以 而 氏 爲 子。 至許 依 漸 由 ,作《大 之統, 張 及 此 乎 於 此 次 魯 周 而

> 魯齋也。 尚文辭,務敦實行。是則繼朱子之統者

但 未 吾 學 明 異端 既 而 欲 先觀之,鮮不陷溺其 明 知其得失,亦不可 雖 觀 其 書, 不 爲 中矣。 所 不 觀 其 荷

術 誦 習 文 解 老莊 不 Ė 有 之書 不覺者矣。 ,猶居齊齊言,居楚楚語 切不可 深溺。 若溺 · 發 其 於 説 ጢ

善者 其 上人序》,蓋學其法 而 法 用 之, 也 不 莊 子 取 所謂 其 好文法,學古文者多觀 詞 鈍 山 賊也。韓文公作《送 也。 加 不 若并取 用 其 一詞 其詞 之, 爲 此學 高 荷 己 閑 出 取

數者 者 存諸 不 有 雜 心 一雜焉 者 ,形諸文詞者 不 雜 ,其得爲真 , 見 於行 不 者 雜 徐 不雜 斯 乎。 謂 措

了, 言其. 明 道 先 氣 生 象 著 也 述 極少,先儒 後 人著述 謂 雖 其作 用 加 近

有 不 近 似 者 知 者 必 識 之。

外、 者,形 之政 仁 間 心、二 王 施 天 方 德 諸 義 霸 也 思得之。 0 禮智之 事 余少 政 誠 身,形於 諸 即 顯 程 事 僞之所以 遠 念、慮、身、心 達 征 知 子 義禮 之家 充 蓋 近、 所 伐 王 謂 周 妻 霸 者, 謂 名 智之德。 邦 之王者 之名, 子,達之家 不同 有 實, 則假 初 天 天 無 下 者 判 也 德 内 夫仁 而 者 敷 然 者 自 外、 無 E 不 是 ? 不 道 便 非人欲之私 國 義 知 隱 也 相 念 天 其 可 之名,其 顯 須矣。 即 語 下 實 謂 是 遠 慮 德 近 無 近 道 伯 内 此 推 之 非 H

特 有 王 之,豈足以 通 不 所 知 聖人 至 聖 續 即 未嘗 經 高 逃 亦 \forall 自 有 識者之 不 皆 自聖之心 自 以 置。 知 孔 鑑 爲 如 子 何 楊 自 , 如 雄 後 擬 人矣 之《 世 也 儒 法言 者, 自 子 非 未

聖人作經 皆 寫 其 身 心 之 實 耳 使 非

> 經 寫 矣。 其 身 心 之實 9 則 人 作 9 可 謂 之

甚,心 其 蓋 多 色 南 一欲 靖 明 黯 妙 難 少 理 然 州 余往 體 則 以 讀 謂 浩 **%**論語 明 年 語 氣 是 然若 人。 定, 發,遂書 在 朱文公。 中 心清 》,坐久 天 州 地 嘗 其 理 之 言 明, 假 告 夢 廣 寐 于 余 大。 幾 壁。 日 既 與 : 忽 覺 天 儒 思 地 少嗜欲 衣 神 日 前 同 冠 在 氣 其 語 湖

亂 無 欲 此 也, 心 莊 子 則 無 日 理 欲 . 嗜 無 其 欲 至矣 自 深 而 者 見 天 故 機 周 渗 子 蓋 嗜 欲 者 香

視 民 如 傷 常銘諸 心

深 以 刻 薄 爲 戒 每 事 當 從 忠

負 我 毋 我 負 此 言 當 留 心

昧 之言 坦 易 而 明 白 異 端之言 崎

無 形 而 有 理 所 謂 無 極 圃 太 極 有

晶

而

茫

氣 理 理 則 而 有 無 有 有 形 無 無爲 以 理 爲 所 氣 雖 謂 兩段,故 有 0 圃 太 老氏 以 形 極 無 日 謂 則 本 有 形 無 無 無 之 能 爲 理,生 此 生 純 有 形 以 有 則 雖 理言 形 無 無 之 圃

自而人。 有欲,則人得而中。惟無欲,則彼無 實賢之言,順之則吉,逆之則凶。

子 安 不 寂 則 也 不 日 舉人 · 加 必 在 「明 在 而 其「言 知 其 中夜忽思: 惟 心 其人倫之理 倫 寬 天 能 君 能 見 可 臣 而 下 明心 真 性 以 外 無性 知 無 」者, 父子、夫 之也。 容 見 心性體用 不 天下 外之物, 性乎? 周 一即性 彼 (),惟 徧 既 今既 無 婦 厚可 舉 ,實則外於倫 也 性 長 之全,審矣! 若 而 外 如 以 果 倫 幼 佛氏之學,有 之物, 性 此 載 八朋 無 明 加 物 則 心 不 外之矣, 偏於 前 友 在 見 理, 皆 性 空 物 無

不其信歟。

不 數 所 此 以 君 易》之旨 子 念諸 原 以 先 千 子 ,小人道 漢 道 於 載 傾 所 覆。」 葛武侯之言,曰:「親賢臣,遠小人, 讀 此 以 泰、 來 者。 而 與隆; 鳴 人道 足爲萬世之明戒 長、君 否 國家天 呼! 若武 挂 消 親 辭 子 侯之言, 贵 一内 下 小人,遠賢臣 道消」,爲否。 爲 之治 獨 漢室 君 亂 子 矣 可 内 一也哉! 興 而 謂 小人而 亡,未 ,此後 外 深 小 因 得 歷 漢 大 觀

天 之 體 性 蓋 通 ~, 而 一、知天 量乎 性 上。 無 即 盡 心 心工 理, 貫。 則 即 是 有 而 一夫,全 以 天 荷 天即 礙, 下之 知 不 盡 又 知 在 理之所從出 理 何 心工夫,全 性 一知 無 以 性」、「 知 不 極其 明 9 廣 則 在 知 而 天 大 此 知 能 無 理 心 知 知 不 窮

不怨天,不尤人,理當如是。

人之出 處, 當安於義命。 不安於義

命,●妄也

利達, 遂,徒自勞擾,秖見其不知命也 脩德行義之外,當一聽於天。 日夜思 慮 萬端, 圃 所 思慮者 若計 又未 必 較

安於所 所遇以爲其 安往而非 遇,在 事 此 , 2 事,安往 念彼則不能 則道 無 而非道,人臣 不安矣。 以道自 苟 當 不能 處, 即

八月陽消陰長 「博文」是明此理,「約禮」是行此理 臨卦當 十二月陽 爲戒,聖人之慮遠矣。 剛浸長之時,而以 來

年

爆可畏,蓋熱氣在 先儒 余在 沅 論雷霆之理 辰,令一小童燒栗,忽殼破,聲 内不得出,故奮裂而 蓋 如 此 有

者,理之大而 在 朱子釋「彌高」、「彌堅」曰「無 前」「在 不 後」 可限 日一 量。 無方體 無 方體者, 蓋 無 窮 理 盡 窮 之 盡

> 妙 而 無所不在。 其實 也

樞 始得其 環 中, 以應 無 窮」,莊 生 形

容道體之言也。

元來只一理,貫 徹 天 地萬 物,分之不

爲少,合之不爲多也。

無欲非道,入道自無欲始。

無一 物而外理者。

舉目 而物 存 ,物存而道在。 所謂 形

而

下、形而上者是也。 道本無名,姑以 萬 物 萬

行, 故强名之曰道耳。 事 必 由 是 以

有 吾身心可 以自覺矣。 讀書當因其言,以 也。 不然,則滯於言語,而 求其所言之實 不 理 能 於

是何足與言仁義也,③莊周 有之,其不

⁰ 於一, 原作 理」 四 庫 本及前後文義改。

臣」,王本作「惟

何」下,王本有「足」字。

恭莫大焉。

天以一故實,地以二故虚。

生於動,互根之謂也。動不生於動而生於静,静不生於動而生於静,静不生於静而

導友善不納,則當止。宜體此言。

不可因小人包承而易其志。

未合者,不可强言以鈎之。若然則近

於譎。

誠不能動人,當責諸己。「慎言其餘」,深有味。

章應物詩曰:「所願酌貪泉,心不爲磷

緇。」亦可以爲守身之戒。

理。」蓋· 實義 足以 長 得 知 張 必實 友。 子 人能仁 足以 日 知 如是 ,自足以治人,,信必 得君;禮 「當知天下 必實仁,自足 加 不得者,命也,亦何 必 實 或 以得 禮 家 一,自足 無皆 親 實信,自 以 義 非 必 之 事

> 即 至於不責人,則其學進矣。 懷責 八之有 ? 人之心,是豈 若在 己者皆不能 君子 之道哉 盡 一有 ? 不得, 故 學

「一故神」,太極也。「兩故化」,陰

陽也。

削剥落,剛不能勝柔,此亦可見。 水柔石剛,石爲水漸浸蕩薄之久,銷

不能感人,皆誠之未至。

太極一圈,中虛無物,蓋有此理而之能是之皆言之意。

無形也。

無極而太極,惟「無形而有理」一言

括盡。

楊子「四重」、「四輕」之説,吾有取焉。

學以静爲本。

常沉静則含蓄義理深,而應事有力。

少言沉默最妙。

厚重、静定、寬緩,進德之基。

無欲則所行自簡。

實

讀 朱 子 語 録 \forall 不若 讀《易 本 義 × ^ 兀

有 書 餘 集 註 力 則 章 參考《 句 或 録 問 》之類 》諸 手 可 筆 也 之書 爲 定

科舉之文 盛 而 理 明 者 間 有 之。 因 丽

將

晦 者 ,尤多矣。

欲 脩辭 以 立 誠 則 言 自 簡 是 何

也 ? 口 言 者 少 也

謀其 利 必 有 明其 事 道 焉 不 而 計 勿 其 IE. 功 心 之語 與 IE. 略 其 同 誼 但 不

董 子就 事 H 孟. 子 就 理 二二

虚 者 卦 爻六 位 皆 虚 隨 所 值 或 陽

或 陰 居 四 方、上 之。 下 遠 邇 内 外, 在 在 處

是

理

之充

塞

Mij

生物

之

機

未嘗息。

視

之雖

處

不

口

見,然沖

漠

無

朕

之

中

萬

象

森

然已

具,

所 謂 無 極 而 太 極 也

敬 則 中 虚 無 物

自 敬 則 人 敬之,自 慢 則人慢之。

> 不 行 加 至 此 神 之 妙 也

是 非 處 之 短,惟 難 處 者, 蓮 於 IE 自 不 脩 必 厲 愈 謙 色 愈 與 約 之 彼

自 服 涵 養 不服 深 則 者 怒 1,妄人 已 即 也 休 何 丽 校 心 不 爲 之

動 矣。

之德: 謂 過 客 於 止 耳 聲 色 何 臭 古 味 深 之樂, 溺 其 取 中 快 丽 須 害 臾 吾 真 固 所

惡 丽 嚴 自 脩 也 則 人 不 得 以 非 理 相 加 所 謂 不

哉

弱 微。 有 藩 加 春 秋 屏 mj 或 之間 秦矯 E 法 E 漢 室 未 莽 其 又 有 又 則有 翼 懲 失 得 戴 武 秦 而 奮 罷 尾 天 帝 失, 無 其 侯 大 子 下 烨 遂 置 不 ,未嘗 奸 者。 推 大 守 掉之勢, 恩之令,諸 ·, 又 封 魏 周 不 仍 司 之 以 善 漢 姓 封 孤 Mi 也 末 建 侯 至 V. 周 景 無 因 至 初 削 於 帝 助 以 則

先

中

也

至

一於當

語

加

語

語

爲

中。

則

小

事

可

知

丽

默爲

中

中

無定

體

乃所謂

時

中

也

幼

先

後

中

也。

我幼

長,我

後

坐

於

F

我

坐於

下

中

也

行一也,我長

0

人

口

宗 審 不 由 善之善 分 其 是 封 口 室 觀 勢 疎 大 之,法 者 之輕重以 遠 廣 也。 9 而 耐 骨 雖 不然,則 肉 善 得 救之,勿使 自 以 久必 戕 竊 積之久 有弊 其 夷 狄 或 开,要在 至於偏 因 至於偏 晉監 以 隨 甚 魏 亂 時 甚 華 而 以 則

時 中」是活法 丽 不死,「 死 法

則

面

不

我 與 尊 人 只 不 於於 等, 卑 舒 미 坐次 放 因 相對 我 卽 喜 坐於 當收 便 而 而 蹉 見 坐, 上 斂 過 一時 纔言 當當 中 中」之義 爲 也 坐於下 之事 語 我 便思簡 卑人尊, 中 坐 — 也。 也, 我

舉正 活 時 中」似「義」字。 ,自有大可慮者生乎其間矣。 執中」是

遂

李

難 勢到 七 八 分即 如 張 弓 然 過 滿

則

折

常 輕言 因 默 喜 輕動 最 圃 多言,覺 妙,己心 之人,不 既 氣 流 存 可 而 而 以 人自 志 與 亦爲 深計 敬 動

易怒者 小 聞 事 事 亦 然 易 不 喜 動 不

驚者

可

大事

則

大

事

可

知。

大事

不

自 脩 爲 要。

有 益 者 不爲, 無 益者爲之,所 以 苦 其

丽 不 見 成 功

勞

致 林 擁 甫 唐 不 兵 初 미 爲 年 邊 乘喜 固 久 將 寵 而 而 未 之 成藩 多言,不 有 計 久 鎮 杜 握 之勢。 絶 兵 可 邊將 乘 者 快 人 至 而 相 天 易 寶間 之 事 路

繼 須 要 有 包含 則 有 餘 意。 發 露 太

Ŧī.

應事接物,惟在時中。

之加沮。

之加沮。

人當自信自守。雖稱譽之,承奉之,

和而敬,敬而和,處衆之道。

不可因人曲爲承順,而遂與之合。惟

輕言則納侮。 以義相接,則可以與之合。

目寄り目今という

張文忠公曰:「左右非公故,勿自喜則自矜之心生。

與

予深體此言,吏卒輩不嚴而慄然也。

待下固當謙和,謙和而無節,反納其待吏卒輩,公事外不可與交一言。

自愛而畏。

侮。

所謂

「重異、吝」也。

惟

和

而

莊

一則人

慎行,慎作事,皆慎動也。

事 永終知做」是也。 `後或難收拾,則必有悔矣。 凡作事 ·謹其 始 不能 乃所 謹 以 始 慮 慮 其 終 終, 乘 快 所 作 謂

事纔入手便當思其發脱。

事已往,不追最妙。

所以行夫「理一」。「分殊」固在乎「理一」「理一」乃所以包乎「分殊」,「分殊」即

之中,而「理一」又豈離「分殊」之外哉。所以行夫「理一」。「分殊」固在乎「理一」

接下言貴簡,不可一語冗長。

言或妄發,所以有悔。惟心定則言必當發言須句句有着落方好,人於忙處,

理,而無妄發之失矣。

所謂「巧言令色、鮮矣仁」也。 只順理便有一毫取人之意,則言必諛,貌必諂,

事處置合宜,則浩然之氣自生矣。 人能於言動事爲之間不敢輕忽,而事

是道。

邪 是皆 氣 化 變 人事 者 何 之自 其 多 然 9 也 而 IE 者 《易》之陽 何 其 少

奇

陰偶亦

然

即精義入神之妙也。「灑掃應對」之所以然,「灑掃應對」亦然。「灑掃應對」之所以然,程子作字甚敬,曰「只此是學」。余謂

禮即天理之節文,精粗本末又豈二乎。 「灑掃應對」,雖小子事尊長之禮,然

言 此 至 吾 毋 聖賢 善 使 得 ,惡日消而 所言之善相 乎 無 讀 ? 言善處 書 有 毫 至 與 此 於善 聖賢言不善處,則必自省曰: 不 聖 善日 善乎? 賢 同 則 則 積矣。 馬 所言之不善 必 速 自 爲之, 如 省日 有不 此 必使 則 ·善則 讀 吾得 有 事 書 相 速改之, 事 不 無 似 與 未 焉。 聖 有

存主 流 處 費」是「隱」之流行 發生萬 體 用 物, 源 顯 費 也。 微 處。 無間 而 隱一 其 所以 如 是 陰 化 陽 五

之機不可見者,隱也。

常默可以見道。

活潑潑地,無物不有,無時不然,只是

生生之機。

德進則言自簡。

「脩詞以立誠」,則言不妄發

欲深,欲厚,欲莊,欲簡。

不惟養得德深,又養得氣完而夢寐亦安。 多言最使人心志流蕩而氣亦損,少言

神 然養德亦 氣 爲 常乘 多言所 自謹言始 快 不 損 覺 也。 多言,至夜 此雖 近 枕 於脩養之説 席 不安,蓋

疫癘 遏。 薄。 而 元 作矣。 氣 若冬暖 觀諸 養之深,則發之厚; 造 藏 化 既 元 氣露泄 古 可見窮 至 春 り則 則 冬大寒,天 春亦 發達 養之淺, 元 生物不盛 盛 地 則發之 而 閉塞, 不 而 口

矯輕警情,只當於心志言動上用力。

故爲 謂 謂 類。 不即授 離席 宜早 首惡之名乎。 巾 「爲人君父,不通《春秋》之義」者 微詞 當時 詞,卒致鍾 뫲 斷 必若 遜 太 之罪,固不 ,乃使營菟裘曰: 避之變。 當斷 ,而其事 秉史筆者皆其 重 祖 違 若 不 母 能 巫之及,其事正 斷,致晉 氏 昔魯隱 大 迹晦 可勝誅 之命 居 IE 昧不彰 「吾將 臣 公欲傳位 邸生疑 ,以天下 矣, 爲 子,義 宗社 加 於後世 老 宋 與 焉。」 而 之計, 所 · 傳 宋祖 祖 桓 有燈 「必蒙 子 公 乃 將 諱 所 相 丽 影 亦 口

加

不

矜,功大

一而

不伐

矣。

知天地萬物爲一體,則能愛矣。常充無欲害人之心。

行 文 順 其 中 理 子 無 則 心 事 安 則 同 「僮僕 而 順 體 不害 理矣。 適。 稱 IE 恩 ,異不傷物。」 口 政

者也 分 内 事。 一,如不得 經書所載 文中子曰:「我未見欲仁好義 知天地 斯 皆 天 間事皆吾分内事 無性者也。」此言近 地 間 事,天地 間 事 則 ௱ 理 皆 德 不 吾 得

去惡 德 行 爲 司 張子曰:「濯去舊見以來 舊習 五 ,求合於道,否則匪人矣。 年閏 加 須是盡去舊 至五更,忽念己德所以 惡 纏 未 繞 十二月初二日 盡 ,未能掉脱,故 當自 習,從新 今一刮 夜,余 新 爲 做 意,極有益 舊 善 不大進者,正 起,乃 在 習,一言 而 辰 善 州 有 未純 府分 進

安於故習則德不新。 德不進,病在意不誠,意誠則德進矣

所謂 本自然,非 行行 其 所無 人所能 事 也。 爲 有 也 所 作 順 其 自 而

然,則鑿矣。

則道必進。 「理一」,其實一而已矣。實有向道之心,「理一」所以統夫「分殊」,「分殊」所以分夫「理一」所以統夫「分殊」,「分殊」所以分夫「理一」,猶一大城子,無不包羅。其

以决取舍。斯無過舉矣。近看得處事有二法:知以别可否,義

處事便當揆之以義。

必誠、言必謹、動必慎。内外交脩之法也。當於心意言動上做工夫、心必操、意

若胸中無物,殊覺寬平快樂。

一念之非,即遏之。一動之妄,即

改之。

心虚有内外合一之氣象。

公則人己不隔,私則一膜之外便爲

胡越。

發奮誠心要做好人,一切舊習定須

截斷。

如此。
古人功名不立,有憂「老之將至」,誠心

皆掃去,以全吾湛然之性。 萬起萬滅之私,亂吾心久矣,今當悉

之,亦可驗已意與物同也。 見枯樹則心不悦,見生榮之花木則愛

静中有無限妙理皆見。

俯仰天地無窮,知斯道之大,覺四海

爲小矣。

不篤。今欲學道,又怕既學道爲道理拘因思:學不進,大病在見理不明,信道

道,又 是 必 則必使外物之樂,不得以奪是道之樂。 知外 而 與 學,其有不進者乎? 見説 自 物之樂,不 家身心上受用外物 此 是 箇 如 好 是 道 道之樂。 理 相妨。 若見 信 理明 欲 道 不 則

重,使不至於一偏,則無患矣。 勢不內重外輕,則內輕外重,權其輕

事或不可 諾,不可則無諾。 曰:「信近於義,言可復也。」意蓋 凡與人言,即當思其 行, 則 必不 若不思可 能 踐 事之可否。 厥言矣。 否而 如 輕喏之, 此 有子 口 則

誤 ? 甚多 疑。 録》、《 ,發手筆之未發者 0 朱子《語録》、《雜論》,散見於諸 雜 况傳寫之久乎。 語 論 時門人從傍記 録 不 若 雜 讀 論》中 則 朱子 嘗 不 [竊謂 録 可不考也 手筆 有 讀朱子《 之 無 理 書 一二之 書者 確 爲 無 明

> 其 也 實 夫子川 盈天 「左之左之,右之右之」,無 地 流之嘆,亦舉 間 , 無 物 前 端 非 道 以 示 體 非 人。 之 此 所 寓

識得誠不知手之舞之,足之蹈之。

混然,則内外一致,物我無間也。《西銘》曰:「予兹藐焉,乃混然中處。」

之無物不入。
心大則如天之無物不包,心小則如

天

心,但有理氣之別。 《西銘》「混」字、「塞」字、「帥」字,皆

斯須苟且,即非敬矣。

仁則不間斷,間斷則非仁矣。

隔,只 故 不 能愛矣。❶ 欣 仁只 戚 知 相 有 是 弱 己 此 而 不 心之理 能 知 愛。 有 物,欣 與與 纔 不 萬 貫 戚 物 通,便 不 都 相關 相 貫 通 而

子思姑舉鳶、魚二物,示人以道體

耳

^{■ 「}矣」下,鄭本、沈本有「然貫通非仁,其貫通之理,仁

敬,則都是一片公正的心。不敬,則

無限私竊的心生矣。

言,可乎? 常人之言,猶有可信者。不信聖人之

之,欲見其齊耳。「參伍以變」,只是以不齊之數互考

讀《西銘》,不敢慢一人,輕一物。

讀《西銘》,着不得一毫私意。

讀《西銘》,有天下爲一家,中國爲

人之氣象。

讀《西銘》,知天地萬物爲一體

《西銘》,立心可以語王道。

讀《西銘》,則知小智自私,誠可耻也。

所見既明,當自信。不可因人所説如

何,而易吾之自信。

君子取人之德義,小人取人之勢利

疑人輕已者,皆内不足。

者矣。而不能體其心以爲心,可謂自棄型賢欲人皆善之心,讀其書親若見

將易吾言矣。 不可强語人以不及,非惟不能人,彼

楊子謂善惡混,先儒固已辯其非矣。唐韓自孔孟後,皆不識性。荀子謂性惡,

■「爾」原無。鄭本、沈本、王本有、《二程遺書》有,據

② 「西銘」上,陳本有「讀」字。

後,論性惟 移」之意,兼 見三品之説。 怒、哀、惧、愛、惡、欲 可 氣」字,而 原 同年 性 **>>** 前 以 韓子爲精粹,又豈荀、 意 語 仁、義、禮 氣 已 哉 質 蓋孔子「唯 在 而 其 言也, 論 中 矣。 情 知 是 上 信 獨 智 雖 竊 於 論 謂 楊 不 與 性 性 明 下 偏 自 情 以 愚 駁 孟. 推 爲 者 子 出 有

所以 知道 只 是 『於乎不 命 加加 於於 秦德。」子思《中 子《詩集 數字 乎 爲文也,純 孔子讀《 穆 不下帶而 故有物 顯 不已」。 轉换 文王 《傳》蓋 蒸民》之詩 调 道 必 亦 得 之德之純 蓋 庸》引《詩》曰:「『維天之 存焉」,此道 有 而 不 此 義 則,民之秉 已。」凡 法 自 天之所 矣。 日 見 0 聖賢 未嘗 爲 不 蓋 以 彝 此 可 日 爲 |費 説《詩》, 也,故 詩 離 文王之 天 詞 者 也 也 也 好 其

機在心,當慎所發,發不以正,甚

害

事

愈日新,愈日高。

篤志此道,使天下之物不能尚,其庶

匹夫之志,未必皆出於正,而有進乎。

奪

况君子之志

於道

孰

得

而

奪

之哉

猶

不

口

此 彼 有 重 重 外 日 物 勢無 重 爲 矣 一,彼 學之士 故 道 兩 日 義 重之理 輕 常常 重 積 使 則 ,此 久 外 外 唯 物 物 重 見 不 輕 則 道 能 道義 彼 義 勝 輕 其道 輕 而 不 此 則 復 輕 外 則 物 則 知

不 其 而 戒 書 不 哉 行 行 因 思 其 其 道 道 千古聖 也 即 先 荷 儒 徒 賢 所 垂 資 謂 訓 爲 買 炳 櫝 耳 明 一、蓋欲 還 文 珠 詞 也, 之 用 讀 口

也 不 讀 藐 · 而 舍小學、 乎 先讀 Ì 吾 四 他 知 書、 書 其 五 猶 小 經 悪 矣 覩 宋 諸 泰 Ш 儒 性 而 喜 理 之 丘 書 垤

論

道

多

兼

理

氣

而

言

如

所

謂

_

而言也。 陰一陽之謂道,形而上下之語,皆兼理氣

極也。 《太極圖》上面大圈外別有一圈爲太子在陰陽中,見其不離。在上,見其不雜。

太極」,則純以理言,至「動 者之謂器」,皆兼理氣 之謂道」,又曰「形而上者之謂道, 則兼以氣言矣。 孔子曰「易有太極」,又曰 而言。 而 生陽, 周子 陰 形 無 静 圃 極 而 陽 生 而 下

周子之意矣。

無形象耳。後人將作虚

無之「無」看,則失

無極」立言,本欲明此

理之

無

方所,

65

讀書録卷之一

有理 者 之中, 而 而 知 有 生陽,静而生陰」, ,則有無合一。● 「無」者,太極之無形,「 至 周子「無 孔子所謂「易有太極」者,言陰 而有至 極之理, 極 極 之 則 丽 理 專 太 則 極 以 是就氣中指 亦 理言。 兼以 言雖 有」者,太極之 氣言矣。 至「太極 無 形之中 理 陽 以示 變易 學 動

合天則,則道不外是矣。 動静、語默、應事、接物之間,于此事事皆 工夫切要在夙夜、飲食、男女、衣服、

天氣 意 黯慘。 晴 陽 明 明 亦 者,善 則心意舒暢,見天 미 以 也 驗好 陰濁 善惡惡之一端。 者,惡 氣 陰 也。 晦 人見 則 心

「吉凶者,貞勝者也。」治亂興衰,相尋

無端,氣化之自然也。

四

來 中 也 生出來,以至於成形 ,幾微易簡 凡大小有形之物,皆自 其至也,廣大堅固 加 著。 理 張 氣 子 至 微 至 其 妙

元無虧欠,元無止息。

正。一念之差,心即放。纔覺其差,而心念慮一毫雜妄,即非仁,便當克去。

66

即

水清 斯 心 須 存則理見,心 心 則見 毫毛 在 而 動 ,心 放則 清 即 妄矣。 則 理 與 見 我 天 理。 相忘矣。

科目進身者,有一第之後,四書本經不知一言之可用,誠所謂侮聖人之言也。

習舉業

者

借

經書之文以

徼

利

達

而

❶ 「一」下,鄭本、沈本有「矣」字。

悉置而不觀,則身心事業從可知矣。

人倫明則禮樂興。

樂之本, 信,所謂 慈、子孝、兄 所 興哉? 兄 謂 弟 序 夫 禮 只是 也,序 婦、 人倫 和也,和則樂生 朋 序 友、弟恭、夫義、妻聽 則禮立矣。 不 ,樂只是和。 友,各得其分而不 序 不 和 一焉。 , 則 君仁、臣 如君 禮 是則人倫禮 樂 0 臣、 相 何 朋 敬、父 父子、 侵 友 有 而

非 而 禮矣。 非樂矣。 人有斯須之不敬, 有 故曰 斯 須 「禮樂」 之不 和, 不可斯須去身」。 則 怠慢之心生,❷ 則 乖戾之心生, 而

皆有用

矣。

反

覆

考

驗

其

理

9

則

知

聖

一賢

之書

字一

句

矣,禮何自而立哉?也。仁者,天理也。人而不仁,則天理亡也。仁者,天理也。人而不仁,則天理亡禮者,因天理之自然而品節之以爲制

看得一 得下 落方有 讀書記 「尋思」二字最 益 得 句便尋 先 儒 好 , 調 如聖賢 讀 句之 只 怕 理 句言語 尋 ,務要見 思,近 便

> 上 反 言一語皆是實 覆尋思在吾身心上 ,何者爲是, 使聖賢言 理 而 非 一,何者爲 空言矣。 語皆 I 有着 是,在 萬 則 知 物

用。 絶影 或 句 竊 皆當思其作爲 謂 七 年之 唯 滅 讀 爲 程子謂: 精 書 學 亦不 心尋 不 類 亦 . 尋 然, 皆 知聖 春月 思 思 當 凡 如 體 賢 三年 如 思 讀 何 貼 所 其 迅 乃 聖 向 有 言 賢 作 風 一世,大國五 身 益 爲 爲 飛 書,於其 心 也。 何 鳥 如 之 事 事 何 ,物上 ,要作 過 乃 年,小 前 有益 字一

商 窺 測 之後、皆統承先王、脩其禮物、作賔 天道, 天於善惡 便 謂 必 茫 有 昧差爽 其報 但 圃 人 不 以 口 信。 淺 近 于 之 如 見 夏

- 「妻」,鄭本、沈本作「婦」。
- 「怠」,鄭本、沈本作「暴」。

矣乎。 皆素 爵,皆 遂以 以 家 德大功于民,能 時,皆不數傳 來,以及五 雖 無功德於 絶饗。 與時 改 姓 王 易 則天於善惡之報,豈不明甚 胡 匹 物 天下 7、南北 休而 , , 如 而子孫 而宗廟血 是 ,徒以狙詐 不泯 乎? 朝 無容足之地 楊堅、五代之世 食,0 因 非 是 其先 兵力,竊 以 子 觀 世 孫 朝祀 魏 有 之 命 晉 封

一不可見,而五則因發見者可默識也。人性,分而言之有五,合而言之則一。

聒之。 「咸其輔頰舌」,人未信,不可强以言

人處 先儒 則動心忍性 日 「他山之石 ,增脩豫防, 口 以 而 攻 德 玉 乃 一。」與 進。 小

合,不可急與之合。聞人毀己而怒,則譽人未己知,不可急求其知。人未己

己者至矣。

惡 果 自喜之心。 則 有惡即當去其惡 加 人譽己, 勉 焉 口 無善則 果有 也 善但當持其善,不可有 增脩 ,不可有惡聞之意。 焉 口 也。 人毀己, 無

聞人毁己即怫然怒,是水不可磯也,❷

其小也固矣。

鳴也。譬以寸莛而撞千石之鐘,固不能使之包。譬以寸莛而撞千石之鐘,固不能使之刻子「犯而不校」,乃其量大無所不

唯 立 主 卓 敬 爾。 易揺 程子 中 ,則定而 庸不可能」,猶顔 Ħ 雖欲從之,末由 而難定,易昏 "「克己最難。」 誠哉斯言也 明 而 也已」之意 難 子所謂「如 明者,人心 有 也。 所

●「廟」下,鄭本有「之」字。

荀子性惡之論,先儒固

已

辯其非。

然

② 「水」下,鄭本有「之」字。

尊二帝、 之徒爲近醇,韓子所以取之者,以是歟 律之,固 而王 一、駁而 極 三王之法, 「偏駁。 霸」之語 在 屢 戰 舉 則甚當。 或 以 時言之, 爲言 其他 視 以 縦 聖 猶 横 學 知

治 思 者又何等 時,有若孟子、子思尚 功也難矣。 則是以二子爲 知莫先於知 人邪? 人。 既 非 無 不爲 賢 荀子不取 也。 知人之明,而欲 所 取 使 則 其 孟 見用 其 子、 所 成 於 取

盡,天理渾全。則顏氏之樂可識矣。 仰不愧,俯不怍,心廣體胖。人欲净

猶 下之物 樂 不樂也。 雖 口 富 不 知矣。 累千 足以 顔 子雖 金 動 其 丽 簞 中 心 瓢 爲 俯 陃 物 仰無愧 巷之窶 役 寒冰 前 胸 焦 次 舉天 火, 灑

> 私 其 之樂邪 遂、欲無 ,日夜汲汲無須臾寧息,是曷嘗有泰然 心察之,彼方愈富 嘗驗之天下之人,雖 不得,自 他人觀 愈 之,不 不足,計較 至富者 · 啻足 求無 得失之 矣。 自 不

所樂。 實 山之高 親至其處, 樂之實 未見其高之實 實嘗用 前 也。 不 然,但得 方知其所以 未嘗親 譬之泰山 力於顔 也 至 其樂之之名, 子之學,則能 其 ,人皆知其高,❷ 處 高。 則 若聽 亦臆 人傳 知 M 想 未 顔 而 説 然必 知 子 泰 其 之

- 「以」上,鄭本有「其」字。
- 「皆知」、鄭本、沈本作「莫不知」。

. L

天 下 同 歸 而殊途,一致 加 百慮」,

以 貫之。

天 地 萬物爲 須知己 與物皆從陰陽造化中來,則 體矣。 知

孟 孟 子。 子曰 天之生物也一本。 知《易》者

處 事 不可令人喜,亦不可令人怒。

子之所謂「貫」,即各具之太極也 夫子所謂「一」,即統體之太極也,夫

之,一 合 萬 者,所以分夫統體者,似分矣,而未嘗 夫各具者,似合矣,而 也。 物 統體 太極即 物各具一太極 一太 理 也。 極也。 。 合天地萬物之理言之, 也。 就 未嘗不分也。 天 統體者,所 地萬物之 以 理言 各 具 涵

無 具 所 不有 太極 也 所 中,陰陽、五 無極」 謂 沖 是虚字,正 漠 無朕 行、男女、萬 之中, 以 無聲 萬 物 之 無臭 森 然 理

> 明 太 極之無形 耳。

天 地 萬 物 惟 「性」之一字括

之。 足以造 玄遠之旨。 蓋義 思 其 無 藴 理 疆」,爲學思索義 《易》曰:「惟深也,故能 一深遠 惟 思慮 無 窮 無 荷 疆 思慮 ,則可以得 理者當 淺 近,則 通 深體 天 高 不 深

萬理之名雖多,不過一「性」。

性」之一言,足以該衆 理。

理矣。 而 言。 旁通 朱子謂《孟子》七篇,皆不能 之, 竊意豈獨《孟子》七篇哉,學者默 則雖諸經之所言,皆不外於是 外性 善之 識

疆 秉心 思無斁」, 塞淵」, 可 以 可以爲積德之要, 爲 進學之要。 一思無

思無邪」,乃誠身之要。

聖賢之書 神 丽 明之在乎人。

凡讀書必虚 心定氣,緩聲以 誦 之, 則

之,真村學小兒 口 以 趣之所在邪。 密 察其意。 讀 誦 若 心 聞 高 雜 氣 又豈 粗 急 聲 能 以 識 其 誦

讀 書當出己之口,望人己之耳。

中,而 味 之,所謂 者也,焉足 山 得 視 惟 而 其 寧静、 不見 妙。 以得其 聽 若躁擾、褊急、粗 寬 (妙乎 徐、縝密, 而不聞,食而 則 心 不 略 知 以 其 其 求

念書而 心 他 馳,難乎有得矣。

惟敬足以 神明 其 德

由 於此 耳、目、 陰符經》所謂「三要」也 口 ,天下之善由 於此,而惡亦

主 各安其分而天下平矣。 ,則氣象清明。 二三,則昏昧

白 趙普之謀 年塗 宋太祖取天下,與五代無異。 炭 ,收宿將之柄 之生民 置諸袵席之上, 削藩鎮之勢, 然能 其 挈 功 數 用

> 宋祖取天下之失,安天下之功,不 相

揜焉 可也

陰一 陽之謂道」。 《易》 日 「形而上 道者何? 者謂之道」,又曰 太極是也。

盡讀古今天下之書,猶無益 讀 書不體 貼向自家身心上做工 也。 夫,

趙普,功之首,罪之魁。

自家 箇身心尚不能 整 理, 更 論 甚

政治 Ţ

治空疎,作事 後人開 П 無 論 本, 天 果能 下事 有成乎? 一,若 指 諸 掌, 然 自

將 聖賢 語 作一 場話 説, 學 者 之

通 患。

當用 媪宜 之以時,大不宜久留於家,與 踈 當官不接異 絶。 至於 匠 色人最好, 藝之人,雖 不 <u>i</u> 不 口 巫祝 之親狎, 缺,亦 尼

- 聞 鄭本、沈本、陳本作「闘」。
- 當」下, 鄭本、沈 本

九

媒進 節 非,遂 爲相 接,亦 ,亦清心省事之一助。 能 變 ·爲 因 有 易 與之 相業之玷。 本 一琴工董庭 聽 非 聞 儒 欵 者 洽 簸 1,或假 弄 即 闡 若此之類, 是 墮 出 文辭,或 非。 其 人門下, 術 儒 中。 能 士 假 審 如 固 依 字 察 倚 房 當 畫 爲 踈 琯 以 禮

稍勤 知之。 此 口 雖 有 小事 心不可有 下人即有 毫之偏 余嘗 以此 使一 白 一毫之偏向,有則人必 知當官者當正大明白 趨 走卒, 重之意, 見其 余 頗 遂 敏 逐 捷 去之。 使之 窺 而

清心省事,居官守身之要。

耳。 如 耳 余 申公曰: 謂 爲 學 爲治 不 在 不在多言,顧 多言, 亦 顧 力 力 行 何 如 何

皆實理也,聖賢豈欺我哉。讀書體貼到自己身心上方有味。

曰:「至于太王」,「實始

剪

商

之所 祥、熊 若如其 通 與「三以天下讓」之言相合,《通考》中金 朱子《論 矣。 由 禾 説 始 皆力 語 耳, 則 集 辯詩 註 泰伯 太 E 用 實 三以 人之言,謂 舊 未 説 天下 始 最 有 是, 讓 剪 姑 唯 之言 商 取 如 之志 其 此 爲 王 迹 履 不 則

泰伯 言爲有自 三以 夫子 既 天 下 太 稱 讓 王 泰 伯 果 三以 無 剪 天下 商之志 讓, 則 則 必 詩 不 人 之 稱

合處。 只泰伯之逃,便見與太王之志有不

勢,周 以國 使太王 讓 足矣,何至稱其三以 國 無 耳。 剪 商 泰伯之去,夫 之志,❸天 下 天下 子 無 當 歸 讓 稱 周 邪 之 其

名琴師

據改。

^{1 「}董」,原作「黄」,按:董庭蘭爲唐開元、天寶時期著

③ 「太」,原作「泰」,據鄭本、沈本改。

爲

欲

論 以 夫子之言證詩人之語 ,而《通考》金、熊之説 有 則《集註》尤爲 不 然矣。 確

之,遂逃去。 讓 其 何 張大之詞 心之微矣,故欲 周之子孫又多賢聖,太王亦已逆知天命 」之語觀之,則當時天下蓋有歸周之漸 固 金氏 美。 ,則太王欲傳季歷以及昌之意 、熊氏 但 若 以 辨太 如 傳位 夫子 金 E 氏 季 稱 事,所以 之説 歷 泰 以 伯「三以天下 ,詩人皆 及昌, 爲名教慮 泰 假 伯 設 又 知

始 剪 商」,皆相 《書》言太王「 合 肇基 王迹」、《詩》言 實

生天生 地 ,神鬼神帝,太極 也

服 病。 藥,則 學力 頃 刻 舊病復作。 動 學力 未 氣 能 勝 不 多 至 舊 習, ,則舊習 爲 力勝 理 IE 如 藥 仍 則 氣 力未 在 無此 動 能 病 矣。 日 除 不 舊

> 不 可 以 色 詞 説 其

求

民

IП

不

已

者

東

野

稷之御

乎。

0

得其宜 器也; 是, 所 事 則有是 事 致 也 男女之類,皆人事 也 而 謂 能 學上 默 , 理 則 達天 盡 E 識 程 ,有是器 天 達 事之之道,則 子 天 達 理也。 理,形 ,所謂 理耳 也 如 則 事 以 意在言表」者, 而上之道 下學人 有是道 君 至視、 也,于是 仁義之理不 事 親 事 聽、言、 精粗 也。 而處之,各 事長,皆 在 本 有 而 動、 外 末 是 下 人 因 無 之 事 飲

有 乎 非 人皆 言 欲 知 語 知 夫 所 子 夫 能 子爲 所 及 以 也 聖, 聖, 丽 故 則 不知 日 默 契 夫子 「知 化育之妙, 我者其 所 以 爲

洗心退藏于密」,以約失之者鮮矣。

0 鄭本、 沈本、王本作「畢」。

循理則事自簡

一籄。」則前功盡棄。故曰:「爲山九仞,功虧則前功盡棄。故曰:「爲山九仞,功虧雖數十年務學之功,苟有一日之間,

間,則人欲長而天理微矣。 則天理常存,而人欲消熄。苟有一息之則天理常存,而人欲消熄。苟有一息之

害 讀 愈多 之書,務以聞見該博取 也。 書 而 非 不察理之有無,而泛讀一切 心愈窒,志愈荒 徒 無 益, 是又 適 而識 勝於 所 愈昏矣。 以爲心 吾知 不 經 術之 其 如 駁 記 此 雜

自有文籍以來,汗牛充棟之書日益學至於心中無一物,則有得矣。

多,要當擇其是而去其非可也。

《詩》困於小序之牽强,晦於諸家之鄭聲亂雅樂,雜書亂聖經。

鑿,●至朱子《集傳》,一洗相沿之陋

習,洞

民立。 開千古之光明,真所謂豁雲霧而覩青

天也。

善臣。 「人生而静」以上不容説,繼之者

日命,日性,日誠,日道,日理,日太

一念不謹,即作狂之端兆,一極,一也。

即作聖之端兆。充其極,則堯、桀分矣。

念能

類,要當各隨 其義而知所 性、命、道、德、誠、善、忠、恕、一貫、太極之 於聖賢 以 言 其旨 同 理處, 也。 加 知所以 若 天 理,若人心,若 異,又當旁通

鳥雀巢茂林,蛟龍潛深淵,聖人洗心,

退藏于密。

謹矣。 言不謹者,心不存也。心存則言

「家」、鄭本、沈本作「儒」。

謹言乃爲學第一工夫,言不謹而能存

心者,鮮矣。

董宗之为大良。 立誠,皆不能謹言也。能謹言,斯能立誠。 《文言》曰:脩辭以立其誠。爲學不能

謹言之功大矣。

語妄發即有悔,可不慎哉。

安定 好 《孟子》與 勿 是知謹 興 失 也 辭之訓 戎之訓 易》有脩 言 凡 乃 脩 聖賢之書,謹言之訓 、《銅人》有三緘之誠、《 ,●《春秋》有食言之譏、《禮》 辭 德之切要,所當服 文 誠 之訓,《 書》有 膺 尤 其 論語 多。 惟 訓 口 以 有 出 뻬

不 正 其 性 即 余於 然 不樂, 坐立方向、器 必正 ௱ 後 用安頓 非 作 之類,稍 意爲之, 有

公則一、私則殊。

正則大,邪則小。

衆人非不視也,而聖人則異乎衆人之

之視 聽。 視 明 睿 9 衆人非 知 聽 蓋 則 衆 冠群 獨 不 之 得 聽 視 倫也 其 也 聽 所 歟 以 徒 而 聖人則異乎衆 爲 得 形 其 聲。 形 聲 此 聖人 而 聖人 人 聰 之

謂 神 則 歟 在 兀 方八 心。 面之聲無不 不 ·行而 至, 不疾 闡 者, 而 竅 速,心之 雖 在 耳,

盡矣。《陰符經》曰:觀天之道,執天之行,利貞。《陰符經》曰:觀天之道,執天之行,

其 之所 與 周 也。 言 四 萬 凶矣。 物 時合其 聖人體道 以 天地之所以大,日 運 與 日月合其明矣。 鬼 序矣。 天地也 神之所 無 一,日月也,四 屈 與天地合其德矣。 以 伸 月之所以明,四 靈 以 ,是皆理 IE 動静 則 一時也 與鬼神合 以 之自 鬼神 時, 然 時 則 知

■「訓」下,鄭本有「詩有白圭之訓」句。

天且 然 無 加 意之所爲,與天 然 也 天 聖 八弗違 致,夫豈 息之 致 不 此聖人之所以 違 也 差繆。 也」。 形 形 以 則人 有 聖人之心 雖 天 無毫忽之差爽,所謂 所 與 有 毫强合之私 理 謂 爲 鬼 異 所在 「後 聖人也歟 神 而 即 之不 道 天而 ,聖人率 夫 則 地 違 無 奉 哉。 之 間 者 天 圃 從 時 惟 是 先 循之, 可 也 聖 其 皆 天 知 自 自

荷

也。 從心所欲 上律天 時,「後 不 踰 天 矩 而奉天時」 」、「先天而 也 天 弗 違

意終日 包五 粗 具,道器 行、男女、萬 の、太三 合 「易 此 極 卷 有太極, 第 盡 F 之。 物。 以 卷 包 の之謂 故朱子 無 「ゆ」、太極 極 也。」 而 於 太 解 道 極 剥 陰 器 下 陽 圖 皆

造 化 以示 周 爲 學 子 作《 於應 人 太 事 極 接 圖 物物 處 乃 尤 心 當 得 詳 之妙 審 每 畫 日 出

> 不 廣 間 矣。 大 事 小 事 處 置 悉 使 合宜 , 積 久 則 業

四

矣。 事 言 不 動 口 舉止 荷。 先 至 微 儒 至 謂 粗 之 事 事 皆 荷 當 其 合 餘 理

之。 否。 謂「三要」。 即 當 思 邪焉,非焉,否焉, IE. 目 其 焉 欲 、是與 視 是 焉, 即 非。 當 可 思 口 焉 其 欲 則 邪 則 言 勿以 與 視 即 正。 之, 止 之。 思其 聽 耳 之, 欲 此 可 聽 與

善者 觀太極 ,皆陰陽雜糅 中 無 之柤 物 滓 則 也 性 善 可 知 有 不

也 以 生 陽 不 雜者 , 静 氣 無 質 極 而 之性以 而 言之,故 生陰,氣 太 極 天 不 離 質 地 者 無 之 之 言之,故 性 極 性 也。 而 也 太 極」, 天 太 日 地 極 之 動 是 極 性 而

0 原行「不」字、今據《易傳 文言》删

陰陽 極 太 動 圃 極 而 太 生 即 極 陽 天地之性,氣質之性,一而二,二 陰 0 静 陽 太 中 而 極 生 之太 雖不雜 陰一, 極 **(**) 一、陰陽 乎陰陽,亦 是 也 中 太 然 不 極 無 離 即 極 平 而 無 而

而 無 惡。 無 極 及 而 動 太 而 極,氣未 生 陽 用 静 而 事,故純 生陰 則 粹 至 惡 善

雨

露,天氣也

得

地

氣

則成形矣。

者

也

得 否。 明 則 其 當矣 惟 見 不 事 能 理 貴 辨 明 别 乎 心 公, 是 理 非 明, 則 9 處 心 於 事貴 不公則 事 無 乎心公。 所疑 不 能裁 惑 圃 度 理 處 不 口口

於形 生於暑 静 生 於 而 生 亂 暑不 細 於 堅 看 而 動 生 古 生 動 萬 於 於 不 物 治。 治 生 暑 不 於 而 自 盛 生 動 生 沖 衰 於 於 而 漠 相 治 生於 寒,寒不 無 根 丽 之理,微 朕 生於 静 之微,以 静 生 亂 於 不 矣。 亂 生 寒 於 不 而

> 天, 而 爲石 乃氣之精英耳,及隕 地之氣 相感 而 物 於 乃 地,得 成 形 地 氣 如 星 遂 凝 在

纔資 天之氣一 始 即 着 資 地 生 一,無纖 之氣 毫之間 即 成 形 也 0 如 霜

成形 Ш 高 而 一則氣愈清 雨 之極高 也 雨 以 露 此 霜 處, 知 雪, 而 日 酮 色 不 近 露 晴 能 地 霜雪之類,皆 凝聚。 霽 方 有形。 俯 視 嘗 Щ 在湖南 若 得 下 太 則 地 雲 虚 氣 合 登 至 ௱

端,其來遠矣。觀陰陽互根之微,則知治亂盛衰之

有意悦人,便失其本心。

纔敬,便柤滓融化,而不勝其大。不

也。纔有間,即非道矣。 人外無道,道外無人,見天人之合敬,則鄙吝即萌,而不勝其小矣。

動 爲静根,故父生長 女而 爲姤, 静 爲

動 根 ,故母孕長男而 爲 復。

之枯落者,皆煨燼糟粕 造化 一歲一番新,往 也 一者既 過 一,則 草 木

萬 物 之始 終, 雖 有 遲 速 不 同 , 其 理

皆然

不出 其位 非 力所 及 而 思者, 妄也。 故 君子 思

之止 孝,父之止慈,君之止仁,臣之止敬,兄之 止 於事物當然之則,「則」即至善之所在。 止 止 德, ,則定、静、安、慮、得,相 友,弟之止恭之類皆是。 重之類皆是。 知止」所包者 目之止 明,耳 廣,就身言之,如心之 之止聰,手之止恭, 就物言之,如子之止 次 而 蓋「止」者,止 見 矣。 知

措

所

不能

「知止」,則耳

自

無

所

加

手足

無

知止 即智者不惑之事

> 知止」則萬 理明 而 心自定矣。

不能「 知 止,猶 迷 方之人,心 揺 而

莫知所之也

知止」則能素其位而行, 不 願 乎其

外矣。

萬 物不 能 礙天之大,萬 不 能 礙 1/2

知止」則動静各當乎

理。

之虚

 \wedge 言乎近 以言 圖》 書》所能盡 乎遠 朱子作《濂溪贊》,其曰 不 盡 則 則 静 意」,此 者。 不御 而 E 也。 也。 理之微妙誠有非 其 其 日 日 「庭草 「《書》不盡 風 月 交翠」,以 無邊 \wedge 圖 言

心 静能 處 事 0

如 平旦之 平旦 虚 時,則心無不 明 氣 象 最 可 -存矣。 觀 使 日 之間

無 志 者能 平 旦 識之。 虚 明之氣象,有難 平旦未與物 以 接之時 語 人 者, , 虚 惟 明

時,則 神者。 洞 使 徹 物 ,胸次超然,真所謂清明在 心恒存,而處 此蓋 欲 汩 夜 雜 氣 圃 澄静之 神清 事無過不及之差矣。 氣定,常如 驗。 苟一日之 躬,志 平旦 氣 間 之 如

昏也。 能成舗 誦 夜氣」之説 ,至來早即心志豁然,昨 瑄因憶少年時 早間能背誦者,氣清也。 。今思之,晚間 晚間 誦多 誦 書, 晚所讀之書, 不能記者,氣 愈數而不能 此 亦可 驗 悉

及 雖聖賢亦無如之何。 因思: 古來事勢之去,有非人力所能

理盛則能 勝氣、氣盛亦能勝理。

失所 昏 力所能與也。 暴 而 致 因 思 ,然所以 人道乖,亦莫非氣運之自然,有 古來 治 或生賢 亂 盛 哲而 衰,固 人事 有 因 脩, 或 事 非 生 得

風 「變雅」盛焉。 治世之音,文武成康而已,下此 人事之得失,氣化之盛 則 變

衰,于此可考矣。

旋造 然。 無禹 有禹 不至 也。 舜 則能持 上於傾。 或當 化之功也。 則能保其治。 乃知治 ,則鳴條、牧野之事,不待後世 「亢極」之治,惟聖人有道 衰 其盛。舜之治極矣,時當衰也, 不衰,當亂不 亂盛衰相尋無端 如堯之治 使堯之後無 極 一矣,時 亂者, 者 以 當 舜 則聖人 持之,使 衰 ,舜之後 理之常 而 也,有 後見 斡

明。 **僞學之謗,正如毁日月者,** 初 何 損

其

知敬 適 足以 法立貴乎必行,立 啓下人之翫 而 而不行,徒爲虚文, 故論事 當當 永終

知所畏而不敢犯矣。 後,謹守勿失,信 宜 可 立法之初,貴 而 無敝 者 如 平參 四 則播 或立法之初,不 一時 一酌, 告之。 堅如 事 情 金 脩 必 石 既 輕 則 重 文 之 民 得

爲 止 酌 不可行者,復遂 乎? 事 不 信之具矣。 情輕 重 不倫 廢格。 遽 令何自 則後 施 於下,既 圃 有 行,禁 良 法,人將視 而 何 見 自 其 有

中者,立法之本, 信者,行法之要。

政以愛人爲本。

宜 制 不得其平者多矣。 也 法者,因天理,順人情,而爲之防 可因一時之喜怒而立法。 當 以 公平正大之心,制 其 若然, 輕 重 範 之 則

遠者 論 事 不可趨一時之輕重,當思其 久 丽

群 昭 動 H 作 人而 者, 氣 群 動 機 息者。 闢 也 氣 機 监 闔 也 闢 日 至 出 理 而

之性 與 (氣,有 則一 時 俱 有 非有 先

後 也。

望道未見之心,即求道不已之心。 學

> 者以 是自勵,則其進自不能 止

許魯齋力行之意多。

做 人言 得雖是,自身却只是庸衆人。 語 文士學做聖賢文詞,如 不力行,只是學人說 學得雖 是,自身却 中國人學外國 只 是中 ·國人。

陽 之意也。 皆天機之自然。 氣 魯齋 禽鳥得 魯齋 動 也。 不對伐宋之謀,伐國不問,仁 不陳伐宋之謀,其志大矣。 午中雞 氣之先者也,丑則雞 玄鳥、鴻 亦鳴者,陰 雁 往 來 氣 亦如此 動 先 也。 鳴者, 是

魯齋出 處 合乎聖人之道

少貶 以 魯齋 徇世,真聖人之學也。 以 王 道 望 其君,不 合則 去,未嘗

學君子,未有際遇之若此 心 極 誠,接之之禮 世 祖 雖 不能 盡 極厚。 行魯齋之道,然待之之 也。 自 三代以下,道

魯齋學徒,在當時爲名臣則有之,得

其傳者則未之聞也。

理 成 眼 加 説 力,以 大亂真」者、蓋謂 · 加 、朱之外,諸儒 辨其真是真 悉從 其言。 非。 魯齋謂 是 性 也 理 不 雜 口 其言有「 論 遽以 元尤當 爲 彌 先 大 近

其止 格 伸、 情 之 孝、仁、敬、 地 口 之理。 理, 其各具之理。又推 之文,歷代之政治 則當 變化之理, 肅 格 處 魯齋厭宋末文弊,有從先進之意。 目當格其明之理, 物 事 格 恭 身、心,皆物 推 即 所 其 重之理,身心則當格其 智、 求是 (健 包 而至於天 者 信之 以至草 順 處 之 廣 ,格物致知之一 理 也 理, ,皆所謂 自 地 ௱ 木、 至 鬼 萬 П 如耳則當 身言之,耳、目、 鳥 倫 於聖賢之書,六 神 物 鼻四 潤 皆物 則當格其慈、 物也,又當各 則 當 昆 肢 動 端。 格其 格 蟲 則當 也。 静、 其 則 性 當 屈 格 聰

> 之極 者明。 而無 格物 求其 極。 敢 日 不 識 大用無不明」者 深,已格者不敢以 衆物之表裏精粗 踈 哉 以 不格之。 不 以 也 爲難 也 ? 義 今日格之,明日格之,明 理雖 通 略,不密以 理 惟因 則 然天下之物衆矣,豈能 精粗、本末、是非、 加 見千 在 始之通也,見一 遂 潛 其 物,而吾心之理則 厭 體積 翫之久, 口 所接者,量力 萬 ,如是之 窮,澄心 爲 無 得 物 不到, 是而 而 爲 識 矣。 久 自 精 理。 物 ጢ 得失, 則 足,未格者 循 日 意 沉 吾心 各 塞者 ,以徐察其 序以 又格之, 思力探 朱 理。 與 遍 之全 子所 、之潛 格 開 所 而 體 不 之 謂 蔽 無 通 謂

横逆之道也。 「有不速之客三人來,敬之終吉。」 處

言也。「人非堯舜,安能每事盡善。」真名

學貴乎「日新」。

「履端」者,時之新也,爲學亦當與時

俱新。宣德辛亥元日書于辰溪分司。

不可苟處之,必盡其方。一語、一默、一坐、一行,事無大小,皆

者 天 有 所 理 大 即 小 程 以存 有欠缺間 子作字甚 理 無大 天理也 小, 敬 斷 大事 日 故 作 謹 只 字 此 m 雖 是 /\ 事 學 小 事 不 必 蓋 敬 事 則

勿起一念之妄,「誠」可存矣。

左右 道 雖 至 心 近 逢 觀 常存 原 經 至 明 者 書 之 所 口 則)理,亦 載 見 因 之道 事 心不存 無 觸 覺 即 撥 無 當 有 見 求 開 則 巾 吾身 悟 與 理 處 固 所 相 有 志 謂

不 則 知 爲 主 理 聖 爲 賢 衆 何 知 物 覺 知 運 覺 動 運 雖 動, 能 但 氣之 不 以 所 氣 爲 而 漫 理

然 不 和 斯 由 須 於 無 無 序 序 即 是知 非 禮 禮又樂之本 斯 須 不 和 即 忧 非

> 樂 無 後 乖 如 争 數 失 人 序 在 坐 則 争 尊 矣 卑貴 以 賤 各 是 得 知 其 禮 序 自 而

禮 乎 所 哉? 云 以 發 度 度 數 人 數 了, 所 倫 云 自 以 乎 然之 辨 哉? 人倫 和 樂 自 無 云 然之序。 序 樂云,聲 不 和 禮云 Z

古之樂正人心,後之樂蕩人心

夷、后 爲 得 則 杜 者 叙 不 天 禮 以 天 有 大 得 秩 樂 推 叙 愧 謂 古 夔 爲房 蓋蓋 果 稱 其 房、 天 全於 唐 太宗 序 明 秩 太 杜 杜 太 與 丽 明 其 宗 無 之 宗 和 E 而 病 時 有 制 德果 語 ,形之度 下 上下和, 也 愧 作 及 亦 和 之才。 也。 禮樂,房、 如有虞之盛 乎 無 ? 如 変数 由 上 禮 播 是 有 余 不 樂 伯 謂 虞 杜 之 何 夷、后 舜 乎? 聲 非 有 雖使 矣 之 音 特 愧, 德 房、 伯 論 藥 天 ጠ

用人當取其長而舍其短,若求備於

人,則世無可用之才矣。

其 改,或 以 口 ൬ 後 用之才也,以是處 圖 下 其 來 凡取 中年 皆不 新 之善 人當 口 也。 有過,晚 能 將將 無 合其 使 過, 若追咎其往 人無遷 年 舊 心,刻亦甚矣。 或 加 能 早 改。 圖 年 善 「其新。 有 之門, 當不 日之過 過 追 中 自 而 其 年 賢 世 并 棄 無 往 能

惑之甚矣。略,是所謂以聖人望人,以衆人自待也。略,是所謂以聖人望人,以衆人自待也。大抵常人之情,責人太詳而自責太

焉 於身 미 也 心 作詩、作文、寫字,皆 E 用力最要,身心 非 之功 本 有 領 餘 工 夫, 力 惟

味, 體 氣 胖, 殆 加 有 無得於 詩、 以 休 作文、 語 休 人也 己。 自 得 寫字, 惟從 之趣。 事 疲 於 弊 惟 心 精 親 學 神 歷 者 荒 則 知 氣 耗 完 其 志

養深,則發於文詞者沛然矣。「有德

者必有言」是也。

應萬 具 者 則 也。 之所 理 事 亦 明 應, 得 明 者 德」指: 乎天 皆 也。 故 虚 朱 此 ൬ 重 靈 子 心 虚 在 之 釋 昭 靈 所 虚靈 「明 然不 不 爲 昧 德 昧 所謂 不 0 日 而 昧」上,其 以 言, 心 具 明德 統 (衆理 蓋 性 心明 而 日

樂 未可必 也 求 萬 者 在 金 外者 一聽於天,必 之富, 未 不以易吾一日讀 可 必 可得者當責 求 在 内 者 之己。 必 書 可 得 之

樂 敗 德 也 酒色之 莫此 惟 心 爲 類 甚。 慾 使 俗 人 寡 志 以 , 則 爲 氣 氣 樂 昏 平 酣 余不知 體 荒 胖 耗 果 樂 傷 何 生 口

●「靈」,原作「明」。朱熹《大學章句》作「靈」,據改。

рц :

知矣。

聽言雜則與之俱化,遂失其正,故貴事無小大,即求合理。

乎「聽德惟聰」。

理氣決不可分先後。

讀書録卷之三

實動之前又是静也。 太極動而生陽,但就動之端説起,其

端 陽, 萬 動 前 窮,而萬物生生不息焉。其天地 復 成。 物者,蓋不 陰陽 如 加 静,互爲其根,如是之天命流 是之動 天復開 地 無始」也 動一 一終,●翕寂之餘,太極 미 而生陽,静而 静,互爲其 動極 勝窮 敷 圃 也。 静,静 根,天命流 斯所謂「動 生陰,如是之一 而生陰,而 行,化生 翕 動 静 寂 加 無 之 無 生 地

性之疑。 程子「性即理也」之一言,足以定千古《太極圖》,一言以蔽之曰:理氣而已。

聖人之所以教,賢者之所以學,「性

論

而已。

殊,實未嘗有一息之斷 前 豊 太極 静中 主宰流行乎其 也。 天地 焉。 生陽也 静之中, 但 也 天 動 動 雖 翕寂之餘,猶四時之貞,乃静之極耳,至 若以 静 一别爲 之始,動而 或在 地之終,今天地之始 一静,互爲其根,分陰 原夫前天地之終,静而太極已 今天地之始,即前天地之終。 天 無端, 地 而動之端已萌,即所 太極在 動 動 混 極 懸空之物,而能生夫氣矣。 中,雖不雜乎氣,亦不離乎 陰陽無始之謂 中 合爲 而 太極已行。 彻 静 氣先,則 静 m 而生陰,静極 絶 氣雖 是 氣則未嘗 而太極乃所 是則太極或 氣 分陽,兩儀 乎! 謂太極 有 有 斷 以是 動 具。 絶 有息。 復動 其終 静 動 知 氣 在 文 脯 圃

●「一」,王本作「之」。

<u>___</u>

外 以 别 示 有 人 無 極 物爲 丽 未嘗離 太 太 極 極 乃 乎 0 周 陰 則 子 陽 非 指 也 矣。 出 若 陰 誤 陽 認 中 陰 之 陽 理

造化人事,雖萬變不齊,而理則一

定

也

否泰相因,無一息之停,盛衰之理

微矣。

以 蓋 中 有 陰 則 理 涵 此 理 爲 未 而 分 乎 理 或言 無 地 天 有 乘 天分 始 我 氣 地 便 是 天 分 之 之 有 氣 地 則 未 地 中 此 氣 之 之 則 内 有 而 則 氣 也 先 動 理 外 天 理 渾 而 合, 乘 地 天 無 褔 及 渾 具 是 之先,畢竟 地 謂 而 不 動 乎 于 氣 之 與 在 未 理 而 天 之 天 形 嘗 生 氣 静 之 雖 爲一矣 陽 間 不 動 中 而 未 可 先 加 斷 具 成 分 天 有 止 静 静 于 始 息 先 此 而 地 而 而 後 理 理 生 而 所

> 其 無 無 可 此 窮 分 不 之謂 孰 存 理 先 以 與。 氣 孰 至 後 化 者蓋 哉? 生 萬 無 孔 物 須 子曰 臾 萬 之 物 易 相 生 離 有 生 也, 太 而 極 變 又 安 化

之翕 古 老 張 子 聚, 之」,是所 程 將 子 欲取 所 日 以 . 之, 爲 老子 謂 發 竊 必 散 竊 弄 固 弄 盟 與之; 發 闔 闢 散 者 闢 者 也 將 所 也 欲 以 翕之, 爲 蓋 **翕聚** 造 必 化

力於 性情之學 用 力 於詞 者 章 ·, 其 之學者 心泰 然 其心荒 而 而 勞。 用

生 生 萬 陽 物者 無 動 極 極 Mi 氣 뻬 太 質之性 静 極 本 静 也 極 然 生 之 陰 性 也。 五 太 流 極 行 動 化 而

聖賢千言萬語,只是明此理。

忍 濁 性 惡、辭讓、 則皆以仁 口 不 雜 也 禮流 謂 程 加 之性 性 子 有 爲矯 是非 、義、禮、智之性、發 日 所 也 而 0 蔽 僞 之情 善 智 則 矣。 固 性 流爲 所 流 也 氣質清 謂 爲 譎 惡 善 耽 詐 固 亦 溺 粹 前 所 不 性 爲 而 謂 義 叮 也 惻 無 惡 流 不 隱、 所 亦 爲 謂 氣 質 殘

勉

有異。 齊。 天 理 性 本一也 本 也 9 , 由 由 陰 人心之感, 陽之運, 參 뻬 差 善 而 悪 不

也 程子 又曰 : 日 有 0 主 有 則 主 中實 則 中 虚 實 謂 虚 有 謂 理 心 也 中 無 物

《河圖》乃萬數、萬理、萬象、萬化

之源

見陰陽有互根之義。水、陽也、生於陰。

之中 畫前之易 圃 萬象森然已 即 太 具 極 也。 也 所 謂 沖 漠 無 朕

太極之中,無所不有,所謂畫前之

易也。

乎。 開卷即有與聖賢不相似處,可不

之間乎? 若實見得,雖生死猶不可異,况取

舍

豫 外 卦 陽 之 在 象 内 陽 亦可 在 而 不得 上下 見矣。 出 五 陰之間, 則 奮 擊 張 而 子 爲 雷 所 謂 霆 陰 觀 在

觀太極生兩儀四象八卦,則物之一本

可知矣。

生, 也。 具 毫 元 元、 也 髮止息間 又爲貞 實 春 懈意 亨、 已 開 日 和 成 利 而 下之元 生即 斷 盛者, 氣 熟者, 貞之 薰 爲 心 亨也。 理。 矣。 貞 自 , 有 棄 也。 惻 生 花 然之意。 始 理 盛 成 萼而 循 ௱ 熟 環 就 口 實 未 種 蓋 者, 開 花 未 而 嘗 復 利 即

四 天

惻 然慈 良之心, 即 天 地 藹 然 生 物

然也。 漢 光 武 不任三公, 而 事 歸 臺 閣 勢

繼之者善,其「 理一」。 成之者性,其

分殊」。

理氣在天地,爲公共之物。一麗 於

形; 則萬殊 矣。

是 柄 也 如 恭顯輩 古者宰相 ·, 則 竊 深 柄 而難去。 顯 而 猶 可攻, 所謂 城 惟 狐 近 習 社 鼠 竊

天地 萬物,形體皆虚,而 理則 實。

薰 然慈良 惻 怛之心,與温 然春陽

爲

爲 人 不 能 盡 人道,爲 官 不能盡官道

是吾 所 憂 也

德 生之理,仁也。 行道藝皆不如古人,豈可不自勉。

> 活 潑 潑地,仁之發也。

天 天 爲仁」,何也 理流行而爲仁矣。 理不行,必克去己私 禮者,天理 ? 蓋 之節文,孔子謂 即天理 事 事皆復於禮 也。 「克己復 欲 熾 則 禮 則

恤 害之心,即非仁矣。 慈良之端,似 余思仁數日,未 可 即 得 用 其説。 以 窺 體 忽於惻 有 一毫忮 然隱

而 分殊矣。 氣流行,一本 也。 著物則各形 各

敬天,當自敬 吾 心 始, 不能敬 其 心, 而

謂 能 敬天者,妄也

所 生 也。 天包地外,水在 地中, 地 中之水, 即 天

有二 之水,天上之雨,統一氣之流行鬱蒸耳, Ш Ш 也。 出 山 澤 雲,地中 通 氣 之氣 地 中 爲 之 天上之 氣 爲 地中 雨 也。 之 水也。 地 非 中

色

也。 無 而 時 不 窮 蓋 止 也 天包 知 息 水生於 M 地 鬱 外, 積 地 地 流 中, 處 通 於 天 뻾 中,地 地 不 中 知 乃 外 故 天 能 之 天 所 水 氣 生

而見之可也。 大丈夫心事,當如青天白日,使人得

而不及禮義,先王之澤盡矣。 之澤未泯也。至戰國縱橫之徒,唯言利害 春秋時,辭命猶有言禮義者,乃先王

而道之,則無不從矣。民心至柔,真有不可强者,惟順其心

之,亦不過數傳耳。 自古未有逆民心而得天下者,幸而得

欲以虚假之善,蓋真實之惡,人其可

欺,天其可欺乎?

芝蘭 多而 少,碱砆多而良玉少,其理一 鳳 陰多而陽少,小人 凰 少,豺虎 多 而 多 麒 麟 而 君 少 子 荆棘 也。 少, 多 鷹 隼 而

> 也。 此乃名言。 惡其蓋 面 雨 ,若濡有愠 ,必有凶。 求蓋 《夬》九三: 單 襄公曰: 人也。 人其抑下 惟從容和柔以決之,則無咎。 ,無咎。」決小人之道怒見于 夫人性,陵上者,望不可蓋 君子不自稱也,非以讓也, 一壯 滋甚。 于頄,有凶。」「獨 故聖人貴讓。 行 遇

以能 足不 步目 是以 久? 步 觀 單襄公曰: 君子目以定體,足以 目 容 今晉侯視遠而足高,目不存體,而 而 ,其心必異矣。 此亦名言。 知其 (心矣。 目以處事 目體 不相從, , 量足以 從之, 何

川流不息之意,余於《先天圖》見之。

- ●「惡其蓋人」,原作「惡蓋其人」,據鄭本、《國語•周
- ②「上」,原作「下」,據鄭本、《國語·周語》改。
- ③ 「人其」、原作「其人」、據鄭本、《國語・周語》改。
- 「事」、鄭本、《國語》作「義」。

四八

一陽復而爲之喜,一陰生而爲之戒。

聖人扶陽抑陰之意至矣。

觀復姤,則知君子小人盛衰之理矣。

虚心接人,則於人無忤。自滿者

心

誠、色温

、氣和、辭婉,必能動人。

反是。

人有負才能,而見於辭貌者,其小也

可知矣。

知自矜自伐者,皆妄也。稱爲人之名,初無一毫加於本分之外。乃稱爲人之名,初無一毫加於本分之外。乃善天賦人以才德,本無不備,才德全始

人知天下事皆分内事,則不以功能誇

人矣。

讀《五之辭,而知克己私之功。 讀《夬》九三之辭,而知決小人之道。

天無不包,地無不載,君子法之。

人須有容乃大,古謂:山藪藏疾,川澤

納污,瑾瑜揜瑕。

有容之謂也

體之。

「宜深

行有不得,皆當反求諸己。

不愧於天,不愧於人,不愧於心,斯近

道矣。不愧於心,其本乎!

君子之志,固非常人所識也。

少陵詩曰:「水流心不競,雲在意俱

少陵詩:「寂寂春將晚,欣欣物自私。」遲。」從容自在,可以形容有道者之氣象。

待,花栁自無私」,唐詩皆不及此氣象。可以形容物各付物之氣象。 「江山如有

一以象之。地,陰也,其形中虚而開,故其天,陽也,其氣渾然無間,故其數奇,

數偶,以象之。

柔與剛,立人之道,曰仁與義。」陰陽以氣「立天之道,曰陰與陽,立地之道,曰

言 而 理 剛 柔 也 以質言,仁義 以 德言。 三才分 殊

欲 動 情 勝,氣 之動 志 也

係 戀之 私 恩, 「蓄臣 妾吉」,此待小人

待 左右當嚴而惠。 女子之道

也

孟 子一 暴十 寒之喻,皆格心之學。

勝言, 張 道 氣 即 以 孟 明 質 ·決,天 子 來, 子 理 之後,漢、唐 于 之性,非 氣質之論明,然後 也」之言出,然 孟 或以爲惡,或以 如「性」之一字,自孟子以 世 長 道學諸君子,有功於天 子告君 下學者莫知所從。 雄 而 ,至有讀聖人之書,游聖人之 本然之性 無 ,皆先正 復 낈 異 及 後 議 爲 五代之間,異端 其 也。 知性 者 知 善惡 心。 性 其功大矣。 由是性之一 本 有 至於程 混 下萬世不 善 不 議 後,荀、 · 善 而 論紛 1者,乃 子「性 無 與 吾 然 可

> 君子出 學諸君子距邪閑正之功也。 魚目 門,以 曾、思、孟之正 雖未 出 以 如 是之非, 乎 而 庠序 精 於堯、舜、禹、湯、文、武、周公、孔子、顔 ŧ 金 得 齊衆楚,猶莫之能 獨 儒 須省察不 育才,科 彼雖 悉絶 而 ,直擣異端之巢穴,而辯其毫釐 由 唐之韓子,不 自名者, 不 是 得 援 其 邪 % 滑以 純絶 引 道 舉取士,講 至,則妄念發。 比 正之分,昭 無使並 猶 口於異端之教,是皆道 N附,亦 鉛錫,明 匍 顧 勝 匐 侮笑, 行,然吾道 無 也。 而 嗚呼! 學命 珠 自 然若 歸 而 而 至宋道學諸 之,况 力救 詞, 不 覩 黑 白 也 得混 粹 盛哉。 既 其失, 其 明, 似 以 餘 是

斯 有 於一 事心或 不快,遂於别

事

處

置

失

天地萬物,渾是 專 理

宜

,此不敬之過

也

氣 所拘 人只 ,則内外合一,而 爲 拘於形 體 自 不勝其大矣。 小,若能不 爲 形

持 此 心 斯 須 而 不 心 失 有 ,則見 不 存 道不 則 與 可 道 離 相 矣。 忘 要

也。 處 便 或讀 是格 非」者,人欲也。 書,或處 物 致知之功。 事 ,或論人物,必求 得其 蓋「是」者,天 (是,則 天 其 理 理

效 驗 中 夜以思: 只公之一字,乃見克 己之

大公, 之,則生意貫 故計 禽獸奚以異! 不屬,天 之貧賤、危苦、死亡,一 安,惟欲己樂,惟欲己生,惟 有 較萬 人所 富貴、貧賤、 可 理 以千 端 得 滅 徹 加 絶。 惟欲己富 病 勝 彼 若能克去有己 萬病, 用 雖 安樂、 此 者 各得 〔矣。❶ 只 切不恤 有人 惟欲己 爲 生 分願 一壽,皆 之形 有己,爲有 欲 」之病, 貴 前 己壽,而 由 个惟欲 與 其 天 是 理 廓 實 生 共 之 然 與 己

萬 物萬 事 各有分,各安其分,自 然 無

事矣。

五〇

當

常

能公好惡 己 與 於天下者,蔽於有己之私 人、物,本 同 理 氣, 也。 加 或

不

凝定 最有力。

往 時 怒,覺心動 ,近覺隨怒隨休, 而 心

不爲之動矣。

語默之間 一息不可不 涵 涵 養只 在 坐 作、 動

編,當矯之以 矯之, 之以 和 輕,當矯之以 久則 粗,當矯之以 氣質 寬 變 躁,當 矣。 重; 矯之以静;暴, 細。 急, 當 察其 矯 (偏者 之以 當 緩 而 悉 矯

闊 略。 略 作 先儒謂 余覺 事 切 有 前輩作事 須 闊 謹 略之失,宜謹 慎 仔 多周 細, 詳,後輩 最 不 之。 可 怠 作 忽 多 踈

使民 如 承大祭」、然則 爲政 臨 民, 豈

0 得 而 鄭 本、 沈本無此二字。

可視民爲愚且賤,而加慢易之心哉。

作官者、雖愚夫、愚婦、皆當敬以臨

之,不可忽也。

余性偏於急,且易怒,因極力變化。

心一操而群邪退聽,一放而群邪

並興。

一念不謹即有偷惰之意,所謂「惟聖

罔念作狂」者,豈虚語哉。

一事則行一事,自然理與事相安,無虚應爲學最要務實,知一理則行一理,知

不切之患。●

氣凝定而不浮。養德養身,莫過於操心之操心,一則義理昭著而不昧,一則神

一法也。

之有味。
操心是要規。」惟心得而實踐者,乃知其言操心是要規。」惟心得而實踐者,乃知其言許魯齋詩曰:「萬般補養皆爲僞,只有

學者大患,在行不著,習不察,故事理

不能合一。處事即求合理,則行著習

聖賢立教,明白懇切,直欲天下萬

世

之人,皆入於聖賢之域。

理,便是「窮理」。二者交資而不可缺纔收斂身心,便是「居敬」。纔尋思義

也。

一於居敬而不窮理,則有枯寂之病

一於窮理而不居敬,則有紛擾之患。

居敬有力,則窮理愈精。窮理有得,

則居敬愈固。

造化翕寂專一,則發育萬物有力。人居敬以立本,窮理以達用。

心寧静專

,則窮理作事有力。

書而思索義理,或處事而求其當否,即「窮如存心端坐之時,此「居敬」也。或讀

● 「應」,鄭本、沈本、王本作「泛」。

理」也。

以 察此理,雖若二事而 則見得居 初學 時, 見居 敬 時 敬窮理爲 敬 以 實 存此 魺 矣。 理,窮 事。 理 爲學之 時 敬

た里流方式予し勿と幾っ無頂見ごと之辭終,則堯、舜傳心之要可知矣。 《堯典》以「欽」之辭始,《益稷》以「欽」

息,兹所謂命也歟。 天理流行賦予人物之機,無須臾之止

軰誠有不可及者,未可輕議也。 好議論前輩得失,乃初學之大病,前

人之位,爲古人之事則難。 在古人之後,議古人之失則易;處古

者多矣。事之失,設使身居其地,吾見其錯愕失措事之失,設使身居其地,吾見其錯愕失措以紙上之言觀往事,率皆輕議古人處

謂 肆 筆奮詞,議論 之言,凡著於 言不及行 前 文詞者皆是 可 人之長 耻 之甚, 短。 非 也 及 特 夷 發 考其 觀 於 後 口 平 者 人

行,可耻之甚乎。吾輩所當深戒也。生之所爲,不及古人者多矣。豈非言不及

真見方可。切不可隨衆議論前人長短,要當己有

之語 得 儒。 不 不 深許,朱子又爲考正 層 知 而 爲者,其可謂 窺也。 《原道》、《原 此乃責備賢者之意,遂妄論 有未瑩者,然大體明白 唐之韓子,乃孟 後學因 性》篇 不 見朱子 ·知量 子以後絕無僅 其書,誠 雖 也甚 兼 博 純 論 矣。 非 愛」、「三品」 正,程 其 淺 前 得 末者 有 **賢**,若 失,而 子所 之大 口

孰 其 爲 知 ጠ 不 功 知 傳 堯 相 顧 傳 不 人 ? 、舜、禹、湯、文、武、周公、孔子、孟 當韓 性 之正 在 ? 又孰知仁義道德 有 禹 子之時,異 若此之類大綱大節 下? 一統? 五 而 情有七? 又孰知 又孰敢排斥釋氏 端顯行,百家並 孟 合 又孰知尊孟 軻 m 氏 言之? 皆 没而 韓 濱 倡, 於 不得 死 孰 氏 又 軻

哉 啓其 之遺 君 殆 有 儒 惑於異端之不暇,又安敢 足學者。 未 子 責 之所 則 迷,無定論 可 備 經,發之身心, 故論 輕 可,苟未 之言,遂勦拾其説 稱許 加 設使此輩 韓子之得失,在周、程、張、朱 詆 加 議 推 以 及數君子皆當自責 以取僭妄之罪 重 一其志,吾見淪 生韓子之時,無先覺以 見諸 者 也 事業,而 ,妄議 窺 後學 韓子之門 也 韓 因 於流 伊 見 子 自 若 先 洛 數 牆 不 儒 真

立 韓 揮 乃 一於天 能 如 子 卓 生於 此 性 下後世,真 然 理 明 之 有 白 道 學, 見 術 當 排 壞爛之餘,無 時 經 可 斥 親 周、程、張、朱諸 謂 異端,扶翼 炙者,尚失其 豪傑之才矣。 所從遊 正 道 君 意。 質 遂有 子 發 脯

於 游 磋 人。 以底大 則其 韓 子 但生於學 所 就 氣 立 質 當 使 明 示 絶道散之時,無所講 敏 生宋時得 止 是矣。 剛 E ,樂易寬 與 道學諸 厚 皆 明 過

> 藴 如區 奥之 性 品 理 後 一之爝 自 粲 宋道學諸 然 火,自不得 如 星 日 君 麗 子反 亂 天, 其 覆辯 明 加 也 異 論, 學 曲 發 揮

人不持敬,則心無頓放處。

鶩不止。真病風 人,莫知所止也。 人不 主 敬 則 狂惑之人耳 不主 此 心 敬 一息之間 則 嗜欲 無 馳 涯 鶩 馳 出

以

神矣哉 只一 主敬 群陰長 ,則思不出 理,而改頭 圃 陽 道消 位 换 ,大易之深戒 而分定矣。 面做出無 窮 也 物

氣無窮,理亦無窮。 萬古不易者,理而已。

《易》曰 憲 五 侯有功, 「開國 於 小 人有功,可深 而其勢自 承家, 小人 [此盛 勿 慮 用 而 故 不 功 漢 可 誅

其

深慮也。 子立,國家之大慶。功由小人立,知者所

其著,則亦莫之及矣。 至著,聖人謹其微,故不至於著。衆人圖至著,聖人謹其微,故不至於著。衆人圖讀《易》則知陰陽消長之機,皆由微以

上蔡有一硯,極愛之,遂屏去。此可

爲克己之法。

而循之,何失之有! 《詩》曰:「承先三之法而過者,未之有也。」蓋祖曰:「遵先王之法而過者,未之有也。」蓋祖曰:「遵先王之法而過者,未之有也。」 蓋祖

不能克己者,志不勝氣也。

不可。 器用當用者不可缺,有私吝之心則

定也。 得失而喜怒生焉,是猶累於外物而心未外物得亦不喜,失亦不怒,則心定矣。

人之克己,或能克於此不能克於彼,

所 此 是 不能 克之有未 ,則克無不盡 盡 也。 矣。 能 推 其 所 能 以 及

愛外物好,則心不好矣。私無大小,覺即克去。

中,當體而理無不具。而無窮。「以言乎遠則不禦」,六畫之一,以言乎遠則不禦」,六畫之上,生生

「以言乎近則静而正」,禀賦各定。●「以言乎遠則不禦」,生生而無窮。

盡 病。 雖 固 之中,得風復然矣。 ,而熟者化矣。 未定,常得書 爲難,不若克、伐、怨、欲净盡之爲至 讀書 病 制服私意而 雖未 以 除,常使藥力勝則 防撿此心,猶 味 不拔其根,如蓄火於毛 深 故克、伐、怨、欲 則心自熟, 服 藥以 病 久則衰者 自 消磨 衰。 不 也 此 羽

因 事 不 快 於心, 而遷怒之心妄發

此 學者之通 病

者 適 許 以 魯 長 齋 日: 己之惡。」 責己者可以成人之善,責

季克 畏 乃恐懼 自 周 公告成 抑 畏。」 兢 王曰: 慎之 蓋 意。 抑 厥亦惟我 乃 豊 撿 謂 束 王 一者當 收 周 斂之 太 然 E

脩 省之至要也。

告舜 乃 以 非 萬 益之告舜日 害,然作 世 以 躭樂從。 表 民 之永 身 儀 攸 周 訓。」 公日 訓 于上即 鑒 之訓 無 君一日之躭樂, 與。 「一一勿 是其 至哉言乎! 教 逸欲有邦。」皆此意也,豈非 罔遊于逸, 罔淫于樂。」 臯 應于下,上以 宜其 爲訓于民,非言 遑 日 感應之機 : ❷「今日躭樂。」 蓋人君者,天下 雖若不至於大 躭樂縱 爲 尤 語 之訓, 速 則 也。 乃

陶 淵 明 此亦人子也,可善遇之。」

> 吾 性 覺 **疎快**,寫 字 有 差遺者 即 此 是

敬 不 屬 處 謹之。

視聽矣。 其當,而 以 果 、決,事一 大事小事即平平處之,便不至於駭人 處 事 有自得之心,若然則反爲所累矣。 當詳審安重,爲之以 了即當若無事者。 不 艱 可 難 以 斷 處 之 得

處事了 ,不形之於言尤妙 0

處 事大,宜 心平 氣 和

群,視之若無者,分定 言之,陋亦甚矣。 治人 嘗見人尋常事 當 有操縱,人不得而 古人功滿 處置得宜者,數數 故也 天地, 德 冠

怒矣。 事 Ė 則 如 治 絶 小人, 不言, 寬 則 平 小 自 在 ~ 從 無 所 容 聞 以 以 處 發 其

- 本
- 鄭本作「無皇」、《書・ 無逸》亦作「無皇」。

五五

處 事 最 當 熟 思 緩 處 熟思則得 其

緩 處 則 得 其

之怨, 亦見 小人向他人聲 八其自 示 揚 不已,不惟 增小人

不能 安重 深沉 者能 處 大事, 輕 浮 淺 率 者

天 下 甚 天下之事 事 ,不因 緩 忙 則得,忙 後錯 了。 則 此言當熟思。 失。 先賢謂

則

見之。

法者,天討 字不可 輕與 也 人,一言不可輕許人, 以公守之,以仁行之。

笑不可 輕假.

其 薦 自 E 馬 進 莽 來 雄 車 矣 並 也 待 騎 楊 以 雄 詔 將 王 其 年 軍 氏 後 歲 四 Ŧ 終 卒爲 餘 + 音 奏 奇其 餘 也以 賦 莽 自 臣 爲 文,召 王氏 蜀 郎 而 來 ,大節之虧 死 給 以 游 於其 事 爲 京 黄 門 師,大司 世。 門 下 與

心 無 須 臾閑 理欲 之幾間不容髮,此

> 勝 則 彼 負 ,此 負 則 彼 勝

斯 須 少放 學者之心 ,即邪僻之萌 當當 常 有 滋 所 矣。 操 則 物 欲 退 聽

無 義 理以養 心 何 所 不至

志,少慾可 志 固 難 以養氣。 持, 氣 亦 廣大虚 難 養。 明 主 氣象, 敬 口 以 無 持 欲

中夜坐思,曰: 天賦 之初,本有善 而 無

惡, 人而 不爲善,是悖天 也

理 欲淡 則 心虚,心 虚 則 氣 清, 氣 清 則

明

其 功矣。 知 大 事 小 事 皆己 分之當 爲 則 自 不 有

與 其 本 人 也 德 毫 如 無 堯 與。 舜 學 以賢 如 孔 智誇 子,皆己 人者,皆不能 分之當 究

而 我 能 之。 亦有 視 此 不 理,我 能全者憫 亦 有 此 憐之可 理,人 也 不 能

之不可也,引掖之可也,棄絶之不可也。

而已。
執己能以病人之不能,適足以自病

뻬

言。

事。 能 厥 州 首 立宗法,祇台德先、分五服,以 川、九澤、四海以結經理之效。 導水,以見經理之先後。 然乎。 成 以 以 功。 而終之以聲教訖于四海,執玄圭以告 Ŧ 敷土奠高 古人叙事之文極有法。 畿 始終本末,綱紀秩然,非聖經,其 爲 九州之首,次八州,次導山 山大川爲 次九 ____ 書之綱。 如《禹 述經理之政 州、四隩、九 次制 貢》篇 貢賦 次冀

耳 所 所 所分,二乃一所分。 謂 目思慮之所及矣。 分,十六乃八所分,八 「畫前之易」。 六十四乃三十二所分,三十二乃十六 至 孔子所謂 乃四 則隱矣微矣, [所分] 「密」,邵 四 乃二 非

名

耳。

「神而明之,存乎人。」人能弘道也。

之」、「神而明之」、「默而成之」、皆指此理「化而裁之」、「推而行之」、「舉而措

已矣。 畏,禍福之宗也。] 余謂豈獨女寵 微而體至尊,窮富貴而 小人無大功德而 班固《外戚贊》曰:「夫女寵之興、繇 竊高位 不以功,此道 厚禄 ,亦若此 爲 然哉 家 所 至 ? 而

《大象辭》皆以理言。

天之道, 元亨利貞。民之故, 仁義

禮智。

程子之《易》主孔子。

秋謂之「利」,冬謂之「貞」,因時以立只一理,春謂之「元」,夏謂之「亨」,

禹曰:「枚卜功臣,惟吉之從。」舜曰:「朕意唐、虞、夏、商之世,已有占卜之法。如伏羲時,卦畫雖具而占卜之法未備,

尤詳 推原作易教人卜筮之意於千古之上。 程子之《傳》,專主義 之《易》,則皆發 傳論載之語, 謂之十翼。然周以上《易》雖 《大象》、《文言》、《繫辭》、《説卦》、《序 名。 之,則周已上蓋已有占卜之法矣。 者唯《周易》,至孔子則作《彖傳》、《小 則因文王演《易》繫《彖》,周公繫《爻》而 龜 志 山》,商 易》者,各即其意 罔 先定 於 周以前,占卜之法既皆不傳,今所 至孔子則 敢知吉。」箕子陳《洪 見命 口《歸 卜巫。 蓋 藏》, 於元 始詳 大ト 皆專 明 而 伏 周 龜 觀之可 於義 掌三《 理。 主 義 日《周 卜筮。 1 祖 理而 朱子《本 統 也 伊 範 易 易》。 不 教 》稽 E 不 文 可見, 人之意 夏 遺卜筮 王 疑之 《周易 義》, 以 格 曰 是 周 觀 桂 象 人元 ^ 疇 連 尤 傳 則 經 得

> 天 下 也 0 故 知 惟 孝 友 于 兄 弟 , 爲 爲 政

門」,所以達用也。「成性存存」,所以立本也。「道義之

性是本來固有之理,惟存之又存,望則

道

行七八分、言二三分。

不言而自能行,出則人心服

處事不可使人知恩。

可 欲 也 使人感己之惠 法 或 者,天討 治奸 頑 也), 其 圃 或或 (慢 務 重或 爲 天討 寬 輕 也甚矣。 縱,暴其 付 之無心

其寬。❸ 情可矜,雖從寬典,又當使之不知

■「尺」,原吴乍「一」,蒙耶広、E 広文。

朱子之《易》主邵子、《啓蒙》可

見。

親親,仁也,敬長、義也。

無他

一達之

❸ 「寬」下,鄭本有「可也」二字。 ❷ 「又」,原誤作「人」,據鄭本、王本改。

100

欲人悦己,則人有惡己者矣。

失公正之體,非君子之道也。所不恤。必欲曲狥人情,使人人譽悦,則所不恤。必欲曲狥人情,使人人譽悦,則爲政當以公平正大行之,是非毁譽皆

只令在己者處得是,何恤浮言。

處事在己者只當務實,若能動人否,

則在彼耳,我何容心其間哉。

每顧遺體之重,未嘗一日敢忘先人。中心惻然,必欲不爲一事之惡以忝先人。之! 夙夜無忝所生之言,不勝感發興起,因讀朱文公與子受之書:念之! 念

處事詳審安重。

恭敬 哉 外 處 而 事 不 有官君子 河 爲 於恭 可 伊 然,退 有 尹 不可 敬 頃 刻 食宴息之時,亦當致其 有一毫傲忽之心。 於臨 接 則 褻慢之態。 動静 下思恭」, 衆 處 無違,人欲消而 事之際,所當 豈惟 臨 政、持 人 不 君 惟 己,内 儼 當 天 臨 極 肅, 理 其 然

明矣。

然,故易簡。 口口 默識矣。 乾 以 易 人能 知 坤 順 以 自 簡 然之 能 理 乾 ,則易簡 坤 只 是自

節 坦直 横 生而紛紜多 ,本無許多勞擾。 人只是箇心性 事矣。 , 静則 若 私 存動則應 意 起, 則 明 支

少欲則心静,心静則事簡。

爲,而不爲所不當爲耳。簡者,非厭事繁而求簡也,但爲所當

不可因彼之擾擾而遷易也。 當事務叢雜之中,吾心當自有所主,一爲外物所誘,則心無須臾之寧矣。

閉邪如城郭,城郭不完,則外寇人, 閉

邪不密,則外慮侵。

■「性」,鄭本無此字。

五九

乎。 法 用 者 法 天討 秤量 一輕重 也 ,要不失其 翫 法 所 以 翫 中 天也,敢 前 己 不

敬

則良 頑 不 法 良 伸 也 善之冤 所 養者 以 世 是不 治 據 有 高 抑 獲 奸 賣 惟 伸矣。 位 頑 何 法 不能 自 也 以 載 好 奸 求 而 顯名,秉三尺者,忍 治奸 若納 伸 賄 頑 哉 者 有 頑, ? 賄 犯 此 圃 而 使 執 誠 縱釋奸頑 又所 良 何 法以治之, 善 心 以 乏 爲 長 冤 此 奸 則 抑

世有假官柄以濟貪欲者,吾不知此何

心

也

態

乎

0

至誠以感人猶有不服者,况設詐以行

感自内出,應由外來。

口 《陰符》 加 殊 經 塗 日 致 「萬化定 而 白 慮。」其旨 基。」《 一也 易》 日

至宋儒而道術一。

宋儒之功也 經 支,至宋 術之習,絶 漢 儒 儒 讖 出 緯 加 九 道 於 流 術 漢 之 定 唐異 雜 於 唐 端端 士 駁 釋 今學校之教 雜之學者, 老 辭 章

之於《易》。 《易》先 圖 象隱於異學者數千 其有功於《易》學大矣。 天 諸 圖 自 希 夷 年,至邵 以 前, 皆 子 爲 丽 方 反

隱」,正謂隱於異學也。
之本原,實出於此。朱子詩曰「大易圖象七所傳授,至邵子反之《易》,則知作《易》

行第 敬 心 也 在 第二 行第 至若寫字、處 易》之本原,至邵子而復明。 步 如行 一步,心在第 而 步上,三步四 第一 心 在 一步而 事 四 ,無不 步 心在二步三步之外, 五. 步 步 步之外 無 皆然,寫第 上,行 不 如 此,所謂 即 非 步 敬

「態」,鄭本無此字。

專 心 在 便 第 是 字上,爲一事心 敬 與。 子所謂「 在 主 之謂 事 Ŀ 敬, 件 無

適

察。 智 膽欲大,見義 欲 圓 應 物 勇爲。 無 滯 心欲 欲方 小 文 截 理 然

膽大心 小, 似「 知 崇 禮 卑。 知 圓

執

和 mi 不流

象由卦生,德以象立

與 物 可,與四 鬼神合其吉凶也 與日月合其 仁健義順, 時 合序 與 也。 (明也。 天地合其德也。 進 仕止 退存亡,不失其正 久速,各當其 知周 萬

不 心 細密則見道,心 粗則行不 習

論

不言而躬行,不露而 潜脩

否。 嘗驗之於人,其深沉者,必 稱 舜 日 「濬 哲 蓋蓋 深 有智 則 哲 浮 淺 則

> 者,必 無謀 也

之無疑 讀 耳。 皆以 明 本 來 固 有之理, 前 欲

全其固有之天理耳。 爲學大抵就己分上 去其 本 無 之私

賢之子孫有賢不肖之異者,則以 賢知,得其氣之昏濁駁雜者爲 者,乃謂聖 不同耳。 心, 人之生也,偶值其氣之清明純 聖賢之子孫賢不肖,皆天也 德不德,能不能,厚之至也 後人因 賢已奪其秀 見聖賢之子 氣, 可謂繆 孫或 頑 所 愚 有 值 粹 天 愆 若 不 之 本 氣 聖 無

孰爲道 孰 要識 何爲致恭 智,孰 其 體認之法,須於身心之所存所 (孰爲 孰 爲德,孰爲仁,孰爲義 爲 如何爲存養,如 中,孰 誠。 又當 爲 和,孰爲 知 如 何 何爲 爲 性,孰 省 孰 主 敬 發 爲 爲 禮 如

理之名 爲 何 爲 其 爲 著、習不察之弊矣。 克 事 致 知 ,皆欲識 如 力 如 何 此 爲 則 其 如 復 見道 眞 禮 何 ,於凡用功 爲博 如 明 何 文約 體道 爲 戒 禮 力, 之要, 慎 恐 於凡 加 懼 無 皆欲 天 如

物 以 體 也 認 有人爲學者,徒 之, 則 所 講 所 日 學者,實 講 道 學 道,不 未 知 爲 知 所 何

理。 既 真 人之名而 識 識 知 、之名,須親 哉 天理 徒 理 知 之名,須 未 如 理之名 嘗親見其 人,天 見 真 前 理之 人之貌,方 知 理 不知理之實, 人之貌,又烏 名 之實,方爲 如 人之有 爲 真識 猶 爲 真 知 真 徒 知 其 識 既

之理 至 長 旦 驟 氣質之偏,自生 歷 欲 若 歷 變其 氣 曾 質 用 所習,非百倍之功不能 既 變化 偏 來 之功 自 便 少至 有 此 則 長 亦 矣。 所 無 習 若 不 又偏 也。 自 可 幼

夫

子

所

謂

平地

雖

覆一簣,進,吾往也

常

日

役

役

於

物

忽

有

念之善

生,

即

無限量,無欠缺,無間斷。

學不進,率由於因循。

事事不放過,而皆欲合理,則積久而

業廣矣。

邪 引 不 ? 竭 圃 ,離之而 下之不 此果何 竟不得 物 見 而 不開 邪? 其 名 終, 斷 也 推 測 之 之 圃 而 上 而 不 之莫究其 絶 無 窮 此 , 資 果 之 何 始 物 加

之無 淵 窮。 淵 乎 9 天 源 之莫 測 0 浩 浩 乎, 天 流

諛 説 之辭 治世 千 古 多。 聖賢, 君 臣 未 警戒之辭 嘗不 以 警 多。 懼 之意 衰 世 爲 君 勉 臣,

年 年 聖 成 借 賢 就 間 立 無 天 心 邊 源 物,本 , 扶 深 幾 持 許, 千 體 萬 何 古 世 曾 今常 一之綱 減 只是 毫。 常常 滔 滔

六

所謂「譬如爲山、未成一簣、止、吾止也」。平日力於爲善、忽有一念之懈生、即夫子

矣,尚安能忻悦不已而 人之言,故每 忘倦。 語 之而 若心與言 不惰」,只是顔 聞 每新,忻悦不已 不 發之所行哉。 相 契, 子之心深 則 每 加 聞 契聖

循循而不已者,其有所至與。 理氣間不容髮,如何分孰爲先孰爲後。

防小人,密於自脩。

三綱五常之理,萬古猶一日。

非實理,則月易而歲不同矣。

太極只是箇「性」字。

周子之太極,即《中庸》之誠。

識否? 不然,吾恐徒得其名,而不得其所今之學者有開口即論太極者,不知果

以

名也

以語人,其慮遠矣。後學有未涉四書門庭程子親受《太極圖》於周子,而終身不

諸己,其弊有不可勝言者。 者,開口即論太極,馳心玄妙,而不知反

求

一理涵萬物,萬物分一理。

依然完具,初無絲毫之減損也。萬物各得一理之一分,而一理之本體

物 自 無 雖 窮 銷 萬物 落 己 泯 年 ጠ 滅 所 生一番,是得一年之氣。 無餘, 以 無 窮 而氣之滚滚日 已者,豈非太極 一新者, 萬

之體與。

舜命棄播百穀,即命契敷五教,繼以《鄉黨》一篇,皆聖人之「時中」。

爲治之序。

泉陶

明刑。

治、教、刑三者相因

,可見有虞

養民生,復民性,禁民非,治天下之

萬物自微以至著。

聖人全體太極,渾身是天理也。

究竟無言處,方知是一源。

終 前 孰 卒莫之始終也 爲終,終之前 孰 雲 欲 不 爲 爲 識 間 厚 始。 始 理 收 則 乎 名 功 ায় 蓋 ? 何 難 甚 復 必 一、雲薄 所 識 爲 氣之息 有 理 似 始 能 玄 須 則 始 天 其 知 殆 N 能 識 出出 小 不 終者 始 默 理 口 乎? 本 本 知 居 無言 無 其 其 孰 始 間 爲 之

m

萃 無 方 日 矣, 方 爲 是皆 岳者, 非 ,則天之大不亦宜 大 海 而 也 其 ? 其 天之所爲也 大 天 所 日 乎? 地 氣 . 以 其 之 天爲 爲 流 者, 日 乎 大。 . 峙 0 ? 乎 則 非 ; 天之所 未 也 地 海 日 有 0 者 者, 方 非 岳 , 爲者 天 天 也 也 其 氣 氣 大 之 若 以 然 平 流 其 有 流 則

之爲 也 然 乎? 物 駸 駸 則 耳 明 丽 曰: 非 明者 暗 能 孰 月 爲 爲之哉? 亦陰之 日之爲 明 也 乎? 駸 物耳 曰 駸 而 非 . 暗 能 日 者 爲 特 暗 動 月 陽

> 焉 翕 ∭ 偂 實 爾 群 夜之暗 未 陽 當 闢 有 隨 書 爲 之。 之 也 明 9 是 從 動 皆 静 焉 循 翕 3 環 闢 氣 皆 相 機 推 機 静 而 之所爲, 不 而 得 群 陰

者 渾 渾 氣 乎 有 無 形 毫 理 忽 之間 無 迹, 也 氣 載 理 理 乘 氣

易》 所 萬 謂 物 未 「富 生 有 不 H 加多, 新 其是之謂 萬 物 已 生 與 不 加 少

矣。 語 無 則 其 Щ 有 無 來 謂 有 有 形 非 乎? 而 本 真 有 也 知 本 則 有 視 有 則 無 之 本 無 爲 無 丽 而 形 無 有 體 也 形 矣 者 則 謂 有 不 有 無 而 足 而 乎 無 以 ? 無

也 身 心 見 得 者 語 非 而 天 體 他 其 地 皆 所 孰 Щ 必 可 以 信][[自 見 爲 哉 近 也 是 日 ? 始 月、 則 其 蓋 星 不 近 所 必 辰 미 莫 心 以 見 近 萬 爲 得 也 於 物 而 是 吾身, 後 百 以 信 體 不 口 也 吾 見 口

主 宜 地、山 則 則 不 Ш 體 미 、日月、星辰、萬物之理,一也。 見 皆 也 失 其 口 職 見 矣。 而 無 舉 不可見者爲 近 以 明遠, 之 則

是 所 惑 也,循此 階,小學、大學,古 下,學者莫得其階,升堂人室者寥寥, 而 至邪? 今朱子《小學》、四書,猶古 顛躓於異學功利之途者,衆矣。 階於他,吾不知其所至矣。 升堂入室必以階,而君子爲學亦必 而賢,循此 爲學 而聖,是在 之階也。 人焉 秦 卒 耳。 之階 漢 亦 而 舍 何 迷 而

也。 教 之書,鄭 之澹也。 書,雅也。 欲 澹則人 豈獨 而好之者矣。 四 肆,是其得失之歸,亦 書、 也。 百家小説, 樂有雅 嗜者少矣。 六經,濂、洛、 心平而 莫不喜 鄭邪? 天理 夫何 淫詞 談 夫 而 存,甘 故 關 何故 樂 綺 ? 何 書亦有 語,怪 道 閩 異 則 以 之, 諸 於 其 人 之,《 味 聖 心 蓋 誕 以 其 之甘 迷 待 經 味

人也哉!

之病。 器。」聖人論 形而上者謂之道, 理 氣 最 分 7明,又 形 無 ൬ 下 離 者 丽 謂 之

萬物定于一,萬事定于一,萬古定

于一。

太極也。一心之理,統體一太極也。如耳、目、口、鼻、手、足之理,各具之

六五

讀書録卷之四

窮 莫不 有以 於 不 性 以 命 以 理 友之理,以至萬 有 行 也 也 可 身之 也 君臣之理,夫 口 造 身之理必有以 之,於 窮 自 極 能) 所接 加 同 也 盡 身言之,耳有 通之,所謂 爲一 萬物之理 原,所謂 其 而言,父子 鼻之理 性 也, 理, 婦 物 則 有 長 則 踐 初無 理 至 幼朋友有夫婦長 萬物之理。凡此衆 略 必有以 窮 所 手 之,於人倫之理必 命 有 耳 有父子之 理 本 自 也。 足有 淺 之 也。 出 末 之天 理 深之序,學者 處之,所謂 精粗之 理也 既 手足之 月 目 八命,莫 理 知 性也 有)殊,而 君 其 幼朋 目 理 不 有 之 理

體認未至,終未能與道合一。

在 ? 得非舊習有 乍亡 然 欲 者, 造 未 其 是 間 盡 極 去乎? 斷之時多也 而 未 者,其 病 安

進。 刮 絶之。 吾欲 舊習 新 最 彼 事。 則 汩 吾欲 吾之 進 新 , 彼 甚 則 口 止 悪,當 吾 之

南 乎。 日 念之! 年矣,北歸有進,庶 若與 吾北 朱子遺子從學, 初 歸 來 念之! 得 時 如 無 非 異 復 無 欲其 吴下 ,恐有愧於故 忝 無 爾 忝 Rul 所生。 爾 變舊習 所 生乎。 則 庶 吾來湖 而 也 有 進

仁道之大,莫能禦。 生理無不貫者,仁也。 仁則一,不仁則殊。

仁推之千萬億物,無不通。

核,種、 之,種之即 生 之即 意 無 成 成 窮 白 株。 株 偶 於 百 李 株 株 核 結 姑 可 千李,種 以 見 結 如 百 之 李 即

株結 于此亦可見。 之,生生之理蓋 成 千株。 白 萬 千株 李 種 結 不可 之即 萬李,種之即 勝窮也。 成 白 萬 株。 成 萬 道之大, 由 株。 推 萬

正道。心不可斯須離正理,身不可斯須離

曾點言志,只是箇仁字。

「滿招損,謙受益」,即謙卦「虧盈」「益

謙」之意。

周子《通書》字字皆實。

一毫人欲之私。漢唐歷代治天下,純是人二帝、三王治天下,純是天理之公,無

新眼六十四卦, 皆見於天也之欲之私, 帶些子天理於其間。

所 畫 排 一之易, 謂「須信畫前元有易」是也 畫 之易,今之《易》書 開 有卦畫之易 眼六十四卦,皆見於天地之間 則可以 心 會而 當知 不可 猶 無 口 以 桂 以 言 青 畫之易。 求。 求。 邵 無 卦 有 子

遠矣。 道只在動、止、語、默之間,身外求道, 萬物皆一陰陽,陰陽皆一理。

不錯。 自撓 雜 事 未至 矣 若 知如未知,已能如未能,則有 事 ,應事安得不錯乎。 未至先 先無一 有三端兩緒在 物 在心, 則事至應之 心,則先 進。

不敢有邪心,漸近於誠。

切己之益,而不爲口耳之陋矣。
聖賢爲教之法,無不效其所爲,則讀書有知。言存養省察處,便當效其存養省察。
聖賢言格物致知處,便當效其格物致

謂 自體 體之身,果能 言之於 自欺也 諸 學者開 心 口 而 果 體 實 能 ,皆能言道是好道 諸 行 實 身 此 好 好 此 心者皆 好道 道 理 不能 否 理 否? ? 理。 然,是所 若 徒 然 又 當 能

謹防外好以奪志。

六七

斯 須 照 管 不 至 則 外 好 有 潜 勾 竊 引 之

私 不可不 察。

防 閑 不 人欲如寇 密,則彼 敵 乘間 專 加 以 窺吾 矣。 之虚 實 斯 須

人心貴乎光明潔 净

枕 陋 睡 時 時 處 做 ,手足不 ,皆當存謹畏之心而 爲 學時 I 夫。 時 敢妄動,心不 以 處 至 處 無 是 做 時 無 不可 事 一夫處 敢亂 不 忽。 然。 想 雖 這 且 至 如 鄙 便 就 至

縷 綵 天地 色之類皆 自然之文, 是也 物物 皆具, 如 花 木 文

賁、旅 並 火雷,雷火交互 火」之用,以是見用法 用。 噬 以 嗑 Ш 賁、 火,火山 豐、旅 爲 體 交互 用 四 一貴 卦 法 乎 爲體 貴 明 論 平 用 威 噬 貴 刑 嗑 明 乎 皆 共 豐 明 慎 以 離

曲

偏 慈則不刻 治獄 有 四 明 要 則 能 公、 照,剛 慈、 明 則 能 剛 斷 公 則 不

> 其 所 重 外 物 ,不知類 至 輕 也 己 德 0 至 重 0 重 其 所 輕 9

取 用 之 不 常得 以 有 工夫 外 節。 道 物 心 緊 爲養生之 用之有節。 所謂 在 貼 内 在 身心 天 ,則寡過矣。 理 具, 做 人 欲 不可 小 固 同 人 不 行 則 可 斯須外 '異情· 取 缺 不 但 也。 以道 離 君子

細 千古聖賢之言, 看 放,即悠悠蕩蕩, 天之生物,只是自然,無纖 一「性」字 無 所歸 括 盡 毫

爲之 事 順 加 思。 難 理 順 理 丽 行 而 故 行 則 人見其易 亦如天之自 則 直 丽 而 易。 不 見其 然,不難 逆 理 難 III 行 能 則 作

當隨 聖 時 賢 揆 之 之 迹 以 固當 理, 而 考, 不 加 必 己之所行者, 其事之同。 又 如

0 也一 原重,今據鄭本删

六八

禹、稷、顔回,迹雖不同,而道則同也。

也 順 理,妄行,所以 循 所 謂 其脉絡 理 者 條 萬 理 事 崎 뻬 萬 嶇 行 物自然 一險阻 , 本 無 不 之脉 難 勝 事。 其 絡 ん難 條 惟 也 不 理

心地乾净,自然寬平。

I定矣。 人能知天地萬物各有截然之分,則心

自

差 自 而 也。 冥行 無差 知理 錯 , 雖 而 或偶 不 行 知 者,如白晝 有與 理 加 路 行 適 者 見路 會者 如昏夜 分明 ,終未免 無 丽 所 行 有 見

以

爲是陰陽之變者,太極也

書。心乃有人。● 讀的句,如無後句。讀此書,如無他

以 細 見天 細 體 凡看聖賢書,皆當以仁義禮智信 下 會 旁通之。 道 理之名雖多,而 久則 彼 此 互相 皆 不 發明 外此 <u>Fi.</u> 者 五 可

「予畏上帝,不敢不正。」可見湯之伐

夫豈有一毫利天下之心哉。苟有利天下夏,一出於上天之公,孟子所謂天吏是也。

之心,則非所以爲湯矣。

不幸,天下之幸也。 「成湯放桀於南巢,惟有慚德。」 湯之

孟子。 天之生物,一本也。知《易》者莫若

「易有太極。」易者,陰陽之變,而其所

陽之謂道」,「形而 之謂器」, 人,元不曾離陰 聖人言太極,就陰陽 皆不曾外陰陽 陽 而 上者之謂 言。 而 中指 言道也 如 所 道 出 形形 謂 此 圃 理 陰 下 以 者 示

加 體未嘗分也。 之 一分而 則未嘗少也。 爲二,一即 二分 而 爲 在二中,而一 四,一 四分爲八,一 即在 四中, 一即在 一之本

● 「有」下,王本有「大」字。

六九

加 四 之 又未 嘗 減 也 以 至 八

中 四 分 則 隨 뻾 所 爲 分 + 而 無 ; 三 十 二 不在 ·, 而 其 分 而 爲

一則自若 也 蓋 生二,二生四 四 生八,

生十 + 六生三十二,三十二生六

者

默

而

觀之。

四 河面 隨 生 隨 在 者,分之殊也。 六十 + 四

根 於三十二,三十二根於十六,十 · 六根 於

之一也。 根於 理之一各貫於分殊之中, 四,四四四 根於二,二根於一 分之 理

畢統於理 則渾然 無所 一之内。分之殊若 不包,實未嘗不合也。理 分矣, 而 理

未嘗 若 合 矣 而 分之殊則 分而 合,合 粲 然各 丽 分,斯 有條 所

以 之者歟

不

分

也

謂

心 管 萬 事 , 理 分 殊 萬 事 由

心 分殊理 0

神 也 天 陽 故 地 日 陰 鬼 陰 神 者 陽 ,天地之 之 氣 屈 伸 功 往 用 ,而造 來 者 化 鬼

> 迹 也

物 鬼之神 也 陽之能 伸 極 物 伸 而 者 屈 也 神 者,神之 一 陰 之 鬼, 能 屈 屈 而二, 極 者 而 鬼。 伸者, 知

生人 勝 生 生 露、生 窮 寒、生凉、生日 也,而皆本於 、生物、 生天、生地、 、生霆、生水、生火、生木、生 生獸、 生陰、 一「生」。 生 生禽,生生之多,蓋 月、 生陽、 生 星 生 生 温 辰 生 生 金 雨 可

也 鬼 太極 神 者,其 動 而 生 太 陽,神也 極 乘 氣 機 而 静 屈 圃 伸 生陰, 平 鬼

英氣 甚 害事 渾 涵 露 圭 角 好

氣 象

第

要有

渾

厚、

包

涵

從

容、廣

大

之

促 迫、 褊 窄、 淺 率、 浮 躁, 非 有 之

氣

只觀 人氣 象,便知 其 涵 養之淺深

萬 形 者 其 始 也 甚 微

分造 象、八卦 化 河 也 皆 圖 由是以 **>** 虚 其 中 生。 以 爲 邵子所謂 太 極 ,加 天 兩 向 儀、 中 四

畫前之易,不待 **上**書 而已 著者 也。

相 踐 安 履 見 皆 得 過 有着 理 則 明 理 落 與與 須 處 事 0 不 若見 相資 踐 履 理 過 雖 終 明, 無 則 цĮ 事 圃 依 不 與 據 理

觀

物 舍 粗 精 而 上而遺 粗 求 本末 精 下 厭 兼 ,鮮不 末 盡 ൬ ,所以爲聖賢 流 求 而 本 爲 ·, 所 異 謂 公端 語 之學。 理 而 遺

之地

一,曾點

所

以

流於

狂

也

有 序。 二程所以 接 孔 孟之傳者, 只是 進 脩

實 理 之 直 . 理 是 則 要 在 求 實 理 理,實理之名雖在

而

曲 折 細 微 理 無 不 · 貫。

書 當 着 實 體 認 如 讀 $\hat{\wedge}$ 中 庸》首 章

> 處。 如 便當求三者的爲 天 皆 命之 讀《大學》首章 在 心 謂 目之間 便 何 當 自 明 事 求 不 德 天 爲文字言 新 如 命 此 民 之 止 則 性 於 道 語 的 至 所 理 善 在 躍 何 纏

之覺 大 有 閑 流 畫 動之意。 伏羲 八 卦 小 川 圖 貼 於 壁

孟子曰:「天下之生久矣,一治一亂。」 孟子。

知《易》者莫若 纔言 象 便 (非真, 因 象 以 識其真, 則

人焉耳。

不 緊體認仁 錯。 毎日 、義、禮 就身心、言 智 四者 行、 應事、接 體認 得 是 物 處, 則 緊

賈皆 圃 之君子 遺其大者,視聖人包含之氣象遠矣。 未 聖人取人 ,好議 必 賢 論 以 極 者 其 寬,如: 於人 才 可 仲叔 小 用 過 猶 圉 必 皆 、祝鮀、王 辯論不 取之。 孫

在

甚 論 多 有 也 矣, 過 聖 圃 過 聖 揜 人 圃 人 其 取 遂没 猶 功。 人, 不 不 其 廢 如 其 以 功 管 有 仲 者, 匡 功 霸 之功 多 者 而 揜 見 之 佐 其 其 0 耳 過 剋 後 核 世 其 不 過 之 有 以

徼」,應上文「有名萬物之母 E 文「無名天 老子《道德經 地之始」。 **>** 一常 無 欲 常 ____ 以 有 觀 欲 其 以 妙 觀 其 應

有味。明白者,皆有切於學者之身心,愈讀愈明白者,皆有切於學者之身心,愈讀愈讀二《典》、三《謨》,夏、商、周《書》,其

《論 非 天 旧 地 語》言天契己,其 聞 之化育」,言與天 知我 見之知 者 其天乎」,猶《 而 己。 實一也。 但《 地之化 中 中 庸 育 庸 × 默 > 己 所 契 契天, 謂 爲 知

學」,學人事; 父子、君臣、夫婦、長 下學 丽 E 上達, 達」, 知 幼 之 達 我 類 天 者 是 理 其 也。 也。 天 乎。」「 天 理 事 在 如

> 也。 事 是 也 聖人默 而 非 也 如 便 仁義 然五 下學人事上 謂之天知 是 蓋 契 上達 者姑舉事 禮智之性 下學父子、君臣 爲 是是 者, 仁義禮 達 非聞 天 以 之大 在 理 智、 人 天 也 見 者 不 元 、夫婦、長 如 之知 而 能 亨利 元 言 知 亨 也, 而 貞 其 利 乃 實 天 之 幼 貞 天 之人 無 獨 天 之 與 理 命 知

子 子 子 天 子 爲 不 雖 乎」。 貢 猶 之 貢 聖 知 知 嘆, 亦 之 人 天 聖人之所以爲聖人 夫 夫子發「莫我 可謂 子爲 不 高 若後 然于 如 識,猶 可 愚之 深知夫子矣。 階 聖 斯 來 人,但 前 顔, 未 性 之 升, 知 際,子 及 與 唯 也」之嘆、蓋 及綏 雷 天 此。 道 同 之曾子 也。 故 來 不 知 雖 日 動 其 미 未 知聖人 聞 名 和之論 知 當 而 能 M 之言, 我 盡 己 時 所 者 領 之 以 夫 如 實 則 夫 其

家人卦,治天下之本備焉。

不獨仁也。苟爲不熟,焉得其味之美哉。熟之而已」。蓋凡爲學、爲善,皆貴乎熟,酸,熟者味甘。因思孟子曰「夫仁亦在乎酸,熟者味甘。因思孟子曰「夫仁亦在乎

君子熟於善,小人熟於惡。

之巧。 君子熟於精微之義,小人熟於機詐

君子熟於公正,小人熟於私邪。

理、象、數、辭、《易》備焉。

上下、遠近、大小、内外,渾只是天也。

天外無物,物外無天。

理、氣、象、數之外無餘物。

以告人,人其信之乎? 吾其誰告之? 大小道理,●吾心悦而不能言。舉此

毫私不有,渾渾乎其深大也。

融釋與道爲一。

元來學不可有爲,有爲即人欲而非天

理矣。

智。若有爲而行,即私而不公矣。而自然,不爲何而行仁義,不爲何而行禮夏生物,不爲何而秋冬成物。人之道亦公夏生物,不爲何而秋冬成物。人之道亦公觀天之道,皆公而自然,不爲何而春

《商書》數篇,光明峻潔,真所謂灝灝其精密,成湯以元聖稱之,有自矣夫。讀《咸有一德》之書,則知伊尹之學極

者也。

情, 它可含多音。 《典》、《謨》、《仲虺》、《成湯》、《伊傅》

諸書,尤切於學者。

之雜,即隔一重矣。讀書必專精不二,方見義理。有一念

《説命》曰:「惟學遜志,務時敏,厥脩乃以鴻鵠之心讀書,必不能造乎精微。

來。允懷于兹,道積于厥躬。惟斆學半,念

●「小」下,原行「大」字,今據侯本删。

厥 懷,終始 躬, 厥 典于學 德脩罔覺,皆爲學之效。 典學、皆爲學之功。 厥 德 脩 罔覺。」 遜志, 乃 來,道 時敏 允

声 事,非 謂 文 口 即 往行 乎 求多聞。 繼之日 克永 有二 説命》曰 也。 世,匪 事 蓄 學 :「人求多聞,時惟建 不師古之事 其 求多聞 説 于 德 古 攸 訓 聞 耳, ,猶《易 乃 , 必 蓋學: 即 有 謂 日 時 獲 惟 古 資 建事之 訓 多識 事 事 之人, 即 不 前 所 師

是 録 甘 》爲 盤 既 IE 隱 乃 遁 遁 不 於 顯 荒 于 野 世 耳。 暨 厥終 當 以 罔 朱子《 顯」, 只

大。 般 我 爲 合當如 便是 張南 無 無 軒「無 所 此 所 欲 爲 做 爲 做做 M 所爲 而 如 爲。 日 1 者 加 用 心 皆 若有一毫 爲 下 間 之」之言,其 天 平 大 理; 事 平 小 求 有 如 知 無 所 求 事 只 義 爲 道 利 其 而

> 之意 欲之私 與與 做 聖人之心 得十 ·分中 絶不 理 · • 相 分事 似 業 是 人

道 不計 無 所 其功」之意 爲 而 爲,猶 IE 其 誼 不 謀 其 利 明

其

謂 有 所 之仁,可 爲 無 而 所 乎 爲 爲者,事 而 爲,猶當 雖 當 理 理 未 而 無 能 私 無 心, 私 心 也 也

生 所 爲 ௱ 如 有 爲 乍見孺 爲 也。 加 爲矣。 若惡 子之人 其 聲、 井 納 惻 隱 交、要譽之心 之心 發, 無

之」,狂者也。 「知及之,仁不能守之,雖得之,必失

之。 心。 于此 觀 若常人之於瞽者,鮮 師師 亦 冕見」一 口 以 觀聖人之氣 章 , 可 見聖 不 忽 人 易 接 而 物 欺 之 誠

直使人感慕于數千載之上。 觀聖人與師言,辭語從容,誠意懇至

常人見貴人則加敬,見敵者則敬稍

衰,於下人則慢之而 己。 聖人於上下人己

之間,皆一誠敬之心。

敬天之心,瞬息不敢怠。

近來誠實畏天,而不敢萌一 念之惡。

洪範》篇造化、氣數、天理、人事 皆

具、《書》之《易》也。

一五事,●踐形盡性之學備於此。

《易》六十四卦,三百八十四爻,只是

君子小人迭爲盛衰。

則治 ,反此則亂。 君子居君子之位,小人居 有天下國家者,皆當親 小人之位,

君子而遠小人。

大丈夫以正大立心,以光明行事,終

不 爲 邪暗小人所惑而易其所守。

人」,况 顔子之亞聖,聖人猶告以「遠 他人乎 1 理明心正,則邪 媚 佞 不

能感。

好正道則正人至,好邪道則邪人至,

氣 類 相 感 也

卑污苟賤 君子之出處,當脩之身而聽之天。彼 ,摇尾乞憐,攀援勢要以售進者

果何心 哉

邪正 相爲勝負,久矣。

過欲治 君賢 豈有他乎哉。 聰明作元后,元后作民父母。」歷觀自古聖 衷于民,若有恒性,克綏厥猷惟后。」武王 惟天生聰明時乂。」成湯曰:「惟皇上帝,降 惟 相之言如此,則天之所以 仲虺曰:「惟天生民有欲,無 民、教民、養民,使各遂其生而已, 天地萬物父母,惟人 萬物之靈。 立君者,不 È 乃亂 曾

説性情。 老子云:「玄之又玄,衆妙之門。」只是

衆妙之門,猶道義之門。

0 二」上,鄭本有「洪範」二字。

老子之書,始欲論理之玄妙,末則流

於權術。

他 其 意 皆然 則 程子 在 人 日 焉 . 予之所傳者 耳 不 但讀《易》之法 辭 也, 由 辭 如 以 此 得

若 不 佪 有 得 其意 所得 莊 誠 子 所 之弊。 斵 者, 謂 輪 糟 掩 之説,深中 粕者也,其弊也久矣 卷 世 則茫 有 開 然 卷 學者 漫 則 能 不知所 溺 説 於語 義 理,真 説 言 爲 而

真見明,則邪見不能惑。一一見得理有下落,方爲真見。

余覺前二十年之功,不如近時切實而

有

味

順吾父母之命而已,遑恤其他! 天地者,吾之父母也。凡有所行

知

震、離、兑、乾、巽、坎、艮以至坤 震 以至 先天 復 圖 **>** 皆 却 前天 觀 坤 地之往。 艮、 坎、 異、乾、 ,皆後天地 順 觀 兑、

> 合; 來而 之終。 推之於後,而 無 窮 往 者 所 推 謂 其 引之於前 不見其 往 而 無 (終之 極 丽 離 不見其 來 也 者 始 推 其

大 定都,大事 ト統 枚卜功臣,惟吉之從。」《洪範》稽 事 爲 占卜, 主。 皆 古爲大事。 《大誥》、《洛 歸 重於卜。 舜 語》諸 以 欲 是知占 襌 馬,馬 篇 凡 疑 1 征 專 日 爲 伐 以

依 求之,欲 得不應之? 之。其求之之心固已 命于元龜,朕志先定,詢 ,龜筮協從」之語 古者占卜之法, 其 應也難 如所 矣 謂「官・ 可 神矣, 聖人 見後人以私意邪 占, 謀 以 則龜筮之神 惟 愈 至 同 先 公 蔽 無 鬼 志, 神 私 謀 其 安 昆 求

而 致 雖 寡欲 也。」康節 孟 微 子 ,省多少勞擾 細 曰:「苟求其故,千歲 之學,推 不 口 荷 · 皆當· 往 知 處 來 置 蓋 之日 合宜 亦 如 至 此 叮 坐

只寡欲便無事,無事心便澄然矣。

夕必自省曰:一日所爲之事合理否? 金每呼此心曰:主人翁在室否? 至

學而 説 能孝弟否? 説,不曾實行。 勿視、聽、言、動否? 若不能如此,只是講 耳 時習否? 讀 書所以 讀「顏子問仁」章,便能非 不見德崇業廣 讀「其爲人也孝弟」章,便 如講 學而 時習」章,便 (者, 只 是 禮 能

不妄爲,事事皆天理。一心皆天理。身不妄動,一身皆天理。事字,知一句,行一句,便有益。心不妄思,字,知一句,行一句,便有益。心不妄思,

方體矣。因無窮盡,故無方體。若有窮盡,則

有

者也。主,以所值九、六之爻爲客,所謂周流六虚主,以所值九、六之爻爲客,所謂周流六虚凡卦,六爻以初、二、三、四、五、六爲

迹,履之所 推 下 爻六位皆 無獨 必 出 虚 有 也,而 對 隨 《河 所 迹豈 值 圖》性 奇 偶居之。 履 畫可見。

道之所出也,而書豈道哉?

高則氣愈清,不能成雨也。 雨皆地氣自下而上,蒸騰而成。天愈

遏惡揚善,非剛明者不能,故於大有天地絪緼,萬物化醇。」 雲濃則成雨,氣濃則生物。《易》曰:

言之。内剛外明,大有也。

不惑,則理明而無疑,其進自不能止矣。透而心有所疑也。疑,故欲進不進。學至人不能有進,只是惑。惑者,見理未

必有 而 有聲有形 散 細看天 雷電、風 雖散 地 ,既散則 雲、 萬 有大小遲速之不 物、皆氣聚 雨露、霜 無迹矣。 雪之類,皆氣 而成形。 神矣夫! 同, 有 聚

也。

謹守下學,自能上達。

看聖門教法,只是有序,無序便差。

曾子所傳無弊,只是教人有序,《大

學》可見。

内剛外和,決小人之道。

決 小 「告自! 當 邑,不 先 自 脩 利 即 , 不 戎 미 利 專 有 尚 攸 剛 强

内健,則有必去之志。外説,則無悖

悻之色。決小人之善道也。

取與是一大節,其義不可不明。

者,則理之所爲也。

理

氣

雖

不

可分先後,然氣

之

所

以

如

是

只是合當如是便是理。

皆貫 於於 聖人之言,雖零 諸子之書 碎 非 説 無 嘉言 而 合 但 輳 欲 起 來 則

合輳爲一,則有不通者矣。

理 則 又 理 直 無 形 是 難 惟默 説 識 謂 之可 無 形 也。 則 須 有 理 謂 有

理直要心得,難以言語形容之。

五性之用,知最先,如開眼作事,便要

見是非,豈不是知在先?

見。 理氣不可分先後,只如《太極

圖

口

静 也 根 無 却 端 自 然 太 陰 静 静 極 中 又 動 陽 來。 根 丽 無始 於 生 如 動 陽, 也 天 動 雖 之 又根 自 四 動 時 於静 處 ,貞下 説 起 所 起 謂 元 而 其 動

理 動 先 而 生 理 而 氣 陽 只在氣 後 動 也 前 中 便是 ·, 決 静 不 ,静便是 口 分先 後。 氣 显显 如 太 口 説 極

方其 陽 理 面 爲 生 氣 静 混 之 陽是右 0 合 此 根 也 元 圖中 則 邊陰 方 無 太 其 間 極 _ 爲 動 斷 小 依 之 也 、先後 卷 静 根 即 則 而 静 無 太 V. 而 極 極 生 而 附 陰 陰 太 陽 動 是 極 相 而 左 根 行 邊 動

一陽止於二陰之上,山之象。一陽,

可見。 一陰,柔也,土也。觀之山剛也,石也。二陰,柔也,土也。觀之山

可見。

心 蓋 M 萬 常 亡,無以 理 在 心 皆 是 ___ 收 而 失,失非 察其 心 前 存 萬 妙 理 耳。 有 向 咸 外 以 至,至 識 馳 其 也 、妙耳。 非 蓋 自 雖 外 在 心一放 來 是 世 丽

弘 其 其 加 理 理 斯 也 操 則 如 道 存 持 手、足、耳、目、 也 所 則 謂人能弘道也。 理 須 豊 是於手足之類 能 自存哉 口、鼻 ? 之類皆 若手 事 此 事 道 足之類 操 人 不 也

逸而 聚得 體 鼻之類 上 貌敬 此 天德亡, 蓋 古語 少,其實 道 理 無 則 妙 常 不 凝 莫測 在。 百 皆然。 敬, 塊 聚 體 然 得 如 德之聚 懈 靡 德 血 心敬則 弛 或 有攸 氣 在 之 加 有 貌 也 物 軀 定, 不 -凝 則 敬 與 以 聚 惟 此 廢 , 物 則 語 得 敬 至 耳 德 則 心 最 雖 君 在 能 官 放 潜 凝

妙 也。 , 殆非淺 余見説太極者多矣,苟非 熟讀精思二三十年 周子《太極 近之功所 圖》,朱子之解 可 得 圃 窺 庶 測 得 以 實得, 其 也 心 旨 契 真 趣 心 説

氣 E 然者,便是理,不 ,初不是 朱子曰: 凝 聚散者, 結自 可 爲 以 氣也,若 物。 聚 散 言 但人 理 也 則 只 泊 在

夢耳

理既無形,安得有盡。

以 見,而月之本體則常 鍾 盂 水 水,水雖 是觀之,則氣 海水盡,或 或一溪水 理如 盂水 月, 盡 不同,莫不各得一月之光。 一,水盡 ,或一沼水,或 <u>一</u> 江 氣如水。 有 水盡 聚 時 存 散 各水之月光 或一海 而 初不 或 理 無 與 溪、一 鍾 水, 聚 、水俱 水,或 雖 或一 沼、 也 盡 不 或 可 江

可見矣。

陽,言理以及氣。 易有太極,言氣以原理。太極動而生

散言。

有形者可以聚散言,無形者不可以聚

甚 僥 目 説 倖 以以 品品 利 後 近 别門類, 人 世 達, 決 、開口 儒 科之利 而 者 無以 綴集 論性、天道 割 裂經、 使後 資 成 書,務欲 身心 學轉 一,而 史、子、 之用,其 其 相 包括古 (理益 剽 褔, 白 隱 弊 今問 家之 但 矣。 也

爲 科 專 目 以 而 著 爲 己之學教 書者,皆非 人, 爲 己之 ൬ 猶 學 有 也 爲 人

者,况以科舉爲人之學教人乎!

而 聞 也。」近 子貢謂:「夫子之言性與 見性 與 天道 誠 有 天 道 不 不不 口 得 可 得 而

聞者。

一部《論語》,聖人所以教人者,率名

後之 於子 實 孝弟、忠信、仁義之道 於此 學者 貢之語 理 爲 開 何 而 如 即 夫子之語 論 性、天道 9 至 於 則 性 之微,竟不 終 未 天 道 之及也。 僅 知 見

使 人 才也 學 者 俗 甚 儒 誦 矣。 不 習全文,爲説書應答之用,其 知教 人之本 或 爲 講 語 之 類 壞

言, 實 用 雜駁中亦有純 聖賢之書,統體 諸子百家皆 則有不通者矣,故曰 有可 粹者,取 純 取 粹 之言,但欲 圃 節 「致遠恐 不 焉 雜 미 也 泥 諸 句 子 句 之 求

江邊石壁無寸土,而草木生之,尤可

無物有大於理者,天地雖大亦一

誠

知

此

理,

有

登泰

Щ

而小天下」

之

氣

象

物

耳

見

剛

陽

之

氣。

讀朱子語録、雜書,斷不若讀其手筆

八〇

之書

萬 有 語 後 同 而 儒 數 纂 處 集 雜 見 説 者,幾於「日 語語 録 附 諸 若 經 稽 書 條

若 與 以 待 專 註 自 各經 讀 得 各 矛盾處,亦以起學者望洋之歎 之可 四 經 書 四 也。 註 書 脚之註脚太繁多, Œ 小註 文 傳註 脚太繁多,不惟 熟之又熟之, 竊 謂 有

若傳註精熟之餘,有餘力而參看之可也。小註中諸儒之説,愈生支節,而莫知其本。學者於正經、傳註尚不能精熟,即泛觀

外慕者,皆不知其味也。

知理之大,則知萬物之小,形而上者

無

窮

也

生萬物而已。 天地間無別事,只一理、陰陽、五

行

化

謂 静 《太極』 物 圖 乃乃十 **>** 右 半, 月 純 坤 中之陽, 中之陽 即 程 子 所

理一分殊,開眼便見。

於此 五 行 默 理 萬 識 雖 物, 焉 微 妙 與 則 難 夫 其 知, 體 倫 洞 實 然矣。 日 不 用 外 之 乎 夫 地 陽

悟 風 其 雷 妙 禽 耳 也 順 鳥 一切 非 張 特聞 子 有 喜聞 人言 聲之物接於 驢 語 鳴 之意 爲 聲人 亦 耳 如 心 者, 此 通 無 不 雖

也。觸目皆物,物識其理,所謂眼底無

全

牛

而隱也。物格知至,則識太極矣。要當於有形處默識無形之理,所謂費

知言 所 以 日用 不廣崇也 行之至小 孔 子曰 言 行,將謂 者,皆當謹信 庸言之信 小事都 庸 不 而 行之謹 ·謹信 口 忽。 一。以 此 德 是

計 品 ,宜其氣象之卑陋 品 小 聖人大公無我, 智 自 私 畫 夜 也。 圖 真天地之氣象。 爲 無 非 一身佚欲之 後

脩 其 在己,名無恤其 在外。

毁之不足怒。 未 善,人譽之不 足喜。 己有

無 與。 非天理矣。 静思:善皆己分之當爲, 若 纔 爲善, 即有求名之心,乃人欲 初與 入一

在外者皆不可 必,在己者皆所 當 求。

而

太極反之於身,精 而約者也

高遠 動 静、五常、 不可究詰之理求之,去道遠矣。 太極 理 白 雖至妙 行之間。 而 後 其實不外乎身 人論 太 極 ,即作

論於千古之上,六合之外也。 事接物至近至小處看,太極尤分明,不必 只於身心、 口鼻、耳目、手足、 然近者、小者 動 專 應

太 極 乃 至精至約之理,全之者聖,脩 既

盡,則遠者、大者可默識

圃

以貫之矣。

伏羲 觀象 以畫卦,周 子 原 理以作圖

> 其 義 也也

弊乎。 之愬不行」,皆當深 己 可聞惡 去與否,審度時 亦 病 疾惡之心 矣。 遽怒,先自焚 經曰「勿忿疾於頑」, 况傷於 固 宜 不 而 味 急 可 撓。 處之,斯 暴 無 而 然當 縱使即 有過 孔子曰「膚受 無 寬 中失宜之 悔 心緩 能 去惡, 思 口

以慎重處之。 事最 不 미 輕 忽, 雖 至微 至 易者, 皆當

事者。 觀聖人之去小人,皆從容自 所謂 可怒在彼,己何與 焉者也 在, 若 無

觀 \wedge 太極 圖 》,得一「静」字爲 處 事

凡 事皆當謹始 慮終。

之本。

亦足 從 事 以 於 發,只是尊所 主 一敬者 斯得 太 聞,行所知 極之妙

言,句句 無不識其理而踐其實,故曰「亦足 聞聖人之言便休,顏子於聖人之 耳。

以 發」。

不爲 萬 隨 物 時 耳 盡 自 而 天 出 地 鼻所役 蟲 老, 應 超 節 然 覺得 而 鳴 獨 無 存。 心常泰然。 非教 再 造 也 天

地 萬 物者 ,其太極乎

也 如 崖 石上 草木, 豈 有 種 ? 皆 氣 化 而

生

有 折 此 獄 象。 山 山 有 下火,火 火, 賁, 八爲山 君 子 揜 以 明 明 庶 不 政 燭 遠 勿 敢 故

化 並 行 天 地 加 之 不 息。 初 總 是 氣 化。 今則 氣 化、 形

息。 泉 種 而 者 物 壤 生 者 皆 自今觀之,人與 有 天 暴曬焚 尚 地 形 種 之後 之 多。 化。 初 燒其土,俾 試 至若 則 以 形 物 昆蟲 禽獸 化 無 片白 雖 種 草木之遺種 、草木之類, 五 盛 , 地 純 而 驗之,雖 穀之類 是 氣 氣 化 亦 化 凡 根 無 掘 未 自 有 至 種

> 以 無 螢 復 非氣 生其 爲 盡 ,朽木生蠧 然一 不然。 化也 處 得 0 此 N 或謂 非 濕 露 氣 氣 滋 形 化 生蟲 澤 化盛 ጠ 何 風 , ? 而 H 氣 氣 吹 又若腐草 生虱 化消 脜 則 者, 之類 草 爲 木

蹈 之喜。 中 則 石 壁上 實 氣 草木, 是 也。 最 知此 미 見 直使 生物 人有手舞足 自 虚 中 來,

虚

來,所謂無非至 切有形之物, 教 也 皆 呈 露 出 無 形 之 理

之身心 人讀 加 書 力行之,即 見果能 於 聖人之言, 是 顔子「亦足以 句 句 皆體

諸説 註 學者不但不能周覽,并經文傳註亦不能 文 不 己 通 调 讀書只當以正 竊 數 析 見 語 尚 傳註 9 有 mj 口 小註乃至數千 之外, 疑者,乃可 文、傳註 皆有 爲 諸 參考《語録 本,正文、 百 儒 小 其 註 9 實 傳 經

八四

矣。若有大聖賢作,必重加芟削矣。

反 亦 復 自 以 有 人 數 Ä 果 處。 能 萬言釋之,人 誠 若 心 無 求 道 誠 心向 亦 雖 不 五 此, 能 經 有 雖 兀 得 書 經 也 書 正 文 章 中

間 註 可 何 謂 邪? 發 程 揮 因 詳 遺 經 且 明矣,而學者莫肯盡 而 得不傳之遺緒,今之傳 其

識高則量大,氣盛則聲宏。

不發」, 子曰 説 究。 啟 言 而 者 其 而 自 言 、端 易 朱子 使 得 如 聖 《易 此 孟子 彼彼 學者盡 之。 賢 所 使 之 能 教 釋 傳》 彼 必 類甚 所謂「引 顔 如 盡 不 深 只説 得 夫 樂 者 能 思 其義 多。 章 子所謂「不 深 略 而 而言之輕 得七八分,待 曰:今亦不 而不 思 啟 自 其實。 聖賢之心,非 而 得 其端,使 發,躍 自 之,則守之 得 · 憤 不 道體深妙 適 也 如 學 敢 足 人 也。 啟 妄 自 者 以 故 不 不不 爲 古 使 欲 去 必 深 之 體 悱 而 略 聽 思

> 慮 領 論 加 不 徒 其 甚遠,而 志 其 (妙,而 增 矣。 底 藴 口 語之譁 後之人 ,使學者 有益於學者甚 不復致思其實,不 耳。 有 於 見 以 聖 之 賢 是 大。 頃 知 引 能真 聖 即即 而 賢立教,爲 不 謂 得於心, 發 吾已 盡 極

·只當缺其疑。 《易》、《書》、《春秋》,誠有不可强通

者

仕者養己。」切中後世禄仕之病。 文中子曰:「古之從仕者養人,今之從

其 傳 可 義 通 寫 者,缺其 《易》、《 難 贵 無一 矣。 書》、《春秋》以數千 不 不若 言半句 미 通者。 守朱 之磨錯 子讀 , 必 之法, 欲字 年 簡 字 編 通 釋 其.

密汝言,和汝氣。

而無爲。」「在險而運奇,不若宅平仲長子光曰:「在險而運奇,不若宅平

問 性 薛 五 收 問 常之本 文 也 中 子 間 道 Fi. 常 五 之 始 之 也

勝 殆有 之治 之世,又何爲不出邪? 果是邪? 出而好之者衆邪? 而 所 靡所缺,既盛而 然邪? 自有天地,即有聖人之教。 乘 圃 伏羲、神農、黄帝、堯、舜、三代 余皆不知其故也。 至邪? 前代之治有所忽。 抑 西方之學未出 氣化消息、邪正 果非邪? 西方之學 何其既 而 天 其

地之化亦有三矣。 三教之説,其來久矣,使教有三,則天

抑陰,距邪閑正,非聖賢吾誰望邪?觀奇偶,則知邪正有迭勝之理。扶陽

教並稱,則是天之生物亦有三本邪? 孟子曰:天之生物也一本,而世以三

不惡者,何邪? 夷服、夷音、夷行,人皆知惡之,而有

"CA"。 脩己、治人,始終條

理詳備者,

無

如

難得其要,得其要者《大學》也。他書非無脩己、治人之法,但散出

而

自克,則以不安者爲安矣。 理也,不安者,人欲也。然私意勝而不能 人心皆有所安,有所不安。安者,義

《大學》全體大用之書也。

《大學》文簡而包括無窮。

《大學》三綱領、八條目,於千聖之書

無不括盡。

《大學》之道,其至矣乎! 不行於世《大學》八條目,功夫一節不可缺。論治而不本於《大學》,非所謂治也。

也古矣。❶

不觀諸陰陽乎,其化皆以漸而不驟。《大學》乃諸書之括例。

「古」、鄭本、王本作「久」。

八五

人之處 事 如 是 則鮮失矣

之,不言而信,存乎德行者識之。 理非 經傳究竟 利 П 而 辨舌者所 不可言者 能 「所謂 知, 惟 「密」也。 默 成

行,否 事也。 政事 唐虞 政出於一,則治有所統而民心信。 則止,此 可止 百 揆之職、「揆」之一字最 可行,莫不揆度其宜,可 所以 政出 於一而 下無 有 則 廢 深

知 知 柄者必有人矣。 人則所 則 患知人之不明,不患大臣之竊柄。 雖 任 防 忌大臣,不使 者必君 觀之後漢 子, 何竊 可見。 預 事 柄 **一**, 之患? 左右 竊

之有也。 舍《大學》之道,而欲復三代之治, 未

代之隆者,皆不能盡《大學》之道耳 漢、唐、宋之治所以苟簡,而 唐太宗欲興禮樂,可謂不度德者也。 不能

> 其效當 然 者 祖 以 已成之氣習,致君 ,蔑如也。 私 以馬上得天下,不事《詩》、《書》,治家 則亦無如禮樂 昵, 或謂 不 爲治則 止 誠得 如 使有 叔 以 大儒 何 孫 大儒 雜 德如三代之隆邪? 也 通 霸 佐漢祖 制 生其時,果能 ,於人倫之序 禮之小。 以禮 樂 竊 變其 與 則 和 漢

太極者,萬理之總名。

三綱五常,禮樂之本,萬事之原

本 也。 聖人論治 建置、立法,其末也 有本有末。 Œ 心、脩身,

妣 深、大小、精粗 理 極難 说,大 ,無乎不在 抵神 妙不測,不問 遠 近

雖 不 離 可見者是 氣而 獨 立,亦不雜氣 氣,氣之所 以 ıllı, 然 無 便是 别 理。 理

看 來 理 一齊皆 具,而 無一物 能 外

氣則萬變不齊,理則 一定不易。

其

無少 他。 物便有此理,元不相離 ,萬古只如是。 天地生人物,不是羨 蓋合下便已都定了 有此 無 理 安 便 添 排 有 無 箇 此 減 理 物,有 無多 來 與

以勢利交者,安得不終離。

此

《易》之卦、爻、象、數,皆是天生的。

爲君所委任者,當以誠報,不可一 事

《易》從至微以到至著。

欺之。

惟以文辭名位自高,而貪鄙之行有不

異常人者 ,斯亦不足貴也已。

畫前 之易,沖漠無朕之中,而萬象昭

然已具也

挺持自守者必君子,攀援附和者必小人。

太極圖》義理,精而約,該 加 備

極之妙可默 識矣。

太極

中

無

物,人能中

虚無物,

則太

百 姓 日 用 而 不 知 , 皆爲 氣所 隔, 昏 蔽

之極, 殆與物無異。

理明 而觀衆論之得失了然。

以形容之。若以物喻之,即滯於形器矣。 此理真不得 無毫髮欠缺,無瞬息間斷。 而名,故夫子取無聲無

臭

不可以方所求。

心存,則因器以識道。

看來學者不止應事處 有 差,只小小言

動之間,差者多矣。

物侈言之,何邪? 釋氏極論道妙,而以金玉珍寶奇怪之

至於一 怒也。 以 種種之罪,又何量之小而心之忮邪。 聖人之心如天,物有違忤者,終無私 太極圖》一以貫之。 釋氏 有毁謗其 極言 其 書,不尊其教者,即 神妙 無 方,慈悲忍辱, 報之

0 羡」,鄭本、王本作「旋」。

八七

天體物而不遺,仁體事而無不在,吾

道一以貫之。

其 心。 擬,此其所以爲異端 聖人之言,坦 老莊之言,回 易明 邪 也 白 艱 讀 阻 9 之千 使 讀 古 者 不 可 口 見

聖人聞人毁己、譽己,元不少動,如浮聖人之心,天地之理,只是「直」。

雲一過而太虚湛然。

教人不以《小學》、《大學》,爲學教人之法,至程、朱而復明。

不

由

《小學》、《大學》,皆非教非學也。

向此,庶幾萬一。
余少年學詩、學字,錯用工夫多,早移

子産鑄刑書,叔向譏之,此有深意。治病不求其本,除弊不自其源,難也已!

不以禮制心,其欲無涯。 彿夫子之氣象,乃聖教涵煦而然也。

觀

孔門

諸

弟

子之言,從容和毅

~,皆彷

往而不至哉! 心無所止,則一日之間,四方上下安

ハハ

私。 欲 誇 故 取足者,天理之公。 衣 人,而 ,●養小以失大,君子不爲也。 聖人爲治,必 食飽煖足矣。 君子謹之。 衣食之類,本爲 有道者無足 開衣食之源,以 若過求華麗之衣 觀也。 養生之具,不 過爲 華侈 必有極 者 厚 是則 欲 民 可缺 生 、欲之 腹 以 衣 一, 故 食 之 是

理,故曰高而無實。釋、老之高,只是無欲,無欲而滅絶倫

得 如 聖 而 小之! 人之無欲 後人只爲多欲 ൬ 常伸於 故 爲 異端 萬 物 所小。 之上 彼 若 能

則息矣。 君子法乾之健,只無私便不息,有私

●「有」、鄭本、王本作「欲」。

讀書録卷之五

易大象

重坤相因,其勢極厚,君子法之,以厚

德載物。

有 近 地 耐 嚴 也。 懸絕不相及之勢。 ,故取此 一。 天 天下有 君 子以莊 高,去 象 山,遁。 而不 敬自 留,山 君子猶天也,小人猶 君子以遠 持,則小 卑,下 人 小人,不惡 而常止, 自不 能

「山上有火,旅。君子以明慎用刑,而

又有不留之意。 不留獄。」火照有明意,山静有慎意,火去

戎器以備不虞。 「澤上於地,萃。君子以除戎器,戒不

之聲音,和暢象之。 其象,以去暗即 雷出地 地暗火明,明出於暗, 中,其聲大,而 明,故曰 以 自 爲晉。君 氣 昭 和 明 暢。 德 子 故樂 觀

千鈞弩。」此意近老子之術。 機不可妄發。康節詩曰:「施爲欲似

静以養微陽,聖人贊化育之一端。「至日閉關,商旅不行,后不省方。」安

子觀其象,宜經綸以濟時難。

雲雷參錯震迅,乃天地屯難之時。

君

震動坎險,時之未通,君子宜不遑安

● 「海」、原作「游」、據鄭本及《易·坎》改。

八九

處 以濟其屯。

火之意。勅法、取雷意。 火雷噬嗑,火明雷 震。 先王 明法, 取

「以茂對時 ,育萬物」,皆實 理 也 取

法於無妄。

外晦 ,則氣象含蓄,内明則文理密察

蒞衆之道 也

既濟,乃已盛而有將衰之兆,故當 思

患 而 豫防之。

剛 明並用,折獄致刑之道也。

明 相 因而 不息,大人緝熙光明, 以 照

臨 天下 也

澤没 火則火滅,火燥澤則澤涸, 相 革

也

四 時 寒 暑 选相 更革,故治曆 明時 取

類族 辨物、各别 其 所 同

臨 下之道,無 過 於 教 思無 窮, 保 民

方法之。

無 疆

Ш 下有澤,澤 滙

Ш

減,乃損之義。

所當損者,莫過於忿怒嗜慾也

麗澤,有互相浸灌之義;講習,有互相

滋潤之益。

民志」法之。 「上天下澤」,其分甚明,「辨上下,定

命。 子居位,法鼎器之安重,故能 静則聚,動則散,故正 鼎器所處安重,故能受所載之實。 一位足以凝命。 凝聚上天之 君

勸相」,亦無倦。 「木上有水井」,其出無窮,「君子勞民

天之不息以剛,君子法天之不息,亦

以 剛

地 厚 無水不容,故爲師。 君子法之,

亦當無物不容也

「天下有風」鼓物 無 不 施 四

九〇

法 其 象 隨 風 ,亦當丁寧其 異。 風 有 漸 命 次柔 於 再三以行 、之義, 君 子 則

雷 相 沓 丽 至 ,聲可畏無甚於此,故「君

時

人深

加

人易從矣。

子 以 恐 懼脩省

艮 木 自地出,爲升。 ,内外皆止,故 君子所思不出其位 君子法升之象,順

積 其 德,自小以至大。

君 子 亦當 澤 性 虚 潤 中無我,以 下,山 體中虚, 受天下之善 内能受外

反

至大。 ,氣也。 君子法之,「多識前言往行,以 Ш 形也。 以形畜 氣 所 畜其

賢 無 上 德善俗」,亦當 ·周徧 П Ш 不周 E 有木」,爲漸 徧。 先王「省方觀 以 漸 圃 長之義。 不 可 民 驟。 設教」,亦 君子 風 行 居 地

中

心之實,故取中孚之義

物 之相 比 ·莫過· 水 與 地,故先王 建 萬

> 或 一親諸侯」取 其義

則「儉德辟難」,人不得以禄榮之。 君子之顯 他 物 相 比 猶 晦 有 屈 間 伸 隨 惟 水 時 頣 加 地 己,故 無 間 否之

蒙之象,則當果行育 上有水, 身脩 上安由 過恭、過哀、過儉,皆過之小者也 Ш 德 下出泉, 則窒礙 下厚,故剥上厚下以安宅。 雖蒙 而 有難行 昧 德。 而 之勢。 有 觀蹇之象, 可行之理 故君 則 子 當 觀 Ш

尚 其 辭 天上 君 果行,水之義,育德,山之義 只六十四 ,此亦 子觀其象,作事謀始,則訟端絶 水下,天左水右,二者相 口 土 見。 之名,儘 君子 議 有 獄 義 緩 理 了 以 言 死,出 違 而 於 者 爲

大者。 遷善 如風之速,改過 如 雷 之迅,益 之

九

雷人澤中,聲向閩寂,「嚮晦入宴息

取其義。

義。 折獄 0 Ш 「山下有火,賁。 下有火,明不能燭遠,故其 明庶政,取火之義。 君子 以明 無 敢 庶 (象 如 折 政 獄 此。 取 無 止 敢

制度數,議德行,節之義。

虚如心之無物,中實如心之有理。中孚,全體則中虚,二體則中實。中

物。居方,謂火上水下,凡物皆然。子觀其象以慎辨物居方。辨物,謂水火二火上水下,各行其性而不相資,故君

以合其渙。風行水上,渙散之義。享帝立廟,所

遏惡揚善,非内剛外明者不能,故大山本高,地本下。高而能下,謙之義。

有象之。

振作其民,取風意,養育其德,取山義。「山下有風,蠱。君子以振民育德。」

德則忌。」 澤 Ė 於天 施 禄, • 夬。 取 澤下之義。 君子 以 施 禄 居 及 德則 下,

忌,取乾健之義。

居

慎言語,養德之大。節飲食,養生

之大。

「雷雨作、解。赦過宥罪。」取解散

之義。

者,秉彝之自然,異者,制行之當然。「上火下澤,睽。君子以同而異。」同

君子需時,飲食宴樂以需之。

隨日人之晦而宴息,隨之大者。

陽根陰,陰根陽,而太極之理無不在

也。道者何? 太極之謂也。

焉。

程子

,所謂:

易,變易也,

變易

以

從

道

天地之化,一過而不留。聖人之心,

一應而無迹。

九二

0

者爲幻 剛 迹, 經》只欲 此所以 説 偏 形 於空虚 圃 一之道 也 聖 以 形 則 而

下

道器合言,所以皆實。

殆有屨賤踊貴之譏矣。❶ 風 刑 淳,教養備,犯 氣 此不度 日 立法當審度時宜 漓 ,他事皆與 世 宜 者 者 至 也。 少,故肉 (古異。 後世 唐、虞、三代 論者多欲 刑 獨 口 欲復 施。 此法, 風 後 復 世 氣 肉

陽, 姑 即 爲 以 非 黑白 陰 自 太 非自 極 右 分左 而 圖 左而 左 **>** 右 右 也 耳 邊 右 黑中 左邊 也 之白 白 但 假 中 之黑, 象以 白 盡 顯 即 黑 爲

起,非有二也。静中之動亦自此起,動中之静亦自此

端必求一超出陰陽之外,不生不滅之説。聖人之心,廓然大公,❷與化無累。異

有是理乎?

弊。聖人大公至正之道,開眼即見,萬世

無

雨亦有就隨處雲氣蒸騰而成者,亦有

同,及雲氣布獲周匝則無間矣。

自

他方雲

氣

風

雷

挾

持

而

至

者

雖

有

遠

近

太顛以 以 病 爲其 故 想韓文公敬 爲其所動。 介動 物 外清 也 虚 曠 太 韓 湯 顛, 公不能忘情富 之説格之,此公之所 只 是被 他説 著 己 脯

爲學以四書爲本。

四書五經,周、程、張、朱之書,道統正

傳、舍此而他學、非學也。

莫知 發 揮 所宗。 之, 漢唐以 如 日 來,正教 自宋諸君子表章四書 月 經天,而嚼火自息 與異學 並 行, 五 圃 有 經 學 志之 而 者

- 「饑」,原作「機」,鄭本、王本作「譏」,據改。
- ② 「大」,原作「太」,據四庫本改。

九主

九 四

宜 讀 精 思 而 力 行之,庶 不負先正之

不 几 而 書 識 滿 其 天 人也 下,真 知 實踐 者 蓋 有之矣

用矣 《易》求象占。 旨 《禮》求 求 敬 精 義 《樂》求 之旨 理皆體 和 \wedge 《春 詩 於身心,則有 **>** 求 秋》 思 求 無 是非 邪 之

惟 無欲 最 高,有欲 則 低矣。

彼 不自 伊 、傅、 爲大 周、召: 也。 如 佐 有 王 自大之心,則 行 道 一,其功 大 非 伊、

水、 舜、 天、地、日、月、 山、澤、八卦 禹 有天 下而 之象。 風、雷、 不 與,分定故 健、 順 雨、金、木、 也

麗

傅、

周、

召矣。

之詞 險、 陷、止、動、説、人,八卦之德 何邪 楊子《法言》意實淺 而 飾 以 短 澁 奇

古

何 毫 自 邪 滿 聖 人 之 雖澤 意。 及 釋 氏 四 海 動 軱 功 言 被 其 萬 功 世 德 而 無 量

何 色、味之盛,又極人世之所 邪? 之所貪,彼欲 聲、香、色、味、 滅 絶者 觸, 也。 佛 書所 無者而誇耀之, 及 其 謂 論 五 一欲,世

斯 熟 時 有 學有 所 ,一言一句 得 矣。 所 得 之理自 必 自 讀 然 書 人 與 心 讀 融 書 千 熟 萬

坐先 几 爻 得此 中 太 象 無 Ш 極 心。 謂 限 是 事 人讀 易之精,六十四 若如其説,未 是易之蕴 書爲 義 外 有 İ 卦、三百 不流於禪 夫, 必欲 者。 静

質 之。」使皆有知 愚 而 昧 下 民 民 無 從之。 雖 知 者 所 多。 禀之性皆 桀紂 則 帥 傳 之以 帥 日 天 同 暴 下 堯 而 而 以 舜 其 不 暴, 從 帥 實 矣。 而民 拘 天 下 於 從 以 如 氣

異 端 怪 誕 之説 分明 理 所 無 者 而 民 皆 靡

從 之,可 見其 無知 也

下 則 惑 好 於罪 異端者,天資 福 高則 淪 於空 虚 , 氣 禀

值 0 要見道只在 不 存 則 存 雖 心,存 至 近 者, 心則 亦 觸 莫 處 識 與 其 道 爲 相

程 子釋《中庸》「鳶飛魚躍」 日 「與 必 有

道

事 謂 焉 也 而 勿 IE 心之意 同 活 潑 潑 地一,存

理 萬 如 事 猶 物 可 心 力爲 如 鏡 只 此理 鏡 明 非 則 力 所 無 及 遁 形,

物

心 明 則 理 無 蔽 迹 昏則反是。

惟 心 明 則 映 得理 見

道 雖 未 嘗 遠 人,心有斯須不存, 則人

自 遠 道

釋子以罪 福 誘 人, 豈是公道

子不問賢愚、善惡,只順己者便是。

類 自 片實 不 能 理 一,徹 E 徹 下 , 萬 完 具, 而 有

其背 散 猶 俱 如 ,于此可見 盡 氣 H 動 光 理 而 實未嘗與之俱 如 而 載 有 日 理雖未嘗與 鳥 滅息之時。 光,氣 背 圃 飛。 如 那 往而 、之暫 鳥 氣 鳥 飛 有 有 離 理 而 聚 間 ,實未嘗與之 乘 H 散 斷之處, 氣 光 機 理 雖 圃 無 不 動 離 聚 亦

之一 分。 消 理如 理古今完具,而萬物各得其一。 息者 物在則光在物,物盡 日 氣 月之光,小大之物,各得其光 加 所以消息者理 則光在光。

之資 中。 此 今人物公共之理,非己有之私 所 謂無 告諸 其答問 《論語》一 聖人所以不矜者,只爲道 迹也 子。 敷 書,聖人 一處,亦 至於仁之理,則 只以 多就 求仁 事言 故 理是天下 之方、爲仁 未嘗及也, 不 矜。 加 理 在 古

論理而不及事,末流爲虚無之弊。

聖人多教人以下學人事。

者踐 粗 上 本末 教 弊也 人,而 履未盡 古者《詩》、《書》、《禮》、《樂》, 兼 該 窮 粗 而 理 迹, 而 無弊。 亦就 物 後 議論已 Ŀ 世 或 窮究,故 論 一極精 理太高 深,故未 多 所 學 就 精 學 事

此,亦可以進德矣。 發不平之氣,可見詩人之忠厚。而學者翫 「君子偕老」,其辭含蓄微婉,略無激

也。 己有 養之功,亦可以觀 後世之詩有佻薄淺露 涵養之功 詩人氣不暴戾, 是 世變矣。 亦 而詞語 先 王 者,雖 德 和 澤 平, 其 雖 之深 無涵 其

倦 節 淆之頻數 意,當斂襟 ,則心反爲之動而 讀 書固不可不思索,然思索太苦而 則 必 正坐,澄定此 濁。 凡 神氣 讀 書 不清 心,少時 思索之久 ,如井泉然 再 覺 從 有 無

於思索,則心清而義理自見。

思索太勞而不節,暴其氣也。

顏子於聖人之言無所不說,正與「不

違如愚」互相發。

事來不問大小,即當揆之以義

萬物本諸天,萬事本諸心。

氣昏物誘者,性之害。 識明理勝者,

學之功。

三代之治,本諸道。漢唐之治,詳

於法。

古之學也一,後之學也支。教不以道則非教,學不以道則非學。

公於己者能公於人,私諸人者由私

諸己。

可勝言。於千餘年俗學異端淆亂駁雜中,周、程、張、朱有大功於天下,萬世不

海,而 明 剔 撥出 俗學異端之説,自不得以干正,其 道 四 絶 書 ௱ 來 復續 表章發明,遂使聖學晦 粲 然各爲 全書 流 布 面 功 復 兀

《法言》澁 心不錯,即諸事不錯矣。 圃 晦 中説》暢而 淺。

思天 理 則 心廣 加 明。 思人欲 則 心

狹

前

暗。

《中説》勝《法言》。

詞 體要,以至五經各有體要。 爲《大學》之體要,「誠」爲《中庸》之體 「仁」爲《論語》之體要,「性善」爲《孟子》之 亦 之書乎? 理而足以該 奇 聖賢之書,其中必 矣,論亦博矣,其中果有體要如聖 不然,則偏駁支離 萬 殊也。 荀、楊諸子之書, 有體要。 體要者何? 而已矣。 如 明 要, 德

若 聖 文中子論治 論 治道 則 道 自 源 固 多條 徂 流,本末 暢,只是 兼舉,不 碎

若是之碎細也。

語 以 所及 者, 當。 語 人 以 所 及

者,妄。 默觀《太極 圖》, 與己一一契合。

五經 四 書之外,義 理 之精 妙者 無 過

太極圖》,切要者無過《西銘》。

寡要也,雖有要而 之外無餘言也。 太史公謂:儒 人自不知 家者流 博而 也。 要者 寡 要。 何? 非

生,當知其一本。 理。 觀衆水之流,當知其 觀群聖之言,當 一源。 觀萬 物之 知

其

以 、理言。 實過 須彌 宋以前知孟子者,韓子一人而 納 其名者 芥子,以形言。 ,魯齋其人 也。 芥子納 須 彌,

程子挈敬之一辭,示萬世爲學之要。 程子之主敬,周子之無欲,皆爲學之

至要。

差錯 多亦 想,口 奚 ? 讀 不絶念,守之勿失, 心以爲 書貴 泛觀天下之書 ? 知 要。 只 顔 而 子 不知 循 四 之 用 勿 勿, 違 力 心 處 贵 不 有 絶 雖

理無影,就事可默識。

尋思千能百巧都不濟事,只無欲是

高

處

子 静 念之 ·貴 中一 乎 不善之端 慎 慢 念之 即 獨 非 也 刻 禮 即 豊 '一念之詐即 非 待 一; 應 物 念之 丽 後 非智。 貪 見 邪 即 ? 非 此 君 如

可 日 知 本 矣 程 不 動 子 日 得 此一證 人之於性 9 則此理萬古常存而 ,猶器之受光於日

爲 而 理 主則 爲 主 不 氣 與 俱 爲 客 往 客 有往來, 皆主 一之所

元亨利貞,天之命也。仁義禮智,人

性 皆 之性 者 得 性 亦 物 有 皆不能 氣 不 則 不 中 智之性 全之全者,有全之半者,有全之少者,有 火得禮 質 能 拘 能 細 也 乏 盡 全者。 於氣質,愈不能 分之,又有 萬 推 四 虎 相 之性,●金得義之性 殊 也 者 狼 通 其品 惟 得仁 也 是則 人 氣 0 與 蓋 質 之性,豺獺 蜂蟻 同者 不能 天 全矣。 清 合 濁 得 生理之一 勝 而 義 通 計 如 得 一,水得 之性 得 塞之不 木得 也 其 禮 全。 之性, 源, 智之 雎 仁 至 鳩 於 就

慈 鳥 愛之 端 護 略 仁之 子 發 能 而 性 發 於 翔 見 自 物得 1然也。 他則 護 者 雛 尤多 不能類 而 但 啄 爲 , 如 形 犬 推 牛 護 矣 氣 呼 所 子 犢 拘 丽 噬 圃 於此 鳴

鳴 於 垤 天 是 將 也。 陰 ௱ 以 穴 此 居者 見 物 物 先 各 知 有 如 性 蟻 出 而 鸛

蟻 不 亂 出 穴者, 至微之物,尤 而又不 雖 迷失故穴,非 行 百 可見其性 步 之遠 其 一往 識 性 之 識 一返 之 靈 行 常 列 能

知 而 有 飛 潛 性。 動 之物, 皆有 知 有 性 9 植 物 則 無

是邪

而 動 性之本 之 初, 體,未 則 有 善 感 有 物 時 不 渾 善 是 善 周 子 到 所 感 謂 物

也

妄之謂 行 道 而 誠 有 義 得 禮 智 於 心之謂德, 之 謂 性, 率 全是 性 而 德 行 而 之 真 謂 實 道 無

至 濁 之 無欲 水,雖 如 至 Щ 清之水,秋毫 岳之大亦莫能 必 鑑矣 見 有 欲 如

露 欲 欲 盡 深 而 而 天 天 理見 理 香 如 如 水至 至 清 濁 而 而 寶 寶 珠 珠

以人欲言。暗。此先儒之成説,但先儒以氣禀言

亦 可 見 犬至 性 無 賤 不 而 在 有 也 主 家 雖 貧 甚 圃 不 去,

端。 鳥逮天未陰雨而綢繆牖户,亦其智之

瓜瓠之類,以竹木引之皆纒附而上鳥性巧,如燕作巢之類可見。

又似有心者。蓋主宰乎是者乃其心也。

之蠢 情, 甚 而 而不知 不能通 鳥 然者,人 與物異」, 騰 皆 禮 也。 知 義之當 與 寒煖、 正謂 物 晦庵朱 同 此 然, 飢 耳。 子所謂「知 渴 乃 義 其 牝 氣 牡 智 體 之粹 覺 利 昏 害 運 塞 動 之 之

不出乎《大學》一書。 今人開口論治道,殊不知治道之大,

九九

時不 得 至 孔 宋 子 不 然 諸 教 耳 老 人 先 説 生多將 下 學 處 本 極 源 多 發 説 以 示人,亦 達 處 極

之展 葉 細 開 看 花 植 結 物 實者 亦 似 即即 有 其 心,但主 心也 宰乎是, 使

道 祭」之類 聖 如告仲弓「出門 教 可 見 以 IE 容 如 謹 見 節,即 大賓, 是 使 持 民 敬 如 承 之

性 也 程子曰:善善 可見理 雖 固 不 雜 性 乎 也,惡 氣 小亦不! 亦 不 離 可 乎 不 謂 之

别 也。 性 於 别 理 理爲 心 有 爲 眞 非性 性也 命即 理 命 理爲道 義 高 0 禮 也 無 之外 是性 忠 **安**,非 道 智 忠即 只是 也 即 也。 别 之所 是 有 性 恕 盡 循 性 德即 從出,非 之外 即 是 非 此 理 推 性 性 是行 爲 四者之 是性 於心 别 而 德 行,非 性 有 此 也 於人,非 之 道 外 非 外 理 别 性 誠 性 而 别 之 之 有 有 爲 即 有 誠 是 得

> 之外 統 宗 性。 别 歟 有 -理 理 之 爲 名 恕 雖 也 有 然 萬 則 殊, 性 其 者 實 萬 不 理 過 之

夜匪懈」,其斯之謂與! 省察之功不可一時而或怠,詩曰「夙

一而無二。

内外合一,性與理無二致。

太極中無一物,外物於吾何有?

老子「多藏必厚亡」之言極善。

矣,世有迷貨喪軀者,何其愚之甚邪。老子曰:「身與貨孰多?」身一而已

地,無非天也,敢不畏乎! 天誠可畏。近而吾心、吾身、密室、顯

將 以 欺 人爲不善者,將以欺天, 人, 而 人不 可 欺 曷 而 若 天 不 不 口 爲 欺,

⁰ 刻爲注文小字,據語序與文意改作正文大字。 理 爲 爲 道 德 也 也 德 誠 即 即是 是 行此 性之真實無妄非 道 而 有 得 於 N' 性」三十六字 非 性 之外别 原 有

愈也。

性兼理氣言,其實則一也,故曰「二之則不性兼理氣言,其實則一也,故曰「二之則不性,如」

若也。

萬變不齊者,皆氣之所爲,而理則自

此理爲氣所挾持,或善或惡,至於萬輕與,必濫取。易信,必易疑。

變之不齊,而其體則一也。

清,亦 則 有 清濁者 水亦濁 性 猶 譬 氣清 亦 ,渠使之然而 如 猶氣 而 源 性亦 水,引去清 香而 明 性亦 水則本清。 也。 督 引 渠 也。 中,則 去 一濁渠 是則 性 有 水 水 亦

凡待人當盡其忠,而不可以欺。人致

説

余特述以明己意

耳

明者,氣使之然而性則本明。

此先儒之

一致,欺人,實所以自欺也。

理本齊,而氣不齊。

發見 爲,而 謂 見,隨 致 也。 爲學者,正 流 氣 復爲 理 强 行 有 理 耳。 氣 不 弱,故昏明、善惡 欲變此不美之氣 所揜,終不能長久開 得 然非加百倍之功, 制 焉。 至 或 理 皆 質 隨 有 , 使理常 亦 時 氣之 通 而 所 所

慮事周密,處心泰然。

「敬」字,「一」字,「無欲」字,乃學者至

要至要。

69不可尚已」。 白,真所謂「江漢以濯之,秋陽以暴之,60 此理經宋儒大加發揮之後,粲爛明 余近日甚覺「敬」與「無欲」之力。

惡亦是性,只是性翻轉了,便爲惡,非

●「氣」下,鄭本、王本、《二程遺書》有「使之」二字。

性之外别有 之説可 見 物 爲 惡 也 如 ^ 陰 符經》「 五

盡 略 有與人計 較 短 長意 即 是 柤 滓 消 融

未

人能 弘 道, 非 道 弘 人。」 見 氣 强 而

理 弱

氣 也 氣自是 程子論 新 呼 者, 吸亦 非 既 如 散之 此 氣 復 爲 方 生之

「上天之載, 無聲無臭」, 復何 言 哉

不行 而至,不 疾 而 速。」蓋當體皆具

亦 無至亦無速。

理 一只爲 氣 所 隔 蔽 故 不 明。 去 其 蔽

隔 則 天理明矣。

至大之惡,由於一念之不善。 君子惟義是守, 命有所 不 恤 也

君子性其 氣 小人氣 其性

理 掃 却 著。 浮 雲, 而 太虚 自清。 徹 去 蔽 障

而

天

自

其果可恃乎! 命, 命 脩省,惟義是守, 獲,蓋有不遂所 蓋 有所不計 世 切 人 不脩, 信占 也 1 惟君子則不然, 欲, 事 而 小 貧 恣 而 術 賤 縱 反罹 , 富貴 妄 以 爲 爲 咎者多 己 偃 聽 有 凡百恐懼 然 於 富 矣。 僥 自然, 貴 倖 命 所

恃 日 事 此 吾命素定矣,雖爲 而 而 星命家 不 取敗者多矣 廢其脩省之功。 最 悮 人。 不義之事可 君 子 小人得 得 吉 1 無傷 占 固 若 也 則 常

不 在 水 以 $\dot{\mathbb{Z}}$ 即 星 乎? 、水火即不焦溺,豈非命雖在天而制 溺 命家言之,謂 命 雖 人火即 在 天, 焦,所謂 加 其 制 有永年之壽矣。 命 實 永年者不可 在 己,有人 恃 於 也。 命 此

矣。 色傷 生 又 又 之 如 如 人 素 事 素 强 皆 羸 壯 不 瘠, 乃 敢 恃 爲 乃 其 能 則 强,恣 兢 其 兢業業, 壽 意 固 傷 미 生 延 凡 之 永 酒

事 而 則 制命在己飲 其 禍 口 V 待 也 此 又 贵 非 命 雖 在

效驗,信哉斯言也 命,常人之至於聖賢,皆工 程子曰: 脩養之引年, 夫至此, 爲 國之 祈 則 有 天 永 此

觀《無逸》「耽樂」之戒 則 祈 天永 命

誠 有在。

程子曰:吾以徇欲傷生爲 深耻 學者

體 此 ,則可以保身矣。

聖人爲治,推其固有之善及人。 纔 有

私 意,即入於權謀 術數矣。

纖 毫私意夾雜其間,即非真爲善矣。 爲善須表裏澄徹,方是真實爲善。 有

下。 爲 國 之心,故其事業顯著而名望爭動於天 後世之人,以私意小智自持其身,而 韓魏公、范文正公諸公,皆一片忠 誠

君子行義以俟命,小人恃命以忘義。

欲

事

業名譽比擬前

賢,難矣哉。

天道 福 善 禍淫, 昭 然 미 驗 間 有

者,幸不幸耳

敬,是方做工 心如鏡,敬 如 夫,誠,是已成就 鏡 鏡 纔 磨, 處。 則 塵

者

理明。 去 而 光 彩 發。● 心纔 敬, 則人 欲 消 丽 天 垢

0 垢」 原誤作「姤」,鄭本作「垢」,據改

《陰符經》雜言并序

定。

理欲

之謂

也。

而

發

得

萬

閲 經 其 却 伊 ĴΠ ൬ 雜 程 録所得之語如左。 然皆 子曰 :「《老子》 窺天 道之未 甚 至者也 雜 如 陰 間 符

上

在我。 天行 萃理氣之靈,有作 心 , 天道、天行、五賦之德具於人心者也。 夏秋冬。 ,見五賦 也。 經 皆由 曰 Ŧi. . 天道者,元亨利貞。 賦者,仁義禮智信。 天 此 而 道、 心 施 而 行 爲 天行、 己。 於天,囊括 運用之妙。 故曰 Ŧi. 賦 人心,機 宇宙 天行 觀天道,執 天性 0 天性、 而造 也 心 即

> 道,以定人也。」總結上兩 機之一字,又《陰符經》之至要至要者歟 天性, 發太過 人也。 變怪 人心, 見,機 節 機 而 言 也。 宜 立 而 天 之 化

宜 悉皆退聽, H 得 昧 力於視、聽、言之間,使皆 不 巧 前 能 而 以 其 機 濁 性 汩 動 能伏 是 者 有 其 其 而 也 天 巧拙 拙 中 不 加 藏。 也。 能 也 亦可 巧者於三要,動 伏 巧 拙者誠 不能 藏 者 以 九竅之中 氣 識 收 質 能 伏 伏 能 其 之禀清 伏 藏 藏之效矣。 變拙 機 出 者,九 藏 有「三要」: 而 於正 能 者,九竅 濁 爲 静皆不 巧,而 伏 m 竅之邪 言, 藏 則 · 失 其 餘 能 之 拙 清 邪 者 邪 致

動 必 潰。」機之過 火生於木,禍 也 發 必 知之脩煉 剋;姦生 於 謂 國 之聖 時

人。」機之宜也。

中篇

息盈虧,理之自然也。「天生天殺,道之理也。」陰陽生殺,消

得其宜 機 萬 矣。 天 萬 人,萬物之盗 地 物 化 則 得 自然之利, 病 盗失其宜 天 萬化安」,人能 其宜矣。 矣。 則生也,殺也 地 「食其 萬 ,則生也,殺也,皆逆 物 三
盗 則 之盗 時, 一身得 既宜 合天地自然之機,],皆順: 則百 0 其養矣。 萬 骸 人物 其 物, 理」,人 理 乃 而 人之 安。」 其 萬 能 動 物 理 則 其 利 安 丽

也 其 理 不 知其 知 也 其 不 神之神 神之所 者 以 ,貴於耳 神者、習於 而 好 目 聞 其 而 異 不

盗之謂也。 程子所謂「惡亦不可不謂之性」者,五

善用之 氣禀之偏 盗 加 機 功 罹殃。 也 生 在 神 人 君子善用之而逢昌,小人不 而 明 微矣! 莫 出 能 見 知 深矣。 化 莫能 窮 神 知者,蔽 之 事 也 於

下篇

效 畫 致 夜」, 也。 也。「 致一 者 善聽 用師 一之精 + 聾 也 倍」 者 0 善 其 用 視 效 絶 師 也。 萬 利 倍 源 返 其

也。物化物誘,其機皆在於目。 心生於物,物誘也。心死於物,物化

蠢然」,無恩之謂也。 「迅雷烈風莫不「天之無恩而大恩生」也。 「迅雷烈風莫不乾始能以美利利天下,而不言所利,

無染 陽相根, 次,故 至樂順 理之自然 其 性 理,故其 廉 潔 而 性 無 廣大 私 圃 生死 有 餘。 恩 害, 至 净 陰

陰 符 經》 雜言終

可

將

身外

地

面

作

虚

空看

蓋

一身外

無

〇六

時」。 君子之獲福,宜 六十四 夫子曰:「人之生也直,罔之生也幸而 君子之處世,亦曰 卦,三百八十四爻,惟貴平 也 小人之獲福 「時」而已矣。 幸也。

寒,理 散,理無聚散,于此又可見。 理則常主消息,而不與之消息也 生,寒盡温復生,循環不已。 有 消息。 理無窮而氣 「位」與「時」,學《易》者宜深體之。 也。 如温 温 盡 熱凉寒,氣也。 熱生,熱 亦 無窮,但理無改變而 盡 凉 氣有消 生 所以 一,凉 温 氣 盡 息 熱 而 寒 凉

人有矜伐者,亦勞矣。

無形皆是道,有形皆是 氣。 氣, 形 而

下者也。 道,形而上者也

渾 合無間 人只 於身内 無 内 外也。 求道,殊 不 知 身外皆道

> 彼物上 非 IE 周 真 子「胸中灑落,如 程子所謂「廓然而大公,物 實之理,與身内之理 不 聖人應物雖以此理應之,其實理只在 聖人之心,應物即休,元不少動。 一,彼此一 元不移也 光 風 渾合無 [霽月]之氣 來 間 而順應 也

外慕者,内不足。

未應 萬物各有定分,己不得一毫侵預之。 不是先,已 應不 是後。 造 化

亦 然。

人,只是物各付物。 生時,此理不是後。 聖人治人,不是 應事既已,●理 如此物未生時,此 依舊在此、元 一以貫之。 將 理 自己道 不是先。 理 不 分 隨 此 散 去。 物 與 已

原作「以」,鄭本、王本作「已」,據改。

知 無極 而 太極者,窮神之事 也

主於敬,纔 有卓立。 不然,東 倒 西

歪,卒無可立之地。

飛,秀者植,童者侍,鱗者適。 所以爲是聲與色者,而中心悦。 聲其聲,形其色。 而 雨集,冷然而風生,鏘然而蟲急。 薛子宴坐水亭,忽鬱 薛子窈然深思,獨得其 然 M 群物雜 雲興, 滃 羽者 然 而

詳。 敬爲 程子發明其所以爲敬之義,精矣。 白 聖 傳心之要,凡見於書者 尤

敬則卓然。

敬則光明。

滯於言 纔到理處便難言。 則 愈蔽。 孔 子曰:

天何言哉」 即 無極之妙。 哉 ?

四時行焉,百物生

焉,天何言哉?」

万天

何言

心有主而諸事可爲。 千古爲學要法,無 過 於「敬」。

敬,則

人爲外物所動者,只是淺。

學、俗學中來者淺。 相業自《大學》、經學中來者深,自史 要見古人之相業,伊、

傅之書宜熟讀。

後世非無救時之相,只是淺。

歷代世變固不可不考,然當以明 有格心之學,則其規模宏遠矣。 理

爲本。

字字謹嚴,句句謹嚴,全篇謹嚴 《春秋》謹嚴,不止於謹「華 夷之辨」。

《春秋》意在言表。

《春秋》詞簡而旨微,欲盡得聖人之心

於千載之上,難矣。

興師以正,任帥得人,吉之大者。2

師卦辭最明。

踵 師 擇將、行賞、用人之要備於師

淺」上,鄭本、王本有「規模」二字。

「吉」下,原行「人」字,今據鄭本、王本删

興師之義既正,又得丈人爲之主帥,

在我者先勝矣,征伐其有不克乎。

纔說理,便無可言者。

理氣無縫隙,故曰:器亦道也,道亦

太極。

器

也

太極不可以動静言,然舍動静便無

公則 理是 四 天 通 地 萬物之極至處, 達 私 則 偏 向 更 隅 復 何 言。

《書》終於《秦誓》,殆聖人之微意歟!

可言。

之以侯國之書,豈非衰世之意邪? 《書》所載,皆帝王經世之大法,而終

皆物,即物而道存。 孟子曰:「不下帶而道存焉。」舉目而

幸 一, 苟有過, 程 陳 子 司 謂 敗 人必知之。」其 謂 人天資 孔 子 有 有 黨 量 者, 氣象之大 孔 子 雖 日 江 : 海 口口 之大 丘 想。 也

皆

有

滿

唯聖人之量道

也

自

無

滿

時。

近

觀人素稱有量者,不能不滿,益信程子之

二,其 道 量無 大無 所 窮 不 容,又 盡 無 安 方 有 體。 滿 時 聖人 邪 體 道 無

形定 露 主 一,則 ,草木昆蟲, 則, 此 歲改而 理真實無妄。 亘古 月 · 今 而 陰 不 陽五 同 不 矣。 一行,萬 易。 如 天 地 若 物 H 非 萬 月, 實 事 理 皆 風 爲 有 雲 之 常 雨

一理一切穿透,又不黏帶,其妙云

觀人之法,只觀含蓄,則淺深可見。

私 則 如 人心 燈 ,只有 公則 如 面 燭, 光,不 四 方 能 上 徧 下 照 無 也。 所 不 照。

觀人之法,聽言最先,雖不能盡,亦可

得七八分。

淤泥塞流水,人欲塞天理,去其塞則方爲一事即欲人知,淺之尤者。 人有才而露,只是淺,深則不露。

沛然矣。

又足 如 願 爲 地 極 動 之執鞭可也。 品之貴,舉俗之所 來,若彼者多矣,吾 人當大著眼目,則 吾念邪? 惟仁義道德之君子 歆重,殊不知自 不爲小小者所 聞聞 其 人亦衆 矣,是 」, 雖 動。 有

凝重之人,德在此福亦在此。

非 理矣。 熱、秋當凉、冬當寒、皆理也 義,夫婦當别,朋友當信, 理矣。 當 如父當慈,子當孝,君當 如 推之萬物莫不皆然。 是者即 是 理。 如春 理也,不如 一,不如是 當當 温 是則 臣 則 夏 當 當 非

堯、舜之心,萬古如見。

乾坤毁則無以見《易》,天地毀則無以

見聖人之心。

天心豫,本於吾心豫。 本然、氣質之性,具見於《太極圖》。 道學明而異論息,程朱之功也。

凡有形者皆氣,無形者皆密。

内外合一,無纖毫之間。

「惟時惟幾」,聖人警戒之心,曷嘗有

頃刻毫髮間斷。

終日不樂,或連日不樂。 余直不欲妄笞一人,前時妄笞人,或

皆得宜,心乃快然而足。事少有處置不得其宜,心即不快。必

異,而成象成形者也。 之精,文木爲木之精。是皆得氣之清明秀 聖賢爲人之精,金玉爲石之精,珠貝爲水 聖賢爲人之精,金玉爲石之精,珠貝爲水

此名言也。 成王問史佚曰:「何德而民親其上?」 成王問史佚曰:「何德而民親其上?」

理明則心定。 知止則心不定。

〇九

萬 物 各具 理, 萬 理 同 出 原,故

以 質之。

以貫之,只爲理同。

聖人之心 天之生物一本,故一以貫之。 萬事之理,絲毫 無 間 故

以 質之。

以貫之,觀《太 極 圖 口 見。

持己得一「敬」字,接物得一「謙」字。

敬以持己,謙以接人,可以寡過矣。

愈 收 斂 愈 充拓,愈細密 愈廣 大,愈深

妙 愈高 明。

時 然後言,惟 有德者能之。

」只是性。 天下無性外之物,而性

無 不 在

一」以 心言,「貫」以情言,所謂

心 統

性 情 者也

順 順 理則 理 都 無 心悦豫,不 事。

順

理

則

心

阻

戚

則 鑿

順

理

則

泰然行之,無所窒

礙

不

順

理

理明後,見天地萬物截然各安其分。

私欲 盡 而 心體 無 量

虚 明 廣 大 氣 象,到人欲净 盡 處 自

匪 言 所能 喻 也。

理明 魺 心定、萬 事定。

《小學》所載夏侯令女、盧氏、寶氏二女之 所惡有甚於死者,人皆有是 心 也。

事,皆婦人女子,非素閑 利 害之際,寧就殘毀危 迫糜軀之禍,而 於禮教者,一旦臨

肯易其節,非所惡有甚於死者能然乎?

道學明而異論息,程朱之功也。

字雖人制,而其理實出 於天。 如一 丽

大爲天, 二而小 爲 地 之類 П] 見

沖 漠 無朕之中,萬 象森然已具,書 其

也。

《河圖》數之始,字畫之原。

水火二字分明乃坎〓、離〓二卦,順

置之可見。

常使有己,則不隨俗而變。

韓文公交友忠而不返於退面,可以爲

百世之師矣。

舍而不求爲忘,求之太過爲助長。勿

忘,勿助長。

漢文帝嬖鄧通,武帝嬖韓嫣,哀帝嬖

董賢,男色之溺人也如此。

心定氣平,而身體之委和舒泰不

可言。

孫子所謂: 民 小 北 如 國。 此 ,敵不及拒。」古人用兵之術,大率類此 ,必以言下之。 數 此 李牧守邊,每 以下大國,則取大國。」又曰:「欲 正老子所謂 歲 ,一旦出 「始如處女,敵人開 匈 欲先民,必 一、「大國以 兵,大 奴 人寇, 破 匈 下小 輒 以 户。 奴, 入保不 身後 國 威 後 之。 震 則 如 取 漠

> 之末 所立 此 聖人之身者也 理。 即 天 理 卓爾, 加 由 欲罷 命之性具於聖人之心,率性之道 顔 言。 也 不能 仰 已,是不可熟此 是目中了了見 博 彌 是悦此理。 文 高 是 鑽 明 彌 堅,在 此 此理。 理。 既竭吾才, 理。 前 約 在 禮 理者 雖 後, 是 欲 由 何 從 體 如 皆 指 於 此

大本者,太極之全體。達道者,太極

之流行。

太極即是理,就太極上愈生議論,太極者,理之别名,非有二也。太極之理、《中庸》言之詳矣。

道愈遠。

川 之,是統 流 物物各具 大德敦化,萬物 統體」、「各具」之太極,非有 一太極 太 極 太極 統 分 體 也 義 合仁 太極也。 禮智言之,是 義禮智言 也 小德

後學不知太極即是性,因見其名異,

駭而不敢求其説,大道隱矣。

四書通,則太極之理不待講説而

明矣。

孔子言太極是指理言,周子言無極是

指此理無形而言。

丙吉爲相,上寬大,好禮讓,不親小

事,時人以爲知大體。

清而有容,乃不自見其清。清而不能

以己之廉,病人之貪,取怨之道也。容,是自有其清,而心反爲其所累矣。

廉而自忘其廉,則人高其行而服

其德。

心者,氣之靈而理之樞也。

萬化常然者,理自如此。 道理浩浩無窮,惟心足以管之。

蟲不得不鳴者,理也。

吾思人有貴而自滿者,所謂「位不期

驕」也,此不可不戒。

聖賢之文,乃道之精華

猶 源 斷 圃 聖賢 條 港 理 絶 貫 之文,自道中流出,如 潢 通。後人不 之無本, 雖 强 知 道 加 疏 而 鑿,終亦不 有意爲文, 江 河 之有

陰陽變易而理常存,所謂恒也能貫通爲一,真無用之贅言也。

可一定可下易;干胃可见。 所以陰陽變易者,固理之所爲

則一定而不易,所謂恒也。

吉或凶,多係於所從。 人之所從,不可不慎。觀諸卦

或

能 能 不 知 知 知 知 之爲 其 知賢 而 而 必 有 有 不 退遠 愈 進 圃 能 不知用, 用 之望。 用 之時。 何 也? 矣。 知 若 知 不知 不 悪 其惡 知賢 知 加 惡 賢 不 而 而 則 則 知 不 不 人猶 退 知 知 猶 去, 用 不 冀 冀 則 則 其 其

,

而

理

其 知 志,惡者愈得 其 必不 能 去 以 矣。 建其 是使 惡 也 賢 者 終 無 以 行

卒不能遠,所謂「惡惡而不能去」也。 漢元帝因京房之言,知石顯之奸,而

學其末。 聖賢學性理,學其本。衆人學詞章,

及其既 求 知學 於 奇 氣 ,徒弊精 其 質 所以爲學者,只爲人固 復,則 所 物 固有,而學文辭字畫之類,求工 欲 神於無用 本分之外不加毫末。 時 面 失 ,其失遠矣。 故 須 有之善,或蔽 學 以 復之。

世俗之學。 世俗之學。 一世代之學皆所以明人倫也,外此便是

二者,君子必慎所取焉。 孔子稱「直哉史魚」、「君子哉蘧伯玉」

去信之心久矣。雖無陳豨之事,●殆必不免。史稱韓信知高帝畏惡其能,乃知高帝欲君子如玉,反復觀之,温潤瑩徹無瑕。

之飛 乎? 空國 之,則欲去信之心久而有密計也審矣。 信以蓋世之功,爲 其欲去信之心必 稱 帝 遠征 語,不待奏報 上,即 但 畏惡其能 他 一。信留 殺韓信 人不 用 蕭 知,而 京 -, 何 露 事 之計 或 而 師,帝豈 以畏惡之語觀之,則知 於 竊 遽 功臣,后安得因 左右。 吕后 意 殺 詐 高 之乎? 而 自知之。 無防信之密謀 祖 其討 斬之。 必 有言。 陳 不然, 一時 是 也, 史

文也。 易,山 常之道,古今昭然而 璣之精粹,此又萬物之文也。 草木之花葉紋 詞章之謂 凡有條理 一時川 日月星 也。 流,其理 樓,鳥獸之羽毛綵色,金玉珠 明白者,皆謂之文,非特 辰之照耀,太虚 如 天 秩然 高 不昧,三千、三百之禮 地 丽 下,其分 不紊,此天地之 雲物之斑 以至三綱五 截 然 語 而 布

■「豨」,原作「稀」,據四庫本改。下段「豨」字回

愛流而爲淫,溺仁之過也。

瞪一太極,二而一也。 物物各具一太極,一而二也。 萬物統

體放 精微之事乎? 乃 口 出 偏 口 蓋人 以 肆 廢,而居敬 程 窮衆理之妙。 子論 雖 能 粗淺之事 恭敬 恭 敬 以是. 則 日 窮 | ・ 「聰 心 理之本 知 尚 不敬則志氣昏逸, 肅容 居敬、窮理二者 茫 明 然 也 1莊,視 睿 圃 智,皆一 不 能 明 聽 察,况 由 四 此

三日 威 如,吉。」大率治 家人》卦初九 莊子》曰:「夫事其親者,不擇地 「家人嗚 嗃, 曰:「閑有家,悔亡。」九 悔 家過 厲吉。」上九日 一嚴 雖非 中 前 而安

忠之盛也。」此言甚正。 之,孝之至也。夫事其君,不擇事而安之,

숽哉 計。 之事無 之計,蓋昭然已露, 已以文王自處,是以武 命之時,操之群臣 若天命在吾,吾爲周 此固也 先儒謂:曹操之死,於分香賣 不 一處,獨 然觀 因 不言禪代 孫 又贵 文 是 權 王待其 勸 王 稱 臨 曹即 一矣。」 臣 之事, 死 於操,稱 子也, 觀 真 奸 此一 了, 操 履 乃 禪 説 其 細 日 碎

之則危。其有不然者,幸不幸而已。 聖賢之言,如法律條貫,循之則安,悖

丽 通 也 理 則 萬萬 一天地 同 物 睽 睽 圃 加 其 其 事 事 類也。」是皆物 同 也,男女睽 而 形 其 雖 志 異

天下無二理,古今無二道,聖人無衆人見物形之異,聖人明物理之同。

二心。

— 四

道體本深遠難言,故《詩》曰:「維天之

命,於穆不已。」

無非順天理因人心而立法也。 唐虞三代之治,皆自聖人一心推之,

道體之言也。《莊子》曰:「通於一而萬事畢。」形容

論萬事,皆當以三綱五常爲本

道 帝 天 地間 E 之 爲 至 大者 治 聖 莫過於 賢之爲 學, 綱 皆 五 不 常 外 之

是非。 觀史不可以成敗優劣人,只當論其

乎是。

明 (仕非所) 皆當以三 學者之所講 仕 綱 也 五 明 常爲本。 踐履, 仕者之 舍此 則學 所 表 非 倡 所 推

治。 歷 悖之? 萬世 綱 五 則 如 常之道, 爲 逆天 日。 理 循 根 耐 之, 於 亂 天 則 命 爲 自 而 順 堯 具 舜 天 于 理 而

> 其迹而驗其實也。 代,歷漢、唐以至宋,上下數千年,蓋可

考

崔固 有功,惜乎不能 太 下 他 真乃忍此 止之,不 温 人念其 太 真 而 爲 母 能得, 劉 行 掉 之情者 其本 琨 其 关也。 奉 至 - 檄,將 絶 猶 心 裾 미 不 而 命 謂 覺 死 感 江 矣,後 左, 愴於心。 干 載之 其 雖 母

常之道是也。 取人當觀大節,大節者何? 三綱五

聖 帝 昏 居 審 辟 小 内 其 慮 愚 兄 者 日 地非 人。」 耳。 離 無 孟 古之智士 紀 「取吴 子論 母 足 綱 所宜 觀 正 又曰 大節失矣,區 頹 也 謂 陳 不 弛 仲 料 建 必 蓋 儲 事 子 若 臣 徙 戎 人之大節 之事 多 行 事 狄 將 品 中。 事 了 亂 有 但既 , 當當 也。 變故。 華 E 廉 如 謂 有 平之後,當 莫 皆 羊 何 郭 大 所付授, 過 足道 祜 如 欽 後 節 於 告晉 以 來 既 倫 哉 子 戎 惠 失 理 所 勞 帝 狄 武 願

料 其 可謂 智士矣。

者 則自宋儒始 言敬莫詳於《書》, 但 挈 出 其 要 以 示 學

性 外 無道,率性即 道 也

諸 句 之間, 已矣 學道 ൬ 固 不求 自 聖 ·實理 賢 之書 之所 丽 在, 則 荷 亦 徒 無 翫 以 心 有 章

理真 實 無 名

既 理 夫 復 何言? 只 是 人物之所

以 便 是 也

猶 順 布 非 所 帛 以 菽 綱 爲 粟 五 道矣。 常之 不 可 道 日 9 日 mi 用 無 뻬 也 不 미 舍 此 須 他求, 臾

論 IE 萬 習自 人之邪 世之明戒 與 不正 E 人 必謹 居 於 則 所習,習與 不 Ī 此 前 Œ 賢 人 之 居 至 則

不覺 傾 便辟 向 幾 側 媚 至 小童,最 心不能持。 能 順 自 非 志 明理 意 剛 使 持

> 比 有 守 頑 之君 童 之訓 子 其 慮 不 深矣。 爲 所 移 者。 以 是 知 古 人

意 纔 有 向 便失其正,不 口

勝 人,流於卑污之中 人欲。 挺特 剛 有 介之志常存,則有 頹 靡 ∭ 不能 不 文 振拔矣。 之志 以 不 則 起 察 甘 偷偷 爲 惰 小 而

顏 子 克己之功,非至 自治之要,寧 過 剛 於 不 剛, 能 不 口 過 於 柔。

敬則立,怠則 廢

昏 亹 翫。 惰 亹 不倦, 柔懦 蓋莊 莊敬 敬 無 mj 日 則志 立 强 不知老之將至。 沉 安肆 以 惕歲月 帥 氣 H 偷 ,悠悠無 然 之 安肆 語 有 立 成 則 宜 爲 志 深 善 體 氣

爲 惟 内。 務 輕 化浮 後人 安 古人 適 薄者 服一 、衣冠 外 無 切 偉 所 簡 博 嚴 肾所 便 内 短 無 窄之衣 以 所 莊 肅 其 起 鮮 外 不 居 圃 習 動 肅 静 其 而

孟子》曰:

以

力假

仁者霸

以

德

行

王。」論王、霸之分莫切於此。

守約者,爲學之至要。

守約則無事矣。

守約者,心自定。

知言」者,「書無不 通, 理 無 不 明

之謂。

所博者是, 則自得其要。 所博 者非

則不 能守約矣。

約者要也。博而約,一以貫之。

守約則能泛應。

學至於約則有得矣。

道是總體,義是支節。 道如水之源,

爲支派者也。

義則流

而

分而言之則二,合

而言之則一,所謂體用 一源也。

人心寬平則光明,狹險則

幽

光明

子,幽暗者小人。

天道人倫,渾合無間

有我之私極難克,貴乎明與剛 而已。

> 知惻隱之端非由外鑠 蟻之微,或悮戕之即瞿然心動,乃 也。

行有不得,皆當反之於已。

類。 大抵人之責人常重,自責常輕,故當 《中庸》「所求乎子,以事父未能」

以責人者責己。

待人當寬而有節。

卦之六爻皆陰陽自然之數。如一年 處己接物,事上使下,皆當以敬爲 主。

滿,五月一陰生至十月六陰滿,十一 有十二月,自十一月一陽生至四月六陽 月 又

時六陽滿 陽生。 如日有十二時,子時一陽生至巳 午時一 一陰生至亥時六陰滿,

無 時又陽生。大而一 不過因而畫之耳。 爻亦不成 不包括。 故六爻添 造 化,是皆陰陽自然之數, 年小而一日之運,六爻 一爻亦 不成造化,減

卦六畫之上固可倍之,以至無 窮。

不 六 畫 彌 綸 天地之化, 約 而

聖人治天 下 一、公而 己。

公,王道。 私,霸道

王 者所存所行,皆天理之公。 伯者 則

假 天 理之名 以以 濟己私耳。

漢治 分明 是霸, 如高 帝 爲 義帝 發喪

乃 其 端

漢 初 諸 將,如 英 布、 韓 彭 猶 悍 馬 能 虓

御 虎 也 常 有 跋 屈 强 之 氣 非 高 祖 莫

漢 祖 御將之術 ,皆以詐 而 不 以 誠

萬 億 人 知 之性 一人之性 無 不 十人之性 同 也。 知一物之性,十 白 人之性,千

也 大 用 無 知 不 人物古今之性 該 貫,初無限 無 量之可言矣。 不 同 則心 之全 體

物

之性

,百物之性,千萬

億

物

之性,無不

同

欲

以

玄遠求之,誤矣。

見 周 漢 勃 初 遣 猶 使 是 迎文帝於代,或曰 戰 或 之 餘 習, 觀 其 諸 將 才 皆 口

> 習詐 用 兵 此 類 口 見

也 在 故 物 知 日 性 性 則 在 知 天 天矣。 曰 天。 天 也 性 也

源

理 無 窮 故 聖人立言 亦 無 窮

經著書,其立心固 六 經 ,垂法萬 孔子因 道 世。 不 行於當時 後之儒者 不 同 矣。 不 乃 得 有 己 意 ௱ 於 删 續 述

夫子之心,萬世如見。

漢初之將桀驁, 中興之將 循

夫子 之道德,匪言 語 所 能 盡

乎 倫 太 極 日 用 本 ·只是 之 間 天地 學者因 萬 物自 見其立名之高 然之理,不外

接物大宜含弘,如 行 曠 野 丽 有展步之

地 ,不然太狹 mj 無 以 自 容矣。

形 也,未然者其 人只見已然,而 幾 也 不 見 未 然。 已然者 其

慾有水意,故 室 慾 如 止 水。

人實不易知,更須慎其儀。● 杜詩之

近理者也。

遂消 之誕,信矣。 成 往 **姤**,至十月换盡六陽 盡 月 方 之氣,又爲方來之氣也。 之陽遂 生之氣。 换盡六陰而 而方來之陰已生。 陽 而 氣 向 而 化 盡 盡 真 又爲復。 ,來者方息而 自十一 實,是 而方來之陽已生。 爲 純陽 月一 一往 以是見天地之氣, 而爲純陰之坤, 之乾 至五月成 圃 陽 無窮。 程子以 遂 生 則已往之 盡 而 其 爲 是辯 初非 至十一 復、至 陰 來 釋氏 者 陰 往 則 而 月 往 E 四

能即,吉。」 守,不與之合 ,不爲 鼎》九二: 小人甘媚 初六以 ,所以吉也。 鼎 而 非 遂與之合,亦猶是 有 Œ 實, 求二, 我仇有 君子能剛 二以 疾, 剛 E 中 不 矣。 自 我

之 理 健 太 順 極 五常之性 圖 説 素不 過反 ,蓋天人合一之道 覆 推 明 陰 陽 五行 也

> 起, 動却 太 自 極 静中 圖 **>** 「動 來 静 ௱ 又 生 自 陽 動 中來, 是從 動 直是動 處 説

静無端,陰陽無始。

者爲安矣。 知其可安者安之。 丈夫章,讀之再三,直使人有壁 ,如濯江漢而暴秋陽也,快哉 《孟子》之言,光明 作事只是求心安而已,❷然須理 理有未明, 俊偉,如 則以不當 答景 立 快哉 萬 仞 則 氣

中。 爲美。 重於正也。 陽居 程 三四雖當位 子曰:「諸卦 陽 位, 陰居 五五 或以不中爲過, 陰位,爲 雖不當位 Œ, ,多以 中常 五 中

「震來虩虩,笑言啞啞」,以安失之者

衆矣。

- ❶「慎」,原作「甚」,鄭本、王本作「慎」,據改。
- ❷ 「已」,原作「自」,鄭本、王本作「已」,據改
-] 「安」下,鄭本、王本有「肆」字。

無逸》一書之要。「嚴恭寅畏,天命自度,不敢荒寧。」

乃

萬起萬滅,而本體湛然有常者,其心

之謂歟。

淺則暗。

《書

>

稱

舜「濬哲文明」。

蓋人深

則明,

盛之極者、衰之始、天遇風也。消之

一息,氣化之自然也。

極

者,息之端,地逢雷

也。

盛一衰,一消

地

泰

「惟精」所以知之,「惟一」所以行之。

精一是工夫,「允執厥中」是功效。

六爻之吉凶,惟觀其所值之時位

而已。

孟子論王政,大要不出乎「教」、「養」

一端。

程子謂「善固性也、惡亦不可不謂之

皆自性中來,但 性 也 8 五 二,疑 性感動 其 自《 .順則爲善,不順則爲惡耳。 而善惡分。」謂之分 太 極 圖 説 **>** 中 來。 ,則二者 圖

《書》雖古而道常新

對,推之萬 夷 金 狄中國,無無對者,只是一陰一陽而已。 與木對、天與 不可以方所求,不可以隱 天下無獨 事 萬物,吉凶 必 地對。《先 有對。《河 是 天圖》皆奇與偶 非, 圖》水與火對 顯 君子 分。 小小人,

技心一生而天地否,良心一發而天不可以方所求,不可以隱暴分。

小矣。 心本寬大無邊,一有己私則不勝其

容之。此非幾於無我者不能也。《秦誓》:如有一箇臣,斷斷猗止,寔能

賢發揮此理極其詳盡,及後聖賢有作,亦理無窮盡,故聖賢之書亦無窮盡。雖先聖性理之書日益多,亦理之自然也。蓋

必有繼往開來、垂世立教之書焉。是皆理

之自然,不能已也。

天地不以萬物已生而不生,聖賢不以

往哲已言而不言。

聖賢之書所以然者、「密」也。

只有 世,天地萬物一時俱盡,而 能生 此 理無所不 萬 理,而 物。 天 有 可謂萬物必待有 地萬物自能 ,如天地之初 此 理既 生。 都 種 常存,又 無一物, 假使後 加 後能

天地之道,只是消息盈虚而已。

非明則動無所之,非動則明無所用。

知行不可偏廢也。

人臣得行其志,全在有應。苟無應,

雖聖賢亦未如之何也已。

程子《易傳》有無窮之義理,知者

鮮矣。

「率性之謂道」,「所惡於知者,爲其鑿

也。

凡卦,上三爻應下三爻,下三爻應上

三爻

人。若性氣粗暴者,决不能有入矣。也。人之思索義理,亦必柔巽其志乃能 巽卦,一陰伏於二陽之下,巽而能入

計中,乃危道也。 以小人假善悦己而信之,若信之,適墮其《兑》九五:「孚於剥,有厲。」君子不可

言者其能然乎? 皆聖賢之微言 百 乃始表章之,遂爲萬世 年儒者莫能識 君子所貴乎知言,如《中庸》、《大學》 大 由 訓 ,雜於《禮 不知言故也。 道學之正傳,非知 記 中 至程子 經千

爲不足道,而并没其微善矣。 德宏,此亦可見。自後人言之,必以其人爲文,取其微善而不及其顯惡。聖人道大夫,取其微善而不及其顯惡。聖人道大

古人佩章佩弦,亦變化氣質之一凡有形於天地之間者,皆謂之文。

法也。

喜、怒、哀、懼、愛、惡、欲七情,總之爲如一字有一理,即是一太極。

好惡二端而已。

露,此可以觀聖人之氣象。

聖人言人過處,皆優柔

不迫,含蓄

不

或人譏夫子,言甚峻。夫子曰:「是禮

也。」言甚和

説不見有人我之間。若曰:我事君盡禮。子曰:「事君盡禮,人以爲諂也。」只平

余止者也。韓子「吾老著讀 書 即 眼」之句,實獲我心焉。 彼 事, 此 孔子微罪去魯之心,非孟子莫能知。 餘事量力所及而已,非可必 相 乃吾之本心所得,肆力 形,而 非 無我之氣 象矣 書,餘事不掛 其 也 間 而 惟 莫 讀

讀書録卷之七

泗 與翕 語 及 他 者 載 章其書,發揮其旨, 禹下。」是則千 道,必自孟子始。」又曰:「孟氏之功,不 之死,不得其傳 人而已。 之韓子謂 群賢之説,會萃折衷 ,猶儕《孟子》於《法言》之後,尚何 》、《大學》、《中庸》爲四 人邪? 世 IE 儒 孟子》七 傳,而 服 例 宋之大儒,有德業聞望重於 「孟氏醇乎醇者 膺其説。 惟 以子書視之,而 不敢妄議。 泂 載之間,知孟子者,韓 篇, 南 焉。」又 程夫子倡明 乃 M 天下 洙 時及門之士,遂相 泗 曰:「求 以釋 始 至朱子 書, 之正 無知之者,獨 曉 也。」又曰 其義,與《 然 由 絶學 傳, 知其 觀 是洙泗 文 聖 取 經 始 望於 程 子 千 世 之 氏 表 在 軻

閩,無越於此矣,有志者尚篤所力哉。正傳,益以明備。千古入道之門,造道之

陰陽一太極也。太極本無極也。 六十四卦, 三百八十四爻, 一陰陽也。

頤外實中虚,頤頷之象。

肢、百骸、五臟、毛竅,各具一太極。人渾身統體一太極,耳、目、口、鼻、四

雖先儒所未言,竊意其如此。
八、坎陷、●艮止、坤順,四卦之德皆陰。此八、坎陷、●艮止、坤順,四卦之德皆陰。故巽明、震動,四卦之德皆陽。右半屬陰,故巽《先天圖》左半屬陽,故乾健、兑説、離

宗、真宗、仁宗浚其源。 源 再傳而遂亡者,由 唐、太宗養其根。 於前 四 百年之漢,文帝培其 即繼之以殘暴淫侈之主也。 三百 無 恭 餘年之宋,太祖 儉之君培養浚導 秦、晉、隋,皆不 本。 三百年 太 其

■「陷」,原作「限」,據鄭本、王本及《易‧說卦傳》改

讀書録

漢、唐 以 之 高宗之昏 唐 立 高 以 其 祖 武 漢 之所 本 之 帝之 高 耳 懦 祖 後 以 非 多 則 延 後, 欲 唐 綿 得 之存 非 或 太宗 則 得文、 漢 祚 È 者 之 之 未可 富 存 景 率 民 之 由 知 未 養 此 即 切 民 口 數 繼 知 君 之 大 即 也 抵 有 以 繼

作 亦 如 心 此 程子 廣 體 胖 人 其 樂 能 克 미 知 己 ___ 則 竊 仰 意 不 顔 愧 子 之 俯 樂 不

旁 通 孟 子》七 則全書之旨不外是 篇 托 始 於仁 義 矣 誠 能 默 識 而

兄 哉 離 母 釋 以 氏 爲 逃 世 廉 也 滅 倫 是 以 安可 爲 潔 以 正 其 猶 小 者 陳 信 仲 其 子 辟 大

康節見盛衰之際甚明。

康節《首尾吟》,多盛極慮衰之意。

初吉終亂。」 聖人當盛時,即憂衰時。《既濟》

日

纔有私,便不能推,所以爲不仁。

所 至 È 有 當 事 節 耳 君 愛 文 從 如 者 義 者 兄 禮 禮 知 之類 主 智 也。 也。 於 信 愛,愛莫 無 愛 愛得 有 不皆 出 則 其 誠 __ 然 大於愛 齊 宜 實 者 者 有 信 但 義 親 各 也 也 然 有 愛 知 所

隨 丽 事 性 無 隨 行 日 發 處 用 不 而 著、 間 必 爲 身 習 體 惻 心 不 認 隱 切要道 察之患矣。 差 得 7 悪 5 一、解 理, ,分明 讓 只是仁義 方爲 是 非 之情 禮 智

揚 止 亦 上下 氣 口 機 浮游 見 無 其 須 往 臾 端 來 之 萬 止 起 息 萬 滅 如 雲 頃 在 刻 空 不 中 暫 停 飛

多於 多。 藏 不 之 動 静 餘 泛觀 動 而 也 静 生 丽 萬 兩 意 生 物 端 常常 意 若 未 雖 流 相 嘗 草 行 毫 其 木 因 髮 間 Ш 無 間 石 窮 雖 斷 之 秋 竊 故 冬 謂 皆 褔 動 寂 静 意 閉 動 植 常

— 三 四

觀《易》横圖,見生意之無窮。

一身萬物,皆天地公共之器,非己所

能私也。

兵法 爲 勿恃 然 其不 蓋 叮 攻, 恃吾 以 爲防 小人之法 有 所 不可 攻, 非 特

原始反終,只是一理,故知生則知

死矣。

往也亦如此,死生非有二致也。原始而知其來者如此,則反終而知其

知其自有而無也必矣。 原始而知其來也自無而有,則反終而

人惟不知原始反終之理,故舉俗其自有而無也必矣。

爲

異

端惑。

有形者 者 觀雲亦可 遊 「猶精」 魂 爲 變也。 氣 以 爲 知生死 物 也 精 氣 之説 倐 爲 然雲散 物 修然雲 者 自 而 聚 無 無 迹 而 而

原始而精氣成物,神之情狀,生之説

有。

遊

一魂爲

變者,自

有

而

無

兑过。 也。反終而遊魂爲變,鬼之情狀,死之

説也。

歌 此 ×, 乃三百篇之權興,良是。 明 \wedge 《勑天 叶 良 之 歌 康 爲 》,喜 韻 ?, 脞惰 起 熙 爲 爲 韻 韻。 0 泉 陶 謂 賡

遠 脩思永, 也。 首 「庶明 在 日 「允迪 兹」,則通言上文之效。 及帝問其詳, 古人論治 厂勵 翼」, 惇 叙九族」,皆「允迪 厥 出自 德 ,必本末兼舉。 「謨 」,本也 則 明 日云云 弼諧 0 「謨 一之事。 明 厥德」之事 蓋 如 臯 弼 「慎 陶 誻 (厥身, 邇 陳 謨 口

者,萬世爲治之大經不出於此。《皋陶謨》「典」、「禮」、「刑」、「賞」四

要。 也 先儒 蓋 竊 元允 謂 允 謂 迪 迪 厥 知人安民、《泉 厥 德」者,實踐 德」又知 人安民 陶》一篇之體 此德於身也。 之本 源

■「惰」下,鄭本、王本有「墮」字。

<u>:</u> 五

德之推. 至 而 若 安民之本 天 何 知 自 理 行 人 mj 耳 微 9 知 源 行 之事 也 知人之智何 哉 苟 非 9 實踐 安 故 民 日一允 此 自 仁 德 之 迪 而 於 事 身 厥 明 德 ? 則 則 安民 又 皆 私 知 欲 此

動多静少,故地對天不過。

地無根,附於天耳。

歐公《本論》,由韓公「明先王之道以

道之」一語以立意也。

皆務潔其 國家」之語 子所謂 韓子《原道》篇中「欲治 八身,清: 「欲治其心而 深 中異端 其 心 棄 之 外天下 絶倫 病 其 理 國家」者也 老、 心 m 圃 不恤 釋二家 外天下 下, 正

左右之言不可輕信,必審其實。

其言,恐大有害於事。

僮僕姑取

其給

使令之役耳,切

不

口

聽

爲政通下情爲急。

集衆人之耳目,爲一己之耳目。

1、義禮智信言之,各具一太極也。合仁義禮智信言之,統體一太極。分

自工。 《出師表》,李令伯《陳情表》,陶 表》,皆所謂 文公《祭兄子老 肺 腑 者是 凡詩文出 故凡作詩文,皆以 也。 出 於肺 於真情則工,昔人所謂 如《三百篇》、《楚詞》,武 成 腑者 文》, 也,故皆不 真情爲主。 歐 陽公《 靖節詩, 瀧 求 出 出 呵 阡 韓 侯 於

此也、明倫者所以明此也、敬身者所以敬此也、明倫者所以明此也、敬身者所以敬小學只一「性」字貫之、立教者所以教

乎近則静而正,小而無内也。 以言乎遠則不禦,大而無外也。以言

虜, 甚 也。 天 理 戴天,爲心而 人心 如 至辱 記》 宋之高宗,父兄宗 自 日 : 及陵 不 君父之仇,不 能已,而 寝,以 求,所以必報其仇,至於死 大義言之,只當 死 族皆 生存 共 戴 爲 Ì. 天 金 非 所 以 人 只 所

之計,則必不能伸大義於天下矣。 生存亡,非所當計也。若區區爲自全苟安

湛然純一之謂齋,肅然警惕之謂戒。

以此齋戒,以神明其德夫!」程子曰:「聖人以此洗心,退藏於密。」

中,多繼以規戒之詞,深得古詩遺意。韓文公《元和聖德詩》終篇,頌美之「以此齋戒,以神明其德夫」」

愛民,則民豈有不親者哉? 《書》曰 愛民 :「如保 而 民 赤 不 親 子。」誠 者, 皆愛之不 能 以 保赤子之心 至也。

爲

不可及矣,風氣日降不可返矣。

子》、《湯誓》、《秦誓》諸

篇

則

知

唐

虞之盛

則純用法術而已。聖人爲治純用德,而刑以輔之。後人

不明理者,冥行而已。

陽兩端循環不已者,立天地之大義」。「繼「一陰一陽之謂道」,即張子所謂「陰

也 但《易》兼 氣 之者善也,成之者性也」,即張 紛 ,道亦器 擾 合 理氣言,張子以氣言。 也,是則言雖 而 成 質 者 0 殊 生 而 人物 其致 子 之 然器 所謂 萬 也 亦 殊 游 道

可見。《参问契》全是《先天圖》卦氣方位流

《五子之歌》,變風變雅之權輿也。 萬 理 《勑天之歌》,正大小 同出於一原,萬 萬物各具一理,物物各具一太極 物 統 體 雅 一太極 之權 也 讀《五 輿 也。

是所謂 地 萬 物 今天地萬 誠歉? 則人莫得 物,人皆知之。 道歟? 加 知之也。 理歟? 圃 如欲知之, 命敷? 所以爲天

●「合」,原作「散」、《張子全書》作「合」,據改。

歟? 帝歟? 神歟? 鬼歟? 太極歟?

其極一而已矣。

者,僞也。誠者不息,僞者易輟。無所爲而爲者,誠也。有所爲而爲

克己之目,動兼視、聽、言三者。

須看無物之先,其理如何?

往 如 圃 草 不 先儒 可指太極哉? 梅 一木、一人、 根指 太 八極,姑 一事、 舉 塵 物 丽 介,安 Ħ 耳。

十四卦也。 畫出天地萬物理、象、數以示人者,六

而

己。

님: 儀 」,就理上説。 」字尚不能識。 生二, 余在黔中夢 就 既覺,得此語 數 上説。 對 衆儒 遂中夜燭 大太 士 説 極 下書之。 余謂 生 兩 之

壯 而老,亦如此,但變之漸 初極青, 天 地之化 日漸至於黄 無 日 不 變。 色。 而 因 不覺耳 人之少 在黔中 加 觀 壯

以

誠感人者,人亦以誠

應。

以許

御

人

天下

無

無

理

之物,無無物之理。

者,人亦以詐應。

之德。萬物備於我,舉此亦可見。腎。木火土金水之神,在我爲仁義禮智信料,在我爲肝心脾肺

至而伸之神,反而歸之鬼,天人一也。

天道屈伸,兩端而已。

自 鬼者 氣合 頂 精 以 往而 凝 及 爲 踵,皆天之所 神,遊 不 復、觀 魂降魄 天 地之化可 與,但當順 爲 鬼 天

各具 者存焉。 之太極也 木之 又統體之太極 之太太 根 本萬 物 極 如一人各具一太極也 榦 各具 也 殊,萬 又 一草一木各具一太極也,一草 體 萬 太極,之中又 統之 也,五臟百骸之理又各具 殊一 物 莫不皆然。 太極 本之理,開 也,枝葉花 有統 一人之身 眼 體 便 各 見 具

誠 者 ,統體之太極 也。 元、 利、貞,

各具 之太極也

行、五色,是皆一陰陽也 苦、酸、辛、甘,天命、人性、五常、四時、五 土、金、水,仁、義、禮、智、信,君臣、父子、 夫婦、長幼、朋友,青、黄、赤、白、黑,鹹、 元、亨、利、貞,春、夏、秋、冬,木、火、 陰陽一 太極 也

信,其性一也。 義,在長 貞 其 於春曰元,於夏曰亨,於秋 命一也。 幼 禮, 在父子曰 在夫婦 日 智,在 曰利,於冬 在 朋 一君臣 友日

矣。」故結交貴乎謹始。 程子曰:「始比不 以道, 隙於終者, 多

程 日 (子遊。 楊休 宣 德 年 山立之語,不若中和獨立 小程夫子論朱文公,大程 十月七日夜,余在 辰夢從 夫子 因

物惡 ·太過,自造化尚然,況人事乎 於此

響,鮮不仆矣。 人之饗用, 當各量其分。 薄 功 而

厚

之士 以 其事者 綾綺之類,宜其顛覆之無日 其 功 ,得志一 錦衣玉食,古人謂「惟辟」 在 天下而 時 即 分所當 侈 用 無 然 節 也 甚 此 可以 世 余有目 至 袒 有 有 衣皆 此, 覩

,可爲貪侈之戒

不欺君,自不欺心始

日載月,魂 載 魄。」載 乃加 載 之載

朱子於《楚辭》辯之詳矣。

吾心誠志於學,天其遂吾願 乎。

事 長,信以接物,寬以待下 IE 以 處心 ,廉以 律己, 忠以 敬 以 事 處 君 一、恭以 事 -,居

官之七要 也

謙以 自牧,安往 圃 不善?

爲吏 不可 一事苟且,如文移之類

當 明 台

凡 (所爲,當下即求合理,勿曰 · 今 日 姑

如此,明日改之。一事苟,其餘無不苟矣。

後 言吉則吉,言凶 速 枉之生也,幸 見。 耳。 未 有 時 逆 下 理而 通 圃 則 塞 免」。 能 N_o 不 久者。 足 或不然者 聖賢之言 爲 欣 間 戚, 有之, 所 ¨, 但 要久 如蓍龜 有 而 淹

人當自信。

定見明,自信篤,可以處大事。

衆曰然,而有不然者。衆曰不然,而

有然者。惟理明者能知之。

人,多有以是取敗者,不可不以爲戒。婦人女子之言不可聽,余見仕宦之

忍所不能忍,容所不能容,惟識量過

人者能之。

跌 墜失。 過 人 之處世,每 獨 木橋,一 事 步 能 不 畏 敢 慢, 慎 如此 惟 恐 安 蹉

有失者?

善惡分明,有降祥降殃之報。間有不

則 由 陽 陽 者 氣自 氣上達,而河 非 常 下 理 面 也 L 騰 冰畢 河 也。 冰 ·解矣。 解 故時 者 至三 非 自 陽之月, 上 消 也

所謂諂也。

舜清問於下,民忘其勢,而通下情也「舜好問而好察邇言」,人須體此。

遇横逆之來,當思古人所處有

甚

於

此

者,則知自寬矣。

於命而 己者,無不盡善。 行有不得於外, E 而 皆 猶 當 或 反 有 求 不 諸 得者, 當 求諸

唐人詩曰:「足知造化力,不及使君

需。」吾有取焉。

天 理 理 但真 自 不 知 미 而 泯 篤 信者少矣。 所 遇 稍 有 識 者, 皆 能 言

《春秋》於災異不言事應,而事應具

存,見天人合一 一之理。

天命甚微,聖人所罕言。 《春秋》多言

之,皆微其辭。

欲事之合理 誠 難,但 細微 處 能

謹,或少過舉矣。

凡事既 濟,則盛 極 MJ 有悔。 故《大象

日 : 思患而豫防之。」

化 亂 相 不 生於亂 攙 寒中 接 有一 處。 ,而生於治 半陽,暑中有一 故治不生於治, 半陰,此造 加 生於亂

乎我 更更 康節 (由乎誰?]人能慎所發於將發, 曰 : 思慮 未 發, 鬼 神 莫 知 不不 則 由

、悔矣。

以其 能,治 不 能。 以其賢,治 不 賢。

設官之本意,不過如 此。 有假 官 威剥民以

自 奉者,果何心哉?

一不容二,邪正 不兩立。

去弊當治其本。 本未治而徒去其末,

> 雖 衆 之所 暫快,而賢知之所 深 慮

觀 野 馬 圃 知化機之無息。

游 氣 紛擾 ,野馬 是 也

禮人 不答,只當反其敬

爲 (謀而 不忠,非仁也。

不爲人之非笑而易其所 守。

凡深藏者必重器 ,而顯露者必賤物。

萬物皆氣機之所爲。

則無一 人皆妄意於名位之顯榮,而 念之及,其不知類也甚矣。 固 有之善

不怨天,不尤人。」此語當自勉。

戲謔甚則氣蕩,而心亦爲所移。 人欲無涯,不以禮節之,莫知 所極矣。 不戲

謔,亦存心養氣之一端。

此耳。 也,蓋自三月五陽一陰之時, 兆於夬之下矣。 四月六陽全而陰已生,陰非至此始 先儒謂陰亦然者,正 而姤之 初 爻 生

名 利 關 誠誠 實 難 過 上 蔡 所 謂能 言 如

鸚鵡者,真可畏也

人能自信,則富貴、貧賤、窮通有不能

累矣。

必趨, 物也。 人開口皆能談禮義、論名節,及 見 勢 必附,又不知禮 義 名 節 爲 見 何 利

恭而 和,處衆之道

積誠 丽 人不感者,未之有也。

機

事不

密則害成、《易》之大戒也。

即 人言,可以見所養之淺深。

知 進 退 存亡而不失其正,子房 庶

幾焉

不爲 衆譽 圃 加喜,不爲衆毀 丽 加 戚

口

見。

其 過 人遠矣。

紛華擾擾,浮雲之過目耳

君子窮以 義,達 以義 ,窮達皆天 理 也。

小人窮以利,達以利,窮達皆人欲也。

有 鳳 凰 翔 于 千仞之氣 象 則 不 爲 品 品

聲 利所動矣。

君子志於道,小人志於利。 利與義之

間。 不能以髮。

君子浩然之氣,不勝其大。 聽言觀行,知人之良法。 小人自

滿

之氣,不勝其小。

道大無對,故游於聖人之門者, 難

爲言。

小知之人,得用即用,漫不知「行其所

無事」。

而 馭 人者,人亦以術 以誠 圃 感人者,人亦以 而待。 誠 觀漢 而 應。 初 君 以 臣 術

禮 樂 至 於 棄本 尚末,乃周 衰之弊,況

末 猶 不 得 其 IE 乎? 噫 1 弊 也久矣。

即 論 聽 女色。 言 即 可 以 好貨者,開口 知 人之失。 即論貨財。 如好色者,開 他

狂 可 類 ,則憎惡之以 也 此 世有 至於 聞 匿 爲矯。 情 論 而言正 道 學, 者, 不非笑之以爲 使學不學道 又當徐察其

怛之心,有不覺而自發於中者。 人知天地萬物爲一體,則薰然慈良惻

則

所學者果何事耶

静能制動,沉能制浮,寬能制編,緩能

制

急

物者,不足以語此。 富莫富於富有,大莫大於無方,拘於 貧而無怨難,富而無驕易,宜深體之。

友正直者日益,友邪柔者日損。一念之欲不能制,而禍流於滔天。惡流之濫而決其防,未見其能止也。

止矣。 醉於欲者,汲汲如狂,而心莫知

所

忠信積久而後效見。爲善勿怠,去惡勿疑。

私欲盡,而惻隱之心見。

滿腔子惻隱之心,即藹然天地生物熟於小知自私者,不足以語大道。

處衆之道 傲則 恭 加 (仰,慙 不 近 於 則) 諛, 俯 和 邪則欹,正則 圃 不 至 於流,事上 平。

幾之君子,孰能與於斯? 被髮而祭于伊川,興辛有之歎。非知

誠意孚於未言之前,則言出而人

自不察耳。 氣機之運必無差爽,但其理微,而人

友,事官長皆然。 不合,枉道以求之,則所失者多矣。交朋事之之道,其合與否有所不恤也。苟慮其事之之道,其合與否有所不恤也。苟慮其

蕭何廣市田宅以自污,猶王剪伐楚,

請 美 田 宅 甚 衆 个之意。 漢 初 君 臣 以 桁 相 持

此 亦 可 見。

縷之肉 丽 萬 蟻 咂 之,一 勺之水萬 魚

吸之, 欲滿 其欲 叫 乎?

人有滿 於得 意 加 不覺 形於色詞

則 其 所 養 미 知 矣。

自 然之理,持之有道則雖亢 作 事 快 ,心必慎 其 悔。 而非滿矣。 蓋 消 息循 環

心 有毫髮所繫,即不得 其 伞

淹 速 天道 不 同 耳 甚 미 畏,感於此則 應於彼,

楊 子 日 後 丽 有 日 楊子雲者,必好之

某之自信 亦然。

諛。 此 諛 尤 乎 求 甚 也 已 人之 此 而 以 好 素 作 無 諛 諛 文 實 應。 辭 非特 〈德實 者, 文詞之弊,孰 言 又 才, 極 語 ៣ 爲 П 悦 稱 然 人作 譽之, 也 9 有 文 而 甚 彼 辭 文 於 辭 以 以

> 土 無 氣 節 則 或 勢 奄 奄 以 就 盡 西 漢

是 也

盛 荷樂軟 士之氣節,全在 熟之士, 上之人。 mj 惡剛 IE 獎 之人 激則 則 氣 節

務容身,而氣節 消矣。

事 貴 審 處。 古人 謂天下甚事, 不 因 忙

後錯 了。 真名言 也。

天,衆人之見也。 高深遠近皆是天,但以 青而在 上 者 爲

患 得患失之心 推 其 極,不仁 之 甚

者也

但

有

其 而 位 者, 而 次 然 然 丽 有尚名節而 上也。 不敢取 斯 也。 廉而 世之廉者有三: 又爲次也 畏法律保 不公者,只是人欲之 者。 尚 名 不苟 見理 節 禄 而 取 明而 位 有 不 者,有 m 見 荷 不敢 不妄取 理 取, 私 明 畏 取,則 狷 ௱ 法 ·, 無 介之士 律 不 勉 妄 所 保 强 爲 禄 取

化 於 竊 廉 操得 其要, 孔子曰 則 不 「苟子之不欲, 待深懲重賞 雖賞 而 之 自

方圖 圓 圖 、横圖、奇耦 皆 相

應於 萬。」可以形容道體 韓 子 澄其源 而 清 其流 於 前

人能弘道」,見氣强 ௱ 理弱

贈言以名位 期 人,不若以德業勉人。

外, 實行乎地中,是則上下内外皆天也 先儒謂「天包地外」,竊謂 不但包乎地

便得 未嘗息 開 吾意 明, 久則漸 天地一終之時,昏 月之晦 如一日之暮可見。 次 開 明矣。 歲之暮,一元之終, 暗之極 但動静之機 時之末,一 一未必

始, 復爲動之始,乾 静之極。 知道 者孰 静 能識之? 極 爲 復 動之極。 動 動 極 姤 爲静之

皆氣化之息也

,但久速之不同耳。

罪

也。」此

可以

爲後生輕俊者之戒

爻,自乾之初爻來。 氣正 復之初爻,自 一則生 人亦 坤之初爻來。 陰陽 E 氣 互根 偏 則 ,此亦可 生 姤之初 亦偏

如 中中 國夷 狄可見。

是也。 左氏 多有言過 其 實 者, 昌 黎所謂 浮

春秋時,尚辭命而文過其實者多,

然

亦 可以 觀世

左傳》所論是非, 有 吉凶、

驗於後, 豈盡然乎?

天開於子,山水之原皆在西北,

故

坎

艮居之。

左氏 伯宗曰:「怙其雋 極有膚淺者,只是理 才而不以 不 茂 明 、滋益

下 莫能 左氏 君 破 子語大 論 敬 須要真見得不能載不能破 處多,亦是先王之教 而天下莫能載; 語小 有未 處 而 天

成

敗

泯者。

「太極」,言雖殊而其義一也。《孟子》之「性善」,《中庸》之「誠」,周子之《太學》之「至善」,《論語》之「一貫」,

身心。聖賢垂世立教之意果何在哉?而已,而後之學者讀聖賢之書,但資以爲而已,而後之學者讀聖賢之書,但資以爲

詳矣。 《楚辭》「載魄」之載,韓子《畫記》以載,之載,楊子「載魄」之載,韓子《畫記》以

之理一一契合,方始有得處。 讀書之久,見得書上之理與自家身上

者,即此德之實也。《中庸》一書皆性情之德,而所謂誠

微而草木,大而陰陽造化,盛衰之理

也。

當何如哉?曰:「某於此有愧。」大賢尚然,後之臨民者程子常書「視民如傷」四字於座側,

得 ጠ 静矣。 静 也 所 人能心在 處 之地 惟身在是而 腔子裏,則 雖 静 圃 心亦在是,則 心飛 白 事 飏於外,亦不 可 精 不 · 擇 地

定矣。 擾 俱 馳,是所以 一切外 事 爲 與 己本 心 病 也 無干涉,而 惟 知 止 則 與之擾 心

《莊子•人間世》篇,揣摩之術也。

見理明則遇事迎刃而解。 有所自樂,則不爲外物所移。

一毫省察之不至,即處事失宜而悔吝

處事當沉重、詳細、堅正,不可輕浮、隨之,不可不慎。

文語が「かくこうでしている。 蓋艱貞則不忽略、故《易》多言「利艱貞」。 蓋艱貞則不

敢輕忽,而必以正,所以吉也。

可見。 天道只是往復而已,觀否泰剥復之類

感應之理,於《先天圖》見之。

陰陽迭勝,無須臾止息。

謂 動 之精,互藏其宅」者,於是可見。 自 自 動中來,觀 動 静 太 静無 中 極 來,觀右半陰中之陽 動 端 而 陰陽 左半陽中之陰可見。 生陽, 無始」,張子所 且 一從動 處 口 説 見。 謂 起, 程子 陰 静 其 陽 所 實 又

則成於後來弟子無疑。《孟子》之書,齊梁諸國之君皆稱諡,

之意。 亦 者吉亨,不言可知,而必曰 不敢易而爲之。 《易》之爲教, 大槩欲人敬慎, 如 大壯 利貞,是即敬 乃 陽 壯 之事,占 雖吉 慎 事

晝夜昏明居半,天地開闢亦如之。以

即如晝夜可見。元會運世觀之,天地開闢各有一半昏明,

地於天中,一毫毛耳。 氣無涯而形有限,故天大地小。

而虚,故以量言而曰廣。」至哉言乎!「乾一而實,故以質言而曰大。坤二

實有諸己矣。 反身而誠,則 反身而誠,最爲難事。 反身而誠,則

之器,費也。形而上者謂之道,隱也。形而下者謂

皆是。 形而上形而下,道器元不相離,舉目

必使一言不妄發,則庶乎寡過矣。

聖人言學《易》可以無大過,此非設言

也,蓋必有己所獨得,而人不及知者焉。

説得,只是不著實。 聖賢工夫,步步著實,如莊老之學,儘

导音,無下交之。 小人不知義理,或名或利,凡可以苟

「一故神,兩故化。」近觀人之身,●遠得者,無不求之。

觀之天地,無不盡然。

無行可悔,則德進矣。

对謂下有危亡之勢,而上不知是也。 天下大慮,惟下情不通爲可慮。 昔人

視之如 方血 不得 及 所 血 之態,靡所 謂 聖賢 志 氣既衰,去位 氣盛時 下有危亡之勢,而上不知是也。 ,獨行其道。 ,初不少 以 義 不至 據位 制 心。 持勢,真若剛 失勢,悲感流 動 由 出 其 無 得志 處進 心。 義 以 ,與天下 小人則不 退,富貴貧 制 心 涕 强 也 卑 不 由 屈 屈 然, 之。 者。 賤 荷

之至要。

恃 謀非德,無犯 非 寵 義 『無違』 」、「無傲禮」二言,足以盡 鄭游吉九言 同,無 非義。」切謂 傲禮 • 無始 無 驕 九言之中,「 能 亂 蓋其餘 無 無復怒,無 怙 無 犯 無

多。」此名言也。 范武子曰:「喜怒以類者鮮,易者實

吝之及矣。 《左傳》曰:思其終也,思其復也,思其

所 百骸做得是,便是仁義禮智信之性。《 是,壞了仁義禮智信。 謂「有典有 《詩》三百篇,天道人事無不備。 人只爲耳目 則」,《孟子》所謂 口 鼻、四 若耳目 肢 百骸,做 口鼻、 「踐形」者 四 得 詩 肢 不

● 「之身」,原作「身之」,鄭本、王本作「之身」,據改。

珠

藏澤

自

「媚,玉

藴

Щ

含輝。」此

涵

養

[《]書》、「有物有則」出於《詩》。 案"「有典有則」出於

是也。

亂之相尋,理之必然也,何足怪哉! 《雅》未幾,而變大小《雅》繼之。否泰、治正《風》未幾,而變《風》繼之。正大小

陽相根之理微矣。 《國風》至於《民勞》,皆泰極而否,陰《國風》至於《邶》,《小雅》至於《鴻不忮不求,可以爲守身之法。

聲者陽也,側聲者陰也。 天地間無物無陰陽,偶讀韻書,其平

《詩》一經,性情二字括盡。

臣、《常棣》之類言兄弟、《蓼莪》之類言父《鷳雎》之類言夫婦、《鹿鳴》之類言君

道無不備也。 子、《黄鳥》之類言朋友,此《詩》於人倫之

之三要也。 不欺君,不賣法,不害民,此作官持己

《雅》則心不樂者,好善惡惡之真情也。讀正《風》正《雅》則心樂,讀變《風》變

道也。 過而不張則流於廢。一張一弛,爲政之中 爲政當有張弛,張而不弛則過於嚴,

其身。」雖婦人之言,亦可以爲居官怠職者其身。」雖婦人之言,亦可以爲居官怠職者

行有不得,反之於己。使行之是,則勢屈於匹夫,義不勝也。

四四

之,不可執其非,以求勝於人也。得不得有命,己何與焉,使行之非,即當改

焉?」此先儒之論,重書以爲 慢之事,則 曰:「使己有 或曰:「人 彼 可慢之事 失矣。 有 慢 己 ,則彼得矣。 失得 者 在彼, 警。 何 以 處 己無可 之? 何 與

好勝,人之大病。

富貴易至溺人,可不謹哉!

節儉樸素,人之美德。奢侈華麗,人

之大惡。

人有不謹者,不可以己能病之。

其所不能。所行有窒礙處,必思有以通人遇怫亂之事,愈當動心忍性,增益

之,則智益明

殊,分殊所以行乎理一 物 天 有 之理,所 天之理 統天地萬 謂 分 在 物 地 殊 爲 有 也 一理,所謂 地 ,非有二也 之理,在 理一 所以 理 萬 也。 統 物 乎 有 分 萬 在

> 殊 具 之 不 在 理,分殊也。 如 理一之外 身之 理 理一 理 統乎分殊之中 也。 四 肢 白 骸 分 各

27 不五一 スタ

殊也。 本然之性,理一也。氣質之性,分

瓢 自 以 哂 樂爲能 巷,不改其樂。 纔 自 有 也 其能, 便 爲 在顔子之心, 心累, 如 顔 則 子 未 雖 嘗 簞

有此理則有此物,及有物則理又在

以不雜者言之,謂之本然之性。物中。

以

不

離者言之,謂之氣質之性。非有二也。

有道也、鮮識其真也。人莫不飲食也、鮮能知味也。人莫不

造化非陰即陽,人事非柔即剛。

能 太 極 寂 感 之 動 則 所 静 爲 雖 性之所爲 也。 屬 陰 如 陽 寂 也 而 感 所 雖 以 屬 能 人 八心。 動 静 而 者 所 以 則

理。」 道 也。 動 或記者之誤也 日 作 ,昧於形 如如 褔 若指人之語言動 太 謂 是 這 極 器 此 而上 圖 人 或 也, 身是 解 記 形 ·下》、《朱子語 人身語 者之悮。 器器 而下之别矣。 作爲 語言 言 理,則 動 動 蓋 作 作 人 録》 之 身 便 故 是 則 疑 認 與 是 論 此言 乃 語 氣 道 之 爲 理

非光 則 拘 亦 之昏蔽之也。 者,受此 但 性 物 也 明。水之濁者,受此 之清 暗 本 萬物各受此 善善 也 理則 ,水之濁 而 者,受此 無 理亦昏。 如水之清者,受此 惡 理,如衆 口 以 理 知,其惡者,皆氣質之 淆 則 日光則光亦暗 昏 之也 理 非 水各受 亦 理 明。 香 以 日光 是觀 也 此 物 日 之 則 由 光 1 光 物

所 以 發 於 而 中 動 節 處 爲 難 難 得 也 恰 好。 纔 動 便 有 差,

人皆有此理,聖人與塗人同。聖人有

之理,聖人 禀得氣質 臣、父子、夫婦、長 父子、夫婦、長幼、 耳、目、鼻、 亦 氣質昏駁,有不能全盡 有心、肝、脾、肺、腎 (清粹,故能全 有心、 口之理,塗人亦有 肝、脾、肺 幼 朋 友之理,塗人 之理。 耳。 朋友之理。 虚 此 理。 聖人 腎之理,塗人 耳、目、 衆人 有 亦 但 君臣 禀 聖 有 君

舜矣。 哉。 自 之,必固與之。」是皆竊春夏之闢 乾始利天下不言所利不同,而 之闔、程子所謂 固 强之。 以 爲 如 乾始能以 將欲翕之,必固張之。 堯 大 將欲 哉 舜 利 ? 美 世 廢之,必固 使 「老子竊弄闢闔 之功 利 有 利 天下 大 毫自大之心 矣 9 興之。 不言 而 將欲弱之, 其 非所以 者」,以 所 心 而 將 則 利 爲 欲 爲 大矣 秋 曷 此 則 與 必 久

者,太極静而陰也。吸爲呼之根,呼爲吸人之一呼者,太極動而陽也。一吸

之根 妙,又豈外於人之一身哉? 以 至 9 即 語 陰 陽之 默, 無 動 不 皆然, 静 丽 則 互爲 太 極 其 陰 根 陽之 也

茂。 觀 近 海 Ш 理也,得之爲天,得之爲地,得之爲 東 斥 海豐諸邑,林木稍長 滋 加 地氣亦薄, 故 悴 生 口 物 · 見。 ● 不 暢

萬

物。

見道。 形 而 道無聲之可聞,無形之可見。 下之器 非若 天地 默 識 萬 夫 物 真 形 而 有形之可見也 上之理 ,則謂之 惟 因 夫

人不以 天不以隆冬大寒而 、熟寢 大寐 加 息 其 虚 息 靈之知覺。 其 生物之機

神 雖 熟 乎 寐 心 之甚,及至其 至 爲 神 明,如 期而自覺,豈非心之 來 日 將早作, 今夕

存亡。 自 人惟一心,操之爲君子,放之爲小人。 興亡 治亂之幾,皆 由於心之

> 之聲樂,誇耀祖宗,其爲不仁甚矣。 是 及 漢 本只由一念之差耳。 以 貮 武 數 師 只 一念之差貽 因 再 正 舉 欲 馬 得 西 易萬 伐,僅得善馬 西 患生 域 人之命,又且作 靈有 馬 甘 不 數十 口 心 勝 喪 疋 言 師 歌, 者 脯 不 原 還。 悔, 其 被 如

惕 不安者,心之神明 如 來 旦將早作,而 使然也 中 夜屢寐 屢 寤, 警

空説 ,舉前古之人皆爲所惑, 滿眼皆實理而人不之信,釋氏持一 何哉? 偏

髮,絶其配,不孝絶倫之罪大矣。 悠遠之緒,人之大倫 大孝也。 身體髮膚,受之父母,不敢 夫婦配偶,所 也。 以承 釋氏乃 先 世之重,延 毁傷,人之 使人髡其

定則 明 莊子》曰: 也 「泰宇定,發乎天光。」言心

「長」下,鄭本有「即枯」二字。

聖人順天理而盡人倫,釋氏逆天理而

滅人倫。

者即道心,以其不流於人欲之私 欲 者 也 非若釋氏 雖 Ė 知 不 盡 能 去 無 根 人 塵 心 一,但 0 聖人 心 之 所 所 得 謂 其 謂 無 無 正 欲

造化只是陰陽五行,人道只是健順

五常。

皆實理也,知者鮮矣。

些人一片實心,種種道理皆從此出

無有大於理氣者。

作聖作狂,此心一轉移耳。

《中庸》引《詩》曰:「上天之載,無聲無

臭。」即無極而太極也。

事、《易》以道陰陽、《春秋》以道名分。」先《莊子》曰:「《詩》以道志、《書》以道

張子曰:「一故神。」神即太極也。或謂莊子是大秀才,觀此可見。●

儒

豈 者 所 謂 以 太 爲 極 一造化 不 會 動 之樞 静 紐 則 品品 神 彙之根柢 爲 無 用 之 一哉 物矣。 ?

萬物之間,無所不在。只一箇太極,行乎陰陽、五行、男女、

逞才,妄爲以 退、存亡、吉凶、消長之理 適 足 以 盆成括小有才, 殺 其 身。 取 禍 也。 而 知 不 大道 知 必不至於 君子之大道 則 明 於 率 進

室 知 其聲在耳 口 其 也 M 香之理在 視其 知其 へ 色 在 而知其 味 之理 目,而 心。 、聲之理 在 此心所以爲一身之主 知 心。 其 在 色之理 闡 心 其 香 食其味 在 在 心。 鼻, 而 聽 在

天人一 耳 耳 自 順 則 聲人 鼻各 理,故致 、心通 專 乖、致和 事 目 前 明 則 心 無 物 則 不 接 無 感 理 不 通 見 通

● 「可」,原作「多」,鄭本、王本作「可」,據改

四三

四四四

呼吸之息,九萬里之氣亦是此息相吹,則《莊子》曰:「生物以息相吹。」息是人

人之氣召和、召災可知矣。

七竅鑿而混沌死,七情熾而天理亡之

譬也

然 以 乖 感陰 也。 則 舉 亦 四 陽 足 海 之 九州生民之氣 以 和 感 舉 陰 四 陽之異。 海 九 無不和, 州 生民 此 理之必 之 則 氣既 自 足

固不可假公法以報私仇,亦不可假公

法以報私德。

出 石 於五 有 五 物 行之外哉 各 色,雲氣 具五 行之色, 有五 色之類 如 天 是 地 有 則 五 萬 方, 物 土

人也。 下民之冤不伸者,由長人者之非其

抑 切 爲 不 官 者切 理 曰「我 不 미 厭 務 煩 省 恶 事」, 事 荷 則 民 視 不 民 得 之 寃 其

死者多矣。可不戒哉!

者,無不盡心其間,則民之受惠者多矣。蓋天下事莫非分所當爲,凡事苟可用力一命之士,苟存心於愛物,必有所濟。

莫非防範人欲,扶翼天理,故謂之八分書。昔人謂「律是八分書」,蓋律之條目,

慎言謹行,是脩己第一事。

爲非義,則「律爲八分書」可見。人之所爲,不犯律條即爲義,犯之即

余一夕夢先人告余曰:「慈、温、良。

得非有所警乎?

只「四勿」,念之豈有差乎?

天下至貴者道,得之則生,失之則死。

爲天下至貴不亦宜乎?

戒。」吾有取焉。 偶讀醫書有曰:「洗心日齊,防患日

乞墦之富貴,恬不知耻,可怪也夫。

責人當反求諸己。

釋氏本是自潔其身,紛紛之言,皆其

徒附會之也。

符録 道家之事、《道德經》豈有是哉 道家者 科 儀、 流 飛 昇、 如 老子《道德 黄 白 之術 皆 經》 後 是 人 也 附 會 如

體

認

復動 語、默 陽,曷莫非是道之著? 之發也。 也 ,其示人之意,豈不 朱子於「吾 無非教 循 環 止 無端 與默 也」釋之。 無 ,屬静陰之爲 則又道之至妙。 隱乎爾」章, 顯 而 蓋 至於動而 可見哉 作與語 也。 以「作、 静 至 動 屬 妙 静 静 陽 者 陰 動 而

此 人,童子六七人,浴 日 理 者,亦此理也 『異乎三子者之撰。』」其動 也。 曾點之「鼓瑟希,鏗 莫 春 者 乎沂 春 是 列則 服 爾, 「人欲 既 風 成。 舍瑟而作。 乎 舞 盡 静從容者 冠者 雩, 處 天 五 詠 理 六

然哉? 然哉,無少欠缺」,安往而流行,隨處充滿,無少欠缺」,安往而

不

乎 中 聖人 丽 發乎外 身 動 静 示 人 無 口 非 謂 無隱 義 禮 智之 德 充

「認得爲己何所不至」,此言當深翫味

法立而行,則人不翫。 勿以小事而忽之,大小必求合義。 不虐無告,不廢困窮,聖人之仁也。

事合義,雖大不懼,不合義,雖小

當謹。

謂「道與德爲虚位」也。 道有正有邪,德有凶有吉,此韓子所

教 深 精 蔽之深,不能 分明 也 切 氣質之蔽 而 猶 非 E 不 理,而 有 能 最深, 以 祛 開 其 舉 民 其 惑 # 不 識 趨 是 口 也 之, 使 皆 雖先 知 如 氣 佛、 之, 儒 蔽 開 老之 是 之 示

偶一事發不中節,終夕不快。

臨屬官,公事外,不可泛及他事。命、性、道、教,只是一理。

其節 若「貧賤不能移」,即仁者,能久 必濫、久樂必淫。」濫、即爲貧賤所移 孟之言,互相發明如此。 「富貴不能淫」,即 朱子釋之謂:「不仁之人,失其本心,久約 也。 「不仁者,不可久處約,不可長處樂。」 淫,即一 爲富貴所淫 仁者,能長處樂矣。孔 而蕩其心也。 處約 m 矣。 更

讀書録卷之八

也,非聖人其孰能之。 所謂知幾者,於事未形著,而識其微

൬ 뻬 圖 防之於未然,故能消 之於已 凡禍患伏於無形之中 著,則 己 無及矣。 其禍 惟 聖 衆 人 則 知 知 幾 幾

許 也。 形之神也 醜 多 而己不覺 呼 有許 吸 於 運 利 動 多 欲者, 口 也。 者 聰 鼻之呼 明 ,魂之爲 如 耳目之聰 知 醉 吸 識 酒之人, 者 爲 也 魂 魄 明爲 魂 之爲也。 人不 者 魄 氣之神 堪 魄 其 有

斯 子之立之斯 之慎 和 ,皆聖人作用 堯 徽 之欽 五. 立 典 明 , 道 俊 以 德 神神 至 之斯行 以至 一烈風 速 功效。 雷 ,綏之斯 黎 雨 、民 弗迷。 於變 來 時 動 與 孔

> 殆 以 承」: 此 則 堯 敷 堯 臣 日 舜 首 欽 爲乾,禹爲坤。 叙 明 堯 舜 舜 禹 之 事 重 華 9 可見帝降 有 乾 禹 坤 之 而 袛 道

不易」之語,●禄位果 即 有自滿之色。 後人 不 知 人 觀 臣 一之道, 臣克 可 自滿 艱 但 乎 厥 得 臣 高 及 官 厚

陰魄也。 動而不息者,陽魂也。静而有識者,

子所 以貴 夜 氣 平存息 如 泉 源 也 淆 之數 亦 不 能 清 矣, 君

則枯。 仁是嫩物,譬之草木,嫩則生,老

處。寂而感,虚而實,此吾儒與釋子不

變化無須臾之止息。

同

●「艱」,原脱,據鄭本、王本及《尚書・大禹謨》補

四七

自 不 知 其 所 以 然 圃 然者 造化 也

天 地 之大 德 生 無 間 斷 ,無空缺

知 而 不仁 ,如老莊之流是 也

静 中之識 日 魄 う動 中 之 靈 日 魂

草 木之敷榮 暢 茂者 ,神之迹。 其凋 落

枯 悴者 知至至之,窮 ,鬼之迹。

理 也。 知 終 終之, 盡 性

以 至 於命也

朱子曰 : 誠之有物,不待形 M 有 。」蓋

沖 漠 無朕之中, 加 萬象森然已具矣。

雖

理 義 之心,不可少有間 斷,孟子 所 謂

無忘 是也

心 斯 須 不 存 即 與 理義背馳 可 不

念哉?

烝民》之詩,二五之疇,同 義 也

其 所 者,小德之川 無息者,大德 流 之敦 萬物各得

至

誠

本萬殊,殊與本不可分而爲二。

體 ,爲卦爻之法 朱子 曰 象。」 聖人作 此 見作《易》之本義 《易》, 因 陰陽 之 實

不已 生不已也 也。 「天地設位 成 性 而易行乎其 存 存 ,道義之門」,理之 中」,天之生生 生

其 成 知 地,便是成性 性 性 不 能 存 而 知禮皆 存,而道義出矣。 不 如 存 天之高,禮 道義 性 存存 也, 加 人 何 道 能 自 不 義 能 知 M 自 崇 如 出 此 哉? 地 如 出 之卑, 天 也 禮 反 此 是 卑 壞 如 則

只知崇禮卑, 便是成性存 存

知崇禮卑, 成 性 存 存 應 天地 設 位 道

義之門應。 易在其中矣。

博文知崇 也 ,約禮禮 卑 也

性 高 明, 天者陽 中庸 中 温 庸》之道 故 ,敦厚崇禮 知 氣之實體,地者陰形之實體 新 ,皆《易》知崇之事 問學,致 ,皆《易》禮卑之 廣 大、盡 微 德 極

成性即天地,存存即設位,道義之門

即易行乎其中。

夫子之德、温良屬仁、儉屬義、恭讓

屬禮。

註 能 時 離 之 遍 有 先儒 外 發 觀 近 世《易》、《書 明 圃 世 盡 燭 其 儒 讀, 籠 實 之譬 反 太 集 於於 繁 諸 》、《詩》、《 IE IE 複 家之説 如 汗 經本旨 此 漫 附 春 加 釋 秋 學者 其 至蔽 四 終 帰 不 雖 傳

坦之不明,科舉之學害之也。

爲 理 者之 精 尤 甚。 簡 四 觀 書集註 其 聽 他 割 圖 章 裂 己名之不朽, 句》之外,倪氏 舊 説 附會己意 駁雜浩穰 ^ 集 但 欲 害 起

辭之間,能因文辭而得朱子之心學者,許自朱子没,而道之所寄不越乎言語文

魯齋一人而已。

雲而雨者,自無而有。雨而晴者,自

有而無。雷霆風露之類亦然

男女、萬物,無所不在。 太極中無所不有,分而爲陰陽、五行、

梯 子誦-使 意,果安在 人 而 反 習 聖賢 元 不 亨利 水諸 其 知反己以 之 説 乎? 貞 身心 書 者 ,文王之言 垂 率 訓 加 求 多 得 萬 以 其 其 世 實。 本 也 出 其 欲 自 聖賢 理 朱 干 無 子 明 垂訓 禄 窮 没 天 之 理,

爲之主,窮天地亘古今而不易者也。定之形,人倫綱常有一定之理,是皆太極寒暑往來有一定之節,萬物生育有一

如 新 因 中 竹 觀 鳥 有 有 汗 露 鳥 然。 哺 者 其雛 1,津液 曹縣 分司偶觀新 L 心 行 藹 結 然 竹記 圃 可 爲 此 露

母來。

天

地

分

明

大父

母,生

出

無

限

小

父

知道則自簡。

一四九

留 漢 用酈 高 祖 生之策。 取 天 下 9 還 大 軍 抵 霸 能 用 群 策 嶢 如 下

策。 陳 一會、張 守祭 良之策。 陽、成臯, 從 又用酈 漢 中 東 生之策 兵, 用 韓 信 捐 金

間楚,用陳 平之策。 封 韓信 齊王,追 項 羽

垓 下 地封 韓、彭、 英布 ,使 自 爲 戦 又 用 劉

敬之策。 滅楚,不五 良、平之策。 悉收群策而用其長,此所以 及天下已定,徙 都 舅 中 破 用 秦

載

而成帝業。

其 無 ∭ 善善 亡。」此皆名言也。 知 英若. 有時 枚乘曰:「欲 加 勿爲。」又曰: 用。 棄義背 人無聞 理,不 ,莫若勿言。 積德累 知其惡 行 不 有 欲 時 知

其 人 言 也 平 朱子曰:「其 Ē 通 達 而 心 無 明乎 病。」 此 正 理 知 而 言 無 所 蔽 以 能 然後 知

其 分,分殊 天 地 萬 物 也 理 也 天 地 萬 物 各 有

昔人訓「皇」爲「太」,「極」爲「中」,

通 書》 誠 字字 括 盡

通 書》與《太極 圖 表 裹

只一 復卦, 多 少義 理,天 道 事 無

不 備

讀《易》在 識 時 勢。

心 不失 爲 中, 應 事 不 差 爲 和

中 也 者,至德也。 和 也者,要道 也

惻 怛 ,皆仁 地 泥、 也。 城隍牆,皆 理一 分 殊、於此 土 也。 孝慈、恤 亦 可 見。

親 親 加 仁民, 仁民 而愛物。」 其理

爲仁,分殊

爲

義

以 狀 謂 死 判 升降 生之説 」者,正 精 則魂升 陰 氣 爲 陽 爲 不過 言 以 合, 爲 物 耳。 明 則 神 此 游 如 魄 此《 0 魄 此 魂 ^ 凝 書》所 降 中 爲 魂 庸 爲 變, 聚 鬼 或問》朱子之言 謂 故 而 「徂落」者,亦 知 《易大傳》 有 鬼 生。 神之情 陰 所 陽

五. 0

中 記 定 虚 舶 輳之, 則 極 州 字 余之所見如 也 北 可 隅 則二字皆實 此 便謂 朱子非之, 正 觀 極 所 郵 此 爲 謂 亭 中則不 撮 極 矣。 也。 頂 「皇爲 蓋 口。 木 因朱子之説 謂 居 近因 君 極 中 居 極 道 此 猶 木 出 物 屋 武 而 川 極

《太極圖》假象以顯義。

此以爲愛民保己之法也。 「無輕民事惟艱,無安厥位惟危」,豈

宗, 近 有所嚴 舉太王、王季、文王,皆周 皆繼 周 公作《無逸》告成王,遠舉 體守成之君,欲 憚 以脩其 (德也。 成 其意切矣。 先哲 王 有 所 王, 殷之三 法 欲 也 成

置之座右。 《無逸》書,後世爲人君者宜寫一通,

「嚴恭寅畏,天命自度」,乃《無逸》一

周 斗 月 柄 而 却 初 天 斗柄 轉, 指 昏 卯 亦隨 斗 IE 矣。 如 柄 天翻 指 車 以 輪 酉 是 轉指卯也 之轉 知天一書 至天 將 蓋 明 側 夜, 時 轉 側轉 看 也 之 則 如

又可見當時世道之愈下矣。 讀《吕刑》之書,穆王不訓德而訓刑,

尤親切耳。 「幾」字,古聖人已言之,至周子發明,《書》終於《秦誓》,聖人之微意歟。

矣。 篇端 五. 經 者 四 非 默識 性 獨《性 哉 書 理大全書》以 ? 加 與凡聖賢之言,又豈 嗚呼! 理大全》一書 旁通之, 其旨深矣。 則一書之理,不 周子《太極 不外 乎是, 一有出 圖》 以 外 冠 此 於 圖

妙 静 日 極 復動。」 康 太 節 妙 極 日 者 動 蓋 而 蓋 静 生 指貞元間 動 極 陽 , 動 復動,即 静之間,乃天下 極 圃 太 静 貞 極 下起 静 也。 而 元 生 周子

康節所謂貞元間太極也。

理,上 性矣。 之性 事 道人道之屬 末 也。 復 天之 子 合爲 中散 謂 載, 無 \sim 爲 非 理。 中 無 萬 天 庸》始言一 聲 事 命之性 蓋 無 即 一始言 臭, 達道 又即 理 達 末復合 理, 中中 一德 天 九 即 散 命 爲 徑 天 爲 之 天 萬

非 失 其 不 本 論 心 人 乎? 之賢 否 噫 1 但 弊 見 也 勢 久 利 矣。 即 傾 慕 豈

高則明,博則厚。觀之天地可見。

凡物虚則有神,如鼓虚則響,鐘虚則

鳴

心

虚則

靈

一作者,其易之謂與。日出而群動作。一息日入而群動息,日出而群動作。一息

而笑。高言不止於衆人之心」。驗之世俗「大聲不入於里耳,折揚、皇荂則嗑然

朱子註四書,明聖賢之道,正欲學者

誠

梯,夫豈朱子註書之初 務 爲 己 一之學。 後 世 皆 意哉 籍 此 ? 以 爲 進 身 之 階

其正者,皆「時中」也。 夏葛冬裘,饑食渴飲,朝作暮息之得

謂 之。 虚自 固 極 興之。 者 竊弄闔 意欲 必 然之理。 張之極者必翕,强之 廢 弱之, 意欲奪之,乃固 與與 闢 之極者 m, \sim 乃固 老子》意欲 爲 術 [强之。 必 也 奪 與 極 乃造 翕之,乃 意 者 必弱 欲廢之, 化 此 程子 消 固 息 興 乃 張 滿 之 所

理爲之主。 《太極圖》只是陰陽兩端循環不已,而

夜、 死 太極 生、 剛 圖 柔 | 天 動 静 地 、古今、陰陽、 無不 括盡 寒暑、 畫

《太極圖》,遠而萬古,近而一息,無能

外者。

月 復卦初爻之根,即《太極 先天圖 月 純 坤 初 圖》右: 爻 中 半 已 陰 有 中 + 陽

∄i.

也 由是 姤 卦 初爻之根, 《先天圖 觀 之、《先天》與《太 $\overline{\mathbb{Y}}$ 即 四 月 \wedge 太 純 極 乾 》左 初爻中已 極 一半陽 圖》 中陰 亦 有 Ŧi. 月

謙者,聖人之誠心,非爲有所取於人静看《太極圖》,斯須離之不可得也。

意之私,而非聖人誠心之謙德矣。下之。欲先民,必以身後之」,則是出於有而然也。老子乃曰聖人「欲上民,必以言

《史記·日者》季主之言,深有中於

墨者

古人用字最密,如冒色之「冒」字

是也。

火木陽也,生於陰,陰中有陽也。水

心所具之理爲太極,心之動静爲

陰陽。

金

陰

也

生於陽、陽

中

有陰也

忠信立身之本。

惟誠無間斷破缺。

非至 之奴隷 矣。 周 ,是豈真知四子而 學者讀四子之書,而 張 朱 真 儒 也, 能 讀其 四 子 乃 書 辯 匍 者哉? 佛 匐 佛老 老 之

也 人不求如 ,惑之甚矣。 四子不好 學者得 四子之賢 如 佛 周、程、張、朱之爲人,亦 ጠ 而 學者乃好之,則是 好佛乃求過於 四 爲 山

陰陽、五 萬 在 象 即無 ,所謂「顯微無間 昭 然已具。 行、 極 男女、 而 太極 所 萬物 觀 也 觀 體 之, 沖漠 用 而此 源 無 朕 理無 也 之 中, 所 即

微無間」,不可分道器爲二。「體用一源」,不可分體用爲二。「顯

以武王之聖,而不知夷齊之賢,豈非

命敷?

而爲萬善。 只是一箇性,分而爲仁義禮智信,

散

Ιij.

義者,天命之性也。君子行義而盡其

性,則天命在是矣。

所行者善則吉,所行者惡則凶。所謂

無卜筮而知吉凶也。

中庸之理,不離乎動作、語默、人倫之

間,知者鮮矣。

過一分爲太過,不及一分爲不及,此

中庸所以爲難也。

程復心《四書章圖》破碎義理,愈使學

者生疑。

漢 而釋之曰:「太極未有象數 儒 程復心將《太 涵 三爲一 」,老莊 極 圖 指 中 太極 着 惟 爲 氣字, 氣耳。」乃 氣之説 又從

其失周子、朱子之旨遠矣。

無大無小,無内無外,一以貫之。理氣密匝匝地,真無毫髮之縫隙。

得 其 義 盡 事 盡夫婦之道 親 之道 而 得其仁、盡 而得 其知 事君之道 盡 兄之 而

殊也

無往 理、二氣、 謂 道 重之理,又皆所謂下學人事,上達天理也。 口 下 而 學 而非 《西銘》明理一 得 手、足之道 其 人事,上 五. 禮 理一分殊 一行、成 盡 達 朋 天 友 男成 也 而 而分殊。《太極 理 之交而 得 也。 女 聰、 m 明 以 得 化生 止 至 其 信 盡 圖 萬 肅、 耳、目 一》自 物, 皆 恭 亦

事 無 失,則亦天之孝子矣。 天之生人,五常 親之心事天,於天所 不備,人子能體其全 父母 生子,耳、目、 百行之理無不全。 而歸之,斯謂之孝。 賦 之理無 鼻、 四 肢 人能以 一之或 白

一理,分殊也。 理爲萬物之一源,理一也。萬物各得

不言,而四德 大 天道無言, 德 敦 化,理 著 而 萬 四 善 時行, 全。 也。 其致 小 萬 物 德 生。 也 川 流, 聖 分 人

者 質 亦 極 不 難 可 變,十 以 爲 難 用 變, 力 加 猶 遂 有 懈 變 於 不 用 能

力也。

盡

畫前之易,太極中森然已具者也。

以 至 + 極 雖 四 沖漠無形 卦 無 窮之 數 而 兩 儀 森 四 然 具 於 八 桂 其

中

微 無 源也。 間也 太極、二 自 兩 六十 儀 四 四 象以至六十 排 以 至 兩 儀 四 太 卦 極 體 用 顯

喜 也 其 實。 余往 午讀《 蓋 其 楚 警 詞》 戒 之言, 喜其華 亦 , 今讀 皆 切己 楚 詞 之

目之逐物,最能喪德,故「四勿」以視

居先。

事 惟嘗用力者知 私 意 最 難 去, 其 故 難 程 子 謂 克 己 最 爲 難

男女之欲,天下之至情。聖人能通其

情,故家道正而人倫明

大壯之力莫能止其欲。 欲心一動,如火之熾,如水之溢,非用

《老子》曰:「不見可欲,使心不亂。」大壯之力莫能止其欲。

以 乃 于 面 所 沖 兩 叙 謂 儀 漠 疇。 伏羲則《河圖》 未 體 有 無 四 用一 天 聖人之心 朕之中; 象、 地 源 萬物、二 八卦 也 與天 未有 以畫 之理 而天 地之心 一卦,大 Ē 兩 地 具 儀 萬 于太極之内。 禹 四 物之理已具 分明 法《洛 象、八卦, 爲 0 書》

生焉。 漠 動 無 ,資始資生 朕 即 樹 之中 根 觀之,須 而 樹 丽 根之理已具。 理亦隨之,樹之根由 思未 有 根之先, 逮夫 氣 而 是 機 沖

《太極圖》理一而分殊。

則實 道 莫 能 觀 春草 破 從 可 地 知 迸 天 出 地 萬 無 物 絲 體 之空 皆 虚 圃 理 則

і. Б.

四時温燠寒凉之氣,人體無不覺者.

則人與天地同體可知。

非特《易》爲然,《太極圖》亦是已。程子曰:「理無形也,故假象以顯義。」

無窮盡,無方體,太極是也。

理本無名字,字之曰太極。

亦有之,可不戒哉?如禰衡、孔融之徒是也。非特古爲然,今如禰衡、孔融之徒是也。非特古爲然,今如禰愈入,能文章,坐此而取敗者多矣,

後 子, 太 子,乃氣 子 極也。 ,形交氣感,形化萬物而各具 乃 即 太極 五 理 化生出男女、牝牡、雌 氣 一行 又最 圖》水、火、木、金、 妙 各具一太極 合 下 而 圏 無 間 子,乃 也。 也。 男 其 又下 雄 土 女 下 五 太 己 各 箇 極 具 生之 小 也 卷 卷 卷

讀《太極圖説》,句句體貼,向身上看,川流者,和也,情也,貫也。 大德敦化者,中也,性也,一也。 小德

自有無窮之味。

以《太極圖》反求之身心動静之間,無

一不合。

天地陰陽,古今萬物,始終生死之理

《太極圖》盡之。

然用 不用而茅塞之也 之而 良心 成路。 開 而 天 良 理 心蔽 明 猶 而 山 天 徑 理 之 暗 猶 蹊 間 爲 間 介

自午 自子 至亥,陰氣 至午,陽 方消 氣 M 方 屈者鬼之迹 息 而 伸 者 神 也 之

庸 可 易 也 中是性情恰 故又謂之庸, 好的 非 道 中之外别 理,以 其平常 有 所 而 謂 不

미 倚,發於情 易,故又謂 中之 理 m 所 之庸 無 包甚 過 不 及。 大,存於 其 心 可 圃 以 常 不 偏 行 不

夜。」即《中庸》之「至誠無息」也。 子在川上曰:「逝者如斯夫! 不舍晝

迹

天 下 之獄 自古 不得 其 平者多矣,掌

刑 者 口 不擇其 乎 ?

有 兩 感於 節 Œ 偶 統 過 心 長 四 ,而知 清 年十一月十九日 知 天下之獄 已 斷 __ 獄 不 事 荏 得 不 平燈 其 · 得 平者多 其 下 Ŧ,

臣 巧文以避罪,非 忠 也

如 13 露 之 雪 霜 即可 氣, 只 是 遇 天 冷 地 成 之氣 冰結 凝 結 其 而 理 成

可見。

春 秋 之時, 諸 侯 擅 相 征伐 會盟,而 不

知 有天 子之命, 非 義甚矣。

禮 樂 征 伐 不 出 於天子, \wedge 春 秋 > 所

由 作。

也 天 爲元亨利貞是也 ,所以當然之故,乃仁 事 物 當 然之理, 如 義 父子之仁 禮 智所自來,在 之類 是

春秋》書「夫人姜氏 會 齊 侯 于 . .

> 其事,云 齊師 「夫人 」,「夫人姜氏 姜氏 圃 其 義 享齊侯 自 見 也 會齊侯于穀」,所 于祝 丘 一,「夫人 謂 姜 氏 如

春秋》書 法,意在言外。

春秋》辭 雖 謹 嚴 而 意 實 忠 厚

春秋》直 書其事 ,使人 思 而得之。

義 而 無泛 論

諸儒解經,

多人外意

惟朱子只主

本

《春秋》大抵多微辭

下所 恐 不能無穿鑿之弊。 能 聖人作《春秋》,其微意 窺 測,若欲句 句字字盡釋其義,竊 真 非 載

賊 内中國 讀《春 ,外夷狄,貴王 秋》大義 可 見 膜 者,尊君父, 霸 而 已 討 亂

之則 物 近 Ē 失之者死,得之者生,爲 成。 莊 子》曰 故道之所在 一「道 者 ,聖人尊之。」此言 萬 物之所 事逆之則 由 敗,順 也 庶

Ы. Е

安其内不求于外,見其大而略於小。

正統五年正月十八日分司夢得此語,因記之。

小人不可與盡言。

道人以善,不可則止,其知幾乎?

待小人,嚴而和。●

分外之事,一毫不可與。

《易·大象》,皆以義理言。

天何言哉? 吾無隱乎爾,與曾點言

志之意,皆天理流行之妙。

言要緩,行要徐,手要恭,立要端,以

至作事有節,皆「不暴其氣」之事。

怒至於過,喜至於流,皆暴其氣也。

資始資生,固乾元之氣,而其理則太

極也。

風霆雨露之氣所以成物者,皆太極之

所爲也。

大氣發生一切有形之物,而太極爲

之主。

以鼻息觀之,呼感得吸來,吸感得

瓦八

呼來。

爲 感 ,感得暑 暑爲感,感 來 得 則暑 寒 來, 爲 應。 則 寒 應 爲 又爲感, 應。 寒 感 復

又爲應,于是見感應之無端。

感應之理,于《太極圖》陰陽互根

見之。

能禦」,即「感而遂通天下之故」也。 大舜「聞一善言,見一善行,沛然莫之

感自外來,應由中出。

天地寒暑,人生盛衰,其密移之機,無

毫髮之間斷。

謀利計功,乃人欲之私,學者之通

患也。

大而人倫,小而言動,皆理之當然。

●「和」下,鄭本、王本有「所謂不惡而嚴也」一句。

纔有有爲之心,雖所行合理,亦是人欲。

王、伯之分,正在「不謀利計功」與「謀

利計功」之分。

學者,自幼便爲謀利計功而學,宜其

不足以入堯舜之道。

絕謀利計功之念,其心超然無係。

萬化交則通,不交則隔礙,而不能成

化功。

《太極圖》如水,一源流而爲千支萬

派,却都只是源中水也。

六十四卦只是一奇一偶,但因所遇之

人只是一動一静,但因時位不同,故有無時、所居之位不同,故有無窮之事變。 如

躬之道理。此所以爲《易》也。

太極只是性。

大

小生對

句,便知有陰陽。

太極是性之表德。

宋文帝子劭巫蠱事覺,不能斷以大美

不通《春秋》之義者,必蒙首惡之名」。 誅之,卒有合殿之變。正所謂「爲人君父,

之富麗也。聖賢著書立言,句句明理,非欲言詞

《太極圖》則 於化生萬 理氣則一而已矣。 而 十六、十六 《易横 物。 圖 》一而二、二而 而三十二、三十二而 理、二氣、五行、男女,遂至 雖所推有詳略之不 四、 四 同 六十四。 而

中,所謂 卷 則兼 《太極 以氣言。 精 圖》上一 粗本末無彼 然上 圈純以理言, 此 卷 也 即 在 下 而 餘 其下 卷

中有陽動之幾也,其理妙矣。 人熟寐而有知覺,正如純坤卦下一爻

塚」者歟!以文其奸,即莊子所謂「儒以《詩》、《禮》發以文其奸,即莊子所謂「儒以《詩》、《禮》發如王莽之徒,竊人之國皆引先王之事

「鳶飛魚躍」,即取之左右逢其原之

意,言道無所不在也。

謂 則,昆蟲草木之若其性,陰陽、 恭,夫必義,婦必從,以 慈,子必孝,君必仁,臣 雨露之各以 活 潑 潑 而 地 必 也 戾 其時,皆「鳶飛魚躍」之意,所 于天,魚 必敬 至 帲 四 必 體 ,兄必愛,弟 躍 日 百骸之有其 于淵 月、風霆、 父 必

風動林木,即「鳶飛魚躍」之意。物之觸目觸耳者,皆活潑潑地之理。

應。屈又感伸,伸又感屈,屈伸感應,如循屈以感伸,伸爲應。伸又感屈,屈爲

環之無端

此觀之。 《或問》中者多矣。求二夫子之心者,當于二程之名言,朱子采人《四書集註》、

失其當。 知言之明,乃可以折衷群言,不然,去取必知言之明,乃可以折衷群言,不然,去取必

相

合

無

毫之間

讀 書 讀書 而 不 講 講 明 明 道 道 義 義 , 則 求 日用之實 溺 心於文字之間 理 也

終不能知實理之所在

而後得止於至善,皆由知止、定、静、安、慮以知止而後定、静、安、慮、得,以見明德、明德、新民,止於至善」,下文即繼之

男女氣化之太極,與萬物形化之太極

也

萬物,而男女在其中。互文也。 氣化言男女,而萬物在其中。形化言

但是血氣之物,靈於他物。

飛、潛、動之物,靈於植物,而人又動

物中之尤靈者也。

摇 人雖各是一體 扇 有 風 見天 、地間 其實 無 與 處 天 無 、地萬 氣 物

渾

融

蕩滌胸中,無一毫之私累,可以言

大矣。

應事纔應即休,不可須臾留滯爲

心累。

和從中上流出來,中是和之源頭。

而二,二而一者也。

庸即中和之理平常而不可易者,非中

和之外别有所謂庸也。

涵養本源是尊德性之事,思索義理是

道問學之事。

미 不 須 中 臾離也 中和 動 而 不可 不察則有不 須臾離。蓋静而 和,此 中 不存 和 所 則 以 不 有

人之學道,由經而人,窮經有得,則道

不在經者可默識矣。

學須有覺,方得總會處。

朱子論造化之精約,莫過於《太極圖

解》。

水能鑑物,故智屬之。金能斷物,故

明,故禮屬之。土則質實,故信屬之。 義屬之。木有生意,故仁屬之。火則

文

極 物之在中而言, 極 爲中,則 也 屋極北極爲 故曰 非矣。 太極 如 有形之極,太極乃無形之 屋 本 極北極之義。若即訓 無 極。 皇極之極, 以

言」,此類是也。迎,應而不藏。」程子所謂「形容道體之迎,應而不藏。」程子所謂「形容道體之莊子曰:「至人之用心若鏡,不將不

乃統體之太極 理。 然仁義 人日 用 中正是各具之太 求太極,只中正 也。 極 仁 五五 義 便 性 是 發 此

聖賢之經旨,多見其不知量也。 非有過人之識而欲纂集群言,以折衷

鐵中生火,陽生於陰也。

就天地萬物中各具一理者,各具之太

極也。合天地萬物爲一理者,統體之太

極也。

而不知也。 天地間理無空缺處,人終日在太極

中

忠信積久,可孚於人。不然,則言出

而人弗信矣。

一失人則人皆莫之與,孤立而無言,人亦弗之信矣。 出而人信之。苟輕言戲謔,後雖有誠實之出而人信之。苟輕言戲謔,後雖有誠實之

輕諾則寡信。

助矣。

《易》曰:「脩辭立其誠。」故慎言乃進

讀書録卷之九

舉天地萬物,皆物也。天地萬物之

理,其則也。

深體之。「無物不有,無時不然」。此言宜時時

之性墮在氣質中者,初非二性也。質中指出不雜者言之。氣質之性,即本然太極,氣質之性也。天地本然之性,就氣無極而太極,天地本然之性也。陰陽

吾心之本體自如。 本體自若。萬事萬變,紛紜膠擾於外,而 雷電風雨,參錯交動於下,而太虚之

文、約禮之類是也。循此而進,潛翫積久之也。」道者,進爲之方,如學問、思辨、博《孟子》曰:「君子深造以道,欲其自得

辭章之末,欲求自得之妙難矣。 則有自得之妙。不循此而進,徒事於記誦

功。事功之大者,莫大於用人之一事,觀功。事功之大者,莫大於用人之一事,觀

諸二典可見矣。

爻見之。 有物有則,於六十四卦、三百八十四

成王之學,日進於高明矣。《敬之》詩曰:「學有緝熙於光明。」則

亨利貞,亦於人心見之。「感然不動者」,「利貞,誠之復」。元通」。「寂然不動者」,「利貞,誠之復」。元「感而遂通天下之故」者,「元亨,誠之

者也。 觀《敬之》詩,成王眞得傳心之學

《視箴》曰:「蔽交於前,其中則遷。」所

六四

之物,目逐之而動者,皆是也。謂蔽者,非止謂非禮之色,凡見一切可好

讀《西銘》如見天之大。

耳。 爲學,第一在變化成質,●不然只是講

説

之」,至「没,吾寧也」,皆求仁之方。無告者」一節,皆狀仁之體。自「于時然四銘》自乾父坤母,至「兄弟顛連

保

而

於仁,况未至於憲之學者,可不勉乎!欲不行可以爲難」之語,原憲之學尚未至余病頭風久不敢讀書,因念「克伐怨

聽人之言,便識其學之淺深。

有無,此所以異於聖人之博也。衆人之博,但務聞見之廣,而不察其理之聖人之博,傾所約,以其有此理也。

篇》之「立教」、「明倫」、「敬身」、「通論」,言朱子《小學》一書,理與事而已。《内好爲怪異不經之談者,不明理也。

之書乎 其 也,末也。 又實之以事也。 也。「善行」、「實立教」、「明倫」、「敬身」、 之「廣立教」、「明倫」、「敬身」,又以 身」、「通論」,實之以事也。 理 也 「稽古」之「立教」、「明倫」、 本末精粗,一以貫之,其《小學》 然理 精 也,本 《外篇 也 》「嘉言 理言 事 敬

蓋萬 川川各具一月光,物物各具一太極也。 極,即全體之萬 統體之太極,即各具之一本。其各具之太 川 先儒「月映萬 總 是一月光,萬 殊。 川」之喻,最好喻 非有二太極也 物統 體一太 極 太 極 其

仁義禮智信五字,括盡《小學》一書,見其終。此所謂動静無端,陰陽無始也。推之於前,不見其始。引之於後,不

亦括盡五經四書。

人纔動即有差,故君子慎動。

見理明則處事熟,如庖丁解牛矣。

理 體用 太 極 一原也。 中 涵 陰 陽、 陰 陽、五 五行、男女、萬物 行、 男女、萬 之 物

具太極之理,顯微無間也。

間 用 也。 原 沖 也 漠 無 即事 朕 之中, 即 物而理無 而萬象森 不在,顯微 然已具, 無

體用一原,顯微無間,見道器合一

之妙。

周子《太極圖》,畫出理氣示人。

無始,其大無外, 體用 原, 顯微 其小無内。 無 間 動 静 非 無端, 知道 者 陰 孰 陽

 能

知之?

耳,平日與門人言者極少。 聖人言性與天道,惟於贊《易》極言之

孔門弟子,知孔子者不過顔、曾二子,道以渾淪言之,義以條理言之。

其次惟子貢庶幾焉。

張子曰:「富有者,大無外。日新者

久無窮。」其旨深矣。

第,天道之「不已」也。 大而無外,天道之「於穆」也。久而無自矜自伐者,皆不能克有己之私也。

有静之理,故静而生陰。也。蓋太極有動之理,故動而生陽。太極動静者,陰陽也。所以動静者,太極

其性 而 程子曰:「 不矜。 ,是亦公共之理耳, 天地公共之理,人得之爲 達理則樂天而 不兢 無可 内 矜伐 性。人能 充故 者。 退 讓 故 盡

也,須要識得。在在處處、時時刻刻、事事物物皆道

聖人之言如蓍龜, 曰吉則吉, 曰凶

一六五

則 [X]

也 以 禮 反 樂 爲 只 在進 文。 反之 退 丽 間 收 斂 蓋 進 禮 而 也 盈 溢 以 進 樂

惟 正 足 以 服

辭 奥 義 孔子微 ,多在《易傳》。 辭 奥 義 在《繋辭 伊 Ш 微

行 君 禮 一義禮 也 德是得於 形 智,德也。 於長 心 幼 ,行是德之見 智 . 形 形 於 於孝親 夫 婦 於 義 之 事 類 形 者 0 於 皆 事 如

漢 軼 武 丽 是 己 治 也 夷 窮 狄 之法, 治 不 只 當 必 爲 謹 中 守 疆 或 患 塲 如 勿 秦 使 皇

蓋 魄 明 如 初 于 此 昇 東 十二三 之日 之光 比 四 光,尤甚 夜 未 深 望 時 西 載 下 月 魄 之日 初 之 光 出 色,故其光 尤 東 光 方 明者, 其 終

> 垤 讀 前 也 讀 Ti. 他 經 書 四 者, 書 是 與 猶 周、程、 惡 覩 張、 泰 Ш 朱 之 而 書 丘 不

天 自 泰,與聖人之心何啻霄壤 即 在 怨天。 聖人不怨天,不尤人,心 常人 纔 其 與 心 人不合即 忿忮勞擾 尤 地多 無 纔 少, 時 得 灑 於 落 盛

必上達乃有天知之妙。

是 心 天與聖人之心爲一。 與天爲 《中庸》言「知天地之化 0 《論 語》言「知我 育」,是聖 者其 天 乎」, 人 之

則 言,而不得其 流 於聖人之言 行之實,有不待言而 言義,便知聖人身上何者是義 學者多以言語觀聖人,而 所 仁,便 以言。 知 三顯者。 蓋 聖人 能 得 身上何 是 不 其 察其 以 所 徒 以言 以 得 天 至 其 理

聖人 則 天 理 凡 所 流 言 行 之理,皆於 之實,有 不 ·待言 聖人身上 ጠ 著者 求 其實, 미

識

宋儒 亦有流於禪者,不 可 不察。

際 賤技且然,君子學道,必常存戒懼之心,如 童 俱 至危之地,斯 無邪 見 危矣。 心。 ① 一伶 人,於三層 何也? 因笑自喻曰:此伶此童此 邪心矣。苟安於怠惰放 以 恐懼之心勝 卓 頭 頂 一小 也。

處 事,識爲先,斷次之。 肆

無限之邪

心

,竊從一

而生矣。

處

無

任有一毫 私 心,人必見之。

不 自知其 過 者,不明也

處 官 大 常知 不 不 宜 能 盡 一大厲 其職 聲 則過人遠矣。 色,付之當 然

口 也。

勞 知 以己 人之勞亦猶 之欲. 知 是。 人 之欲 當推以同之。 亦 由是,❷ 以 己之

省察存養,不可毫髮間

作 官 事不可

有 敝 朱子 蓋 曰:「觀其始合之不正 人之相交,始合不以正, ,知其終之 欲 其 無

隙 於終者 ,難矣。 故交在謹始。

人以説而 動,未有不失其正者。

感也 礎 潤 加 天 NI) 霜 降 而 鐘 鳴, 氣

相

有 差? 心 無妄思,言無妄言, 故有 差者 皆 妄 ,身無 也 妄 無 (動,安 妄 得

道無待於言而 著。

無 非 道 也 ,識者鮮矣。

人毀之,使 譽之, 使 無 無可譽之實,不 可毁之實, 不 可 可 爲 爲 之加 之加

戚

惟篤於自信

而已。

- 此 重」, 原無,今據鄭本、王本
- 由」,鄭本、王本作「猶」。

人之自立,當斷 於 心。 若 實 見得是。

當 决 意爲之,不可 因 人言 以 前 却 耐 易

其守。

纔 呼 即吸 纔 吸 即 呼, 無 纖 毫之間 陰

陽 消 息亦然。 天人之理一 也。

之能 害也。」莊生之言亦可 察於安危,寧於禍 福,謹於去就,莫 取

輕言 則人厭,故謹言爲自脩之要。

可 以 制 動

大者 弗察,掇拾 小者以爲之,不知 類

人真實力 有命,不 可以 僥倖易其守。

心 有開 時,開 時 見 是 理無 物不有 無無

醒 此 心,勿令昏塞。

時

不

然

塞

一時

則

不

·見矣。

故爲學要時

時

提

定之理,君子 孔子曰:「死生有命,富貴在天。」是皆 知之,故 行義 以俟 小

人不知,故行險以僥倖。

爲 治, 遠者大者 不 務 而 近 小 是急

之見 也

雖 有 爲政, 小能,不達 須 通 大體 經 有 學術者。 ,所爲不過胥吏法 不 學無 桁 律

之事 爾。

識 必能忍人不能忍之觸忤,斯 量大,則毀譽欣戚 不足以

動

其

中。

能

爲

人不

能爲之事功。

「人不 知而不

被 至 也。 人 侮 慢, 即 有不平之意,是誠 愠 最 爲 難 事 德 今人少 之未

一念之善, 景星慶雲。一念之惡, 烈

風 疾 ন্য

「恒人」不 미 與言上, Œ 猶 徐 無 鬼、 武

侯之對也。

品 智力争。」 許魯齋 此 日 言 :「世間 宜 念。 巧拙 俱相伴,不許 晶

劉 靖 脩 高 士也,百世之下聞其 風者

莫不爲之興起。

誠足以廉頑立懦。

側媚小人,惟得是務,不自知其可

賤也。

劉靖脩有鳳凰翔于千仞之氣象。

未同而與言,古人所深耻。

要當渾厚中有分辨者在,乃可。

真是「天理民彝不可泯滅」。

立得脚定,却須寬和以處之。

但當自求所未至者,知不知在人,我

何與焉?

法者輔治之具,當以教化爲先。

習於見聞之久,則事之雖非者,亦莫

覺其非矣。

所貴於智者,爲能别賢否、分是非也。

是非賢否不能辨,烏足以言智?

舉萬物莫能尚,其過人遠矣。

昔周子惟程珦知之,宜其生二程爲道

學之宗也。

千萬人一人宜,其識非常人所及。

止末作,禁游民,所以敦財利之源。

省妄費,去冗食,所以裕財利之用。

聖賢惡異端,爲其陷人心,耗財用,貽

害之大。

則賦斂重,賦斂重則民窮,民窮則力竭,力財出於民,費用廣則財不足,財不足

竭則本摇矣。

義不行,則近者騷離,遠者違距。」亦名伍舉曰:「私欲弘侈,則德義鮮少,德

言也。

無深遠之慮,樂淺近之事者,「恒

人」也

深遠矣,非孟子孰能知之? 「其何能淑? 載胥及溺」,《詩》之意

無妄語,人誠之門,深宜體此

與人言宜和氣從容,氣忿則不平,色無妄語 少部之門 沒宜體止

厲 則 取 怨。

民 至 愚 丽 神 不 口 欺 也, 惟 至 誠 足 以

動之。

劉 立之 謂 「從 明 道 年 久, 未 嘗 見 其 有

暴 厲之容」。 宜 觀 明 道之氣象。

德冠古今, 功滿 天下,皆分内事 與

毫殊 不相干,何矜伐之有?

進 將 有 爲,退 必 自脩。 君子出 處, 惟

此

事

記曾點之言志, 獨詳其 本 末, 亦 見 道

之大意者與

《宋鑑》 取 予、是非 未當 者 多, 讀 者宜

自 謹

之效 ,邦家無怨。 顏子爲仁之效,天 其大 小 下 可見。 歸 仲 爲仁

衷去取

何 賤 市 漢 初君 民 田 臣大抵尚 漢祖 詐 游雲夢之 詐 如躡 類,此其 足 封信 爲

霸之治

有以 自樂 則 窮 通 爲 0

太史公作《 屈 平傳 》,有感 加 也

載《 吊屈原》、《鵬 太史公作《賈誼 鳥 賦 傳》,不載《治安 》,亦有感一 而然

漢法去秦無幾 觀 武 帝時 可見。

天地上下同 流、是乾道變化。 萬 物 各

得其所 ,是各正性命

爲學只要分理欲二字。

程子言「惡亦不可 不 謂 性 也」,此 理

不同

在氣

中。

荀子言性惡,

則專主

一氣言,

故

攢 脩。 孔 子因 朱子 因 堯舜三代之遺 濂 洛 諸 儒 之遺 心典,故 治論 故 得 得 以 以 删 折 述

學,非得 道, 定論矣。 非 堯舜之道 朱 朱子爲之發 子 無 以 非 發 孔 明 周 子 ,後世紛紛 子、 無 以 程子、 明。 張 濂 子之 知 洛 所

Ł Ō

理無形也,假象以顯義。《易》卦、《太

極圖》皆然。

韓 世 功 子 思、孟、 而 謂 不 使堯、舜、 異端 在 孟子之功不在禹下。 孟 邪 周、程、 子下。 説莫 禹、 張子之道, 湯、 能 雜者,朱子 文、武、周、 昭然明于 余亦謂朱子 之功 孔、 也。 萬

氣有消息,理無窮盡。

理無方體,無窮盡。

朱子門人陳北溪論理切實。

溪 日 程 0 子 理是 在物當然 在 物爲 理,處 之理,義 物 所 0 陳 處 北

如 此 雖 行 道 静 丽 而 有 有 得於心之謂 得 於 1 即即 所 德。 謂 德。 不 但 動 時

此

理。

聽 非 而 動之合禮處 禮勿視 存之,有 聽 言、 得 於 便是復禮 動 心 ",便是 非所 謂德乎 克己。 ?

> 方 理 則 則 能 之 不 如 不 流 知 人 子 知 可 一身, 痛 覺 日 行 癢,所 痛 竊 而 「不仁 癢。 無 疑 生 知 間 謂「手足痿 理 覺之 生 一者無 也 周 理 流 不 所 生 所 無 理 周 知 以 痺 間 是 流 能 覺 不仁」也。 是 則 知 ,指知覺 仁,有 一,知覺 不 覺 仁,不 是 是 爲 由

·仁·則此心頑然無知覺矣。 仁則滿腔子是惻隱之心,故有知覺

言 在 其 而 中。 理 體言理,用言象 知覺不 在 其 顯言象 中。 可訓仁,所以能 ,微言理, 體 用 顯 知覺者仁也 微 源,言理 無間 以以 而 象 象

無蔽 蔽。 其偏 物 齊。 於偏之中,又 惟生 中 天 與物之 於全 以 以 知 之 下, L 理 偏者無 中 聖, 賦 有 則 又有 與 得 氣 氣 萬 異,此 質 得 其 物,人们 氣質昏 其 香 端之明者 清 濁 人 得 有 而 於 明 其全, 近 全 强 全 於物者。 者 者 弱 之 如 無 物 不 雎 所 得

故張子 之全。 但 鳩 之性 物 有 别 君 日 蜂 惟 氣 質 子 蟻 能 之 善變之則天 有 君 變化 偏 弗性 臣 終 之 氣 者 類 爲 焉 質, 所 此 地之性 則 拘 物 有 有 口 近 能 存焉。 通之 於 通 平 理

於 之賢 不 知言 否 無 則 遯 無 情 以 如如 知 人。 鑑 之 蓋 照 知 物 青 則 理 明

乎 之 行 物 静 本 流 以 命 太極 也 然之妙 即 天 雖 行 也 又 命 天道 屬 臨 圖》 焉 以 此 使 有 陰 川 極 能 是 也 吴 是 陽, 流 太 也 豊 爲「 氏 而 一,天 爲 行 極 無動 圃 動 周 造 日 觀 太 無 故 道 所 静 子 化 極 静 動 只 非 以 分解 則 之有 之 太 乎? 静 所 得 能 太 太 極 樞 乘 以 動 極 太 則 動静 無 紐 極 之機 動静 朱 静 乎 極 爲 動 能 밂 子 ? 者, 是是天 不 枯 静 也。」 声。 日 爲 彙 當言 寂 天 實 故 之 動 命 無 太 竊 命 是 朱 根 太 動 静 既 極 則 用 謂 之流 子 極 有 也 動 天

> 明 矣

者 幸 讒 IIII 佞 己。 高 信 用 中 汪 興 黄、 È 秦檜 陳 之 少 奸 陽 邪 岳 其 飛 皆 不 死

于

所 却 各具於一 五 不 箇 同 偏 總 日 行各 宋 光, 故 是一 水、火、木、金、 而 徽 所 日 圃 物之中 箇太極之 宗崇道 其 得 光 得 不 性 其 則 全耳。 光者 本 教 丽 而 無 ,真宗啓之也 理 土, 性 太 有偏 不 極 無 如普 五 全 渾 但 不 行 全 也 在」者, 然 五. 照 雖 之全 行 由 萬 各 朱 之 物 物 一,其 具 此 體 子 有 總 氣 也。 所 效 無 大 是 各 性 小 謂 可

見 極 矣 也 語 大,天 語 下 天 莫 下 莫 能 載 能 破 萬 萬 物 物 統 體 具 太

是 以 所 戰 或 如 之 不 時, 舉 世 趨 利 而 孟子言仁義

太

極

也

性如水,水本清,被泥沙濁了, 便 雜 濁

惡了,便惡了,也只得謂之性。故程子 了,也只得謂之水。性本善,被氣質 惡亦不可不謂之性」者,此也。 夾 曰

人心無一毫私意,便與天地萬物之 理

相合爲一。

高遠。 聖人教人,只是文行忠信,未嘗 極 論

教人言理太高,使人無可依據。 聖人未嘗輕以理之本原語人也。

讀書録卷之十

在天 爲命,在人爲性,一而二,二而

者 也

理 無 空缺,與人心之性渾合無間

敬 以 直 内 之語,自夫子始發之。 至程

朱發 明 其 義 ,無餘藴矣。

太極 在 陽 陰 動之時,太極在陽 中。 以至天 地 萬 中。 物 無 陰静之時, 所

此

理

不雜乎氣,亦不離乎氣也。

理 陽、五行、男女、萬物之象已具,所 源也。 在 太極圖》上一圈之中,沖漠 ,所謂 陰陽、五行、男女、萬物 顯 微無間 也 丽 無 謂 太極之 朕 體 而 用 陰

進 德,則何善如之?」此即 程子曰: 「以小人貪求不已之心,移 孟子所謂「求有 於

隨

益 於得者,求在己者也」。

自 整 而 董卓郿塢之金亦愚矣哉。 己 ,其能有之乎? 身行不義,

治亂 無不自微至大,看復、姤初爻

可 見

惡由微以至大,坤之初六可

見

尚義則道日 長,尚利則道日消,天下

治、 忽分焉

朱子超然遠引,當時小人方欲以

輕 重之,是何異 、鴟鴞得腐 鼠 而 嚇 鵷 总 也。 利 禄

賢 孰能救之? 滔滔趨利之勢不已,必至於亂,非 此《孟子》之書首言仁義 以 聖

人己 一也, 浚人之脂膏以 自肥,何 其

姤 陰生於下,群陽不 能 自 立,君 子

謹之。

不仁

如是哉!

拔

本

塞源

也。

夏 月 陽 氣 充 盛,萬 物 暢茂, 嘉 美之

會 也

春秋》 最 重 民 力, 凡 有 興 作, 小大必

聖人仁民之意 深 矣。

秦惡聞 其過而亡,漢好謀能聽 ൬ 興。

豈 非千古之永鑑

天 理 本順、 ,而自逆之,是故惡夫鑿者。

鳥知擇巢,人不知擇所處, 可以人而

不如鳥乎?

不能 用 南宋之君 ,群姦得 大抵無剛明者,雖朱子之 志,終 至 僨 國 贵 非 後 賢 世

昭 烈、 孔 明抑於史筆之不公, 至 一朱子

綱 ,然後大義明於萬世。

朱子《楚詞 集註》成 於晚年,所 感 者

深矣。

元 劉 靖脩不屑就,其意微矣。

忠 司 馬 臣 公勸仁宗 君 視 建儲一 天 猶一 事 可謂 大忠。 非 身

> 謀 也。

明字順 理 一苟未明,文亦何用? 聖賢之言, ,自無不 專務 文。 常人之言,專尚文彩, 明理,不尚 文彩,然理

萬 物 美惡精粗 不齊者,皆氣之爲 也

心, 大體 耳 自 也, 口鼻 反不能知義 ,小體也,皆能 理是非,惑 知聲色臭味。

大 焉

數 指虚曰 夫 中,有至實者存,至無之中,有至有者存。 實 也。」 理者,寓 於理者。」朱子 或問「太虚」。 觀程、朱之言,可以知道矣。 「皆是理, 於至 有之中,不可 曰:「天下之理,至虚之 安得謂之虚 程子曰:「亦無 以目 ? 撃 虚。」 天 下 M 無 遂

萬 事差錯,只是是非 顛 倒。

、欲肆,而羞惡之心亡矣。

猶知論人之是非,而己之是非則不

知 也

七五

一七六

體 知 言者,可以 其 而 愛,其 用力之方矣 要,不過 吮 猶 子 癰 八情也。 克 舐 數言。 己 識 痔 復禮 仁之 而 程 孝弟,其 得 子言仁, 爲 蓋 名 車 仁也。 曰 : 義。 多者,小人 (用也。 仁者,生之性 於後一 學者於前之三 公者,所以 甚 之 一言, 無 備 今撮 耻 可以 也。 力

言,貼陰陽字説 合,因志之。 道字説。 也 一,成之者性也」,竊 大 默念「一 及撿 陳 陰 北 「善」、「性」皆以 溪《性理字義》,與鄙 陽 以「繼」、「成」皆 之謂 道, 繼 理言,貼 之者 以 意 氣

「成之者性」,各正性命之意,屬陰。」也。「繼之者善」,生生不已之意,屬陽。朱子曰:「「一陰一陽之謂道」,太極

陰陽之外無一物。

往 善 年 成 在 湖 性 無 南嘗行 須 臾 沅 止 州北 息 澗 谷

忠如水之源

恕

如

水之流,一

箇

忠

做

其下 時, 來 沅 蒸 其 濕 州 日 矣。 間 城 在 及登 雲上 駛 以是知 及 高 如 衆 一,未嘗 奔馬 Щ Ш 絶 雲 之 開開 頂 不 氣 低 光 最 闔 則 小 霽 低,方雲合而 萬 者 H 也 變,是時 光 雲 晴 氣 浮 必 雨 俯 於 往 視

低 凡 雲氣皆 也 天 最 高 在 日 日 月 月 星 星 辰之下, 辰 次之,雲 以 是 氣 知 最 其 低

卦共 坤 所 八 陽爻,其一分十二陰爻也。 爻,分作四分,每分十二爻,其三分三 三分三十六 大壯、小畜、需、大畜、泰,凡八卦 至 圃 剋之陰 四十八爻,分作四分,每分十二爻, 否,坤、剥、 四分之,一 邵子曰:「 也。」 陰爻,其一分十二陽爻也 蓋自 乾四十八 一分爲 比、觀 乾 所 、豫、晉、萃、否,凡 至 剋之陽也」。 而四分之,一 泰 又曰: 乾 、夬、 共四十 坤 大有 一分爲 一十六 应 煮 其 自

借忠 矣」,非 忠恕 盡 盡 即 出 矣。 忠 ,聖人之忠恕也。 白 以 推 也。 恕 千 謂 明一 己 箇 而 學者盡 曾子言「夫子之道,忠 恕來,一 之體 其 貫之旨 施 一件恕以 己 無 箇 爲忠,推己 窮, 明矣。 盡 源 以 己 則 流 明貫 推 知 出 自 己者,學 百千道 然體 (之用。 一爲 貫 恕 之 恕 也 立 水 理 故 丽 者 用 知 之 不 姑

天」也 恕, 乃 即 ^ 聖 中 程 -庸》之忠恕,乃學者盡 子 所謂 自 然之忠恕,即程子所謂 動 以 人」也。 \wedge 己推 論 語 己 类 之 動 忠 Ē

《太極圖》見天人合一之妙

脩 理 然矣,亦 有 明 子 身齊家以及天下, 之嬪御 太史公言漢武 則 後世之女亂 非仁 者 能 之心 杜 帝譴 非 絶 欲 也 後 所 使 死鈎弋夫人 來之女 憂 萬 誠 也。 物皆 使 家法 亂 如文王之 得 其所 嚴 與 是 凡 倫 則

> 何 不 如是 乎?

能 者 能 也。 ,陰之靈。 其 張 自 子 然 日 能 :「鬼神 神者 伸能 陽之靈。」靈,即 屈 者,一 之妙。 一氣之良 朱子 日 所 也 謂 良 良

神 終,皆陰陽之氣, 來 所 以 天地之開闔,世 夜之 體 物 變 而 化, 不 可遺 屈 寒 伸 暑 運 也。 消 之 之 息 推 興 爲之主。 遷, 衰, 萬 日 物 月 之 此 鬼

源 中 水 不 之水不 Щ 島 同 海 水是 井 同 嘗 泉 衆 間 之 水 海 水 之聚,與 却甘。 上 居 人,海 以是知 Ш 澤 水 通 味 海 氣 水 有 與 其 源 海 之

外 ? 陰陽不在 所 謂 精 粗 五 本 行外, 末 無 彼 太 此 極 也 亦 豊 在 陰 陽

男 女在其内, 互文也 周 子言 男女 而 萬 物 在 其 中, 言 萬 物 而

魏公子無忌從車 騎 虚虚 左 迎侯 生,生

意,與老子、屈子、楊子「載魄」之「載」字直上載公子上坐。此「載」字亦「加載」之

同

陳平以金間楚,即戰國之術。

而不陷於異端乎?有以釋、老機巧之言解吾書者,幾何

變而爲戰國,極矣。
文、武、成、康之治,一變而爲春秋,再

大。地二而虚,故以量言而曰廣。」 朱子曰:「乾一而實,故以質言而曰

子《本義》亦有不能出其外者。程子《易傳》質慤精深,廣大微妙,朱

程子之《易》主孔子,但與《本義

人之爲學,當於性情上用功尤切。

知而不去爲智。雖知,不能固守而去

七八

之,焉得爲智?

毫之空隙,無一息之間斷。四方上下,往來古今,實理實氣,無

絲

《西銘》只是欲人存天理。

皆同 合德。 其 亦全 凡民,皆分殊也 所謂「天地之帥,吾其性。」體、性, 地之塞,吾其體」 氣 , 所謂 之最清最秀者,故性 物得其 人物皆得天 賢者禀氣, 一次乎聖人, 故其德出 理一也。然人得其氣之正 氣之偏 0 地之氣以成形,所謂 皆得天地之理以 圃 理 一亦偏 極其 全 聖人 與天 人與物 成性 尤 mj 地 平 得 理

能造其極矣。 致知力行,惟在於實,一有不實,則不

夫子四教,忠信爲文行之本。

思量萬事萬理,不過一實。

爲學不實,無可據之地。

人之所爲,一有不實即爲妄矣。

人而不實,無一而可。

處省 念 察 於實 事皆出 於言 之 動 於實 居 一字, 處、 斯 應事 當念念不忘, 有進 接物之間 德之地 隨 事 隨 使

千言萬語只在實。

益知上下四方氣之充塞,無絲毫之空隙。因讀「天地之塞,吾其體」之「塞」字,

理 成 M 則 以 能 形 能 成 踐 也 天 形 全 性 地之塞,吾其體」,得天 天 盡 也 「天地之帥,吾其 賦 性 我 踐 也 之理。 形 則 無愧 能 無 知化 全天賦 忝 性 者 窮 神者 我之體 得天 地之氣 畏天 地 圃 天 求 以

如古者無道之世,若秦,若隋,若武氏之古語云。天定能勝人,人定亦能勝天。

踐

形

性

也

之報豈 勦 流 定勝 絶 覆亡之無遺 其 不 天 、勢盛之時, 明甚? 也 及 育,此 其 信古語之不誣。 虐 罪 熖 盈 天定勝 如 惡 烈火 稔 人怨 不 也。 可 近 天 此

陰也。 成之者性,人物禀受一定而不易,也。成之者性,人物禀受一定而不易,继之者善,化育之始流行而未已,陽

性,就人物禀受説。 繼之者善,就造化流行上説。成之者

萬物至大者皆有外,惟理之大無外

天地萬物皆虚,惟理最實。萬物至小者皆有内,惟理之小無

内

陰陽、五行、男女、萬物、太極、都在

裏許。

六 兩 水 奇 其 五 朱子謂: 行也。 偶,以 一七火,三八 兩其五 自其著者觀之, 河 圖 木, 》之數,不過 行 四 加 已 九金,五十 蓋 則 動 泂 陰 静 圖 不 陽, 同

之中 微 無 陰陽一 間 베 也 不 動 同 静 自其 也 位 陰 陽之 微 而 者 太 理已 極 而 觀 無 具於其中矣, 之,則沖 不 在 焉 漠 所 無 謂 所 朕 顯

謂

體

用一源

也。 理 也 氣之有次第節限者,數 理 、氣、象、數,初 其象,大象也。 不 其 -相離 所 也 以 爲 如乾 象者 之健,

遷善之門也。 咎。」《復》六三: ❷「頻復,厲,無咎。」皆 豫》上六曰:●「冥豫,成 有 渝 廣 無

亦六十也。 以五 乘十二,六十也。 即參伍之義 以 十二 乘五

《象》之言,聖 周 子所謂 《易》曰 朱子曰: 「幾善惡」也。 . 人 「大概看《易》,須謹守《彖 「憂悔吝者,存乎介。」「介」即 自 解 得 極 精 密 竊觀

朱子解文王《彖辭》,惟

主

一孔子。

能

「艮其背」,便「不獲其身,行其庭,

不 見其人」。

亂 亡,皆由 孔子「惡利口之覆邦家」者,千萬 於此 世 或

家

征 孚」也。 伐之先,已有傒蘇之望,是「未占 「大人虎變,未占有孚」。 如 成湯 自 有 其

論 亦 有不出程傳之外 朱子之《易》惟主卜筮,與程子異。 者。 其

人欲 聖 賢 千言 萬 語,只 要人 存 天 理 去

222

也; 之道不外乎仁、智,聖人之道 憂,知也,安土敦仁,故能愛,仁也。 地 相 道濟 似者,知、仁而已。 天之道知 此聖人與天地合德 乎天下者,仁也。 也,地之道仁也。 知周乎 也。 樂天 亦不外乎仁、 萬物 知命,故不 聖人與 者, 天地 天 知

⁰ 六」,原誤作「九」,據《周易》改。

復」,原誤作「謙」,據《周易》及鄭本改。

也,成之者性也。」繼、成以氣言,從陰陽字《易》曰:「一陰一陽之謂道,繼之者善

來。

善、性以

理言,從道字

來。

中間 又 極 党識所謂 有 而 太 着 象 程復心《大學章句圖》,首畫 極」專以理言也。 ,惟一氣耳」,是即漢儒異端之説 一氣字,是以 太極哉 氣言太極。 程《説》 周 太 日「太極 子「無 極 圖

静,人之一呼一吸,皆一陰陽也。《河圖》之一奇一偶,造化之一動一

史事,不如高祖得人君之體也。 東漢之規模不如西漢者,政以光武好

退則陰勝陽,一陰一陽相勝而不已也。陰陽無時不相勝,陰退則陽勝陰,陽光武以讖緯論學,何以爲出治之本?

陰之意也 爲 姤 剥 盡 聖人於陽日 爲 坤 陽 生 復,於陰曰姤,扶 爲 復 央 盡 爲 乾 陽 陰生 抑

降與?

時,而欲力勝之。難矣! 東漢黨錮,諸君子正不知群陰並長之

些爲一,異乎漢末諸賢矣。 聖人之進退存亡,與造化消息盈虚之

漢末諸賢,先儒謂一變則至於道。理爲一,異乎漢末諸賢矣。

後漢賢者,刻意尚行若不可及。概以

中庸之道,則有不合者矣。

氣則渾融無間也。也,生物之具。男女萬物皆自此出,而理也,生物之本。陰陽五行,氣

其門者難爲言可知矣。 至大者道也,聖人之門而道存焉,游

地處天中而有盡,天包地外而無窮。三代之後有漢,世道之大降也。

《詩》、《書》,至溺儒冠,豈非世道之大三代聖人皆以道治天下,漢高不喜

漢高有功於天下固大矣。其脩身無

本 治 家 無 法 以 詐 御 臣 下 視 禹 湯、

武 爲 何 下 如 哉 四

方 體 方, 理 氣 充 塞, 無 窮 盡 , 無

卷 能 而 誦 盡 不 習,此「學而 習 「時習」之功哉 無 爲習,此 時 事 特習 時 而 習之」也 無 所 理,故當 知 之 今人 無 端 耳 特 時 以 又 執

間 可 離 也 時 時 如 皆 此 道 存 ,處 養省 處 察 皆 之 道, 功, 事 事 不 皆 可 道 須 臾 道 或 不

時 不 然 陰 陽 知 變 此 易 則 自 知《易》矣。 身 以 至 天 地 萬 物 無

動 作皆 以 天, 則無妄。 不 以 天 則

妄矣

曾 點 見 夫人欲 盡 處 天 理 流 鳶 飛 魚

躍 之意

龜 雖 是 1 統 之物, 聖人 却未 必 用 而

> 神 存 靈 此 神 之 武 理 已 而 具。 不 殺 如 武 雖 是 殺 人事 聖 人 却

殺 不 假 1 筮 而 知 吉 N N 所 以 説 神 武 而

不

神之 理,而不假 神 武 得 其 理 1 圃 筮 不假 也 其 物, 猶 蓍 龜 得 其

德 釋 之,則仁、義、禮、智之德無不包矣。 顔 子問仁,專言之仁,朱子以 心之 全

《論語》多專言之仁。

體 用 源,是隱 加 費 顯 微 無 間 是

費 而 隱

之 以 其 學 得 意 意,徒 也 程子曰 , 則 在 得 . 其 焉 「予所 解 爾 而 傳者 讀 不 得 書 辭 其 之 意 法 也 章 皆 由 何 辭 文 由 以 辭 得

禮 只是 本 循 也 天 理 便 有 序 而 和 故

0

實 理 皆 在 乎 萬 物 萬 事 之間 聖 賢 之

書,不 所 在 徒 過 滯 模 於言 寫 其 (理耳。 辭之末,夫 讀 書 何 益 而 不 之 知 有 實 理 之

殊也。 大德敦化,理一也。小德川流,分

「乾道變化,各正性命」者,分殊也。「維天之命,於穆不已」者,理一也。

讀《西銘》,理明而心廣。

虹

游塵從此

見,長

滿太

虚

中

0

也 各 有 下言之, ∭ 木之類各有一理,其分殊也。 而 也 四 有 乎分殊之中,分殊不在理一 天 前 理,分殊也。 之 肢 就地言 統 ___ 理 百 風 天地萬物言之, 理,分殊 枝榦 也 莫不皆然。 骸各 雲雷 之,地一 M 花葉 有 人之父子夫婦 R 也。 就人一身言之,一理也, 一理,分殊也。 之屬,各有 之不 就天言之,天一 理 就 一理也。 同, 也 草 9 M 分殊 一之外。 長幼之類, 就人 地之山 木言 理,其分殊 天 也。 就一 地 理 之, 或 家言 理]1] 萬 也 本 天 物

萬殊,萬殊一本也。

一里而分朱也。 一以貫之,即大德敦化,小德川流

即

髪間 可見 理 因 斷 天 而 地 分殊 有 是 間 皆 也 游 E. 氣 塵 機 紛 日日 使 擾, 然 射 無 屋 觀 須 山 H 臾 内 射 止 烟 窗 息 華 屋

無

毫

之

間

幾

士

間 書 賢千言 身來 之道 窮理、躬行踐 爲學第一 自 無他 萬 語 能 只只 求 尋向 功 是 其 履皆 大夫,立 上去。」皆此意也 欲 放 自 心 人 此 將 而 心 進。 已。」程 爲 已放之心 本。 孟 子曰: 子 心 日 收之反 存 則 聖 學 讀

善惡 法 斷 善惡之復,有 示 故故 立 而 趙宋立國, 天 不見其復。 地 言 無 有 也 藩 動 屏 動静之復。 聖人之心渾然 静之復,無善惡之復。 規模 根 若動 柢 之固 不 静之復 如漢 聖人無復者, 者 故 至 則 ,以封建之 善 亦有 遭變故 一、未嘗 之。 間間 有

一八四

蕩然不可維持也。

言也。 真 下 知此 、蓋亦大言而 趙 普自 理,其肯定陳橋之策乎? 如伯夷、 謂 以 叔齊求仁而得仁,使趙 已,其實未見行《論語》 半 部 (論語》 佐 趙 祖定天 普

德或未也。 趙普克、伐、怨、欲必行,其功雖大,而

喻之。」 動 未 古 撞 在 時 陽 也 時 尹 聲 適 和 已具,皆動 靖 伊 聞 固 謂 鐘 川 在 喜 即 動 静 尹 心 静 未感時 理也。 且 . 理。」 更涵 譬如未 理已存,陰未 伊 養。」 川 撞 竊 H . 謂 鐘 試 聲

讀書録卷之十

有是 也。 智是 如實 誠 即 也 有 五 是 常之實理, 元仁,實· 有 是義,實有 非 五常之外 是禮 别有誠 實

源 物 有 地 萬 此 顯微 圃 物, 宫室,而理即在宫室之中。 如 即 理 未 理 無間 即 已有 有 而 在 物在 此宫室,已有此宫室之理,及 也。 天地萬物之中。 天 地 其中, 萬 物之理,及 即 物 而 理 所謂體 無 如未有 有 不 天 在 地 用 萬 天

之過。② 議 歸 加 褒 其 無顧 貶 門者甚衆,而 《名臣言行録》載伊 伊 無 避 所 川知《易》者,豈容信 乎 顧 ? 避 伊 竊]1] 此 亦以天下自任,論 ĬII 八 爲講官 字,0 П 或計言者 時,文 議 論 褒

> 之。 未始 予每嘗用力於此,故書以 有物,而 爲 多於快意之事忘却道 學 至要,當於妄念起處, 實爲 萬物之根柢 自 也。 勵 即 遏

絶

朱子

日

•

無

極

而

太

極,所

以

明

夫

道之

忘」與「助」,學者之通 患

宋徽宗結金人攻遼之事,始於童 貫挾

馬植來,小人之肇亂 也如此

太極只在乎動静 而已。

也。 亦。 即「無極而太極」,陰陽、五 其曰 先生之藴 朱子稱 「藴」者,即 周子曰:「先生 因 圖 包涵 以 發。」 無窮之理 行、男女、萬 其 之精, 日 精 也。 因 一者, 圖 物 以

易 \Rightarrow 有 太 極。」易 即 陰 陽, 太 極 即

之耳。

太極者,合天

地

萬

物

之

理,而

名

- 0 竊」下,王本有「謂 」字,鄭本有「疑」字。
- 鄭本、王本作「記

道也。

之謂 謂 與 也 藏 珠 \wedge 莊 而 子》 川 媚,石 日 藴 聖 玉 人 貴 丽 Ш 精 輝 此 有 之 本

《河圖》、《洛書》,萬數、萬象、萬理

之源。

是

也

天以至理示人者,《河圖》、《洛書》

吉 也 IE 寡 也。 也 而 ,仁也,太極之用以 小人悖之凶 理 悖之者, 悖此 太 義 明,寡之又寡,以 極 世, 圖 太極 \vee 用功之要,只 之體 仁 脩之者,脩此 義 行 中正 以立。 一而聖 至於無 也 在 可 動 學矣。 仁 則 君 故 直 静 敬 義 子 者 脩 則 中 虚 者 Ē 欲 中

實。 或非 劉靖 其 脩 叙 所作,或其 學 有 博文之功, 少 作 也。 無 約 禮之

利貞,仁義禮智,無不在焉。《河圖》具五行之數,春夏秋冬,元亨

數之 間 極。 金 理 奇數二十, 理,即 是 兩 雖 河 儀 即「五行一 圖 不 雜 太 四 亦 象、 極 六 偶數二 也。 水,二 不 陰陽,陰陽 離 卦 象、 也 十,中 七火, 以 數、 至六十 理、 虚 一太極 八 五 氣 四 木 以 渾 也 卦, 象 四 無 象 太 九

之哉 與 否 伊 則 川 在 爲 彼 講 而 官 己, 以三代 其 肯 之上 自 貶 望 其 其 道 以 狥 從

資 宜 其 不合也。 耳 伊 ĬII 而 己。 晦 庵 爲講官 一子即 以 時 真 姑 知 力 取 行 以 備 望 其 故 君 事

感所不見之地則無悔,武王不忘遠當之。《咸》九五:「咸其脢,無悔。」脢,背肉,

而悖之」。「此」皆指中正仁義而言。

人太極

解》「未

至

此

而脩之」,「不知

此

中正 孟子 仁義 論 性也。 義禮 智 即 性 太 即 太極 極 也 也。 夫豈

性之外復有太極,太極之外又有所謂

性哉

太極之理、《中庸》備之。

六經、四書之理,不出太極。

先儒曰:「慾心一萌,便思理義以勝

之。」即室慾之要也。

古人有曰:「不見可欲,使心不亂。」故

「四勿」,視爲先。

人只是有己,故不能與天地同其大,

其要惟在克己。

各相合。《洛書》一六、二七、三八、四九之《河圖》一六、二七、●三八、四九之數、

數,各相近。

時學之。

發明《大易》象數之原,始於邵子,繼

之者朱子也。

但諸儒不之察,獨邵子、朱子能發明之。生兩儀,兩儀生四象,四象生八卦」數語,生兩樣,兩儀生四象,四象生八卦」數語,

無非妙道精義之發,有不待言而著者。 也,太極之用以行。此聖人之一動一静, 極之體以立。 象,四象生八卦」之言,蓋本於此 也。夫子「易有太極、是生兩儀、兩儀生四 八、四九者,四象也。 十,偶數二十者,兩儀也。 學《易》只在語、默、動、静之間,須時 《啓蒙》見作《易》之原與卜筮之本義。 《河圖》虚其中者,太極 聖人方静之時,正也,義也,寂也,太 朱子論《易》象數,皆本於《大傳》。 方動之時,中也,仁也,感 四實、四空者,八卦 也。 奇數二

周旋中禮。耳目有聰明之理,手足有恭重而萬理咸具。及其動也,隨感而應,動容聖人方静之時,百體收斂,一心湛然,

❶「二」字,原作「一」,據下文義及四庫本改。

理。 元 是 异 三 而 沒 皆 说 ? 之 理 , 以 至 人 倫 之 間 , 各 有 仁 義 禮 智 信 之

理。夫豈待言而後著哉?

氣,萬 後 而 顯 爲 哉 春 天 物生長遂成、各正性命、夫豈待 雖不言, 夏 秋 冬之序,發 而元 亨利 而 貞 爲 循 温 環 熱 無 凉 端, 寒之 而 運

聖人之道於言語文字之際也。 聖人發無言之教以示學者,當求聖人

學須切問近思,方可見道不遠人。

《易》不外動静。

陰陽動静亦如此。極者,本然之妙也。動静者,所乘之機也。人之一動一静,而太極無不在焉。太

之時 故 己 發 以 但 爲 爲 朱子論喜怒未發之中,曰:「蓋當至 静 此 有 中 ,❶則未 能 有 知 物 覺 則 可 者 미 , 而 以爲 而 便 未 神卦 以 有 爲 所 純 纔 知 陰 思 覺 面 即 也。 不 是 静

> 則 能 未 無 可 陽 也 則 可 9 而 便 以 復之一 陽已 動 爲 此

ハハ

但 發 到 明 有 未發界至十分盡頭,不可以 所 子思言外之意。蓋言不待喜怒之發, 朱子曰:「程子言『纔思即是已發』,能 思 ,即是已發。 此意 已極 有 加矣。」 精微 説

陰之意也。 《夬》之上九言陽有復生之理,聖人扶陽《夬》之上六不言陰有復生之理,獨 庖丁解牛,人處常變之道備焉。

「技經肯綮之未嘗」,逆理則「大軱」矣。庖丁解牛,順其自然之理而行之,如

庖丁解牛,只是順理。

得處。」又曰:「明道先生談《詩》,並不曾下解句釋,但優游翫味,吟哦上下,便使人有謝氏曰:「明道先生善言《詩》,未嘗章

抑

230

於

人省悟。」竊觀朱子《詩傳》,只轉一兩字點一字訓詁,只轉却一兩字,點掇念過,便教

掇念過,蓋得明道談詩意也。

知性」一段,與《孟子》「盡心知性」集註不朱子《文集》有未爲定説者,如「盡心孔子教人,不語以未至者。

同,當以《集註》爲定説。

道體至《中庸》,發明顯著矣。

復之卦辭,言造化之復,爻辭言人心

之復。

知時識勢,學《易》之大方也。

朱子《與皇甫文仲帖》曰:「《本義》義

理,不能出《程傳》,但節得差簡略耳。」

受他感處之義。」 朱子曰:「『感』是事來感我,通是自家

外聖賢之學,便是異端機權世俗

之學。

許魯齋曰:「吾道大公至正,以天下公

竊謂異端正與吾道相反。 道大義行之,故其法度森然,明以示人。」

即所謂利。」
「義者得宜之謂,處物得其宜,不逆萬物,去利上求利,只義之和處便是利。」又曰:
朱子曰:「孔子只説「義之和爲利」,不

此。」爲學之要也。 程子曰:「敬義夾持,直上達天德自

思道,何所不至?」此即無忘之意。 生得如此。然可惜張旭留心於書,若移此程子曰:「須是思方有感悟處,若不思,怎程。」而草書進,乃心嘗思念至此而感發。 張旭見擔夫與公主争道及公孫大娘

失律即不臧也。 《師》初六爻辭曰:「師出以律」,失律,凶也。」

君子行有不得,皆反諸己,而無責人

之心。

息間 處 斷處 逝 者 飛 魚 如 斯 躍」,是道 ,不舍晝 理 夜」, 無 一毫 是 道 之 理 空 無 缺

金水之氣也。此五行陰陽無餘欠也。 春夏之陽,木火之氣也。秋冬之陰,

陰陽不在五行外,太極不在陰陽外。

克」,好勝。二者人之大病也,不可不去。公孫支言夷吾忌克。「忌」,猜疑。

字是到那至處。知終是終處,終之是終而字是到那至處。上「至」字是至處,下「至」

夫剛立之稱見比卦傳。❶

信 憎取 靖 脩 書 詩 ,不如無 舍之間,失其實者多矣。孟子曰: 自 古作 史者 紀録紛紛已失真,語言輕 書。」莊周 荷 非 大公至正之人,愛 「儒者僞 重在 劉

人。」數子之言曲盡作史之弊。 詞臣。若將字字求心術,恐有無邊受屈

《列子》曰:「運轉不已,天地密移,疇也。漢元、成、哀、平之世,可見矣。 王者以治内爲本,内不治而末雖安不足恃王者以治内爲本,内不治而末雖安不足恃 靈生木中,枝葉從之顛仆。《詩》曰:

變,但人自不察耳。之自少而老,物之自盛而衰,無須臾之不覺之哉。」是天地之化,無一息之間。如人覺之哉。」是天地之化,無一息之間。如人

232

又何 吉乎? 順 理,即所謂 必 無卜筮而知吉凶,最宜詳翫。人所 卜筮 人所爲悖理,即所 而 「惠迪、吉」,又何 後知 IXI 乎? 謂 「從逆,凶 必 ト総 而 知 爲

無行所悔、最爲難事。

雷擊而爲雷斧,星隕而爲石,是皆氣

^{■ 「}夫」、原漫漶不清、今據鄭本正。

❷ 「本」,原作「木」,據《詩經》及鄭本、陳本、王本改。

氣屬陽之類。上,又各有陰陽,如水陰也,其質屬陰,其上,又各有陰陽,如水陰也,其質屬陰,其五行固有陰陽,就水、木、火、金、土

九

居 業 録

〔明〕胡居仁 撰

目録		生 居業 録 題 詞 一 五	業	居業録卷之三 七九	居業録卷之二 四〇	居業録卷之一	胡敬齋居業録序 七	居業録要語序 五	居業録序 (余祐) 三	居業録序 (李楨) ·······	校點説明	目録	
	,			/ 4			-	-4.46					



敬」。 東遊 師 從學者甚衆。 萬曆十三年(一五 育、先後創辦了 舉,築室梅 吴與弼講學崇仁,遂往遊 居仁(一四三四 西 友,講學論 之禮。 學使李齡、 餘干人,自 胡居仁的 居業 塘、 胡居仁卒于成 溪 道 太 録》是明代學者胡居仁的 鍾成 遂名滿 幼 Ш 湖 後過 著作 南谷、禮吾、 中, 聰 等 之聘 敏 饒城 地 以 五 有《胡文敬公集》、《易象鈔》、 四 天下。 好 講 主 遍 學 八四),字叔心, 起,從祀孔 化二十年, 淮 一講 學 歷 康 王請 事 有 碧峰等書院,又曾受江 白 齋 江 胡居仁 親 鄉 鹿 之 浙、 里之 門。 講《易傳》, 洞 爲 務。 書 蘇、 廟,復 享年五十。 一生致 講學 譽。 此 閩 成化 號敬 後 語 追 弱 力於 絶意 尋 待以 時 録。 謚「文 年 齊, 冠 之 師 間, 從 間 教 科 賓 聞 胡 訪 江

校

點

説

明

道,貫 静皆須有主,皆要操存。 生得力於敬」。 失,莫大乎敬,因 謂 徹始 胡居仁畢生講 「其學以主忠信爲 終。 他 胡居仁 以敬名其齋。」黄宗羲 主 學宗旨在於「主敬」。 張 强調 若要主 先,以求放心 操存之法,即 以「主 敬, 一敬」作 便 爲 主 需 也 要 《明 操 爲 無 存。 存養之 其「一 史》本

録》並 仁與 居仁 之間 地 老只 主敬 儒 居仁的弟子余祜於弘治甲子年(一 家 無 和 頗多攻擊獻章之論,大抵皆以 陳獻章同出 間 養得 而 居仁恪守朱子門 胡居仁 爲 居業録》是 禅學 禪學求静。 明代 佛 老只養得 於辨 個 在修養功夫上的 精 者 吴康齊門 異 胡居仁的 神。 推 叉説: 端、 爲 儒 身私氣,故逆天背理。」胡 闢 道 户 者 獻 儒 學 佛 下。 養 代表作 老尤 IE 不 得 家 章 宗。 同 康齋之學介於 養 所 爲 主 身正 得 獻 學 與與 五 此 用 要 章 則 0 書 力。 體 個 薛 之 頗 最早 四 現 學 道 瑄 近 故 他 理 在 爲 編成。 象 讀 與 認 由 禅。 儒 居 天 佛 家 爲

239

此 居業 後 録 張 粹言》,二 吉 删 爲 ^ 居 書 皆 業 流 録 傳 要 不 語 廣。 \forall 吴 廷 舉 删 其 爲

分載 刻序》, 了吴 卷本。 藏 清 式 居 到 敬齋先生居 書館收 居 於北 雍 玉 的 業 萬 業録序》、張吉《居業 于 廷 IE 的 四 曆本」)。 居業録》 京 卷末有 舉 顧 卷 前 序》,卷末有 藏 四 目前所 本 大 = 的 氏抄本藏於北 的 年(一 卷 學 抄 主 業 明 胡)本(簡 要 顧 録 版 能見到 每 圖 萬 卷首依 子 有 七二 式 題 本系 書 曆二十 粹言 陳文 清 玉 詞 卷 館。 稱 一的《抄 康 的 統 的 四 次有李慎《居業録 序》和 衡《 顧 熙三十九年(一七〇 最早的 京 有四 年 該 録 首 除 氏 的 本 大 要 李 居 末, 萬 居業録 抄 共 學 重 卷本、 語 業録 馬 楨 曆本外, 本」)和 書後 本子是 收 量 刻 序》、 津 刊 録 書 的 本(簡 跋》、 刻 記 八卷本 附 序跋 《胡 館 楊 的 李 目 中 有《胡 李懋 廉《胡 四 卷 前 序》、 雍 子 楨 或 稱 十三 卷 所能 首 刻 或 粹 和十二 IE 本 0 檜《 子 雍 本 言 本 敬 增 余 家 粹 顧 也 重 加 正 在 見 胡 齋 祜 簡 區

> 二十二年重新整 著録 本相 異端」、「勸聖賢」十二類。 内容 行」、「出處」、「治體」、「治法」、「教人」、「警戒」、「 全書》所收之江 四 歸 業」、「帝王事功」、「古今制度」、「天地生化」、「老 文内容分爲「心 序》中提 卷,此 卷本所收語 宿」、「 全 分爲 有《胡敬齋 同,只 書》所 現 存八卷本 書 經 到 道 是 現 收 傳 曾對 分類 藏 的 體」、「爲 録 旨 中 先生居業録 西 江 理編排 相 性 此 趣」 有 或 洲 不 書 西 同 張伯 淵 戜 撫 同 八 洲丘 略 源 家 採 只 學」、「主敬」、「 而 本。 類, 撫 了、「學 行正 圖 是 爲 己。 進 此 採 書 》六安塗氏 本 加 删定」, 各 本所收 進 誼 館 ^ 雖 以 本。 問 中 堂本 ? 爲 分 卷。 工 或 (序)中 經 類 1 語 IE 夫」、「 和 叢 核 卷 編 此 求 録 誼 致知」、「力 書 對, 纂。 文 一言爲 本 我 與 但 堂 綜 淵 聖 齋 IE 張 將 此 本 ^ 閣 乾 本 誼 四 伯 賢 IE 本 將 中 堂 文 庫 與 行 佛 德 IE 四

四 爲 庫收入了 原 帙」 四 庫提要》以 這 明 顯 代 然 是 陳 爲 鳳 沿 八卷本乃「弘 襲《 梧 編 明 的《居 史 . 業 藝 治余 文 録 志 類 祜 編 的 所 **>** 誤 編 陳 説 氏 猶

亩≫°

本,显然也不是此書本來面 於分類的八卷本 録》的原本未分類 分類失瑄意,此 薛瑄《讀書續録》亦有原本及分類二刻 見,原貌内容未分類。 在《序》中說《居業録》「舊無詮次,不便觀覽」。 本 無疑。 編排。 亦猶是也。」 《提要》論及《類 十二卷本是 綜上 目。 未分類 顯然也指 乾 編》道: 的 然論 隆 四 出《居 年 間 本 者 版 早 業 謂 昔 可

之 抄 存四 與 校刻最爲精良,兹定爲本次校點的 處,所 本 四卷本順序不 卷本中, 和雍正本爲主要校本。 因此,本次整 以選用 最早的是 作爲參校本。 同,但是仍 理 選 擇 萬曆本,此 未經 有很 卷的 分 多可 類 底 本經李頭 的 IE 本, 以 誼 四 補 堂本 卷 而 IE 本。 以 重 底 雖 顧 訂, 本 然 氏 現

校點者 李長春



居 序

見乎? 言 讓 言 濛 畫 言 進 不必書 加 言 道 後 加 Œ 加 ,言不以正 聽言 先聖之道,先聖必 道 修 而書,書後而 辭達 資 岐 矣。 以 辭 傳,言後不失畫 夫「予 觀 而 詢 道 達 行 稽 書契時,道 傳 而 傳 非 其 語,惟 欲 淪 則 止 门門賢 道 無言」之嘆 澌 耳,而 言 方策 不 也 畫 以 不 其 善 契初意, 興,袠 道 口 與書 取。 一前之 誠 結 又爲 爲 己, 也。 繩 非 説 何後 一俱,不 意 編 時 書 之辭 書 乃 辭 若 殊 世世 衍。 也。 聖 者 雖 不 世 日 可 叫 教 後 必言矣。 與道 世非 縦 令先聖 不 道 則 道 真 無 儒 爲 不 少 岐 以 傳。 言, 矣。 志 洪 曲 得 譙 IE 而

> 實 然謂 者 道 之聲盈天下,人孰 真,亦唯是大儒 真 學 舒《策》、幹《論》、通《説》、愈《表》,漢唐修 之於道,不 者 奚諧雝鳳? 家,其業 日 二真 真 ,其陰陽易 以 儒 其 ,爲 均均 非 , 始有 Œ 之 所 中 巧 儒 , 不 無傳 則 堇 疾 言, 號 乎 真言。 辭 矣。 百 堇 五 儒 判也。 爲 亦 則 是修之者 何 有 如 有 圃 意 口 是 遂 古 以 也; 是, 言 矣。 不直 賴。 時 勿論 也 不 非 判 書者 則 真 0 以 又異説 業 道之於正,不十有也。 世 文籍 達 非 解 言 今之儒 瓦 與 無無 有真 姑論 何 缶 而 以 也 世 辭 以 傳 慮 何 跡 盈 道 之 不 是者 非 秦 居 與 數 諸 天下 又異矣,誦 真是,真 習 修 達 漢 不 ? 儒 木 Ŧ 誠 爲 也 以 + ·, 排 鐸 言哉?❶ 百,然言 倘 有 祝 來 有 真 舉 是 不 宋 鮀 異 噪 迄 矣。 後 有 非 習 識 辭 ൬ 事 有 鴉 今

0 文」,顧 氏抄本作「六」。

居

業

録

序

達 謂 乎 粹言 晦 羽 政 家之 無 計 本 全 世 生《居業録 自 修辭 多 得 教 言 ! 必 乎 儀 而 有 穉 模糊 喪 先 説 歲 明 幽 無 ,拾要語 也 先生之人清 文 掃 世,而 得 之外,又非 其 有 生之説 窮 盈 其誠 余 餘 而 問 見 於 性 也。 而 》,以 歸 勿 项 之 薛 至 邪 命 互 甘 所 諸 論 亟 楚 先生《 顯 之 余 四 取 説 盈 爲 心 無言之天, 欲 以 姑 方,四 亟 厭 因 近 天下。 詖 蓬藋。 天下 醇, 示 傳之意 世之空言者。 居業 論 爲訂 懼 時 之 行, 讀書 T 其 先生之學嚴敬,故 先 好尚 也。 大,遠 正言在 方無 龂 也。」其先生之書之 然問 書之時 生 德 之,梓爲完 如 録 亦 齗 之説 之 與 每 有也。 此。 ₩, 無 乎 遡 書 之都 携 時 是。 又 不 不 聖 梓之者 沉 家 將 潛 《易》云 先生 得 可 一賢, 少 而 本 墜 中, 遊宦 間 見胡 超 書 者。 假 升 也 以 又 博 有 都 然 借 有 利 及 其 嗟 先 時 中 圃 摭

> 居 敬 業録 齋集》, **>** 互 其 發。 應 刪 併 賡 梓傳之。 詠之章多出 正 言 乃 與

萬曆壬辰夏四月望日北地李楨序

居業録序

仰賴 乎? 脩 志 以 諱 不于 國、 也。 古 久之,則知 于家。 聖 居 無乎不寓,而 天下,言語 時而 賢 聖賢 不 其言,感人 言,心之聲也。 六經、四 一字叔 之學 可 或 書 之學,明諸 益 磨 息 往往 無 精 Ļ, 滅 反諸 不 書,暨夫 文字非 吾心 遊 而 道 者 讀 饒郡 守 康 亦惟 存 益 身者 孰 爲之統 理 齋吴先生之門, 餘干人也。 心, 焉 其 固 謂 無 程朱之論 于其 耳。 養益 得 不以 知 不 體 已 窮 人 會。行,心之迹 諸 行,不 7,存諸 敬 者也 者 身,措 裕 事而 齋 萬 惟 弱 而 胡 于其行 世 得 于其言 心者 冠 退 先生 之家 或遺 夫 所 益 時 愐 道 共 藏 奮

遠 濂、 蓋 得 世 掩 不 本 人,抑果不足以感人乎? 有 因 深 經 誠 筆之於册 中 早 所以 追千古, 焉 是《録 之 辯 傳 欲施之天下國家 不 亦有爲 而 洛、 明,分寸積 III 旨 詳 미 無 ·萬 居業 則 弱、 闢 足。 趣、 口 易之操,宏達 其 物 》,竊觀 居 告語 而 而 學問 學 舉天 閩 惟恐其 不 業」之義 録》者,先 發。 此 命以是名,蓋取《易》「脩辭 之醇 足 之列 外 事 累 功 先生之學, 以 下不 故其 則 有 夫、 有 ,道之美 撓 或 於異 也 口 不 感 生 而 其 足 陷 詞 政 周 也。 口 於 道 與 志 繁而 以 溺 悉 教 端 其 泯 外 明 斯 П 雖 纖 有 基 間 佛 之實 言 逈 德 而 人相忘於無言 讀 其 然,先生之道 微 心 不 本、 不 老 論 然 果 無 立 者 心 殺 昭 可 變亂 之學 聖 强 性 不 無 可 深 晳 焉。 理 窮 賢 命 儔 施 足 思 高 毅 有 有 之用。 ',尤加 徳業 淵 行 以 躋 出 堅忍 祜嘗 而 文 不 契 其 知 有 口 故 于

謹

序

弘治甲子秋八

月

戊

午,

門人鄱

陽

余祜

將 甫 矣! 生於天下後世 見 生之臨其上,●不敢 愚之質,殊無進益。 文斯世之不幸也。 名, 遯世無悶, 不見是 狥 已 炙之晚, 而 之境,奈 未易 來 Ŧī. 有是《 ! 時 也。 +, 焉。 方且! 成化癸卯, 祜 窺 遽 録 何 ൬ 若夫道德宏深、言論 嗚 測 捐 》,其 猶 怡然自 卒 呼 冀 館 必 與 也 ! 夫可 舍。 志 有 時 耶 得,若將終身 可 所謂「不易乎世 知 違, 抱持遺書,于今廿 不 初 然而 豈惟 卒業 悲也 德、 耐 謁 思 未 無悶」,先生 知言 函丈 奮 每一 獲 也。 己 枯之不 勵 小 1 請 君 讀焉,懔若 試 純 踰 M 不 其 子, 教, 粹 · 幸 ? , 年 圕 肯 乃 道 膚 尚 方 無 先 真 不 不 口 1 載 論 負 尤 恨 成 得 哂 生 庶 貶 慨 先 之 於 先 斯 壽 親 幾 乎 以 也 己

氏抄本作「凛」。

居業録要語序

門。 葬 於 然 知 兒 義 所 郡 梅 丽 縉 是 之 其 得 所 理 守 溪 人 紳 爲 時 儀 亦 盡 之學于崇仁 于 111 敬 阨 而 喪 特 君 齋 間 悉 無 中 棄 稍 不 禮 先 7/ 舊 知 依 能 9 世 事親 厭 得 生隱居 獨 學,一 久 有 衡 倣 知 之。 己 行 廢 受 先 古 者 講 之士 里第 加 生 典 \wedge 獨 以 及 春 學之外, 訟之, 吾邑之梅 實 會親 先 不苟 求 單 秋 自 慨 而 生 聘 道 \approx 死, 纮 然 不 則 毅 爲 君 1 爲 始 識 墨其 徒 然 吴 兆 哀 心。 舉 溪。 意 者 步 毁 康 而 行 子 謝 往從之遊 咸 歸築室於 先 衰 之。 爲 踰 齋 業。 少從 絶 非 以 生年 鄉 節 先 笑 人 識 里 生 松 知 事 者 鵬 講 喪 無 江

乎忠 生 求 可 邑 斯 老 道 亂 期 生 度 者 以 三十 而 揮 名 自 於 爲 寬 椸 死 方 必 以 理 0 爲之地 雖 謂 世 居 儒 曹 體 林 始於卑近,以 恕, ·餘矣。 堯 興 和 應接賓客 筐 在 非 泉 舜 無 認 未艾之 ,談論亹 者之高 世 身 篋 屋 ጠ 無 之道 妄 親 字 世之游 心 亦 之微,亦 漏之中 故 先 切, 先生之 以 内 叔 不 特 1,深衣 生 不 蹈 勢 考 亹 外 知 心 以 外 已後,僅 實 一,人 其 漸造 反 情 今世 有 夫婦 乎孝 姓 品 敬 不 巾 主 學 本 求 求 高 亦 胡 容 名 别 平高 末 ·屨 以 於敬,則 之 諸 遠 於 往 相對 弟 氏 精 已 兼 ,終日 窮 者 先 身 逸 見 齋 往 焉 嚴 遠。 備 理 扎 非 生 民 斯 心 樂 如 家 之 盡 子之 没 以 儼 也。 從 賓 夷 人 亦 世 借 明 雖 循 而 得 丛 考 性 而 之 然。 無 業 其 驗 哉 循 道 先 己。 之。 故 其 至 遊 不 甚 所 儒 然於 有 不 生 其 命 不 相 加 至 依 口 幸 序 真 爲 先 無 吾 外 先 性 據 爲 淆 知

六

傳 漫 閲 嘗 爰 亦 不 備 子殁 於老 先 手 浹 他 趣 先 付 録 諧 生 死 遺 録 不 不 生 頗 志 紀 佛 庶 之, 平 遺 諸 俚 得 後 先 廢 益 摘 其 之説 知 書 者 書 日 與 生 梓 耳 切 窮 獨 其 遂 書 踽 其 勢 讀 0 嘆 也 也 五. 推 近 無 不 門 帙 踽 尤 息 書 利 宜 經 然 與 尊一 而 詮 口 寄予 吾 事 寶 往 人南京秋官 先 皆 紛 鶉 所 薛 易 目 次。 復 事 道者 生卒 藏 年 華 通 衣 程 文 知者若 不 語之日 之暇 見, 之, 假 簞 其 取,皆 、朱子,以 清 尤 舉 名 於成 讀 食 公《 今 尚 以 不 邃 日《 有 于 9 T 始 : 未 俟 即《居 於《 足 員 搜 每 讀 其 化 條 得 居 得 孤 知 外 以 有 剔 書 此 甲 長 春 於 爲 業 之。 者 也 循 郎 動 超 根 清 辰 録 子 業 得 心 秋 録 舊 余君子 其 然 蠧 要 争之 廟之瑟, 崇脩,未 録》。 **%** 其 要 後 夫 早 距 卷 自 心 丽 語 正 先 語 崇 **今** 晚 自 牘 得 深 以 脩 乃 積 垂 闢 生 並 披 之 面 孟 至

> 之道 有 恨 亦 歟 使 耆 好 湮 不 出 ? 一没草 蔡 之 與 于 9 此予 直 也 者 之 不 口 澤 耶 獲 同 所 垂 之間 夫 ? 時 已 爲 諸 謹 耶 也 懼 然 竹 序 ? 泯 則 帛 其 鳴 而 泯 是 抑 端端 深 呼 以 無 書 俟 以 冀 增 1 聞 之 楊 俟 是 于 出 將 子 代 書之傳播 後 雲 有 亦 道 斯 復 讀 伊 德 作 道 其 之 之 隆 書 而 光 過 蓋 汗 後 而

正德丁卯春三月望日餘干張吉序

● 「爰付諸」,原作「文諸方」,據正誼堂本改

胡敬齋居業録序

其 養 敬 壻 始得 正 近 東 述,求其粹然一出于正 尚 體 齋 者。 余秋官子積,其言精 年乃得餘 薛 驗 嚴 有 見之。 文清公。 本 以 所 毅 《讀書録》之外,所 朝 識 %清苦, 得,非攷索 正 干 此哉? 統、 自 胡敬 其《 是 力行 景 徧 讀 泰 齋 畏 攷 探討致然。 미 書 間 所 軒 確 或 畏。 録 爲《居業録》於其 楊 未 以 簡當 初 \approx 見 廉序。 有或之先者也 理 以 其 惟 廉 學 來諸 議 年 此 亦 讀 爲 論 耳。 粹 其 倡 十六 公所 實 然 書者 者, 由 出 廉 子 著 聞 于 七 涵 河

七

後 學 後 學 同 臣 北 李 地 頤 李 重 楨 訂 校

若 空寂 提 撕 心 不知下落, 茫茫蕩蕩 收 香 静 塞之患。 斂 中 ~,再不 有 物 令走,便是主敬存心工 覺 只是 得 常常 心 放 有 ,是何工夫? 亦 個 操 是 持 好 主宰 事 便 無

理 錯 天 仰觀天,俯 一本」? 综,無 一,只 地 人物, 所 此 謂 數 「一本」,天、地、人、物,甚事 毫不合處。 畫 察地,近取 孟子言:「知其 古今事變, 如如 何 便能 諸身,遠 依此 盡 該 在 (性則 盡 寫奇偶 其 ? 取 中 知 諸 天。」伏 卦 物 若 畫 非 不 驗 是 加 羲

居

業録卷之

乎煩。 天地 然只 卦。 然之 無 理 卦。 理? 卦 生 太 陰 不 極 陽之謂 窮 生 六 若 生 出 生兩 妙 + 無 陽,奇偶上各生奇偶,此易之理。 加一倍是邵子之數。 陰陽 故卦 + 各生 再 於陰陽 0 盡 六,十六生三十二,三十二生六十 物,只是陰 道 7、又不 四 錯 儀 老 兩端,再參得甚 卦,足 止六十四,亦自然之理也。 綜 氏 兩,只是 兩 兩端,變化錯 疊 口 儀生四象, 上 限 陽 以 生二,二生三 去, 陰 以 交變錯 該 數 陽 盡 生 愚以爲 目 事 兩 得 四 物來作 綜 端 綜, 理。 無 故 象 生出 交錯 生千 窮 生八 曰 再 陰陽上 桂 ? 是 疊 變 六十 生萬 卦, 出 易之 何 反 化 來。 若 過 陰 四 各 故 道 自 刀

理, 物 之理 衆理 離内 雖 悉具 外,判心迹,此二本 在 外,統 於心,心 之在 與 吾 理 心。 也。 也。 應 蓋 故 天 心 具衆 接 下 物 事

非,正 之迹 愚 專 則 外 外,不考諸迹 前 嘗 欲 也 俱 内 應 異端 思 本 外 空, 天 雖 則 之, 心之虚 皆 下之事 在 理 心 虚 外 無 應 迹 則 内 無 天 皆 外 是 丽 實 内 靈 空寂 哉? 下 E 吾 外 心 專求諸心 則 是 之 邪 迹 心 俱 心 分内 此 事 終 由 之 實, 迹 則心 理 其 所 皆是,非 有則 内 外 先 他 專 發見。 迹皆 外 厭 心 絶 事 不 内 棄 迹 於 平 得。 邪 外 致 爲二 事 内 則 内 故 皆有, 物之 心 聖 古 空則 心 而 以 一本矣。 迹 遺 何 迹 人 理 嘗 皆 無 其 内 者 無 以

天下無道外之物,故政刑、文章皆須出

於道

有 意 뻬 也 不 一毫私意安排 天高 息,合同 聖人制 地 下 而 作 萬 化 ? 只只 物 而 禮樂 是 散 樂 因 殊 興 既 其 焉 而 成,則所以 自 禮 然之 此 制 禮 行 理、曷 樂之本 矣。 節 民 流

故程子曰:「若達,便是堯舜氣象。」之欲,感人之心,成人之德,乃自然之功用。

道 盡 虚 寂 爲 非 上得 得之尤速, 之,或在行事上 静 道 楊 理 無 空豁 之,或 德 墨 滅 禪 楊墨 窮 然 適 理 迹 家 比 亦 素 爲 非 掃 無 也 足 思慮得 終 在 净 心性 杰 父 一端,所 滅 不 講 打 無 老 一得之。 其 奈 • 論 坐 氏 君 之最 道 一,只消 Ł 這 適 談 德 得 得 道 以 道 老 讀 深,行事得之最 非 滅 之, 理 德 佛 佛 書 其 實 人 箇 得之雖 氏 或 然 處 心性。 倫 有 空 言 在 以 字 何 物 心 思 或 虚 多,講 性 理 把 故 慮 無 在 老 然 滅 氏 滅 玄 E 讀 盡 雖 妙 得 書 不

身謹 嚴,少 横 渠 + 寬裕 Ŧi. 年 温 做恭 柔之氣。 而安不成,是 亦可 見 其 横 渠 夫

親切,但未至自然,終是些病痛。

自己之物。 學不爲己,根本已失。讀書窮理皆非

爲。久之,只見一箇當然底道理,其餘都不「爲己」只把做自己分内事爲其所當

見

自 主敬 能 示人,人反 收 孔子只教 · 德性· 自 無捉摸下 人去忠信篤 能 養。 İ 孟 一夫處。 子 敬上做,「放 説 出「求 故程子説 放 心 心

肅 範 兢 履 如 薄冰」 恭」、曰「畏」、 見大賓,使民 則 貌 古今聖賢説 心 日 齊莊」。 亦 恭」, 形 敬 容 也,内 一戒懼 是外 字雖不同,其 曰 「敬」字, 如承大祭」,又畫出一 「翼」、 之意 面 外 之敬 最 致 日 日 切。 也。 也 欽」、 戒懼 實 孔子 至 臨 也。《 日 日 深 言 「寅」、 日 恭 淵 箇 作 洪 出 戰

> 容 氏 喻 敬 「九法斁」之戒 釐有差,便流於禪定。 斂身心,不容毫髮事」又以人到 肅 IE 底 得最親切。 是 ,即是孔 惺惺 意。」程子「主 樣 敬 子 法 處 出 子「見大賓」、「承 來 是就敬之精 朱子《敬 朱 與 子 人 無 做。 日 適 . 故 齋 明 ※ 箴》 説 是 程 朱子有「三 畏」字 處 就 子 大祭」之意 説 存 得 神 主 是 全備。 祠致敬 尹 處 綱淪 整齊嚴 氏 一敬」之 説 收 爲 謝

寂 中 心,不使紛 客 但 流於禪。 故故 有箇 静之意 雖 周子有主静之説, 静 日 戒 主 何害? 謹 蓋 重 静, 亂 恐懼 一於 静 躁妄。 體 者 動 則 體 立 非 而 動 本 偏 然 用 體 學 者 於 後 行 已立 者 用。 静 能 也。 遂 也 制 自 静 專 亦是 天下 意 者 不 愚 静 主 整理 流 謂 之動 動 坐, 於 静 其 坐 多

人好閑散虚静者,不入於老,定入於

釋。好事功者,多人權謀。順理則無病。

《記》曰:「君子莊敬日强,安肆日偷。」

學者脚步,正在此立。

朱子曰:「人纔敬時,心便在身上了。」

又曰:「敬則萬理具在。」

或問敬。朱子曰:「不用解説,只整齊

嚴肅便是。」

視 聽 青 忠信 動 篤 也 敬 靠 是 就 FL. 這 門 裹 第 做 去 等 熟 I 夫 處 便 非 是 禮 勿

生 此 計 事 較 物 皆 便 是 不 好 理 不 順 理 處 不 得 事 E

面

成己者必能成物,自治者必能治人。

居 茂 叔 讀 令二 書 極 程 難 尋 , 蓋 仲 難 尼 得 顏 聖 子 賢 樂 之 處 意 所 樂 或 何 有 事 讀

遂 云 他 身 F 尋 箇 樂 未 免 猖 狂 自 恣。 自 己

惧 不 乎 曾 ? 做 顔 子 I 夫 遂 欲 樂 顔 子 之樂, 不

亦

得 敬 失 子 已 狂 處 之矣 後 能 -也 高 須 0 最 涵 誠 程 邁 是。 敬 子 養」,亦 上 更 不 蔡 此 存 E 存 滯 言 如 顔 養。 養 於 曾 子 是 い、豊言 明 識 迹 點 所 既 此 道 得 天 意 不 以 己 先 未 資 此 勝 存 進 使 但 識 高 理 於 如 學 養 説 前 聖 顔 者 所 以 併 偏 不 子 有 見 誠 曾 1 與 涵 知 大 敬 但 養 點 所 識 此 存 卒 其 見 不 言 者 言 之 却 歸 如 識 從 於 顔 志 m 丽

流 身 故 此 旬 心上 兩 説 也 人 般 功 高 虚 用 人。 利 者 天 功 下古今之病 人 正學不明,名 蓋 於空 便 見 人 虚 空 道 卑 虚 不 去。 明 者 教 自 9 流 以 古 纔 無 於 害 主 近 有 功 學者纔 志 世 似 利 事 教 者 0 業 爲 只 此 真 要 便 有

程子有「篤恭而天下平」氣象。

上 流 出 明 於細 道 天 資 微 高 處 又 本 精 領 盡 純 粹 其 學 自 大 本

天人一 天 理 即 天 理。 在 視自我 民 贵 心 有 民 得 視,天聽 後 了 世爲 民 心 自 政者 天 我 命 民 反 不 聽。」只是 欲 歸 愚 者 其

民

何

萬 他 物 在 最 MI. 孔 脉 切 門學者以 要處 便 相 求 貫 非 通 求仁爲要,真是好 但 自己一身好,與天地 是 教

星子後「主一」之論,與《易》「察成以申人心一放,道理便失,一收,道理便在。

明其 必 有事 (徳」相] 程 子發「主一」之論 焉 可。 ൬ 勿正,心勿忘, 《書》曰「惟精 ,與《易 惟 勿助長」,皆 》「齋戒 孟 以 子 此 神

意也

狀 大詳 高 者 每 》,有規模格局 領 密, 令初學讀之。 朱子行狀》學問 會不 然渾化純 · 得 方 吾每 全,非 \wedge 明 好 道 讀 欲 道 % 明道 I 理 學者先讀《朱子 行 夫 本 狀 積累 末 行狀》。 形容明 精 粗 詳 地 道 盡 位 廣

「胸中洒落,如光風霽月」,雖曰形容「格物」,只是事事物物要窮到極處。

有

道 胖 道 氣 氣 象 象, 日 睟 終 帶 面 盎 1 背」, 些清 高 日 意思。 「充實光輝」, 如 心 此 真 廣 有 體

通八達」,須實地上安脚更好。程子言康節「空中樓閣」,朱子言其「四

聖 以 且 人。 成矣」, 聖學正 明 道 所 是康節自成 門 因 作《康節 庭 以 許 人 者, 他。 墓誌 門 一家 言「先 》,言: 户 亦衆 生之道 「七十子 矣。」 是 미 謂 未 同 嘗 安 尊

爲室 家。 陰不 陽 不 能 能 獨 獨 立 生 必 必 依 資 乎 乎 陽, 陰, 故 故 女 男 以 以 男 爲 女

血氣盛則生子,子長則父母衰。此即

易也

,變易之大者

人君治天下不難,只修身爲難。未有

身 修 加 天 下 不 治 者

師 保 得 其 則 君 身 修。 宰 相 得 其

則 百 職 舉

學者務 名 所 學 雖 博 與 自 己 性分全 無

干 涉 濟 甚 事 ?

治 在 才 與 德。 以 文 詞 取 士 與 治 道

無 干。

學者 以 Œ 此 其 立 、義不 心 謀 便 其 廣 利 大 高 明 其 0 道 充 不 計 則 其 是 功 純

明

儒 推 而 行 之, 即 純 王 之 政

其 私 功 名 然遮 智計 蓋 之人 不 過 多 竊 不 得 得 此 善終 一道 理 去 用 以 成

程 朱 開 聖 學 門 庭, 只 主 敬 窮 理 便

教

學 者 有 人 處

程 子 日 : 毋 不 敬 可 以 對 越 E 帝

家 便 明 是 道 言 他 放 曠 邵 , 不 堯 夫 可 之 爲 學 法 難 於 以 天 治 下 天 下 惟 修 或

> 己 以 敬 者 可 致 篤 恭 而 天 下 平。 0

其 此 Ξ 然 得。 夷皆 樂 代 餘 天 海 文 皆 地 物 以 聖 内 天 天 間 地 盛 地 上 人 夷 風 之偏 大消 中 之 狄 氣 東 和 海 治 自 是只 南 息 内 之 西 不 故 爲 之 氣 也 北 及 人 有 蠻 地 都 開 物 四 中 夷,今東 亦 在 始 夷 亦 間 中 不 偏 漸 許 甚 或 亦 多 開 濶 全 是 南 故 至 許 氣 氣 人 不 人 東 多 最 物物 限 滿 倫 道 南 IE 更 帰 萬 正 理 了。 禮 里。 故 不 兀

子 自 同。 得之難,故 己 分上 朱子 窮 理 一説。 於《 盡 或問》 其言由經 性 程 子 以 論 得 至 之詳 之易, 於 歷 命 次 矣。 京序上 0 故 程、 其 然 説 言 張 亦 快 是 所 各 論 張 據 不

敬 則 敬 怠 者 惰 德 放 僻 之 聚 隨 也 至 而 敬 德 則 敗 衆 也 善 畢 不

0 致」, 顧 氏抄本作「以」。

無可行之道,尤可耻也。

認 動 氣 非 爲理。 神。」他 氣之 發 只 用 窺 處 測 即 至 是 此 神。 不 識 陳公甫 裹 面 説 本 體 in, 故 「無

不損。」須要識此。「不爲堯存,不爲桀亡,大行不加,窮居

是王者事。着些計較,便是私吝心,即流於事事存其當然之理而已。無與焉,便

才所 出 井 田 不 , 미 民 食 不 所在 E ,不可不復。 爲治之道 則 學校, 因 時 制

宜。郡縣而治,亦可也。

兵

、與釋、老哺食吾民,三者皆當歸之於

農。務農、講武並行而不相悖。

下 無 難 人 處 不 能 之事矣。 處 事 只只 化民,全要修身。 是不 能 窮 理。 理 明 7,天

> 庠, 術 學,不如不立之愈 蓋 自 方能成就人才,變化風俗。 南 在 有 陽,皆訪問得出。 非 去修身。只行 幸 常之才, 今之學校以文詞取士,不若莫立,任其 有序,國 +,傅説. 在 亦 有學 巌 未 訪 無 下,太公在 必全出 也。 求賢才之法,亦 必如程子學校選舉法 不教之人。 古者家有塾, 於學 若只以文詞立 渭 校。 濱 孔 可得人。 如 黨 明在 伊 有 尹

心而當理,則仁矣。 雖無邪心,苟不合正理,亦妄也。無私物作則也,惟止之各於其所而已。」 程子曰:「聖人能使天下順治,非能爲

儒者養得一箇道理,釋老只養得一箇此,亦是聖人作用處,宜思得之。 抑陰助陽,乃理之當然,非聖人要如

●「伯」,顧氏抄本作「霸」。

居業録卷之一

八

間。 精 神 釋 老 儒 養 者 得 養 得 身之私 身之正 氣,故 氣 逆 故 天 與 悖 天 理 地 無

遺 悔 必 理 能 多 力 挈 矣。 道 則 其 理 會於 凡 總 到 事 貫 領 必 通 ௱ 0 處 有 理 處處 其 理。 則 條 事自 所 初 目 操 則 愈 有 中 約 要。 其 事 機 制 有 會 事 理, 要,不 之 丽 時 窮 無

子。 所 遇 唐 不 二者皆天 同 虞 公天 也 理 下 也 而 與 非 賢,三代家 私 也。 帝 Ē 夫 無二 下 ៣ 道 頣

又慮 以 大不掉之患, 0以 行 建 下,以天下爲己之 諸 制 如 馭 封 侯與之分治是 有 以 公天下之心,方做得公天下之事 建之後, 身使臂、 與 李 斯 尋 諸 以 爲 得 侯 私 臂 也。 口 各 以傳 使 物 箇 專 指 秦始 贵 建 其 之無 無 做 郡 + 皇以 不 得 縣 地 窮。 聽 封 底 私 順,免 故肆 法 建 心 民, 得 度 事 其 末 來 難 ? 天 封

> 荷 壞 諸 行 故 悪 亦 地 古 法 是事 得 亦 陳 難 侯 封 行 無 倅 其 背 建。 涉 變 所 是 各 難 一動 勢至 忌 人,二法皆 畔 世 或 變 起 使行 憚 變 諸 他 然統 動 一,蕩 此 至 亦 侯 不 ,不得不 因 然 他 此 做 把 治之法 口 可 無 亦 持 世 不 不 夾 制 不 也 得 得 而 得 設。 能 輔 0 天 緊 Ļ 又 不 得 此 王 下 不 壞 室。 各 但 好 固 主。 殊 如 愛 建 人 是 不 郡 郡 秦 此 其 去 或 故 知 縣 縣 做 法 無德,不 封 則 封 易行 之設 民、 諸 不 建之 根 建 行, 侯。 木 土 之

聖人 舉 舉 事 爾 動 所 得 知 其 要 爾 所 此 不 簡易之道 知 人 其 捨 諸 ?

賞 之外違之」。 而 民 動,不 則 千里之外 怒 此 而 口 民 見 威 感 應之; 於鉄 應之 鉞 理。 不善, 如 篤 日 恭 則 千 而 不 里 天

^{● 「}末」,雍正本、正誼堂本作「尾」。

此 不 思何 日 加 不 下平。」「聲色之於以化民,末也。」「觀,「盥 虚 動 克己復禮,天下歸仁焉。」此 無 薦,有孚 民 中 聲 慮 爲 與 ·無我。」「有感必通 ? 孝 而 氣 天 • 天下 顒 0 下 蓋 若。」 Ē 治 在 同 長 其要 無 歸 下觀 長, 聲 而 無臭處,其 在謹獨 丽 殊 心」「誠 而 民 途, 化 興弟。」「天 也。」「上老 明 能 一致 原 感化之機, 動 而 是 物 白 下 慮 老, 本。 · 何 而

驗 思 卑 禪。 辯 後 厭 只 之學 緣 近, 慮 世 而 事 與儒 在 所 莠之亂 於窮 又力去做 是 謂 之 者 小 在 汩 道 高 做 理 學》、 内 者 存 苗 相 冗 I 裹 人 心 ,紫之奪朱,皆以其 似 何 夫不 静 四 先 於 工 樂 莫 中工夫, 一夫,不 書 空 做空了 於静 到 如禪學,此 虚 故 \wedge 近 虚 得其 ,不覺 如 蓋 思 一、又好 掃 此 天資 録 除 (真者 物欲 \forall 最害道 流 不 奇 相似 高 於 多 曾 妙 邁 禪 實實 者 流 而難 屏 而 者。 學。 體 絶 忽 多 於

> 是學者 小學》、四 今日 不會 異 書、《 做 端 經 工 近思 一夫,自 程 朱闢後,本 録 Ě 流 一用 人 去。 功 不能害人。 病 在 不 於

 \wedge

長

進

若 得 工 夫 真 又 無 間 斷 學 須 日 夜

真,異端、功利 學、大學工 在《小學》、《近思録》、 夫 俱害不 盡 有 . 得。 四書 《近 思 上做 録 得 工 夫

小

極,王道根 王道 最 本。 易行,只 要 君 身修。 皇建 其有

儒 見 者 者 便 也 釋氏見道,只如漢 即 釋氏 事 物 上 只 去 想像這 「窮究 武帝見李夫人,非 道理,故 勞 加 無 真

下 故忙 禪 伯 得無了 是 懷 時。 箇 道 聖人 理 形 則 像 退 在 藏 於密 心,不 遇 肯放

0 孝」,原作「老」, 據雍正 本、 <u>j</u>E 誼 堂本改。

時便應。學者則須閑邪存誠,邪既閑,誠自

存,亦泰然無事。

異端之道,全是安排造作。儒者只是

順其自然之理,脩身便是王道。

聖人只在天理上行,無所損益。

敬則無己可克,是預先做了閑邪工夫。

「天地設位,而易行乎其中」,只是敬

也。敬則扶得道理在。

滯於形者有盡,妙於理者無窮。理無

窮,故形亦生生不息,謂之無盡亦可也。

君,玩物喪志如此,失天下宜矣。

宋

徽

宗

畫

最

妙

世

傳

爲

至

寶

徽

宗

爲

楊龜山言:「王荆公離内外,判心迹,

偏處。

使

道

常

無

用

於

天

下。

此

最

説

出

荆

公學

術

窮理只是理會到底。

格君心者、須分邪正、明義利、辯王伯、

常 小 使 存 君 庶 敬畏, 心 可 曉然 與 之 方可 有 知 爲 成 E 其 道之當 德 須 賴 左 行,不安於 右 匡 一酮 使 伯 君 功 之 心

能誨人 貴 賤 雖 必 殊 能 格 物 我 理。 能 修己 必 能 誨

之道 衆、 古,其餘則 生 在 君道 者 學 寡 ,故學 在 隨 , 養 故 時 民, 寓 校 棋 兵 酌 當 井 以以 之 復 田 法 不 適 古 必 宜 可 兵 復 不 미 民 古。 也 復。 既 分, 古 者 食 教 復 民

須 不 斯須不 和、不樂, 莊 圖 不 詐 敬 之 心 慢 人 惰之心人之矣; 之矣。 斯

之 己 理 不 難 性 施之於人 本善 循 亦 理 順 而 行 而 治 本 不 此 難 乾 0 坤 非 簡 但 易 自

長 因 又 小 無 今之朋 學、大學之教 窮 理 友 I 多 一夫,心 人 不 禪 行 要 學 收 自 亦 又 幼 勢 難 無 之 收 根 必 本 故 厭 紛

擾 必 空,所 喜喜 虚 以 静 多 流 又 悪 禪 也 思 慮 之 多 而 遏 絶 之, 久 則

因 泯 矣,後世教化全不可 滅 可 以 世道 ? 感 則 之所賴有 發 賴 用 聖 功 賢 遺 無 恃。 訓 此 尚 則降 者 存 生 有 衷 民 志 秉 之道 之士 彝 不 熄 尚 叮

神宗眷 安 道 時 欲 做,三代之治 格格 被 石 深 有 其 張 爲 功利之説 明道才大德盛 心。 此 眷懷之。 天 亦 機 祺 甚 會 等 已被 聰 可 以以 攻 , 明, 運 加 安石 明 激 爲 於 不 常時 安石 道 太 兩 能 掌 亦言「 過, 感 分其 0 用 動 亦 人朝建言, 惜 遂 也 罪 才 感賢 T 不 乎 高 能 神 當 明 誠 宗 故 從。 時 道 意 若依 明 惑 神 雖 故 宗 於 道 去, 當 他 明 俱 甚 王

濟

教。」 是 誰 某 昔 ? 對 在 日 日 南 康 何 自 只 有 暴 太 兩 自棄者。 守言 箇 人 富當 教 不得。」他 今秀 才 問 難

> 治。 周 子 . 心 純 則 賢 才 輔 賢 才 輔 則

> > 天

下

端 則 義 用 IE. 知 夾 不 , 能 持 源 所 主 日 先儒言「合 惑 「内 用 」,此等 顯 一」工夫可 矣。 力, 微 外 無間 交 知 處 養 所 内 最宜 用 外 漸 力 日 日 之 至 理 一,純 道 本 動 則 會 Ξ, 功 静 末 亦 又 利 此 不 相 相 Ė 處 日 無 涵 資 所 見 表 得 誘 曰 裹 破 異 敬 體 交

事 學 不 爲 己, 雖 有 顔 之 聰 明, 亦 不

悦 澤。 不 雖 到 然,只 持 義 敬 理 貫 是硬持 亦 通 要 處, 義 守 理 處 也 來 事 浸 自 灌 有 要。 方 得 此 心

要空, 也 老氏説 終不奈這 無 終不 道 理 柰 實 何 這 道 所 理 以 有 終 何 歸 佛 於 邪 氏

遁

分 陪 奉 程 他 子 此 曰 亦 見 勞 矣。 口 喜 聖 可 怒之 人 心 事 如 止 自 水 家 着

君子役物,小人役於物。

言者心之聲,事者心之迹。心正時言

必不差,事亦順理。

治 與 理 主一之久,至 道 理只要 所發必 へ熟。 不 無 差 熟 間 則 所 斷 純 發 則 熟 不 純 矣。 差 則 誠 則 誠 萬 事 則 順 心

之意常 心,待 操 學 理。 只 静 慮 (是以 紛 是欲 待 之不講 擾 程 今人説 他 何 爲 思 子 在 以 自 時 日 慮 不 也 , 空寂 存 乃 去 未 静 一静 「人心自 若不 操 至 逐邊 萌 若 杳 ? 於 事 時 操 冥 操 此 其 不 物 爲 便 絶 持 要 由 未 可 静 意 思 其 着 待 操,才 至 以 慮 口 便 意 其 不 而 爲 懼 以 放 自 着 言 知 不 爲 也 操 去 存 其 所 要 静 意 便 謂 又 惹 静 中 決 便 是 静 殊 以 無 操 不 動 時 動 者 不 思 得 此 此 持 不

存

用

即

體之所發,非

有

兩

事

也,

固

無

先

後

也

静

也

已

應

動

也

用

也

體

即

用

之

所

而

中

節之和

而

天下之達

道

行

焉

未

應

體

知 法 時 君 也 此 自 子 敬 九 無 之 思 雜 所 慮 亦 以 是 貫 有 存 乎 事 養 動 時 法 專 静 但 9 要 爲 專 無 操 事 存 0 時 之 若 亦 要 車 專

當此 蓋 誠 之大本立焉。 能 存 遂 須 敬 養,此 未 不失。 通 用 之際。 之 程 敬 敬 應 存之而 子 爲 時 之 進 心 敬 蓋 日 存 時 方 學 致知 養之道 . 當 以 能 則 一未 此 已應之時 此 操 致 在 理 之功有 則 應 之時 存之, 知 致 致 全 不 貫 0 知 知 具 是前 徹 此 又 時,存養之功不息 之後,又 於 敬 而 始 謂 是 寂 未 以 己, 理 終。 未 然 識 發 省 發 知 應不是後。 之 察 不 要存 得 見 所 之 之, 中,天 動 於 此 謂 前 之中 理 則 感 先 涵 下 發 丽 以 養 須

之可言,亦是動静無端,陰陽無始之意。

患 不 \blacksquare 用 法 印 自兵農 兵 朱 子 也 省 0 坐食 既分之後、計其 愚 謂 つ之費 今盡 若寓 力 兵之法 養 兵,兵 所 不 費 常常 行 則 有 且 是 不 興 無 足 之 屯 日

佛。二 傳 養 註 \mathbb{I} 朱子 夫不 此天下古今之通 · 理 致 知 會 미 、力行 日 史 須 : 學 、與間 「今之學者 I 便流 一夫雖 斷,自始至終皆離 病。 於 切 功 要,然有 理 所貴居 利 會 , 不 經 敬 然 書 時。 窮 即 便 不 理 流 惟 得 老 於 存

然長 去做 處 須 如 篤 恭 心 見大賓,使 敬 進。 務 廣 讀 執 體 書 要令此 事 程 非 胖 須 敬 子 禮 着 民 動 説 實 與 勿 書 容 如 人 視 理 自 周 承 忠。 會。 我 孔 等 大 旋 身 子言 祭」。 中 處 既 E 一、若實 充之,則 禮。」 曉 發 看 其 又曰 其 只 做 文 如 氣 説 義 得 「忠信 睟 出 象 來, 便 面 門 真 自 居 便

> 自 背 爲 我 體 以 道 不 日 ·是程 學之大 驗 程 ; 未曾實 育 • 聰 何 子爲 氣 惟 推 明 子 患 上 無 睿 而 法 實 做 法 不 智皆 下 不 達 做 也 得工 和 長 將 之, 過 聖賢 進? 於 由 來 夫。 四 則 恭 此 靈 如 敬 言 出 畢 篤 只管 若 何 語 至。 恭 未 則 會 以 旬 打 到 天 而 如 旬 此 此 點 天 此 地 此 從 事 體 做 下 地 自 道 自己 信 天 Ŀ 位 平 位 ? 享 達 只只 去, 今、 身上 帝 萬 順 是 此 須 之 物 又

道 無 整 不 在 齊 矣。 嚴 肅 不 미 頃 刻 離 則 心 無 不 存

以 而 養 不 其 察 不 中 則 其 無 内 静 以 ៣ 勝 無 不 其 以 存 私 制 其 則 外; 無 以 不 立 齊 其 其 本 外 動 無

盉 處 凑 到 得 身 讀 到 E 書 身 來 E 邊 然 來 後 讀 此 諸 則是大賢 邊 處 體 亦 驗 漸 做 凑 得 來 做 得 久則 兩

. :

旱,便難存活 是 又 去 謂 生 古者 太 貨 平。 這 民 半 今 有 無 九 年 年之食 食 年之食 始能 則 接 ,多只 水 新 早 穀。 喫 [X]得 災 若 半 無 有 患 水

物之引 不 主 所 能 也。」 喜 [怒哀樂之時,然謂 安其静。 朱子曰: 然後 差 未 只此 也。 感 便 李 物 自 之未 延 時, 香 平 若 發 了 日 則 無 天 . 主 性 不 宰, 可 固 不 言 有 待 則 無 亦 無 外

用 也 0 敬以 内 直 直 則 内 外 義 方 體 以 方 文 外 則 用 敬 行 也 體 也 ; 義

透 根 做 上 綽 得 源 得 過 自 讀 五 调 書 不 相 + 别 濟 須 貫 處 事。 着 透 處 通 實 徹 也 聖 穿 理 後, 透 賢 破 會 得 處 I 做 過 夫 處 兩 如 透 處,遂旋 書 合 書 得 内 符 去。 雖 裹 節 多 去, 透 蓋 皮 無 義 此 /膚 處 異 理

精

密

此 喪, 子之時,只要修舉 弱 削 處做得起,中國 而 朱子 , ●若不復讐討 或 非 在孝宗 國矣。 時 先 山 故 罪 振 王 脩 又 一之政。 則三 與 德 王 用 程 道 綱 賢 可 子 南 不 時 練 振,人 宋 不 兵 時 同 大 心 沮 程

以 以 敬直 敬 敬 直 内, 内 以 直 則 是 内 反不直 IE 也 是 「必 助 長 有 也 事 0 焉 故 而 程 子 勿 Œ 日

道理處,是天資之美。 三代以下事業,皆出於才智。有暗会

之。 明 此 道「十 只 是 大 事」, 綱 他 目 便 若 是 下 要 手 舉 做 世 時 而 想 甄 陶 又

者 致 其 (明道 恭 聞 行 狀 風 》云:「 者 誠 服 狡僞 ,觀德者 者獻 心 其 醉。 誠 其 暴 爲 慢

道

也

^{■「}弱削」,顧氏抄本作「削弱」

未 政 施 以化民,末也 也,道之而 信 而 民信。」此聖人境 從,動之而 和 界上 ,不求物 事 而 聲色之 物 應,

於

吝蔽 能合内外之道。」天人又何間哉? 放 開意思,打了習心,方能與萬 固 本者, 便隔 斷 無一 1 物不 成二本 是這 去。 箇 理。 故 物 程 若 子言 體,方 有 私

然在 焉。 物 愚 中物,須 欲 謂 此則理之自然,物之不 豊 人 陰 程子曰:「事有善惡,皆天 미 丽 陽、 有美惡 不自 言 動 静 則善者是 省察 之理,交感錯綜 蓋 與與 物之不齊,物之情 氣禀中惡 天 理 一、悪 能違者、故云。 理 物 者是 而 也 同 萬 0 乎 氣 殊 天 也 ? 理 出

寧也 蓋 棺吾 息 事 尚 畢。」又曰:「存,吾順 存, 此 志 不容 1少懈。 事 古 人云: 没,吾

難 不貴荷 免,功不貴幸成。

> 退 藏 於密 只 是其 心 湛 然 無 事 而

衆

理 道 具 在 也

不愧屋

漏」是持養

氣

象。

不不

愧

屋

漏

則心

安

而

體

舒

程子

過於人

在

此

之德。 存 必先主 愛喫瓜仁、桃仁,喫着便有仁 形容仁字。 象 通 在我則有自然之生意,在天地 ~,於此 無間 則 孔門 生理自 求仁,所以全其 敬者,當 最 以 故仁之於人,最爲親 近。 蓋物之生 求 在 如瓜仁、桃仁、杏仁,此 體 爲 便要存得 要, 一意,盡 程 心之德。 門亦然。 本 在 底意 切,人 於此。 · · 萬 心 物 思。 德既全, 仁者,心 本 聖 則 求 心 某 亦 亦 既 善 流 氣

常操常存,勿忘勿助

心精 明,是敬之效。 才主 一,則 精

一三,則昏亂矣。

心在重 一處發 熟處 、難忘。 若利 禄 重 則

强 非 至 那 心 外 操 勇 邊 在 馳 持 猛 熟 利 ·小 奮 禄 心 更 發 F 未 只 加 發 易 從 擇 主 ; 收 放 善 敬 功 那 古 業 其 嘗 邊 執 重 有 謂 是 改 不 學 則 戀 存 革 專 心 着 者 爲 舊 在 舊 乎 己 習 功 習 一,心 業 雖 也 上 自 欲 發 若 勉 小

德 後 以 功 自 序 業 學 有 只 爲 孟 心 是 心 一子之事 亦 修 難 身 以 收 功 功 業 功 程 業 爲 子 是 心 修 非 . 身 惟 之 有 失 效 顔 本 子 末 不 之 先 可

「心廣體胖」是大賢事。豈不贏了?

他未到此地,便是受虧。

須 有 尋 所 進 得 人 箇 有 常 不 英 然, 久 氣 工 方肯 夫 時 來 意 進 做,不 氣 取 0 靠 使 勇 他 間 猛 不 斷 奮 得 發之後 方 能 實

性 夫。 此 静 心 大 無 而 本 主 無 所 主 宰 以 不 静 不 是 也 立 空 不 也。 了 是 天 I 動 性 夫 脯 便 動 無 是 也 主 香 不 若 是 7 不 天 工.

> 主 行 猖 也 也 狂 妄 動 己 立 便 後 是 逐 自 物 能 狥 1 私 當 得 此 達 萬 道 事 所 是 以 有 不

《易》 養 矣 皆 贵 達 加 其 其 有 有 有 絶 用 之 邵 性 其 得 滅 也 用 用 老 康 其 立 理 者 節 子 體 其 義 説: 哉 是 清 丽 體 ? 體 無 是 浄 也 老子 其 用 無 老 虚 9 分 用 集 其 子 無 者 爲 義 體 得《易》之 用 是《 哉 也 用 養 矣。 ? 皆 易》 氣 孟 無 豈 體 體 子 擴 之 有 孟 孟 存 用 充 體 子 無 其 四 己 體 其 子 端 源 心 得 無 用

其 昔吕 却。 前 静 未發之前者 华 程 與 既 中 子 之學易 叔 是 看 非 喜 未 蘇 之。 怒 發 季 哀 差 則 朱 明 如 樂 可 子 求 何 羅 未 以 中 看 發 仲 愚 爲 於 得 素、 以 謂 即 喜 ? 前 若 李 已 怒 只 求 氣 發 延 哀 存 象 未發之中 平 樂 之 眷 際 未 此 教 便 發之 默 學 便 差 識

静 間 中 不 静 夫 上 存 無 看 「操」字 操」字 外 所 以 從 不 I 未 涵 馳 夫 失 夫。 施 養 容 發 静 何 定 是持守之意 其 字 涵 氣 是中 各 中 只 ,便 然 思 時 泳 象 人 不 有 是 意 動 何 空 無 所當 是 可 其 則 如 味 慮 静 無 主 着 静 道 動 此 此 箇 中 爲 光 静 悠悠 9 故 不 端 所 操 工 主 即 學 明。 乖 古 口 以 夫 静 所 時 違 茫 乖 人 悉 字 流 ; 以 今 茫 時 節 於 受し 若 反 屏 思索 於 敬 易 世 界 静 混 思 致 無 差 老 也 又 限 時 操 雜 所 慮 理 省 佛 也 有 甚 只下 時 勢危 察 歸 若 以 所 又 明 着 等 謂 是 無 不 爲 不 箇 急 若 箇 知 静 是 學 動 操 動 工

已 防 生 存 患 省 ,於己何益 則 於預 大 有過,貴 工 本 夫, 須 堅 以 固 使 於 敬 吾 過 改 爲 能 失 身 過 主 悔 隨 心 最 不不 覺 謹 難 悔 使 而 密 而 須 須 不 不改,徒 放 着 臾 行 僻 實 慢 也 之 做 忽。 若 心 得 悔 欲 操 又 不 圃

常觀書,求義浸灌,此心悦懌,使過失不萌,

更妙!

書 有 悦 觀 懌 書 之 須 意 有 感 所 發 À 奮 必 勇之 深 意 方 有 進 0 觀

下 乎 之 加 理 心 之 也 雖 心 主 理 乎 雖 散 知 身, 此 在 萬 體 則 事 之 内 虚 用 外 之 靈 體 微 足 用 以 妙 實 管 而 乎 不 外 天

子 道 力 取 大 田 固 雖 是 地 以 收 容 異 廣 基 程 人 致 易 其 子 積 業 内 其 之學 錢 充 富 伊 裏 極 穀 實 則 以 111 0 , 亦 充 __ 置 自 朱 是 也 諸 不 立 然 子 内 甚 己 生 田 之 裏 費 但 地 出 學 本 力 朱 譬 家 財 領 子 如 是 業 穀 極 喫了 人 外 以 以 厚 家 舶 致 致 辛苦 漸 博 富。 富 程 求 次 子 明 用 朱 是 廣 廓

開 示 學者 涵 養 最 須 切 用 處 敬 進 學 則 在 致 知 此 程 子

程子教人静坐,所以救學者之偏,亦所

以定其紛擾雜亂之心。

容貌辭氣上做工夫,便是實學。 謹獨

是

代 習 唐 用 事 甚 祖 子 五 分 所 以 於 以 季 語 下罕比 明 宋 今 之 此 致 其治 以 然 是 太 時 日 此 時 民 自 弑 黄 極 祖 仁宗 終 不 君 君 袍 0 分 口 被 臣 此 在 今 加 明 後 惜 其 道 漢 亦 自 身 日 是篡 此 澤 絶 唐 風 開 氣 迎 等 之下 明 運 氣 闢 新 由 故 英 日 使 漸 以 亦 天 唐 儒 黄 然 復 雄 來, 是 子 末 風 袍 乘 藩 君 振 明 有 加 五 臣 鎮 才之盛 反 作 真 身 H 代 道 不 做 過 儒 迎 之 喪, 臣 此 宋 於 新 而 風 等 莫 沿 漢 太 不 天

其 失 極 0 孟 顔 今人 子 子 最 最 見 好 好 處 處 好 是 是 事 善端 得 不 肯 善 之 做 發 則 故 拳 便 不 能 拳 濟 擴 服 事 充 膺 以 而 若 至 弗

> 及 因 ,便是 善 端 之 顔 發 孟 不 復 肯 生 放 過 直 做 到 底 真 箇 難

八

從 事 於 見 學,無 善 不能 以 勇爲, 有 諸 見惡 不 能 勇 去 雖 終 身

十 未 其 有 嘗 道 四 理 在 不吉,不 爻皆然。 吉 則 凶 吉,失 我 者, 亦 中 得 有 其 雖 吉亨 IE 失之象也。 理 否、 者 則 未 之 困 X 嘗 理。 六 蹇、 不 + 凶 剥 凡 如 天下 六 之 四 爻 卦 時 三百 之事 荷 中 處 正 之 得

者 乎 有 則 口 方外。」又言 之誤。 ? 乎 能 外 必 直 敬 遺書》言 方。」蓋 内 則 程 而 中 : 子 不 有 體 固 釋 能 主 用 曰 釋 氏 方 7 無 . 氏 釋 外 内 惟 有 氏 外 理, 體 患 敬 之 中 立 内 不 以 道 無 能 外 直 而 不 主 直 無 内 用 備 内 謂 不 無 致 之 行 此 内 義 敬 者 記 以

心常惺惺,自無客慮。

學者 於記 多 流 於 也 誦 末 黄 世 或 道 老 此 溺 喪,百 不 於詞 好 及 高 者 病俱生 章 大寂 也 或 静者 若 汩 ,邪異蜂起。 好 於 多 清 功 利 入於禪 高 閑 皆 散 非 或 者 善 專

獨立不懼,遯世無悶。非大過人者不

能

也

此

時

當

如

此

此

過

中

-者也。

又豈善學乎

何

有

鄉」之意。

今人作詩,其詞誇曠遠大,有莊生「無

惟 莊 整 古人云:「宴 嚴 肅 戰 兢 惕 安 厲 如 可 酖 以 毒。」 勝 之。 甚 可 懼 也

學知爲己,方好商量做工夫。

甚 蟻 子 多 域,必 所 或 不 能 石 葬 屑 具 可 ~須槨 以 和 者, 拌 無 用 以 槨, 依《家禮》,用 石 周 灰 無 棺 螻 炭 미 蟻 末 也。 之地 灰隔 四 不然, 則 石 可。 尤 用 妙 必 江 南 螻 石 貧

廢,輕則物欲恣。只一「敬」字可以治之。 學者之所患,最是惰與輕。惰則自治

無 家 心 事 動 0 用 物以 用之所 則 全 數 不 鳴 視鼻端白 呼 繫其心。 不 能敬以存之,乃覊 珠 哀哉 1 是 亦是 久 ,以之調 之神 必人 此 如 反 法。 靈 異 觀 息去 教。 羈 内視,亦是此法, 足 於一 制 以 疾 蓋 其 具 物之小 則 取 心,不 衆 口 在 理 身至 以之 ·, 置 使 應 之 妄 佛 近 存 萬

簡 之 事 進修必 也 不可自恕。 若施 倦,改過 於己, 蓋恕者,求仁之方,施於人 必不 則 勇矣。 自 治 不嚴, 偷 荷

得 揩 存 盡 磨物 、天下之大本 其 己之事,爲 所 存諸 欲 也 消除 中莫若忠,施 先 萬事之根 儒 即 私 言: 此 吝 而 使天 無 文 於 忠 天命之性 人莫若 理 恕是 做 流 不 通 推 得 恕。 己 即 恕。」 物 一之事 我 此 忠 是 是 俱 而

先有體,而後有用也。

聖賢教人恕上求仁。恕則物我之私不

立,天理流通也。

用 能 常 循 序 勇 久 工 漸 猛 夫 進 奮 縱 發之後,須 日 就 有 英 月 氣 將 尋箇 只 以 成 至 着 狂 成 實 德 Ī 一夫做, 若 無 方 H

今人之學多是對塔説相輪。

敬是莊嚴畏謹之意。程子説「主一」,

是直截在心地上做工夫。

當然處即是天理。

禮者,天理之節文、人事之儀則。朱子

説得盡。

陰陽 之謂之禮,施之天下謂之法。 而 日 下 者也 形 形 陰 而 而 其 下 上 之器 者謂 陽 理 之 則 謂 之道 也 形 道 而 。」人之 形 陰 E 陽之 者。 丽 下者 動作 理 習矣而 聖 , 道 人 謂 威 制 也 之 不察, 儀 器 而 形 故 行

行之而不著,是不能由器以察理。故曰:

終身由之,不知其道。」

原 中 太宗兄弟 原。 以 漢 其 世道 高 能 則 祖 驅 之降 在 人 胡 於 覇之上,唐太宗在覇之下, 元 篡 可 也 知 紅 元 我 世 朝 祖 太 祖 以 胡 有 人而 功 於 中 混 宋

這 不 曾 私 物 損 異端 耗,故 事 多 魂 强 强 壯 魄 盛 是 其 費 心 ____ 生工 無 思 夫,只 慮 精 養 神

270

其言 陷 夫上 1 溺 人心 人 差 今之學 異 10 世世 教 道 程 去。 道 朱 者 必 多 因 闢 愈衰。 人 此 異 端 異 風 已 甚 教 豈天意. 盛 詳 是 , 0 今 他 鼓 如 被 做 此? 惑 他 存 後 心 反 柰 引

禪學人易陷溺者,是他做主敬涵養之

何

柰何

^{■ 「}因」,原作「用」,據雍正本、正誼堂本改。

之, 哉 祭 物 存 錯 中 惟 應 心 事 猖 了 心 住 庶 功 亂之 , 所 本 0 之 存 戒 光 萬 狂 此 不 不 必 豊 則 心 謹 自 爍 在 至 事 心 爲 X 能 假 固 得 事 存之心 一,無以 患哉? 内 害 不 ,安放 恐 恣 爍 物 物 精 拘 已 心 之 或爲 足 萬 懼 在 誘 湛 之 縛 蓋 來 察 物 具 事 内 來 捕 已靠 存 然 在 詳 齊 緣 衆 舊習所 0 事 見 ^ 此 其 其心。 捉 在 腔 盡 莊 自 心 易 理 故 聖 、體足 又背了 然後 内,天 不 子 恭 與 以 湛 禪 各 賢 得。 所 又 裹。 敬 事 繞 爲 然 學之陋 得 有 以以 滅 不 謂 真 下 兩 在 若 其 0 箇 應得 物 具 衆 如 及 之理 能 照 不 内 敬 理 履 故 存 衆 欲 理 索 久 之 看 相 存 如 以 淵 其 不 事 心 性 所 理 也 又 繫 心 E 照 心 此 直 冰 其 誘 顛 來 工 尋 豊 涵 制 隨 足 常 内 夫 ر. دار 箇 倒 而 有 若 是 用 及 若 殊 而 具 以 加 閑 放 義 於 紛 接 足 又 遂 子 後 應 其 其 不 見 亂 静 也 賓 失 存 以 擾 酢 其 知 萬 所 遇 此 捉

> 歟 夫 也 方 所 ? 外 以 將 如 然 謂 這 此 則 《中庸 之 心 彼 不 來 所 》所謂 是 作 存 心 弄 亦 之 照 「大本」、「 不 心 看 可 非 如 但 心 玩 達 被 歟 好 道 他 ? 之 做 ,此 物 抑 差 相 是 之 1 似 心 謂

儒 自 事 只 懼 心 拘 不 釋 整齊 雜 之法 明 來 制 則 之分 亦亦 ? 照 看 今人有 心 管 嚴 住 主 不是要 自 所 正 肅 不 心 以 存 在 失。 遏 在 只 則 流 此 去 這 是常 見 何 心 於 處 堯 思 裹 得 嘗 便 異 慮 以 宜 要 此 看 學。 以 爲 深 整 心 欽 住 何 爲 存 察明 光 肅 明 此 聖 嘗 心 者 明 心 賢 非 谒 不 辯 如 只 不 皆 是 只 絶 放 也 欽 許 説 尋 思 非 者 物 得 聖 則 慮 他 戒 在 賢 有 箇 本 以 走 謹 此 浩 常 物 求 恐 存

自王教不行,百事不是。才思聰敏

●「物」,顧氏抄本作「事」。

之; 着 功 夫 實 利 不 好 做 矣。 得 多 清 下 其 曠 高 學 若 要,人於 遠 者 I. 要 無 或 夫 不 實 差, 人黄 禪 或 者 須 人 老 是 有 莊 者 依《 之。 生 有 之, 無 小 下 何 學》、 此 做 有 則 身 鄉 四 者 詞 心 有 章

道 非 使 理 故 消 乎 道 能 如 丽 之, 無 此 此 婁 然 説 克 與 私 亦 所 乃 運 貞 是 搬 夫 水 見 口 儒 道 搬 搬 之 爲 者 柴 木 木 道 固 事 相 之 荷 無 矣。 似 人 贵 所 不 得 搬 指 不 其 合 木 其 在 知 義 心 者 法 必必 覺 以 所 運 亦 爲 其 便 能 動 可 合乎 説 無 爲 謂 滴 他 性 之 設 義 是 而

任 作 用 專 其 守 下 無 自 學 佛 此 不 恣 學 心 自 是 捷 便 能 道 儒 徑 會 -儒 者 悟 達 所 則 道 學 以 存 以 周 身 若 心 爲 徧 不 以 道 悟 用 敬 得 所 無 檢 謂 萬 不 又事事 事 事 在 捷 皆 凡 徑 不 用 了 者 精 所 察 動 不 只

> 物。 無 遺 其 所 效 以 則 窮 理 綱 0 正 力 萬 行 事 之 治 功 盡 人 倫 周 事

己。 節 隨 不 則 遇 心 存 其 去, 不 只 物 事 相 所 贵 所 中 了 時 在 禪 似 節 謂 之。 此 與 鑒 如 家 倫 皆 釋 存 察 ? 此 操 뻬 世 只 實 必 者 心 氏 心 是 事 夫 不 要 精。 常 打 道 都 既 雖 只約 同 不 攪 看 也 不 收 與 若守 管 失 管。 内 斂 孟 束 孟 此 子「求 自 有 子 收 光 着 箇 又 相 主 只 斂 明 心 以 持 是不 之 箇 放 則 爲 使 光 心 既 心 光 心 道 内 光 敢 , 不 體 熟 明 無 有 明 放 底 昭 不 拘 剥 主 明 縱 操 在 心 中 舍 其 加 而 則

敬 存 切 也 與 却 朱子 0 人 添 忠。 事 日 0 立 不 定 如 規 孔 子 矩 子 説 與 只 — 學 存 説 者 其 守 居 心 處 使 雖 之 心 是 執 緊 自 事

朱子曰:「孟子説「求放心」,煞是説得

加

言之,

敬

走作 懼 事 切 以 敬 不 處 程子言 及 細看又説 能 與 孔 人忠 如 惟 子。 此 此 京莊 寬了。 則 口 出 整 愚 此 補 門 齊肅 謂 心 如 孟子之不及,接 . 不容 孔子只説 見大賓 」,於此 \wedge 中 不 庸 存。 用 \forall 使民 言 『居處恭 功,心 此 戒 孔子之 如 孟 謹 自 子 承 無 所 恐 大 執

駕 皆是私 非 ,故人翕然從 至 理 小 今之禪 生不 意。 所 者説 敢 又 以 其 開 鼓 之。 精 口 扇 無 9 神 得 適 拱 氣 人 而 手 魄 起。 非 聽 强 道 命。 盛 一凡所 其言 能 又能 鼓 動作 動 動 惑 凌 則 無

前 在矣。 放心 是知 是逐 戒謹 物於 恐懼乃存心之要 外。 惕 然警懼 也 則 即 此

故

朱子以

程

子爲密。

自

明

主 《易》 無 適 也。 是 : 齋,子思 齋 戒 「戒謹 以 神 明 恐懼」是 其 德。」 一戒,合 程 子

> 使民 物 主 俱 孔子言 如承大祭。」「戒謹恐懼」、「整齊嚴 朱子言: 無適」、「惺惺法」、「收斂 在内裏。 「敬」,只説 釋氏 聖人 徒守 言 語 : 空 如 如 一出 寂 此 門如 有 身心,不 周 徧 見 精 無 大賓 切 容 用 肅 0

用 氏 此記録之誤。 矣。 專 守 空 寂 是 豈有有體,而 無 體 矣 ; 猖 無 用 狂 自 者乎? 恣 是 無 釋

矣。

論 程子之説 性不論 先立乎其大者,便是中 性 即 氣 理 出 不備 也」,故 ,荀、楊、韓之説 」,故程 孟 子 言 張 有主了。 兼 不 性 辯 氣 善善 質 而 是 自 而

子言「主一」,則不待求矣。 孟子求放心,朱子言其 早 是 運了 程

高 底 ,連心都 見得此 心 無了 光明,亦是 今陳公甫 佛學 之低者 到 高 處

也

貞未到。

老佛只消空無二字,天下道理,一切

掃盡。

係 夫 如 於天乎? 此 程 朱 真 切 發 () 今人 明 道 理 又 如 做 此 差 明 了。 白 道之興 開 示 爲 喪, 學 I

掣肘,已不是時 不 可 爲 文天祥當宋末,賈 矣。 後間 候 率 沈 兵 天祥之才本 勤 似 王 道 當 又 或 與 專 疎 陳 權 乎。 宜 中 事 等 E

之用 治。 容、 旋 令走作。 滅 禮樂, 思慮,使之無 九思 ,其害莫大焉 釋氏之存心,適以 釋氏之存 亦是: 孝 殊不 悌 存養之法,故 恭 知 心有二: 雜 、聖賢 敬 擾 皆 教 壞其 是 人,自 一是習爲 是常 存 心存、 心之體, 心 照 洒 之 住 掃 理 具 虚 此 應 得 絶 心 静 對 其 如 mi 心 事 九 周 絶

真能主敬,自無雜慮。欲屏思慮者,皆

是敬不至也。

有意於坐忘 程 子 ě: 即 欲息 是 坐 一馳。」 思 慮,便 敬 則 是不息思 無 此 患 慮

能自新者,必能新民。

理 即 是天。 其 故程 心 養 子 其 曰 性 :「言合天、人, 所 以 事 天。」 吾 己 心 之 剩

着一合字。」

間 IE 氣 配 義 老 與 佛 道 之氣 所 養 方是浩 一身之私 然之氣 氣 是 天 地

「一闔一闢謂之變。」雖變,亦是常理,

故

日

中

庸

易」。 感 者 者固 陰 朱子曰 陽 相 之相 生 一,相 : 感 易 推 ; 者 變 有 交易、 易 亦 者 相 生。 陰 變易之義。」 陽之 故 生 相 生 推 之謂 交 易 相

「約 敬 程 是 子 也。」 ---. 蓋 操 人 約 若 者 敬 時 敬 許 ጠ 已 多 __ 放 蕩 又 底 曰 1

理都在吾身上,非約而何?

無 起 己 Ē 欲 此 其義不謀 計 毫私 達 度,故 而 者 意。 達 至 人」、「先難後獲」、「上 公 其利,明其道 智者雖 面 利 無 私 見得 ,故「己欲 真 不計其 識 立 得到 義下 功」,皆是 而 未 立 利, 免

其 得験 之存 空 主 裹,如 心 一豁,是 人。 心,蠢然如 是禪之上 底主人,全不 者,便死 儒 主人公在家,便能 釋氏默坐澄 者 無 敬以 主 者 物 殺 人矣。 存心。 T 會 他 此 小 又有 整 ,做主不得 則禪之下者。 屏 其 理家事。 整治 去思 心 只 體 是 家 慮 湛 繋 事 然在 如 蓋 制 久 是箇 真 緣 人 其 ጠ 空 繋 家 腔 心 至 無 制 只 使 於 活 子

則合人與理言之。 思信與誠一也。但忠信指人而言,誠

居業録卷之

須 用 忠信 敬 與敬: 也 非 忠信 忠 信 於進 做做 敬 德最 不 篤 力, 然持 篤 敬 處 養

便是忠信。

處

持敬而無間斷,則誠矣。故程子曰。

未能誠者,由敬以入誠。」

范 使 文 誰 IE 去 爲宰相,不能搜訪天下賢才而 爲 不能用 治 ? 更有 朱子言 甚 相業? . 夷 簡 爲 用 相 之, 更 有

澤、 愬能成其功,以 其 岳飛不能 心休休焉 宰相 將 相 以 體,方能 不 成 蔽賢、不 有 功,是爲 蕭 何、裴度協心於内,重宗 成天下之務。 忌功 汪、秦沮撓於内 爲賢。 韓信、李 故 日 也。 8

公,後來因天書復相,是相率爲僞,更做得人,才氣雖大,不可無學力。如宼萊

● 「蕭」,原作「肅」,據雍正本、正誼堂本改。

甚事?

道 敬 理 則 内 不 用 直 一,内直 安排 只 則不 要 審 私 察得 故 無 己 可 克。

主 净 人 明 在 灣 程 無 子 内 İ 昏 雜 「有主於 雜 亂 人 與 不 無 主 内 而 故 則 虚 虚 虚 不 一。」是 同 異 端 内 如 言 裹 人 虚 家 潔

不必以既返之氣爲方伸之氣,此可謂

識

造

化

之妙

矣

工

夫

只

是

空

屋

無

人

矣

故 乘之機。」本 理 朱 流 行 子 有 而 日 此 • 有 理 氣矣。 然之妙 太 則 極 有 者 此 ,本然之妙 理 氣 也。 氣 所乘 乃 ; 理 之機 動 之 静 所 者 則 爲。 此 所

藏 而 陳 後 公 發。」是將 甫 云 : 此 静 道 中 理 眷 來 出 安排 端 倪 作 。
又 弄 都 云 不

是順其自然。

婁克貞説,他非陸子之比。陸子不窮

釋氏

心亦不放,只是内

裹

無

主。

舍己以從之也 聖賢言 以 理 他 愚 觀 却 之,他 語 肯 來 窮 護己 亦 理 不 見,未 是 公 窮 甫 嘗 理 不 虚 讀 他 心 書 求 讀 聖 書 他 賢 勤 只 指 讀 是 書。 將

孟子「求放心」,不是捉得一箇心來存。

格 只 物 惕 然肅 敬 便 便 是 是 敬 致 操 小心 知 非 便 非 在 敬 格 之外 此 物 之 别 外 有 别 箇 操 有 存 簡 T 致

夫。

知

之禮 敢 庶子 是 奪 宗 爲 或 天 大 卿 一之君 子 奪 大 是 嫡 夫,只以 夫雖貴 天下 乃 之君 E 國之主。 非 性 乃乃天 祭於宗子之家,是不 君 也。 故 下 故宗子爲士 之主。 有 奪宗 諸 奪 嫡 侯

循 序 I 陳 夫,故 公甫 亦 遂成空見 窺 見 此 道 理 本 原 因 下 面 無

二六

之爲 也。 非 則 所 感 心 離 行 化 但 也。 也 心與 學, 在 合 矣。 歸 所 理 服 己 以 故 心 (理本 庶 如 爲 理 聖人則 與 此 是 非 是 物 不相 理 在 心者 但 處 亦 而 在 心 心與 人 各 離 已。」三代之治, 人如 亦然。 即 得 理 逐物欲則離 其 安 也 理一 此,在 所。 ; 心 所 所行合理,人亦 也,賢 存 先儒 以 物 處 具 亦 理 是 矣,異端 者 声 順 然。 即 理 合 理 人 者 在 於 者 荷

之心 純 也 消 涵 養之道 其麓厲之氣,主 須 深 潛篤實,方能 一工夫易施 制 其 心心 飛 揚

保其終。 主 君 臣 不 則 志 以 慮 道 精 合 專,故 丽 以 功 理 利 易 明 相 八,心易 濟 者 熟。 鮮 能

而 己。 天下 故 之衣 程 子 食 舉 盡 先 出 王 於農, 之法,合當八 T. 商 不 九 過 分 相 資

> 事 祝。 如 居 之於農。 分人作 爲 四 海 半, 何 農,一二分人爲工 今機匠以男爲之。 必 富盛之家皆不耕 不饑困 又有待 將 殷 商,以 既 富矣。 ? 盡 哺 生 通 宜 之兵及 財 器 自 之 商 用 百 而 道, 耕者 官 貨 食。 僧、 財 土 今 又免 以 人 有 少食者多,天下 道、 機織本女子之 數 無 之外,止 **計之** 坐食之費。 ",其餘 尼、巫、師 將 工商 驅

謂 助 焉 智 計 勿 哉 是 長 不 較、造作。 E 整 事 即 心 物 指學 而 私 勿 L 萬 意 助 皆 而言,不 故 事 長」,是亦行 造 有 治 日 作 理 丽 行 0 故 口 其 順 有 日 有造 所 理 事 大智。 其 無 而 矣, 所 次終 事 行 無 不不 岩 事 食之離 必 順 容 順 有 理 IE 理 此 之 與 事 子 則

既 出 物 去 於智計之私 不 ^ 則 訂 得 天 其 地之生意 所。 ,況禍敗者乎 心 不 9 便 然, 在 可 則 我 語 雖 王 推 道 王 而 0 天 行 物 下 之, 我 ·, 不 之 將 過 私 無

故 實 也 助 無 與 長」爲敬 鳶 於此 見,只是弄 程子以「必有事 飛 會得 魚 是 躍 孟. 司 精 則 子言外 活 神 私 潑 也 焉 意 潑 不容, 之 加 地。 意。 勿正 天 非 一,心 主 如 理 釋氏, 勿忘, 流 即 行 此 矣。 其 勿 義

活 自 心之法。 必 然之 潑 有 潑 心 事 理 也 不 焉 雖 미 非 借 放 而 有 用 縱 勿 毫髮私意,故與鳶 , 亦 F 子之言, 心 不 勿 可 志 逼 其 義 迫。 勿 助 尤 飛 故 長 魚躍 精 程 爲 子 存 以 同 此

然 只 亦 優 不 游 程 甚 子 涵 一費 天 泳 資 力 以 高 得 自孔 之。 其 於義 顔 雖 以下 日 理,不 「反 ,所造精粹未 求 用 諸 甚 六 窮 經 索

有及之者。

. 八

故 堯、舜、文、武之緒,直以 次,精微 義 理 程子 血 曲 本 脉 折, 固 原 在 義 丽 於周 理 全 固 體 子,而 受 聖 程子當之。 於 人 周 承襲孔 多 子 所 自 孟 得 學 以 階

下 邵 子 學工夫,所 稍 孟 偏 子、朱子、邵 而 以 未 能 盡 充 下學 子天資俱 實 其 I 大 夫。 也 極 孟 其 子 大。 朱 惜 子 盡 乎

蓋 至 人心 則 涵 天 只 養 理 有 本 自 許 原 明 多 與 義 窮 窮 理 索 理 既 義 更 精 理,實 無 本 别 心 物 交 愈 相 安 涵 涉 也 既

之私 此 心 未 也。 氏 識 釋氏 説 性 心,只 命 説性,只 之正 説 着 説 箇 着 意 思,非 箇人 心 是 形 真 氣 識

心; 也。 惻隱是道心 如 滿 刺 腔 着 子 便 是 痛 惻 非 隱 小 之 加 心 何 ? 則 滿 然 身 知 痛 都 是 是 心

自 藥 家 方治得 這 朱 裹 子 ,遂人彼去。」 日 I 夫 「學者 欠缺,奈何 往 往 這 多 歸 心 異 不 教 下 者 又 無 蓋 好 爲

其 理 物 心 耳,何能具衆理應萬 ? 具於心 腔子外 滿 腔子 故 雖 是惻隱之心」, 感 不 着 可 言 便 事乎 應。 心 其 若 理具 心 腔 馳於外 子外是 於 何 亦 因

恭,執 死 主? 此 如 敬 是 非 心,亦 此 即 心 法。 ,以爲心能主敬,豈敬能主心 氏 去主 放,能敬 或者疑朱子言「敬者,一心之主宰」爲 事敬 則 日 默默 敬 是 中 坐 敬 則 助 一,以 自 澄 似 該 長。 有 敬 即存,非 心 是 貫 至 主。 却 而 以 動 動 亦 能做心之主也。 非。 其 静 是 又不 容周旋,皆敬之 默坐澄心之久,雖 、敬也。 心之主 是 他 合他死殺 活 只 法。 默 丽 何以 ? 坐 何?__ 如 澄 心若 要 心 事 居居 心, 澄 反 問 似 取 能 處 是 無 不 固

> 主 見 也 得 有 箇 光 明 意 思, 亦 非 真 <u>ر</u>ا، 所 以 無

如 陷 力 不 曰 此 人 屈 人 去。 異 見 自家大本不立,見得道理不分明,未 只爲這裏 入教者。 他 故程 有 箇 子 如 I 寬 陳 夫欠缺,●柰何心不下, 閑 : 公甫、婁克貞皆是 意 只 思, 因 無 遂 處 歸 撈摸 之。」朱 儒 智 子 故 者 窮 有

文章 矣。 家 也。 凑泊 若能 讀書 以資進取 忠信 若 須 以 默 作 身體 識 則 而 訓 書 驗 詰 心 在 通之, 以資 我 則 書 矣。 口 上 則 語,宜 道 今 書 理 人 與 方 我 其 將 書 與 不 無 自 相 作 間

❶ 「這」,原作「道」,據正誼堂本改。

氣 自 壯 理 氣 雖 不 不 相 離 口 全 用 兵 以 詭 計 義 起 亦 須 則 計 人 出 心 萬 自 全

故曰:「臨事而懼,好謀而成。」

這 議 邊 不 隊 定 以 寡 0 伍 整 擊 這 那 衆 邊 者 人 邊 心 只 隊 奮 是 伍 這 亂 勇 邊謀 那 再 邊 無 議 别 人 定, 法 心 那 懈 邊 謀

會 後 機 理 錯 世 以 會 智計 1 應 聖 自 之, 賢 然 之士 見 順 未嘗 道 治 雖 分 用 雖 明 極 非 其 毫智 故 智 智 於 計 計 計 天 終 而 下 之 智 是 私 之 計 見 事 理 在 然 只 不 其 是 動 明 中 中 順

識 ៣ 義 心 理 通 强 窮 索 便 有 滯 礙 須 涵 泳 體 驗 默

底 君 漢 高 若 高 子 祖 遇 祖 無 便 智 只 所 着 勇 勝 不 臣 得 用 韓 服 其 信 箇 極 計 韓 0 無 不 信 須 能 只 要 義 施 勝 窮 底 矣。 得 究 人 到 無 底 若 智 勇 遇

> 依 法 那 無 從 口 時 真 傳 秦 儒 法 代 輔 若 苛 相 有 下 虐 真 不 若 君 儒 口 得 因 舉 漢 真 先 儒 高 戰 王 祖 輔 或 之法 天 相 又 資 無 最 治 高 代 高 天 祖 口 下之 必 惜 復 平

公平 兵 已 不 喪 能 氣 IE 諸 當 大 葛 之 孔 偏 孔 氣 明 明 蜀 之 非 司 年 師 馬 懿 不 所 懿 死 那 智 能 懿 時 敵 勇 成 不 相 故 擒 敢 等 懿 矣 出 駆 只 戰 是 中 軍 原 孔 之 師 明

然觀 方 進 故 脱 異 退 異 其 端 周 消 端 所 害 濂 長 爲 不 溪 然 得 於 循 有 觀 道 環 此 其 邵 理 一意 極 所 康 本 思 分 見 節 原 明 於 處 亦 張 先 故 見 横 有 天 異 此 渠 得 圖 端 意 分 T. 見 惑 思 夫 明 得 切 不 精 天 得 切 理

可 言 張 横 萬 渠 物 言 不 能 太 不 虚 散 不 能 而 爲 不 聚 太 而 虚 爲 則 萬 不 物 口 則

聚 爲 則 太 虚 生 者? 一,散 則盡 太虚 物物 亦 理之自 不 待 萬物散 然。 而 量 爲 又散 也 去

始。 故 天乃至大之物、至 E 「萬物· 本 乎天。」天乃氣化之主, 一健 之體 ,萬物所資以

雖 整 一齊嚴 庸,亦 要箇 沉 潛細密意思,不 生物

之祖

也

口 把 捉太過

異教强要無心,終是有簡意見在

心, 絶滅事物,使其心 道亦有二也: 如有 (教所謂「存心」有二 物,常在這 空豁,無所外交。 是想像摸索此道 裏 也 . 是屏除 是照 其所 如如 思慮 謂

所 動 作 無 不 是 道」。 常 不 能 離 故 猖 狂 箇物

事

在

前

,一是以

知

覺

運

動

爲

性

謂「凡

妄行。 官 口 截 凡 正 長 補 官 短 須要オ 用 徳兼 全方 可爲。

> 佐 貮

> > 之君有聖賢之佐,亦 有 聖賢之君 必必 可成王業。 有聖賢之佐。 太 (甲、成 若 中才

是也。

大本。 君 故曰:「一正君 心正, 自 不肯用邪 而 國定矣。」 此爲治之

養則良知、良能日長,不養則日 人之學,本於良 知、良 能,然全要養。 消。

之知 辯 而 也。 知 ? 亦 聞見之知雖 從 得其真則合内 但聞 良 知 見之知則 E 小,天德良 來。 外之道矣。 非 有真 有 良 僞 知雖大,然聞 知 宜 安 精 能 察 聞 而 見 見 明

教 至 面 競 致。 寒 盜 既游 所 賊之生,皆因民 逼 ,鮮不爲盜 手無業,又無禮 0 無 故孔子言 恒 義 産與教化 以 維 持其心, 「庶、富 不行

0 物 原 作 顧 氏抄本、正 誼堂本 改改。

 \equiv

養 得 氣 心 具 是 能 理 養 乃 氣 氣 即 之 養 靈 得 者 心 故 心 養 也 得 理 心 也 即

氣 也 加 者 也

欲 生 於 氣 是 氣 爲 主 而 滅 乎 理。 須 使

欲

保

其

知

而

勿

吧

在

於

誠

敬

理 爲 主 丽 氣 順 焉

莊 隨 行 敬 事 住 嚴 察 禪 坐 伯 肅 理 卧 只只 無 行 只 住 不 將 想 存 坐 像 团 心 箇 無 箇 心 中 來 道 不 愈 求 來 在 無 索 懷 道, 主 作 放 愈 弄。 胸 是 與 中 其 道 未 未 離 嘗 嘗

底 箇 即 心 只 是 致 來 窮 以其恭敬 存 理 放 非 這 是 則 裹 懸 心 空 肅 讀 尋 然 書 得 自 論 存,非 事 箇 皆 理 推 是 來 看 究 捉 住 到

息 調 以 氣 存 耳 以 心 只恭敬 朱子《 ? 以 調 此 安 存 息 詳 心 箴》爲 便 害道 是 存 口 甚 心 以 矣 法。 存 心 贵 假 此 特 調

神 明之舍,存則自 恭 敬 則 非 特 心 明 存, 又 且 明 瀅 蓋 心

是

子

無

所

不

用

其

極

越

難

IE

知 在 乎人 養 知 在 於 寡

須 致 知 良 知 出 於天 致

心

本

有

知

因

氣

禀

物

欲

香

蔽

其

良

知

故

9

自 君 弊,然終 如 免於課卷文字。 然不 相 反 掌 有 明 ·費力。 道 力 是 教 伊 量 費 ĬΠ 養 力。 (、選 學 依 朱子 制 蓋 駆 先 則 平 法 王 貢 因 夾 簡 之法 舉 時 界 易 議 制 事 明 則 湛 而 白 最 欲 裁 酌 難 ,復古得 救 酌 m 做 之, 行 時 須 得 之 未 賢

校, 間 或 口 間 小 IE 0 天 朱 下 子 之 日 事 • 大 大 E 處 則 不 難 IE 小 如 學 處

半上 落 下 難 做 半 夾 界 事 難 做 故 君

自 存 耳 心 只 敬 是 是 心自敬 箇 心 0 耳 所 謂 操 存 乃 自 操 而

萬事有根本總領。根本總領不正,其

餘俱不可正。

不 如 之兵 此 兵 雖 則 愈 必 曰 嚴 有 威 敗亡之禍, 克厥愛」, 無以全其生。 然 愛行 乎其 中。 故

開。 天地 前 年二 間 氣數 月 梅 不 花 齊 始開,今年 如 此 十二月 梅 花

未發持,一義豐智之生軍然在中。或

先, 而 面 出 遂 已應不是 通 未 、發時 之時 動 静 後 惻 理 隱 義 體 羞 禮智之性 惡 用 辭 源 讓 渾然 是 故 非 未 之 在 應 情 中。 不 隨 是 應 感

節序無如《先天圖》。 爲學規模節序無如《大學》,造化

規

模

聖人只是一箇誠,所以能動物。

心, 仁 ·,豈非同 因有所 天下人共 蔽 此 ጠ 心 然也 乎? 箇 心 如 心不 克 己 同 在 處 我 天 只 是 下 私 歸

間 速也。 呼而 也。」程子序《易》曰 者,天下之大本 夫子 大用 之本體已立 也。 萬 。」皆此 理 告之。 咸 曾子一 E 曾子 備 其 唤 周 道 後 平日戦兢 即 體 貫工夫皆有, 也 所謂 子 悟 也 隨 貫 0 思 也; 3 事 即 發 不 隨 精察, 臨 然,則 貫 明 • 體 事 和 履 者, 中 用 忠信 而 體 也者,天下之 但未 無不詳 和 也 應 固 應 用 之必 在 以爲: 無 篤 蓋 悟 一源, 其 盡 實 不 耳,故夫子 人之一心, 不 中 周 顯 則心 如 矣。 則 徧 達 微 中 此 其 道 之 之 故 也 心 用 無

謂 工夫,今學者反不及他。 異 絶 教 利 謂 • 源 用 便到 志 至 不 分, 道。」 然 看他 乃 他 凝 却 於 肯 夫, 神。」 如 雖 此 做 又 專

而隘,雖捷而偏,所以卒悖於道。

敬只是常常不敢放肆,事事不敢輕爲。

言 傳。」則 陳公甫 四 書、六 説 不由 經 不 户 積 以 累 載 而 道 至者 矣。 不 口 以

侮 邵 欠,故 天理。 康 節 曾 無 點 見 以 得 雖 釋氏未 有諸 道 見 理 得 分明 能真 己。 道 理 見 7、又作弄 若顏子便拳拳 分 但 明 作 然下學工 弄 得 自 熟,反 己精神 服 一夫有 成 膺。 玩

此

本體,則天德自全

上去。 學者要得不差,須實從小學、大學做

端害道,惟老於聖賢者能知。 莠之亂苗,非老於農事者不能辯。異

之山澤足以供天下之材用,但力要勤,用要天下之田地足以供天下之衣食,天下

節

取要時

而已。

然亦非 天 下之民 端。 或因 所 以 賦 貧 斂 木 重 者 或 雖 力 因 役 井 繁,或用 地 不 建

> 者衆。 或爲 度 奢侈,或游手者多,或水旱蟲 舊 未有官 心體本全,元 習 今 工 斵 商 吧。 不 多而 得人而 所 無 農少,亦貧困之 以 虧 害不及民 要涵 欠。 或爲 養者,只 者。 昏 蝗 氣 要養完 或坐食 端 帰 也

之法。 官賢,自不欺 者,朝廷審其實 雖伊 不得人乎? 今天下監 周無許 若使長官自 或曰: 蔽 多 司、 眼 加 郡縣 力。 授之職,亦甚 薦 「欺蔽 所知 故 大 小 慎 ,柰何?」 曰: 之賢 官 揀 俱 乃 分可 簡易, 僚 選 乃 自 居 吏 何 周 僚 患 屬

信采法。」言非推用賢才之道。 朱子言:「宋之銓法爲挨排法,科舉爲

一分,大本便虧一分。 有一分利欲,便蔽一分天理。利欲 同

知至而不能處事者,鮮矣。

仁,則 孔 天地之生意 門 學 者 只 在 在我,仁 求 一。 民 程 愛物 門 亦 自 然。 不 能 能

《論語》一書,堯舜氣象,《孟子》一書,

三代氣象。

且,終無所見。 今人之學,因不求「止於至善」,故淺陋苟 《大學》説箇「至善」,示學者最深切。

實 便 亦 盡 雖 也 不 乃 誠 無僞,然與聖人之誠不同者,於實理未 天地 無私之私、無僞之僞也。 、聖人 誠 實 理 只 是 也,不可 箇 以 誠 人僞 0 私 雜之。 子路之欺 意間 處, 君

私 意。 做得切己工夫,自無許多閑思慮。 、要立 只循 理 功業,是 而 私意,不 此 當 提 起 立 一,另作 功業,亦 是

> 其 事 三,以 理之當然,故 主敬」是有 理言 也。 無事 意,以 心 有 所 此 心 存 有 言 主 中 也 未 故 嘗 行 有 有 其 無 所 無 中 循

未嘗無,心與理一也。

未發之前,不可無主。

感化之機雖在無聲無臭處,然政刑禮

樂既具, 教化愈行。

於氣,故性與氣皆當養之以復初。人之知識、才能本於性,然亦不能不蔽

不要邪。」 朱子曰:「無思時要不如死灰,有思時

實。 若只管思索想像 非禮勿視、聽、言、動,勿便是克之意。 致 知在格物 」,從事 便是 物上 一思 窮 究 而 不 其 學 理 則 便

小學上做,則基本堅實,自無空虚之患。要斷截學者邪路,使不入異端,須教之

殆一。

契。 故 道 程 理 根 子 言 源 本 $\overline{\ }$ 是 論 \approx 貫 ^ 孟 聖 賢言 既 治 語 則 如 六 合 符 經

所

制

也

也 口 理 不 哉? 治 几 而 書 明 既 若 治 非 或 實 則六 者 得 經之理 則六 . 可 經 己 推 各 焕 類 自 然 而 矣。 通 般 體 贵 非

面,萬端難曉。此俗學之難也。

禪學空自高大,俗學徒自卑陋。

心不操即無主。放者固馳於外,不放

者亦入於空無。

質, 模 地 氣 最 有 非 凡 親 天 附 甚 依 物 切。 乎 形 形 皆 氣必 質? 然。 凡 地 有 不 附 地 氣 氣 能 氣 則 屬 者 存 有 陽 盡 此 形 屬 立天之氣 形 質 天, 語 屬 矣。 説 有 陰。 形 得 地 天 者 天 亦 雖 只 必 有 杰 地 依 形 是 規 屬

立矣。 五倫,人道之當然。廢一則人道不

地

之形

以

行

也

人心宰制事物。若馳逐事物,是爲物

恶 善 善 皆 何 性 此 惡 天 出 知 也 理 性 ? 繼 在 不 善 那 性 陰 是 亦 但 天 無 中 在 理 人 道 疑。 自 之 陽之謂 性 相 便 所 不 中 對 是善, 性 爲 相 可 而 悪 道 流 對 生 者 故 於 而 成 悪 繼 程 生 既 蔽 那 。」又 之者善, 子 於 善 日 又 則 氣 便 不 日 日 元 是 也 初 可 成之 性 只 流 不 善 氣 是 是 惡 從 以 者 於

矣 存 存 窮 養,則心 養 理後若 何能 後 存 養 方 爲 不存養, 能 即 我 體昏放 所 窮 有 理 以 <u>\</u> 則 窮 大本不 本, 理 理 無歸 後 窮 又 理 立 着 須 即 隨 何 存 所 能 得 養。 以 窮 而 達 隨 不 理 道 先 失 ?

心」,是本 心 有 存 原功夫。 主,即 能 釋 宰 氏 制 置 萬 一心於 物。 無 孟 用 子「求放 之地

曷嘗有主?

作 此 其 照 只 無主 看 主 收 雜 便 字、「字」、「 斂 見 擾 程 一也 箇 專 子 虚 而 心在 發 中有 自 無 明 主 操 便是 内 心心 實,大本卓 溺 自 裹 存」。 有主之道, 有 於空 ,乃異教 主」一句, 虚 今有 然。 者 反 寂 朱子 觀 一等 彼 滅 真學之要。 内 狥 學 所 視之法, ጠ 於功利 謂 問 無 常常 「自 主

成矣。 才 非 行 其 人 苟非: 之, 而 亦 其 行之,反 人人,道 救 得 成 不 弊 半。 虚 政 行。 人 雖 縱 法 非 有 皆 良 良 善 法 法 ,得賢 美意, 治 道

亦 私 合 當 也 E 理 理,亦妄也。 加 窮理克己。 無私心, 公天下事 則 仁 矣。 以 雖 私 無 邪 心 爲 心,苟

蓋人而不仁,私意蔽隔,天理不能貫通,天醫書以手足風頑爲不仁,程子善之。

痛不相管攝也。 地萬物漠然與己無干,如風頑之人,手足疾

忠

信

二字最力。

造次顛沛之離, 道是 備, 矣。 甚多。 道,故任其猖狂自恣而 爲 而 真 外邪不入,故無 彼遂 此言「無思」是寂然不動之中 虚 學一差便人異 道 静 此言 理 以 無 無 爲 爲矣。 無 處 真 彼遂以爲 爲 無之,所當 無 昏塞,彼遂以 思矣。 此言「心 、教,其 是 無 不 顧 私 、誤認 凡其 此言 也。 操 意 虚」者是 存 造 聖賢 所 爲 省察, 作, 無 適 真 萬 適 之意 無 空 彼 心 不 理 非 無 而 有 遂 是 咸 口 者 非 物 主 以

力方有諸己。此道理見得明便信得篤,存之熟、行之

●「任」,原作「恁」,據顧氏抄本、雍正本改。

足 今人 如 有 何 小 不 可 做 才 能 出 事 也幹 來 ? 此 達 事 0 而 聖 在 賢 上 如 道

德 如 堯 理 業 伊 、舜、文、武, 充 、傅、 事 功 侔 周 乎 召 夫 窮 不 地 而 得 在 以此 時 下 如 如 知 顏 孔 黄 子 孟 憲之 得 程 流 朱 時 只 行 是 其 道

介善 夫 也

祭

祀

所

以

崇

德

報

功

合

升

程

朱

於

四

者 所 知 以 天下古今之理 心之神明 養 天下 其 古 知 今事 也 妙 窮理者 以以 此 物 理者 之 其元 理, 一, 所 也 具 皆 以 在 故 具 致 内。 於 人 其 吾 知 涵 心 心 養 也 足 者 以 知

之, 太 舉 舉 舉 興」、「選 公舉 於 丽 無 得。 得 歷 方 不 於 賢 無 山 學」法 可 渭 蓋 之 伊伊 所 得 濱 道 不 遺 尹 世出 方可 須 孔 但 舉 如《 其 明舉 恐 於 一之才 無遺。 次 周 才德 、幸野 莫 禮 於 道 如 南 \approx 未著 傅 非 搜 高 陽 賓 但 説 訪 皆 興 名 者 無 舉 重 薦 因 遺 須 於 荷 舉 明 求 又又 用 岩 道 訪 訪 如 下 有 薦 求 舜 選

> 元 明 徒 作 ? 矣。」 道 興 不 能 掖 日: 朱 勵 得 文 之 賢 實 使 公 反 科 皆 使 廢 舉 出 賢 人 果 才 進 於 口】 H 科 修 得 之實。 盛 第, 賢 豈 今之科舉 則 或 口 程 謂 不 朱 爲 爲 狀 得 程 非

漢武 程 曾 功 黄 + 可 高 可 配 老 朱之 利 行。 因。 子 哲 祖 之下,以 帝,志高 至 乃 ,天資朴 问 蕭 智 彼時 惜乎 德 在 朱 世 謀 何 無 南 子六人升祀於堂,庶 俗 等 有 成 有真 當 昌 論 才雄 厚 餘 愧 亦 七 時 志 顔 與 非 可 配 非 儒 無 慨 孟 張 脩 列 者出 高 先 人 功 廷 若 然欲 身 於 才 王 祥 禮 大, 廡 之 亦 IE 舉 雖 論 主之 殿 大 學。 不 有 只 先 承 有 在 狹 張 用 王 秦之暴 代 爲。 顔 幾 學。 韓 一之法 子 難 顔 信等 以 孟之下。 允 房 設 子 其 當。 彼 下 配 位 以時若 後 有 俱 乃 庶 無 有 是 雜 幾 漢 法 夫 則

資明 終爲 去私 以爲此天地間大機會,惜哉! 盛,行道濟時,復三代之治如 爲相,安石爲參佐,亦可有爲。 安石亦志高才敏,惜學術不正。 之佐、惜乎爲王安石所間、神宗不能信用。 不 董仲舒本領純正,庶幾王者之佐,然見道亦 甚 敏 欲 分 物 而 奮然有 欲 明,亦無以使漢武 所 復天理。 勝 丽 爲。 不 ·克成 故漢武雖 當時有程子等真聖賢 也。 實下手做工夫,以 反 以有爲之資, 至宋神宗,天 掌。 明道 若使明道 故 才大德 廷祥

居業録卷之一終

三九

居業録

居業録卷之二

後學同邑李頤重訂

言 故 仁,「行而宜」爲 性 爲,以見人之身全體是 仁義之本 重 此人。」如《原道》等篇,亦窺見聖人之用,論 之道,日仁 一,於義 用 亦過於荀、楊。 自 力 韓 雖 退 孟 理本 體有 勤,多 之極 子 與 後 原 所 、義。」 終未 能 聰 義,雖能 在 未 惜乎未得聖賢 明,志 文字言語 將 覩 則 有得。 許大見識尋求,才見 也 仁義。命之於天,全 人 窺 一之道 大 見仁義之用,於 昔孔子言:「立 才 其 之間 ,乃仁義之所 高。 以「博愛」爲 用 功之要, 故 自 任 程 雖 子

> 備。 宜。」是兼 者,心之德,愛之理; 也。 子、程子之言極 中,即程子所謂「專言之仁」也。 種,仁則其 體是仁,義乃當行之理。 見仁即人身之理,義 之於我,而 曰:「仁者,本心之全德。」是舉仁而 日 :「仁,人心也; 惜退之未覩 子思曰:「仁者,人也,義者,宜 體 生之性。」則 用 博愛」與「行而宜」不 而 乎 親 言也。蓋 義,人路也。」以 此 極 即 也 切,朱子之言尤詳 義者,心之制,事 其 益親 程子言:「心 理之宜 孔子、子思、孟 切矣。 又曰:「 足 也 見 義 以 人 也。」 朱 如 在 心 孟 盡 尤 子 穀 其 全 以 之

養省察之功當 處 事 不 爲 得 物 其 欲 宜 所 盡 者,亦是 勝 也 者, 皆是 心 失 心 其 不 軄 能 也。 做 主 此 也 涵

氣清 ,氣清則理益明, 理 與 氣 不 相 離 心 理 與 明 理 氣 不 清 則 心 心 益 泰 存 然 則

存 IE 亦 氣 私 則 心 盛 養 密 ,乃一身之私 故心 自 何 俱 也 修養家之『養 則 IE 生 也?」「惡人乃 與氣 若 麄 邪 清 暴 心 則 純 須 香 也, 俱 剛直 養 濁之氣 邪 氣, 氣。同 理 理 也, 私 乃 恶 須 自 則 否?」目 濁 E 窮,不可 氣 消, 邪矣。」「惡 麓 氣 也 暴之 也 理直 偏 氣, 嘗驗之, 則 修 廢 剛大 人 也。 血 氣 家 氣 或

之人爲 治 軄 矣。 既 修 只 相 得 君賢必能 則 則賢 庶 箇 事 首 才引類 治 擇 出 ,庶民 相 庶 物之人 M 只得 安, 進, 庶物 庶 爲 軄 箇 君 阜 修 才 矣。 德 則 兼 天 全 下 庶

得 遺 ? 逸 人必勝 以文 不若 須 如 如 詞 推 詞 取 周 訪 科。 士, 禮 論 薦,乃 不 必 司 欲 過 徒 教 空 能 × 養推選 言 盡 明道 無 衆 實, 人 人才使 公道, 學 豈 校 能 劄 無 其 得

> 者,正 古 者 心 不 堪 不 可 贵 行 酌 者, 豈有異哉? 同 明、狥俗苟且之論。 今之異者也 人事 而 於古,不 今人多言古道不 一爲道 欺 損 後 益之。 煩 世 不 哉 明 簡 叮 ? 有 也。 行於今? 若道之極 異 故明 不能因 (,其制 孔 可行於今,此乃 古今之道一也,豈 子所謂 道「十事」皆言 ·但古 時 度文 乎天 損 益 爲 今風 地 白 以 不 世 具 通 無 氣 可 非 其 於 淳 見 骑 知 有 變 道 漓 有 時

公以 小 天 下 下 此 補 與 理之公。 濟 則姦雄 於 天 王道只是公,伯道 其 地 世 私 同 一者, 小人。 雖 流 假 不 丽 者 能 誠 萬 無 也。 僞 物 功, 也 各 只是私。 故其光 遂 乃 費 其 功 性 盡 業之卑者。 明 智 王 正大, 計 伯道 道 方 能 於

合 者 了,其在 心一 公, 此 乎 便 與 天 私 地 則 萬 睽 違 物 帰 同 天 今禪

言 天 者 地 以 萬 片虚 己 物 之 安 靈 頓 私 萬 包 心 象存 放 而 心 欲 裹 强 實 合 不 謬 能 天 矣 地 存 1 萬 也 故 物 陳 欲 獻 章 將

是吾 以 殊 而 神 不 F 身之 識 知 釋 神 爲 氏 識 誤 氣 理 則 是氣之英 認 認 神 不 氣 識 可 爲 0 爲 (靈,所) 理 性是一 理 以以 故 以 吾身之 形 以 妙 圃 作 是 下 用 理 理 . 者 者 是 , 作 作 性 形 用 就

得精。 一一表發之前要操得密,已發之後要察

子 乃 立 爲 不 路 爲正 應曾是 在 重 在 堂於聖殿之後,以 0 上 昔 廡 也 皙、伯 父 不不 見 此 策 亦 在 應 間 不 F 魚 顔 有 是。 安乎? 在 淵 日 下。」答 在 : 道 堂 贵 祀 學 ; 顔 禮 者 有 曾 所 路 可 只 重 子 以 以 於 曾 明 子 : 義 父子 皙、伯 人 思在 起, 以 倫 者 宜 傳 魚 道 别 ? 顔

> 主 事 能 大精微之意,不 者,亦惟 深 子簡當 0 以 得 得 曰 : 聖 聖 古今説《春 胡 人 人 傳 發 程子第一。 「《春 作 心 及 明 經 事 諸 有 秋 之 中不遠 儒 秋》 力。 ×, 意 之説 其 經世之大法。」古今作 者 胡傳雖祖程子,不及 日 故 蓋 矣 以 . \wedge 惟 春 其 輔 $\overline{ }$ 孟 學 秋 翼 春 子、 》當 鄰 之, 秋 於 程 \approx , 以 則 聖 子 天 程 聖 精 子 人 傳 切 爲 程 傳 之 故 E

年。 是 古人已 者,「元」有大始之義。 如 王 聖 此 字 人 不 「元年春 書 稱首年 是 必 或 法 聖人 如 孔 此 子 王 稱。 所 春 初年 所 正 加 E 月」,此六字,聖人 書 只 0 E 9 是一 元 或 月 古 年、 舊 有元祀、元 年 箇 始年。 程傳 史 理,當 者 所 備 書, 魯 而 矣 理 書法 稱 君 皆 日 之首 處 元 是 便 則 年

E 道 ,王道即天理 春 秋 之時 王 也。 道 絶 因 矣。 亂 世之事 聖 人 作 裁裁 經 以 以 天 明

之。 理 立 萬 如當 世 周 之法 Ŧ. 時 不 諸 不 天, 侯 但 必 不 一爲當 書 E 天 世 必 王 而 書 作 $\bar{\Xi}$ 以 也 E 正 之。 月 以 此 IE

亂 鬼 猶 秋 不 神 是 足 書之以 去 乃 非 盟 以 私 如 但 行 以 就 結 此 其 示 公、尚 信 情 私 貶 必 衰 又且 則 行 先 薄 可 信 會 王 , 也 同 義 又 動 雖 0 之 重 褻 輒 不 春 禮以 m 慢 歃 禁 , 秋 \pm 鬼 盟 之 化 必 釋 神 時 成 是 竟 疑 矣 屢 是 則要 故《 崇信 盟 忠 質 信 春 長

賢 心 不 於 齊 詞。 天子、方伯 懇 之 此 得 桓 若私 學 惻 其 雖 兵因 召 禀 所 不 陵 能 誅 命 相 爲 之 惟 乃 IE 於 暴 侵 無 師 恐 心、修身以先之, 可 禁亂 天 伐 補 有 行 王 子 攘 室 功 及 奉 之。 而 夷 摟 烈 不 設 詞 尊、 狄 諸 亦 下 聖 以 之 卑。 侯 此 夷 伐之, 人 功 者 皆當 狄 所 惟 使 猶 之亂 皆 不 恐 則天 齊 爲 非 得已 禀 萬 桓 華 彼 義 命 理 物 有 善 也 舉 誠 之 奉 聖 昭

> 之伯 盟 矣。 著 地 安 假 君 業 今乃 其 臣 位 何 E 義 品 足道 下、 摟 萬 品 諸 物 懷 華 哉 侯 其 遂 夷 伯 其 内 僅 長 性 能 外 諸 各 止 侯之心 楚之侵暴, 止 下 其 與天 所 結 地 將 會 成 使 同 己 結 流 天

道 不 王 祭伯 庭? 一,祭伯 也 來 祭 0 伯 顧 爲 苟 乃 E 來 卿 且. 自 當 無 甘 土 從 若 衰 聊 甚 程 替 輔 矣 下 傳。 王 修 朝 當 德 王 諸 時 與 侯 行 諸 祭 政 侯 伯 書 不 俱 誰 日 朝 失 敢

用 亦 丰 失 如 而 非 未 不 本 辨 此 當 使 之。 意 内 使 中 居 之各 外 或 内 中 胡 或 氏 中 小 外 引内 安 或 四 人」只是 其言王 其 夷, 外 所 君 夷 乃 子 狄 所 德之體 不 自然之理 體 以 外 使 覆 小 也 小 載 如 人 王 之也。 此 道 爲 在 聖 之 朝 證 用 人 用 也 亦 因 也

學。」《 侯 婚 卯 越 禮 於 或 無 館 程 詩 親 子 可 **>** 迎 Ĭ 是 言 考。 也 : 或 「韓 ,故文定引 孟 諸 道 子 侯 侯 ? 亦 迎 不 禮 止 口 \forall 0 以 ,于蹶之里。」似 不 越 爲 諸 曾 或 證 侯 載 迎 之禮 婦 天 子 止 未 諸 當 諸 嘗 侯 親

諸 去 意。 體 註 於 儒 故 多 此 處 朱子 置 但 穿 春 蓋 深 推 從 鑿 其 得 孟 秋 測 斟 謂 天 瑣 聖 子、 億 乃 酌 理 細 人作 以 度 程 權 孔 上 彻 形 惟 子、 子之 衡 去 用 孟 ៣ 以 朱子 子、 默 定 下 堯 行 契聖 白 者 舜 事 程 之學 ___ 王 0 説 子 代 人心 之 因 那 得 具 法, 當 之 形 其 聖 道 事 世 本 人 先 ៣ 之 非 之 原 上 儒 具 事 若 全 者 大 見 傳

私 意 讀 春 秋 **>** 使 人 自 然 戒 懼 不 敢 萌 毫

家

治國、平

天

下

是

這

箇

發

出

去

直 中自 主 敬 有主。 只 是 要 有 得 主 此 一則事 心 物 專 之來 0 便 專 能 照 則 察 内

斷制。

「雝雝在宫,肅肅在廟。不顯亦臨,無

斁亦保。] 此聖人之敬也。

動中之静。 心常有主,乃静中之動,事得其所,乃

勿 又曰 山 日 被 也 助 8 異 . ? 長 程 要息 端 「要得 子 也 説 日 日 思 : 虚 便 : 坐忘,便 静 慮 是 必 了 有 行 便 後 有 其 是 意 ,使 事 是 所 坐 不 焉 無 學 华 志 息 而 者 事 馳 思 便 勿 忙 慮 是 Œ 然 得 0 則 坐 朱 不 心 若 馳 敢 子 勿 0 何 睡 日 而 又

浮躁最害事,輕儇亦然,昏惰亦然。

理 才便 人之才 進。 德 到 誠 須 意、 是 學 Œ 則 心 後 可 長。 德 便 格 熟 物、 窮

小 用之則小治 天 下古 今共 此 小 箇 失之 道 理 則 大 小 亂,大失之則 用 之 則

大亂。誠者爲王,假者爲伯,竊者爲姦。未

有捨此而能濟者。

手段。 父,子 道 或 人 夷 讀《 事 是子 春 狄截 分 長 秋》便見得 殊 然 是 理 分 長 明 , 幼 君是君 而 無 是 各 不 幼。 止 明 其 備。 臣是臣、父是 所 夫 婦、 此 其 朋友 聖 於 天

但 夷之辨 春 秋》 書 其 法 事 謹 事 嚴 是 如 讀 此 之 凛 然 可 非

釋。 矣。 之,亦怨所當 與其 大 之 . 舊 則 此《春秋》之意 其 體 憾 釋怨,欲 平者 於 於 人 輸 處 其 又 新 己 怨 怨,不 其 其 何 好 睦 也 結 宿 怨讐之有 皆 鄰 讐 昔怨讐之意。 也 待 乃 是私 皆 也 平 私 失其 而 怨 意 但春秋 吾 ? 3 屑 道。 心未 其 屑 不 釋 非公平 之時,諸 得 若 嘗 也 已 人 不 循 非 泰 乃 而 然 有 私 天 IE 侯 不

> 己。 不住 誠 程 哉 子 是言 日 也 識 1 得 若 此 不 理 誠 敬 以 道 誠 敬 理 存 便 之 把 捉 而

殺 恃强 碎 己。 無狀 行。 經 衰,又以姓名 不 甚矣。 世 與 爲 其 奪之權 以爲暴,或怠惰 或不當 當時 之大法。 春 於天 聖人之意, 秋 諸 **>** ,隱然見於書 地生物之心 侯 以 爲 日月、一 皆 或 IE 圃 是 大 者 蓋 爲之, 誉 天 乃 爵 IIII 欲 | 誉 理 欲 號 不 或 觀 於 爲 保 知 計 法之中,實 歸 香 之, 誅 私 民 修 品 天 弱 意, 賞 救 省 品 理之正 則 「,或 其 而 時之意、 伯 或 見 不 業 僭逆 當 爲 王 振 之 白 道 前 爲 盛 或 \pm 生 後 而 而 不

其 賊 其 能 被 也 討 弑者,昏惑不 《春秋》凡書弑者,其 賊 内 不 也 · 書弑 不 者,不 書 君 者 미 忍言 知 罪 罪 矣。 當 必 也 或 誅 書 臣 殺 不 丽 子 忍言 賊 不 不 者 赦 能 也 討 則 幸

成 葬 惡 地 者 葬矣。 所 極 罪 以 誅 臣 著 此法 子 可 其 見 無 實 明 爲 矣。 之 則 也 不 忠孝 此 口 賊 聖 揜 全,人道 在 也 言 則 賊 外 専 立 禮 意 不 討 廢 也 不 而 書 不 不

主 底 惜 是 有 中 以 以 别 佛 不 ※安處 又 屑 性 假 其 爲 ,故肯捨身 尋 一箇真 氏 其謬 老莊 誤 先 底 天下古今謬妄, 無 事 故 不 命 認 有 箇 用 妄 性、命,所 我 圃 真 亦 别 · 懸空 又 處 若 然後 屏 至 身, 由 有 在 食 捨 絶 此 想出 雖 我 虎 其 其 之以 , 亦 箇 要 有 m 次。 愚 生 真 其 以 這 以 後 性 無 有 乃 去, 之身,所 身, 有命 般 致 意 心 有 致 如 其 至 假 空 必 以 以 顛 故 常 此 故 亦 物 虚 爲 己 倒 尋 在不 其 不 性 事 既 可 身 無 錯 着 原 生 能 來,反要 事 差 有 哀 爲 亂 命 其 那 性、 生不 無 真 則 凡 也 亦 元 莫 初 心 心 命, 身 身 也。 只 初 不 滅 甚 無 還 棄 是 皆 之 要 心 存 真 足 又 於

> 少 又 不 1 就 好 知 自 人 其 不 己 陷 得。 假 所 反 生 人那誤門中 哀 真 以 哉 身、 爲 1 真 真 自 性 去 其 將 命 説 見 棄 以 流 傳 就 T 真 懸 引 空 底 取 假 了 假 底 底

流 種 便 故 只 是 出 是 孟 子 此 仁者,本心之全德。 從 ·則 日 心 其 箇 地 生之性 「仁,人心 生 上 理。 做工 也。」故 天 也 夫。 地 萬 孔 蓋 程 仁 門 物 心 子 皆 民 只 中 説 愛 不 别 外 「爲 物 無 心 平 他 從 仁 如 此 物 此 穀

之功 ,莫切於 敬 則 心 之 此 體 寸, 恕 則 心 之 用 行。 爲

食, 必生 官 以言取人,須 不 事 得 擾 人, 民 雖 如 多 孟 何 子 益 知 ? Ħ 非 則 但 口 虚 費 禄

自擇。 凡 六部 長 貮 官 則一正 必 須 \equiv 命 於 副 朝 命 於 僚 朝 屬 監 則 **\$** 司 則 長 官

子 如 命 IE 小 此 於 副 則 朝 各 君 郡 從 其 相 則 其 餘 事 僚 類 亦 正 屬 簡 長 副 貮 大 亦 命 者 君 不 於 薦 子 患 朝 必 聞 不 不 得 邑則惟 肯用 者 自 小 蓋 正 君 官

庶 治 休 軄 亂 戚、俗之美惡 爲官 按察之職 庶事 吏之功 治矣 專 責 在 罪 其 於舉賢 而 成於有 進 退 之, 退不肖, 司 則 憲 以 察民 郡 綱 振 邑 之 而

爲

僚

屬

備 議論發 春 秋 越 傳 惟 然 ...程 胡 子 氏 亦 精 有 約 穿鑿過 簡 當 胡 處 氏 詳

以化之, 也, 之。 色之於 無 感應者, 聲 明善以教之,立政 無 以 臭 爲 化 也 治 民 之 即 末 本 所 也。 謂 所 善爲 以 以 本 IE 能 也 之, 治 感 者 應者 制 故 刑 修 身 以 理

陸子說道理多不條暢,說仁、說心亦偏

不出,可見其學之偏。枯。其作《敬齋記》亦踈。蓋形容敬中工

夫

被 非 利 度 不 則 正 利 真 爲 出 是 字 也 知 主。 來 以 韓退之説「詩 記 也 做 其説 出 E 誦 然介 介 許 爲 道 甫 多 主。 理,亦 甫 不 言 書 利 好 「讀 其 勤 根尤 事。 説 是 乃 書 道 聰 有 萬 深 才 理, 不不 明 倍 志 故 想像 利 是 勤 雖 其 其 腹 高 爲 出 是 聰 空 政 來, 學 以 明 虚 功 只

於 漢 於 數 則 E 逐 者 胡 生 以 是 年間 民 夷 功 歐 功 惟 罪莫大 陽 亦 取 漢 則 可 稍 永叔言 天 謂 與 使 非。 下, 有 馬 我 有 生 功。 朝 功 民 唐 秦 何 . 也 矣。 肝 以 則 功 惟 腦 兵力 秦 功 之有 我 三代 塗 以 過 太 地 之 功 相 ? 祖 以 力 半 强 方 三代 掃 下 ·, 宋 戦 取 能 除 天下。」力 取 併 勝 紅 雖 以 天下 吞 巾 下 攻 以 逆, 取 以 惟 合

四

八

之於 誇 其 服 宣 假 財 鎮 使 所 、貢物。 E 亂 可胡 孟 威 之,守信義 高 力,待其自 虜,又其下 驅之出 華, 禦夷 獲,又其 越一 麗 各安其 竭 狄 家」, 自古待 塞 之道 耗 次 以 不不 格 中 也 也 格之,備 縱 所 當當 或 使 夷 而 使 而 狄 漢 修 以 爵_ 分背之, 已,不 亂 武 惟 事 華 德 華 要害 之於 夷狄 其 以 舜、 口 宋 服 此 次 以 徽宗衰 貪 匈 禹 下 其 限 也 征 其 奴 E 立 也 隔 三苗 土 唐 也。 孔 之。 兵 亂 地 太 至 明 威 不 於 貨 周 威 不 以

之將 斨 周 消 有 謙 公之 誰 而 恭 周 下 不 知 E 又曰 公東 ?此 心 能 土 介 時 知 甫詩言 :「公孫碩膚,赤舄 征 是 詩 脱使 者 四 據 × 哉 或 日 他 二公俾早 ? 周公恐懼 是 地 皇。 當 頭 既 時 説 破 哀我 六 死,0至 我 流 贵 軍 几几。」非 斧, 言 人 有 萬 斯 日 又 姓 心 今真 缺 皆 亦 通 王 能 我 莽 孔 乎 僞 知

> 照 詖 非 中 少 知 文飾之言 者 矯 ,然其過 周 情 如 公 此 干 者 其 譽之事 乎 服 ? 亦非 垢 發 弊 於 王 難 外 包 莽 飾 知 者 藏 之 爲 也 必必 禍 姦 節 心 但 儉 有 之謀。 雖 不遇有道者 赧 假 當 然之色、 爲 時 謙 其 識 恭 藏 之 偏 者 以 於 無

其 若 持 知 後 也 錫 心 愛其 虐。 乃 以以 命、 不 也 其 愛 敢 封 圖 征討之法以 使生! 其 縱 建 日 又 民 久 恣 乃 必 民 以 兼弱 安,至善之法。 民 古 有 吞 固 則 各有、 併, 聖 邦 了、「攻 衆 賢 人 本。 然 統 不 主,主各 勇 擇 御之。 亦 爲 味 智 惟 賢 不 用。 起 昏 以 敢 天 愚 分 取 而 愛其 不 及天子 故 救 之 子 治 自 亂」、「侮亡」, 中 之, 甚 又 公公 民 愛 才 有 無 其 湯 然 之 天 道,然 慶 民 下 武 後 讓 也 是 肆 亦 維

⁰ 「二公俾早」,正誼堂本作「當年身便」。

治 爲 聖 則 文、武,方能行之。 以 其民,民 王 亦 盡 侯,方能 日 封 之政。 虐 土 E 勢使然 · 秦 固 一荷 建 不 民者必更之,立賢主以養其 地 不必封 以 不 作 非 人 必 天下 君國子 可 雖行 也。 其 民 不 無 復, 人,道 建 自 服 爲 有 封 蓋 也 誣 民 己私 私 能 建,未必 國 以 矣 以 伐 不虚 又必得仁厚有 秦之昏暴,固 因 必 承 乃 暴 生 秦 天 救 但 行。」德 文 亂。 得 之 子 民 郡 郡 人以主 暴 休 縣 者。 借 縣 丽 命 必 得 使 以 民。 叛 不 及 人 如 其 能 爲 德 能行 論 亦 焉。 吞 禹 國 治 服 周 爲 者 可 併 湯、 養 衰 諸 爲 先 以 故 亦 此 已

程 子 論 井田 治 法 必 ,及經界 當復,封 加 建不 不及 復猶可。 封 建 故 明 道

害 堪苦。 百 姓 王 介 訓 若得 甫 練 保 頻 甲 人行之,因農 數,有違 法 非 不 農 善,但 時 隙 騒 小 田 然 人 狩 成 爲 以 官 講 武 民 虐

事,有何不可?

必矣。 其明白 禮 開 自 謂:「上古雖 過 大道 不 不一 公必不令外史掌之。 後人稱述當時失其 大中 樂政 於朴 可 堯舜始。」斯言得之。 。」既言大道,豈有不 通 ,孔子不當删 三皇之書, 孔子 素簡 曉。」 教 者 至正之道未 方 亦 静 欲 極 無 亦 有文字,制立法度,爲治 非 爲 明 害。 不 謂之三 萬 應 備,存之 去。 後 世 竊 盡 世 盡 義理者。」既 蔡氏謂: 立 意三皇之時 脱 所 明。 墳,言大 孔 法,故 落 宜 氏 無 乎? 或過 者 言 害 雖 去之。 道 於 周 或 簡 失 後 懼 程 也 渾淪 脱 義 編 公之時 世 風 覽 子言 有 落 理 脱 程 爲 氣 者 既 跡 周周 害 或 乏 初 存

民,使之有業,効勤 强 者 爲 歷 强 觀 盜 爲 盗 弱 者,多是 者 爲 爲 先 竊 游 盜 也 民、 故 懶 先王 惰 者 必 爲 /禁游

是 興 第 其 爲 同 等 然 治 事 之善 之 道 有 心 者 是 不 . 頭 口 修 廢 身 等 明 0 事 德 • 處 以 置 感 得 發 宜 作

篤 則 心 心 無 無所 用 放 加 只 仁 要 在 所 其 越 中 正 窮 理 明、 力 行

防謹密,不使萌於再。
人一縱於慾,德即敗。雖改之,又當關

然。 胡 魯 氏 君 以 書 爲 薨 貶 外 鰓 諸 恐 侯 穿 書 鑿 卒, 亦 書 法 之 自

門 省 能 伊 平 其 見 ĵ۱ 實 自 此 人 知 理 心 之 精 楊 民 幼 過 象 之 言 簡 間 與 確 Ш 於 無 以 事 伊 天 似 高 始 問 Ш 象 資 有 大, 又 末 答之間 不 高 傷 Ш 預 ,忽省 存 合 其 必 知 力 心 者 有 心 死 量 過 凌 此 伊 忽 期 大,用 於 其 虚 心 省 川 簡 則 之 晚 駕 此 收 易, 異 年 空 無 力 斂 心 學 之 甚 所 之 故 謹 身在 無 意 清 切 不 密 人 疑 通 9 於 明 此 故 其 但 此 此 禪 其 聞 忽 處 其

> 過 密 發 化 風 亦 大 非 過 於 也 ,先生之變化也; 工. 餘 揮 儒者之傳授。 空 高 夫 烈 ; 議 流 鬼神之不 虚 之言矣。 不 論 也 甚 傳 廣 分 不 大 明 泯 剛 每 口 其 勁 讀 ~ 測 故 天 然 行 有 象 規 細 地之廣大, 先 狀 悚 Ш 模 推 > 言 生之不 之文 動 腔 之 人 殼 則 處 筆 雖 先 於 可 兀 大, 力 聖 測 故 生 時 精 未 賢 之 之 其 也 健 免 細 遺 廣 變

顔 子 非 顧 禮 諟 勿 天 視 之 明 聽、 命 言 是 動 事 孟 事 子 不 「必 違 天 有 理 事

焉

」,是:

此

等

工

夫

難 都 保 則 不 是姦 身、 其 口 在 行 聖 身。 詩 世 賢 計 事 <u>※</u> 言 若趁 俱 身 小 幾 無 人。 E 明 亦 利 所 先 哲 其 益 避 聖 見 保 出 害以 賢 身」, 來 道 若 小 保 理 不 不 與 身, 極 識 是 天 明 非 事 下 趍 幾 老 許 俱 利 , 徒 佛 多 避 安。 莊 事 出 害 列 業 犯 道 以

小人敗天下,喫緊是移惑君心,又引小

人來居安位。

湛 有 其 亦 照 雖 腔 主 異 然 甚 端端 照 則 看 日 子 在 矣。 裹。 其 看 無 空虚 不 程 「空寂」、 内,而、 箇 可 子 心 心」,然 謂 聖賢則 其 發 之惑。 , 兩 心 絶 心 心常有主矣 日 在腔子外則 相 光明常 滅 有 無 亦不 持 收 思 異端 主之説 攫,如鷸 斂 心 慮 能 莊敬 在 固 心 又不 使截 者 擴 不可 不 不 其 蚌 пŢ 可 μŢ 前 然無 如 謂 相 ',亦不 謂之放 謂 聖所 心 此 放 似 肅 存 則 也 丽 其 然在 未言, 而 又 可 在 在 無 只 故 謂 謂 外 此 内。 主 1 又 在 • 有 破

有 其 不 不 土 愛 可 可 地 復 養 復 封建諸侯 者。 者 人民,天 品 恐 域 以爲可復者,使民各有主, 世 周 、先儒以爲當復者,又有 子 襲 密,無天下土崩之患。 難 封 制 爵 或多 ,易爲 驕淫害 亂 叛。 民 故 無 或 以 以 以 據 賴 爲 爲

> 能 乎?」曰: 之法 百?」曰:「但 井 有《關 定之論。 日 孟 主,皆當勉力行之。 然井田之法,所制 足 田 以 行 子 $\bar{\Xi}$ 緩緩 度。」 王政乎?」 爲 言 雎 政,徒法不 莽 百 於 》、《麟趾》之意 愚嘗思之,惟孟子有言 可 則此法 里? 以小人竊君子之器,覆 封 建。 當當 ! 日: 百里。」曰 當 非 能 或 民 依 故孟 聖王 以 日 「王莽何以不能行?」 産以養民,雖中才之 ^ ,然後 : 自行。」程子 周]: 「郡] 一不能 、程、張、朱皆急於 設 禮 口 行 > 行 言 縣 以 封 「徒 之, 可行 行《周 亡不 五 建 日 白 當當 審矣。 井 善 暇, 一必 官》 依 田 示

道 厲 時 一,甚可 ,所守不確 已 與道 楊子雲之言 今人爲學,多在聲價上做。 .惜也 離 1 也 1 才氣高 沉 盡 晦 者 見 生 有 道 T 此 大,終 不 病 明 如 也 不 此 辭 則 可 得 學 不

成 得 韓 箇 退之説 私 意 ,天理之當然則 上下之交,只説 不 得 知 也 箇 事 勢

謀 子以 問 然 此 日 者 此 言 「羊、陸 、欲其 是 爲 雖 兵法言 聖 説 敵 是,亦偏 賢 家計 國 歸 兵 如 : 相 於 以 何 「須 事 傾之謀。」 義 義 ? ·, 須 也 動 使 須 日 非 使 更 兵士 自 : 使 敵 一羊 私 問 不 愛 人 畏 用 也 祜 將 亦 將 「聖賢 許 知 是 如 過 多 愛父 畏愛方好。 私 機 如 意 如 畏 阱。 兄 故 何 敵 ? 也 所 程

長。然又須養氣以充之,存心以察之。 人苦無才,此只是不窮理。理明,才自

有德者易爲才,有才者易爲德。此才

德相資處。

立 不 異 口 端之學 强 梁 益 雖 甚 不 正,所 吾黨之士 守 甚 却 堅 多柔 確 故 多 自

異端與吾儒初然只争毫釐,其中不啻

失

所

守

首 千 口 從事 憐 萬 其初只是好 用 里。 實 生 蓋 上學 工 在 夫 源 以以 高 頭 大,喜 雖 致 差 如 要做 1 此 虚 末 好 静 人, 流 不肯 愈 終 IE 斂 成 不 大 心 得 俛 罪

教 丽 , 教 小 君子 則 不 必 待 待 刑 刑 加 方 常 有 存 所 戒 戒懼 懼 ··,故 故 自 刑 能 所 以 立

是 讀 操 書 持 孔 窮 力 門 理 行 之 事 不 事 教 不 惟 如 博 如 此 文、 此 則 約 無 無 以 禮 以 有 明 諸 事 諸 己。 0 心 博 約 文 是

自 己 已 獨 知 者 T 0 分所不 此 君 知 子 所 然 謹 此時 也 善惡 甚 昭

所知 言 便 只 有 説 至 覺 朱 心分爲二底 「常惺惺 也。二 子 静 日 之時 此 静 爲 而 意思。 至 常精 但 常 論 有 覺 能 明 朱子 知 則 似 能 於《 可 説 覺 者 重 中 説 T 庸 而 常 些 或 未 覺 間 子。 有

不矜細行,終累大德。

將 生 數 治 行 荀 併 多 未 每 亂 賊 而 田 田 得 至 畝 口 海 悦 貧 税 一之數 誤矣 隨 君子不爲用。 九九口 少,養 以百 内 若聖王 下。 之 五 天 Ŧi. 井 高 人盡 之 地 論 田 口 不 低 間 漢文帝 步 蘇氏、 \coprod 什 是 或 不 口 , 力 唐太宗 品 長 得 許 爲率,分 也。 過 給 益 中者 耕 畫 多 人 短 乎 葉氏、 種 任 盡 人之生 如 已定 人。 漢 王 九 七 濶 小 ,富者分 職 何 赦 П 莽 雖 口 ? E 人在 Ц, 狹 分授 田 三十 既生之, 欲 馬 舉 籍記 别 無 税, 中、下 六口; 行 每 井 日 氏 行 位 窮 區 田 井 税 去 : 皆 貧 \blacksquare 天下 品 以 吏緣 田 民 而 以 ·三等: 必 天 遂 只 處 下者 百 半,是十 未嘗受惠 行 人口 致 爲 能 恐 然 地 然篡逆之 畝 爲 真 貞 養 間 豪 將 或 畫 Ŧ. 姦,騷 爲 之數 L 之。 觀 不 强 氣 來 成 日 率 等 只 之 品 可 分 兼

顔

子

之才密

孟子之才

大

減 品 田 而 以受之。 爲 + 加 日 人 減 之。 亦 而 可 品 只 畫 少 要 己 則 均 有 每 平 定 品 數 不 四 拘 五. 多 人爲子 亦 少 0 口 多 , 當 則 而 增 以 每

君 大 子養其 氣麓則才 論 人之氣, 德 氣以 則 顔 踈 貴 至 子 乎 剛 優 才大 剛 大完密,則才 於 孟 而 却 子 踈 怕 成成 麄 論 0 少 才 德 氣 敗 · 只 一 多 剛 則 般 故 才

乎? 之心 日 以 0 年 或問 相讓 只 長 分天 看 而 道 下而 加 功 共治。二日: 理 多 湯 合 者 治 武 如 爲 乎? 同 何、安 君 時 共 以 而 然居 蓋 天下 誰 生 聖 爲 之。 人 争 而 君 無 乎? 治 圕 乎? 天 曰 下 讓

得 無 ___ , 無 世 謝 道 間 顯 道 無 有 言 這 不 箇 得 活 鬼 弄 神 底 道 道 有 理 便 有 有 9 道 道 無 無 不 便

諸 子 不 理 得 制 人。 房 及 馭 侯 不 封 見 之 周 是 建 可 後 其 術 得 行 武 更 卌 害 事 樹 以 E 其 未 勢 民 智 兵, 勢 嘗 所 如 透 叛 力 封 不 有 張 何 上 取 子 愛 可 子 封 必矣 天 弟 行。 養 房 得 下 功 斯 説 六 臣 秦始皇、 民 漢 或 其 之誠 ,皆是 故 後 高 治 後 德 ? 天 世 心 業 李 箇 下 是 封 斯言 事 享 乃 如 李 建 功 富 把 何 斯 非 俱 X 持

得 語 不 王 孟 哉 天 毫 伯之間 口 子 理 與 人 堯 董子 欲之 伯 夫 來 雖 以 同 用 然 學 蓋 私 日 皇、 便 只 伯 帝 ൬ 純 帝 是 之下 語 王 伯 假 矣 無 者 Ę 使 乃 異 康 豊 伯 元 女 道 節 是 可 雄 並 是 出 與 私 數 夷 純 來 帝 意 狄 乎 做 便 王 之道 天 事 不 縱 同 理 相 年 窺 必 倫 又 無 在 而 測

就 規 矩 莊 準 子、 繩 邵 便 子 到 甚 邵 大。 子 ,邵子 若 論 反 規 IE 矩 之 準 漸 繩 至 莊 口 子

到孟子,孟子完養純熟可到孔子。

誤 以 物 爲 矣 所 是 張 由 子 生 太 以 和 故 太 者, 日 和 道 爲 也。 保 道 合 體 就 太 以 蓋 和 太 乃 太 和 和 利 爲 是 貞 道 氣 所 萬

佛 爲 以 頭 反 宜 知 宜 害 ? 上 治 亦 而 以 本 天 曉 者 人 此 爲此 此 下? 得 截 也 不 心 感 先 0 心 過 服 而 則下 心 王 百 者 彼 處 一之治 此 日 此 置 應 理 亦 理 者 上 截 無 所 老 心 做 不 可 亦 以 佛 同 心 謂 同 偶 難 不 只 此 同 能 中 復 知 想 非 此 理 知 耳 也 真 像 上 也 理 上 能 豊 也 或 箇 知 能 截 秦 截 萬 道 盡 漢 處 既 置 得 殊 理 何 以 所 以 老 其 得 原 下

意 朱 放 子 開 疑 上 反 之, 蔡 記 成 以 明 病 爲 道 既 痛 語 得 言 後 愚 心 以 既 胸 爲 自 得 得 然 後 後 開 放 須 泰 開 放 雖 若 開 似 有

此 太 其 顔 故 涉 早 樂, 程 安 地 子 流 ,求樂太早,皆流 之 尋 排 於 所 樂,所 顔 莊 有 然 樂 子之樂 佛 便 何 病 來 以 痛 事 又 自己 卒至 尚 有未 處, 便 小 要做 身上 一狂妄。 是 於異端 能 今人 要見 克 顔 尋樂乎 子 己求 未 得 殊 I. 得 孔 不 夫 ? 前 顔 知 先 周 求 先 因 故 放 要 子 放 至 其 開 求 開 乎 有 **\$**

其 是 孟 吾 矣。 恶。 爲 制 頭 性 子 性 作 聖 己 言 荀 節 錯 中 之。 此皆 殊 荀子只「性惡」一 子 不 所 出 性 其 末 在 吾 知 造 善 欲 聖 流 本 義 天 性 作 成 人因 無 在 高 原 教 中 僞 本 F. 其 化 地 所 爲, 是 見 뻬 源 德 既 下 具 以矯 成 處 錯 E 成 句, 之 萬 之, 0 此 見 ,又足 理 故 物 足見 故 人 諸 得 則 白 散 聖 之 其 事 是 事 性 以 殊 人 性 禮樂教 以 壞 皆 善 E 故 因 禮 了 而 而 無 其 白 而 禮 義 化 疑 情 事 化 品 制 教 人 是 矣 皆 自 養 之 行 化 節 源

萬

物

,故背逆天地

純絶

滅

人

物

川 爲,其 天 性 當然,人性之固 E 理。」 善最 程 性惡 子 荀 罪大 言 子 盡 則又曲 木 性 矣。 朱子 知 遂 即 加 性 以 有 理 蓋 詳矣。 又曰 之 禮 也 禮 聖人 爲 義 義 理 • 真 教 教 因 性 實 只 化 化 ௱ 者 精 在 政 政 裁 情 切 刑 刑 制 欲 皆 生 皆 發 之。 聖 所 明 天 看 禀之 人 理 惟 孟 之 伊 僞 故

地 不 萬 怒而 物睽 人心 不 民威 愧屋 隔 公便與 於鈇 漏 釋氏 天 鉞 便能 以 地 自 同 到 篤 私之心强 體 得 恭 不 而 才 天 賞 私 下 包 ጠ 平 括 便 民 與 勸 地 天

高 莊 老。 佛 廣 大 0 清 惟 固 乃爲 窮 難 高 理 得 固 IE 之至 廣 好 學。 大 然 者 清 循 然 高 乎 廣 太 理 大 過 太 則 過 則 不 人 見 則 於 其 於 黄

宰相之職在於進賢退不肖,進賢退不

肖 窮 在 理 ,窮 於 能 理 知 者 人 在 於 知 讀 人 在 於 論 修 事 推 身, 究 修 到 身莫 極 處 先 於

惡」、楊子 性 故 清 濁 所 善 其 其 清 有 而 而 人 者 論 有 一,流 善 中 賢 濁 物 言 禀之理 是是 性 濁 亦 • 愚 偏 者 , 理 於惡矣。 程 韓 愚 至 兼 爲 但 善 無 正 氣 理 子 性 周 退 賢 者 悪 於 水 理 而 不 也。 之 言 之言 善。 言 者 之 與 是 因 程 善惡混 原 蓋 分 氣 ; 焉 善 其 因 故 其 張 本 所 水 孔子言「 然 禀 分, 其 古 孟 氣 交 性 善 以 之 氣 朱 而 性 感 之 子 」,失之遠 有 本 加 發 之 源 言 言 禀 濁 始 也 錯 賢 然之善 而 於 本 清 備 以 綜 性 品 性 愚 惡 爲 清 如 而 X 益 蔽 善 相 善善 亦 陰 清 能 若 便 參差不 其 流 是 近 未 悪 不 陽 荀 者 , 是 有 明 理 嘗 出 專 出 口 五 子言 爲 善 其 就就 去 指 不 就 而 不 矣。 行 有 水, 理, 齊 便 存 謂 氣 氣 所 失 以 惡 性 有 生 其 之 禀 禀 有 生 平 雖 而 加

> 暴 川 然比之昏暴以 ,必不 之言。 紀 去也 侯 紀侯 大 一去其 致 微 則 滅 弱 國 齊 Ť 不 襄 者 能 以 之惡著矣 非 有 守 齊 間 國 之 矣。 固 罪 不 非 9 爲 恐 逼 無 於 非 强 伊

誠 心 意 故不 相 以 乎 功 能 ·, 故 利 保 相 始 其 合 終 終。 如 必 以 有 0 道 争奪 合者, 之嫌 各止 猜 其 忌 所 之 而

地 謂 夫道 然 真 在 不 省 在 自 實 察 也 人 可 自 更 懇 使 然 以 便 莊 理 不 然 無 此 到 當 實 古 子 私 檢 乃 是 莊 爲 出 有 動 窮 意 束 自 子 平 諸 究 輒 助 聖 則 然, 所 本 切 己 説 玩 長 人亦 道 棄 以 索 心 不 箇 以 發 理 之 叛 去 用 自然 鑿 揮 以 自 與 自 此 平 安排, 之。 推 求 我 然 然 理 道 無 其 廣 9 不 循 而 也 若 爲 相 以 所 不 説 不 心具 乎天 管 及 以 須 箇 爲, 其 任 攝 於 然 造 曰 説 非 理 冲 無 作 似 之 漠 聖 其 操 爲 自 是 然 天 所 自 但 存

之自 事 但 禮 政 但 以 H 無 而 之道 非 教 月 以 出 成 息。 非 無 之。 「然,冲京 出 肅 爲 爲」 肅 有 實不知天地聖人。 純純 秩 春以生之,夏以長之, 於真實之理, 於至誠之心、 所 之以 之 鼓 智 寞 口 勉 以 亦不已。 之以 虚 强 以 也 刑 霜 静 爲 禁。 雷 雪。 私意造作, 非 以 鑒 霆 爲 如 人莫測 謂 謂 潤 至 無 莊 感之以 以 之「無 之 實之理,行 子 之以 夫天 爲 爲 也 之棄滅 謂之「自然 無 愛, 其 秋 德 風 地之道 爲 爲 所 義 以遂之, 化 雨 爲 禮 以 其 導 可 明之 可 也 至, 至 法 爲 所 乎 之以 乎 制 付 以 謂 無 ? 聖 誠 ? 冬

神 氣 ,道理已 莊 周 所 謂 離 自 了。 治 • 只 是 存 得 自 己 箇

死。 蜂千 萬 幾 次 共 臣 之 思之,心 E 義 其 性 甚 王 分 慘 已 所 死 怛 古 0 有 衆蜂 物 性 吾 亦 之 食 幼 固 盡 時 有 見 而 如 共 密

此,因可驗人性。

子則 地 釋 侮 老 氏 氏 聖 則 人 雖 侮 背 矣。 天 聖 地 莊 人 矣。 之 子 道 雖 侮 未 聖 敢 侮 未 聖 敢 人 侮 天 莊

以 可 書 保 類 以 應。 天人 也 見 人爲 氣 知此 脉 所 則戒 常 感。 相 懼 嗣 《洪 修省 範 春 》。 自 秋 不能 徴 **>** 凡 休徵, 己, 災 異 或 各 必 家

得 到 心 萬 理 咸 備 7 無 肵 不 有, 只 要 修 省

者 則 I 只 尋 非 天 箇 莊 下 是 子 只 處 却 有 要 志 箇 其 是 是 非 非 0 ", 不 順 理 加 則 省 是 察。 背 儒 理

且 不 能 天 違 地 沅況 萬 物 於 人 乎? 理 之 所 況 爲。 於 鬼 是 神 理 平 ? 處 天 地

智計 立 人之道 處 事 日 不 與 心 義 服 私 甚 則 事 殊 出 得 也 ?

Hî.

八

義 是 伯 則 者 敗 亦 要 假 1 義 方 做 得 事 成 若 背

録 亦 怕 偏 人頭 大學》、 將 處 來 最 \wedge 論 偏 怕 語》人 差 到 底 將 則路 後 要 無 從 頭 救 小 IE 處 學 矣。 · \ 人 近 頭 思 處

安、夷 身,非 就 義 於仁 設 氣 同 百 亦 流 施 不 數 尊 亦 然原 者 過 措 義 邵 而 有明 發 狄 王 不 欲 言 康 置 而 遠 大 能 III 室、 成 其 節言 린。 也。 雖 德 有 爲 遁 使 己 心, 能 攘 新 愧 用 信 之功 皇 伯 以 假 夷 民 矣。 萬 其 非 義 之學。 理言之,帝、 仁 則 帝 狄 物 視 有 感 名 義 自 主 各 帝 乎、 1. 伯 安 故 齊 得 結人 E 民 業 、伯之道 中 E 其大本 其 桓 其 之心 愛物 而 室 或 功 創 所 心, 己 一真 E 罪 始 與天 亦 之 相 尊 無 此 固 匡 下 誠 可 觀 其 半 已 謂 中 其 與 地 効 以 , 一道 天 虧 之 論 仗 萬 利 或 有 天 世 下 矣。 害 所 信 爲 地 物 真 其 變

> 世 仲 伯 也 上 原 或 大 處 雖 真 相 其 下 弑 者。 圃 大 尊 抑 等 中 猶數之也 或滅 不會 雖 者 0 之 由 或 其 邦 然,自三 故 心, 。 皆 憑 如 畏 其 是 遂 當 陵 孔 其 因 夷 號 感 時 子 或 譚 齊 力 孚天 狄 然 **\$** 雖 降,是 猶 E 小小 桓 以 威 僭 未 以 有 以 失禮 無 能 Ŧ 權 下之人, 邦 取 下, IE 之 尊 悉 盡 中 懷 焉, 心 丽 號 E 攘 歸 功 或 其 誠 未 伯 未 德 也 邵 亦 爲 意之學 滅 是 0 革 有 主 子 未 名 以 文 大 當 也 於《 能 其 功 戎 於 王 王 時 真 餘 皇 烈 之 當 室 無 秦 夷 齊 安 或 之 爲 未 晉 猶 時 桓 以 極 也 卑 恃 格 方 雜 楚 能 經

緊 貴 博 不 至 學者工夫, 而 迫 不 貴 怒 雜 不 至 寧 貴 暴 下 精 愛 而 而 勿 不 不 至 貴 高 溺 玄 金 寬 沉 不 ∭ 至 勿 慢 浮

致 處

老佛 主 一忠信 所以多許妄者,實 便是實 行。 知識 理先絶於内 有 餘 而實 行 也 不

足, 無以有諸己

天理至實,故 忠 信 便存 得 天 理。

莊 周 所 謂 自 然 非 循 乎 理 之自 然,乃一

樂 切 政 棄 刑 面 皆 不管 無 任 所 用,反 其 自 然。 謂 聖人 所 以 不 曠 死 湯 大盜 不法, 不 禮

息 欲 剖 斗 折 衡 使民 不争

超 向 不 IE 一,與 聖 賢 之言自相背馳, 如 何

讀 得聖賢書?

今人只將聖賢之書資口 無干 語,作文章 9 與

自

己身心全

涉

也。 之民,斯爲天下 至孔子 古者必 德 德 足 雖 所 以 宗 足 感天下之心,功 以 ௱ 感 爲 天子 服天下之心,然無 ,唐虞三代是 覆 天 下

居業録卷之二

蓋 姦計 亦 又 屏 及 人,豈能服萬 天子之薦, 面 勢然也 斯 不 夾 得 古者諸侯萬 遇 輔之勢, 天 民 而 聖王 下者。 所 得 天下 以 又 之興以 終 而 國之心 無 國 自秦立 者 姦 爲 白 雄 疆 甚 里 兀 收之,故 ? 往 域 之 多 夫。 郡 往 嚴固 地 , 故孟 此 縣 以 自 以 之後, 亦 智力 非 强 爲 秦 子以 時 力 而 因 首 世 勝者得之。 智計 故 下 無 爲 出 不 諸 無 以 庶物之 功 同 相 德 侯 不 强 角, 也。 翰 力 不

賤 府買 民 有 賣之,皆所以 ,皆公而 則糴之以厚農,穀 市易和買,皆私 貨之滯 天下 ·只有 於 便民。 公 民 後世 者, 私 利 其 則 於己。 貴 及 義 至 心公,其 則 民 利 於 以 之 兩 和 原 古 急 端 糴 有 價 於 事 强 耀 平 ^ 義。 用 周 西己 之 糴 則 官 皆 0 以 後 出 泉 私 救 穀 世 而

0 平」,原作「乎」,據雍正本、正 誼堂本改。

五九

而利。

棘。 仁義之外 先 儒 言 . 無 王 功 道之 利 舉 外 皆 無 禍 坦 殃。 途 此 舉 推 皆 其 荆

理 之自 莊 然 子 所謂 也 自 然, 乃 棄 滅 道 理 而 不 爲, 非

極

面

言

也

者 理氣之妙 太 極 者 運 理 也 也 陰 陽 者 氣 也。 動 静

司 九 不 相 日 道 食 九 H 相交,則 者 月 百 交 四 度 會 + 雖 H 分 耐 相 食 日 H 同 食,是 之四百 而 道 不 月 九十 相 掩 交 日 九 也。 而 每 <u>-</u> 度 會 相

象。 陰 衰 在 子,行 故 陽 月 氣 程朱説 光 虧 之 虧 到 盛 盈 午上 日 之説 處 月 月, 9 運 遠 則 以 各不 行 日 光 爲 不息。 則 在 同 月 勢 午, 近 盛 程 本 行 H 而 子言 則 無 到 氣 子 威 盛 定 損 上 日 之 故 而 則 月 光 形 光 氣 乃

> 則 近 間 缺 速 影 而 盈 有 全,受光常 程 是。 見 月遲,是以 IE 正 如 子 對 朱子 其 日 側 丸 亦 以《 月 則 IE 不 如 有 用 近 同 H 書》之「旁 滿 毬 理。 會 則 先 射 或 E 月 而 人 本 乃 儒 近 在 之言 IE 則 陰 而 無 或 交 見 陽 下 月 死 死 遠。 則 其 見 之精 食 魄 生 以 月 ご、「哉 其 光 虧 月受 日 二説 掩 全 運 側 盈 月 , 乃人 H 日光 遠 側 有 行 生明」論 不 而 則 則 不 同,朱子 H 見 見 體 定 人 息 食, 在 其 之 魄 之 常 形 望 光 則 中 H

主 較 利 則遇 君子以 害, 天下 難 則 縱 處之 本 有 有 心 難 才爲幸,小人以 事 亦 處 越 自 之事 難 泰 處 然。 ·,若 矣。 順 若 無才爲幸。 理 不 處 以 之,不 義 理 計 爲

蔽 方 與 以 理之至當, 此 人貴平 力量堅 有 力量 執 方不 不 口 負 然當 則 此 力 精 爲 害 量 求 尤 聖 甚 若 賢 理 用 力之 所

之教 病。 於大學。 進 步 古人 處 不 今人才氣高者,便入異端去。 行,學者無基 存 皆以 心 之法 虚 静 存 具於 本, 心 小學,人道 大學之教 懸空求道 不行 故 之門 自小學 有 由 此 無

無

有

能新

其

民

者

故 欲 只 是 斷 博 不能 制 通 鮑 多 古 魯齋作《天 今; 差。 有 諸 但雜 己。 原發微》,雖 圃 馬氏作《文 不精, 胸中元無權度, 欲 獻 窮 通考》,雖 深極 微

括 蔽 宇宙,便成狂妄,流於異端 固 ,則當致其 此 心 本 與 天 (克復。 地 萬 物 若欲 同 體,但 以 吾之胸 爲 私 次 意 包 所

體驗,有所得,然後方可博觀古今。學者當以《小學》、四書、《近思録》熟讀

《大學》言「明德」、「新民」。●「明德」

之説; 也。 自 明其德也。 故曰 秦 愚 黔首 先知 新 後 覺後 民」,推以 世 知。」 向 只是欲 自 及民使之自新 [老子 愚 有 其 愚民

爲敬也。 意,程子是言外意 文而 必 言,敬在 有事焉」即 朱子以「必 義 中 主 有 爲 事 本 焉 無 也 適」,故 爲「 朱子是本 集 程 義 子 以 文 因

學不爲己,讀萬卷書與己無干。

則皆吾事也。 有 爲治之法 理 ௱ 後 「當因 有 氣 事勢而 有 氣 則 裁以 有 象、 天 有 理 數 故

僻, 理、 除雜亂 氣、象、數皆 聖學 以 ,立大本。 敬 爲 미 本者,敬 以 知 吉 叮 X 四四 以 去昏惰 者 本 Ē 也 邪

■「大」。原作「太」,據雍正本、正誼堂本改

爲己,

勿忘、勿助之間是本心正處、天理妙

處、人欲静處。

泥古則濶於事情,狗俗則傷於苟簡。

二者皆非天理時中。

做 凌 王 正。 一,何 逼 得 晉文則 齊 到 也 力戦 桓 此 ? 分 屈 日 : 全用 際。 文皆以 楚 不由 一威力 桓 非 之 有 仗 力 智 事 聖賢 義。 假 計 雖 仁, 其 然 E 之學,怎 勤 然 則 意 齊 桓 王 則 者 桓 公不 私 能 反 頗 能 成 致 只 近

惰 如 而 不 氣 人 生 昏困 自 人之學,先 清 是氣 集 義 故 養 持 香 在 氣 志 也 持 亦 在 由於此 其 敬 若悚 志 蓋 然 志 嚴 自 肅 持 則 之 則 地 動 志 氣。 昏 立

E

業?

端莊嚴肅。

程 子 者 日 誠 也 忠 - 3 信 主 IIII 敬 出 也 忠 信 由 丽 敬 人。一爲 學

之本也。

此 爲 南 學,固 南 軒 善乃 軒、 Œ 己 董 其 人性之固有, 爲己 與 子 義 道 心 不 者, 謀 離 術 之正 矣。 其 無 利 所 也 人之所當 明 爲 其 而 不 道 然 然,是 者 不 計 爲 也 以 其 董 故 私 功 張 意

之利 時 損 益 五 倫 人才, 萬 萬 古 古爲治之本。 不易之道。 經 法 度 萬 則 古 不 口 易 因

知。 聖 程子 學 用 日 功之要莫 : 涵 養 須 切 用 於 敬, 此 進 學 則 在 致

之。 與 亂 小 所 人 出 君 由 「仕者 爲 子 分。 黨 與 ,終必 亦當自守,不可 小 君 人勢 人 者所 敗 不 也 兩 當 立 精 誤 互 察 爲 人小人之黨。 阳 消 辨 長, 以 進 此 退

推 訪 選 欲 天 舉 下 法。 治 其 須 本 得 在 賢 才。 於 君 欲 身 得 修 賢 君 才 4 須行 明。

欲君身修在於學。

孔子教人,便要使人有諸己。

學爲己,方有着力處。窮理則達,力行人多昏困,只「整齊嚴肅」四字整得起。

則有諸己。

第 士者 《周 取 禮 亦 人,人只去麗其 以 》資 科第 知志於爲善,德 興 法,只 取 人,壞 推 辭,不知志乎善矣。 了多 訪 可修,才可 薦 舉 少 人才? 猶 口 進。 得 若 今科 不 行 爲

明 在 看 善惡混 備 情 故 慾 孟子 以 E 性 在 看 有三品。 本 故 程朱道 原上 以 性 兼本原 看 爲 楊子 故 惡。 以 見道 氣禀 韓 性 子 爲 不 而 在 善。 明, 言 氣 斯 故 質 荀 子 爲 上

勇 年 力 魏 可 孔 屈 取 明 不 不死 敢出 或 日 魏 戰 必 「使伊、周 三軍之氣 口 滅 彼 爲之如何?」 己 時 喪, 司 馬 懿 智

當也。」曰:「聖人德化速、設施大、尤非魏所

能

學不爲己,雖博觀廣取,義理無湊

泊處。

己者,無所爲而然者也。」朱子深取之。 有所爲,皆是私意。故張敬夫言:「爲

整齊嚴 故 於 須 主 心具衆理。 一敬。 肅 所 以 主 救 其 無 所患者,紛亂、放逸、惰慢, 情慢。 適 所 以整其紛 此存心之要法也。 亂、放逸,

人豈有二身? 其曰『見性』,妄也!。」不滅,只是人不悟耳。曰:「性豈有真假?

釋氏以爲吾有真性真身在天地間,不生

物 有 盡 伯者,有一半功,便有一半害。 陳公甫 而 我 無 言:「才覺,便覺 盡。」是物 我 有二 我 一理矣。 大而 物 小,

六四

今科舉專以文詞取士,使人不知趍向。

婁克貞、陳公甫分明是禪學,所以轉見

狂大。

天下之事只當順而處之。

堯以不得舜爲己憂,舜以不得禹、皋陶

爲己憂。既得則樂而用之。

斁 亦 保。」 鯔 雝 聖 在 宫 氣 肅 象 肅 如 在 此 廟 1 不 聖 顯 人 亦 之心 臨 如 無

此!學聖人者體之。

聖人必可學而至,只是人不曉做功夫。

程子在「主一無適」上做工夫,所以其

心純熟精明以造夫聖也。

文王「雝雝在宫、肅肅在廟,不顯亦臨!

無斁亦保」。顏子、明道近之。

日間處事,先要去了計較利害底心,順

理 以 伯 處 之,則 者 雖 有 天 功於當 理 明 人倫 時,然三 Ī 綱 五 常卒

扶

不起,故仲尼作《春秋》以明之。

之業。 明,急 私 必 仁 虞 度,輔 命 才雄 必 如?」曰 齊 也。 恩既 無不 不 必不 而 桓 敢 行 ,悼公之才高。 春秋之時,伯主之有 屏 晉文、晉悼。 於功利。 必不 洽 見 憑 庭之諸 一:「使 所 E 陳 滅。 陵。 以 室, 如 鄭 贊 桓 禮樂 侯、僭 聖 信 攘 必 時 一、文攘 或 人爲之,必率 義 夷 不 王 既孚, 征 狄 然桓 日 ·肯叛 惜 王 : 以 了, 安 伐 一之吴 天 其 自 興 子之權 公之才大,晉 ; 功於中 無學力,故 中 盟 使 天 德威 復 楚。 歃 國 文王 子 文、武 諸 必 出 以以 既 朝 譚 國 侯以 不 爲 7 貢 濟 己 屢 弦、 莫 天 之, 成、 以 己 則 荆 理 文之 大 循 用 時 之 康 楚 軌 何 於 奉 不

能 保 博 而 文所以 是 有 人身 之。 明諸 故 至 孔 親 心 子 切 ,約禮所以 先教 道 理 人 忠信 非 忠 有諸己。 信 篤 敬 篤 不

變, 陽。 生 此 少 陽 生 了 不變。 出 非 ,名之曰 即 便 便换 消 生 亦 陽 陰 是陽 不是陰 陽 來。 出 消 陽變陰 老陽 只 陽來。 易 便 去生陰; 陰陽事 是 變陰; 變成 即 變, 箇 生。 凡 物 陽 陰 陰 消 事 便 到 陽 長 消 以卦爻言之,老變 長。 物 换 極 處 極 吉 變 出 處 陽 1 陽 成 陰 X 便 亦 即 消 治 來 陰。 變。 消 生 處 亂 3 皆 即 老 但 消 陽 非 陰 陰 是 是 便 長 如 變 變 陰 陰 而 極

是指: 論 理 ,則易 作易者 易者 「變易 即 與 道 用 之所 也 易者言 一,隨 爲 非 時 變 從 則 易 涉 道 乎 以 也 人 從 矣 道 也 若

理 質 理 義 也 在 其 \ 因 理 中。 天 氣 也 、 之 道 以 立 具 成 於 地 日 氣 之道 「立人之道 陰 質之内。 與 , 日 陽 柔 與 \equiv 陰 日 剛 者 陽 分 與 氣 剛 殊 義 也 而

> 禮 依附。二二 之。」邵子 旋 天,夜人 衮 智。 得 先儒以爲: 在 天 因天人之分而異其名,其 地 水。 一説皆 日 日元、 在 : 此 内 一天 通 誣 不 水泛 亨、 依形, 陷。」 也。 邵 利 説 地,故 朱子 貞; 伯 尤 地 精當 岐 附 地 謂 在 日 氣 不 , 沉 理 天 天 日 則 大 地 以 日 氣 畫 岡川 也。 升 相 舉 風

道,便是真實底道理。 只從父子、君臣、夫婦、長幼、朋友上求

莊敬是保養身心底工夫。

或以 男女媾精 形交。 生 物 須 「天地 要陰 萬 物 化生」是形交。 陽 氤 交感乃 氲 萬萬 物 化 醇 或 以 是 氣 氣 交,

水 如 方 虚 能 器 是 無 用 中 見。 處 皆 不 孔 是 有 有 出 形 氣 氣 氣 影是質。 ,只是人不見耳。 在 内 不 孔 入水 開 質,氣之融 兩 孔 則 有 不 結 形 能 影

而 事 默 契 天 而 欲 人 天 强 分 道 合 雖 是 天 殊 天 人 理 理 是 在 則 天 人 理 0 事 在 中 吾 人 儒 事 異 先 外 端 盡 不 人 事 修

之, 之, 次 口 欽 也 察 則 則 不不 差 朝 事 政 其 御 廷 必 體 自 賢 史朝 建 使 治 歸 否 立 侵 而 民 治 官 按 自 進 自 道 以 察 安。 然 退 旌 之 委 之, 簡 勑 之 又立 易 按 審 郡 順 察 其 按 縣 治 戒 功 察 官 若 罪 諭 或 省 郡 而 ----以 視 勸 年 統 縣 之 懲 御 得

然 於 是 慾 原 底 理 之 閑 本 物 E 道 是 T 感 然之善 學 邪 理 人 夫。 物 無 存 於 事 他 所 誠 情 物之交、 克治 欲 以 只 乃 天 所 是 生 所 要 以 省 人 有 底 付 存 保 察 爲 利 生 道 底 得 養 之 之 害 理 所 天 天 僞 後 相 人 以 理 有 理 形 欲 辨 非 因 生 去 圃 嗣 是 明 氣 人 之 得 生 之 防 失 禀 天 初 人 之偏 理 其 人 固 故 所 欲 欲 有 理 決 天 禀 也 去 本 情 動 理 得 天

> 欲 之 人 功 欲 杰 去 愈 發 矣 用 愈 上 密 T. 夫 無 少 故 間 操 斷 存 涵 則 天 理 克 常常 治 存 省 物 察

形 所 鬼 到 氣 人 通 時 慮 通 則 其 神 施 思 未 便 未 乎 即 心 即 邵 也 雖 感 有 起 接 其 神 已 子 知 在 所 乃 物 理 形 E 感 感 日 寂 必 便 人 : 形 近 之 通 由 然 尚 通 鬼 之 出 而 而 所 思 平 不 未 神 明 知 目 妙 接 慮 耳 動 知 安 近 不 其 前 如 以 目 未 能 而 萬 同 未 此 遠 0 起 形 蓋 日 知 形 理 其 事 M 鬼 之? 人 夕 鬼 鬼 咸 理 千 迹 之 神 鬼 神 備 神 則 遠 未 萬 知 安 神 莫 之 所 思 著 而 里 識 得 則 知 時 也 感 慮 千 自 _° 見 雖 不 以 既 萬 其 思 蓋 聞 知 無 氣 發 歲 ? 未 無 即 此 思 不

言 以 有 之 猶 無 氣 言 則 口 有 也 老 聚 氏 散 理 以 則 有 萬 不 虚 物 口 實 生 以 於 有 有 虚 無 生 言 死 是 有 以 心 生 不 有 於 無 口

箇 雖 不 有 無 死。 背 真身、真性 者 也 ,言氣 故 亦 佛 以 氏 無 猶 虚 生 爲 有 背 ,不生不滅, 也 道 近 亂 不 似者。 ,以無爲宗。 顛 要, 倒 死 尤 佛氏 也 超脱 甚 不 要,要尋 實者亦言 老氏 輪 其言 迴 0 要 理與心 長 陳 得 虚 公 生

者,進於聖人不遠矣。 「慊於己者,不使萌於再。」此真能修身

甫

草

物

有盡

而

我

無

杰

即

此意

也

欲

愚其民。

悔悟於後,不若省察於前。

保養於未發,省察於幾微,力行以

終之。

容莊則心正。

H 武 迷 帝是 矣。 復 矣 不 也 能 1 謹 能 於始者 終迷者,秦 悔 者 .猫 救 必 政、 當 得 悔 項羽 半, 於 終。 秦 是也,亡 穆公、 過 此 漢 無 則

人存養久,則氣質自變。

愚其 從 難 於己 治 0 民 聖人新民,是欲 、欲昏其 至秦愚 可 以 肆 黔首 其暴。 德 也 是欲 使民 今之暴虐 蓋 其 恐 明 其 其 蠢 智 德。 然 不 巧 無 奸 至 知 者 以 僞 老 皆 聽 氏 而

於形 心 則 氣 頃 身行一日不過 刻 心 干 則 萬 通 里 乎 神 頃 百里,所歷 也 刻 千 萬 歲 不 過十二時 蓋 身則 梏

煞有是處。 《左氏 傳》博 其陋 處 洽, 好 記 以 載 成 當時行 敗 禍 福 論 事 及言 論

《周 下也。 也。 禮》 王 損上 故 安 泉 周 石 府 益 公行益道,安石行損 行市易法、 買 下 貨 之滯 益 於 青苗 損 民 下 者 錢 益 是欲 欲 E 道 有 曰 益 益 損 於 上 損 民

吾事 無 干 伯者 也 也 0 非 不 知 有 仁 利 者 於 己 以 底 天 地 事 萬 皆 物 不 做 爲 言 己, 與 2

聖人不忍生民塗炭,故取伯者之功。

聖門明乎修己治人之道,故羞稱五伯。

體 語 等人。」夫今人讀 之於身,如 》者 程 未 子 讀 日 時 何會長 是此 「今人不會 書 等人,讀了後 既不爲己,又不 進 ? 讀 書 又只 如 深思 讀 是 此 論 而

明 窮 矣。 經,有不能者矣。 論 是能 語 **>**′</br> 實 孟 體 子》既 丽 有 諸 治 己。 則 六 不 經 然 可 則 不 皓 治 而

常 地 爲 人而 道 在 天日 ,其 言,故 實 命,在人 非 天道 有 日 也 地道、人道 性 0 在 然 道 物 又 日 通 理 一,在五 乎天

莊敬持養,省察克治。

人倫正,則風化盛,天下治。

IE 發 。」以釋子思「未發之中」,又引朱子「未發 也 ,此 黄 勉 心 齋言 湛然 物 性 欲 雖 不 爲 生,氣 氣 質所 雖 雜 偏 然 而 理 其 自 未

> 物欲固 省察爲 故子思 子 之前 之人 子言「端莊 本 .思言! 體 己 未發 ,氣不 未動 致和 虧。 教 戒 人 之 甪 静 謹 故 ,然氣已昏,心 致 前 恐 事」爲證 做未 不善之人亦有 中 己 懼」,程子言「莊 和。 失 發以 其 先儒 中 前 竊 Ē 恐誤 工 故 以 一偏 夫 静 存 己 倚, 整齊肅」, 時。 也。 發 須 養 是主 爲 不 理已塞 然那 夫偏 致 能 一敬 中 和 朱 時 濁

非 從,視曰 禮勿聽,非 古人做工 明, 聽 禮 夫 曰 勿言 聰 極 切 思 菲 實。 日 禮 睿 勿 『二非 動 貌 日 恭,言日 禮 勿視

要道 主 無適 也 IE 容 一是心 體 謹 地上事。 威 儀 便 内外 是立 交正 敬 之規

聚爲 無二,是也。若 實 氣 有 散 聚 爲 散 虚 , 可 故 理,則 以 也。 聚 爲 横 雖 有 渠 流 以 行 以 有 不息,乃 散 無 爲 隱 無 顯 形 通 以

生於 併 虚 無 而 實 E 有 一者, 爲 無 故程 與 兩 無 以 子言 後闕 截 有聚散,不可言虚實,不可言 虚 佛 : 爲道,其言雖背,然尚 「莫實於理。」老氏言: 氏 則以 有 爲 無 以以 色 以 爲 「有 有 無 有

吾心也。 夫富貴、貧賤、禍福,皆當處之以義,不可累 只不愧屋漏,則是吾之軄分已盡。若

也。 哲保身是 何以 智計之人多不能保其身者,其 Œ 易 理,非 窮 ? 智計 以 非 也 天 地 間 E 理 智易 也 明 窮

苟 以 人之從 只 Œ 己 違 而 用 舍爲累, ,人之從違 則 失其所守必矣。 用舍皆不 可 必。

戦兢 虚 而 失乎此 者 是 惕 天 地 勵 過 也。 間 只 m 只 是欲 失 是 所 乎 以 此 不 箇 民 失 也 鮮 理 能 此 一更有 流 理 久矣。 於功 而 何事 른 利 者 ? 溺 不 於空 古人 及

以不存,而理亦昏矣。 人坐不端莊,則昏惰之氣必生。心因

小人 道理。 所 東萊聰明 「天理存於人欲之中。」所 勝 耳。 喪滅之餘,終有 東萊先生謂:「所 蓋 才高 人之良心、天理 ,多爲過巧之論,反失了平 滅不得者,但其爲人 以詐 根於秉彝之性,雖 論 爲 太 良 巧 心。 面 鑿。 又 謂 欲 正 蓋

則 理 有 固 口 乎 善善 一之當然,不 不是矣。 心非而事是者 ? ,然論其極,則内 東萊 五伯 又謂:「有事是而心非者。」此 假 過 仁義,事 爲 謀 荀林 利 外 計 一致 雖 父伯宗不能 功 似 之私 是 ,本末一 ,然謂之假, 謂 陳示天 事,未 之是, 説

敬 須 去身也。 ,慢易之心人之矣。 不和 不 樂,鄙 詐之心人之矣。 此 禮樂所 以 不 不 莊 口 斯 不

善處,此見秉彝之不可泯處。

者 則 也 虚 孔 氣 勝 器 不 不 用一 弱 然 能 可 内 天 0 地 天 出 皆 孔出 間 地 重 Mi 有 間 者 塞 無 氣 氣 乎 勝 氣 處 輕,疾 内,水不 孔 故 不 剛 是 張 入水。 者 子 氣 勝 者 以 能 勝 柔 若 硯 爲 人矣。 實 緩。 止 水 虚 者 有 瓶 謂 無 勝 之 中 以 須 孔 虚 無 要 即 此 强 氣 知 氣 則 兩

生最明。「精氣爲物、游魂爲變」。此説得人鬼

死

吉凶禍福不在此理之外,故《易》可以

知

告

X

懼 之心 他 也 Ш 之石 戒 懼 口 則 以 德 攻 成 玉 惰 者 慢則 以 其 德 能 更 生 吾 戒

理會忠信是何事。 忠信則不雜人僞,所以爲學之本須要

一。時望則無間斷,而听學熟矣。「學而時習之」,先要學得真,方可時

七0

習。時習則無間斷,而所學熟矣。

皆是 是 孟 無 學 子 間 不 集 斷 可 義 放 也 工 下 夫, 須 程 是 子 時 又以 習。 爲 一必 持 有 敬 事 T 馬」,

事 理 必 丁,心反 妙處,程子 有 心 事 常常 不 焉 有 · 寧。 而 所 以 勿 事 與 一勿 E 鳶 則 忘勿助」 爲 飛 雜 主 魚躍 念 不 0 同 乃 生。 活 若 本 潑 IE 心 故 潑 存 程 則 地 處 子 反 天 牛 以

320

非 察 兩 I 夫 事 存養功夫 ,當隨 不 至 處 則 不至, 致 存 力 養 則 甚 難 省 察 蓋 功 動 夫 静 甚 體 難 用 本 省

一息不存,則天理即便間斷。

廢,間有些好人出來,皆是天資自美。若不今學校之政全無可觀。教養之法已

■「强」,原作「狂」,據顧氏抄本、雍正本、正誼堂本

人德行一科,學校全整理不得。

天下之事,不是自己理明身修,決做

不得。

愷 盛 獨 水 有 禹 泛 周爲 自此 既 濫 人才難得。 時 生,又 ,不成掉 人才之盛,生民以 以 盛。 後 有臯、夔、稷、契,又 周末,孔顔之生,人才亦 惟有 T 當堯之時,舜、禹 不治,只 宋也 來所 得 使 未 鯀 有八元、 去治。 有。 未出 可 此 謂 後 及 洪

等

事

占吉凶 消 遠 理 《易》是模 1 則之,是則其 長、吉凶 取 統 諸 而 朱子 畫 物 出 出 近近 謂 乎? 寫 悔 桂 天 吝 取 陰 畫 「《易》爲 地間 無 以 諸 伏 陽 不 身 示 羲 奇耦之數。 造化。 在 多 人。 仰 1 其中,故 觀 驗 既 筮 得 天文,俯 河 畫之後, 而 無 出 作。」恐 \sim 因 不 河 \wedge 是 圖 用 察 圖 $\overline{\mathbb{Y}}$ 之 則 此 地 **>** 不 以 聖 亦 陰 箇 筮 陽 道 因

朱子曰:「看文字,宜先看明白易

曉處。

應之。 凡 然 有 事 事,必有 未至已先 有此 理。 理,故 事 來 當 又 先 順 要立 理 以

其體。

欲爲天下第一等人,當做天下第

衆 紀 振 目 不立 矣。 畢 按察 一張。 修 司 德行一科,則學校全整理不得 政 乃 察 條 有 郡 而 縣 司 分任有 之賢 之 綱 否 紀 司 而 則衆 進 綱 紀 退 目 之, 既 張 振 則 矣。 綱 則

然 既 認 理 有 也 不 氣 聚 則 識 爲 無 散 老氏以「有生於無」,是認 理, 理 時 消 而 息, 亦 蓋 無 必不 聚 氣 也 之 0 而 能 清 佛 息 識 虚 氏 則 玅 氣 以「 有 運 散 是不 作 處 用 氣 似 而 知 是 理 爲 消 其 性 理。 則 所 老 以 佛 亦 氣

敬 齋 箴 兼 内 外 動 静 而 言 所 以 不 偏

浮議 雖 不 足惜 亦 口 0 以 恐 懼 修 省 是

他 山之石 學只是盡其當然之分。 可 以 攻玉 也 不可

要求異於

人,亦不可要求合於人。

是聖人 之。」此記者之誤。 固 有。 學者須要竪得這身子起。 語 作意 若因 類》云: 安 其 (排,非 不 足 「忠 蓋 而 率 是 忠 聖 性 是 人 就 之謂 設 臣 臣 矣 此 軄 所 以 當 不 救之, 爲,性 足 處 分 則

是 只循 遲 則 有 由 分。 見 循 速; 度,以天日遲速之差而 天 其 其 周 論 然 過 自 健 天三百六十五 月則以月爲主,而 論 日日 然之體。 體之自然。 日 不及, 則 以 月 日 以 一度四 爲 尤 日 天、日、 不 主 月非不 名之。天非過也 分度之一。 及,此 前 見日月之遲 月三者較之。 見 及 天 度 也,亦只 與 數之所 天非 日之 速

> 論 歲 則 以 天 爲 主 而 日 月之 數 因 口 考。

曆 家 只 是 截 法 元 不 識 曆

實皆 存 乎天 在 誠 本 理 字 心 其 之實。 中。 之 大,天理之實、人 生 忠信則專指 理 故 便 孔門 是 仁。 以此爲學之本 心之實、人 乎人而言, 不 戕 其 事 所 之 生

理 也

存得 之 慮 此 時 理 - miles 天 便是 動 不 未發之時,事 列則 常 理之本 容求索,只敬 戒 未 便是已發, 謹 發 然在 恐 時 懼 底 物 理 則 以自 之理已具,但未 體 便當省 物 持。 欲 用 本 自 察。 事 來 末 實 物 不 然其已 得 既 貫 所 發耳。 接, 以 發 思

書 雖 精 讀 熟, 書 雖 又要實 多 一,若 不 體 精 於身, 熟, 不 方能 若 小 有 耐 得。 精

「玉」,原作「王」,據顧氏抄本改。

謂:「讀得十章熟,不如做得一章來。做得

一章來,那幾章亦將湊得來。」

趋向正底人方好讀書。

賢先我而覺耳。我未覺,所以要讀。若不四書、六經皆是吾身上有底道理,但聖

反躬,則皆成糟粕。

因聖賢之書以修身。修身,則聖賢之

言愈有着落。

古人之所以善學者,以其能求止於

至善。

不 覺,不如只說 醒 知 有 醒 覺不 有 在 如只説箇「操」字。 主則自 仍 静不是無 知 ·是事 有主。 覺 l 然醒。 在 來 箇 内 感 ıĻ, 孟. ·; 未 惺惺」字。 我 朱子所謂 又不 子 丽 接 所 謂之「操」,又不 我 乎 謂 是忘了 覺 外 操」,操便 之, 静 謂之「惺惺 也 只是 中知 也。 然 覺」, 謂 心 此 有 ·如只 之 存 心 又 知 則 此 仍

下箇「敬」字。

之用。 之體 静 體 中 動 用 時 萬 只 事 理 是 得 具 備 其 物, 理 是 以 是 涵 其 著 得 在 乎 有 静 静 動 之 在 之 動 理 理 未 故 故 謂 謂 發

已發而言也。

仁,二則阻 堅敵人之志 殺降 最 人悔 不好,惡莫 過 絶人生路, 大 焉 1 則適 則 殘 足 忍 害

須收斂凝定,則精神聚,志向專,察理

必密。

今人不去學自守,先要學隨時,所以苟

且不立。

得透徹。若不專一,則麄踈草略。縱敏者,窮理須得心專一,方有細密工夫,方見

亦略見彷彿而已。

不敢擾邊。賢人之勢重如此。 汲黯在朝,淮南寢謀。温公爲相,金人

應 萬 事 天 是 地 發 此 育 理 萬 之 物 發 用 是 此 學 理 者當 之 流 隨 行 事 • 省 聖

處事不用智計,只循天理,便是儒者

處

之以

理

可

漸

到

聖

人

地

位

,只要熟

也

氣象。

涵養得這道理熟,發便中節。

善 也 至善 世 學 是天 淺 哂 理之極,不止乎此, 不 濟 事 以 其不求 止 便是 於 半 至

上落下。

聖人教人,只教以忠信篤敬,使學者便

立得箇根 此 箇 理 基 天 本 地間 領 學 甚 間 事 可 出 次第 得? 出 進 則 有 害。

然必 果,方是 知之明,信之篤,守 天 地 間 正當 事 業。 之固 博 養之熟 厚、高 明、 ,行之 悠

久、無疆,自此進矣。

理 人之身皆 雖 平 時 窮,然必 天 理 所 爲。 經 歷 舍了 試 驗 理,如 方 熟。 何 做

得人? 如何處得事?

孔門求仁 心若 一,是就 則 萬 物 本 皆 心 在 親 吾 切 生育之中 處 做 加 天 地

萬物自相貫通。堯舜三代之治自此而出。

「立人之道,曰仁與義。」舍仁義則人道

絶而亂亡至矣。

先儒言仁,惟公近之。公則無物我,包

涵徧覆無所不盡。

此 處 求 仁 敬 是 則 本 本 心 體 至 <u>\\</u> 親 切 孔子教· 道 理 故 人 以 孔 此 子 爲 教 先 就

王道之外無坦途,仁義之外無功利。

治世以大德,不以小惠。

たく、基青数、方是ピ賢之學。 人之才氣、大者多疎、密者又瑣細。 致

廣大又盡精微,方是聖賢之學。

操持要極其謹密,窮理要極其精微,應

事 無 所 要 不 極 用 其 其 詳 極 審 也 規 模要 極 其 (宏大。 此君

子

恃才者,最是人之大病。不惟敗事,必

不能保身。舍己從人,方做得天下事。

萬物各有自然之理。聖人只是順之,

不曾加得一毫。

甚麽簡要。後人費盡機關氣力,做事不得。「舉直錯諸枉,能使枉者直。」聖人作事

人收斂警醒,則氣便清,心自明。才惰

慢,便昏聵也。

之從 天 求 諸己。 且 違 不 處事之法,正己爲先。 違 不 可必 況 於人 也 子? 不 口 越 故 時 行 順理 好。 有 不得 以行之,人 然 順 9 皆 理 處 反

以才取人最難。小人多有才也。

善,所謂「黎民於變時雍」是也。

聖人之道

大行,薰蒸

漸

染

、得人

皆

上去爲

明睿所照,作天下事甚容易。推測而

知便難。

「日月至焉」亦是到那境界,只是不

久也。

不管 包? 矣。 天 地 陳公甫言「一片 着 天 萬 强包 地 他 物 萬 强 一,愈乖 則 物 包 與 本 放 天 離 吾 胸 了。 地 虚 中。 萬 體。 靈 物 萬 本 帰 莊 象 絶 周 存」,是 體 ,分爲 付 之自 何 要 用 然, 將 體 强

則此心存,故爲仁以敬爲主。身,心爲之主也。滿腔子是惻隱之心。敬仁者,人也。仁,人心也。生理具在吾

涵養得本心熟,到清明和暢處,仁可

得矣。

觀《堯典》,見得聖人作事,只是公天下

之心,無一毫私意。

不可以私意喜一人,不可以私意怒

人。

四凶,堯深知其惡,只是用其才。當時

七 /i.

舜、禹、皋陶、稷、契未出,無人可用,故如

順理處事自治,人心自服。

此。

聖

人

在

上

駕

馭

之,

他

亦

不

敢

露

其

惡

禪學只是一箇助長,故壞了道理。

人苟能心勿忘,勿助長,則無處不是道

理,無處不可進學。

閶 底 後 故 之法 世 欲 有 復 如 明 聖賢 一大 族 道 ,真箇能 黨 先 作 圳 比 生 必必 水,分 間之法。 曰:「古 行 須法古,從 禮 數 以 者 小 朱子曰 帥之, 政 圳 教 底 去 做 始 民 古古古 無 起始 於 都 不 是 鄉 流 得。 教 人 里。」 通 比 了

手 則 目 段 明 几 廣 門 後 詢 闢 闢 世 博 四 矣 門, 所 訪 3 當 以 明 得 法 來 四 賢 也 直 目 明 言 忠 然搜 達 極 直 諫 四 揚賢 之 聰。」此 則 土 四 才 丽 聰 而 寄 舜 達 用之, 爲 以 治 四 耳

孟子、程子不曾枉做了工夫。如孟子

擴 充 四 端 程 子 主 無 適 直 在 心 地 上 做 養

· 廣之下各,然爰從而處置之。 處小人,不可一向疾惡之,須先以善

之。養之不格,然後從而處置之。

佛

氏 逆 顛 日 倒 空 一, 前 一 甚 於老 截 氏 後 截 俱 不 識 故 佛 氏 背

朱子《訓蒙詩》言「意乃 心之所發」,恐未 意 者,心· 有專 然。 主之謂 情 蓋 專 心 《大學 所主 之發 時 情 解 爲 也 **>** 近 以 惟 爲

不 滅」。 箇假 釋 物 氏 其實 事 要 無 未 以 心,終 嘗 爲 識 識 無 心,未嘗 心 不 見 得 性, 故 見 性 在 以 也 空 爲 中 一不 見 生 出

儘 漢猶 德 又 好 從 行 但 古 近 鄉 用茂 古 人以 里 不若《周 教 才科 用 德 孝 起 行 廉 經義 禮》賓 故 道 科 取 藝 科 賢 土 教 興 舉 良 用 、之盡 + 方 鄉 是 正 即 舉 善。 兼 科 以 里 舉 才 選 此 後世 學。 士 之 取 是 法 士。 純 此 尚

難

窮矣。

用 文詞取士,空言無實。進士是隋煬帝做

起),殿試 是則 天武 后 做 起

不 法 如《周官》教養振作之詳備。 亦 及鄉舉里選,猶可激勵人自去進善,但 使 使之流於不善也 荷 可得人。 人 不 日超 能 行 於纖 今之科舉全無用處。 成 周 巧薄劣,是蔽絶其爲善之 鄉舉里選法,只行 若只以 文詞 薦 薦 舉 取 不 雖 舉

政教須要上下流 通

之闔 默 是 理 無 而 氣 識 闢 窮 必 有 之。 理 有 萬物 理 是 而 無 理,二、 後 之始終,寒暑之消長,知道 窮 有 則 氣。 之則 氣 亦 有是 不是。 生生不息。 理 必 然 有 氣 是 故 有 氣 天 盡 者 地 有 而

敬 則 心 敬 薊 事 心 散 地 亂 嚴 精 肅 神 精 香慣 神 自 ,書愈難 重 理易 讀 明 理 ; 愈 不

> 生理,仁爲人之生理,元即仁 間 只 元爲四德之首,仁爲 有這 箇 生理,更有 何物? 五性之長。 一, 即元,天 元爲 蓋 天之 天

地

未嘗二也。

作之時,此禮之體已具 成箇禮。 尊卑上下、貴賤 定不易之理,不過假 天高 易是君子而時中之道 天下後世,遵而 地 下 萬萬 等級 物散殊,而 聖人之手而 以 也 至 行之。 儀 章 禮 度 制 其實未 制作之, 數 行 皆 矣。 有 制 便

敗身心 者滅。」 敬 底物 是箇 事。 扶持身 故 日 心 . 底物 敬 事, 勝 怠者吉,怠 怠 惰 是 箇 勝 喪

工夫在《大學》,效驗則見於二《南

敬

中 庸 》可以盡《易》之理

聖,其揆一也。 刀 書、六經之理,意皆相 今讀其書,徒誦 貫通。 其文義,不 先聖後

哉?

程子所謂「《論》、《孟》既治,六經可不

難

惟

體

治而明」,誠哉言也!

居業録卷之二終

七八

後 學 後 學 百 邑 北 李 地 李 頤 楨 重 校 訂

無 書 立 人 志 以 理 四 會 ,不反之於身,所 理 六 得 會 經之言, 至 四 書六 程 朱方 經, 廣大、浩 理 以 如 指 會 不 得 奈 諸 博、 何 掌 今因 密 只 是 程 後 人 朱 世

亦 不 聖人 己 大本既立,何 心 不 離乎理,理 以 下 書 必 不 操 可 存 讀 不 省 離 何 察,乃 乎 理 小心。 不 可 能 所 窮 以 離 純

乎 間 理 聖 聖 荷 人 大賢 不 心 固 操 與 不 存, 待 理 不省察 操 不 而 存、 用 操 則 省 不不 與 而 理 知 用 違 省乎?」 然亦 矣 無 或

日

居業録卷之三

操 異 只 適 也 不 無 端 要 操, 邊學,一 圃 適 誠 心 日 非 未 學 mi 無不省。 明 道 嘗 空 非 IIII 徹 無 邊思,習而 見 道 異 不 照 何 道 ~,故 物 端 思 也? 則 人 但聖 亦 只 既 猖 不 图 日 想 空 思 狂 見 人 不 察,行 日 像 妄行 其 心 而 0 Щ 箇 操 無 察 無, 「異 不學 道 而著 常常 而 所 放 端端 無 則 存 逸, 與 則 以 也 不 不 不 道 殆 人 神 用 在 事 又 離 不 妙 操 其 日 也 是 見 不 矣。 爲 無 要 其 測

彿 常 往 五 常 往 行 而實 從 老氏 處 體 之。 作有 義、禮 説 察 道 老 見 德 氏 佛 也 智、 氏 以 釋 玄 以 信。 氏 妙 虚 説 靈 爲 所 心 爲 道 性 以 德,不 心 故 雖 性 似 天 見 資 從 加 其 不 日 高 彷 知 用 者

所指 其 流 只是這 分 行不息 别 出 箇 賦 來 道 與 貫 理 萬 通 物 更 後 者 有 甚 萬 謂 事 之命。 理 ? 只 聖 賢 萬 理。 物 隨 各 以 其

七九

信 道。 天、 不 得 乃 意 有 性 亂 其 粹 禀 謂之太 地、人、物, 其 宜 見 中 然 受 所 於 之 爲 性 乃 ൬ 以闔 日用,各有 智 極。 性 衆 此 中 一之義 理 善之長 之 莫不 實 闢 無 禮。 無 非 天 有 不 各 是這 地 所 此 全 ,謂之仁。 分别 儀章 有 當 理,元 具 終 當 道 行者 是 謂 始 然之理 理 非 之性 萬 無 節 ,謂之道 裁 物 虚 條 天 度 假 理 總謂 秩 無 性 斷 分 謂 燦 窮 中 制 明 之 之 無 通 然 處 生

縮 朱子直是 看 來朱子 · 只 任 豪 氣 勇 猛 做做 向 前 去, 更 示 退

放 以 過 得 之。 程 子 朱子 天 資 天資 高 其 大, 於 直 聖 索 賢 窮 然 究 義 到 優 底 游 不 涵 泳

然 所 所 以 謂 生 人 做 病 求 工 痛 見未 夫 不 吕 發之中 與 可 太 叔 過, 是 執 箇 太 圃 肯 過 勿失」,亦是 做 反 工 夫 成 底 助 長 過

> 密 舍其 了 過 0 則 無 虚 雖 反 過 明 横 踈 處 渠 善 應 先 或 之 生 一,亦 體 . 有 是 過 做 也 與 過 密 了 程 如 子 處 何? I 如 夫 日 只 是 不

能 偏 自 F 做 無 如 須 矣。 是 Ι. 氣 顔子「克己」,只就 涵養得大本完 夫,不言 質之偏, 則 氣 質 、之偏 氣 皆 質 可 之偏 、物我 固 克 非 治。 則 禮 之私 物 元 勿視、 要 氣 我 克 壯 不 之 待 病 治 私 聽、言、 克之 氣 者。 易 質之 除 而 蓋 動

氣 E 做 孟 顏子「四勿」, 子 Ι. 夫 天 資 , 所 本 以 英 才 涵 明 養、 氣 剛 愈 省察 大, 剛 大 他 工 夫 又 都 去 集 在 裹。 養

是 循 天 清 理,不 明 剛 大 爲 之 物 氣 欲 須 所 要 屈 便是 養 如 何 只

孟子直是英氣,朱子直是豪氣。天資

合下皆大

八〇

孟子、程子落下手做得親切。

顏子、明道鄰於生知。

高 一程全之。 然開 周 子 示 不 下 由 學 師 Ι. 傳 夫 默 使 契道 聖 學門 體 是 庭 他 曉 然 天 資 口

者 興。 亦是 本 行 也 不 弑 事勢 足 逆 而 項 羽當 光 以 當 武 爲 光 如 初 君 亦 武 從 此 之於 不 范 光 殺 增之計 君臣之義既定,豈 武 更 之,是 漢 始 處 之 以 善 得 同 立義 處 便好 姓 君 帝。當 臣 古 之 口 更 口 分始 變 中 更 時

美惡變化 堯、舜 莫測 生朱、均, 雖 聖 瞽、 人 亦莫 鯀 生 能 舜、 與 也 禹。 清 濁

下 也。 太 極 動、静是其 是 理 形 間 而 事 上 也 陰 陽 是 氣 形 ௱

地 參。 聖 賢 覇 (只依 者以 智 天 計 理 處 做 事 事 ,便小 所 以 極 其 大 與天

> 思無 干 如 不 到 過 周 此 也。 在 幾 里。 箇 不 天 學者先當理會身心 天 可 \wedge 到。 下 千萬 過 萬 心 易》 不知 里 神 古共 思,便 故 速 日 度 所 幾 莫 . 氣 ൬ 養? 箇 此理,千 速 른 神 周 思 如 不 無 得 天。 心。 如 風 方 幾 此 神 雖 萬 蓋 天 千 易無 速 急 是 里 心 萬 雖 共 萬 具 年 至 神 體 事之根本 此 是 健 日 速 須 理 理 由 不 心 臾 一, 所 過 於 理 日 便 理 以 無 思 數 不

民 救民,爲 不怨上思 凡饑荒 急發 之時 亂 倉 原以 在 L 濟 之, 者 便當 方 口 惻 固 但 結 憂 民 関

天下事必君臣相遇而後可以有爲。上有公天下之心,方做得公天下之事。若非敬,如何扶得心身道理起?

毅、高 太 者 公, 如 湯 次者 祖之於子房、先主之於孔明 之於 如 伊 桓 尹 、高宗之於傅 公之於管仲、 説 燕 文文 昭 皆 之 王 於 之 君 臣 樂 於

契深,故敬之至,禮之重。 文王得太公,便載之後車。是相知相

相

知

相

契之

小 子 因 口 ? 人 其 因 進 共治 才 其 則 君子小人自不相容,其 魏 而 小人 才 延 者 用 ៣ 「 堯 雖 之。 也。 退,小人 用 小 之。」「 聖人 人, 然 非 也 進 則 孔 是 則 堯 大 明 聖 君子 用 女女 用 君 類不 四 恶, 魏 德 退 N 延 盛 故 贵 未 同 勢重 如 孔 不 有 也 何? 明 是 君 方方 小 亦 子 君

之善 何 理 嘗 何 有 自 存 也? 戒謹 著。 養 久 恐懼 則 曰 理 0 自 異 主 異 明, 端 端 無 亦 蓋 只 適 有存養,其 素 心 工夫? 净 無 9 雜 打 擾 坐 儒者 滅 而 澄 絶 木 Ļ, 雖 天

存養,又窮理。異端不窮理,所以差也。」

霍 講 學 光 之 忠 荀 故 智 或 有 有 餘 智 其 謀 而 妻弑 從 曹 許后 操, 是 丽 不誅 不 講學之故。 ,亦是不

心 子 〕。」詳: 古今説 味 處物 此言,義内 「義 爲 義。」又曰 内 一者,惟 之意自見矣 程 中 子 理 説 在 得 精 在 程

者 貿 賢 思 不 **趁於** 貿 於伊、吕。 、孟之功、賢於稷、契、皋、夔、程、朱之功 在 焉 禹 孔 功 ,人欲 下, 子賢 利,生民 亦 於 肆,天 孟 以 堯 子 事 舜 之道 以 功 理 後、若 言 以 滅 息矣。 事 高 也 功言 非 者 愚 程 人 以 也 於老佛 朱,則天下 爲 孟 顔 曾 子 卑. 功

德 外 亦 志 無功 於道 名 德 者 功 名 不 足 累其 راً، 舍道

<u>万</u>. 者 以 論 敬 莊 爲 集 本。 註 **※**言 又 . 日 忠 「恭 信 其 本 也 本 歟 又 日

所以示人用力之方。學問根本,盡在於此。

端 萬 萬 殊 殊 上 E 本 體 而 察, 窮 萬 M 殊 究 欲 然 萬 直 後 殊 探 會 而 於 本 本。 , 未 本 有 0 學者 若 不 須 異 於 從

天下一箇自然機會,不用智計安排。 「天下同歸而殊途,一致而百慮。」此是

化 誠 百 而 小 辟 民 品品 知 勸 其 奏格 不不 此 刑 品 之。」是 才智不 則 怒 無言,時 盤 知 而 而 無 民 不 足 故 爲 威 靡 薦 道 君 丽 於 有 天 有 子 鈇 争。」是故君 下 乎 篤 鉞。 治 顒 恭 若 而 不 覇 天 顯 下 者 子不賞 下 惟 之 觀 平。 功 而

曹 伐 暴 虐,任 哉 操 所 能 必必 漢 趙 自伐 篡哉 親 高 宦 姦邪 ,然後人伐之。 官 唐之敗 ,害忠良,是自 是自伐 也 一,亦以 也 秦坑儒書, 豈 敗也 宦官 楚 漢 害 所 又 贵 忠 能 肆

> 興 良。 蓋 君 ,國亡矣 子 宋之敗 退則 也,以 虐 政 施 小 人 人害君子。 民 怨,盗 賊 皆自 起,兵戈 伐也。

硬把 縳 即 者 敢 不 本 得住 末 是 怠 敢 只是專 捉 怠惰。 共 惰 這 吾儒 繫 此 箇 有事時 縳 心 所 是 心 ,只是 這 去 以 有事時,心 隨 謹 應察 箇 無 事 便亂 慎 事 心。 盡 箇 處 時 理 了 專 無 置。 方 心 亦專一 以 事 其 湛 畏敬 存 時 所 然 無 其 以 事 在 在 心 心。 動 時 内, 此 專 佛 静 事上,不 有事 把 氏 所 在 表 捉 只 謂 裏、 是 時 敬

亂 純 提 撕 敬之效驗 是 唤 端 敬 醒 莊 之 整 是 無 肅 敬 處 間 之 嚴 接 斷 威 處 續 儼 處 恪 惺 惺 是 主 敬 不 昧 之 無 適 精 頭 湛 處 然

人道 絕矣。 立人之道 今人處 日 事 與 不 義 存 天 理 只 義 用 智 則

八四

計,便虧却人道。

雖 我 舒 合 聖賢 聖 者 過 賢 於 當 范 他 處 文 不 如 人。 故 正 能 是 作 必 其 事 其 進 必 吾 退 成 要 豈 與 出 盡 荷 否 處 其 哉? 超 則 方 然 有 無 日 此 不 累 . 范 行 在 「爲之自 公 我 有 藏 脗 卷

必 意 必、固 古 、我 之 作 我 便 事 之 是 私 私 只 意 口口 盡 脱 箇 只 當 脱 循 然 則 其 之 無 當 道 然 之 有 理 意 則

天 擇 他 以 如 有 下 諸 諸 至 這 太 녆。 躬 道 生 事 處 極 司 之長, 理 天 行 牛 自 言 雖難 下 做 生 理 兩 爲 萬 事 儀 長 非 空言 然 須 此 擇 聖 兩 蓋 得 當 實 其 人 儀 消 其 理 僚 知 勉 所 生 理 總 爲 之 造 兀 自 是 要。 若 空 自 爲 象 然 如 知 不 然, 也。 得 此 四 如 躬 何 非 君 象 行 學 今天 聖 擇 强 生 爲 得 則 人 安 相 八 下 哉 只 無 桂 排 依 大 相 則 以

> 擇其 力? 然。 或長 人。 朝 各 憲長 貮。 才全 贵 德 長 ൬ 小 廷 受 必 舉 不 ? 官 ~,依 其 德 賢 或 表 官 所 便 悮 可 推 俱 既 名 端 ***** 備 容 日 知 軄 爲 擇 事 擇 其 姓 不 宰 : 者 ? 其 憲 則 私 縣 自 所 識 且 隨 影 長 爲 \$ 長 相 口 容 舉 吏 舉 他 識 材 貢 爲 IE 相 既 者 與 其 部。 君 其 而 心 擬 不 既 郡 六 賢 申 自 授 君 所 只 軄 性 定 全 守 又 奏 卿 擇 之 吏 則 相 愛 好 才 者。 相 推 郡 於 其 既 寮 軄 部 如 檢 郡 德 龃 則 擇 賢 縣 朝 屬 餘 又 守 擇 何 憲 谌 如 諸 只 申 寮 如 識 如 縣 天 君 其 長 則 酌 何 渞 按 亂 此 屬 得 何 **\$** 下 擇 相 又 所 法 憲 察, 除 小 第 他 其 與 有 審 擇 則 固 長 官 他 日 有 自 按 察 郡 卿 六 善 心 许 官 人, 之長 其 却 性 守 不 卿 然 察 命 多 軄 得 若 賢 憲 不 實 推 \$ 才 眼 申 其.

^{■「}檢」,原作「極」,據顧氏抄本、雍正本改

曰

相

自

然

推

排

出

下

之賢

?

朱

子

人

自

住

不得

又豈肯 情 容 上 私 窮 以 究 除 則 不 賢 見 得 者 竊之 守之則賢 則 此 道 姦 理 ,化之則聖, 棄之則 具於吾心,大小 愚 誠 無 之

則

Ŧ

假假

之

則

覇

事

出

此

道

理

之

精

粗

無

所

不

該。

者

乎?

長

貳

、既賢,

爲

寮

屬

乎

?

窮

理

格

物

先

從

性

却 親 İ 切 夫 此 ? 如 道 ,程朱 何 故 今人甘 此 道 出 灾 來 於自 寥 發 明 棄, Ē 盡 不 自 開 棄 示 者 T. 又 夫 差 甚

熟 應 事 酬之際 事 有 方 定 無 道 滯 理 礙 9 須 要 見 得 明 養 得

潤

然,

明

ПП

禮

樂、

幺

治

蜀

興

民

之

往

來、

歲

月

之

方

爲

窮

理

致

知

而

學

省

推

廣

擴

充

此

便

是

原

頭

T

夫

根

本

天

地、

山

Ш

禽

恶、

讓、

是

非

隨

感

而

發

就就

從

此

力

加

操

存

義

禮

智

渾

然

全

具

於

吾

心

惻

隱

羞

外。

出

則

禍

敗

至

非 正 化 此 則 兩 事 末 爲 本也 治須 也 易 施 要有 末 修 修 政 本 則 立 末。 本 事 益 處 德 置 厚。 具 得 於 然 宜 己 末 末 出 也 於 自 本 感

不 之心自 動 聲 明 才之 化 道 色 善者 先 天 孔子以下 生 下 即 本 之 是德, 領 事 純 第 自 德之備者 治 察 理 涵 也 精 育 薰 必 涵 猺 有 養 而 才。 熟 天 下 故

孟

明

道

,才莫大

於

自 長,惡心自消 在 <u>-</u>, 氣 觀 勢 大, 南 風 》之詩 化 盛 口 見 之善 心

《論 他 學》、《近思 書 **>** < 不 今更有聖賢 讀 孟 \forall 無 録 \sim 憾 **%** 中 也 學 庸 出 者 **%** 其 能 此 説 於 後 不 此 書 過 處 莫 於 真 ^ 過 知 大學 於《小 實 *

待 外。 之外,六 論 字 通 經 之,非 推 I 可 則《論》 所以 夫、 ? 不 程 子言 治 道 也 經 學者貴 而 理 工 「《論 明 孟 夫 論 則 矣。」 作 自 \forall 與 六 念孟 得 用 六 語 經 誠 也 亦 經 首 × 哉 \leq 文字 不 ^ 理 是 六經之道 孟 先 出 不 言 子 儒 \wedge 體 出 也 論》、《孟 **>** 以 \sim 面 既 論 爲 自 本 治 **>** 若 推 殊 類 論 則 , **>** 孟 若 之 何 以 文 六

若 星 其 月 夜 之 霜 陰雲, 氣 露 露 程 子 無 只 星 是 以 月 自 爲 便 下 星 無 月 蒸 之氣 露 上 ,豈不是星月之 朱 此 當 子 從 以 程 爲 子。 非

> 1 霜 當 氣 氣 雨 ? 從 濕 涷 ? 贵 結 朱 氣 蓋 朱子 子。 熱 成 是 也 時 寒 以 熱 都 露 時 高 時 感 結 露 有 Щ 爲 得 涷 頂 露 霜 露 得 上 無 成 氣 程 無 霜 霜 子 露 寒 寒 也 以 時 是 0 時 爲 都 雪 被 有 非 感 雹 風 露 是 則 得 吹 便 散 是 霜 有 此

得 學 要 來 者 科 事 恢 精 舉 朱子 復 神 空言真 中 不不 稱 原 周 如 須 無 宣 實 要 益 幹 選 罷 於 有 人才, 事 徒 + 言 年 人有 壞學 極 科 好 舉 所 者 始 感 心 朝 得 激 桁 廷 濟 更 若 看

非 神 中 真 知 遂 物 覺 老氏 指 在 爲 之學 光 太 明 極 是 不 見 昧 釋 得 中 氏 遂 是 箇 指 見 物 得 爲 事 自 心 在 性 己 窈 冥 然 箇 昏 皆 精 默

點致 也 謹 心 敬 該 地 亦敬 湛 動 然 也 純 静 敬 9 坐端嚴, 敬 兼 也 内 外 敬 容貌 也 莊 隨 IE 事 敬 檢

錯 言 得? 其 説 或 孟 往 義 所 氣 問 質 子 着 爲 而 本 、義、禮 無 則 主意是 不 原 性 不 有 或 同 便 生 善 智 所 理 息之停 氣 清 智 也。 遺 萬 必 由 矣。 何 如 何 如 物 有 嘗 生 或 不 以 何 其 此。 之 故 者 得 濁 其 不 氣 動 不 善 所 指 理 氣 善 爲 理 輒 齊?.. 或 以 然物欲 可 其 ? 理 與 不 便 則 理 不 善、 知 本 所 氣 爲 善 齊 有 惻 在 然之 曰 以 物 或 善 也 隱、 指 如 旧 其 是 爲 : 恶, 欲 加 其 所 中 何 物 理 羞 氣 所 無 氣 指 即 禀於氣 又害聖賢 不 欲 惡 而 害? 惡 常 氣 不 爲 能 害 言 之 運 乃 同 性 之也。 齊 發, 故 行 者 理 則 是 也 交 其 加 爲 不 無 指 故 之

韓子以博愛爲仁,雖不是,猶勝以覺言

之物 則其 皆 此 者 仁 心 口 曰 日 得 者。 有 生 人也。」朱子曰 仁, 朱子 矣 因 不 生之性 理, 仁者,本心之全 各 忍 故 自 人心 人 得 日 朱子訓「心 然 0 之心。」合 夫 . 也。」 万天 便 孟 天 有 地 子 地 : 程 生 日 惻 以 子 : 「人 德。」《 此 物 人 之德,愛之理」 旧 生 日 數 之 慈 物 指 . 心 説 皆 愛之意。」孟 爲 中 人 以 而 心如穀種, 有 身 庸 心 體 爲 不 而 驗之,仁 心 日 忍 言 而 故 人 所 之 子 具 生 又

道非亡也,幽、厲不由也

學要來身上做。

直 是 做 朱子 徹 直 底 是 勇 窮 理 便 直 是 寫到 底 事

若 他 科 你 舉 朱 道 時 子 他 文 日 自 他 : 做 今 心 不 心 教 做 官 念 ? 念 只 何 要 教 待 争 人 設 做 功 官 名 科 置 舉 若 吏, 時 不 文。 費 教

廪 義 理 禄 教 須 他 是 做 要 教 人 也 識 須 此 是 當 如 軄 今全 底 人 無 怕 此 意 不 識

學 好 子 教 自 他 朱 是 子 理 日 會 着 本 急 「上之· 分 何 事 用 業 更 曾 要 不 教 思 量 設 時 學 文 校 件 却

之人民皆 皆 兵 法 知 之。 古之聖 不識 心 雖 服 或 E 只 誅 心 誰 有 暴 百 肯 禁 孟 天 與 子 亂 地 我 識 其 爲 不 得 得 生 敵 透 ? E 物 之 加 此 心 圃 是 師 箇 敵 大 彼 或

簡 箇 原 理 理 也 窮 理 讀 須 書 此 所 須 事 謂 要 事 萬 章 窮 章 究 物 各 精 窮 熟 具 來 精 窮 理 熟 去 萬 後 又 理 只 亦 只 是 同 是 出

耗 於 不 人民 易 高 麗 之 竭 定 夷 窮 狄 論 中 困 以 或 守 非 如 乏 禦 漢 安 力 爲 中 武 以 本, 之 或 事 於 夷 不 攘 狄 匈 以 夷 奴 攻 狄 致 戰 之 唐 使 爲 道 太 中 先 宗 或 之 夫 此 虚

> 下 服 中 也 或 上 德 也 盛 夷 堅 狄 守 自 要 賓 害 服 次 蓋 也 内 治 勤 修 兵 則 遠 遠 討

陋 狹 窄 善 要 人 自己 不 足 出 與 功 有 名 爲 也 要 自 己 出 此 便 是 鄙

非義而富貴,不若守道而貧賤

世 有 世 既 襲 無 古 者 軍 寓 故 兵 民 於 即 有 軍 農 民 之 户 無 法 事 軍 則 遂 户 耕 有 長 有 征 事 兵 則 戰 今 後 又

以 於 口 窮 屯 在 立 農 養 食 近 屯 木 田 父 郡 。 皆 法 六 萬 古者 母: 七 之 如 以 世 因 妻子。 戍 地 口 一之良 免 養 時 兵 耕 坐 待 免 務 屯。 就 法。 食之費。 其 食之兵。 春 農 在 糧 夏 每 近 今既 税 秋 邊 時 則 使 兵 之 今 講 不 屯 就 自 撥 地 百 行 武 \mathbf{H} 在 食 田 官 耕 此 宜 屯 此 其 屯 禄 法 所 在 聖 品 穀 薄 小 郡 沂 亦 王 暇 其 又 百 當 便 寓 兵 就 可 處 姓 1 À 行 兵

免漕運 ,則國自富,民自足矣。

事 今日之官,只有教官做不得。 雖 要審 [處,然 亦 不可揣度 ~過了 9 事

精 ,行須果。

雖要聽

從人説

,亦不可爲人所惑

亂

擇

須

心,故感而 得? 天下之理雖 遂通 萬殊, 若 原不曾具 而 實 得此 本。 理, 皆 具 如 於 何

不存 天地 間道 理無一時息。 人心不可一 時

通

人 有田 要天下富 不貧窮 耕。 今天 足,須要使 下不畊 人人去耕,又要使 而 食 多 於畊

何

直 内直 敬 以 誠 直 内 便 存 是 無 蓋 許 人 多 心只有理。 雜 亂 邪 故 理 本 内

> 直 敬則可以關防外邪,養本性

所引 所以 鼓動得 陳 公甫曠大,今之有才氣底人多喜之, 人以 下 爲 又氣魄大,中人以上 其 所驅 ,爲害尤 甚 一爲其

粗 散,於此精思 儀。 謂,使人人異端去。 表裏、 以 凡物有兩端,自然之理也,即太極之兩 多同 此 盛 推 契》、 衰、 之, 而 有得焉,道在是矣。 消 動 ^ 陰符經》,朱子 息、 静 《調息箴》亦不當作 死 陰 生、 陽 體 晝 夜、 用、本末 註 寒暑 之甚 精 無

當 E 主 : 一未 一敬以 窮得此 窮 立其本。 理 理, 時 如 須敬以 何?」曰 存之,方不失。 :「未窮理時 古 或

我 然之理。 如 範 不 獲 我 正道 驅 而 學者 詭 馳 難 遇 而 行,如良 乎 不可 不 ? 獲 。。 以其 然 玉難 在 遇 難行 末 而 世 得 遂 大器 則 禽 變其 然 難 遇湯 可 (所守。 用, 因 武 範

居業録卷之二

又何難行哉?

宰 動 不 而受制繫於 得 觀 鼻 0 端 鳴 是 呼 取 1 至 物,可 心 近 至 哀 靈 物 也 至 以 -貴 羈 繋其 爲 萬 心, 事 主 使

無 他 物 心 與 ,只有此 理 本 理全 0 心 具 雖 在 内 虚 , 理 則 實。 心 中

寬慢,則心便悠蕩 整 齊 嚴 肅 心 無 歸 便 着 在 是自己 是,自 不 能 能 整 整 理。 理 也 才

要求 秀 才 讀 天下古今只着 着 箇 書,便要求 福 , 襌 子 坐 中 箇 着 科 禪 , 利 釋 便要 字 子 害 誦 求 T 着 自己 炽 天 ,便 理

箇快樂。那裏尚有天理?

自 然 學 坦 夷 者 去 安 泰 得 箇 謀 利 計 功之心, 則 心 下

小 功 業 亦 爲 不 利 濟 圃 事 仕 一,便 不 Œ 當 To 縱 有 小

知止而后有定,人窮理到至善處,自然

作事不忙不亂。

故猖 文 知 處 事 人 介約 0 不 故 天 狂 去 禮 理之實,必 要求 周 有此 不實 之誨 子 此 \$ 見 處 樂。 仲 程 ,自號尋樂子者有之。 以以 做 子 尼 朱 Ι. 流 至 顔 尋 子 夫,妄去自 於異端 欲 子 仲 恐人只去望空尋樂,不 罷 人 尼 不 欲 顔 故 能 浄 子 又 而 己 樂 盡 教 竭 身 , 天 處 其 以 E 理 從 所 才。 尋 渾 樂 事 今 博 然 何

筮 是 欲 恐 以 文王在羑里演《易》,周公又繫《 不 此 可 盡 天 下古今之變。 以 爲 專 爻 爲 辭 1

思。 敬 自 去,存養省察皆 有 畏 聖賢 故 卓 慎 聖 然 底 學 工 精 意 夫 就 明 思 雖多 此 底 由 敬 做 意 此 有 根 思 莫 肅 敬 本 切 然 要 凡 有 自 事 如 湛 整 都 敬 然 頓 字。 靠 純 底 着 意 底 此 敬 意 做 有

今人只是箇好高大,喜奇妙,憚繩檢,

故 做 出 許 多 病 痛

之。 秬 有 有 以 百 此 大小 黍 柜 秬 是聖人先以 而 知其 黍 制 黍 數在其中。 彼時 也。」 制 是 安可 然 律 天 適 然後 地 執 當 況 自 以 聲定律之管,後 地 此數、故 然之聲 口 黄鍾之律 爲 有 因 定? 肥 是而 瘠、 律 以 定 惟 容 造 年 度 程 律 有 度 量 秬 管 子 豐 量 以 黍 衡 謂 衡 X 秬 皆 非 律 黍 干 黍 起 非 止 於 曲 是 積 因

四

果 不 能 斷 退,反自取 以 進 行之。 君 子, 退 若好賢 禍 小人, 敗 此 而 爲 不 能 政 進 第 、思 小 然 帲 須

做 ,便是實學。 學者持敬,只就 衣 冠、容貌、 視聽、言 動

之 臣。 心 德,無以 篡弑之君不能 智 力 勝 教 其 者 下 僅 致 能 治者,蓋 而 把 有 持 道 得 之賢必不 以其悖天 住 喪 敗 肯 理 爲

服 乎 大治 時 ? 又曰 . 後 天地 不 順 世 心 不 以 萬 知 物 動 聖 一天 窮 只 人 天 理 地 是 以 地 以 以 順 順 箇 如 智力 動 動, 之。 理, 爲治 故 故 順 況 刑 H 之 建 罰 月 爲 所 侯 清 不 難 以 過 行 不 而 能 故 師 民 而

操 存省察 人被 , 所以 私 意 所蔽,天 要存 天理,去人欲 理 即 Ļ 也 聖人 教 人

學才倦怠 , 便 人 於 自 棄

有成。 能 自 奮 當 發 有 有爲 雖 進。 要 志 進 然 氣 必 而 剛 不 尋 大, 己, 師 友,講究實做 不甘作 不 使 間 下 斷, 等人,方 方 夫, 能

名卦 之義 與 卦 之 彖 辭 本 難 曉 然 孔 子

0 雖 IE 誼堂本作「須」。

九

九二

彖 傳 説 得 己 自 分 明 0 善 讀 者 沉 潛 玩 味

則卦義、卦辭皆可得矣。

者 미 故 須 也 臾 有 舍 聰 此 也 持 明 雖 養 識 FI 之 義 知 功 之 理 所 未 不 以 能 真 貫 持 然 乎 守 皆 學 而 大 之始 聖 氣 其 偏 終 本 欲 汩 心 不

理 則 聖 人 人 心 作 服 事 而 動 化 中 循 機 天 會 理 則 動 事 中 當 機 MI 會。 易 循 天

是 不 能 H 省 用 察 間 事 當 狗己之偏 做 丽 不 做 也 不 當 做 而 做 皆

興 召 來 一,是天 出 來 濟 作 半 濟 事 生 是 多 雖 出 聖 上 要 來。 人 一,文王 人才,然人才一 作 如 興 以 日 出 寧 贵 來。 悌 是 君 如 聖 半 伊 子 人 是 遐 傅 在 天 生出 位 不 周 作 作

口 大 循 人 作 含 差 糊 7 事 若 須 能 省 省 察 察 悔 悔 悟 俉 以 以 改之, 谏 改 則 後 不

> 過 事 失 尚 愈 口 多 少 過 也 0 若 不 悔 改 則 終 身 學 不 長

> > ൬

皆 妄 亦 出 是 此 守 而 平 循 此 意 實 行 其 無 ,學者則當 無 之 妄 理 實 妄 則 誠 理 無 へ之實 古 之 妄 也 之 自 無 0 理 外 然 擇 不 誠 利 則 善 而 無 天 爲 不 m 理 足 不 過 古 毫 之 幸 告 憂。 執 實 私 而 也 循 意 也。 桂 災 此 造 辭 疾 爲 聖 實 之 爻辭 人 理 無 只 故

時 速。 時 以 者,人之 下者安有 上 日 一者 詞 靡 在下者已 下之 故 害 有 觀 下 争」、「篤 下文言 意 誠 觀 *****: 不 敬 觀 而 觀 盤 於 信 仰 化 盤 仰 神 此 而 恭 視 則 而 而 道 不 爲 效 發 而 必 瞻 化 薦 設 至 天 明 薦 仰 L 乎 教 下平」、「無 觀 有 之,以 ? 既 蓋 也 乎 盤 能 言 義 必 顒 丽 盡 見 盤 以 若 最 不 奏 觀 觀 \ \ \ \ 而 盤 薦 切 爲 格 之義,在 感 薦 不 彖傳 加 無 薦 之 爲 蓋 不 治 神 言 可 在

皆 此 義 也

今日 只緣聖學不明,許多好人都尊信之,所 禪 學 雖 似 廣 大高妙,其實悖繆窄隘

以 其 風盛

有 :妄動。 人只當 故 日 守定實理。 無妄,行有告 實理之外,不可 ,無攸利。」 再

讀 程《傳》又有發明 程、朱《傳》、《義》,以發明之。 ,學者所當體也 讀《易》者,當先觀《象辭 到《彖傳》、爻、《象》外意 》、《彖傳》,次 爻亦然。

聖人攘夷狄,亦因其理而處置之,非是 志不可一日墜,心不可一時放。

嫌 他。

背《春秋》,不謹華夷之辨之義,故唐世有夷 唐太宗「胡 越 家」是誇大自矜之言,

狄之患。

古人老而德愈進者,是持守得定,不與

居業録卷之二

血 氣 同 衰 也 今有才 氣 之人 到 老 年 便

是 無持養之功 也

兵以 仁義 為本。 當先嚴紀律、設謀制

勝在後。

《本義》多本《彖傳》。

日 用間事 事 省察,從天理 上 行。 纔 覺

有私意,便克去,此進學之要。

立得志定,操得心定,不至移易,

則學

自進。

被 雜 事骨 擾 者,心役 於物 也。 苟 能 <u>y</u>

才覺私意起便克去,此是大勇。

己 事雖多,常整整不亂

整頓得 心起,則學自進,守得心定,則

德 愈固

才枉 己,便正 不得人。

0 他」,雍正本作「也」。

九三

文 風 浸 辭 久 此 取 天 益 下 士 人才 盛 多 少 風 隋 英 教 煬 俊 繫 帝 豪 於 開 邁 朝 此 壓 廷 端 從 E 當 那 教 今 邊 不 去 以 行 科 多 此 舉

由

於

善 陽 功。 此 理 兼 知 者 孟 清 錯 以 而 其 乃 子 濁 孟 堯 綜 爲 子言性 有 氣 之説 美 舜 生 交 功 質 悪 口 運 物 之偏 於聖 爲 安安 之主 則 善善 也 者 門 知 當當 得 是 一,安 皆 吾 有 指 變 知 不 是 性之本 有 恶 程 功 有 本 也 後 不 原 子 爲 清 學 之説 之 美 善 濁 論 善善 ? 以以 理 美 非 太 加 當 淺 惡 致 論 則 極 言 求 之 也 克 本 知 動 復 復 殊 静 然 人 程 之 之 不 乎 ? 陰 子

人

於

功

利

此

道

理

實

無

告

人

處

今

日

立

心

高

者

多

流

於

禪

以

下

俱

既 執 得之後 使 克 規 己,又言 空 矩 虚 法 無 度。 據 也 復 而 禮 天 理 在 是 我 從 實 非 事 如 上 里 端 持

有 窺 測 此天 賢 者 理 來 只 用 任 他 只 天 是 資 所 見 見 識 淺 作 終 事 不 濟 間

程

子《易

傳》多

主

事

理

朱子《

本義

》多

事 此 由 於 學 不 講 故 也

爲 指 説 荀 也 氣 子 則 質 在 孟 禮 情 子 物 樂 欲 在 欲 教 交 身 化 爲 動 知 皆 真 處 良 性 吾 看 性 能 9 故 中 上 故 以 事 體 F 禮 0 驗 性 依 樂 惡 故 荀 教 子説 化 依 性 孟 僞 是 子

哉 之, 物 性 異 日 箇 端 . 我 生 謂 不 釋 陳 我 以 必 理 公 他 生 氏 大 理 有 甫 語 人 不 物 論 但 死 不 説 滅 之, 小 有 即 能 底 始 偏 釋 則 物 見 物 物 必 氏 生 E 有 事 有 不 有 清 見 生 杰 在 能 盡 終 濁 性 不 而 天 覺 窮 之 之 我 加 安 地 異 説 我 無 我 間 得 無 盡 與 能 我 以 0 是 他 杰 獨 獨 形 殊 我 妄 皆 之 分 無 氣 不 想 然 盡 知 故 真 明 論 出

義 是 主 象 象 則 有 似 是 然 乎 占 有 太 是 亦 拘 事 , 非 則 必 有 有 讀 是 程 也 理 ^ 傳 有 若 *, 是 專 方 理 主 發 則 ^ 本 有 明

夜 有 雲 露 則 是 無 星 露 月 之氣 地 乾 處 與 露 濕 蓮 氣 相 感 而 成 故

得

盡

縱 常、易 化 爲 疑。 正 以 怪 IE 爲怪。 理 ,人皆驚 未 有 造 邪 以爲無者只 能 上 化 IE 故孔子不 而 終 照 邪、 者 窮 明 不 邪、 多 究。 異 者 亦 能 常 陰 談 故 不 勝 變、 變、 陽 理之正 語 怪 IE 是 可 IE Ŧī. 以 怪 險 易 先 理 異。 硬 行 爲 以 險、 既 去 見,終不 今仙 暗, 之 人 怪 此 窮 以 明 明 氣 世 他 所 , 爲 家 暗 然 不 蓋 而 不 共 有 及 聖人 之 只 己。 足 天 E 常 知 者 巫 不 守 地 以 有,非 者 共 必 其 師 吾 教 齊。 之 解 可 由,故 惑 間 做 交 IE 時 照 理之 把 理 只 錯 E 於 所 人 在 戲 之 而 以 神 變 m

者,皆有邪道,但君子所不當知也

制之。 邪 亂 也 危亡之國 行 既 尉 大工"、太平 9 足以 俱 行 唐自 葉宗流、黄 非黄 息, 天 、制之。 及其 F 難 亂 義 自 巾 事 也。 也; 致 既 無 能 猖 不 興 爲 此 及發 蕭 獗 善 非 漢、 故 亂 等 則 羊 紅 處 非 費傷 唐、宋 也 ·,若 事 民 漢 置 巾 陳 安 能 自 苟得 當當 勝 許 則 物 以 爲 亂 僅 初 多 能 阜 1 亂 此 也 得 其 處 兵 變),
賢 起 思 元 3 置得宜 小 人,郡兵足 力。 成 非 兵, 之, 康 能 自 黄 大 下 亂 在 秦 王 若 巢 位 也。 自 此 道 能 E 鄧 皆 不 以 縣 茂 道 起 百

指 常 爲 陽之謂道 。」子 此 太 陰 理 極 道 行於形氣之中也 思 陽之 也,所 心。一邵 日 朱 : 子 謂 日 子 率 道 指 以 • 性 不 元 道爲 之謂 同 形 而 亨、 天 道 孔 「道爲-上者謂之道 一。」然 地之本 子 利、 日 貞, 太極」、「爲 道 即 天 又 理 陰 道 以 也 是 之 道

天 元、亨、利、貞」是指 之 地 之 謂 本 道 是 是 指 指 此 此 玾 天 理 理 爲 見 之流 造 於 化 人 之 行 身 主 而 言 日 也 也 用 0 也 率

自《大學》格物致知之教不行,學者所

見淺陋。

實 節 理 如 有 不 喫 中 諸 深 深 木 程 子 己 體 造 札 言 矣 密 相 非 察 似 以 丽 。」言 横 守 謹 渠 禮 守 其 門 爲 之, 少 人 不 窮 則 守 善 理 知 禮 也 致 行 節 知 网 荷 没 盡 能 夫, 滋 此 於 味 禮 於 理

敘 事 詳 作 詩 明 観 文要 四 巧 書 便 六 離 經 道 口 見 只 要 道 理 條

時 本 君 原 ,便從 上 救 理 弊 會 甚 本 難 原 則 弊 E 若 整 自 從 理 然 末 革 上 此 救 乃 觀 善 極 孟 救 費 子 弊 力 明 者 道 須 告 從

故 末 自 明 道《 IE 學校 朱子《私議》從時 **>**, ≪ 養 士 **>** 劄 子 弊 就 Ė 本 救 原 便 E 做

靈

物

既

不

走

作

以

至

空寂之久,亦

有

許

多

神,不 分耳 理。 學 正 常有 者 理 既 不 者 可 明 爲 先 則 怪 去 自 窮 非 能 究 無 曉 神 此 之。 怪 事 ,但 蓋 但 不 有 只 守 邪 測 者 吾 IE 爲 之 正

久 心 理 儒 理 或 視 絶 心 於 不 只 此 鼻 思 自 者 應 則 守 端 慮 存 矣 只 釋 明 倫 此 萬 得 、端 氏 道 使 數 事 妄 心 事 箇 釋 當 所 是 心 嚴 反 反 息 慣 動 物 時 論 念 出 羈 氏 敬 數 熟 雜 若 + 滅 被 頭 則 慎 制 不 思 能 事 得 每 絶 羈 亦 反 其 再 或 用 觀 制 不 心 條 以 屏 事 無 之,從容 或 内 之法 如 走 理 歸 致 精 絶 他 算 視 此 作 詳 於 虚 念 人事 察 數 1 使 備 空 静 不 非 珠 三代 噫 心 一寂 皆 此 先 存 念 敢 動 面 其 是 及 王 之治 心之 漫 辟 佛 不 一之法 然 羈 制 所 心 端 號 得 爲 住 心 以 具 制 法。 坐。 是 天 之 此 或 盡 萬 屏 則

樂,不曾做 倒 聰 明 「今之 光 或 問 耀 出 博 儒 「今之 來。 文約 者, 只是 禮 多 儒 喜 者 Œ 一夫,如 玄 多 理 妙 人 滅 愛愛 異 何 絶 不人去?! 教 虚 故 静 何 猖 也 貪 狂 ? 快 顛

務農 弱 口 如 亦 供 祖 遴 講 父 職 今武官世 選賢 口 武 智 乎 爲 ? 勇 能 兵 有 兼 事 爲之主 乎? 祖 襲 全 時 父 則 軍 口 壯 只合 治 簡 人 爲 健 練 世襲,兵安得不 武 口 文 精 無 官 爲 武 事 壯 子 兵, 者 合 時 修立 以 孫 或子 一, 兵 爲 或 兵 教化 愚 農 孫 弱 弱 合 小

將 端 此。 能 也 迎, 的 嘗 定 又工 驗之,「 性 非 無 心 夫 内 性 完 無 外 已定 純 内 無 外一, 將 非 無 迎。 去 工 毫 聖 夫 明 不遠 牽 猶 道 引 口 不 之私 能 不 惟 能 所 , 不 無 見 如

切 惟 朱 極 子 訓 訓 大 皇」爲「君」,訓 中」, 雖 不 甚 害 極 理 爲 終不 至 極 親

> 之義 箕子 之旨矣 下 法 標 王 道 準 根 之 本 名。 在 於 然後 此 見 此 人 義 君 至 以 精 至 身 切 爲 天

得

之 有 道 口 理 切 實 口 以 是 箇 有精 無 不 論 説 所 聚之理 則 信 顛 真 釋氏 無 同 之, 真 者 空 謂 倒 老氏 性 許 若 錯 實 不 混 在 「空」者,不 指 説 此 多 聚 吾 繆。 既説 ,散有散之理,亦不 混 天 邪 能 無 ? 理 氣之靈者爲性 説 則 儒 地 沌 無 流 遁 虚 爲 説 説空,説 間 沌, 矣 之 行 則 無」,又説「 有 有 不不 以 解。 能 不 真 其 則 氣 散 釋 息, 空矣。 虚 生 真 中 論 虚 則 氏 老 不 有 有 之, 此 爲 故 説 既 氏 蓋 滅 物 性 杳 説 無 則 指 可 其 此 言 無 禀 超 杳 無 言 有 見 氣 多 老釋之學 空, 説 賦 冥冥, 若 脱 則 之 則 聚 道 無 邪 有,皆 理 有 真 輪 散 是 虚 明 也 遁 又 定 無 回 白 説 則 虚 所 其 實 贵 以 爲 精 聚 説 所 謂 不 中 氣 則 有

九八

言死 矣。」 身如 氏 何?'_ 之 靈 不 如 識 無 處 有 不 可 何 理 識 0 實 形 謂 死 何 老氏 日 只 而 聞 性 故 言 體 生, 也 無 . 將 歸 ,妄指 佛 又 者 不 真。 言 死 氣 要 釋 間 爲 識 氏 以 而 自 之 氏 實 把 : 説 道 死 氣 歸 無 近 以 何 住 之靈 老 真 無 而 真。 妄指 中 似 也 知 此 氏 性 形 歸 者 ? 而 覺 物 言「有 者 殊 體 不 真 言 生 氣之虚 運 爲 不 者 曰 生 以 也 動 性 是 知 爲 不 佛 免 0 生 爲 生有 以 虚 氏 者 輪 老 此 於 滅 性 生 回 不 氏 無 爲 IF. 生之 若 其 爲 是 識 道 不 以 理 不 氣 意 愚 此 識 其 佛 理 之 真 故 如 釋 身 此 不 則 氏

既 形 釋 散 於 ,又只是此 水。」 横 則 渠 盡 言 居 矣, 贵 未 氣 元 若 之 初 敢 冰 聚 水 以 未 散 巾 爲 凝 於 然 之 太 時 虚 蓋 氣 猶 是 聚 冰 此 則 之 水 成 凝

卦之六爻,以 中 正 爲 善 又 必 有 E 應

> 詩 之前 禮 合 學 在 地 如 卦 君 方 之前 同 樂 者 下 臣 也 E 口 ,萬 • 亦 有 而 康 未 無 明 相 却 禮 化 然。 節 有 以 以 遇 爲 説 物 天 樂 卦 言 致 進 動 不 誠 地 散 之 而 之 制 知 其 蓋 定。 樂 設 故 畫 意 殊 理 理 禮 明 而 中 興 豐 位 相 前 己 己 作 不 正 而 聖 乎 焉 如 有 具, 有 樂 在 禮 ጠ 則 自 方 E 有 易 敬 易 特 才 制 但 豐 皆 格 雖 口 聖 者。 行 假 非 德 大 行 以 出 物 此 E 此 之業 乎 聖人 聖 矣。 於 成 不 意 致 説 敬 者 其 偏 人 聖 知 天 也 其 最 作 之 寫 流 中 不 下之治 之學不 有 。」「天高 手 本 行 未 不 而 其 删 正 於 以 歟 不 出 詩 制 未 後 應 世 · 傳 息 成 固 作 畫 無 則

當 是 教 末 學 他 近 行 去 日 學 窮 先 者 理 學 便 力 走 行 要 如 尋 見 滋 何 理 味 不 明 猖 尋 力 狂 快 行 顛 活 熟,自 倒 此 皆 有 只

滋 滋 當先難 味 味 自 處 後 能 獲。 快活 人「約 孔子教人「博文」,便是 禮 」,便是 人 快活 處 但

不 舉 · 得。 作 直措 古 事 人作 無 諸 本, 受 枉 事 能 從 多 使枉者直」, 本 Ŀ 少 作,所 /煩苦, 以 是 費 甚 簡 盡 簡 要。 力 要。 作 如 後 日

取 不 方 修 人 盡 以 爲 爲政 而能任賢才者 政之道 身,故修身又 雖 使 然 民 其 各 本 爲 得 在 其 得賢之本。 於得賢 所, 物 各 才 遂 而 未有 用 其 之。 生, 身

能 蓋 主 了得天 處之各得其所 事爲客。 看 盡 下 天 萬 下 以 事 事 主 丁, 也。 待 要不 客 程 子曰: 則 失其 我 不 本 勞 心。 立 而 後,自 事 心爲

心 存 理 萬 明 事 各 具 下 事 理, 可 不勞而 心 之 靈 治 足 以 該 具之。

> 則 無 事 天下事 矣。 要心去處,身去行,然物 何 謂 物 各 付 物 心? 順 各 理 付 處 物

便是。

察理 精 後 力 行 便 不 難

心 渾 是 惠 理 理 不 明, 心便欠缺,便

有蔽。

處小人最 難 位 高 勢 重 可 以 處

置

小

才高德重可 以 處 小

修己 人才難得 後 自 可 能 教 不 人,能治人。 自 重自勉? 此合 内

之道

四 民 各 有 其 業則賊 盜 息,今之賊 盜 多

是游 手無 理 明 業之人爲之。 後 又持 守堅固, 力行純 熟,

此

是

大賢

故《易》多言 天 地 人 「利貞」。 物 皆 正 理 合 所 E 爲 理 着 處 邪 則 妄 事 不

外

見 事 皆 是 正 理 • 合 IE 理 處 人 心 自 服 見 人

心 盡 是 正 理

其 分 而 本也 則 苗 擒 人 盗 服 心 設 賊 自 機 刑 明 奮 制 賞 賞 勝 勇 既 罰 在 氣 明 爲 臨 自 先。 時 功 倍 罪 昔 賊 既 泉 勢 著 自 陶 能 明 消 象 否 既 刑 此

若 聖 作 止 此 義 一賢爲 一發於 詩 能 此 期 文者 程 做 於 詩 子 學工夫 聖 工 文,又 以 志 賢 巧 詩 局 工 9 文 必 便 於 何 夫, 害道 荒。 此 與 害 聖 ? 不 所 杜 賢 非是。 學 以 不合: 爲 子美、韓 詩 爲 己之心 文, 道 他 詩文害 之害。 專 其 退 心 不 造 之當 致 同 道 必 若 力 不 初 於 道 是 於

感 則 不 與 感、從不從 天 與 地 人 處 E 當 大之 執 不 謙 情 不 必 然 似 不 口 誠 媚 意 悦 在 我 才 人人之 媚 悦

今人言心,便要 求 見 本 體 察 見寂 然不

口

言 體 心 曷 動 提 惕 則 嘗言求 處 然 撕 内 此 唤 而 裹自 皆 醒 見、 在 過 非 相 察 非 也 攫 見 察 歟 0 亂 見 ? ? 古 之 人 若 反 謂 只言 無 欲 . 也 「才提 主 求 矣。 察 涵 養 而 撕 然 言 見 唤 則 其 操 醒 古 心 之 則

害 動 於世 人。 禪 但 學 其 心 虚 中 靈 天 理 故 根 其 源 機 掃 鋒 滅 迅 故 故 速, 悖 能 繆 驅 駕 顛 倒 扇

人 非 不 此 足 箇 但 道 理 人自 本 棄不 然 具 求 足。 聖人 非 有 加 吾

瞢 時 欠。 倒 在 天 今天 這 地 裹。 氣 下 化 無 才儘 息 有,只因 之停,人 聖學不 物 之 生 講 無 故

人 非 心 望而 行 是 迁 聖 陣 畏 闊 \pm 整 一之兵 服。 肅 是 他 號 有 又吾之所 令嚴 師 征 出 無 以 明,兵 戰 IE 以 又 征之者,非 士 無 奮 許 義 勇 多 素 效 詭 孚於 死,敵 計 欲 殺 人

若 之。 也 間 戰 彼 如 奇 日 也 之 服 此 戦 遠 「兵, 其 或倉 但 民, 終 此 迁 近 心 恩 所 是 乃 華 信 卒 詭 愚 以 箇 用 誅 夷 無 殺 用 道 不 天 其 奇 莫 及 其 也 道 師 地 害 不 必 所 生 或 民 反 感 謂 不 有 以 物之 敵 者。 戴 辱 若 詭 殺 制 人 身 則 制 傷 服 心 强 贵 彼 敗 之 不 其 其 盛 真 民 無 口 師 勢, 患 勢 有 若 豈 物 乎 者 制 不 非 肯 用 宋 我 ? 其 聖 得 奇 願 不 襄 彼 勢 不 則 與 得 孫 于 此 不 心 有 子 泓 我 不 用

是 假 以 爲 施 手 天 圃 假 教 於 欲 オ人 化 禮 手 逕 樂 聖人,故天 超 故故 聖 禪 高 人 己 妙 便 制 不 以 禮 殊 勞 不 禮 樂、代 而 言 不 樂 教 知 制 面 化 聖 天 度 萬 生 爲 物 以 聖 安。 瑣 成 人 碎 代 教化 聖人 不 天 足

曉 得 箇 世 之 天 愚 地 者 父 母 莫 愚 妻子 如 老 9 也 佛 曉 得 至 有 愚 箇 之 己身。 也

> 声 今禪 母 棄 家 妻子 粒 以 天 粟 雖 地 中 天 藏 爲 地六合之大 幻妄、 世 一界。」 己身 陳 獻 爲 章 也 幻 又 曉 身, 要 不 離 塵 父 微 故

聰 明 聰明 大顛 人 也 多 動 爲 他 禅學 不 所 動 0 設 使 韓 退

六合」,豈

非

愚之甚

乎

?

未 堯 由 之治。 「皆假日 有 物我 老莊 不 設 修 堯 之 以 理 豊 而 説 誇 未 能 無 最 其 眼 治 妄。 有修己 高 睛 者 ∭ 必 如 欲 説 而 得 讓 不 舜 堯 位 之聖 能治人者, 欲 一於巢 讓 由 位 方 乎 能 於 亦 巢 紹

外 體 爲 具 空 無 於 也 無 其 用 不 中。 吾 愧 則 謂 屋 本 此 漏 IE. 體 是 是 已 體 其 雖 絶 也, 體 無 矣。 先 但 絶 事 未 今人只言 於 發 然 内 耳 萬 故 理 老 老 無 森 佛 佛 用 然 有 於 以

凡事有則。循其則,即理也。裁而制

0

於 之, 則 宜 在 則 得 爲 法 度 或 法 弊 度 生 立 又 則 口 弊 變 可 血 革 通 之, 然 以 行 之 滴

端 天 害 遂 屏 隱 矣 理 理 去 士 一,其 偏 聖賢 人 欲 滅 之高 事 脱 絶 清 去 思 高 顛 塵 循 慮 之風 不 俗 倒 乎 足 以 卅 天 尤 以 猶 求 利 理 甚 盡 足 無 0 天 累 故 以 以 高 下 激 無 求 士: 之 繫 污 山 無 理 累。 俗 林 累。 然 變 隱 則 異 未 今 1 異 端端 端 爲 至 雖 Ш 異 則 甚 自 欲 林

之, 備 陽之謂 口 美 悪 專 事 朱子又多以 拘 無 理 易》之 道 於象占也 所 無 ,其交錯 不 不 有。 道 該 廣 象 故六 既 占 大 然 變化、 不 推 悉 事 + 之, 口 備 理 四 高 專 又 皆 掛 下、 拘 程 切 可 中 於 子 世 清 事 用 以 象 濁 蓋 理 占 事 偏 亦 陰 理 無 IE 不 不 明

今人言心學者,便要説静時無心。居

子 發 未 涵 有 有 理 於 理 離 與 仁 在 日 静 解 形 養 己 内 又 未 物 因 中 理 . 間 無 之日 前 程 矣。 之 而 發。 故 静 曷 故 戒 故 而 言 静 静 子 氣 嘗 須 無 謹 戒 動 説 中 然 夫 象, 丽 静 主 非 有 謹 丽 設 有 做 此 静 未 雖 天 非 敬 真 看 甚 恐 動 此 若 中 有 無 時 命 無 無 何 見 又 ? 懼 有 須 無 有 事 此 之 所 也 也 也 察 非 以 物 接 存 心 心 性 知 又 ? 彼 以 存 見 也 之時 乃 養。 存 覺 寂 與 遂 信 亦 養之。 ? 未 無 然 生 養 要察 須 静 亦 形 以 故 中 . 箇 在 或 俱 則 中 有 有 爲 而 含 程 周 問 甚? 内 見 生, 此 若 謂 只 知 子 静 理 有 子 本 心 不 之無」。 有 此 真 覺 以 也。 時 言 **風曲** 用豆 未 理 周 在 爲 簡 必 無 真 彼 口 無 動, 故 子 看 全 操 静 有 心 須 又 無 存 未 具 又 中 物 無 此 應 與 112

●「利」,顧氏抄本作「故」。

世 間 不 明 人 做做 才 儘 有, 業 不 亦 出 多 有 此《 肯 大學 做 功 業 \leq 以 者 窮

只 是 理 功

理 爲 先 也

後, 明。 退 之揣 無人 董 自 子見 孟 見 理會得 彷 子後千 其大意 佛, 透 至程 应 徹 孔 一百年, 朱 真 明天資 方 西 無人 見 山 得 庶 有 見得 盡 幾 暗 合 自 此道分 處 朱 子 韓

窮得此 理於心,又須存養省察工夫到,

方 無 罅 漏

身不正,不 之仕者,皆欲行 之,即逆黨 篡弑 之人,其身 可 也。 以 道 君天下,又可 稍 以 知 濟 義 犯 斯民。 大 理 者 逆。 與之行道 不 篡弑之人,其 爲 若 北 也 面 乎 且 以 ? 古 臣

敢妄爲。 君子之學,孰過於是

執

事敬」、「修己以

敬」是

事

事檢點,不

盡 脉絡 聖賢 貫 之文,順 通。 後世 理 專意爲文,而 以成章,自 然 理意 本 末 反 不 兼

> 足,是欲 巧 丽 反 不 巧 也

高 大。 渾 化 大。 後世之高 未盡 孟子之高 故 有 下 與後 此 無根基 跡。 世 一之高 如 泰 不同 内 Щ 無實 一之高 0 孟 理 根根 子 空 英 脚 氣 甚

善最樂, 即 廣體胖

爲

心

也

通 能 理。 世,著之何用? 民 識 所 則此 賴, 得 認 古人著書皆不得已, 得道 著書 真? 須實 道 菽粟、布帛, 明 理真, ,才有一 矣。 況 異端 從 詭 生 事 毫 誕 自 民 浮 爲 理上推究,以 惑 如 華 所 名,便是悖 耒 他 害於 急。 耜 不 得。 世 若 陶 者 無 冶, 乎 至 何 逆 益 貫 以 天 於 生

出 蓋 本。 ,天下後世 聖人之心 近 故 觀 三《禮 許 理 多 取 制 》,皆是 以 加 度 爲 用 節 法。 殊,天 文 憑 皆自 天 學者 理 下 E 聖 則 之 裁 當 事 人 制 胸 由 萬 出 中 是 殊 來 以 流 而

窮 理

미 以 對 其 越 心 L 肅 帝。」不學聖 然 則 天 理 即 賢 在 (,則學) 故 程 無 子 歸 宿 : 敬

惡 古 是 政 小 諂 積 人 諛 ,好人諛者自修則 字,修己 治 人之大 不 聞 病 過 治 諛 人 者 則

日

日 0 自 居上 驕 者必好人諛己, 丽 驕 則 小人由此而 故

心 西 Щ 之本 真 氏 也 先 ^ 心 經》 m 後 ^ 政 經 \sim 則 身

乃

出

治

自 日 生 然。」 頭 倒 某 逆 在 理 順 佑 則 則 聖 處 頭 觀 處 頭 見 生 合 壁 顛 自 間 倒 然 題 日 順 居 . 理 則 逆 加 頭 則 兩 頭 處 字 合 處

閑 溺 之 厭 由 人皆 世 俗之 闢 蓋 異 其 煩 端 初 雜 而 只 恐 是 及 其 清 其 害 高 久 道 隱 也 僻 然 清 之 不 静 士 知 寂 好 其 滅 清 陷

> 斂,隨 陷 德 理 其 F 以 心 溺 體 無 事 爲 所 究, 省察,方 心 用 只 性 故 憑自己 以 懸 不 爲 空 己意 陷 見 太 溺 出 極 見 許 必必 若 多 學 聰 喜 物 者 明 高 事 須 人 妙 隨 不 以 去 必 時 爲 事 至 收 道

方能 固 易等法,雖 此二人者,利 之道 與 宋 結 神 神 之心 神宗 宗合 宗 用 大 滿 抵 有 也 也 道 君 朝 即 攻之者甚衆 之 臣 君 位 心 臣,好 如 子 相 初 相 安 獨 合,各從 便言當今以 契。 石 用 利之君必用 憂財 安 終不 其 石 行 其 力困 者 泉府、 類。 能破二人功 以以 理 窮 財 計 安 好 而 青苗 爲 利之臣 道 石 言 急 利 之 治 利 君 市 心 財

人若日 用 間 . 持 守此志,省 察 此 理 學 便

長

進。

句 宜細思。 太極 不 離 乎 陰 陽,不 雜乎陰陽。」 此

兩

日 . 万天 理在 地 氣 之 之中,所 塞, 吾 其 以主宰 體 ; 乎是 天 地 氣者。 之 帥 故 吾

理乃 氣之理, 氣 乃 理之 氣 混 之 則 其

性

别 一之則不是。 無

之私 心 妙 術之害。 盗 故 參同. 竊 違 造 契》、《陰符經》皆能 乎聖賢大中至 化之機。 但 不 正之道,反 合 他 將 窺 測造 來 爲 濟 [] 化 身 者 之

世 内。 用 之自私者多好之,故害道尤甚。 聰 《参同 此 目 但 不 能 用 契》欲關 養 明 身之 鍵 不 以言, 耳目 私 圃 口 以完養 棄 三者,使 天 下 神 之 耳 氣 理 於 不

同 忌 明, 奇怪之士欺世之 憚。 用 非 陰符經》之言奇怪 説 也 者 以《 易》 參 雖 同 精 無人,縱其 契 微 × 而 \sim 陰 坦 蓋 符 夷 聖王之道 (異説 明 經 白 與 而 中 無 Ė 不 所

> 廣大、周遍詳悉,非二 書 미 擬

矣。 此 人荷 即 是 能 集 省 義。 一察,使 事 事 合 理 則學 大進

無 學 問 看 持 有 養 才 氣 I 夫。 底 人,老年 多 不及 少年, 是 他

君 過 家之治 直之士, 忠直之士 則 子退矣。 必 人肯自修 好 本 於此。 諂 或 諛 家之亂 好好 則喜聞過, 不自 進則 諂 諛 本於 修 小 則讒 者 喜聞 此 則 退、 諂 忌 面 過 君 聞 諛 則 子 過 之人 能 進 來 忌 進 聞 或 忠

程子 失之矣。 以性 人心要深沉静密,❶ 静 者 미 以 爲 學。 方能 若 體察道理。 躁 動 淺 露 故 則

未 至此 若窮 當精 理 到 思 融 熟慮 會 貫 以 通 窮其 之後 理。 雖 故 無 思 蔡 可 一何 也。

0 密」 顧 氏抄本作「謐

思 反 屏 引何 去 何 思 慮 慮 思 程 何 使 子 慮 心 以 不 爲 而 亂 太 欲强 早。 則 必 合之,誤 流 今 人 於 未 禪 學 至 空 此 虚 欲

罰 服 於 不 乎? 設 待 既 施 政 施 在 上者 之 教 如 際 號 雨 身 令之出 事 露 既 得 霜 修 其 雪, 宜 理 圃 又 既 政 民 何民 己 明 教 歸 號 則 之不 服 令既 德望 景 感 仰 素 出 悦 著 畏 刑 況

之心,故仁民愛物自 天 地 只 是 箇 生 不 物 能 之心 己。 聖 人全天 地

爲 煦 煦之仁、孑孑之義 天 地之情正大,聖人 、之情 亦正 一大,故 不

實

學空 调 憚 有 於高 博 其 虚 覽 煩 今人有 大,有凌空駕 朱 厭 子 昔 其 諸 陸 厭 卑, 書 子 讀 静 以 朱子傳 此 資 惡 好 虚 解 伊 簡 之病 説 註 易 川 者,二 之言 高 ,與程 以 大,必 爲 者皆 太 蓋 子 煩 其 流 收 者, 非 於 斂 天 也 謹 資 異 又

> 密 密 實 纖 地 悉,尤 I 夫 非 異 趍 矣。 簡 徑 況 一樂閉 朱 子 曠 博 者 學、 所 便 精 也 詳 細

自 如 用 者言之謂之義,非 不 妙 内者言之謂之仁,自 有陰。 仁。 顔子 便要建 如 氣也 今人未 只是一 何 爲 如 不 蓋 陰 仁 立功業 人異 曾 陽 箇 仁 而 義 雖 天 做 未 對 教 理 得 嘗 如如 判 去? 立 理 下 不 然爲 自 其 何 學 實 義 耐 岡川 其 不 陰 未 兩 孟 毅 温 人 理 夫, 中 物 曾 權 子 斷 和 也 自 而 識 集 謀 便 制 惻 陰 有 不 截 義 得 欲 怛 功 陽 相 陽 聖 貪 然 盎 利 圃 通 賢 求 陽 未 然 不 也 中 荷 氣 作 高 於

在 其 中 程 矣 子言 皆 敬 則 意 無 也 己 口 克 朱 子言敬 則

做 當今一 箇 好 人,須壁立 千仞。

宴 安 如 酖 毒

志不 可 放 倒 身 不 可 放弱。 程 子 日

一才

悠悠,便是志不立。」

外面求貴。
今人自置身於卑污苟賤之中,却要去

歸於佛。 今天下自功利詞章之外,不歸於老,則

走 作 箇 也。 恭 敬 只 又 是 日 箇 敬 篤 恭 是篤 又曰 實做得 「篤 敬 有 恭 力,不 只 是

茫 誠 然 敬 存之。」 無 縦能 歸 着 窮得此 處 理,然無持養工夫,此理亦 故 程 子曰 : 識得此 理 以

地

,爲害亦不細

理 故 所 知 之真 mi 朱子以爲在初學尤爲當務之急。 明之善終非己有,自 欲 《大學》要緊處 誠 加 意 適 ,則善惡未 以 爲 妄。 在「致知」、「誠 明, 欺 能 欺 致 而 人,爲害大矣。 知 所 ПП 誠 不 者 意」兩章, 誠 蓋 反 意 非 不 則 天 致

程子曰:「敬下驢不起。」只是謹密畏

慎底意。

貪 利 章德 禄 者爲 茂言 害 世。」 陳公甫 是 不 知莠 不 害世 之亂苗 ,只有· 今之 但 知

蒿草之害苗也。

永樂間道義名節之士未見,只有許多

才子. 此 風 出 既成,則 莊 孔 來 弄 暘, 詩 天下學者皆流 觀 文。 其 詩 只 是一 於曠 箇 豪 闊 曠

以求仁爲要。

仁是生理之具於吾心者,故孔門之教

遺。」此聖人做天底 同 憂。」天之作用 範圍天地之化 又 事 而 與 不過,曲 至人 鼓 萬 不 物 同 成 而 萬 物 不 與 而 聖 不

不合理事便不可爲,故曰:「非禮

勿

動。

居業録卷之三

狂

妄之

之士。

今之科舉文字乃取富貴之具,與修己

治人之道無干涉。

學者當. 之言 言 子曰 草亂苗 如 莠之亂苗 距 楊 比 聖賢待 墨者, 如 之楊 攻乎 其 淫 害 異 聲 異端 墨 聖人 其 小 端 美色以遠之。」 尤 害 加 極 大 爲 之 斯 淺 嚴 而 徒 近 害 深。 也。」 理 真 也 一, 故 己 如 功 程 待 其 蓋 利 子 孟 賊 害 異 害 \Box 子 相 端 爲 道 一「佛 日 似 害道 尤 . 如 甚。 氏 能 孔

要闢異端,當先教人學小學。

子、程 韓 子、 子 闢 朱 異 子 端 是 手 從 段 本 低, E 是從末 説 所 以 E 非 闢。 韓 孟 子

不 口 聖賢 及。 後 治 世 世才智之 是從 天 士 理 用 上 展 盡 氣 開 力, 去, 所 只 見 以 功

所

及。

聖賢之學只是修己,治國、平天下是從

之卑。

這裏出。

有亂世 聖 賢 事 業。 生於治 事 業 世 雖 有治 殊 其 世 事業, 道 則 生於 亂 ##

盡天理,不以一毫私意智力撓之,便是

堯

舜

氣

象

清 所 、異端 高 長 者 而 天下人才要 自 窮 多 井 理 用 隱 田 後 之。 之法 便 逸,才智者 有才,誠 荷 不行, (聖人 無 聖 出 人 意後 多 人富者 來 在 超 得 上 功 便 少、貧 有 位 名 裁 收 德 而 曠 公拾,隨 用 者 大 之, 多。 者 名 其 則

志 愈 愈 也。 偏 博 學 而 而 只 理 知 争 益 愈 明 箇 蔽 爲己 若 故 爲 與 程 爲 子 人。 則 以 學 記 若 博 誦 爲 而 爲 己, 成 玩 雜 物 則 喪 學 理

陰盛故 潮 潮 酉 子 故 潮 生 則 午 有 生 勢 平 湍 , 月 潮 則 潮是海水溢 臨 從 激之 退 潮 午汐 臨 卯 其 先 生 子 勢, 儒 類。 生 沙 西 子 占 而 生 乃 午乃 而滚上江去。❶ 自 以 餘 陰 潮 0 朔 爲 則先 望 陽之交。 勢 陰 以 潮 以 大。 陽之 後望 隨 儒之 後 月, 楊 朔 極 月 論 以 以 子 是 也 前 錢 爲 前 江 也。 備 水 塘 太陰,水 月 月 月 深 江 臨 臨 臨 月 淺 午 臨 卯 故 子

衆 柄 當 理 中 勸 然善者爵 之當 之散 在 也 懲之具,馭衆之柄 乎 雖遠 上, 感化者 理 然 而 近 盡 也 衆 而賞之,惡者 萬 賢愚 此 莫 殊 聖王 理 不 然刑 者。 不等, 於己, 勸 爲 當 聖人 也。 治 然莫不 威 之 故 乎 安 天下之大,生人之 豊 本。 理 ጢ 有 此 ,衆莫 刑之,亦 有 不 本於 又 刑賞 意 感 爲 不懲。 爲 化 者 馭 之哉 者 此 理。 衆 哉 聖 之 賞 E 理 聖 ?

> 道 心 既 拯 救 衰 聖人有憂世之心,無忿世之心。 不 上無 可 忿 明 世 主 而 聖人在 長 往 也 下 , 只 、得隨 時 蓋 盡 世

歸 謀之士, 人心之同 仰。 聖賢 朝 廷 智謀之士多失人心,以 專計 不 然。 處 事 以 利害, 聖賢 德 每 行 斷之以 取 制 不 事 士 顧 以 義 義 天 義,故 理 不不 下 致禍 學 顧 然 校 人心自 利 害 理 根 害。 義 本 先 然 智

資。」 壞了 及 紹 興 入學校 0 綖 與 非 朱 以 爲 年久,又壞了一半,只有二三分天 綖 惟 説 然 不 能 「今之秀才有六七分天資 成 人 才, 又 壞 人 才。 吾在

焉 於 得 利 今以 禄 不喪? 逐末 文 詞 小 趍 科 小 利 舉 人才鮮 取 風 ±, 俗 焉 日 有 得 誘 不 不 月 沉没者。 薄? 化,人 皆超 才 既

●「滚」、原作「衮」、據正誼堂本改。

教 此 全不 豈 採 之,則天下之人皆欲奮 縣 科 不 實 養 截 采 舉 不 以 訪 作 才 知 勝 題 德 只 於 賢 興 用 檢 目 行 行 之 ,德行 才 今之學校設 取 綴爲 薦 道 此 而 1 舉 是 薦舉之, 全不 浮 法 不 麄 詞 若 法 知 \$ 罷 以 官 勵 終 朝 勵 在 去 員 希 乎 不 廷 朝 學 以 富 生 如 君 大 官 貴 自 徒 程 臣 相 且. 進 生 子 終 朝 及 而 裁 於 員 學 廷 於 日 各 量 才 制 口 身 只 道 罷 而 德 得 去 盡 心 用 郡 去

者 用 銀 井 穀 田 買 之 法 而 兼 不 併 行 之, 田 愚 地 民 多 常 被 少 富 衣 豪 食 有 智 謀

心 道 事 與之乎 齊桓 之學 也 把 私 春秋 召日 ,故謂之『假仁』。」曰:「設 春 文若 去 家不 秋 日 做 . \Rightarrow 與 不 以 那 五 他 真 必 此 伯 若 作 心 [者,是: 去 以 矣 義 真 行 1 是 心 1. 他 他 假 行 義 心 本 底 , 術 使 無 義 春 不 聖 明 或 Ė 秋 人 即 理 日 爲 亦 E E 事 0

> 狄 室 之, 加 王 自 ,秦晉得 上 IE 如 服 下 侯 何 矣。」 與 ? 度 以 天 明 坐 地 理 視 同 義 流 不 聖 朝 豊豊 興 人 教 容 IF. 化 楚 屈 己 完 人 而 安 必 得 中 物 不 以 夏, 格 敢 猾 抗 攘 尊 夏 盟 僭 夷 E

安石 亦 天 生 下 賴 財 之民 用 其 孟 有 子言 青 貢 大道 苗 賦 務 農 「善政 非 市 則 重 是 易 財 穀 得 重 以 恒 斂 以 民 剥 足 生 以 財 取 得 天 民 亦 民 下 是 此 財 財 之 分 意 財 田 《大 也 又 制 非 而 學 井 如 或 王 家 率

受 之貢 來 木 馬 則 害 獻 其 口 費 · 世 不 見 貢 費 多 口 賦 口 不 少 叫 勝言 只 在 如 盡 叮 人工 合 珍 浙 勝 却?」曰 禽 貢 江 計。 異 或 路 或 見 獣 日 家 費、 不 福 當 過 奇花異草,皆 財 建 用 狄 夷 供 貢 力 之 狄 夷 耳 禽 物 來 來 目 鳥 又 之樂 朝 朝 聞 觀 花草 家獻 番 必 不 禹 其 官 有 人 百 貢 土 貢 物 樹 **\$** 姓

之物 使 多 用 物 反 一費 民 費 固 名 供 民 小 ,受之何 不 不 得 人 送 口 財 害 耕 力 却, 力 耨 財 , 民 然 用 以 物? 亦 有 ? 必 養 用之 矣! 父母 須有益 況 況 犬 禽 物易 ,所害尤大 馬 如 鳥 於用乃 貢 犀 花 無 象 木 ___. 用 馬 難 止 之物乎 可。 致 供 象,費 之物 玩 奇 玩

無 金 不顯 事 人 時 不 亦 以 不 臨 教 布 帛 心 無 空,有 换 斁 金 亦 銀 保。」 事 是 時 必 他 不 教 加 有 見 此 心 亂 識 然 後

私

意

「必有事焉」,是孟子最善做工夫心純一而無間也。

馳。 子 人 雖 無 是 程 所 一説 子 事 取 集義」,亦 則 以 心 明 悠 持 悠 敬 以見敬爲 蕩 之道 蕩 無 其 義 歸 義 之體 尤 精 必 也 至 處 外 孟

未有外貌不莊心能一者。

以 爲 本心 是天 之全 地 德 之 生 蓋 理 兼 具 兀 於 德 人 而 心者 爲 萬 善之長 故 先

> 於其 其 而 仁之全 所 統 心 以 乎萬善者也。 體 渾 教 然 諸 故 天 弟 理,無 顔 子 者,皆是 子三月 故 孔 毫人欲之私, 門之教 不違,其 求仁 3.專在 功夫。 餘 乃 則 求仁。 必 能 至 月

學而善思,則學便有進。

至焉。

然。 蓋 扶 陽 聖 抑 人 陰 之 意 雖 聖 即 人 天 之用 理 所 意 在 實天 9 非 如 理 之 之

救民 之民 煮 天 地 君 之任 間 者 桀紂失了君道,故湯武不得已 今桀紂 ,所以爲 故不 大賊 丰 得避 也 天下主 惟 失 湯 伐 君 武 E 一,代天 道 之 不 嫌 幸 又 理物 適 殘 而 坐 在 民 以 視 其 害 而伐之。 養天下 也 時 物 乃

倦 是 明 不 理 人要做事業, 當 應 爲 事 處 事 則 亦 當 截 是 然 爲 私 不 處 意 爲 則 君 汲 故 子 汲 禹 之學, 爲 稷 之 憂 只 而

顔子樂也。

不當 自 士君 求 進 子 只 求 當 進 守 則 道 先失其道 安 貧 以 待 矣。 君 L 一之求

之本 作也 形 天 興教化,感 於言 地 末功用 便 有 有 太 語 詩 極 詠 人物,有人物便有 人心, 也 便 既 歌 自 有 作, 陰 動 不容 又 陽 天 足以 有 地 己。 陰陽便有天地,有 格 正 性情,有性 鬼 性 此《詩》之所 神。 情 辯 此《 得 情 詩 失, 以 則

養 則 喪 良 知 滅 良 能 故 本 古 人自 於天德 幼 之自 便教之 然, 洒 須 掃 要 養,不 應

孝悌

恭

敬

是 生,德性常 以 窮 理、 須要恭敬。 修 得其 身 養, 以 馴 恭敬則惰慢邪僻之心 而 致 天下之大 篤 恭 而 本 天 在 下 平。 我 不 由

至矣。

達道」。

天

下

事

皆

從

我

這

裏

做,故

曰「大本」、

大本立,則達道自行。故程子曰:「己

立後,自能了當得萬事。」

道只有一箇體用,故曰:「夫子之道

忠恕而已矣。」

極 處 則 致曲」是事 誠 立矣。 事要心推 誠立則不可 行 到 揜 極 故 處。 形 著 既 動 到

「尸居龍見,淵默雷聲。」是道理昭然不變自不能已。

可

揜

也。

斷 此 與 勉 聖人 不 勵 間 不 與賢 斷 息, 人 識 此 之分,只 得 是 如 希 何未 聖 I 是一 熟 夫。 如 箇 何 生 久 間 與 而 熟、 斷 聖 從 間 可

害 害 於 人 功 人多、只害 多 利,此道 先王之教不行,高者入 聰 之孤 明 得中人。 多 去習 宜 矣 科 中人已上 舉。」 於空 或 日 虚 : 一,害他 今 卑 科 舉 科 者 不 雖 舉 流

得。 得。 教 子 行 贵 則 等 如 高 人 異 端 習 者 |科舉 可 愈 爲 聰 亦 聖 明 容易, 賢 者 陷 中 況 溺 人 中 愈 亦 科 深 口 後 進 若 亦 脱 王

美? 若 進 又 H 其 何 朝 夜 難哉 才 廷 去 朝 故乾 擬 廷 以 修 德 題 以 剛 其 文 行 目 德 章 才 作 振, 取士, 又 能 文 萬 何 取 字 類 患 士 故 故 皆 , 則 人 S 學 官 土 從 才 子亦 人 不 必 皆 興 皆 開 心 存 風 心 奮 T 政 念 俗 勵 舉 設 念 以

順。」 惟 弱 孔 不 圃 人以 經 廬 非 子之言可 及少年 若 歷 言 有 事多 後 才 四 氣 ·, 此 + + 聰 爲 者, 閲 不 萬 年 明 無 理 惑, 老 世 學 前 才 益 法 問 氣 而 好 五 精 之士 充 用 不 + 操養益 養 見 功 知 之功 用 天 老 命,六 亦 不 皆 熟。 説 及 聖 汩 殺 少 + 故 賢 没 了。 也 耳 孔 則 萎

> 與 要 道 而 心 做 理 理 常常 成 離 ௱ 佛學,心 所 存 佛 而 專 以 存 也 其 非 是 0 守 學 若 其 儒 向一路 易 道 儒 者 隘 成 者 心 智 ∭ 與 去, 如 周 捷 理 只 更不 萬 其 守 物, 而 志 去 存 道 堅 箇 窮 濟 而 佛 念 究 天 確 學心 天 頭 其 下 就

要把 空 内 分。 高 小 此 事 事 了心 駕 得 裹 明 心 其 處 持 之 佛 翼 心。 虚 所 其 儒 邊 己,以 氏 翼 以 照 理 理 者 而 内 存 看 只 内 存 則 裹持 得 I 得 去 外 當 此 此 心 罪 中 夫 内裏 把持 事 判 益 心 心 於 心。 庸 無 隔 物 在 存 以 聖 待 所 心, 之 腔 應 應 顛 所 箇 用 來,不 子 物 又 謂 也 得 倒 裹。 心 不 外 心 内 猖 便是 任 昔 曾 得 不 外 存 狂 面 是 王 狂 應 事 去 則 已 内 介 妄 戒 得 應 致 圃 處 外 不 邊 甫 高 外 應 事 謹 事 心 曾 外 言 大, 當 恐 面 迹 存 是 迹 血 懼 事 理 以 判 絶 凌 應 又

别 爲 中 高 爲 有 中 庸 明 者 事 庸 是 事 箇 處 高 得 庸 不 己 明 其 即 待 爲 將 理 高 物 人 來 明 無 欲 分 處 之 過 己? 所 爲 所 累,不 不 爲 理 及 高 也 淪 贵 明 殊 之 没 中 高 不 外 其 庸 明 知 本 别 所 所 有 以 謂

與 不 當 處 爲 事 應 當 物 理 不 與 口 不 狥 當 己 理 偏 好 須 省 察當 爲

箇

中

庸

將

去

待

?

得 此 見 心 純 得 熟 道 利 理 明 禄 白 自 不 利 · 肯 荷 禄 便 取 不 敢 荷 取

録其室家 治世之詩 ,言其 怨思之苦。」 君 上 憫 范 恤 氏 之情 此 説 其 亂 好 世

廣 儉 耨 井 去 限 務 雖 若 貴 農 冗 遇 要 食之官 賤 重 人 X 之等 穀 年 民 輕 殷 民 與 變 省 富 無 坐 奢 徭 饑 食 或 役 木 靡 之兵,在 賦 之俗 矣 使 不 民 乏, 然 <u>|</u>: 得 須 後 者 以 分 儲 躬 盡 田 積 行 力 耕 節 置 口

> 之分 移家 運 仁. 義 又 就 成 屯 미 有 品 田 佃 漸 事 之 域 復 選 則 法 井 每 賢 戦 須 品 \mathbf{H} 能 如 無 所 爲 古 事 之 者 口 則 帥 井 食六 畊 修 田 0 七 明 非 戰 官 惟 買 法 口 田 免 敦 軍 尚 饋 爲

亂 事 道, 即 0 在 物 故 此 義 人爲 理 以 日 理 . 貫 明 貫 人 其 徹 知 通 道 理, 古 後 止 在 今, 而 致 此 物 後 其 心 無 爲 有 知 便 物 有 定。」 理 有 窮 守 定 盡 於 學 主 己 在 者 不 天 惟 而 當 爲 口 勿 頒 天 失 惑

學者於義理見得分明,則貧賤富貴撓

謂

之忠,推

於

事

丽

曲

當

謂

之

恕

不

得

等 亦 身 可 外 也 以 之 此 築 或 物 理 吾 身乎 求 : 之 固 ? 富 不 有 貴 己。 日 之 : 物 得 是 此 之 棄 不 何 可 而 知 言 以 不 内 榮 也 求。 ? 外 身 輕 立 富 道 重 由 見 之

惟 口 利,不以 或 貨 何用 也。 之道,日 家乏財 一古人以禮義 荷。」 利 利 、榮辱 禄 ? 荷 而 之誘 富 無仁義 則衣食不足, 利 可見 仁義既 有 害義 與義。」則人之所以爲人者,仁 最害 四 矣。」 立身,以 海 滅 則 心。 故程子 ,敗亡 或 桀 道絶矣,那 紂 財養身。 何 然衣食 聚鹿 亦 暇 以 至。 此 治 只 臺 以 誉 亦要合義,不 禮義?」日 之 昔 但當以 此 或 衣 財 一富貴 言。 成 食 終 湯 無 若 更 至 不 制 作 X 殖 義

利極害亦至,故石崇滅身亡家。

後。 空 其卑下, 者多危 ,衆流之所 ,勝於人也 非 老子 一,僭 真 最姦 有 柔 而 謙 處 居前 超,故欲 待 遜 其 儒 自卑之心 心 人處 者多凶,又見谷之卑 詐 其 爲 心實 事 其 天下谷,而 皆要處 機玄,其穽深,爲 蓋 欲 高 見 於 其下 剛 人,先 專 圃 下 居 居 守 於 虚 高 其

害甚酷。後世用兵者多祖之以取勝、流禍

不窮也。

所 老子之一,一 牽。 儒者 之一 於 , 虚 無,不 於 理 圃 爲 不爲 事 物 利 所 欲 雜 所 思 雜 慮

程子曰:「若不能涵養,只是説話。」言後世之兵在於利己殺人,逞忿快欲。先王之兵在於救民伐暴,禁亂保邦。

始成 之,已知者敬以 得於己 本原在内, 己,適爲口 人不能操 終 也 而 不失。 存 語 聰明自生 涵 MI 養 守之。 己。 故朱子以 則 蓋 所 義 此涵 能 講 理 主 究 爲 日 之理 一敬 養之敬,所 未 明,所窮之理 涵 知者 無 敬 則 以 以 以 天 有 成 知 理 諸

義理自當融會。 立志已定,用功不差。潛心積慮之久,

事事理會過,至於融會貫通以造於約,

則天下古今之理在我,有何不快活?

舞得天下人起。區區計謀,不足道。 只一箇正大道理,聖王在上,發出來鼓

皥。 天覆 所 收人心,故其民歡娱。 爲者險而勞,是以功烈之卑。 伯者之政 地 聖人爲政,感發天下人心同歸於善, 載, 萬 是 物 並 用 其 育於其間,所 私 然其所感者私 意、智力,假仁 以其 加 義 民 如 皥 以

除去私意便是仁。

能 理 昏濁者,理 起,氣弱小者,便承荷 承 載 理 反 不 離 亦香。 隔 乎氣。 蔽 T 氣 道 氣清 剛 理。 大者 明 不得。 故孟 者, 承 載 理 子集義、 氣 任 亦 麄者,雖 荷 明 得 ; 道 氣

凡事熟則精,精則巧,巧則神。工輸子心麄最害事。心麄者,敬未至也。孟子集義、養氣,故其才剛大發越。

氣

擴前

聖所

未

發,程子每

稱之。

理,至熟至精 於字,皆至熟 之巧,師 曠之聰,伯 故 至 精 神妙不 而 牙於 神 測 生 琴, 焉。 也 瓠 巴 聖人之於天 於瑟,羲之

齊 嬖 害,可勝言哉 紂嬖一妲己,而殷之宗 襄二君。 一褒姒,宗周 女色之害甚酷,小 宣姜淫, 喪滅。 加 廟社 則亡身,大則亡國。 衛 文 姜 爲 稷 狄 淫 滅亡。 滅。 丽 殺 女色之 魯桓 纽 \pm

人不以饑渴之害爲心害,則過人遠矣。

居業録卷之三終

居 業録卷之四

後 學 後 學 同 品 北 李 地 李 頤 楨 重 校 訂

要 則 心 養氣 在 顔子 理 也 孟 操 子 明 理 之非 發「 程子之居敬、 存 也 省 理 氣 夜 禮 明 察 勿視、 氣」之説 則 也 於 氣 也。 日 益 晝 窮 聽、言、動,孟 清 之間,不 理 一是工 於學者 心 氣 清 存 則 則 夫。 爲 最 氣 心 物 子 有 愈 之 慾 功。 , 氣 所

小 存 然之善, 汩 其 清 蓋 養之久, 灑 義禮 掃 非 應對 則 由 智乃 天 外 代性自· 事 鑠 性 親 之 全,本 敬 惟 在 當 長 内 存 心 者,是 周 養 自明。 旋禮 之, 吾 樂, 令勿喪 古人 固 習爲 有 自 本

> 皆 静 外 交致 於學 恭 此 雖 心 有 適 或 敬 所 爲 不 在 主 外 是 敬 日 以 之 外,即 者最 涵 其 乎 心 蜀 面 無 存吾心 養 功 功 整 地 則 整齊 非 動 所 齊 E 而 有 内自 所 存養 力。 以 如 外 嚴 做 嚴 爲 以 ,養吾德 貫 顏子之非 貌 肅 省察。 有 I 肅 養其中。 之事 内 夫。」 而 不 而 主 是 外、 整 整 心 外 0 齊 内 不 齊 日 貌 也 統 程 動 嚴 有主 禮 「内 嚴 整 E 丽 静 蓋 子 勿視、 肅 齊 做 言 自 肅 發明一 則 之, 者 嚴 中 分 是 I. 外 夫, 肅 聽 圃 而 敬 但 則 自 者, 言 應乎 下手 致。 動與 當 主 敬」字, 整 之, 未 内 處 動 無 則 有 静

仁也 得 此 道於心,謂之德。 德之全而 熟 即

親 主 一統之。 切 朱子言: 蓋 或心 生 理 渾 爲物 能 然 求 具 欲 放 於心 所 心, 誘 即 M 謂 是 逐 之仁 物 於外 ൬ 此 言 實 最

八

賢 物 所 出 之放 時 心 裹 謂 主 有 慮 存 理 生 交 使 以 存 以 有 乎 能 理 其 如 面 以 何 物 檢 外 若 心 思 存 壁 心 此 自 有 心 爲 謂 以 順 點 之法。」 具 能 慮 静 其 丽 心 豈 不 不 具 心 心 此 何 省 乎 存 未 坐 能 心 爲 非 放 天 存 有 理 也 ? 察 或 動 此 者 所引 者 出 下之 是空 放 主 ? 無 絶 其 或 日 心 也 0 人, 也 乎 所 去 心 日 日 0 ? 有 有 理哉 主 不 人 以 其 其 . 日 惕 禪 常 只 禪 統 事 至 謂 心 無 放 日 思 守 聖 然 常 學 學 放 0 存 不 必 使 慮 賢 亦 何 照 絶 絶 而 逸 其 日 矣 其 能 者 箇 心 思 其 謂 在 是 能 滅 看 心 : 學 具 其 不 則 念 之有 理 隋 收 物 感 者 亦 此 若 與 有 所 身 或 頭 理 放 事 箇 於 内 生 有 當 物 有 ? 不 敬 心 心 皆 心 事 覊 數 未 屏 理 乎 思 交, 謹 思 所 非 制 在 而 樣 嘗 除 乃 丽 日 主 静 背 則 IE 聖 以 以 其 内 思 有 失 心

之 得 主 絶 然 身外 空 惺 操 交, 用 非 無 心 日 主 操 ? 於 學 惺 静 用 意 . 適 乎 主 思 也 外 照 ? 所 我 有 也 意 即 日 操 0 是 無 慮 或 0 看 整 以 無 心 體 . 心 只 滅 適 心 未 其 非 日 日 齊 日 内 適 空 主 自 萌 是 其 在 . . 嚴 心 勉 人 外 用 之 於 操 主 把 内 與 釋 聖人 肅 不 也 意 内 外 操 無 亦 乎 矣。 緊 不 致 0 心 氏 口 否 擾 ? 則 别 適 即 内 放 用 不 謂 何 或 不 有 動 體 亂 心 羈 外 意 以 可 之 即 日 且 放 矣 所 整 不 離 E 用 制 無 分 否 動 主 有 縱 . 能 謂 齊 隔 全 其 ? 主 爲 0 口 主 心 之 嚴 顛 備 爲 操 ? 心 謂 既 何 無 日 也 E È 謂 蜀 肅 巾 身 之 以 日 適 . 日 釋 則 人操 之 人 主 聖 静 即 有 謂 事 此 做 我 氏 或 主 是操 主 乎 之 儒 主 釋 操 則 主 即 物 日 , 用 者 有 自 則 即 非 不 氏 心 其 未

物 我 理。 人之善即己之善。 捨 己從

有何 不 · 可 ? 人爲 私 意所蔽 故 偏 執 己

意,不能來天下之善。

王者是行其所無 事 ,伯者是有所 造 一爲。

自省矣。

付此 身於天 理 中,不 作聰明,不以造爲

撓之,即堯舜氣象

能 處貧賤者,必能 處富 貴。

夫 婦 ,人倫之首,王 教之端 人 事 之至

切近者。 君子之脩身齊 家 7,造端 乎 此。 故

孔子録《詩》,録正《風》於始 所 以 勸 也。 又

録 變《風》,所以戒也

學者能知操 存省察,德 方 有 進

所

遇,富貴貧賤不足道

詩》之善者,讀之此 心 有 所 感 發 興 起。

《詩》之不善者,讀之此 心有所 懲 創 羞

此方爲之善讀《詩》。

讀之,不 治亂興亡,美惡 知 所 以 爲 政 邪 何 IE 歟 詩 》備 此 記 矣。 誦 學者 詞 章

之學,真不足謂之學也

室。一此人之至情。 「冬之夜,夏之日。 上之人讀是詩, 百歲之後

亦

口

知

歸

于

其

陰陽。 非言惡者 善,非理處便是惡。 理、言善惡皆天理 程子言善惡皆天理,非言 是 亦 非 可 邪 名 Ī. 亦亦 爲 中出 天理也 蓋 是理之自 太 來 極 底。 流 然不能 行 是 有不善 理 便 處 有 無者 之天 動 便 静 是

道 古之聖賢,只 理只是 這箇道理,功名事業是偶 要 盡 此道 理。 事業 則隨

格價。 夫 美惡,政事之得失,無 丽 固 ^ 詩 執之,莫切 詩》雖三百篇,然人情之邪正 »° 程 子 於此。 謂 : 不備 學 故 孔子 \wedge 見。 訪 謂 **>** 學者欲 使 「何 風 人長 莫學 擇 俗 之

學不爲己,縱讀書多,講說詳,不過誇

多闘博習爲口語。學愈博,道愈離。

這 事 天 通 地 者 裹 萬 地 口【 物 作 順 萬 天 不 之 物 地 事 自 理 他 之 只 理 萬 盡 也 那 要 理 物 平 裹 循 我 本 即 亦 本 理 吾 吾 這 順 不 也 裏 心 0 之 體 正 口 其 然 理, 者 先 格 他 則 計 吾 感 共 那 君 較 裹 處 心 此 子 利 之 之 置 理 亦 存 無 正 理 也 則 有 0 心 處 蓋 不 我 天

言 杰 韓 伐 將 善 日 將 桀 者 其 彭 才 將 韓 而 光 光 不 信 古之 也 用 武 進 得 武 言 伊 其 亦 善 其 善將 尹 漢 如 德 非 善 將 漢 高 , 善 ,保其身,誠 終 武 將 將 高 帝 將 王 者 用 善 미 將 許 伐 計 將 謂 者 舜 多 紂 謀 將 之 征 功 而 以 感其 善 古 臣 用 馭 漢 之 苗 將 皆 尚 韓 高 心,用 善 將 而 得 父。 亦 彭 用 乎 用 善 非 ? , 人 禹 此 盡 終。 又 善 者 使 乃 其 湯 或 將

子 信 求 性 於 漢 義 感 高 其 不 心 不 才 下 曰 以 富貴, 易 天 欲 豈 爲 8 位 高 人, 過 分, 帝 韓 況 韓 何 「高 而 惜 爲 不 心 如 有 嘗 以 韓 兀 信 稱 何 彭 全具 欲 王 此 也 賢 以 有 帝 見 海 只 之 其 用 乎 謀 彭 亦 者 制 其 之内 本 智 德 以 許 ? 設 於 或 以 平 毫 且 馭 不 領 謀 日 救 賞 多 乎 ? 我 利 使 韓 利 不 未 皆 之, 謀 . 生 才 智 當 ? 者, 本 合 信 心 爲, 當 E 氣 天 引 民 湯 計 心 其 其 高 ? 漢 謂 下 初 領 爲 功 武 功 況聖人乎 純 君 其 以 帝 患 高 之 ? 漢 事 山 利 舍吾 誅 是 德 志 既 制 有 故 性 高 風 之人,不 桀 既 義 未 日 天 服 欲 又 各 不 性 本 紂 理,不 感 全 0 欲 以 之 爲 在 口 11-聖 分 以 於仁, 謀 舉 帝 乎 功 其 利 後 勝 人 故 之 人 事 ? 足 韓 天 利 所 之 聖 遂 言 天 古 只 以 其 下 道 爲 信 下 人 是 所 勇 誠 者 有 謀 若 所 各 日 爲 體 盡 得 以 天 贵 韓 爲 於 以 爲 非 安 天

脩 居 泯 衰 者。 泉》之詩 者 絶 憐 愛物 日 叛 命 母 桀紂天命絶?」 具 民皆 咫尺 一。一春 湯武 明 桓 ,孔子 不可 如 ,所以爲天下臣民之主 ,若嬰兒失所 於中,用之發於外者,自不容己。 而 文 文 今乃 此, 救 皆 之位 天顔 武 之 自 秋之 思 亦 爲君矣。 則 作《春秋》,以 則 逆天爲 乎 周 至 、周公之典 不 可 天 如 ? 踐 未 時 誠 敢 見 命之絶 何 忘, 土 皆 中 逆天 日 況 ? 周 暴 一猶 二. 況 # 雖 :「天命者,天 桀 觀《 涕 室 天 而 以 日 則 泣 紂 可 雖 黍 以 命 尊 覲 齊 不伐。」 天下之人仰 0 思親 自 暴 衰 知。一日 只在 號令天下,率天下 王。」曰 離 ,天命之以 一只 周 桓 恶 失君道 》及《 一、晉 爲 而 是 己 人心 日 義 先 湯武 文之盛 . 輔 極 匪 : E 理 一周 _, 人 周 「使孔子 風 何也?」 德 戴 自 養 天 何 安 也 其 天子, 室 澤 心 絶 斯 命 得 若 以 猶 下 未 既 怨 其 見 不 民 君 已 父 民

> 諸 若 攘 侯 夷 以 狄 奉 安中 周 法,循 國 乃其餘 侯 度, 事 興 耳。 禮 樂, 明 教 化。

《易》 自 此 木 干 事 焉 中 0 致 不容矣。」 也。 則聖人爲治之道 ጠ 來 或問 圃 日 論語 天下皆 白 一天 物我一 故 慮 . IШ 下 0 脈 何 歸 顔 理, 相 鶴 其 思 子 通, 鳴 人己 仁? 日 何 克 口 子 克 慮 氣 己 知。 一性。 和 天 己 類 復 日 当 相 復 禮 下 品 應 禮 此 同 區智計之私, 干 此 蓋 歸 自 天 緣 天 意 正 然而 而 下 皆 所 下 也。 殊 歸 自 以 然。 塗 知 何 相

内 則 立。 矣。 白 邪 極 若端 其 交侵,不待 至 也 莊 静一,則 篤 恭 形於外 MJ. 天下 天 加 理 平 天 即 理 存, 根 不莊敬 大 原喪 本 於 自

故 容 民 其 其 不 之所 效之自 所 民 遏 同 也 以 愛 天 同 非 以 民 物 地 此 有 然,非 仰 安 人 乃 物,分雖 强 物 瞻 氣 其 阜 也 感 有 心 化 而 故 之 所 者 上 毫 不 自 聖 以 , 亦 下 增增 同 然 人 然 與 益 其 所 同 非 者 天 於 心 以 此 性 地 强 之自 真 理 分之外 同 而 實 理 流 爲 然 懇 者 之 氣 而 惻 形 也。 也 亦 不 雖 以

聖 求 賢 静 未 今人 只 戒 嘗 屏 謹 不 恐 絶 静 懼 思 也 慮 自 以 無 求 許 静, 多邪 聖 思 賢 妄念。 無 此 法。 不

之

無

已

也

義 制 不 義 然 事 如 利 事 義 則 利 則 義 以 事 不 刀 必 制 要 不 牽 相 牽 打 事 网 似 於 者 於 點 立 私 合義 遇 私 義有 見 意。 着 背 利 事 則 剛 須 於 便 孔 思 毅 心 劈斫。」 理 子 亦 果 用 矣。 日 不 斷 義 放 之意 以 朱 不 裁 見 子 亂 制 得 以 日 之。 思 之

> 利 得 但 東 叔 然 心 使桀 之心。 也 勞 聖 征 湯湯 天 ^ 而 人 理 周 詩》 几 紂賢,湯 武 或 爲 公 不 所 之伐 或 誅 故 Ĭ 或 怨,又以 日 在 是 0 管 六 爲 皇 桀 周 「何 軍 武爲諸 叔 民 既 紂 公 之心 之 周 哀 破 以 是 不 皆聖· 士 公爲 我 我 見 理 得 侯 感 至 斧 湯 當 人 豊 違 人之 戴 誠 又 哀己 斯 武 誅 也 誠 不 真 不 缺 亦 自 不 服 切 圃 幸 周 周 孔 我 幸 在 公雖 丽 爲之,感 處 公之 無 之 斨 心 將 非 化 不 毫 誅 周 其 欲 謝 自 非 見 公 本 管

其 生 思 叔 勇 有 且 士 心 叔 方方 所 家 張 不 不 感 易 貧 忘 思 立 動 其 喪 叔 須 得 奮 志 因 其元」, 如 志 發也 貧 讀《 此 住 富 孟 0 然後 有 子 又 死 所 》「志 何 生 貧 感,遂 足 重 賤 較 士 於 富 不 哉 肯 貧 貴 志 發 富 不 在 憤 宜 足 溝 乎 彼 以 累 思 死 蓋

言 與 五 以 穀 養 理 爲 心 己 理 養 一也 無 莫善於 成, 心 不實,心 莫 果 〈善於 實 誠 己 無 寡 周 熟, 不 欲 程 Œ 0 譏 又 , 謂 無 焉 其 欲 之誠 不 用 即 識 養 誠 誠 ? 故 也 孟 誠 荀 子 心 如 子

變 皆 所 因 蓋 消 之今古。 陽之消 氣 《易》 長、進 運 以 易 是 時 `惟《易》 之 制 自 此 陰陽、奇 垂 天下之變無 世 作 造 長、 盛 理。 退 其消 隨 化 衰、 立 能 人 存亡、 中 雖 教 時 盡 物之 偶 日 息、 寫 萬 記 無 也 變 月 窮, 出 變 不 録 出出 盈 之 易 死 來 天 無 精 明、 虚 生 更 無 惟《易》可 故 窮 切。 迭、 窮,若 理 終始、 升 或 也 人 ^ 降、 寒 家之興亡、世 易 但 事 暑 其 天 天 \forall 善惡、 屈 以 , 足 餘 之 地 無 下古今之 伸、 盡之。 以 諸 之 往 不 吉凶 邪 闔 經 盡 來 盡 之。 闢 IE 或 道 陰 蓋

名聲財富俱是外面事,吾身之最親切

者莫如 則 堯舜 故 孔 事業 門、 程 盡 門 在 此 俱 在 求 仁。 能

求

荷 之心。 三代 德 百 但 回 其 其 晉、隋及五代,多以不 加 無 姓 0 非 一,易 其説「不仁者不可以 變 得 日 舜 以 易 其 古者諸 天 世 : 地 前是 一變難 德 必 必 禹,亦得天下。 無 下,德必若舜 則皆然。」 先 有 常 天 則 聖 侯萬國各固其疆宇 如 説 君 處 下 列 後 ,聖賢 此,三代以 臨 亦 共 或 聖, 天下之德, 尊 觀 説 諸 多 其 不 侯之衆非 其 然後 1 禹, 蓋 得 説 盡 只 揆 而 説 時 後 天下」,又説 又 得 미 勢不同 多 治 孟 得 有 然後 也 天 得 子 惟 不 箇 天 ,,0以 下 至 善説 如 亂 大經 不 八子薦 能 禹 尊 服 處 此。 服 事 愛 漢 之位。 稷 甚 大 世 且 養 天 變 兀 高 秦、 法 變, 下 其 帝 夫 顔

●「字」,原作「守」,據顧氏抄本、雍正本改。

之 豪 之權 然郡 若 厥 雖 陳 古 負。 令,不使世 始爲帝。 有 或 雖 群 人,天下莫肯帝秦。 後 勢 多 有 傑 更封 能 涉 有 集 以 得 莫 又 又 縣 其 ,然才氣 以 行 至於併吞之久,惟 來 固 而 或 建,則 天下之勢矣。 不 無 德,無 兀 先 ,天下諸侯 伐之。 當 以 無 秦又視己 諸 奮起,秦之宗社 夫 王 歸 守疆 戰 君 起 一之道 侯 漢 識 争 天子之薦,亦不 民 尾 対疆 故不仁者必不 兵, 量 土,世 或或 大 死 故 一者,俱 無 消 社 圃 難 一之德暴 劉 一之固 以 直至六 有 滅 郡 稷之心,故 掉,乃 及秦已亡,天下 君其民,而 季 篡 调 秦 將 縣 以 以 奪 ,守令無諸 於 有 最 盡 遂 勢 天 兀 立 漢 必 國 强 以 力 不 得 得天下。 夫 高 郡 滅之理,匹 消 下 然 七國之 不 能 戰 天下。 秦惡 而 者, 易於 縣 未 滅 仁 支。 伐 德 爲 嘗 已盡 更立 而 侯 則 不 相 既 天 制 中 心 得天 英 世 天下 四 足 爲 自 子 兀 盈 使。 服 ·秦 雄 守 守 服 夫 方 勝 夫 戰 無

> 皇始 作, 師 雖 下 之位 得 亦由 以 天 ,以匹夫而 兀 自 下 郡 夫 孔子 多滅亡 縣 而 勢輕,不 爲 始, 得 天子, 天下 以 不 久。 不 足以 自 亦 仁 漢 多 故 而 自 高 聖 得 守 帝 人 雖 天 也 因 下 而 聖 自 但 不 秦 得 不 王 始 君 不

莫大馬 私 工 人 於己 不 夫不密 可 者 狥 ,必害 偏 則 好, 外 於己。 邪 執 己見 乘 隙 mj 與 ,義之與 人。 衆 同 利 比 者 利

爲 義 大 於義,害莫甚 者 利 也 人心 利者 之同 人之所欲 又 日 . 然 於 也 利 利 自 也,不 者 義 不 口 肯 之 專, 和 專 也 專 聖賢 則 故 有 利 以 害 莫 義

之功者 教之 其 性 施 , 得 天 「、聖人· 地 然 其 生人物,賴 後 所 也。 風 聖 化 成 美 人 聖 聖人之功 治 理 人 人 功 爲 物 成 綜 又 者 理 然 必 禮 然 則 賴 樂 後 成 禮 政 能 天 樂 教 遂 地 政

馬 後世 功 也。 在 而 不 行 得 禹 下。 也。 已傳 或曰 事,經籍代聖人而 故聖人代天而理物,禮樂政教代 ,使後世之欲修己而 何 ? 述先 故 0 日 日 聖人不 孔 . 王之典 子賢於堯舜,孟子之功 此 聖人之功 得 丽 傳道 位 修明之, 治人者從 禮樂 事 所 雖 以 政 以 不同 難 教 此 垂 成 聖 不 而 教 也 印 不 其 人 學 於

説 著作 誦者,反惡其多。 等溺 惟實窮理力行者,能識其 自孔孟 經 於 傳 空 實 能 以 虚 者 後,道莫大於程朱。 發 明聖學, 務訓詁 好簡 捷 者 切 而 ,不過借以 於學 厭 (精切 其 者。 煩 詳 故 明 其 爲 務 今 也 記 有 所 口

意,或 然後 發 學至於誠身,便有獲乎上之理,只在 朱 發明言外之意。 明 子 其 註《四書》、 Œ 意, 又旁 詩 此 引議 傳 深 得 ***** 論 先訓 釋經之意。 以 足言内之 釋 文 所

遇如何。

小,二則立心私。爲煦煦之仁、孑孑之義者,一則所見

不 日 如 : 非與道爲一不能樂。 好之者,好之者 非樂不足以 語 君 不 子 如 故 樂之者。」 日 「知 之者

多見闕殆,慎行其餘,則寡悔。」 心不安處,便不可行。故《論語》言:

賤,亦 曾盡 也 安天分。 賤 至於死生,亦天分也。 曰「天敘」、「天秩」。 賢愚,皆有一定之分,乃天 得天分。有一毫背 君臣、父子、夫婦、 天分也 故曰「没,吾 故 日 有一 「不以其道得之,不 寧 不安於死者,亦是不 長幼、朋友,以至貴 也。 毫不 戾 處 理 盡 當 便是逆天。 之當然, 處 貧 ()便是 賤 丽 去 故

今人學不進者,只歸咎於天資,是自棄

子。 是式 年 始 而 也 ·學甚進。 典 何 及 於學 威 傅説 學不 儀 日 是 厥 進 今人只 力。 德 , 學 修 則 皆 於 图 日 是 古 是 一天資 覺 或 學 訓 作 ·之功。 或輟 \wedge 乃 局 詩 有 定 獲。」 日 枉 看 非 朱 過 自 念 古 T 子 訓 晚 棄 日 終

聞人之謗當自脩,聞人之譽當自懼。

用 足 即 以 聖 E 先 人情 王 因 之 善善 天 體 理 用,聖 風 人 俗 情 興 而 人之體 教化 制 禮 而 用 蓋 禮 即 禮 之行 天 樂之 理 體 之 又

民 者 亦 自 新 未有 爲 新 不 民之本。 自 新 而 能 未 新 有 民 自 者 新 而 不 能 新

體

用

仁。 不 謀 其 故 有 必 利,明 孔 期 有 待 子 事 計 日 馬 其道 功之心 而 二仁 不計 勿 者 E 皆 其 先 功。 董 難 是 子 而 私 程 日 後 心 子 獲 9 百:□ 正 即 孟 害 其 以 義 子 於

敬直内,便不直。」

皆是欲 故 卷 長 舒 孟 閲 作 子 吾之本 康 之 用 節 人 日 熟 明 無 本 · 仁; 而 此 心 非 心 契之深,故 即 此 理,遂此 清 事,然、 人心 明 天 地 造 也 心 生 亦 化 0 其 物 有 聖 之心 侮 所 闔 賢 言 玩 闢 千 不 具 無 言 恭之意。 於 非 往 我 此 來 萬 理 消

焉 然 義。」 利,只是義則 富。 廣 即 利 善政得 上下 體 義 -者,義 曾子 蓋 之所爲也。 古者 胖 如公劉 ·豐足。 以 民 日 義 義 推 之 財 : 利 制 無不 於 和 遷 只 占 事 蓋 生 人 邠、文王 也 故曰 是 以 利 ___ 自 也 財 分 ___ 義 也 然 H 有 又 : 體 爲 民 順 大道 制 日 事 以 治 利 以 安 利 井 ,義 0 岐 義 家言之,父慈子 物 0 亦 恭 爲 所 修 利 阜。 非 上 下 孟 利 於 儉 以 物 將 子 節 爲 己 利 足 莫 義 亦 又 用 也, 利 孰 以 去 不 日 日 殷 求 大 自 和 利 0 心

孝,兄友弟恭,夫義婦順,利孰大焉!

愚 終。」又曰 之者繼之傳 小,有始終。」生而 也。 此 道 . 無 一此 之於後, 古 今, 道 知之者發之於前 有 無 古 舍之而不學 前 今, 後 有 無 前 大 後 小 學 者 終 而 有 無 於 始 知 大

是 以 中 清 道 高 爲 太 難 過 當當 則 傷 精 擇 而 和 審 順 處 太 世 過 則 傷

勝 爲 嘆 高 》、《家禮》好之者 哉 禮 遠 義 厭 禮 人 節 心 之卑近 固 甚 有 衆 煩 朱 細 今被 子 不 去 陳公甫 層 遠, 爲 加 之, 軰 ^ 小 可 務

哦 情 事 吟咏 《詩 理 所 》之所 之久,人之心 在 以能 又 有 興起 音 韻 自 以以 人心之善者, 「然歆 便人之歌 動 和 暢 詠 以 吟

不 口 爲之戰 若 朝 廷 君 也 相 雖 不 ·得其 使 戦 勝 人,雖 ,終必 有 取亡。 善戰之才

異端比正道,只是私。私則邪,邪

則妄。

之私 用 以 \Box 非 私 : 「《素書》先説道、德、仁、義 見 ?」曰:「道、德、仁、義、禮 黄 真 石 窺之,私 道、德、仁、義 公《素書》,始終 意 用 之, 禮 故 也 只 0 私 是 非 然 禮 箇 私 所 如 私 窺、 石 何 所 公 謂 或

之高 出 妙足 全假智謀。 進 出 論之,黄、張之道 退 ,此誠然 公字 妙 行 乎己而 先儒言張子房平生事 藏 無 也 與《素書》 出 明 感乎人, 於此。 哲保 蓋其 不 身亦 出 有諸 但 權 無 謀 其 非 ___ 私字,聖賢之道 中 不 不 智 全計 業皆自《 而 術 知 合。 形諸 利害。 天 處 後 理 身 素 外,不 世 本 處 書 智謀 以 然 学中 事 此 必 之

敬 削 内 敬 直 則 ,内直 心 專 , 則 無私 專 故 則 精 無 己 明 故故 可 克 聰 明 生

酷 古 殺 降、 無 是 夷 族 事 , 屠 五. 城, 刑 此 之 不 \equiv 者 載, 至 先 不 E 所 至 不 慘

行也。

持 思 而 慮 思之,則 則 亂 思 心 其 時 自 所當思,則 湛 此 惕 然 心 然 牽 在 自 纏 内 省 擾 心 即 亂 亦 自 不 乃 整 放。 所 頓 謂 若 而 放 不 莊 心 當 嚴 當 自 思

其 能 弄 心 儒 存 則 存 者 心 存 内 其 萬 其 存 心 禪 心 而 理 家 也 心 活 存 森 誠 是覊 存 敬 ൬ 然 乃是 異 心 有 制 具 外 教 有 主 備 空其心,死 其 心 盡 心,一 兩 存 禪 義 禪 而 家 理 家 樣 死 是 心 而 心 . 存 其 心 照 存 然 心 存。 而 觀 是 而 制其 則禪 無 其 要 寂 故 主 心。 無 滅 儒 家 八心,作 無 心 儒 非 者 儒 理。 是 家 心 家 空

放 心。 心 才 私 放 便 便 是 是 私 放 不 不 待 必 縱 逐 情 物 肆 馳 欲 鶩 然 然 後 後 爲 爲

私。這裏最難,所以古人戰戰兢兢

二八

一是誠;主一是敬

「戰戰兢兢」是不敢有些子放肆,「戒謹

恐懼」是不敢有些子惰慢。

實 誠 有是敬 誠 非 敬 誠 雖 而 則 是 無 敬 間 有 事 即 間 `,其 誠 斷 也 實 敬 體。 是 持 非 守之法 敬 無以

修 言,即 省言辭。 妄也 非 禮 勿 去其 非 言 禮 非 即 勿言 禮者 是 「修辭 一,乃立 乃 立 立 誠 一誠 誠 也 也 0 修 非 辭 禮 加 是

思其所當思,言其所當言,行其所當

以必衰。富盛之久者

自

然

驕

奢

淫

惰

此

盛

之所

行,乃立

誠

也

祖廟所以安藏祖考,神主不可不立。

● 「王」,原作「生」,據顧氏抄本、雍正本改。

古者禮 畝 貧 制 今之富家 堂,僅可 賤 ,固當割 不 能 不 · 營生藏 田 具 下庶人,非是禁之使不立 禮 地 也 奉 身 基 先 故故 址 古 推財 朝 祖 者 廷 廟 田 無 立 難 地 限 廟 居 立 制 一,但 址皆君 ,多者數 一廟,庶 薦於寢 所 人 白

金革 白 心 萬 有主,雖 與 飲 水曲 在 鬧 肱一 中 亦静。 也 然必 故 程子以 知之深 爲

田

以

厚,心 方 不 動

而 不 盡 自 知 心,不忠也 不真 圃 以 告人者, 即 妄也。 告人

才 ネ 勝不 可居 其 位, 軄不稱不 可 食

其 禄

至 聖 一人地: 位,方了 得 生 事

黨既 安 人,又可盡 有 勵 學 不 古 興 者 於德行道 鄉 ,人才何 教 舉 養、 里 藝, 選 激 患 法 勵 無 則 成 風 非 漸 俗 ? 磨 但 安 之 可 朝 有 道 以 廷必得 不 爲 厚 間 朝 教 族 狂 爲 化 得 鄉

> 治 也 1

存 理 亦 心 失。 心 窮 理 理交致 不相離。 理 明 則 其 心 功 心 方 必 是 明 存 則理自 心 明 則 在 理 ر. ايا، 亦 放 則

帝 盎 古 法。 輕 寧 當 持 重,而 屈 漢景 權 死。 IE 梁 義 王 與 法 (經本 伸 以 以 然皇后涕泣不食,必 不 處 恩,此 諫 母 殺 不 非 止之。 母 之寵,欲求 失當 二理。 弟 亦天 梁 及梁王殺 王, 理人情 經 權 是 爲太 亦 者, 常法。 可 之 至 稱 爲天 子。 至 一傷 袁 錘 也 盎 之名,能 生 議 下 如 故 後 兩 則 臣 世 事 罪 袁

告 詳 輕 知 同 審 至 而 得 重 ,皆當依經 而 娶, 並 則當從 處之。 得 以 其 而 网 如 重 行。 盡 夫 者 , 是 婦 或不 人倫, 經 如 也 能 兩 兼 重 事 告 皆 於 盡 不 告 必必 重 得 禮 , 則 有 當 如

0 離」, 原作 雜 據顧 氏抄本、正 誼 堂本改。 背 銖 世 經 是 傳 舜 必 處 廟 從 則 一,得子 學不 乎 事 以 位 享之,是 其 至亡國 廢 此 如 傳 經 爲 於 重 人 IE 賢 非 權 及此,有 子 倫 者 賢 天 兩 爲輕 是 者 所 ∭ 理 而 則 以 是 兩 以 之 重 誤 繼 生 處 盡 故 父 濟 以 精 其 不 民 其 兩 君 天 權 之 經 荷 位 微 道 失 下 不 天 變、 過 如 H 處 失 也 生 當 下 此 + 然使 從 所 民 權 爲 非 常 故 豈 兩 俗 朱 紨 聖賢 重 不 道 而 是十 不 爲權 不肖 之 也 告 均 宗 也。 是 學 不能 廟 而 權 兩 子居 者 亦 興 權 又使 娶。 亦 無 所 以 不 滅 用 君 後 失 其宗 於 機 以 如 所 位 患 是 分 故 戀 後 堯 濟 以

學博而不精,則流於博雜。

學不正,雖熟何益? 非但無益,爲害

最甚

則 心 自 心 專 故 則 不 朱子 放 莊敬 故 程 涵 子 養 主 爲 敬 容 莊

> 故 先 計 難 功 後 獲、 所 學 先 事 雖 後 是 得 亦 爲 私 心。 私 必 害

謂 是 其 論 資 德 質 道 美 質 理 量 黄 憲 而 純 故 但 天資 未學者 粹、 今 未 度 無 甚 見 量 以 美。 其 考 深 爲 廣 究 當 學 所 時 I 風 造之 土 夫, 致 大 高 又 淺 夫 邁 未 深 無 底 見 不 想 其 心 声 所 服 只

鬚 長,盡被殺,殺 自 以 而 剥 鈎 誤 賢 黨 其 殺 才 廬 殺 者 許 ,國之楨 其 多 後 名 千 宦 士 幹 者 餘 民 而 悉 人。 或 社 爲 隨 所 袁 有 以 依 非 紹 亡。 以 宜 所 立 官 誅 宦 也 因 官 無 無 亦 漢 小

既 因 然 時 壯 其 泪 司 吧。 馬 諸 民 則 葛 以 懿 賊 況 爲 不 孔 氣 孔 明 衆 敢 自 明 出 =奪。 推 屯 年 與 恩 田 漢 不 立 足 兵 死 信 食 戰 以 則 因 鎮 則 天 其 撫 下 土以 軍 定 矣 爲 吾 氣 氣 自

天下 罪惡 服 號 罪 亦 世 自 敵 以以 因 多忿慾之兵,無 喪,心自 令、嚴其 天理不明,不 人之心。 兵 前 不 我三軍之心 昭告 可妄 離。 、紀律。 軍 師 是以 動 故仁 民 皆 詞 彼之君 遠 能剖 必 有 苦於戰鬪 可 義之兵,理不 誅 近 ,曉我三軍之意 誓 執。 暴 破姦雄 以 民 所 伐 壯 既 或有詞可執者, 以 罪 我 知己 而 亂賊之心 乃 師之氣,以 明所 不足以 可 可 罪 敵。 出。 ¨, 則 齊 事 後 其 E 氣 故

是性 神 察 由 化 事 通 而 顯 於 可 力 命 程子 著者 禮 行 中 契而 之, 以盡性至命必本於孝弟。 事 知之。 則性 然其 至 禮樂 親 命 中 至 神化 木 精微 切 外 而 是矣。 只一 曲 要者。 折, 理。 察 窮 此 而 神 禮 處 蓋 知之。 知 樂乃 孝悌 能

聖人由一而達於貫,學者由貫以知一。

程子曰:「凝然不動,便是聖人。」理

定也。

乎 未 學 謝 安, 又 東晉 好 尚 中第一 清 雅 人物。 曠 達, 無 其 誠 氣 心 英 整 明 頓 物

理。當時有多少當爲事都不做

愚哉 理,只營 人之所 營 以爲人者 於 利 以 理 Щ 也。 肉 苟 之 不 存得 豊 不 此

忠信,學之根本。

知貴精,行貴果。

知既真,行必正。亦有因行之差而

知

亦隨而差者。

天地間正氣須養。養只要直,直只

得此

理

而

不存養,隨失之矣,非

因

得

丽

後

存

是義

存養雖非行之事,亦屬乎行。此乃未

行之行,用力於未形者也。

古人無時無處不用力。無事之時,必

力

行

未

能

終

其

學

戒謹恐懼。有事之時,必精察其是非。

忠信篤敬,則隨動隨静,心自存,理

自明。

主 ,静則定, 心 定 則 動 理 則 明 小 亂 矣, 躁 所 則 以 理 智 顛 0 倒 禪 錯 家 亂 心 無 今

躁急之人便無才,是心亂也。

正心工夫愈細密,故《大學》第七章、八

章多言心之偏。

致 知 曉 後 便 得 要 道 誠 理 一, 怕 意。 要 不 做做 實 不 去 做 做 此 0 是意 故 \wedge 大 不 學 誠

是自欺處。

之篤 미 及 許 也 行 行 魯齋天資 在知之後 皆 故 有 程子 差。 純 が、 故 以 使 正 子 爲 致 一,所 若 路之强 知 達 行 I 自 便 夫 是 不 勇, 至 荷 堯 則 司 舜 ,惜乎未 馬 氣 賢 君 實 何

能深造。吴草廬甚聰明,早年甚英鋭,惜平

進 + 面 後才 路 I 夫 旲 更多 遇 草 居 仁 廬 程。 三十後 言「三十 孔 子言「三十 I 年 夫 前 方 好 親 用 切 加 功 立 張 一,則 横 阻 渠 學 後

殺 本。 人。 其 兵主 殺 於誅 人 者, 暴 不 禁 得 亂 己 安民 也 此 故 亦 以 是 不 以 殺 生 人 道 爲

兵,有 賞罰 罪 ",吊 兵以. 齊 無 征 無 號 罪 戰 ·, 兵 令。 義 爲主 不 伐 M. 罪 刃, 勝 内 治 敵 彼 爲先。 乃 自 迎 外 服 事 嚴 也 紀 王 律 者 誅 有 明

民 爲 以 明辯 責之。 或 一之道 春 秋》以 曲 夫國 矣。 直 以以 受 今 必 伐 却 自 又 受 敵 不 伐 戰 人 能 而 之 者 持 後 爲 師 重 人 伐 主 自 乃 一, 故 之, 守 僥 書 倖 古 是 及 既 國 勝 保 失

而遽與之戰,非已亂之道也。幸而一勝,則

結怨生亂。不幸而敗,則宗社危矣。

正大,非學力也。若使深造,則王佐矣。 范希文之正氣不待養而剛大。是天資

君 但 心 唐德宗 爲 陸宣公才極 先 務 庸 乎 君 ? 不 精 能 密 盡 周 其 徧, 才 三代以下罕及。 豈宣公不以 格

隋文帝,篡國之君。王仲淹獻《太平

策》,可謂不知人矣。

内有所得,不藉於外,故富貴貧賤皆不

足以動其心。以爲君子不欲富貴,則逆,

情,只是以義爲主。

仁者,道理之至親切,該乎全體,故孔

門程門以求仁爲要。

仁則天理渾然,萬物皆有生意。

如鄧艾下蜀,有甚功業? 助篡逆以滅人之人爲小小功業動其心,只是不識義理。

慚 獲, 席 勝 國, 喜 而喜? ? ൬ 時 必 罪 乘 屐 予之辜。」爲 時 大 思 中 丛 矣! 奮 原 中 折, 謂之識 淪 原 發 器 没 以 赤 謝 於 量 救之。 子 安 道 相之責, 之小 胡 ·塗炭 勝 理 夷, 秦 可可 口 伊 於 不 而 乎? 知 其 尹 夷 能 折 重 狄 屐, 匡 若 如 復, 必 又 知 此 回 安 道 僅 夫 足 安當 不 義 得 不 爲 安 底

道 大 故 桓 劉伯 也 文之事 温 深 伯温 護 唐太宗,不 ,智謀之士,不知王 知 仲 尼之 道之 徒 無

虚行。 計 處 但 學,未嘗窮理 聲大義以 當爲之事 才智勇略 胡氏 太宗以英武之才,謀取 鄙 討之,此言誠當。 責 哂 非 唐 正 伸 建德 太宗 其立 心 大 義 去私 、世充所及 不能 心 救救 殆 室 民 正 與 一欲,以 命 楊 荷 實 贵 建 非 廣 天下, 惜乎無 故用 德 其 弑 當然之理, 可以 逆之罪 人,道 許 多智 湯 武

發 征 義 生 軍 兩 民 誠 事 無 兵 民 京 戰矣。 困 被害之由 苦 行 爲身任 死 天 T 討 使 而 聲 其 傳 方 則 不 楊 真 檄 面 義 救 廣 有 州 士 不 弑 聖 郡 奮 願 忍 逆 王 與 一發 播 之 一之學 視 天下 生生 告 罪 賊 民 天 不 豪 毒 必 下 討 引 傑 流 仁 領 共 坐 官 義 四 有 視 諭 興 海 奮

之舍 泳 自 用 然 過 心 義 苦 不 理 則 可 暢 神 太 明 傷 過 過 只 則 主 生 疾 無 適 心 爲 優 神 游 涵 明

書貴精熟,不貴貪多。

事事推尋義理以處之,非惟事治,學益

進

德益:

修

冬,乃天 皆是至公, 成 逈 别。 天 下只是箇 一天 地之氣 義 所 地 當 革 自 公與 革 而 然 四 私、 而 如 時 然。 義 春 成 革 與 與「 夏 冬, 利 革 湯 非 面 春 武 春 所 革 秋 要 爲 命 革 革 所

之至 之人固 皇之 太宗 當革 然。 恶 秦、 數之自 舍天 不得 也。 君 下, 國 勢之自然 夏,皆然。 一愛民 湯武 日甚,天 唐革 便是私 暴 或 ? 下 桀紂 也。」 亦 不 「然,非 乎 以 奉 而 不 及 亦不 隋 ? 私 肯 : 失君道, 或 天 不 . 下 德 皆 非 如 而 意取之, 命 爲 舍 謂 「周、 周 之民 必 有 得 盛 有 湯 不 有 君 湯 以 : 如 心 狥 民 義 革 心 秦、 武 秦、 伐 心 於革 皆 天 天 私 歸 夏 武 於 謀 此 隋皆 之。 而 地 非 命 逆 引 自 湯 命、 隋 得 王 别 奪 如 理 也 已 理 領 四 武 伐 天 天 不 武 其 四 求 既 勢 時 去。 違 天 望之救 只是 下。 命 容 紂 革 時 位 誅 自 命 如 君 之 天拂 雖 已。 之革 桀 殷 然之 己 秦 湯 若 無 既 存 非 湯 絶, 紂 命 絶 革 武 己 私 無 天 武 有 民 天 而 周 革 加 盡 心 則 戴 理 皆 乃 何 命 理 亦 而 桀 心 高 君 謀 革 況 之 謂 所 漢 以 謀 勢 不 天 紂 是 不 道 祖 當 爲 救 道 革 治 始 天 不 氣 天 理

德 私 乎 肆 專 物 君 亦 天 F ൬ 遺 也。 有 子 湯 暴 臣 次 無害 私 之? 肯 況周 自 虐 武 也 者爲 擇 所 釋周 也 之革 以 則 居諸侯之位 商之賢子孫如微子、箕子者 之德 夫天下者,天下之天下 若使一 分任 君 臣 ? 以 , 道 盛民 ,下者爲 理論之,當 庶 故 失, 家 循 軄 孔 歸,又伐暴救民,天 臣 乎 ,民則可 可 子以 , 豈不可乎?」曰 民 以 理, 民。 無 專 天地 以 受治 主,自 無一毫 有之, 君所 首 四時 出 面 當 以 庶 則 商 安 人欲 之 總 物 歸 肆 豈 生 而 革 下之 者 理 於 淫 立 得 之 若 同 有 爲 虐 此 爲 民 而

孟 子》七篇,任 自 論語》之書, 小 學、 大學之教 道 擴 涵 充 育 ,乃湯 不行 薰 陶 武 是堯 高者人空 氣象 舜 也 氣 虚

建成、太宗事,先儒論之詳。 推本言

卑

者

人

功

利

惜 當 建 以 時太宗自言 不 相 利 成、元吉不足責。 之,人之心 乎人欲勝 容 成 天 軋 心 時 理 建 寧 、元吉見 孟 若 成 相接,至誠 死 子 使太宗無利 太宗、 純 而 所 骨肉 天 疑 已,不 謂 乎天理,乃 理微,處置不 元吉 父子、兄 解 相 太宗 事兄愛弟,或 殘 辭 미 各置 古今大惡 權 殺 心 與 位 兄 弟 高 處 兄弟 僚 懷 退 祖 去也 得 以 屬 利 譲 謀 骨 賊 此 一, 亦 庶 將 以 處 天下 肉 等 幾 天 知 佐 相 貧 之 焉 倫 慚 勢 接 間 如 當 建 終 固 如

則。 道 魯史中,乃天理之準 必 道 \wedge 多酌 春秋 既 不行,故 、》,天 百 王 理 之 之 法 寓 的 二百 準 大備 也 的。 四 典 + 使 制 孔 年 爲 子 行 得 萬 事 ## 行 於 其 進

經 世之大法 自 古説《春秋》者 」,皆先 儒 説 惟 未 程 到 子 最 精。 其 日

作《春秋》傳者不少,惟程子傳發明得

三六

傳 到 而 自 胡 作 文 定 傳 既 學 雖 於 有 謝 祖 程 顯 子 道 者, 不 又 應 不 不 當 取 不 程 表 子

之志

方

口

伸

其

而

唐

室

之復,

不

旋

日

程 子 而 以爲己 説 也

越,然緊要道 胡 氏《春 理 秋傳》多穿鑿, 亦發 未 到 只 得他議

天理須 (要熟。

性 情須 要養。 飲酒 過 醉,亦 壞性 情

道 天 理 不行,不可 有 善 而 無 立朝 悪 悪悪 軄 是 不 過 稱,不可 與 不 及上 食禄 生

出 來。 人性 有 善 加 無 惡 。惡是 氣 禀、物欲

生出 來

得。 太 極 太是 太 八極,理· 尊 凡事 大之義 也。 到 理 道 極 上便是 理 是至 最 大,無 當 極 T 無 再 以 以復 加 改移 也 加, 不 故

非 王 道

處

事

不

容

毫

私

意。

有

毫

私

意

便

忠 邪 不 兩 <u>\</u> 盧 杞等黜,然後陸宣公

> 矣 長, 陰

忠賢 既用,姦 邪 自 息。 如 春 陽既

凍自 消

論

發

畋, 任賢去姦,愛養斯民,乃 斂,皆亡國之具也。 或暴虐,或任小人,或 才昏 古今敗 惰 或 義 者 理 皆自 自 故爲君者必兢業修身 喪。 敗 保 好 也 國長久之道 官 室,或 或 荒 淫 好 或 聚 游

學 既 知 非 知、屬行?」曰:「存養乃知之本,行之事 理之本原 後?」曰:「 之所以 ? 存 知之後,非 養則、 或問:「 先 儒 成始成 亦 Ė 言]喪,何 未知之 放 存養 敬 逸 無 偷 終者也。」」又問 未 以 以 在 前 惰 知 能 守。」又 致 天 非 之 致 存 知 理隨 前 知 養 之 ? 日 先, 非 失, 則 敬 既 一存養屬 心 在 何 敬 知 無 香 致 以保 者 之後 以 亂 知 義 知 之 其 聖

此未行之行也。」

則 理 以 心 存 益 心 心 存 存 一,所以 然 此 後 見 能 終 心 察 歸 與 天 空去。 理 下 非 之 理 物 能 釋 隨 事 氏 察 離 平 理

道 夫 ,不必窮也 乾 今人 道 變 多惑 化 各 於怪 IE 性 異,是 命 , 此 未 外 嘗 俱 知 是 性 異 知 端 天。 他

天下之理洞徹無疑,然後行之沛然。

流 爲 來 水 之 便 也 所 有 源 溷 五性感 清 也。 感動 濁 動 是 用 清者 水之流 而 力之道, 善惡 是 不 也 分,萬事出 爲 當 沙 如 濬 塵 源 其 所 本 矣。」 源, 溷 清 澄 性 濁 流 其 者 出 如

内 無 放 則 理。 萬 吾 理 理 儒 儒 具 則 在 釋 用 心 與 氏 戒 而 則 理 謹 遇 爲 心 恐 事 與 懼 尤 理一 加 加 故 敬 心 心 存 慎 故 存 則 心 是 故 雖 理 心 敬 存 明 與 以 理 直 亦 心

> 亂 與 以 不 理二 爲 離 1 0 存 一, 故 是 釋 他 氏 惟 則 無 心 動 屏 存 事 便 絶 時 時 亂 思 己 如 慮、 與 此 或 做 理 事 謂 得 離 理 而 釋 事 使 爲 氏 來 不 有 撓 體 吾 因 撓 心 無 心 便

則 今之儒 好 虚 静 者 高 妙之過 多 釋 一三則 老 者 是 助 則 長 識 理 不 用。」予以爲

Œ

是

他

無

體

故

無

用

岡门 之 爲 而 謂 小 何 健 道 人 古人 陰 贵 柔 以 此 弱 陽 可 以 以 9 類 爲 陽 陰 善、 而 清 爲 言 陰爲 . 惡 ? 明、 也。 陰 恶 若 以 濁 論「一 陽爲 類 暗, 而 君 言 非 陰一 子、 善 則 陽 惡 陽 陰

修 得 德、任 賢 才 論 舜 以 賢 無 任 兩 爲 衆 事 丽 軄 爲 治 要 自 古 則德 爲 治 盛 之道 而 民 化,二 不 出 則 平

具 也 太 惟 極 其 之 虚 虚 一所以 中者 能 無 涵 香 具 塞 之 萬 患 理 而 萬 心 理 亦 咸

滅 心 之虚 也 老 太極 佛 是 不 無 之 知 物 虚 以以 欲 是 爲 之 真 無 蔽 虚 形 塞 空 氣 也 之 0 無 若 香 物 以 塞 而 爲 萬 也 真 理 空 皆

别 即 此 Ž. 理 子 須 所謂自得之也 從 優游 涵 暢 中 出 來, 則 意 味 自

無

物

此

理

具

於

何

處

至了是尽践引听。 「不顯亦臨,無斁亦保」,此聖人之心。

學者只是要無間斷。

本 則 故 虚 無 口 矣。 也 謂之虚 理 無 心 形 不 术 而 虚 具 可 不不 (於心。 謂之無,不可謂 能 涵 心 具衆理,所以 具 是 理 之空。 ൬ 無 心 迹, 體

交致而風化盛矣。風化盛,然後鼓舞群動,德化爲治之本,政事爲治之具。二者

方 可 放 看 下。 書 須 沉 潛 反 覆 待 其 義 理 融 液周 匝 薰蒸

淪

浹

及

世

古, 何 也 然後 程 子 才德 德 以 以 經義、 進 化 民 M 無 ,才以治 德行、材 所 偏 事 能 然 物 必 取 明 士 經 學

理之要。不然,則徒 史,未免流於功 學經 有 得 利。 方 口 記 看 看 史能 故 史。 事 反 别其 經 成 無 是 博 得 非 雜 而 先 乃 窮 看

爲。 經是 經純 史雜 史之尺度 故 經 斷 不 例 明 不 史 可 是 看 經 史。 之 應 驗 事

焉 檢束,不令放 者 也 硬 把 捉, 便 弛 是 ,乃操存之道 恭 而 不安。 一,所謂 只 常 切 必 提 有 事 撕

心沉潛,則造理必深。

要、 窮理之本 必 有 事 焉, 也 此 心 便 無 他 適, 乃 操 存 之

政 爲二物,故禮樂 皆道 聖 人 也 無 後 事 廢 世 不 道 而 從 刑 不 道 政 明 倚 理 禮 出 於 樂 來 刑 偏 如 政 也 禮 與 樂 道 判 刑

治 凡 後 有 世 一事,必有 以 智計 處 理。 事 故 以 不 理 免 處 煩 事,自 勞 或 然

智不足,遂致敗亂。

順

院 僧 見 以公度之乎 V 也 裁 矣。 爲 成 尼。 定 今周 殊 之, 綱 額 夫聖王之制度皆 不 目 以爲 乎? 知 世 『》書周 ? 寺 宗 天下 院 既 禁 據 世宗 乃 廢 事 私 不易之定準, 天 無 直 度 廢 額 書 僧 理中之必 本於天理之自 無額寺院,禁 寺院,必 一、世宗不 尼,然則 無 學之 僧尼 謂 存 者, 之 有 洒 贵 然 私 又 額 額 自 可 미 寺 而 口 度

宗才足以 ,惜乎泪 漢武 有爲 帝 於功 才足以 惜 利 乎未 有爲, 學。 惜乎 宋 神宗 多 欲。 亦 欲 周 有 世

行,二則亦所以免禍。 古之君子,世無道則隱。一則道不可

天生蒸民,立司牧以養之。若縱欲爲

暴,便失君道。

仰 致 知 不 愧 正 丽 俯 子「知言」、「 至 於 不作 知 止 ,則浩然之氣自 則 養氣 知 言 八只 矣。 是 力 生 箇 行 知 而 與 於

能 於融 約。 理,不足貴 造 心約,何 會 博是零 窮 貫 理不周 通 也 也? 碎 則 遍, 處 約 此 矣。 則 約 是 不能 是 博雜 後 總 世 約 會 之學,非真 有 要,故先 處 博 學 窮 之士 博 理 能 m 丽 不不 後 至

意。 欲心之正,必明理。 知言,由外以 言之詖 又可 人心全是天理。 程子以「必 見敬 淫 知 是 邪 有 内 義之骨 遁 事 也。 原原 心與 焉 才違理,心便不安,心 干,非 故 於 爲 理元 心 心 敬 學不 之 非 是 敬 蔽 無 發 物 口 陷 以 明言 集 不 離 義 講 窮。 外

心廣體胖,誠意之效,是天理實有諸

便愧

作。

中也。

上之嘆 也 理 井 以 不 泉 此 離 出 乎 而 氣 不 竭, 即 此 是 氣 可 覩 生 生 理 之不 貫 通 窮 而 不 川 窮

亂無本。 人莊敬,體即立,大本即在。 不然則昏

空其體 伐 培之者適以速其 故 速 用 去其 絶 且盡,老氏次之,功 ,則外之生意既 此 去 體用 不 木 外 而 之枝 絶 物 其 源,非二事。 以 用。 幹 豈有 求 、朽壞。 虚 絶,内 而 禪學工 静 有 專 利 體 使 培 者 之 故 丽 人言老佛 又 禪 根 養 本 夫,蓋緣體 無 次 體 學 其 本 用 之 滅 亦 根 不 者? 也 絶 昏 枯 伐 天 有 不立, 之之 理 所以 體 老 如如 最 佛 無

亂 不 、盛衰,亦萬 而 氣交運 剛 柔、 變不一。 善惡、 便 齊 不 邪 得。 正 雖 萬變不一,然 古 故 今、 所 生物 淳漓 萬 其 治 有

> 孔子 感 開,即 筮 因 與 見。 間 廢 書 以 之書,造化人事無 之,雖萬變交於前 知吉凶。 一,足以 天 興、存亡、進退、 雖聖 爲 圃 莫不有一定之理 丽 伏羲 應 發明之後,天 地間 非卜筮之書,亦不可 重之,足 以《易》爲卜筮之書 生伏羲。 人所作 無 知 仰觀 以之處 造 、異術 古 化 以 X 俯察, 事 實則 Ô 文字未 盡 物, 事 出 理 不 前 故 蓋 天 處 在内。 人 聖 遠 則 無 1 下古今之變。 聖賢 天 吾之心未嘗 事 莫 <u>\</u> 人用之ト筮 筮 取 無 不 開 顯 先 固 契 不詳 近 悔 、事變, 隨 , 然。 觀 故以之卜筮, 不足以 合,乃 蓋 取 吝。 畫 其 龍 《易》是精 盡 土 事 圖 爲學本末 只 馬 蓋 不 爻。 ൬ 中 畫 盡《易》。 爲 以 定 文 負 自程子 以 奇 多。 之卜 理相 也 圖 故 明 理 卦, 偶 此 始 則 微 處 口

^{●「}卜」,原作「十」,據雍正本、顧氏抄本改。

得

之於心

然

後

循

序

漸

進

博

學

群

E

勃

作傳,多歸於人事,而天道著明。易道至此

無餘藴矣。

共 其 有 中。 是 太 氣 有 極 故 是 必 0 貝. 日 理 是 必 有 理 是 物 故 氣 兩 太 故 儀 既 極 有 0 判 太 又 極 太 日 便 極 生 則 兩 萬 具 儀 於 物

春 秋 **>** 即 人 事 以 明 天 理 , 用 天 理 以 處

人事。

五伯只是心私,所以做得事小。

精 或記 家 小學》、《 不 思 聰 熟 用 今人 顔 誦 明矣。 究 子 心 辭 大 有 克 章 體 學 差 己 聰 驗 或 善 其 明 便是 得 用 涉 都 近 聖 聰 聰 獵 不 王 賢 思 明 明者 會 史 反 者 録 心 用 傳 爲 × 事 事 ^ 潛 只 義 心 或 論 王 心 害 去 理 泛 語 者 積累,先 雜 觀 其 **>**′</br> 夫 無 駁 諸 聰 私 孟 -瞭 子 明 學 從 然 反 百 0

> 等 故 聰 適 足 明 與 爲 聖 心 之 賢 害 聰 也 明 不 司 是做 向 外 面 去

牢 也 見 竟 固 得 快 見 以 義 若 魯 理 得 不 不 之。 精 怕 深 見 是 得 亦 理 不 鈍 會 濟 只 得 事 怕 事 見 透 故 得 徹 日 淺 守 得 參 雖

萬 此 放 適 是 萬 心 變 釋 物 箇 則 則 東 老之 也 者 死 收 内 隨 追 物 放 西 有 俱 動 學 事 心 捉 主 隋 不 只 0 空 能 静 是 寂 其 愈 自 矣。 無 虚 見 然 自 箇 用 靈 費 神 然 惟 敬 力。 不 明 收 儒 整 昧 斂 者 不 不 齊 縱 之 測 所 不 主 嚴 使 學 放 以 敬 體 肅 捉 所 具 而 得 用 主 心 衆 以 欲 不 既 通 理 收 達 無 不 應 亦 放

時 其 可 0 古 隨 時 如 人 是 堯 不 是 舜 因 當 隨 那 那 俗 時 時 節 便 便 揖 做 錯 讓 那 認 時 湯 以 事 武 隨 當 俗 無 那 爲 不 隨 時

便 征 伐 孔 子 當 周 末 又 傳 道 垂 訓 皆 隨 時

非隨俗也。

古人七家出一兵是遠征,如輔衛國家,

則人人皆當盡力,人人皆當講武。故田與

追

胥

竭

作

己則公矣。

香

公

則

無

蔽

無

蔽

便

明

何

以

能

公?

克

公

生

明

私

生

昏

私

則

有

蔽

有

蔽

便

非胸中有王道,不能註《春秋》。下此

皆杜撰臆度也。

養。 用 他 用 俗 過 數 處 通 儒 又害 貨 日 今 所 工之技,天下 皆 夫 財。 作 T 其 有 下 詩 人 人 益 第 如 對 心 將 於 老 與 ____ 去 世 釋 無 時 昔 賴 糊 與 用 文 見 其 窗 如 俗 是 器 農 壁 儒 老 俗 如 用 之 農 在 釋 儒 此 耕 天 商 作 \perp 儒 第 , 天 下 商 詩 雖 喫 賈 賀 末 下 惱 非 無 但 亦 賴 皆 用 吾 是 無 要 其 有

> 身 理 性 心 0 性 情 也 情 只 文 L 好 以 理 糊 載 會 窗 道 所 子 義 以 更 又 無 何 好 用 作 咎 也 焉 何 ? 用 ? 乃 詩 去 以

固 則 心 全 修 物 是 身, 則 格 去惡 則 是 有 知 格 德 則 君 則 致 物 政 愈 守 無 是 德 致 有 力 是 不 不 施 既 知 刑 也 明 住 知 設 新 9 矣。 得 是 9 禁 教 終 有 洞 明 革 條 亦 新 以 徹 德 其 昏 教 感 民 非 初 他 者 若 化 昧 心 下 了。 去 引 非 手 9 新 使 做 起 誠 做 民 之 五 意 他 I. 之 者 向 夫。 同 德 E 夫 善 然 心 也 處 夫 益

我 驗 矣, 放 濟 自 驗 己 甚 二字 身 事 E 來 學 0 者 不 最 然 親 切 則 書 讀 自 書 書 皆 而 我 須 自

若 無 敬 小 學》是 部《大 做 學 敬 》做 底 事 不 敬 成 是《 大 學 \leq 骨

事

差,心

便

愧

心

__

愧

氣

便

餒

氣

四四

無 此 餒 道 病。 義便虧。 必有 事 焉 此 是要 是 無 串 間 事 斷 只 集 義 便

是 初 間 學 要 到 窮 貫 格 通 積 處 累 縱 工 横 夫。 L 下 都 是 這 道 理 只

物

理

之干,無 理 故 得 偏 分明,各有體面 惻 不 隱 倚 和 敬 以 羞 故 自入矣。 日 直 達 惡、 日 内 中、 道 辭 是養 讓、 日 ,各有準則,移 方外是外 直 大本。 得仁 内 是 非 義 之情 内 義 禮智之在 面 裹 以 處 IE 置得 各 易不得 方 當 外,是 得 當 其 内,不 非 條 宜 達 僻

外 有 動 偏 静 也。 道 交致 理 本 己 發 全 其功 時 具。 敬 未 以 發 察 時 之,莫令有 敬 以 養之, 差。 莫 **\$** 内

消 然之理。 輪 消則 迴、 天 地 老氏 必 亦不 間 息。 物, 「歸 是已 然 只 根 是 息 消 返 者 ____ 者 元」不 箇 自 再 消 息, 來 息。 成 做 消 造 息。 者 有息 化 自 矣 故 消 釋 必 氏 有 自 如

> 富 人 家 是再 富 而 生出 貧,貧 財 來 前 富, 不 是 取 得 元 財 來

致

,是懸空求 理 在物 L 一, 故 故 須 只 格 見 差 物 去 方 窮 得。 釋 氏 遺

·欲陋。 先儒言 學貴 博,不 貴 雜 守 欲 約,

不

恭 此 以 窮 顧 執執 道 理 晝 諟 夜不 襌 各各分明 事 天之 本 伯 敬 不 間。 謂 與與 明 知 命 道 行 人 想 隨 住 忠」,道 相 愈 只 坐卧 處 似 切 是 發 而 想 心 理 • 見 實 像 愈 無 流 不 箇 無 時 忙 同 行。 道 不 不 之模 在 在 儒 禪 只二 道 者 伯 樣 居 則 不 處 曾 所 知 與

光 盡 理 明 ,使 明 顧 乎? 諟 天 賦 天 之 之 然 理 明 不 則 命 至 參 是 香 前 操 失 倚 存 贵 衡 省 目常 是 察,要 何 看 物 見 事 ? 光 事

0 謂 原 作 得」, 據 顧 氏抄本改

四四四

無 常 日 不 不 在 離 此 矣。」 乎忠: 指 忠 信 信 篤 篤 敬 敬 則 丽 此 言 心 是 常常 人 存 做 I (之明 夫 處 命

然。 坐 用 勸 督。 他。 食之兵,古所 先 天 然上 下之衣 上 王 ௱ 因 白 下 丽 官 食皆 相 裁 未 人士 維 制 有 本 出 也 使 · 下 於農,爲 所 末 各 而 相 得 以 資 役 其 白 隸 姓 國 分 亦 T 愈 者當 理 商 貧 釋 勢 皆 閔 老 之 自 恤 與 喫

不 E 得 學老釋 不 君 詐。 非 要 者多詐 謪 向 是不 日 李 是他在 奈譎 鑑 深 何 不 實 認 理 他 L 是 剗 譎 斷 ſ 吾

學知爲己,亦不愁你不戰戰兢兢。

下 治 君 子 省多少 篤 恭 心 耐 機 天 省 下 平,君子 多 少計 較 修 其 身 伯 者 而 費 天

其

曰:「生不知好,死不

知惡。」是他本

來面

多

少智計

只

補

得

此

一罅

漏

精 字, 立 神。 均 惟 徭 今 心 此 皂 如 因 最 穀 隸 兵 親 食 種 月 切。 錢 廣 浮 亦 則 朱 費 是 其 子 多 加 生之性。 説 賦 以 : 之意 致官 禪 學 古 禄 只 今 薄 是 説 仁 再

賢 察覺 精 是 敬 虚 爀 是 象,與程 萬 常 氣 物 説 自 神 涵 靈 把這 象 安 之 · 豈 養 未 程子 萬 己 深 排 上 理 發之時 象 暇 不 子 説 沉 天 · 何 做 $\overline{\mathbb{E}}$ 存 勝 實 再 篤 默 地 0 工 其 去 不 道之全 實, 只 夫, 萬 具 是 大 冲 思 同 象 要 於 故 是 光輝 漠 量 也 而 積 其 事 把 冲 無 禮 心 下 放 中。 物 自 漠 朕 以 他 之 已 視 之 胸 在 程 無 底 本 聖賢, 渾 萬 理? 中 公甫 子 朕 精 體 然 象 之説, 如公甫之説 而 神 只 在 己 森 説 小 已 來 弄 中。 立 故 然 視 得 包 張 只 己 丽 天 這 故 不 去 一片 具。」 涵 天 地 此 炬 聖 用 下 莊 萬

目,非心實不然,故作此大話頭來嚇人也。

在心無一毫不盡是忠,發出在事上無

不實便是信。

「尸居龍見,淵默雷聲。」此誠不可揜

處。王道之本歟!

忠信是進德之基,便是立天下之大本。

人之昏困,是氣也。持其志,則昏自去

矣,在敬。

子謂 客。」 萬 以 慮 如 盡 超 物 爲 此 脱 模樣 又言 都 亦 真 静 其 輪 釋氏是認精魂爲性,專一守此,以 久了 是 只是作 是 空,言道 迴。 這 其 此 箇做 緣 如 意。 陳 精 他當 弄 負 公 理 神 精神。 出 程 板 只有 光彩 甫 初只 子言 之 來 説 蠱 這 小,其 : 此真 是 得 , . 箇 物物 如 至 去習 此 中 極 抱 見 則 了 玄 有 忙 他 石 静 無 極 盡 天 者 投 所 坐、屏 妙 地 造 無 而 河 物, 、 天 萬 此 我 只 如 是 物 地 遂 思 朱 禪 無 爲

> 以其妄愈甚。 雖壞,這物事不壞。幻身雖亡,此不亡。

> > 所

皆因 節 物。 各以 是 技術,亦皆變於正人矣。 而 處 客,又有老 功名之士,有利禄之士、文人舉子、詩 義 學者亦有 所 樣。 若政教立 己意 王 、功名、利禄、文人、詩 先王之世 以害 政 後世有 爲 不行,小學、大學之教 道 釋異端之徒、倡優技 基 學,傳習之久,遂 敗 本 9 則皆在吾化育之中。 俗,不可 道 可立,不流 道 學之士, 德 勝 同 人,盡 言。 風 於異端 有 節 俗 有 術 不立 故 歸於道 原 義之士, 許多 其 ,雜然混 人 所 故 故 倡優 等 、才只 所 人 德。 由 墨 有

智 亂 勇 弔民 미 兵者,聖人不得 用 伐 於 罪 暫 而 時 設。 亦 利害 已 主 加 之須是仁 相 用 半。 之,爲 義之人。 誅 暴

君相之軄,最難者是知人。四凶在堯

是 不 得 不 外 出 哉 如 欽 時 哉 以 知 知 鯀 此 事 0 堯 君子大居 秦 邢 如 處 而 静 之才 方 照 檜 恕 荀 己 置 言 一戒 命 見 彧 皆 庸 之 高 圮 劉 不 非 他 不 違 族 是 使 甚 미 敬 元 聖 識 心 用 大 之 切, 城 人 象 曹 術 而 但當 預 本 共 貴 不 [操 照 故 馭 毫 有 朝 滔 知 窮 臨 之甚 只 孔 時 髮 程 天。」 理 欠 政 在 得 明 舜 不 子 也。 用之。 一嚴 L 燭 誤 於 隱 禹 定 理 信 亦 鯀 然 非 夫 不 馬 稷、 則 用 聖 如 亦 日 明 謖 胡 共 人 用 兀 : 契 曰 故 文定 之 温 凶 不 工 也。 能 治 未 公 不 咈 則

無 不 能 真 儒 道 不 然 行 欲 白 道 世 之行、治之善, 無 善 治 ; 學 不 傳, 非 真 千 儒 載

7 這 朱 子 夫。」 説 . 科 舉 雖 做 T 狀 元 可 惜 輸

曾子 當初 做 工夫全備,一 底工 夫也到,

> 精 平 用 貫 貫 是 是 微 H 底 達 曲 戰 I 原, 道 盡 夫 戰 也 兢 故 隨 便 到 兢 孔 是 事 子 但 體 窮 盡 未 用 理 其 唤 悟 E 忠 即 也 理 誠 禮 悟 會。 記 便 是 是 但 曾 立 大 未 子 大 本 知 問 本 得 曾 **>** 篇 體 不

下 道 也 雖 者,形 分上下 ,程子所 至謂 形 而 而 謂「二之則不是」 上 只 上 者 陰 是 者 是 謂 事 之 所 陽之 以 道 程 然。 形 謂 子 道 所 而 也 謂 下 言 者 顯 陰 陰 謂 陽 微 陽 之 無 形 即 器 間 是 而

邵 道 道 兩 除 中 箇 子 Ī 亦 日 日 侌 加 土 有 柔 陰 陰陽。 陽 物 作 與 與 之中 倍 冲 陽。」 剛 水 氣 法 是太陰,火是 如 便 是 贵 地 又 天 有 易 只 不 本 本 數 兩 是 成 屬 屬 之本。 儀 陰, 刀 陽 各 箇 陽 又 含 又 太 中 五 日 兩 \Box 陽 四 . 之 有 行 , 木 箇 「立地 雖 陰 義 立 又 是 陽 是 只 天 五 故 之 小 之 成 陰

陰,亦 截 内 只 呼 矣 陽 伸言之,屈 爲 始 動 屬 下 吸 故故 屬 有 陰。 爲 陽 屬 静言之, 金 ?,程子 陰 陽 陰。 太 自 有 亦 土 是 終 以 極 陽 有 居 少 左屬 有 方 凡 無 言 爲 對 爲 動 水 陰。 中 陽 所 物 對 陰 陰 無 屬 也 陰 陽 言 火 無 水, 陽 有 頭 天 之, 陰 冲 伸爲陽。 太 對 以 凡 下 屬 氣 £ 火 屬 静 極 者。 東 先 陽 事 無 一癸是 是 , 陰 屬 含 爲 9 後 丙 陰 尾 前 陰。 得 陽, 相 言 J 大 物 也 陽 屬 對 有 之, 是 圃 無 西 會 截 以 陰 處 動 盟 也 陰 爲 餘 處 先 始 9 屬 便是陰陽 静 闢 皆 陽 陰。 終言 爲 陽 E 之 0 會 水 然 屬 陽 後 則 理 以 雖 小 火 之, 陽 在 以 後 圃 屈 屬 雖 和

消 是 必 將 夜 夜 晝 消 書 是 夜 者 則 伸 者 再 必 來 書,是, 夜 死 做 是 生之 息 屈 自 屈 道 然 畫 者 之 也。 是 再 理 始, 來 畫 昨 作 夜 是 伸。 是 H 息 畫 終 夜 畫 夜 自 是 則 不

> 之始 是 造 必 來 始 過 是 刯 生 夜 不 之説 今 寒。 作 化 也 便 是 昨 盡 年 是 終 自 將 Ħ 新 T 者 亦 ? 游 底 是 新 來 能 此 , 昨 續 今 晝 不 生 不 之 聚 理 魂 H 舊 如 H 識 是 散 夜 底 聚 爲 書 寒 晝 今日 造 者 散 精 寒 將 夜 變, 自 來 化 夜 滅 暑。 去 氣 來 能 暑 將 物 也 年 再 爲 作 畫 新 始 往 既 便 生。 寒 物 故 今 終,豈 者 夜 往 死 暑 是 歸 物物 日 自 生 之 , 造 來 寒 根 畫 是 是 始 便 將 自 今 作 化 極 返 夜 散 終 生 既 然 不 元 今 必 H 也 來 往 是 而 年 是 窮 暑 底 死 作 之 然 昨 寒暑 終 聚 畫 生輪 新 聚 往 H 夜 也。 也 散 妃 者 畫 極 來

則 做 天 天 底 之 天 人之 理 也。 做 理 人底 雖 故 維 , 各盡 天 天 人之分 之 其 命 分。 於 則 而 穆不已」 殊。 五日 之理, 故 天

●「闔」,原作「開」,據顧氏抄本、雍正本改。

四

八

是人做 得 化 人之理乎? 工 無 發 得 故 人之心 合天人」,已剩着 乾 一夫,只 間 中 吾身之理, 吾 天 而 道 命 來 矣。 應 心 戀 之性 事 人底。 底。 去 純 養 化 各得 蓋 思 得 亦 天許多 各 吾之性, 盡 吾 想 則 不 故 夫人, E 其 在 天 性 르 天 程 性 所 於 道 道 子 道 箇 則 命 即 我 愈 亦 應 即 曰 理,我 則吾身 合字 天 那 盡 酢 : 無 是 見 命 是 天 「天人 事 毫髮 那 <u>一</u>了 全 命 天 今不 盡 物 天 各 體 做 不 有 道 少欠。 Œ 渾 已、乾 各 天 本 豊 來 之。 亦 性 具 得 底 吾 能 流 命 於 其 当一言 若存 身 合 但 行 道 中 底 所 天 做 盡 聖 變 而

無 不 此 分 則 私 内 意 天 外 地 處 也 皆當格 萬 便 存 物 貫 養工 之理 通 夫只 若 即 吾心 貫 在 通 吾 所 身 便 具 上 流 者。 行 窮 無 若 理 間 到 則

主 一,主是專主之主,一 是一 於此 而 不

如 是 敬 來 則 聖 於 也。 他 存 是 恐 閑 此 子 在 他 聖人 敬 敬 日 聖 等 懼 温 與 ,只心自 理 這 邪 只 適 理 恭 持 居敬 人。 裹。 則 教 工夫交來 工 夔 無 便 日 别 純 敬 是 夫。 整 夔 是 敬 箇 在 心 無 敬 不 故 齊 常一。 不 持 齊 自 止 敬 不 物 若 程 如 才 用 嚴 敬 一是他 敬 主 雜 然 耳 慄」,曰「齊 主 交去,只 戒 子 何 戒 肅 之 敬 戒 放 敬 亦 便 日 謹 謹 常整 主 聖 謹 不 則 熟 是 其 自然 恐 恐 • 存 0 是 人 敬 恐 後 如 心, 心 一主 懼 懼 得 初 懼 齊 日 是 便 便 此 不 整 以 天 戒 般 學 理 欽 專 有 嚴 心 自 離 齊 理? 只只 至 以 難 則 便 明 要 0 肅 便 聖 於 嚴 不 然 神 得 敬 有 如 失 是要 戒 人 待着 敬 則 整 日 肅 0 如 明 意 將 蓋 謹 此 也 不説 温 心 齊 否 其 此 在 心 敬 此 常 恐 心 是 而 ? 意 常常 嚴 恭 、德」, __ 去 中 則 戒 懼 專 不 故 心 肅 然 È 主 看 便 間 只 常 心 謹 是 日 程

是也。

直 養 學 理 心 長 儒 是 做 悦 儒 相 静 相 相 求 無 在 洒 樂 似 釋 而 \perp 家 似 似 坐 這 夫 空 不 非 説 掃 工 相 襌 謹 恭 與 ,莫過 裹 夫 從 寂 在 他 他 應 似 他 家 恐 儒 必 儒 門 已 身 光 對 在 害 业 懼 敬 家 禪 空 家 明 心 道 無 源 他 心 禪 誠 於 主 周 家 寂 寂 無 説 頭 上 性 空 最 人 禪 静 旋 恐 只 之 照 及 非 己 誠 做 周 甚 定 家 相 與 進 是默 久 長 存 不 意 法 T 與 似 儒 是 退 事 所以 同 夫, 界, 夫 心 儒 心 則 他 家 他 坐 有 養 詩 矣 家 他 能 主 他 與 便 虚 與 做 害 浴 差 性 書 門 敬 虚 儒 靈 儒 發 亦 儒 道 心 心 I 之 禮 則 快 靈 窮 專 者 誠 家 夫 通 尤 家 相 法 樂 樂 絶 心 知 理 要身 與 萬 甚 心。 似 I 存 滅 無 覺 殊 並 夫 愛 非 物 與 儒 心 思 不 相 不 進 僻 親 自 愚 故 心 他 家 儒 存 慮 似 交 體 知 之 敬 謂 Ŀ 似 小 家 門 夫 最

若 來 斗 亦 理 所 物 流 快 邊 理 爲 矣。 以 神 不自 蓋 能 育 行 樂 此 儒 此 寂 意 處 之中 比 家 者 既 又 即 之 見 朱子 是其 人 形 猖 動 哉? 所以 知 專 以 是 與 之生 神 存 加 静 狂 全 矣。 此 神 萬 理 功 識 下 語 心 自 言 不 家 性 守 理 通 都 效 愈 是 者作 且 默 恣 齊 是 程 妙 此 滅 於天 自 自 襌 熟 周 者 則 子言 道 保 用 酬 絶 或 然之 法 乾 家 形 以 以 凡 則 理 合 酢 治 理 以 界者 不 爲 而 那 此, 所 道變 察 其「以 太 舉 大 作 妙 用 故 上 至 此 天下 動 理 措 和 背 贵 本 用 以 檢 一玄極 者 他 靈 作 化, 愈 是 天 處 此 察 管 之 故 裹 禪 通 平、 無 精 逆 任 見 各 性 窺 心 非 妙。 只 面 家 光 自 滅 得 天 意 IE 地 天直 是 是 天 底 己 顛 然 久 明 絶 性 此 者 地 爲 理 與 自 其 認 倒 則 寂 廣 一分 天 命 位 以 見北 錯 發 氣 心 照 空 大 理 己 數 道 此 爲 亂 見 者 他 豁 以 萬 崩 無

五〇

身此 去 氣 父 則 在 母 出 盛 個 可 此 理 世 真 則 以 處 皆是父母 殊 身 生 脱 窺 則 不 子 輪 見 乾道 父 知 迴 此 氣 母 乾 子 變化 再 所 衰 所 道 去奪 生者 遂 則 傳。 變化,已 個 子 守 甚 胎 繼, 定 若 只 出 由 此 生 是 在 世 你 物 生 幻 父 ,遂言他 這 身,故 不 母 不 箇 令亡 窮 身上,故 真 故故 身 别 不 失 此 孝 有 再

靈 之鬼,妙 鬼 神者陽之靈。」 神 鬼 者,二氣之良 神 用 是 謂 氣之 之神。」 精 能。 靈 朱 運 子 程 用 日 者 子 : 日 故 . 鬼 張 者 功 子 陰 用 日 之 謂 :

然。 我 故 而 日 同 聖人 人 歸 只是盡 固 殊 欲 塗 其 之 道。 感 致 化 感 白 亦 化 慮 未 之 _ 嘗 妙, 只 有 虚 自 心 然 中 也 無 而

不 費 力。 行 E 一道者 伯者 自 雖 修 不 用 上 要 自 I. 修 夫 工 一夫,然 到 施 施 爲 爲 H E 可

> 精 成。 理去 易。 理 最 擇 費 人自 力。 處 故 伯者自身 事 王 感化。 蓋 道 去 天 簡 制 本 下 我 易, 伏 無 人 以 他 此 物 伯 此 理, 道 理 本 用 人不 處 崎 同 盡 置 嶇 智 感化 他 理 計, 學 自 者 方 假 然 我 所 做 這 得 順 宜 得 道 此 丽

_____ 道 再不 地 不 天 本 吾 能 地 萬 愈與 不若 物 去 萬 與 今人學不 物 下 體,略 之 道 道 之 只 理 格 爲 離 居 理 物 即 也 窺 懷 敬 曾 工 在 0 見本 窮 到 放 夫。 此 如 理 胸 貫 0 釋 原, 盡 中 此 蓋 通 氏 皆 此 得 就 處 行 則 是 理 將 吾之當 是 住 却 助 横 安 本 坐 言 排 無 長 竪 卧 天 爲 放 想 無 反 地 胸 若 不 則 與 萬 中 在 愈 將 天 理 物

程子體道最切,如説「鳶飛魚躍」是見

想像 潑 得 通 勿 於 意 潑 狂 思 正 天 但 安排 地之 小 想 妄 地 吾 一言 像 不 勿 反 間 收 可 於 而 忘, 之, 無 放 以 道 道 胸 非 勿 以 私 理 此 中 助 見 意 流 矣。 理 長 撓 天 行 以 發 , 之也 地 無 爲 故 見 則吾心 間 人 無 引 充塞。 矣。 物 適 必 之 而 常 故 有 非 若只 理 存,不 同 事 道 本 焉 以 將 相 則 活 此 流 容 流 而

他 只 管 釋 想 氏 像 行 把 住 住 坐 回 ,不去格物 無 不 在 道 窮 道 理 愈 鶻 鶟 是

天 相 爲 地 功 位 天 人 也 萬 各 物 盡 育, 其 分, 人 又做 ൬ 理 着 則 天,三 自 相 才備 貫 通 而 交 至

謂 皆 靠 性 住 工 這 夫 萬 本 裹 原 事 做 只在 萬 去 物 主敬存 之理 道 理 皆 本 在 心上, 原 此 只 處 在 致 流 一天 知、 出 命 力 之 行

極 程 導 子 臣 日 民 精 論 擇 治 幸 須 相 要 分 識 建 體 衆 職 如 者 修 德 建

> 慎 陟 者 之體 條 , 分分 字案 政 刑 也 司 任 相 ,均賦役, 之體 有 之 致 司 體 君 也。 察 也 澤 .民、精 民 理冤訟,此 愛百 宣 安 否、 布 姓 選人才、進 君 利 施 上 有 害 惠 德 司之體 澤 以 威 賢 施 明 設 退 勸 也 教 懲 立 不 朏 肖 政

惻、體用之自然也。 聖人救世之心如此切者,是仁心之懇

乎? 謀 謀 道 功 道 其 是 事 臣 既 終 智 智 利 如 君 贵 計 計 何 亦亦 行, 心 功 然 待之。 ,未嘗 相 臣 而 則 則 非 不 合,未嘗 不合者 多不保其終者,蓋 子 可 以 楊 難 路 以 以 道 雄 哉 或君 亦 道 事 保天下之民 儒 非 以 君 義 者 忌 儒 道 能 者 匡 其能 者只 不 合。 以 其 保 子 君 道 更 終 務 路 贵 事 ,故其君亦 其所爲者 其 引 何 之 挾 君 始 不能保 其 程 也 死 其 初 君 功 君 朱 程 當 欲 是以 朱 多 雄 其 以 臣 道 之 非 身 權 權 只

進 才 足 反 舉 以 也 虐 德德 格 君 政 君 君 子 多 政 子 化 小 脩·安· 安安 必 民。 人 有 治 不 有 不 況 口 小 亂 不 共 人 人 治? ? 以 治 必 類 亂 是 從, 小 者 善 人 君 蓋 惡 用, 子 邪 君 用 則 IE 子 之 姦 則 必 邪 賢 德 相

莊 益 不 博 資 其 充 心 文約 整 盡 日 盡 養 便無 性 學者 嚴 矣。 孟 「操」、曰 孟 禮 肅 子 子 口 才 河 日 I 便 亦 整 依 洛之教 高 夫便 衣 不 有 據 「存」、日「養」、 求 患 依 冠 在 放 無 齊 故 在 據 心 實 心二、「 依 持 孔 此 性 容 祖 歸 循 子 下 源 貌 孔 下 只 手。 擴 子,故 頭 格格 前 手 教 充 日 處 心 處 物 人 非有 水、 冮 性 理 矣 主 窮 忠 端 會 信 理 敬 孟 夫 之 , 益 日 主 篤 日 子 亦 類 敬 存 天 詳 無 擴

瀅。 肅 若 今人多是 孔 着 子 教 實 人 做 忠信 得 頭 自 腦 篤 之學。 然 敬 心 程 安 子 體 教 舒 人 道 整 理 齊 嚴 明

無

不 如 不 曾 若 人 起,柱 起 索 把 屋 性 捉 竪 從 頭 斜 得 整 字, 齊 ,撑持 柱 頭 嚴 是 端 肅 半 最 正 做 -難 落 上 則 去, 易 下 撑 事 更 持 易 最 爲 難 若 力 做 竪

仁」,是 周 邁,朱子氣豪 處 徧 切脈 朱子體 程 無 子 是 説 時 生理 無 段 雄 雞 處 大 貫 ; 雛 不 相 孟 通 口 體 子 似 處 以 驗 工 程 觀 孟 一夫直 仁、江 子。 子 雞 用 雛 截 但 心 切 是 孟 朱子 熟 生 脈 子 意 可 I 氣 以 醇 見 夫 英 粹 觀

説了 思、孟 段 教 夫 知 人 所 不 自 ',方能 同 直 信向 子 能 孟 截 先 子》、《中 下 聖人 ,方肯下工夫。 做 ·學上 使 將 Ι. 人 義 德 夫。 達 勇 理 盛 庸》多開 到 大 躍 聖人教 本 去 原 肯 原 做 與 ^ 信 上 示 I 效 人 大 道 向 夫。 驗 手 學 理 都 下 段 × 就 本 但《 開 俱 教 與 論 原, 賢 肚 7 他 中 語 破 做 使 人 庸 腸 手 就 人

I 夫又更細 密 切實。

孟 子 求 放 養氣 内 外 本 末 交

盡

也

不 可 也。 學乎? 人皆可 吾之理既與聖人一, 不學者皆自棄也 以爲 堯舜」,是吾 又 心 之 何 聖 理 人 與 之 聖

當 私 所 各得 意 順 以 ,便是逆天 其 爲 其 只 是 萬 性 理之當然, 物 0 莫非 箇真實道 而 天 違 物,即 地 實 則 之 理 自 理 所 所 亂之源 然 以 流 爲 順 爲 行,而 治。 天 人之處 也 地, 若着些子 天 萬 地 事 物 萬 只 之 物

兩之所 緼 自 交錯 然之數,畫卦者因之。 各生兩,一 爲。 ,多寡不 所生之物, 齊也 物 中便 其 若 有 數不 天 兩 地 儀,是《易 拘 生 於此。 物, 無 絪 非 中

居 業 録 卷之 四 终

居業録跋

者 之道 説 若 之, 婦 孰 見 餘 卑 非 於 者 干 居 與 不 者 河 無 謂 侈 先 天 東 室 功 溺 夫 當 粹 下。 之 薛 生之學, 河 然 學 於 見 布 于 然 東 近, 功 者 氏 言 甪 衣 天下 致 利 將 義 信? 餘干 安 以 耳 出 位 性 身 高 至 以 於 館 所 亦 終 命 心 胡 者 滴 於 正 噫 私 閣 稱 之談 其 内 氏 涉 於 應 竊 實 身 學 外 立 兩 於 用 接 疑 學 問 讀 是 朝 先 玄 也 事 然 之, 哉 宗 書 非 事 生 虚 物 主 夷 旨 講 業 者 謂 自 知 進 考不 於 學 剸 漫 大 或 其 聖 彰 先 敬 退 較 衍 明 學 朝 所 生 無 志 掩 古 較 符 未 論 失 理 之 自 聖 所 効 著 學, 合。 著 真 夫 督 學 表 總

起

斯

文

爲

己

任

於

先

生之學有

深

契

焉

大

之道 之,不 業耳。 歲 誠 無 合、「 敬 之 嘗 用 於 切 確 試 久 第 者 兢 能 有 源 自 而 然 全體 字 之 用 業 事 勵 有 有 其 即 屑 舛 得時行 板 之 流 藉 車 味 \Box 不 志 皆 與 建 王 矣。 漶 學 心。 矣。」 \$ 也 可 樹 同 君 誠 漫 略 道 易 日 誠 鏗 口 與 子 非 蓋 堯 謂 此 本 則 敬 之 語 鍧 鑍 悲 脩 中 洄 何 不 舜 實 體 哉 爲 既 見 敬 己 東 取 而 派 己 之道 焜 終 先 ? 敬 而 立 措 易 焉 1 李 此 燿 淵 爲 生 涉 事 惟 ? 之, 公, 地 巍 彼 敬 本 ^ 身 然 齋 粗 功 居 皆 群 其 心 時 家 先 有 學宗 有 迹 居 安 然 業 業 然。 居 闇 自 之,故 4 不 齊 默 焕 人 之 録 何 類 於 存 或 敦 無 坐 口 IE 然, 曾 安 惜 程 聖 聚 標 舊 本 治 脈 窮 言 賢 西 白 也 有 則 力 不 之 則 尚 之 有 大 以 不 深 之 聖 姓 體 行 爲 调 實 刻 用 興 學 獲 九 敬 親 督 溫 此 無 既 起

萬曆壬辰秋八月朔,鄱陽陳文衡跋。

丘 丘

胡 敬 齋先生居 業録 題 詞

業 之。 宣 静 則 得言者,言爲階 業。』《禮》云: 故 有居 堯舜,其心至今在 稱 録 録 動 學大居敬,摠之不 聖約之「思無 常惺 業。」《 其先生之緒餘 心之精微,固 讀《居 而 大氐所 無 惺 業 易 動 法 録 **>** 「毋不敬。」《易》云: 有之: 是 爲 非 梯 \approx 邪 難 謂 11 ,豈虚· ; 耶 一言。 曰 也夫。 得言言者,不 無 ? 於言語文字間索矣,然 敬 離乎心者近是。 . \wedge 居 加 常惺 脩 也哉? 禮》有之: 之居、 作 今以 詞 先生號 也。 惺 立 者, 誠 視先生《居 《詩》三百 無業之業。 言 声 「洗 「敬齋」, 静 止 而 所 退 倘 自 矣 息 而 以 心 得 所 1 無 居 必

> 雲云。 李及泉 稱 寔 立 頌 千 生 今復函 式 世 中 平 ,中丞即以女妻其裔孫。 秋 學 講 靈 萬 丞誼至高。 之。 爲刻是《録》於三輔。 中 力 禩 敢 派囊 盡 見 僭一 先 在 先 於是。 生 爲 生於 詞 仁賢有後, 侍 裔 跋 御 孫 羹 之末 時 知 某於 牆 曾 其 解 簡 余 道 有 四 疏 者 而 以以 有文字之交, 方聞之,莫不 脈 請 以 先生家 不 特 夫 旦 竊 朽,先生 祀先 莫遇之, 附 於青 于越 徒 壁

頓 謹 萬 題 曆 庚 子 孟 秋吉日,温 陵 後 學 李 懋 檜

首

五

道

編

道宏字 校點 [明] 程敏政 撰



附 陸子與朱子書 二三	陸子和韻 二四
附 陸子與陶贊仲書 三二	復齊陸氏鵝湖示同志詩 二四
朱子與趙子欽書 三二	道一編卷二一四
朱子與邵叔義書	陸子答朱子書 二一
朱子與程正思書 三一	朱子答陸子書 一五
朱子與黄直卿書 三一	陸子答朱子書 一〇
附 陸子贈劉季蒙説 三一	朱子答陸子書 六
附 陸子與曹立之書 三一	陸子與朱子書
附 陸子答王順伯書 三一	名材山路日青
附 陸子答朱子書 二〇	山坴氏
	朱子與梭山陸氏書 一
陸子與陳君舉書	道一編卷一
	道一編序
附 陸子與胡季隨書 二八	目録後題識
附 陸子與邵叔義書 二七	校點説明
朱子答吕子約書 二七	
道 一編卷三 二七	目録
附 建昌包氏序象山年譜略 二五	
朱子和韻 二四	

目

録

陸子與包顯道書	陸子答劉深甫書 四	附 陸子論學説 四五	附 陸子論學古入官 四云	朱子與吴茂實書 四四	朱子答曹立之書 四四	朱子答王子合書 四四	朱子答項平父書 四三	朱子與胡季隨書 四二	附 陸子記荆國王文公祠略 四〇	朱子答劉公度書 三九	附 陸子與張輔之書 二八	附 陸子與李省幹書 三八	朱子與黄直卿書 三七	朱子答陸子書三七	附 陸子答曹挺之書 三六	附 陸子與曾宅之書 三五	朱子答劉季章書 三四	附 陸子與鄭溥之書 三三
附 南軒張氏答陸子書	附 陸子與	五 朱子與吕伯恭書 五七	五 附 陸子與吴仲詩書 五六	四 附 陸子答劉淳叟書 五六	四 附 陸子與胡達材書 五五	四	二	一 附 陸子與呂伯恭書 五三	○	九 朱子與劉子澄書 五二	人 附 陸子與趙然道書 五一	人 朱子與孫敬甫書 五	七 附 陸子與包詳道書 五	七		五	四 道一編卷四 四	二 附 陸子答包敏道書 四七

八〇	朱子答滕德粹書	七 0	附 陸子答包詳道書
七九	朱子答符復仲書	六九	朱子答陳膚仲書
七九	朱子答滕德章書	六八	附 陸子與趙詠道書
七八	朱子答吕子約書	六八	朱子答項平父書
七八	附 陸子與胥必先書	六 八 —	道一編卷五
七八	附 陸子雜説	六七	附 陸子與唐司法書
七七七	朱子答吕子約書	六六	朱子答李好古書
七六	附 陸子與邵中孚書	六六	朱子答諸葛誠之書
七六	朱子與周叔謹書	六五	朱子答諸葛誠之書
七五	朱子答吴伯豐書	六五	附 陸子與朱子書
七五	附 陸子答潘文叔書	六 五	朱子答劉晦伯書
七四四	附 陸子與陳正己書	六四	附 陸子與符舜功書
七四四	朱子答何叔京書	六四	附 陸子答詹子南書
. 七三	朱子答吕子約書	六二	朱子表曹立之墓略
七三	附 陸子與傅子淵書	六一	附 陸子祭吕伯恭文
· 七 一	朱子答陸子書	六〇	朱子祭陸子壽教授文
· 七 一	附 陸子與舒元賓書	五九	附 陸子白鹿洞書堂講義
. 七〇	附 陸子論學問求放心	五九	朱子跋白鹿洞書堂講義
七0	朱子與吕子約書	五八	朱子答吕伯恭書

跋	東山趙氏贊象山陸先生象	東山趙氏對江右六君子策略	師山鄭氏與汪真卿書略	師山鄭氏送葛子熙序略	貞白鄭氏表融堂錢先生墓略	道園虞氏跋朱先生答陸先生書	道一編卷六	跋 西山真氏跋傅正夫所編慈湖訓語	朱子答詹帥書	朱子答林退思書	
八九	八八	八五	八四	八四	八三	八二	八二	八〇	八〇	八〇	

校點説明

事 專 學 問 化 會 五 典 具《明史• 賅 試 士 内 博 年 被 直 道 進 閣 四 誣 爲 經 誥 士及第 九 劾 筵。 編》六卷,明 一時 九),字克勤 敕。 文苑 鬻 題 後遭 冠。 授 弘 傳》。 負 治 明孝 編 劾 冤 十二 修 程 尋 下 號 宗 敏 復 年(一 歷 獄, 嗣 篁墩 政 起, 左 位,擢 撰。 獲 諭 官至禮 釋 四 德,直 安 程 後, 九 少 徽 敏 詹事 九),因 休 憂 部 政(一 講 寧 憤 右 東宫, 兼侍 而 侍 主持 四 卒。 郎 成 講 四

經》、《 Ш 著 述 N 經 甚 敏 大學 新安文獻 附 政少 豐, 注 重 主 以 ×, 訂 要 文名,善 志》、《 宋 本 著 - 》等(紀受終 作 詠 有《 焦 談 史詩》、《 考》、《 論,於 竑《 皇 明文 或 書 道 宋 朝 衡》、《 無 遺 獻 所 編 民 徵 不讀, 録 録 瀌 賢 儀 奏 真 禮 ^ 道 逸 對 西 生

> 至「各 記 載 是 省 是 試 作 書 題 者 既 傳 每 出 世 有 朱 著 策 陸 問 作 早 中 朱 異 陸 較 者 晚 爲 同 重 全據《 之 要 論 的 道 極 種 編 》以 時, 時 答 甚 人

矣」。(陳建《學蔀通辨》)

與《道 之 對 陸 於 名曰 同 初 並 之 終 種 氏 則 論 於明代心學 附 嘗 爲 説 以 《道 則 誠 斷。 是 旨, 虞集、 試 有若 若冰炭之相 提了出 書本吴 編 本 編》。 可 書將 後 輔車 之 以 鄭 發 説 來 來,然其以朱子 澄 説 玉 之 朱 展 朱 王 書 IE 等 是 陸 相 反,其中 的 陽 中 相 陸二 站 人 影響之巨。 倚 異 明 輯 唱 有 在 同 作《 和 録 號 氏 1 分爲三節 從 朱 則 於 朱 學 之爲 朱 陸二 晚 是,朱 覺 陸 中 子 立 夫疑 年 爲 場 教 也 晚 家 反 學 上 年 可 陸 往 之 身 信 認 也 見《 調 定 學 還 求 之 論 爲 論 和 術 之 之 道 約, 相 朱 朱 始 而 書 意 半 陸 其 陸 異 各 深 編 信 終 爲 論 的 其 故 契 至

振 善 本 綺 堂 書 道 室 編 録 藏 $\stackrel{\cdot}{\leqslant}$ 書 志 明 四 史 庫 等 全 官 藝 書 私 文志 總 書 目 目 》、《千 **>**√<</td><</td> 均 日 有 頃 本 著 堂 訪 録。 書 書 志》、 E 明

卷本二 論 史。 現 删 尊德性之學亦不切,故五卷本《道 √道 作 不著撰人名氏,考陳 四 去。 存《道一編》之主要版本有 無極 一云云。 庫全書總目》著録在存目中,稱《道 藝文志》及《千頃 一編》六卷, 足見《道一編》的 種。 七 書 振綺堂 據聶豹《重 卷 明刊本」。 乃 書録》、《善本 爲二先生早年氣 建《學 堂 一刻道 兩 書 蔀 種 本書梓行有 目 通 版 編序》的 辨》, 書室 載《 本 差異要在於此 道 知 盛之 藏 編》乃將 爲 五 書 介 編》六 編》 程敏政所 語 紹,朱 志》皆 卷本、六 五 此 且 卷, 卷, 作 陸 於

全書》據南圖藏本影印。南京圖書館和中國社科院歷史研究所、《續修四庫南京圖書館和中國社科院歷史研究所、《續修四庫一、六卷本有明弘治三年李信刻本,藏上海、

本,藏北京大學圖書館。 二、五卷本有明嘉靖三十一年汪宗元刻本,孤

校點以《續修四庫 未經删 比 節, 勘《道 乃敏 政 編 全書》影印弘治三年李信 編撰之本義、較 的 兩 種 版 本 弘 爲 治本 完 善。 較 早 刻本爲 故本 出, 且 次

> 種 編》 華書局一九八〇年版)等書。 育出版社二〇〇二年聯合出版)及《陸 並參考了《朱子全書》(上海古籍出版社與安徽 底本,以 整理本的校勘成果(收入《朱陸 江 西高校出版社二〇〇〇年版),特此 嘉靖三十一年刻 本 爲校本(簡 校點中吸收了《道 學 九淵 稱 術 嘉 致 考 靖 謝 辨 》(中 本), 教 五

校點者 趙宏宇

目 0

哉? 省 者 天, 聖 出 過 寵 行 而 故故 收 益 何 爲 而 立乎大者而 其 口 其 與子思之「尊 以 望 得 遠 孔 惟其蔽于形氣之私, 在 宙 其 分 老、 放 誠 門之教 人 之間 章 盡 由 心 以 則 性 是 析 佛 焉 心 以 爲 心 義 興 爾。 道 不 在 小者不 學 至 性 爲 而 在焉 於 德性 於命 晦 賢 顔 以 復性 而 加 焉 解 之「四 守玄悟空爲 則 能 己。 具 不 哉 道問 無 奪」,其言鑿乎 于 華 明 而 以 復 道之大 勝 後 心 尼尼 勿」,曾之「 爲 中 學」, 性 有 mj 古 窮 馬 心 之本 性 以 高 以 理 不 豈 原 孟子之 非 譁 之 來 行 出 則 有 訓 其 世 去 地 性 於 如 不 取 詁 雖

> 旨 哉 之士 只是 程 以 銷 自 焉 于早 未 切 性 德 子實 董 有 要,意之誠 能 1 行 蝕之後,並 推 蓋 欲 者哉? 嗣 靡然從之。 尋 至謂 年 子 體 韓 終身不 親 其統者。 人將已放之心約 向 周 用之極 大 而 承之,其言曰 朱 上 子 儒 卒 子 去,下學 能 以 想,所 生 夫朱子 同 偏 其 尚 功 千 相 於是朱陸兩先生出于 于 然兩 於 説講授于江之東西,天 歉 以以 載 晚 望於後學者 道 之道 於此, 也。 之下, 加 歲 E 問 先 : 上達 之,使反 學 續 學,陸 2「聖賢 生之説,不 問學。 鳴 孟 而 始 呼 者 也 氏 亦 闡 獨 子 固 之 何 復 干 何 心 此 偏 未 以 是 如 正 言 人 覬 性 之 能 其言之 尊 豈 於 身來 傳 萬 其 之 洛 尊 有 德 善 而 不 微 他 卒 性 德 考 異 侕

録後題

⁰ 本篇文字原置目録 無題, 今補擬 並移於此。

[,]嘉靖本作

些子之尊德性,固以道問學爲輔,豈若後之時玄悟空者悉心于塊坐。走誠懼夫心性之學將復晦且尼于世,而學者狃於道之不一學將復晦且尼于世,而學者狃於道之不一學。考見其故,詳著于篇。

序

芥蔕異 楊簡 邪? 于門· 七 測 學者往資之。 之弊,而盛稱 其早年未定之論 反 口 識 身人德之言見于義跋。 攷 者 也 朱陸二氏之學,始 鵞湖 沈焕、舒璘、袁燮之流,拳拳致 以今攷之,志 與? 同之嫌,兹其爲朱子而 録之手 不 三詩 知 齋居之暇 其爲己之功。 廓大公無我之心 者 鈔 而 往 丽 爲一 不 司 致 往 取正于朱子親筆之書 道合之語著于奠文, 夫 尊 異 過不自 卷,用 終 朱 丽 又屢有見于支離 身不同之决,惑 而 終 於其高第弟子 斥 同,見于書者 著其 後學 一,而 揆, 陸,豈 所 異 取 未 意 嘗 非 無 同 之 能 有 俾 極 以

> 總 異,是固不知 誠 焉。 始 其餘之紛紛者 趙氏之説,以爲 此予編之不容已也。 至 深 有 疑信之相半,至於終則 此 取 命之日《道 不 所謂 及 其初 在 于 丽 于陸子 盂 南 後 早年未 則誠若冰炭之相反, 知 子「道性 軒、東萊之下。 朱子晚 者, 釐 陸 始 編》,序而 於朱 子, 定之論 不足録,亦 善」、「收放 爲三卷, 年所 Ш 陸之學盖 編 有若 亦豈 也。 後 藏之。 以 顧 附 兼 輔 圃 知朱 不 别 不 以 心」之兩言 收陸子之學, 車 其 陸 攷者斥之爲 暇 得 取 虞 之 子者哉? 中 子 朱 其 氏 録 相 則 之 子 也 真。 鄭 倚, 覺 説 書 若 讀 因 夫 附 札 且

弘治二年歲己酉冬日長至,新 安程 敏

政書。

道

編

序

道一編卷一

以識其異同之始。此卷凡七書,皆二先生論無極者,書之

朱子與梭山陸氏書

殊 爲 只 而 家 却 而 如《太 萬 所 恐 不 便 不 能 化 知 以 見 長 伏 爲 之根 者從 不 道 己 承 《極》篇: 萬 言 見 理 示 諭《 化之根 爲 初 輕 , 無 不 首 是,不 肆 便忽其言,不 極 太極》之失,及 言 一句, 則 抵 太 太 排 知 只 極 極 也。 最 却 此 則 同 是 元 今亦 無 於 曾 長 來 一句 極 者 致 未 省 便見其下語 物 淪 不 所 到 思 從 於 暇 深 他 只只 前 而 空寂 排 細 地 所 以自 不 然 位 論 論 足

道

編

卷

大 精 見 時 静 此 見 不 有 之言,不 理 直 貫 今 教 其 轉 間 知 此 初 截 攧 脉 可 抵古之聖賢,千言萬 密 子 所 到 致 無此 撲 近 絡 理 理 微 則 静相 耳 論 日 井 不 到之言 務 既 其 妙 理,而 破 但 王 絶 井 明,則不 立 無 所 通 會 難 如 以 不 行 窮, 有 口 亂 得 續 來 只恐自家見得未 曾以 ,不得不服也 姑 而 未 疑 經之説 只 書 江 而 爲 所 當 務 者 西 半 山 、今便 此話 此言 行 立 便, 乃 年 下 切 語 無 論 在 所説 方 幸 草 似 以 子 在 只是要人明得 非 而 此 達 痛 細 救 草 亦 目 義 所 而 推 許 未 時 與 布 商 前 言 理 曾 不 之, 多 指 此 免 俗之弊者。 量 之 無 如 而 在 道 摘 此 否? 未 却 實 非 此 且 彼 病 理 古 剖 知 託 分明 義 也。 一,條 也 近 何 析 此 子 無 理 日

朱子答梭山陸氏書

是有 字,未 有 無 便 淺 物,是則 盖 此 認太極别 於 恐 如《太極》之説 陋妄説 理 形 有 是 立 未 有 形 推 論 必生 虚 深 而 前 及 明 器 徒爲 無 原前 書 但 指 非 盡 矣 之 爲 有 亦未 好 於 示諭《太極》之説,反復詳 惟 彼 理 物 高 賢立言之本意,所 多説, 氣 而 不 之情 物,故 八熹謂 察其 邪 之 又 來 則 盡 習之偏。 ? 弊 安 諭 無 周 、情矣。 ௱ 得 而 周 先 便 著「無極」二字以明之。 極 無 則 未必果當於理 欲 生 爲 謂 先生之意,恐學者錯 即 形 未 之妙旨, 遽 器之 是 虚 熹 但 知 又謂 申 是 無 無 以 尊 己 形 物 以 太 急 而 兄 著 大太 意, 邪? 不 迫 好 所 極 無 而 厭 盡 高 謂 下 看 於 是 極 尔 極 重 乎 人 若 熹 日 即 太 以 然 複 字 之 ? 是 果 文 此 極 輕 且

> 芥之 益 恨 所 若 熹之 前 意 不 則 必 氣質之弊,盖 圃 以 以 書 於彼之情又不 也 差,不可 其 使 不 一以急迫之意求之,則 差者。 爲 得 所 於 愚 疑 爲 謂 如 其 側 洒 辨 然 異 何 所 聽 9 也 得 則 後 竊 ? 論 説 其 不 矣。 原 所 口 願 卒不 如 旁, 子静 煩,而 於此 論 尊 以 詳 出 然此 之 發 兄 時 能 盡 於 歸 差 言立 少 而 效管 合者 理 吾之所 來, 迫 則 不 處 賜 之所 於 急, 徒 可 論 0 反 窺 雖 當 察 爲 必 誣 復, 即 在 爲 己 朝 不 理 面 紛 以 矣。 是 在 有 夕 無 者 紛 己 寬 斷 求 來 得款 此, 不 定 不 其. 心 不審 切 諭 圃 ጠ 説 能 得 游 可 磋 然 無 所 雖 聚 矣。 意 否 之 其 謂 尊 欲 纖

● 「來」,原誤作「未」,今據《朱子全書》改

者千 矣。」或 是其 孺 便 《蒙》九二曰: 甚 言 之文,後 人言豈 不 于 如 芻 人 子之言所 通 中 八 學 未 慮 無《 僭易致 薨,曾子之易簣 往 書》 古之聖 心,或 乖 歲 叮 焉 書》。 人 忽哉 理致 覽 成 不 止 不 有 類 不 品 尊 時 辨 矣。 賢, 「納 疑疑 ? 品 兄 棄 吾 所 雖 失, 也。 一氣 惟 於《 與 作。 也。 出 婦 蒙復 非 梭 理 梭 吉。」苟 愚者 古 盖 周 Ш 武 盖 不 孟 是 Щ 子 書,不 書 兄 Ŧi. 成》, 通 然 子 視,堯 家兄書 得 許 行, 所 謂 千 書 當 於 「**《**· 爲。 以 則 慮 取 敢 [] 理 化生萬 執 於 卒 或或 或是 舜 一三策 盡 「盡信《書》 太 嘗 不 理,雖婦 燭 請 之 信 性 然 極 有 之童子 不 傳 聖 因 也 物,五 命 一得, 圖 他 則 南 而 而 勝 説 章 智 豐 人 或 已 人 詢 幸

> 愚、賢 山 言 書 殊 Ш 論 行、 日 未 未 極 : 哉? 能盡 圖 之 ,徒爲 殆 》時不言『無 嘗於其 陰陽、太極 實,二 一説》是其 未 書, 無諸 不 彼之情 口 多 肖,皆言 已 忽也。 上 説 本 己 不 加 所 則 丽 · 而 亦亦 極」,盖 能 圃 傳,或 後 兄 無 未 也 酧 欲 無 ___ 非 謂 極 必 ,皆文字 斯 遽 一無 日 諸 其 梭 果當 已 言 申 字。 知 少時所作,則 人。」人無 極 山 Ė 矣, 日 急迫 其説 於理」。 一之文。 意 也。 中 動 尚 是以是以 了,「看 之非矣。」 静 即 何 觀 古今、 假令《 太 以 《大學 章 兄 輕於立 人文字 作《 極 責 與 言 也, 此 太 梭 梭 通 五.

明 化 太 言『太極』 之耳,非以空言立論 根 極 尊 本。」夫太 兄 同 山 則 於 與 無 極 梭 物, 者 極 Ш 圃 ,實有是 淪 書云: 不 於 ,使後人 足 空 爲 寂 理 不 萬 言 簸 聖 而 化 弄 人 不 根 無 從 能 於 本 極 頰 爲 , 而 舌 不 則 發 萬

道

編

卷

言無 字 説 以 去 足不 極 根 極 紙 洪 易大傳 加 本邪 筆 悟 何嘗同 轉 範》 前 一之間 議 太 何 足, 疑 未 加 極 ? 有 辨 五 必 糊 也? ₩ E 能 於一 亦何 年矣,宜益 也 皇 惑, 果 太極 塗,此真所謂 當 極 「易 能 物,而 乃 嘗 作《大傳》時 其 於 固 列 反 爲 同 有太 豈 自 理也」。 在 於 I若也 萬化根 踈 以 工 不足爲萬化 九疇 人 脱 極。」聖人言有,今乃 益 「輕於立 物,而 ,尊兄只管言 言不言之故 如 兄號 密、立言 不言「無 本 之中, 此,宜 固 句 不 論,徒爲 自素定, 根本 句 足 不 精 有 爲 極」, 而 言 確 以 來 萬 邪 論 邪 多 自 足 化 無 字 太 其 ?

傳》曰 即 是 物 有 故 後 一形 理 書又 著 而 謂 無 上 周 先 極 : 者謂之道」,又曰「一陰一陽 三二字 生恐學 無 極 以 者 即 明之。」《易》之《大 錯 是 認 無 太 形 極 二别 太極 爲

反

於「太」 有攷。 之。 未 字,出於《老子》「知 圖》於穆伯長,伯 之曰「無聲無臭」 釋之,則宜 設 今幾 乎? 之謂 中也,是奚 曉之乎? 煩老先生特地 有也。 有愚謬至 年, 道」,一 盖 曉文義者舉 極」之上? 希夷之學,老氏之學也。 極 未 《老子》首章言 可 如《詩》言「上天之載 者,中 聞 且「極」字亦不 陰一 此 哉? 有 奚 於「太極」上加 錯 也。 陽已是形 長之傳 可也, 豈宜 知之矣。 其雄 朱子 若 認「太 言無 懼學者 能 發謂 「無名天地之始,有 」章,吾聖人之書 出 以三 極 於 口 耐 自 極 以「無 泥 濂 陳 别 以「形」字 隅 E 無 有《大傳》, 於 則 一,而 溪 希 爲 者 反 極」二字以 形 是 無 得《 極」字 夷 (猶言 於下 器 何足 况 極」 其 物 太 太 而 所 釋 必 極 加 1 極 申 至 無

^{■「}極」,原漫漶不清,今據嘉靖本補。

孟 屬 當 豈 得 兄 極 令其 首 何 爲 見 名 言論文 之察,何 中 無 爲 據 於 能 今考訂 理 時 子 萬 日之久,曾 字 ·馬 極 加 之 善 與 潘 名 初 不 知 物 止矣」之言, 而 賢 字 通 墨 篤 濂 明 祖 實 口 之 也 可 太 者 至 書》 居 乎 溪 述 注 有 母 見 ? 所 見 極 夷之辨 ? 潘 者 多,亦 者 釋 是 其 終 蔽 其 此 \wedge , ? 也 表 右 圖 道 太 篇 子 之不 在 即 而 梭 者 之 與 極 此 未 明 是 卒 未 孫 顯 觀 Ш 潘 亦 嘗 進 圖 此 則 道 此 同 之 尊 嘗 能 兄 其 清 復 説 兄 旨 , 昭 之, 據 不 信 辨 之言 後 伊 逸 而 不 於 及「無 然不 其 及「無 能 以 來 詩 此 小 111 不 如 何 此 老 世 恐 未 愛 自 親 文 老 此 無 類 也 學 氏 濂 其 極」字,二 嘗 無 未 以 口 極 其 ? 氏 師 極 學 加 學 溪 IIII, 宜 及「 宗 等差」之 見 爲 三字。 二字 承 至 力之 之 \wedge 之誌 兄曾 也 一,恐 忽 矣, 是 通 旨 濂 不 也 書 也 溪 E 也 兄 彼 未 冠 卒 無 假 程 不

也

言 之 者 語 異於是。 告 善」之言,未嘗 子 • 不 亦 與 辨 差 敢 許 則 有 增 如某 行 據 證 損 辨 其 據 泛 今者所 或 則 爲 義 抑 據 稍 料 外 所 其 用 論 度 謂 與 尊 與 之説 則 夫 兄 民 人 皆 民 泛 並 性 據 辭 耕 今 尊 兄 無 以 之 而 兄 分 之言 於 後 相 書 論 中 得 繩 辨 善 3 反 糾 要 則 與 不

言 言 矣 謂 出 出 矣。」彼方 否 纖 尚 於其 無 於吾之所 芥之疑 則 必使於其所説 兄書令梭 乃 何 其 、所爲 以急迫之意求之, 亦 論 爲 深 少 之 然 辨 者 爲 疑 可 傷 後 者 前 也 Щ 其 於 文 不 口 : 説 無 而 如 急 煩 以 之 否 寬 纖 出 無 迫 發 之可 非 芥 纖 於吾之所 心游意,反復二 丽 言 而 ¨, 則 芥 之 理 則 未 立 斷 之 疑 之 又 於 精 論 哉 疑 哉 安 所 察 邪 爲 能 在 理 而 則 ? 者 兄 若 使 無 斷 無 兄 之 不 其 其 之 家 不 不 m 此 又 之 如 如 得 無 口 口

精 欲 不 而 差 於 不 彼 口 之 得 情 矣。」殆 又 不 詳 夫子 盡 自 則 道 徒 爲 也 紛 紛 雖

益 之説 友 執 易 潔 也 耐 山 論 嘗 願 勿 急 求 之 答 明 事 己之意 某 也 求 久 氣 迫 箴 · 某 也 白 夫 恐 紬 禀 理 Z 於 日 向 之説 規 辨 繹 平 寬 不 在 心 若 則 難 甚 梭 是 切 心 必 南 緩 明 乃 甲 以 也 固 磨 今以 非 康 以 Ш 言 台 料 爲 與 觀 前 之益 兄 寬 此 Z 度 不 别 非 Z 論 書 不 所 急 等壓 心 亦 然。 視 辨 是 邪 兄 未 羅 若 迫 以 游 人 元 日 盖 所解 正 嘗草草 織 據 指之,雖 方 之言 之, 不 意」 尊 願 亦 事 令某平 各 復 决 文 兄 某 甚 然 之 告子「不得 論 致 是 疑 致 平 甲 甚 後 至 説 理 辨 必 其 似 忽 之 平 H 他 口 心 可 者, 求 優 E .説 辭 惓 心 獨 人 田 明 也 觀 游 捲 相 也 羣 盖 貴 亦 勝 甲 。」今此 願 也 之。 於 諷 類 雌 未 於 以 於 亚 不 兄 則 言 耳 詠 朋 求 無 孤 兄 峻 喻 梭 某 心

> 教 天 相 輒 進 少 爲 雄 進 聚 人 寓 退 忠 每 言 政 方 此 殊 非 路 者 遠 少 將 惟 以 見 合 圖 不 不 惟 晶 言 并 合 敢 能 爲 品 論 并 未 以 副 或 之横 尊 忠言 口 丽 兄 保 意 期 承 所 愛, 出 進 不 也 教 期 以 於 其 倚 爲 爲 今 左 又 勢 需 愧 蒙 然 右 兄 然 柄 許 爲 幸不 比 耳 亦 用 其 時 者 未 所 吐 以 憚 自 向 有 用 下 謂 來 能

朱子 答 陸

下

則於 言 所 聖 此 論 賢 不 不 難 人言之是 棄 甚 前 惟 擇 當 書 理 或 誨 而 非 是 乖 諭 理 世 視 非 理 之 未 儒 言 致 悉 不 易 渗 當 翅 雖 敢 明 見 白 於 出 不 所 理 黑 若 古 承 及 之易 書,不 於 教 也 雖 理 婦 辨 實 所 但 敢 人 謂 有 熹 孺 古 盡 古 所 不 竊 信 子 待 謂 有

於 以 未 訊 理 遽 人 足 者 其 之言 絀 以 人之賢否 或但 爲 古 恐 群 書 出 言之 亦 爲 於 而 未 不 一己之私 爲去取。 免 折 足信 有 衷 未 也 盡 而 見 不 况 直 其 幸 則 意 理 任 恐 而 既 者 胷 其 吾之所 未 臆 又 所 明 之 安 取 所 謂 可 則 舍

裁

乎

然,則 折 不 太 不 而 而 \pm 爲 極 衷, 演《 司 孔 以 之真 乎 多矣。 熹觀 條 子言之。 無 來 又况 易》, 吾 書 極 而 之 體 之,伏 也 反 共 所 既 於 自 則 何 貫 復 蒙 謂 人 乾 ∭ 孔 至若 哉 之言 其 理者 知 不 周 元 羲 子 鄙 於 不 作《 以 子言之。 贊《易》, 此之紛 ,恐其 言者 有 無 而 下 若於此 易 教之, 所 皆 極、 不 不 未 太 未 紛 自 盡 爲 自 夫 熹 有 足 極 嘗 哉 者 少, 太 先 以 亦 以 言 之 書 極 聖 不 灼 又 爲 而 辨 太 以 以 敢 群 今 言 然 後 丰 極 詳 下 下 既 之者 聖 不 言 實 矣。 也 之 豈 不 見

言 故 從 其 之極 於三 其 之意者,一也。 也。 故 以 天下 名之,則 此 至 兩 而 指 謂 此 物 中 命 極 刀 愚 儀 但 之至 之 方 之極 之也。 至 其 推 也 者之内 也 無名 以 民 兀 於 處 極 八 0 H 是 此 極 當 極 極者 太 圃 耳 面 Ħ. 刀 之 所 理 口 合 至如 以 八 者 極 方 夫《大傳》之太極 名,故 謂 在 極 無 至 卦 輳 至 中 後 也 八 \wedge 此 以 理 極 則 通 之 言 將 極 北 諸 人 面 物之中 加 有 書 又 而 極 理 而 之,非 來 以 特 聖 儒 此一云 未 謂 都 \leq 初 -,具 到 之 已,以有形者言 其 人 謂 雖 明 之 無 理 無 此 極 之意 居 之太 ·, 非 有 於 以 性 築 圃 極 向 形 「尔,初 中 解 屋 三者之先 其義 命」章 背 不 耳 底 指 象 · E 加 極。 者 爲 極 能 極 能 中 更 之 何 方 今 爲 不以 以 杰 字而 猶 者 切 應 無 極 也 乃 所 其 其 乎 口 停 之, 去 ? 兀 首二 之 訓 以 訓 盖 其 究 皇 而 匀 處 之 中 口 中 則 以 中 舉 竟 即 藴 極

之得中 之學者 失,勇 文,則 乎? 方 生 性 所 章 内 日 旬 體 言 以 也。 萬 加 謂 内 中 無 迥 丽 來 之言 此 理 物」之云, 焉 今來 往 又理 出 屬 若 若 己 曉 與與 不 者 三字 直 常 乎 次 止 傳之 然 於 也。 論 固 有 喻 矣」, 前 情 剛 乃 五 見 此 己 乃 未 行 圃 説 善 一句 無 爲 秘 今必 得 不 看 各 指 明 是 加 特 極 言 太 非 太 初 剛 得 出 顧 有 其 而 又下 以三 亦 性 極 未 極之 以 悪、 破 旁 人 所 但 中 不 復 嘗 字,乃 人 爲未然,是又理有 不 脯 字 次 架 屬於 能 者 屬 柔 方 成 妙 以 敢 是 所 矣。 八 屋 盡 爲 名 見 ~, 不 善、 何 是 説 非 謂 句 下 太 其 乎 得 是 等 爲 柔惡 言 之屋 底 極,而 中 盖 屬 章 人言之意者 此 不 周 氣 文 太 者 道 其 有 命 以 老 計 子 五 極 字、 者 理 無 所 表 灼 真 自 屬之下 故 也 謂 行 之, 義 令後 不 爲 床 得 見 氣 己 其 靈 未 F 千 落 得 道 理 化 且 五 禀 則 章

又 之中 聲 以 以 然,則是直以 後; 所 哉 語 又 行 以一 陰 傳 明 語 理有 於 陰 臭 以 ? 則 爲 則 道 而 以 陽 ; 謂 陰 影 在 體 陽之謂 不 Œ 是 形 謂 日 未 以 爲 之「無 而 爲 之至 無 響之可 能 之道 所 又 而 明 爲 形 在 形 物之前 盡 以 以 L 而 陽者, 通 陰 道 而 極 偂 太 人 見 者 道 極 不能盡 貫 陽 E 言 極 上 言 雖 則 上 者 全 之 此 之 者 陰 爲 之意 也。 有 正 别 是 體 謂 外 贵 而 L 謂 有 則 一名 乃道 有 之太 乎 以 真 未 陽 之道」 無 形 今 者 又 而 復 其 人言之意者,四 以 嘗 狀 乎 乃 昧 雖 未 物 有 體 無 極 陰 初 = 有 於 不 不 屬 深 嘗 矣,而 一况 爲 之 方 3 陽 無 也 道 在 形 立 詆 太 不 語 所 方 所 爲 W 太 器之分 於 行 無 極 所 則 太 爲 體 形 極 至 無 又 有 矣。 極 平 極 然 也 又 而 乎」之 於 形 日 物之 之 陰 之 周 其 初 \wedge 也 直 不 故 流 大 陽 子 者 無 所

之,豈 覺 之實 之意 爲 與 無 又理 者 錯 解,不足深怪。 來 爲 此 空寂 至 而 一熹前 失笑,遂 人言《易》,其人之論 未 厭 説 認 此言邪? ,何邪?」此尤 不 又謂 有 其 穩 得 有 足 語意, 业有 謂 而 漏 未 爲 周子之意 書 而 爲當時 太 見 不 明 萬 泄之過甚 所謂「不言 難 極 人説 能 至 《大 而 化 曉 老兄且謂 미 爲 被 不 根 老兄 也。 若 以 萬 劾。 傳》明言易有 無 非 能 。 已 本; 偏見之病,聞 人 不 即 化 所望 ,❷不謂 盡 言 平 請 是大煞分明, 如 無 根 以 彼 不 乎 H 以 此 正 而 極 爲真 本」, 一於高 言 俗 人言之意者,五 《大傳》之所 自 如 爲 熹 兩 則 太 儒 如老兄者 視 此 太 加 書上下文 F 問明者。 乃 無 極 膠 當時 爲 太極,今乃 損 説 極 是 人 耳 則 固 者哉 如 破 同 説 只 推 無 何 於一 隨 對 今夏 恐 自 乃 有 則 本 極 謂 之不 意 語 而 猶 知 謂 即 讀 周 淪 物 有 也。 因 生 是 詳 道 謂 子 亦 以 如 於

> 實出 果 行、萬 果 之意者 子所言之意也 未 「人無窮之門,以 復歸 明 如 虚 乎彼。 空 而 网 物之 於 「七也。 斷 不 儀、 無 能 滅 有 極」, 四 此 盡 都 常 象、八卦 又 0 乎 無 形 理 遊 無 今乃 人言之意者, 生 邪 有 無 極 物 ? 未 引之, 極 乃 之 之有定位 明 之野」云尔 無 周子之所 理 而 窮 邪 加 不 之義 ? 謂 能 六 周 盡 也 此 天 非 謂 乎 子 如 又 地、 無 之言 若 莊 老 理 子 五 周 生 有

言 語 爲 則 紛紛 其 論 則 未 量 高 恐學 合有如 ,意見測 明之學,超出 重 者終 使 世 前 無 俗 度。 所 所 觀 陳者 今且 取 笑。 方外,固 Ē 既 亦 以 0 較 欲 愚 而 未易 奉 見 是二者, 思之,若 報 執 以 又恐 方論 世 寧 遂 間 徒 口 不

- ■「認」,原漫漶不清,今據嘉靖本補
- ② 「漏」,原漫漶不清,今據嘉靖本補。

0

已,而竟陳之,不識老兄 見笑於今人,不可 得 罪 於 以 後 爲 世, 如 何 是以 ? 終 不 獲

陸子答朱子書

物者 矣。 行 洪人。 之自 不能 貽 學,悖戾如 幸 已,亦尊 H 甚 不 書 少 行 進 以 見 ! 擇。 垂 前 地之職 此 相 規 書條 加 愚 方 兄教之之本 理 以 而 加 鄙 爲,莫若 心 圖 此 覆物 在 析 哉 損 也。 爲 有 自 宇 所 亦 言 吾二人者所 贖 所未安,義 者 宙 見, 然人 可 裁成天地之道 乎 置之勿論 耳 間 , 天之職 憐 E 意 一之爲 也 固 來 以 也 此 不 書 疇 畫 當展 人 人能 以 以 習各已 誨 昔 近浙 也。 凡 則 人 之 負 俟天下 哂 前輔 洪 盡 諄 之 兄 抑 間 成 沉沉 明 道, · 不 成 複,不 所 有 相 形 ___ 不 熟 期 後 非 溺 後 容 天 其 而 明、 世 地 道 俗 生 載 勝 職 終 但 比

> 善言 爲 力 有 唱百 行道 學問 其君 旋 也。 行其 之宜 吾人之志 已明,安知 幼 相 大 於羣言淆亂 相 而 人者,善 者,士 ,見一善行,若决 切 思 所謂 論 和 疑 所學以 學 以 辨 道 磋 不 莫 之, 左右 當何 經邦 合, 知 非 與 君子之職 以 學之」者,從 期 格君心 壯 其 明 歸 私 民 人 在 之中 爕 而 非,此 此 求哉? 者 同 于 同 見 欲 理 道 蔽 志 ',俯 之非 樂 人 行 也。 也。 陰陽,使 是 説 之 江 所 君 取 之。 仰 間 ? 之 師 其 惟 河 之 諸 引其 參 故 吾 正 正 親 地。 其是已矣。 可 若 職 人 所 沛 求 人 少 友,讀書 斯 懼 以 雷 宜 也 謂 雖 皆 君 然莫之能 而 大 也 道達乎天下 爲 同 各 無 學 於當道 舜 行 自 孟 善 相從 盡 道 常 之所 何 謂 之 子 考古 所 , 壯 師 疇 單 幸 其 ---禦 與與 者 懷 以 理 唐 mi 而

者 志 棘 者 布 則 明言善議 之。 所能 也。 棄 惟 以 前 爲 新之念,若决 此豈小智之私 知 日 是 哉 ,拳拳服 之所習, 也 ? 弗 今 膺 明 勢當 江 弗 日 而 圖 河,是得 勿 措 以 如 失, 陋之習 切 出 古 磋 樂 陷 有 所 與 而 明 穽 樂勝 欲 天 知 訓 而 如 其 下 共 敢 避 非 遂 耻 , 之 悉 其 荆 負

繳 者 來 其 合 同 反 如 南 父云 説 木 此 必必 ,甚費分踈,終不明 康 不作三代以下人物,省得 亦當 故 其才邪? 9 尊 爲 簡 兄 别 氣 所 健 「欲 平日 前 象 取 如 有 褊 賢 亦 力 白 論 夕, ,多切 迫, 者 如 黑 不然,以 文, 此。 百尺 之易 其 讀 白 甚 致 敬 尊 今閲 竿 辨 「無乃 服 取 辨 兄 尊兄 頭 矣。 之文, 曾南豐 處, 來 進 氣 嘗 之高 爲 書 類 尊 力爲漢唐 謂 取 無 兄嘗 皆 見 但 尊 一之嚴 明 極 遷 其 見 兄 步, 所 曉 自 就 得 文 才 健。 分 將 陳 視 辭 力 意 牽

> 之見。 行 説 矣, 覺」者,以其 又 足 衰 即 知 智巧,言論 北 踈 文, 文貌 之訓 其言, 得 以 ,莫 揣 爲 字分踈 M 即 夫子 自信,其 不 終 作 量模 更 子子 非 知 不 孟 脱 日 所 亦 夫子叩之, 而 0 悟 未 寫 勝 謂 子 灑 事 欲 師 所 習熟足 詳 更 以 之工 磊 言 實覺其 承之,尚 事 謂 無言」之 ,事實 下 顔 脱 落。」 實 「先 顧 學 子 灑 依 湮 以 行, 術 既 彼 磊 今 事 先 知 放 於 自 落 省 没, 固 不 亦 訓 實 覺 著 行 假 意 安。 免 晏 欲 ()故言 得 其 後 借 顧 見 知 古 所 然 得 此 氣 言 傳 之 知 之爲 以 人 以 多 尊兄 而 典 力 先 似 固 質 子貢之達 即 覺 學 訓 無 爲 在 其 實 知之,不 覺 之 而 其 周 疑 進 蕪 曾子 事 不 無 者 覺 識 道 條 於 取 極 屢 之 先 畫 之 事 後 尚

^{●「}磋」,原作「嗟」,今據嘉靖本改。

❷「缴繞」兩字,原漫漶不清,今據嘉靖本補。

淹 能 何 盖 而 ? 口 自 深 可 舊 知 解 觀 今日 習 此 矣。 己 病 之病 則不 則 尊 相 能 則 來書七條之説 兄 去 無 之才, 數 有深 遺 白 恨 里,脱 於子貢 未 請 知 卒條 當不 或未 其 者。 之 與 能 子 待 尊 自 條 貢 兄 克 析 誠 如

謂 之真 狀 此 見太 爲説 謂之太 屋 床上之床,下 更 云 着 極 則 極 者 虚 其 極 前 字字 耳。 見之 書 極 書 體 (要則日 上 Œ 某 本 也 面 固 字。 就 以 是 與 猶 竊 ·面着「 言 必 ***** 其 謂 實 主 日 不 : 若 如 宜 究 見, 張「 「於此 早 上 尊兄 更 謂 真 竟 此 如《詩》言「上天之載 面 加 其言 無 天 體」字, 欲 至 加 未 又 極 有 言 下 無 極 曾 何 固 無 二字, 以 之至 極」字 其 實 必 無 自 極 IE 灼然實 無 見 名 更於 不 是 字, 方 極 太 口 架 下 同 而 所 極 名 E 無 正 以 屋 見 也 面 故 下 是 若 無 以 由 明 太 必 之 加 特 疊 極 形 加 又 不 實 理

者 我 乎? 疇 物之母 翟 矣。 憚。 字搭 知 以 惟 言 方矣」, ൬ 中 無極 言 烝 之 未 爲 其 無 於 ,天下之達道 庸 其 民 楊 中 遽 此 在 易 也 無 所 \sim 無 朱 豊 字 日 理 民受天 下 蔽 上 而 則 莫 以 : 父, 未 加 極 乃宇宙 老 贊 可 在 面 日 君 匪 常 之太 亦 遽 言 之 氏 此 中 而 不 阚 正 無 地 皇 此 無 以 日 無 君、臣 孟子 也 也 極」, 是 觀 之中 理 之 故 極 君 極之上? 無 者 神 無 妙, 老 也 所 其 爲 天 以 致 豈 聲 而 固 不 氏 言 流 以 贵 以 天 爲 中 中 下 非 孟 無 臣 有 生 爲 之學,豈 常 地 非 無 亦 易 和,天 以 子 之 臭 任 之 有 父,此 贵 父不父、子 以 此 大 以 其 無 桁 始 而 觀 口 其 理 可 體 中 爲 本 辭 地 數 也 言 徼 也 詩 中 口 命 以 矣」 無 》言 也 其 位 無 》而「 之 爲 諱 而 所 君 直 有 豈 五. 乎 命 以 不 無 將 贵. 宜 和 居 神 • 也 爲 文 爲 萬 九 墨 忌 ? 無 也 萬 無 以 可

之。 則是 言 中 極、 讀《易》者曰 充 亦 能 所 有 有 明 哉 物 岩 指 》皆言「 塞宇宙 拘 專 理 育 即 虚 皇極 則《文言》所謂 虚 義。 之 實 至 可以字 如 者。 乎 馬 以 義者 乾 字 實 ? 理 虚 極 乃 知 元 如 坤》五之「元吉」、《屯》之「元 無 字 此 字 專 爲 何 是 之元, 能 義拘之哉? 至 論 元 非 義 中 理 則 嘗 有 爲「大」 實字,所指之實,豈容有 知 其 字 此 古 則 至 但 兼 不 太 所 所 有 理,豈 「善」 有 當 則 爲 數 矣 極 兼 指 謂 是 論 不 義 義, 即 始」義, 至 之 至 字 外 明 實 字 者 一容以 所 義 實, 者 是 此 不 理 義 丽 字 極」字亦如此,太 謂 M 贵 可 數 知 , 即 則 字 以 有 字之指 義 至 復 更 此 實 義 論 有 大 極 者 ; 長 字 其 以 非 復 拘 理 爲 學 語 皆 之乎 所 他 有 字 則 用 也 形 × 讀 歸 元 <u>-</u> 義 亨」, 義 當 指 太 字 乃 \wedge 也 洪 文 ? 之 語 參 有 所 論 又 則 爲 極

> 字 無 其 最 盖 範 而 E, 號 乃 實 乃 同 者 是 理 爲 指 E 有 也 精 於 虚 此 能 字,專 此 未 理 通 知 明 詁 用「而 皇 Ē 訓 則 爲 極 極 文 日 以 至 備 已」字,方 義 即 太 義。 [X] 極 者 泥 是 而 知 却 何 極 日 使得 反 至。 爲 用 無 中 失 尚 得 区 之 夫 當 惑 極 乎 豊 日 者 於 此 不 尊 至 此 至 兩 可 兄 極 極

非 闔 先 尤 上 E 向 背 後 不 下 : 闢 敢 陰 其 至 無 順 始 盈 聞 如 常 爲 逆、 終 虚 陽 命 直 道 剛 存亡、 哉 消 以 動 也 《易》之爲 柔 ? 陰 静 長 屢 相 陽 遷 得 奇 尊 晦 易, 爲 變 喪、 耦 卑、 明、 形 不 相 道,一 出 動 E 器 貴 尋 口 不 賤 下 m) 居 爲 變 行 不 陰 表 進 典 化 藏 得 周 裹、 退 流 無 陽 爲 惟 何 隱 窮 往 道 而 適 虚 㬎 來、 所 故 此 加

■「虚」,原脱,今據《陸九淵集》卷二補

四

形 道 道 盡 於 適 也 日 焉 一,廣 剛 0 才之道 陰 性 日 其 與 ^ 也 柔 以 兼 説 大 陽 而 至 孰 悉 將 桂 與 也。」今顧 生 於 才 爲 義 **>** 備 以 爻 立 \ \ \ \ \ \ 昧 順 命 而 地之 . 性 於 有 和 兩 下 道 觀 命 天道 又 順 之,故六。 以 繋》 道, 器之分 之 變 於 陰陽 日 理。 於 道 亦 焉 : 德 陰 日 柔 爲 有 哉 昔 是 陽 . 而 與 非 六 $\overline{\wedge}$ 以 者 理 而 剛 道 者 道 易 立 立 聖 於 而 焉 非 学之 推 天之道 義 人 直 立人之 他 之 謂 有 爲 窮 發 也 之 書 作 地 理 揮

故 某 其 太 領 飾 前 於 極 要 説 觀 書 領 此 别 辨 言 既 平《大 在 難 見 爲 以 圃 得 有 無 無 迷 尊兄 要 物 傳》「一陰一陽之謂道」、「形 形 極」二字 指 領 釋之, 歸 只 故 言 、是强 著 皆 辭 又謂 尊 不 無 有 説 明 兄 旨 極 來 周 也 確 歸 由 子 意 恐學者 爲 字 前 恐 主 辨 以 張 無 丽 明 是 錯 曲 失 之。 辨 事 而 認 爲 要

《毛

詩》、《周禮》與《太極

圖

説

》孰

古

以

極

率 獨 信 見 道 立 節 明 不 耳 别 子之言「中」如 五 E 足信 誣 0 頗 白 類 理, 教 者 孟 句 也 物爲太極。 爲 陰 一天下 此 信 子 俾 謂 以 中 乃 但 ௱ 之言 物 無 屬 之 陽 兄其 焉 兄曾 欲 不 人 盡 極 故 道 之下文,兄 即 一之達 自 見《通 得 止 之 是 矣 比 易 信《 不 深 日 兩 ^ 説 前 此 形 其 虚 道 通 之察,乃必 文矣 况 句 耳 書 書》言 書 而 字 惡 書 亦 也 句, 釋 \leq 太 以 上 乎 哉 不 > 之 不 兄 此 自 聖 日 極 者 見 ? 中 輕 不 爲 如 遽 段 致 人 乎 : 粗 妨 矣, 無 辨 言 必 見誣 坐 所 其 之 大 中者 ? 識 自 亦 舉 不 以 外 事 中 傳 書 多 失 是 文 直 至 其 而 此 以 而 也 × 其 \geq 援 斷 理 義 絀 世 道 指 錯 不 止 和 指 性 據 章 者 某實 洪 古 言 認 更 故 矣 也 E 歸 古 命 兄 0 别 範 别 本 無 太 亦 章 爲 深 必 有 周 É 有 知 ·極 中 極

爲「 不 器 形 信 而 謂 加 ៣ 不 謂 微 得 任 不 爲 胷 得 臆 道 爲 之所 中 此 裁 無 乎 以 乃 少 陰 絀 古 陽 書 爲 爲

如 處 所 又 見 ? 此 謂 得 道 道 失 體 來 形 但 耳 書謂 周 狀 以 勇 迥 加 子 往 出 之太 誠 直 所 常 若 \$ 前 以 情 論 如 極之上 謂 説 不 此 無 之 出 顧 極 不 無 人 傍 -----知 則 不 極 字, 人 吾 人 敢 是 IE 乃 聖 有 説 非 門 以 是 甚 底 其 周 IE 不 道 不 敢 無 不 計 子 理 肯 道 灼 方 自

體 説 語 有 無 矣」, 説 以 無 不 ,莫是曾學 自 傳 太 有 不 夫乾 妙 之秘 不不 極亦 落 及 確 方 知 • 曷 教 體 禪 漏 然示 嘗 學 宗 洩 無 隱 者 人 得 物 所 迥 於 則 易 多 之 得 出 又 少 矣, 前 如 常 往往往 哉 此。 情 夫 陰 ? 如 坤 陽 秘 超 所 尊 平 隤 之 謂 此 出 兄 時 然 外 方 既 太 兩 示 而 外 多 私 不 極 下 人 其 等 説 簡 屬 真

> 質 高 品品 美 政 文 頭 書》 遠 品 行 底 者 明 都 義 之過 學者 之忠 日 樂 無 此 惟 IF. . 寄 着 爲 所 漏 此 實 有 樂 竭 兄 或 洩 既 以 言 之 自 聞 其 盡 彼 以 神 逆 愛。 毋 説 如 此 病己, 其 于 若 此 以 肵 只 妓, 汝 久 從 猶 是 流俗 心 習 又 有 出 不 葛 以 於 疑 知 也 藤 必 無 病 此 0 繫 水 末 知 願 人,殆 以 圃 絆 諸 説 不 必 實 重 多 道 憚 謂 自 論 非 少 氣 下 之, 不 反 諒 好 質 達 也。 言 在 兩 不

朱子答陸子書

怜 乎 置 人 來 也 -之 者 書 勿 所 云 此 論 習 : 畫 各 凡 以 浙 已 哂 俟 間 成 沈 天 後 熟, 下 溺 生 後 俗 終 貽 世 學 書 不 之自 · , 悖 能 見 規 以 戾 擇 相 如 以 爲 此 圖 爲 哉 莫 吾 亦 若 口

懟 遽急 辨 意 和 求 亦 烹謂 實 或或 也 不平 平、 須平心 迫之中 是,乃有 天 者之説 寬 之氣 下 洪 和 之理,有 -肆文 則 氣,子 悠 歸 誠 久, 恐 著。 蔓 爲 是 細消詳 反不若或者之言 猶有 一躁 未 如 有 率 當 非 不 君 之詞 能 Œ 子長者 反 然 然 學者 復 凡 以 而 商 辨 逞 所 但 論 之 安 當 其 於 遺 静 忿 務 明 匆

來 書 云 「人能 弘 道 止 敢 悉布之。」

肯

如

此

恐

未

山

遽

以

此

而

輕

彼

也

要節

目

並

無

個

酢,只

是一

味

慢罵

虚

喝,

必

己

其

爲湮

蕪

亦已甚矣。

而

細

考

其間

創

爲

浮

辨

累

數

白

言,

 \equiv

四

往

返

而

不

能

而

賢

昆

仲

不

見古

人

指

意

乃

獨

無

故

於

此

爲

非

則

且

置之,

其

於

事

實

(),亦未

有害

謂

不言

不爲

少,言之不爲多」矣。

若

意

甚美。

但

一今所

論

無

極

二字,

熹

固

己

欲

取

勝

未

論

顔

曾

氣

象

只只

、子貢

恐

亦

不

於此 其 當 説 熹 如 非 按 日 及 歸 熹 亦 引 雖 此 雖 願 於 大 自 段 至 明 舜 謂 所 愚 者有 是 説 其 善 者 敢 理 以 規 與 未 不 已明,安知 深 模宏大而指意精 人 承 知 察 同 教 果 而 等語 安所 實 但 踐 非 所 其 决 尤 謂 私 品 爲 見 莫 也 切 蔽 品 知 的

> 來 書 司 真 熹亦謂老兄正 體 也 者 云: 故 之 尊兄 道 必 以 虚 未 中 爲 曾 見 訓 未 止 之 極 識 固 與 太 自 而 實 極 又 不 見, 之 以 同 本 也。 陰 其 無 陽 言 極 爲 果 形 而

有

而

不

來 書云: 熹詳 老 氏之言 老氏 以 有 無 無 止 諱 也 有 無

來

書

云:

古古

人質

實

止

請

卒

條

之。

熹

詳

此

説

盖欲專

務

事

實,

不尚空言,

其

言

有

無

以

有

無

爲

Œ

如

南

北

水

火之

爲

周

子

六

相反,請子細著眼,未可容易譏評也。

來書云:「此理乃止子矣。」

更請詳看熹前書,曾有「無理」二字否?

來書云:「極亦此止極哉。」

者是 於此 耳,非 雖 本 所受之中。 使我衆人皆 之極,民極之極,乃爲標準之意,猶曰 賢言之,亦未嘗敢 極 上下文。 「立與 莫匪尔極」,則「尔」指后 , 乃以喜怒哀樂之未發, 此 是 望 同 名 ൬ 以 推此 耳。 「粒」通, 此理之至極,中是狀 示於彼,使其有所向 是此理,然其名義各 其 中而 此義尤明 得粒食,莫非尔后稷之所 尔字不指 條,其 即《書》所謂「烝民 命之也。 餘 有所 白, 叮 見。 似是急於求勝,更不暇 天 差互也。 地, 中者 稷 有攸 此 立 望 理 極 而 理之不 我 天下之大 字 言。 渾然無所 耐 當 若皇 亦 烝 乃 取 非 盖 粒 民 正 雖 偏 文 焉 文 聖 極 日

> 偏 本 準之義,初 一、然其 倚 ൬ 言。 得 不 名 太 以 自 極 中 爲 固 而 無 至 得名 極 偏 之 倚 也。 極 丽 爲 而 兼 萬 有 化 之

來書云:「以極爲中止理乎。」

老兄 不 今若此 曉也,請更詳之。 自 言, 以 中 則 訓 是己 極 凛 不 曉 未 文義 嘗 以 而 形 謂 訓 他 極 也。 亦

來書云:「《大學》、《文言》皆言知至。」 既自 此 相 下重、盖曰 則「知」爲虚字,「至」爲 輕,蓋曰心之所知 熹詳「知」、「至」二字雖同,而 知」爲實字,「至」爲 推之,當知來書未能無失,往往 似 不同,而 請 更 有以 詳 與太 之。 知 此義 極 其 無 之爲 所當至之地 虚 不 在 字, 實字,兩字上 諸 到 至 説 耳。 兩 此 中 極 字上 亦 在《大學》則 者 最 在《文言 耳 、又皆不 分明 重 , 兩 輕 而 試 而 下 就

來書云:「直以陰陽爲形器止道器之分哉。」

可以 若以 器 似 則 極分明,切 父之慈,子之孝,乃爲道 其所以爲是器之理,如目之 終、晦明、奇偶之屬,皆陰陽所以之器 何 物? 差明白,不知尊意以 之理者 日 類 陰 凡 推 陽爲 有 望略 更請 則 形 加思索,便見愚言不爲無理 有 形而上者,則形而下者復是 道 見教 象者 也。 皆器 若熹愚 如 是 爲 耳 也, 如 則 1 見與 何? 其 明,耳之聰 來 如 所 書 其所 此 , 而 此 所謂 以 分 其 爲 條亦 别 ~~獨 餘 始 是 亦

來 書云:「《通 書》曰止類此。」

也。 顯 周 處耳 節」,又曰「達道 中一字,是就 與《中 子言「中」而 ·, 非 豈可 直指 庸 以 》相 此而 i本體· 氣禀發 戾,則 以「和」字釋之,又曰 」,彼非不識字者,而 訓 未 極爲中也哉? 來書 用 發、無所 亦 而言, 必 有 説 偏倚 其 矣。 無 過 者 盖 其 而 不 中 及 此

> 誤? 乃 之過乎? 書》亦未爲 引經必盡全章, 獨 截 老兄· 自 中 害,何 本 焉 自 雖煩不 不信 心諱此 止 矣 周子,政 而下,此 厭 小 失而反爲不改 而所引《通 使 安得 及誤引《 爲不 書 通

來書:「《大傳》止孰古。」

其間 直以 未嘗謂 其間 因以 以 之中央,而爲 《大傳》、《洪 《尔雅》 極 盖 中釋之,盖亦未爲甚失。 爲 但 極 中 有 亦 極 乃 爲 爲 不能 平 以 是 中, 中也 ? 極 範 纂 四方之所 則 訓 無 》、《詩》、《 集 誤,不 至 又 古 不 先 以以 今諸 識 儒 殷 足 面,内 禮 先儒 以 儒 齊訓 据 此 》皆言 以 訓 極 之本意 中,初 詁 爲 而取正 而後 處常在 以 古,又况 極 成 M 未嘗 人遂 矣。 書, 故 物

來 書 云 . 又 謂 周 子 , 止道 耳。」前又云: 「若謂 欲

言上之上。

之載 若 分 先 就 如 於 象 贅,今乃正 無 偂 聖門 此 别 或 無 日 至 極 而 乎 中 非 曾 後 而 謂 但 是 都 説 有 如 又 太 一使得 謂 别 有 就 皇 有 如 何 極 無 此 有 著, 有 不 違 極 日 妨 理 猶 若 中 尚 方知欽夫之 叛 碍 之 物 民 無 實 日 説 空言 至 也 極 爲 而 見 無 莫之爲 今必 極 9 不 之爲」,皆 得 屋 向見欽夫有 耳 肯 專 慮遠 無 極 即 如 務 道 極 之 也。 若 説 而 此 事 乎 而 有 爲, 有 曉 拘 ? 實 其 語 此 太極」,是 方 説 此 泥 之説,當 意 勢 莫之致 所 無 意 之當 E 强 而 則 疑 天 或 反 生 則 形 固

來 書 云: 夫 乾 止 自 反 也]°

少 靈 太 太 矣 能 極 極 往 乃 作 固 用 未 天 往 底 嘗 地 只 隱 萬 便 是 於 謂 物 於 人, 本 此 禪 然之 是 學 然 太 中 人 理 極 之 認 得 識 旦 而 古 簡 太 不 昭 亘 知 極 9 者 所 昭 攧 謂 靈 則

> 得 世 姦 説 改 丰 避 談 撲 間 與 以 頭 禪 况 即 即 不 此 自 日 家 破 自 换 今雖 非 語 有 道 者 妙 面 禪 此 陽 不 理 也 而 絆 偶 家 相 人 又 非 所 多 諱 然 口 似 秘 能 少 其 道 训 如 當 也 之, 專 好 他 着 出 所 此 有 · 而 常 自 氣 人 語 又 不不 陰 質 來 情 日 其 熹 底 實 也 應 雖 等 所 寄 學 祖 儒 語 無 見 者 此 如 用 者 狀 所 其 以 日 只 反 説 自 神 私 説 則 當 是 其 俗 省 恐 其 即 而 口

諸 來 道 書 引 \wedge 書 \Rightarrow 乙 . 有 言 逆 于 汝 心, 必 求

率 前 淺 道 此 獨 ·,似 聖 書 洒 丽 言也 之習聞 見 見 未之見, 與 耳 喻 、聖賢), 敢 日 又 : m 不 不 但 記 未 甚 甲 承 見 頃 敢 教。 相 與 其 年 輕 近 Z 詞 嘗 舍 但 辨,方各自 義 有 故 是 以 差 平. 步 以 來 舛 心之説 書 竊 以 追 自 求 氣 是 安 象 之 高 其 於 其 粗 明 m

暫置其 失 當 造 先 當 暫 者 説 誰 免 爲 理 事 亦 甲 於 之辭 使 以 公其 耳。 曲 置 非 平 論 則 甲 圃 誤 折 己 其 謂 也 理 心 終 直 雖 則 今以 其 心 是己非 意 是 都 ,旁求参伍 口 世 况 亦 得 有 使甲操 曰 衷 之向 也 己 不 判 其 非 非 其 麄 加 平 非 論 差 然 謂 是 謂 能 淺之心,挾忿懟之氣 願 此 心 彼之私 背 事 彼 有 如 都 非 便 乙之見, 不謬 吉 之説 Z 爲 之是非 之 之意,然 黑 在 不 可 之 平 美矣。 主 験。 白 於 問 實 改 心 也 毫 之 曲 其 恐 而 然 哉 也 丽 一釐之 易 也, 者爲 乙守甲 曲 <u>_</u> 0 難 如 欲評 後 然熹 終 後 謂 見 直 明 Z 但 可 可 得 間 者 直 也 治 白 亦 義 以 欲 以 其 所 之説 者, ,改直 猶 疑 理 日 曲 審 據 但 兩 謂 不 不 獄 之 家 又 恐 直 平 若 聽 事 不 者 也 得 將 姑 心 之 兩 口 據 願

熹

已

具

此

圃

細

看

其間,亦尚

有説

未

盡

學,但 到 聖學之 之, 其 過 先 老 又 如 病 不 貢 資 不 以 處 是 言 尼 遂 ,亦不是只如此空 何 乎 以 能 此 質 立 不 然 足 空 ? 不問 却 好 子 實 處 上 論 大 其 觀 不 是先 傳 以 踈 了。 細 抵 之 重 中 其 夫 更 口 爲 是 杜 厚 E 推 意 老 自 子 不 正 好 口 孔 撰 非 當當 使 立 究 况 兄 不 有 之 數 爲 古 子 説 其 ___ 同 昆 見 便 時 則 聖, 近 其 敏 乎 ___ 説 言 得 例 仲 雖 雖 立 看 以 世 博 ? 求 之 + 子 同 吹 古 有 務 議 得 有 貫 周 踈 文約 分 粗 毛 美 顔 要 立 實 非 此 杜 論 之 病 程 尊 率 無 求 突 此 而 理 亦 處 以 撰 曾 因 禮 意 病 諸 兄 疵 過 論 無 有 未 多 也。 耳 所 又 圃 實 須 口 公, 有 未 足 嘗 學 不 此 以 自信 自 m 貫 無 若、 盡 子 若 目 獨 不 能 意 要 而 故 是 其 矣 他 只 子 貢 俱 得 名 得 於 無 却 太 所

以 足,强 知 不 品 彼 曾自 不約 疑,不憚下教」之言 不 能 之生,時 H 忠,交之不信,傳之不 其所言多有未解者、恐皆未可 人之後 雖 ·校」; 斯 審尊意以 品 前 未 見教者甚至,而 ,以多問於寡,有若無,實若虚 邁 處 鄙 而合者。 得 可 辨 禮之卑 見,亦 mj 而 承 矣,無復可 世 但 取 曾子三省其身,惟恐謀 輕之 月 道 雖 勝之心乎? 未 爲 斯 統 在 有 不敢 如 如 反復 也。 征 禪學 孟子之下,然其 然 此 何 其 各 ? 一熹固 望於必同 其末乃有「若猶 贵 不 顔 來書。竊恐老兄 可 尊所 所 爲 習。 子「以 如 有 改 知 老 來 不 日 换 - 毫 似 其智之崇如 聞,各 兄 書之意,所 敢 未 耳。 能 也 亦 傾 當 然 遽以 自滿 問 道 不 此 倒 犯 周、 行 之不 則 列則 在 於不 也 顔 所 於 我 有 自 加 有 今 程

思之。 得 言,不敢 言及於此 實有「自」、「爲」兩字, 云自 近 本無 見《國 無 粉矣。 此 極 史 字之意, 悚 而 • 爲 濂 息之深,千萬 然因 太 溪

極

二,若

使

濂

溪

本

則信

如老

兄

所

渠添

此二字,

却

見

愈益

分明,

請

試

傳

載

此

圕

説

 \sim

乃

幸

陸 子答朱子

率多 息怫然,諒不能 嘆 道之行,乃復不究起賢之禮,使人重 三月二十八日 ! 某五 人情之所未 往歲經筵之除,士類胥慶,延跂以俟吾 新天子即 月晦 日 ,替黄元章闕,尚三年半, 位 不 拜荆 喻 一海内 ·重勤 者 門之命,命下之日 長 屬目,然罷 羣 者憂國之懷 小 駢 肩 而 行 聘 陞 爲 氣氣 朏 實 慨

尊兄 行 卒 悟 紙 矣,不 忠 改 如 有 無若 餘教 1。諒 皆仰 所謂 日月 所 歲 未 以 動息, 遽 知 教 今尊兄 令兄 蒙 勝 之。」通 之食焉 作 之。 我 皇 省 亦 此 遽 察,反 口 H 恐 慰 首 語 必 斯 斷 矣 沃 春借 甚非 人之 過 涣 邁 來 向 之 成 無 然於 也 而 章一之戒 蒙 劇 唐 兵之還, 過,雖 復 ,人皆見之, 所 月 尊 突 望 此 斯 望。 兄 惟 其 謙 矣。 征 微 促 其 必 伏 抑 各 各 深 箴 其 君 不 同 願 丰 領 以 條 藥, 度, 依 子 尊 及 也 情 賜 爲 其 末 之 所 析 。 督 報 久 稍 幸。 光, 過 聞, 更 當 不 且 调 獻 備 也 也 自 以 謂 各 别 有 深 愚 承

宜 按: 論 周 如《 容 無 子 以 極 復 若 詩》言『上天之載」,於下贊之 F 者。 置 懼 七 喙 學 援 書 矣。 者 引 幾 泥 擿 數 然 于 發 Ŧ 形 陸 言 器 纖 子 悉 而 第 畢 先生 釋 具 之 所 云 後 以 則 日

> 極 早 弗 然 樞 體 也。 論 欺,泛焉以 隨 N 多矣。」 上天之 孔 無 歲 人立 而 無 猶 紐 明 而 子 聲 則 之 然 反 弗 不 極 周子言 實 知 贊 無 説 與 事 復 竊 敢 措 陸 不言者不 易, 彙 臭 而 不 載 窺 强 考 應 不復求之心 之義 之 朱 之,若 焉 已者, 二先生之言 語 人 自 兩 可 無 根 子 家 者 太 意,豈 也。」 聲 爾 ,豈若 柢 注 之 尹氏 哉 爲 極 於 無 是 書 小 臭, 以 朱 太 此 非 故 後 IE 得, 所 下 子 實 抑 極 陸 無易 而 日 ^ 世 謂 中 未 先 第 而 此 言之 見 子 而 圖 「有所 口 無 嘗 實 庸》「 生 皆 苟 太 他 説 耳 此 言 造 焉 者 書 晚 極 E 極 **>** 之 兩 首 先 辨 不 疑 年 化 以 而 之 無 不 云 於 太 之 生 之 復 有 日 自 真 極

又按:朱子初注《太極圖》曰:「無聲無

臭,而造化之樞紐、品彙之根柢系焉。」

 \equiv

道一編卷二

合與論無極同。 此卷凡三詩,盖二先生論所學者,其不

復齋陸氏鵝湖示同志詩

勤 傳 大 注 抵 切 琢 翻 有 孩提 須 榛 基 方 知 塞,着意 知 築 愛長知欽,古 至樂在于今。 室, 精 未 微 聞 轉 無 陸 址 聖 沉 忽 相 成 傳只 珍 岑。 重 此心。 友 留 朋 情

陸子和韻

墟墓興哀宗廟欽,斯人千古不磨心。

升高 工夫終 涓 流 處,真 積 至 久大,支離 滄溟水, 爲先須辨只今。 事業 拳 右 竟浮 崇成太華 沉。 岑。 欲 知 自 易簡

朱子和韻

商量 偶 無言處,不信人間有古今。 扶 藜 加 德 杖 邃 義 密,新 出 風 寒谷, 流 夙 知 所 培養 又 欽, 枉 轉 籃 别 深 輿 離 沉 度 遠 載 却 岑。 更 愁 關 説 舊 心。 學 到

子爲 其所 以 之作 按 爲 送 禪 至 相訾,分朋以 東萊吕 訓 也。 聞 會 廣 計 皆 信 鵝 氏 盖二陸 兩 朱子詩 不 家 湖 訪 合 門 寺。 朱子于 求勝,而宗考亭者 而 詩 人 有無言之説, 罷。 遂 有支離 以 陸 寒 此三 來 泉 成 之説, 隙 會 而 詩 歸 疑 則 至 相 尤 疑 造 倡 與 朱 不 朱 言 陸 酬 講 子

克 資,亦 朱陸 篤志于爲己者,不可不深考也 道 能 參辰」之語,見 陸子亦 友 年乃有 無終 己之勇, 平, 朋 終身 書 必 患其 窮, 有 見于 札 盈 不 間 追 科 以支離見斥也。 學 亦不知 能 學者支離之弊, 開 惟 而 無 于 相 示後進,警切 後 曩昔 止 奠 --, 進 法 考亭有 東萊之文。 豈惟 1,粗 者 雖 如 N' 大賢 不 此 服 浮 凡 知 然朱子晚 備 善 氣,徒 近 以是 象 或 七 至。 之 聖 見 山 乃 誠 之 有 于 謂 知 致 而

附 建昌包氏序象山年譜略

妄有 風旨 先 生之學者似 隱憂遺慮焉,言先生之學者雖 文安陸先生之學,偉然立卓 ,學者求 之,則自 少。 夫學者,門也、路也。 有餘 師 也 一,其言 然恢 多,究 嘗 論

是致 學哉 路 厚 從心 皆 涓 循 誤入者尤多。 先 至 而 極 知所從人之門,則必知内有堂室之深; 之,乃發足第 加 知 滄 高 深 可 循 生 流 遂 莫 所 有以 溟 步之初,遽止 廢 則 覆 以 知 從 明 以 ; 拳石 水,拳 於中 之 自欲 有 所 也 導其進 學 人 抑嘗 從 之路, 徑 宗 者茫 西己 -,猶 捷 而 人,其誤 如 合。 廟百官之美富 善人,凡五 記 石 故其教多先指其 超 未 步也。 茫, 自志學人,凡五 於深遠 則 崇 先 不可,况 人 知 荷 而不復進步,豈先 必 成 生之詩 如 之法加 或升 有 認 知 泰 在 積至崇 之 由 以 前 華岑。」學者或 門 進 今有僅 而 地。 是而 爲門、以 乎? 有千萬里之遠。 外, 前 議,而 未 ,悠遠則 極於 入於 誨言 成之功, 如 之焉,方將 進 於 所人以 在 涓 莫有能 圃 爲 入門人 公室,畫 聖神 具 路 流 生 有 極 路 在 傍, 用 積 之 博 於 止 示 而

學云。 學云。 學云。 學云。 是其可不謹思而明辨哉! 學子。 學子。 非先生之負學者,實學者之

按包氏此論,發明陸子詩中「積至」、

「崇成」四字,深有警於學者。

二六

冰炭之相反者。附見陸子之說二十條。此卷朱子之說凡十六條,所謂始焉若

朱子答吕子約書

問思辨然後篤行之旨,又何如耳。 文字、直趍本根之意。 處。 按此 問 陸子静之賢,聞之盖 脱略文字,直趁本根」,與《中 思辨 書朱子未與陸 今考陸子與其門人書,亦孜 而 後 篤 行 不知 之説,乃朱、 子相見 久,然似 其 與《中 時 聞 庸 語 陸 有 》先 庸》 孜 最 所 脱 學 以 異 謂 略 學

講

爲

務

而

獨

切

切

以

空言

爲戒

疑

所

道

編卷

附 陸子與邵叔義書

二,以見其早年所以

爲不同者之甚焉

來議者

之

紛

紛

乎。

陸

子之

説

略

附

言者哉

其

説

可

謂

大

不審矣,此

所以

謂空言者,

指

朱

子

也。

朱

子

豈

倡

爲

空

者也。 舜。」病其自暴自棄, 其君不能者,賊其君者也。」王澤之竭, 辨諸其身?人之賢否,書之正僞,舉 「人之有是而自謂 失,則當早辨。 不逃於此矣。 心逸日休,心勞日 則得之,得此者 天之所以予我,非 同此 之謂 學問 也。 孟 同 不 子 拙 固 德, 異 能 則 先立乎其 日 ,德僞之辨也,豈 無 者,自賊者也; 爲之發四端,日 由外鑠 「人皆 窮已,然端 此之謂異端。 大者,立此 我也。 可 以 緒 爲 謂 堯 將 唯 得 思 0

二七

端 非 爲 欲 其耻 機變之巧者,又復 日 轉 熾。 相 ,而耻心亡矣。 營惑。 先覺 不作,民 往聖話 魑 言 魅 心 横 虺 徒 蜴 奔。 爲 其 藩 浮文 間 飾 異 耻 而

耻 皆 緒 事 著 知 扞 勝 末,雖古聖 罪,浮於自 夫子曰 也。」 崇私 矣。 盈 有終始 知之不至,悉精畢力,求 格至言,自 明,依憑空言, 今謂之學問思辨,而於此不能 涸 後 人情 知之爲 ,重其狷忿,長 可立 世 ,知所 人 暴自棄之人矣。「物有本末, 物 耻一切之不知者,❷亦耻非 不 以 待,要之其終,本末 理 先後,則近道矣。」於其端 能 爲 之 傅着意見,增 知之,不知 〉變,何 是,没 盡 知 其 也 負恃,蒙蔽 世 可 多於人,●溝澮 不 勝 稷之不 復,此 窮,若 爲不知 庬 益 俱 至理 一贅,助 能 其 其爲 深 是 審 摽 其 切

> 焦然思以易天下,豈不謬哉! 倫,顛萌葉之序,窮年卒歲,靡所底麗,焦學未知至,自用其私者,乃至於亂原委之

附 陸子與胡季隨書

之明 蒙蔽 然其 無蒙 子百 知 德 達,固 家往 之 所 而 蔽,❸蒙 道)識,絶 不 以 不 往 自 卒 遠 居 以 蔽 覺 畔 人,人自遠 凡 游、夏之右 聖賢自期,仁義 於皇 陷陷 之未 民 遠 湖 極 徹 矣。 而 丽 之 不 則 見禮 不能自拔者,盖 從夫子游 自 耳。 日 知 以 知 道 耳。 人 陷 政 德 心 溺 自 子 聞 如 不 命 彼 貢 樂 諸 能

於八音,變之不能詳於五

種

可以

理

揆。

[「]蒙蔽」,原脱,今據嘉靖本補。「切」,嘉靖本作「物」。

兆; 以 物格 此 貢 錮 其 没,其傳乃 末 自 矣。 失之以達,天德 人,難於自 久,尊信 及其 知 如子貢之屢中,適重夫子之憂耳。 疑,方憑之以 至之功也。 學問之初,切 至 不 夫子 也,必 知 在 如 子 之道 此。 决是 已見消長之驗,莫著 貢 有自克之實。 己實未能自克,而 磋之次,必有自 如 顧 曾子得之以魯,子 非、定 彼 在 其 曾 可 至, 子 '否,縱 此 私 夫 古 疑 見 子 其 於 之 人 之 既 不

朱子答吕子約書

學,但 想其 恨 憂 嘆 不識之,不得 説 而 近 變其 聞 方行,亦未 陸 名號 子 静 深 耳。 言論 必 扣 其説 肯聽此老生常談,徒 競 風 相 旨之一二,全是禪 因 祖習, 獻 所疑 恐誤 也。 後 生。 竊 然

> 苦於不同 按 嘆 陸 : 朱 子以 子 如此 以 假先 祖 習 訓 陸 禪 自 書附左。 附 學 益 誤 者 後 爲 生 悼懼 者 爲 其 憂

附 陸子與陳君舉書

任其責 自黨 切悼懼。 實背馳 又復封於私 與,假先訓 世習靡蔽,固 门則 久矣。 人極 見,蔽 天 一始不 形 以 似 無 於 是 立矣。 可言。 以 私 理 自 説 畀 附 却 人,而 以 永思及此,益 益 鍼 學自 顧 拒 舉 不 砭, 命 世 知 莫 其 厚

朱子答蔡季通書

長沙之行,幾日可歸? 益公相見,亦

學者。 憤,未 象先盛稱其人,今讀其書,乃 何言 所擔閣 邪 必能及,許教未替前 ? 近年此説流行,後生好資質者皆爲 閣 ,甚可 記 不 '嘆也。 敀 辭 • 但 了 知講 恐 得 病 耳 於 中 陸 向 意 氏 見 思 之 薛 香

壞了

少好 氣盛 辨 按 太 山之書,往往以異端爲憂,其於儒釋之 E 亦嚴。 則 過, 嘆其 以上二書、朱子始謂 語 氣 又 而 質底學者。 健之時,學者未 深誤後生之好資質者。 譏 疑 盖朱子直以其主尊 其 其 爲 爲 葛 禪 藤末 耳。 殆其 説, 陸 然 可執以爲定論 言皆 子全是禪學, 陸 不 出 子 德性之 知 與 于 縈 今考象 早年 朱 絆 説 多 子

附 陸子答朱子書

...

其 病 姦,不知縈 葛 學禪宗,所得 忠,竭盡如此 妙、及教 義,以實論之,兩頭都無着實,彼此 體」、「迥出 無物之前 己,又以 滕 毋以久習于 末 尊兄所謂「太極真體,不傳之秘」、 説。 學者,則又往 絆 常情,超出 病 ,陰陽之外,不屬有無,不落方 氣 多 如 人,始非 此 質 小 此。 不 而重自反 好 美 平 氣質 方外」等語,莫是 者樂 一言一行之過,兄 往 ·時 秘 底 既 也。 寄 此 學者。 私 此 而 其 品品 以 説 多 説 既 神 只 以 之 其 是 自 曾 以 文

448

也。

陸書今摘于左。

附 陸子答王順伯書

附 陸子與曹立之書

説皆足以動人,士大夫鮮不溺焉。 道之不明不行,佛老之徒遍天下,其

附 陸子贈劉季蒙説

所謂「無偏無黨,王道蕩蕩」,浩然宇宙之爲大祟。無世俗之陷溺,無二祟之迷惑,明德在我,何必他求。方士禪伯,真

間,其樂孰可量也。

朱子與黄直卿書

議 吴伯 及寫去,大率其論與林明 論 豐皆 已會之後,失其次矣。 之前,今文公年譜 按此書,則二先生 近日朋友來者頗多,萬正淳與黄子耕、 此 間 在 近 此。 亦 諸 有 與 人皆見 之答問 論 以 州 無極 論 陸 不 無 相 子 論 極 在不曾 遠也。 静 太 事 極 來,甚有 置 鵝 面 湖 未

朱子與程正思書

歎可歎! 出久矣。 《答子静 此正不欲暴其短,渠 然得渠如此亦甚省力,且得四方 書》 無 人 寫 得, 聞 乃自. 其 已 如 謄 此,可 本 四

學者略知前賢立言本旨,不爲無益。

朱子與邵叔義書

却 意。 氣 不 不 理 横 要自 得 象舉 甚 以 知 明 大率 也。 示 子 人。 止 此 静書來,殊無義理,每爲 家 識 渠 其 爲 識 所 者自當 常態, 不謂 戒 有文字,多即傳播 見 與 耳 分明 左右書,渠 渠 知之。 亦不足 乃自 持 守正當,深 暴 當 深 揚 亦 時 訝 如 録 若 四 此。 來, 閉匿,不 便 出 吾 當 不 人 想 唯 然此 以 答, 所 恐 甚 此 等 學 得 事 敢 却

朱子與趙子欽書

於 心 地 子 I 静 夫 後 不 來 爲 得 書, 無 所 愈 見,但 甚 於 前 便 欲 大 恃 抵 此 其 陵 學 跨

> 者又安在哉 者而失之。 論,以爲天理 古今,更不下窮理 人欲 盡 在 横 細密 是 流, 也 不 工夫,卒并 則 自 其 知 所 覺 謂 與 心 而 高 其 地 談 功 所 大 夫 得

一卷。附見陸子三書,以備參考。按以上四書,皆爲辨無極而發,說見第

附 陸子與陶贊仲書

過 蔽 以 是,以 爲 口 仁 充 好勝 以 義 道 人之所見 忠信 此 與 梭 他 聽塗説 絶之。 而 知 Ш 人爲 己。 能 謂 樂 偶 行 晦 善 非 之人,亦何 以 翁 不倦, 有 聖賢 晦 且 好 未 當 勝,不 翁之高 通 所 與 此 處 之 以 夫 足與 其 肯 明,猶 辨 爲 婦 與 説 聖賢, 之愚 白 言 辨。 古 此 未 不 以 不 亦 哉 能 某 可 己 肖 不 以 無 便 爲

附 陸子與朱子書

相 斯 得 比 當 其 人 來 强 必 實 退 劉 不心 徒 然,方 定 勉 夫 誣服,亦何益之有。 以 服。 知 氣禀屈强 臆 自 想 縱 訟 稱 其不 引 大底 恣 先 能辨 睢 訓 朋 學者 白 文 致 儕 ,勢力不 病 鮮 其 痛 罪 比 須

附 陸子與鄭溥之書

伸,誠 非 尚 學之差,蔽 自 復之,今併往。 不没於利 成己而 得元晦 得 此老大進,此 而 已也, 欲,當· 復論《太極 不 解 此老才氣英特 所以 今誠 甚 學豊 成物 可 圖 難 念 説》書 其 不 也 也。 畫 可 慶。 平 一,尋 此 士 第 論 其 生志 以 誠 者 講 方

> 捨者。 吾反 於其 靈,苟 在物者 學問之是非 之治忽,民之 心,則 求之功, 非壅 亦在 此 蔽 ", 心 己之驗 此 休 昧 心之靈 没 術之邪 戚 所 願 彝 則 必 也 與 痛 倫 有 正 同 癢 何 之 壅蔽 一,接 志 無 往 叙 日 於耳 不 而 斁 昧 切 知 不 没 磋 目 者。 士 公者矣。 可致。 大 而 而 冥 夫 不 或

朱子 今以 其德盛仁熟, 已之見,至於交惡 按朱子 同 之 則 義 同 陸 日 子此 有言,「 英特」, 豈若 而 其 = 而 稱 書 學 後世操上人之心,執 、驩然合并于晚歲也。 真有 朱子 觀 非 而 之, 私 不 古者君子和 説,惟 可 其 則 解 意未 日一 者 道 哉 高 是求 始 明 不 而 與 宜 不

朱子答劉季章書

於 抹 閑 深,是 説 不 理 事 依 不 人 無 無 肯從 成 横 一會,須 要自 却 疑 説 許 己分,究竟 本分循次序 此 多閑 義 説 耳。 甚 書 來 不 又是 理,全 E 我 進 喻 (要立 乍 須 亦 至下 大率江 出 説,只 云 如 看 病 此 有 成 自 箇 然 此 根 雖 書 少 亦 ,平心看文字,不敢 逐字 得 高 由 文 不 不 似 講 能 無 着 西 何 是 曾除 論 自 益 新 他 人尚 論 只 實 讀 事 聖 籠 在 只只 巧 人 是立 依 曾 去, ? 一,故不 罩將 賢 得 與 氣, 文 是渠肯 壓 見 當來 只要 否, 只 説 句 得 不肯 之 以 去。 如 耐 取 玩 否? 只 人 腦 本 從 臨 煩 勝 過 味 譬 聽 説 隨 在 見 東 川 如此 如 也 之意 如 人後 此 觀 前 至 敬 然 意 此 説 之, 讀 心 後 走作 横 趣 西 子 逐 前 凡 話 諸 則 物 自 都 等 此 與

> 計 排 此 傳,不至虚 脱 久之自然心 無 公, 暮 較、 比 疑 之 章 可 種 别尋 巨 時 見 句 出 細 識 路脉 負 玩 此 做 雖 地 平 紙 索 有 平 此 田 生 大 文 着 底 以 不 夷 也 心 理 同 實 爲 家 見 然 力, 底 基 戒 評 理 工 址 而 量 須是 原 明 夫换 一,積累 不 其 徹 미 趁 實 所 ,庶幾 T 學 此 有 將 自 許 也 光 用 去, 此 多 陰 則 力處 學有 杜 只 未 因 同 撰 將 是 見 至

説 相 陰 文句 方以 按此 先,以收 排 左 今摘附于 學 玩 比 書 然朱 者 章 味, 乃 放 句 口 朱、陸 意 N 子 耳 後、餘 玩 趣 爲 晚 爲 索 要。 自 不 歲 憂, 文 深 同 見 乃 理 朱 第 0 欲 之 兼 子 其 肯 五 又 有 īE 卷。 乃 欲 察。 以 取 與 其 尊 于 欲 象 陸 趁 學 德 盖 Ш 子之 之 此 者 性 陸 教 光 依 爲 子

附 陸子與曾宅之書

哉 勤 即是主 自 爲 明 説 矣; 坦 日 理本天所以 只「存」之一 日 一然明 只依 縈 客。 内内 不能 學之士反爲之迷惑,自 : 其爲 「其 纏, 孟子曰 使生 無 白之 主客 藉外説以爲主,天之所與我者反 惑。 幸。 爲 所 窮年卒歲 人 在 主, 人 與我 真能 理,可 · 「庶民去之,君子存之。」又 也 倒 所 字,自可 治 也 多欲 病 置 古盛 寡 7,非由: 爲主, 一,迷 於吾 向縈絆於浮論 使婦 靡所底麗, 豈不 欲 雖 而 使 時, 友者,正 外樂。 則 雖 人童子聽之而 不 人明 有 外 有不 蒙被先聖王之 反 爲支離 存 物 惑 得 焉 不能 明得此 存焉 謂 此 者 加 虚説,終 重 之説以 此 寡 理。 不 移 理 矣。 者 可 邪 喻 解 憐 此 寡 不

> 喪, 澤, 此患害, 異 必 端 無 邪 乃與世間 此 説 病。 充 塞 惟 彌滿, 凡庸恣情縱欲之人均 其 生 遂使 於 後 有 世 志之 學 士罹 絶 道

其

(陷溺

口 訓 非 知覺後 뻬 習熟足以自安。以子貢之達,又得夫子 而 工,依倣假借之似,其條 實湮於意見,典訓 顧 其事實,故言即 巧,知之爲知之,不知 予 夫子 觀矣」。 終不悟 行,行顧言』。 師承之,尚 吾與晦翁書所 吅 知,先覺覺後覺」者,以其事 欲無言」之訓,所以覺之者屢矣, 之,彼 吾友能棄去謬習, 夫子既殁,其傳 不免此『多學而識之』之見, 其事,事即其言,所謂『言 固 周道之衰,文貌 蕪於辨説 晏 謂「古人 然 爲 加 畫 不 無 足以自信,其 、質實,工 顧 知。 ,揣量模寫 疑。 復其本 在 所謂 日 曾子,盖 先行之 不 勝 實 尚 心, 一先 覺 之 智

者矣。 引 我 果能 H 混 不 義 於是 H 使 「有事 之勞, 營營 愧 簸 混 心之 此 不 古 乃 弄 不 焉」,乃所 無終 所 陽 如 是「善養浩然之氣」,真能 人。 替 經 捨 圃 無 同 爲 不 語 畫 盈 食 然, 主 根之木,無源之水,有採 其 息,乃 以 夜 涸 之間 引用 於 盈 自 祭枯 謂 則不爲侮聖言矣。 内 傅 造次 「勿忘」,乃 科 是「積 經語, 圃 益 無常,豈 丽 違 真 後 於是,此 心必於 乃是 進 善 所 者哉 所謂 所 是, 謂 聖人 乃 謂 如 侮 乃 顛 是 ? 此 聖言 先 今終 敬 源 摘 所 沛 終 泉 得 集 謂 汲 則 小

附 陸子答曹挺之書

學之辨, 來 此 氣 似 象 無 謂 甚 覺 大 뭞 抵 龉 學 者 至 且 有 當 大 貫 綱 多

> 遠」。 遷,有 作, 遽論 者。 亦可 遇 放 養 親 耻 振 與 實 思 下, 師 磨 時 師 何 省 自 到 看 隨意自擇,亦 礪 友 到 H 俯 曾 平 若事 且 過 知 亦 此 挺 之方。 月 篤 仰 却 下 本分隨 則 能 時 可 之 貫 逾 志於聖賢 有 手 役 隨 有 雖 改,所謂 徇 多 殊 邁 日 處 有 愧 號 情 處 未 若 學之處? 自己 用 矣。 暇 懼 爲 自 而 縱 曾 有 中 可 有 上 家 欲 事 事 如 便 着 既 日 商 泯 人, 大决之志 業,往 心 用 此 役 口 實 着 用 量 汩 然 誠 力 未 着 觀 雖 事 實 中 程 没 此 與 求 實 檢 書 得 作 循 讀 度 口 往 等 草 而 之, 作 點, 讀 商 省 册 無 聖 I. 從 議 0 不 木 I 量 夫, 自 書, 俗 賢 不 見 能 論 所 俱 不 乃 夫 浮 書 不 後 미 有 讀 中 善 知 未 腐 求 以 至 來 自 愧 Ħ. 之 何 益 書 不 則 得 涵 其

朱子答陸子書

樸 無 得 知 爲 此 粗 相 不 不 밆 「庶幾 實 所 去 憂 待 目 向 其 之別,以 必 品 學 遠 乎 頭 成 他 爲 前 盡 所 來 一,但 ? 説 時 憂 書 道 信 無 有 口 無 却 末 乖 所 理 良心 惜 用 此 許 由 亦 丽 流 戾 謂 壞 多 漸 在 事不比尋常小小文義異同 面 事 容 之弊矣。 狠 若 勞 日 却 覺 論 物 利 悖 貌 攘 便 用 ,徒 種 天 好 慾 分 將 詞 高 分 生 如 耳 輕 明, 耿 深 氣之間 氣 此 爲 爲 有大爲吾道之害者 鄙 不審 耿 痼 質 談 兩 高 將 耳 意 玄説 截 論 者 來 却 明者亦嘗 Ħ. 不 不 未 李子 妄 欲 謂聖賢之言 必 己 妙, 失 必 生内 其 深 無 儒 如 却 甚 着 察者。 口 家 實 以 外 乃 恐 不 之 精 易 看 恨 是 翁 兩

> 宅之 不 是 賢之言 按 智巧」, 可 雖 此 而 以 書 先 發。 不 爲 朱 有 生 必 徒 子 妄 異 早 然 盡 亦 生内 歲 陸 而 信」等 謂 不求 語 子 外 樸 謂 語 然 精 實 真是之 「古人質實, 中 無 粗 疑 間 許 之 爲 皆有 歸 多勞 别 陸 也。 子 獨 及 不 答 見 尚 聖

朱子與黄直卿書

是 者。 唯 是 處 有 也 其 琴 家學問,不 伯 起説 可 言 張 怪 曾 |嘆可 僻 去年 皙、 乃 能 嘆 見 牧 至 杰 陸 於 皮, 弃 此 子 其 乃 静説 説 更 是 以從夫子之教 如 真. 游、夏之徒 何 有 得 與 於 商 夫子 自

道。 傳子 按陸子之書最 絶不 思,子 見 思 有 傳 尊 推 尊 孟 顔 琴 子、 子 張 曾 外 曾 子, 此 晳 不 以 可 爲 牧皮之 曾 以 言 子

三八

爲實然者邪? 説,是豈門人流言 陸子之説摘附于左。 朱子一 時 聽之而 以

附 陸子與李省幹書

最 擇 最後 子 其 而 卒之傳夫子之道者乃在曾子。子思乃夫 宓子賤、漆雕開 子羔,不幸前夫子而死,不見其所成就 伯牛、仲弓,固 師 子 適孫,夫子之門人光耀於當世者甚多, 高,子夏、子游、子張又下 實皆夫子所喜。 思 出 者 學於夫子者多矣,顏淵、閔子騫、冉 可知矣。 獨 如高子羔、曾子,雖 師事曾子,則平日 無 ,近於四子。 宰我、子貢、有若其才智 可疵,外此則有南宫适 於二人中,尤屬意於 -等。 有愚魯之號, 三人之外, 夫子爲子思 然游

> 外此 有若 至其傳 足 子傳之子思,子思傳之孟子,乃得其傳, 方册,取友當世,亦已難矣。 以 猶 耀 則不可以言道。 不在 道 俗 誠非 授業不謬於聖 此位,况游、夏乎? 故自曾 以 愚 魯得 居今之時,而尚友 人,宰我、子貢 號 者 所 可 比

附 陸子與張輔之書

孔 子、曾子固不待論,平時 不惕焉愧畏欽 游、子張、蘧伯玉、南宫适諸賢言行,未嘗 於孔子弟子,方且 子望我邪? 孟子於孔子,特 服 學者大病在於師心自用。 而 師仰敬畏之不暇 師承之。 日 讀書至子 願 學」而 而子遽 己。 夏、子 如如 口 吾 顔

夏已擅文學之場,其言論足以動人,光華

楊墨 僻 之。 皇、唐 道 道者,則皆自負其有道 皆放古先聖賢言行,依仁義道德之意, 爲過益 熟於口 師 有 ,顯顯狼狽 心自 德 古之所謂 、鄉原之類是也。 虞 党 ,畢記於心,祇益其私,增其病 用 大,去道愈遠,非 以 則 不 來 不能克己,不 甚 如如 曲 羣聖人之言畢 可 流 學詖 、畏哉 俗 人不肖子者也 行者,不 有德,人亦 此等不遇聖 能 徒 聽 無益 聞 言 必 於 以 淫 而 雖 耳 爲 賢 又 邪 使 耳。 害 知 如 盖 有 放 畢 義

身。」 説。 朱子 憾于 子得 按 吸 陸 之以 謝 尹氏 注 空言 稱 子前與胡季隨、曾宅之及此四 氏 曾 夫子之没,其傳在曾子。 曰:「曾子守約,故動 多 日 子三省章, 魯,子貢 識 :「諸子之學,皆出 務 失 外 之 徇 用 以 人之 尹、 達。 謝 弊。 __ 必 且 於 求 氏 今 深 謂 聖 諸 之 考 有 曾

> 三省 徑 有 孟 專 山 學,而朱子以忠信 人,其後 ; 子 味於斯言 之學,不能 用 1,忠信 專 心 可見 用心於内, 於 愈遠 内, 矣。」然 所 以 加 免於 故 尊 愈失其真, 傳 爲 德 世 之 固 則 性 傳習之本,學 無 之 疑 守 疑 弊, 於 傳 約 近 習所 矣。 獨 觀於子思、 固 襌 曾子之學 疑 但 以 者宜 於 曾 道 而 子 象 捷 問

朱子答劉公度書

枯 舒 私 似 我 自 聖 者 ,見識昏昧之故,私意又從而激之。 祠 賢 明瑩 利 所喻 記》曾見之否? 作 意 此 無 「世豈能人人同己,人人知己,在 思。 瑕, 所 見 無 解 邪 乃 益 近 ? 多矣」,此等言語殊 日 此等議 臨 亦][爲異論 近説 論 皆學 愈肆,《 漸 染, 問 偏 荆 自 不

流矣。 度之説 行 , 則 此等事 都無人管, 恣 意 横

朱子《 來,亦 而 子乃荆公鄉 其 本 子《讀 殆謂 司 餘 按朱子此 公祠記》乃是斷百餘年未了底大公案。 陸子亦與其門人胡季 朱子拔本塞原之論尤不可少也。 諸司馬温 子未當學 大略,附 志之士猶或 朱子也。 演 後學 兩陳奏議遺墨》相出入,而又率 兩 書深 陳 考求 注 人,其詞 公及明道先生之言。 問 奏議 諸 未 妄 今考其記,所云 斥《荆公祠 探討 説 能 肆 遺 盡 婉。 以 指 墨》,其詞 之不能 察, 隨書曰: 見 議 良 殆各有攸當 其 記》之非, 無足多怪 可 語 已者 慨 峻; 意 多與朱 「《王文 嘆 今摘 所 然 從 陸 而

附 陸子記 荆國王文公祠 略

四〇

或致疑 時 任,此其志識之卓然,又皆秦漢以來諸儒所未聞者,豈 公之得君,可謂 宗之不足法者爲言,復以諸葛亮、魏玄成之不足爲者自 節在當世爲如何,而其始見神宗也,直以漢文帝、 得此,豈偶然哉? 光燁奕,一時鉅公名賢爲之左次。公之 必爲伊、周,公之志也。 之操,寒於冰霜,公之質 陋,振弊法之因循,道術 之習,介然無毫毛得以入於其心, 諸賢之所及哉?」用逢其 英特邁往,不屑於流俗; 謝病 求 專矣。 去,君 朱子曰:「安石行己立朝之大 爲 不 必 也。 責躬,始 時,君不 爲 蘄人之知 孔、 掃俗學之凡 聲色利達 世 孟 復 視 出 動 潔白 ௱ 一,君 唐 績 太

新法之議,舉朝讙譁,行之未幾,天

狡得志 道 乎? 者 疇 率任 去; 信 其 下 身者,人之本也,心者,身之本也。不造 望其罷勝己私以求利病之實,而充其平日所以自任之 争之者,乃或未能究其利病之實,至其所以爲説 本心矣。」典禮爵 出於安石規模之下,因遂肆其 天下之民不以爲便。 固不可謂 宗之法因時制宜,行之既 以 恟 本 所 ,皆此理也。 ,帝實錫之。 意 小人投機 學, 恟。 而從事其末,末不可得而治矣。《大 而 爲 非 不 ,曾不爲悟,公之蔽 政在人,取人以身,修身以道,修 能 確 仁,人心也; 其時,而其設心亦未爲失其正 公方 熟講傷思,以爲百全無弊可久之計 乎 不 ,密贊其决; 秉 古所謂憲章、法 公之所謂法度者 刑,莫非 疑。 執《 時元臣故老賢士大夫羣起而力 久,不能 周 君子 狠 禮 人者,政之本也。 天理、《洪範》九 愎,倒行逆施,不復 》,精 無弊,則安石之變法 也。 力争,繼之以 忠樸屏伏,憸 白言之,自 朱子曰: 也。 度、 党其 但 典 ,又多 ,是以 以 祖 然 則 口 躁

> 學》不傳,古道 弊,有不能 者,行於天下,隨其 世之君子,天常之厚,師尊載籍以輔其質 獨於財利兵刑爲汲汲邪?」又曰: 之政、善俗之方、凡古所當先而急者、曷爲不少留意、 服衆耳。 安石所謂《周禮》,乃姑取其附於己意者,而借其名高 無所悖,則其遺法雖若渺茫 序,緩急之宜 「三代之政,布在方册。 不究其義,不 無用於天下,而經世之務皆私智之鑿者,望最爲近之。」 之,正不能無望於後之君子。 就功名者,淵 論,以求至當,唯龜山楊氏指其 若真有意於古,則格君之本,親賢之務 ,則有不可以毫釐差者。苟能於此察焉 IE 則 能大有 源 榛 又 依 塞 時有先後 達其間 類 分量有 一,其 ,❶然神而明之,在我而 所 出 但其名實之辨,本末之 離内外,判 爲。 來 於 ,道無占今。 已 老 「歷考 稍加 所 其 氏 久。 補 於當 心迹,使道 潤 益 時 朱 隨 飾 諸 舉而 子 世 世 然 賢之 以以 日 之 而 而 嘗 民 以 而 丽 行

^{1 「}渺」,原漫漶不清,今據嘉靖本補

[「]鑿」,原漫漶不清,今據嘉靖本補

不 也。 **3** 反 以 前,① 太過、成就今日之事、塗炭天下亦須兩分其罪可 分之矣。 熙寧排公者, 實不可以此動 臣欲任意行一事,或不可以 幸 志。』❷當時天下之論,以 動者,●蓋此八字,吾友宜記之。「虚名實行, 其間,而 子未始不與公同,而犯害則異者,彼 於是乎? 人言安石姦邪,則毁之太過,但不曉事,又執拗耳。 足以 :「介甫變法之初,天下之人羣起攻之,而 以 至 無 實穿經史,古今不可窮詰 固 理 平生行 禍 取信 其意成 ,平者未一二 公取必焉 明道先生日: 公方耻 蔽於其末 止 故日堅 於裕陵,下不足以 大 無 其 抵 事 志。 點涴,此 斯 極 故 ,新法之罪,諸 介甫不作 「新政之改、亦是吾黨争之有 世 死生禍福恐之則已,6介甫 前 詆訾之言 此 而激者居 也。 不 法所以 不 實 故 爲 究 行 <u> [</u>] 日 執 唐 其 也。 馬 必行 强 政 義 虞, 温 解公之弊, 辨。 爲 mj 八 論議 公 也。一又 世 屈 君 九。 謂 其 不折之 介 人主之 强 也。 此 子固 前 甫 劉 依違 一之君 肯 世伏 辨 虚 日 不 元 上 安 名 堅 可 城

> 處。」 据若是,學者詳之。 同 只是 象山 下, 按《文公語 王 觀 學. 嘗記之矣,何 語 踮 術錯 此 録》雖 川 語, 當 録 否?」曰 則 作 》門人吴琮 未足 又 如 與《 待 何 盡 : 他 評 答劉 據,然亦不 「天姿亦 人? 品? 問 公度書 問 日 有 萬 應 拗 世 紙 莫 之 强 陸

朱子與胡季隨書

元善書説與子静相見甚款,不知其説

禍福恐之一,原漫漶不清、今據嘉靖本補。

^{1 「}而介甫不可動者」、原漫漶不清,今據嘉靖本補

^{● 「}爲屈此」、原漫漶不清、今據嘉靖本補。② 「行强辨堅志」、原漫漶不清、今據嘉靖本補

^{● 「}論議」,原漫漶不清,今據嘉靖本補。

强辨一原漫漶不清,今據嘉靖本補。

之妙 懸 處,反不 亦 伊 自 如 m 絶 洛 不 讀 來 何 處 出 書 拈 所 ? 講 此 近 出 窮 得 徒 大 與 理 其 使 敬 近 抵 朋 以 坦 所 人 覺 欲 字, 發 友 然 安 顛 亦 速 商 揮 平 也 狂 未 真 好 量, 之, 白 粗 免 是 徑 率 真 不 此。 不 學 是 ·若只 到 間 須 面 今 聖 以 妄 始 於 、於此 日 賢 身 意 終 日 學 驗 究 用 思 日 者 處 竟 之, 常常 想 用 用 大 地 行 頓 親 乃 力, 病 位 之 悟 知 切

朱子答項平父書

邊 常 孤 只 但 侍 聖 故 識 立 箇 得 而 人 亦 日 喻此 易 指 已 窮矣。 敬 「敬」字 示 發 義 心元 爲 時 立 學之方, 常常記 更不 ൬ 是 須 德 是 聖 不 賢, 精 做 得 孤 周 粗 集 只要於未發 0 遍 此 本 義 詳 末 若 固 I 一夫,其 密 隨 如 持守之要。 不不 處 今説 照 靠 德 時 亦 則 常

> 第 只 深 傳指 敬 此,不 攫拏 大抵 以 有錯 未 此 此 不 記 草 一發時 耳。 沉 心 令 工 心 進 得」,不 草 詳 訣 所 只是要得 認 固 ·知子 聖 學 則 領 細 夫 不 不 是 賢 識 如 則 略 昏 欲 少 逮 聖 知 静 合符 之 在 者 作 有 昧 賢 也 究 就 所 致 相 教 復 此 天 空 本 名 義 識 契 是 知 報 已 理 心 闕 伊 恐 領 數訓 理 所 發 如 何 常常 處 但 不]1] 無 要 記 此 何 時 物 然 自 不不 到 講 計 先 歸 此 指 兩 ? 學 不 之 整 學 生 法 處 F 何 口 放 未 句 處 頓 更須 云 著到 因 也 心 物 不 與 縱 乃爲 講 有 風 . 惺 乃 察 而 從 耳。 寬 録 惺 持 言? 理 爲 則不 有 F 涵 主 平 守 未 示 1 善 聖 養 愚 識 補 其 之 T 明 學 成次 賢 或 自 若 得 須 見 要 心, 也 若 指 相 用 如 即 亦 口

朱子答王子合書

而 歸 ,講論之間 也 前 月末 送 深 伯恭 覺 有 至 益 鵝 湖, 一,此 月八 陸 子 日 静兄弟 方分手 來

朱子答曹立之書

不得 矣。 來 訪 不然之意,似此 但覺得 録 亦 示 能言 陸 尚 兄書,● 彼 有兼 講 論 意 主 未參識 甚 舊説 曲 佳 折, ,不欲劇 以 大 近 概 爲 大 隨 比 冶 論 時 舊 萬 立 有 IE 教 間 淳

朱子與吴茂實書

近來自覺向時工夫止是講論文義,以

悟,故 會講 欲 夫,所 自 子壽兄弟 夫 長,自不害爲人德之門也 象皆儘 爲 與諸 好, 全 積 學。 集 少 流 以多不得力,今方深省 但 同 好 義 點 於怪 不合自主張太 近 理, 其徒有曹立之、 志勉焉,幸老兄徧以告之也。 檢。 却是先於情性 日 久 異 議 諸 當 耳。 論 朋 自 與前 友 有 若去 往 得 過,又要 持 萬 大不同, 力 往 其 守上 E 處, 亦 所 ௱ 淳 只 却 短, 用 痛懲之, 來 得 却 如 於 力,此 相 參 省 方要 此 日 見, 其 發 做 用 覺 意 氣 陸 所 理 亦 I.

462

按 論 T 理 持守之要,要得此 有益 一會講 皆若指 以 F 學之 及 五 書,前二 謂 陸 事, 陸 學 子 然又 而 欲 N'S 一言。 書 常自 隨 疑 始 時 其 後三 拈 立 整 欲 出 教, 頓 書 速 敬 惺 好 稱 E 徑 其 字 方 惺 要 講 及 而

長之 流 於怪異。 心 而 猶 盖朱子至是亦微 有 未釋然者焉。 有去 陸 氏 短 之 集

説

附見。

附 陸子論學古人官

者 載 以 咨詢 聖神 亦豈 理 相 也 誠 禦不窮之變,於是乎在矣。 豊 籍 折 崩 得 代作 能 計 緝 其 ,著爲典訓 疑 理之所在,固不外乎人也,而人之生 天下有不易之理,是理有 一徒爲故實 理 遽 慮 ; 理 1,君臣 明此 更續 之委 更嘗之多,有足以 則 變之不窮者,皆理之不易者 、其規 理而 曲 文具 ,則古制之所 之相與倡和 詳 盡之哉? 盡 而 恢 已哉? 締建之廣 證 驗之著,有足 彌 破 以 縫 開闢以來, 不窮之變。 以不 存於 陋。 大深密 ,前後之 易之 後 被之 世

附 陸子論學説

辨皆 私 師 方。 庸》言博學、審問 善。」此言大學指歸,欲明明德於天下,是 學之道,在 人大學標的。 智而能進學者。❶ 友之言,乃能有進。 須 讀 古者十五 、書、親 即 明 師 格物 明 自古聖人 人 友是 德 大 謹 致知,是下手處。《 學。 學, 思、 在 况 新 ^ 亦 思 明 非 大學》 民 辨 則 因 聖 是格格 人, 豈有 往哲之言, 在 在 己, 日 止 於 間 物 大 涌 中 之 與 至

0 涌」、《 《象山 集》作「任」。

附 陸子答劉深甫書

後 之者矣。 者 則 爲 日 未 語 語 通 道 將 動 修 必 議 其 不 爾 曉 則 業 滯 不 論 理 來 思 貴 涣 聖 則 孟 物。 今欲 無益 使, 反害 皆 書 則 切 賢 是進 然 ^ 子 甚 示 得 書》 近 此 冰 垂 以 之也 之。 明 易 曰:「權 於深 學 丽 釋,怡 訓 心 方册 日 白 İ \forall 於 優 向 日 : 爲 學 夫不 游 日 父之身之心 本 以 所 大 深 然 固 思 用 無 爲 疑 然後 抵 理 父 擬 切 間 甚 不 盤 口 順 爲 解 之 睿 口 戕 足見 近 純 疑 根 學, 釋, 知 ~ 睿作 而 則 以 賊 有 錯 非: 輕 後 不 不 爲學不 日 但當 若 又 不 未 節 重 失 思 言 少, 恐 於 聖。」 知 免 未 然 徒 議 思 只 孜 此 光 滯 口 度, 荷 無 之 思 孟 潤 孜 成 未 優 丽 遽 於言 益 簡 然 子 得 能 而 游 之 解 進 H

> 優 非 誠 後 游 思 求 知 之, 也 長 短 雖 如 不 是 物 中 皆 丽 不 然 思 遠 安 心 矣。」 爲 得 甚 日 不 用 切 之 記 近 間 \leq 安 日 何 得 適 不 心 而

修,而 鞭 滯 苦 自 詁 必 有 外 初 策 思 有 物 有 物 所 訓 不 之力, 之。 滯 冰 彰 章 難 至 此 終 釋 彰 於 而 旬 開 曉 心 無 苦思 然耳 者。 荷 卷 聖 理 明 日 涵 賢 順 讀 而 能 充 養 時 則 縱 吾之 時 書 格 從 姑舍之以 之 日 有 自 方寸自 但 時 容 明 功 滯 權 能 勿 整 切 礙,此 度 如 使 於 則 迫 冠 近 亂 今 此 其 德 俟 圃 其 肅 的 則 日 所 H 自 心 他 諷 則 當 容 滯 讀 以 L 未 H 詠 蹶 不 書 礙 進 平 通 充 昭 其 口 之,其理 遠 之次, · 業 者 曉 未 心 本 晰 也 非 定 失 不 明 明 他 日 假 氣 亦 己 猶 以 有 必 於

464

得 滯物之智强 何 適 不 優 按 而 游 朱子稱陸子近方理會講學者如 非 ? 思 探 也。 若 而力索之,非吾之所敢知 固滯於言語 如 是 而 思,安得 之間 ,欲以失己 不切 近,安 此 也

附 陸子與包顯道書

不知 論 所 菴 註 只是躬行踐履,讀聖賢書,如此 道 如如 與其 未 雖 云: 猶 此 今如 不知既 喻。」其答書云: 有 得 相 而 書,亦云:「包顯道尚持 讀 曹立之書,云 乃 聚 已」之辭, 何 書 楊 時稍 能 也 親 丞 躬行 」。」來 師 在 减 友, 南 其 履踐,讀聖賢 書云: 則立之所 晦 (往,近 豐 是 一此 菴 親 充 報 公平時 山 闡 塞 却 渠 其語。」 報 楊 不 義之説 加 (書,又 曾 初説,深 丞 好立 殆 己。」觀 所 通 故 不 包 學, 書, 有 妄 虚 晦 顯

甚不得處。

附 陸子答包敏道書

焉,亦安能 循以進。 甚爲之喜。 速,反以自 陸 按朱子所謂怪異,所 者皆當奉以爲 子所謂奇怪 昆仲爲學, 倘是吾力之所 有進 病。 若能定怙, ? 聞 戒而 一,所 不 説 徒取 患 謂 日 内自省也 無 好 自能 謂 來 折 志, 進 欲 愈 不 傷 欲 更收 速 量力隨分,循 能 患 困 速 好 及 在 吝 如 徑 斂定怙, 而 好 而 此 如 己。 進 强 彼, 欲 進

道一編卷三

道 編卷 四

氏之説 此 疑 信 卷 之相半者。 朱子之説 — 條 凡十六條, 附見陸子之説十四 所 謂 條 中 南 焉 軒 覺 張

朱子答張 敬 夫

學 太過, 察,悟得 學 質、表裹不二、實 而 而 不 專務踐履,却於踐 子 規 得本心,此爲病之大者。 自 静兄 模 知 窄狹,不 弟 耳 氣 有 象甚好,其 復取 以 過 履之中,要 人者。 人之善, 病 惜 要其 却 將 乎 人 是 流 其 操 提 盡 於 自 持謹 撕 廢 異 信 省 講

按 此 書 間謂陸 子 廢 講 學 而 專務踐履, 將

> 所得驟 深,必 聖 云 遂 象山 張,爰及司 只 流 量 恁 于 以 之失同。 行 温 異 歷其域者然後 周 别 而 將 學。 公上 有 窺 程授受, 去, 馬 見 邪。 然 班 無致 邪 至於《 朱子 周 學 ? 雖 知 萬 程、 他 知 滄 抑 殊 理一 洲 之,非後學 轍 日 大 張 段。」 又 精舍祝 賢 道 原, 邵 謂 之 疑 則 造 以 日 其 同 文》 小 詣 邵 侑 歸 與 温 淺 宣 日 論 則 公

年 又 按 盖 嘗 陸 有 子 取 有 焉 論 者 明 ,今附于 理 踐 行 左 一條 朱 子 晚

附 陸子論則以學文

不立 宙之間,典常之昭然,倫 前 欲 明 能 夫 以 理 明 者,不 夫 理者,吾未 可 以 類之燦然,果何 無 之見 其 本。 也 本之 宇

者 是 詳 慕 未 主 萌 是 可 適 而 m 自自 以 將 理 始 方 則 望 理 足 蘖 而 亦 且 期 以 如 也 無 泯 不 口 其 而 嚮 汲 且 是 其 怙 滅 勝 以 所以 物 汲 然其 而 理 與 乎 其 服 切 欲 而 於 吾 明之乎 也 衆 人, 習踐行者 磋 爲學之本 之蔽 所 明理,吾 鴫 相 矣。 窮 0 以 昔之日 學者之 契, 究 則 實豪 爲 ? 雖 學 丽 次 者,固 不 其 荷 之 據 盖 ,閨門之内 焕 第 爲 知 統 本 惟 乎 泯 然 而 學 所謂 得 紀 者 其 然 以 釋、 講 條 之於 見 乎 固 蹷 中 明之, 理者 怡 目 諸 天 所 矣。 而 然 之 天 理 H 爲 所 以 未 果 者 然 之 順 用 之 而 以 明

朱子答吕伯恭書

説 如 此 子 静 即 只 舊 是 H 意 規 見 模 終 如 在 此 其 即 只 論 是 爲 議 學 論 之 病 如 此 多

> 也 此。 過, 禪 理 無 人 此 是 救 規 意 只 開」字、 0 學 定 恐 即 邪 藥 見 是 模 須説 自是渠合下 定本。 然 者 是 意 之, 亦 按 本 須 來喻子静之病 既 其 自 意 先 方 見 幾 底 我 即 豊 是 見 好 家 \ 始 希 道 不是 閑 容 講 不 處 定 議 分 阳可 矣。 理 熹 議 學 可 無 自 論 叱, 明 本 因 禪 有 論 有 定 即 之 不 渠 今 與 址 却 m 故 亦過分了。 不 本。 説 定 不 可 恐. 雖 如 説 諸 禪 就 教 容 掩 本 爲學者 唯 此 的 生 上 人作 未 既 覆 耳 但 無 唯 錯 意 面 必 0 隨 是 議 陸二先生盖 概 思,又 口 整 會 是。 然終 禪 渠 思 之病 人 論 敬 揮 7 頓 須著「 會耳。 索 却 材 服 斥 方 云 即 自 看 故 亦 質 統 也 其 主 人 未 其 始 邪 熹 病 論 不 IE 張 又教 流 不 窮 不 説 字、 爲 痛 爲 容 K 太 爲 得 如 至 竟 學 看 多 無 而

❶ 「怙」,嘉靖本作「治」。

向 養 加 實 講 究 詰 工 究 夫 爲 宜 其所 本 有 分 定 事 答 論 門 矣。 終 以 書 閑 然 9 今 陸 議 附 論 子 于 非 雖 左 就 以 2 涵

附 陸子與包詳道書

渠 今 意。 夫, 兒 示 此 與 又 戲 持 大抵 詳 論 耳 又 得 所 近 以 信 見 嘗 道 不 以 議 詳 以 得 可 又 爲 爲 論 道 無 李 有 朝 説 不 事 力 季 與 夕 合之處 以 之 遠 不 敏 用 故 道 相 懈 本 異 切 涵 無 盛 某 皆 同 磋 泳 事 陳 是 復 之 殆 别 甚 之 書云 論 講 後 如 有 説 學 要 兒 爲 H 排 不 : 新之 學 亦 戲 「所 之, 明 是

平 如 常 讀 精 書 本 勤 分 接 不 事 事 懈 贵 闡 有 口 見 涵 心 泳 有 將 玩 理 無 索 會 事 之 之 不 處 得 説 處 排 此 之? 却 亦 是 加

> 閑 身 向 須 是 窮 窮 但 是 己 實 議 與 虚 究 究 自 I 論 着 敏 意 理 理 夫 道 會。 會 駕 知 實 實 説 無 説 此 做 涵 亦 若 等 益 此 立 T. 是本 養 他 皆 説 於 議 夫, 講 持此 己, 論 話 ·分事 究 是 所 是 開 却 亦豈 初 説 以 閑 是 説 無 者 亦 議 本 話 解 益 贵 向 分 論 皆 元 有 於 口 好 無 方 明 緣 教 事 閑 着實 有 白 不自 實。 他 議 就 處 論 ? 己 就 某 但 要

朱子與孫敬甫書

受 若 能 論 但 用 只 其 修 中 宗 如 其 固 如 亦自 旨 晁 身 自 陸 文 卓 氏 本 有 能 然, 之 元 自 得 治 學, 禪 陳 非 力 其 學 處 忠 其 家 在 中 肅 疇 近 以 不 來 諸 兀 年 施 必 人 不 之政 如 分 其 口 種 此 明 徒 揜 浮 事 隱 傳 招 淺 諱 之 習 諱 認 頗 間 遮 當 僻 亦 藏 實 時 議 有

可目首三、成之成立。 改名换姓,欲以欺人而亦不可欺,徒以自欺

而自陷于不誠之域也。

今附 子 按 自 自 可 亦 勝 欺 朱 欺 Ŧ 有 子謂 其 豈惟 徒 左 書 N 以 陸 _, 云「苟 學 自 不 子本 殆 足 者 欺 得 爲 指 欺 而 禅學 大言 以 朱 陷 人,平居 考 于 子 ~「欲 觀 以 不 也 焉 盖 誠 静 以 其 繆 之 欺 慮 言 꿤 域 亦 人 過 嚣 寧 人 矣。 能 以 陸 不

附 陸子與趙然道書

於此 熟爛 矣, 氣 道 質之美、 不 而 明。 而 於浮文外飾 姬 莫 弗 周 知 干 之衰,此 求 病 天 有 其 其 常 志 五. 源。 之 哉 百 功 道 厚者 餘 利之 不 有 年之間 行。 今粗 志 習 之 固 汎 孟 知 土 有 格格 濫 子之没 其 病 其 於天下。 言至 志 肯 其 自 末 m 恕 流 訓 此 實

明 嚚 前 所 寧 利 勉 此 有 也 懈 自省覺, 滋 不 미 而 反 勵 言 謂 能 以 外 不 加 之間 能 僞 不 日 ,舊習乘 則 習 往 自 察 深 强 况 文飾 以 下 用 以 É 訓 其 惟 自 勝 致 自 中 愚 而 踐 嘗 益積 贵 成 其 大端 欺 H 豊 因 拔 苟 乾 不移 履 知 其 自 之。 唯 不 乎! 爲 思 之 未 决 道 先 惟 益 不 則 無 定, 大言 以 未 證 者矣。 能 擇 得 能 所 不 深 念慮之間 益 自 省 嘗實 常常 而 我 何 至是 足 或或 以 謂講學者,遂爲 ,其害又大矣。 大 求 以 其 無 於 暇 以 自 心 端 遇 多 盖 過、 明,大 清 心 與 之 欺 還 誠 而 已 福 繆 箴 廣 明 章 所 求 人,平 者 又 能 明, 者 習 藥, 陰 體 剛 自 志 其 句 同 有 於 胖 流 儒 權 偷 健 大 然 欺 勝 實 未 此 矣 ·居 其 之 密 志 乎 嘗 譊 耳 甚 在 以 心 深 若其 一空言 静 持之, 實 心 樂 陷 我 自 ? 切 引 有 慮 口 玩玩 <u>}</u> 矣。 便, 立 著 則 畏 緩 亦 略 翼 善 以

慢歲月於無用之空言哉!

朱子與劉子澄書

滯 意思。昨答書戲之云「這些子恐 來」,渠意 處 耳庸 不可驟。 道 三代之政 天下之事有可立至者,有可以 次言人主莫 耻 按 ,亦是渠所得效驗。 子 願 未 陸 静 經邦之職。 雪,願 子《輪 目 不伏,然實是如 寄得對語 益 ,以是非古今,臧否人物。 致 ,豈終 次言人主不宜 博求天下之俊傑,相 對 尊 難 五 德樂道之誠, 于知 次言漢唐之治,因 來,語言圓 不可 劄 》,首言版 人之 復,願 此 但 諱 不 明, 親 轉, 免 不 爲之以 細 以 圖 不宜 得 是 有 渾 事 幸天 馴致者。 未 也 與舉 葱 此 浩 復、 一信俗 次言 領 哂 漸 襌 致 無 下。 叢 論 帶 底 就 讎 而 凝

> 稱其 又按以 好 爲 謬者矣。 精,擇言之審,百代之下孰有 脞之失。 夫子者哉! 禪 處 學 對 可 所 敬服,一 語 上三書,朱子之於 皆不 學 圓 謂 者諦 疑 殆必有豪釐之差,千 見 渾 稱 信之相半者如此 所謂 玩而自得之可也 活 其 無 卓 禅 凝 然非 者。 滯,然皆 陸 其 子, 加 然 疇 于 析 兀 擬 里之 稱 紫 理 之 其 陽 之

朱子答吕伯恭書

470

甚! 亦佳,見 督文字之外,因 塾蒙收拾教誨、感幸 子壽學生 來此 相 又 語 聚,云子 有 及 檢 興 國 束 静 不 身 萬 却 可言 心 人 教 大 傑 人讀 要,幸 字 望 E 更 書 純 甚 賜 「, 亦 程

自愛。 <u>ا</u> 得 獲奔慰,望不勝慘愴之私,令某拜禀,切望以時 進説大人致問 香一炷,令某拜 便禀某以大人之命 子《訓子帖 江 大人再令拜禀 西 朋友書亦云然。 影略 0 Z: 献。 昨 到婺州 ,恨以地遠,不得瞻拜郎 ,遠來親依先生講席下,禮合展拜。 闡 次 郎 H 中丈丈奄 去,如引 即盤櫛,具 此亦皆濟 人,即 棄明 刺去見吕 諸 時 中公儿筵 蜒筵前,拜訖 恨 正字。 事 節哀 以 地 也 遠,不 ,爲道 初 又 朱 見

致 亦 非 按東萊先生居父之喪,文公遣子從學, 而 隆之意。 禮 象 覺於尊德 山 此 有 亦二先生 書 陸書 性 與東萊 附左。 道 相 間 學 異 甚言居憂 之 各 有 0 所 從 然 講授之 於 λ 此 而

附 陸子與吕伯恭書

及,樂教導人,樂成人之美,近世鮮見。竊惟執事聰明篤厚,人人自以爲不

至所 無蔽者 屨 竊聞 在 於理,要不待煩 之美、學問之博,此 事之所爲標的者,宜 其居憂教授, 豈大賢君子之所 孳孳誨 居母夫人憂。 有愚夫愚 深,苟有 如某踈愚,所聞於朋友間 亦 交游者 願 滿 執 事 學 誘不倦,從之遊者,多有聞 所 者 ,皆不爲執事安,諒 則 伯 婦 兀 懷 儼 獻 夷、柳 之 孔 元 晏 所 子。 義 然在 説 獻 公 與 不 博 下 尹 事之不安於心,未 文正 屈 容 知 憂服之中,而户外之 惠, 不 引 致 南 · 而 默。 在 加 雖 孟 京 教導諸 大賢 此 後 乃 近 子 日 天下 執 喻 雖言 世 蔽 辱 執 君 事 文 大賢 乎 生,文正 事 知爲 事 之心 竊 E 子 于時。 ? 其 理 天 聞 范 不 至 亦 契 公 凡 執 能 固 最

- ●「致問」、原漫漶不清,今據嘉靖本補。
- 2 「慰」,原漫漶不清,今據嘉靖本補。

編

禦。 願 不細 改 必 之 不 不 乎? 憚 君子 矣。 自 改過 安 之過 舜 也。 於此 以 聞 全純孝之心 善若 夫 及其 而 苟 改 决 不 其 更也 安 江 所 河 ,不勝一 何 人皆 以 沛 憚 感 然 仰 而 發 至 莫之 之。 諸 不 願 幡 牛 伏 能 亦 然

與 伯 恭

得 甚 其 但 人 氣 勢 恐 ? 勢 久 説子壽 此 子 但子 之, 壽 時 今何止十去七八邪。 兄弟 换 静 亦 言 却 猶 必 其 得 主 似 自 書 雖 人 轉 有 已. 子 耳 有 轉 静 بائلا 田 步 約 渠 思 一舊 秋 而 兄 鵝 來 未曾 凉 弟 湖 意 來 講 今 思 移 遊 日 論 身, 廬 聞 贵 時 阜 是 易 然 其

朱 子 與 林 擇之書

懲 最 不 與 氣 議 説 樸 此 處,意欲 今方與 不曾 謂 切 渠 象 痛 實 而 論 近 皆 却 着 痛 相 末 頭 此 處 肯 朋 警 工 中 流 好 負 反 萌處,與 實體於身,故 向 一夫, 也 見 之弊,只 友 荷 亦都 但 初 講 説 有 得 説 其 庶 學 朋 日 者 不 間 幾 只 F 平 用 友 得 成 如 有 亦 理 數 之 日 毫 因 説 益 此 有 會 所 間 在 人 毛 思 話 講 舊 講 講 己 其門 常 氣 陸子 H 病 學 漸 相 切 在 力,此 前 至 點 人 涵 似 人有相 壽 於 此 講 其 都 自 不 檢 間 兄弟 論 間 人 不 不得 能 相 倫 學者却 口 氣 只 亦 訪 似 不 習 日 近 是 難 德 用 深 H 就 偏 得

不 按 曾 朱 子此 實 體 於 云 身, 故 H 在 前 己 講 在 論 只 人 是 都 口 不 説 得

于左。 象皆 肯 力。」又云 日矣。 向 好。」 講學上 盖 0 陸子之言有契于朱子者 理會 朱子自是 「陸子壽兄弟近 其門 有 人有相 取 于 E 象 訪 議 山 者 論 謹 日 附 却 氣 加

附 陸子與胡達材書

學用 矣。 寢 不 且 室 年 而 處 廣。 少子 能汛掃堂室,修完牆屋 厩 日 及 於 心 與 達材資質甚美,天常亦厚,但 庫廪庾 飲 多馳 旦 故 弟 而其人乃不自 博 宅 居 知 鶩 者 , 白 遨遊 於外, 飲博之非,又 故 亦 爾器 宅, 不 市 · 復 知 而未知 棟 用,莫不 肆 能 不能 宇宏 • 享 雖 水長 續先世之業, 其 自 不 麗 備 自作主宰, 安 能 反 具,甚安 生不 寢 Ħ. 不 一前 時 廣 廟 喻 此 時 者 死 堂 講 如

> 夫否? 釋、 己明 富貴 改,若江 子》一篇及《論 皆馳鶩於外也。 苦身亡家 力依本分,不忽不 炉、山屐之間 之藥,悦妄人之言,從事於丹砂、青芝、煅 有意爲學而 怡 分易曉 、利達之求 然 海之浸,膏 理 伶仃 處,朝 不知 順 ,冀蓬 語 丽 矣。 而 自 向 × 不 執,見善則遷,有 夕 後 澤之潤,久當 ^ 時 萊 反 知 不 諷 中 己。 曾説 者 瑶 爲 知 詠。 庸》、《大學》 其説 池可至,則亦終 學者其説 惟 曾 將《孟子 聲 接 如 由 事 色、 此 後 涣 時 其 臭 作 由 · 告 然 中 過 但 前 I 冰 質 則 隋 切

「牆」,原漫漶不清,今據嘉靖本補。

2 「雖」,原漫漶不清,今據嘉靖本補。

附 陸子答劉淳叟書

不能 其説 多言 争竈 得。」 餂 其 臾之不必 博之以文。 或 也。 摩 如 默 往 頂 人,均爲穿窬之類。 耳 無蔽,夫子不得不申言之。 或語,各有攸當。 肆 楊 争 也 明 。一今日 放 申 加 公曰: 爲異 行 席。 一,使 、墨交亂 踵 理 伐 於天下 利 者 人讓 八端。 楊子 夫博學 衞 天下爲之,墨子 觀之二語之間,其 . 「爲治 「道 竈讓席 , 告子、 許 政之必 - ,則孟 非不自得也。 顏、閔侍側,夫子 於文、豈害自 不在多言,學貴 不在多言,顧 夫子之於顏子,盖 以言餂 子之辨豈 ; 正 其反 行 名, 冉 非 之徒 也 木 人,以不言 二氏 夷之、陳 病 有 得 得已哉 力 無言 又 力 季 昭 行 各以 與與 乎 行 不 也 之 至 自 路 顓 何 口

> 皆可 庸》、《 之後。 説 學 孰 約也」。 其好辨, 子與之反覆,不得不 相、告子之徒,必執其説 可 多言」,問之弗 ,則各有 無 削 而 其 傳 以力行,皆可以 也 孟子》之旨 於近 今淳 味。 \sim 自謂 中庸》固言力行 自得 所 叟所 不攷 似之言者,豈 蔽 知 之説,本 博學而詳 取 弗 諸 異 倚 自得 措,辨之 其 矣。 於一 自得,然好之而 致其詳 IE 於 力行之説 以害 則 説之,將 有 説一行而玩之, 前 孟 窮已哉 智信直 弗 子 在 人各以其 · 而 明 必 正 學問 弗 理 與與 以 當 措 不不 勇 不好 思辨 反 世 則 剛 \wedge 私 説 中 在 稱 皆 孟

附 陸子與吴仲詩書

富貴之念 五 哥 羈 心 絆,直 志 精 神 截 儘 將 好, 他 天 但 下 不 事 要 如 被 吾 塲 家 屋

妨熟讀 觀 事 而多者。 相似,就實論 若 ,讀書得文字熟底雖 看文字時, 量 有 却 合意 隨 他 或 緊 地 少,亦勝鹵 步, 要 事 自 節 有 莽 可

朱子與吕伯恭書

復爲 酸 而 吾黨不利 噎 古人,可 ,計海内獨 欽夫之逝忽忽半載,每一念之,未嘗不 如此。 痛 可 尊 傷。 兄 爲同此懷也。 不知今年是何 陸子壽 氣

道而爲之抱恨,皆公言也。謹附于左。亦有吾道失助之悲,且以未及通書論按南軒之亡,朱子極爲之痛悼。象山

附 陸子與包顯道書

近方欲通 之切 邪。 主尊 法守也。 然特立,真金石之友。 按 南 大端,不出致知力行二者,且 南 軒 剛講 物故 今録 德 渠書,頗 軒先生嘗 性、道 肄, 以 何痛如之! 相 有 學者得 問學之 次,庶 有書與二陸, 所論,今遽抱恨 有 幾 説 所 殆 吾道失助不細。 觀 時 聞 而 大 感 其 一稱朱 爲 論 矣。 而 賢 之 平 爲 爲之 不子卓 君 中 日 學之 子 各 處

附 南軒張氏答陸子書

復辭義,有感于中。第惜孤陋,不足以當某聞昆仲之賢有年矣。辱枉教,三

溺 千三 以 爲 荷 耳,莫 者。 見 則 於 物 乎 患; 盛 以 溺 心 乎 事 力 知 之所 致知 者皆 用 知 不 意 之 百 行 I 平 此 所 精 愈 而 而 故 也 非 病 之 也、毫 此 之 後 也 觸 然 也。 進 用 其 鶩 夫 力行之大端 致 、又不 實 而 間 ,豈但見於孝悌忠信之所發,形 爲 力, 弊 於 專 知之 思 知 加 前 皆合 無躐等之失,涵 如 行 也 高 於 之 釐 則 也。 不 箋注 乎? 遠 可 無 深 攷 之 所 莫 敢 考聖 忽 使之忽乎 差 索 内 非 日 以 則 起 則 計 患在· 乎 息養 外 用 行 虚 吾格物之妙 有 則 訓 以 人 則 細 之間 之 愈 來 其 、之教 躐 至 微 有 學者 瞬 達。 實 人不知 弊 貺 等 於 濡 之 此 遺 存 也 有 憑 間 讀 事 浸 人, 本 雖 以 要 品 講 不 漬, 書攷 之 虚 溺 使 當 行 至 不 也。 所 固 品 學 口 之 所 之力 於三 之 心 知 昭 口 誠 用 勝 不 不 遇 憂。 古 其 之 使 免 力 所 越 有 示 口

> 其 用 用 力 力 則 一之實 莫 非 也 實 ,故樂以 事 也 凡 復 左右 焉 之言 道

五

八

微 其 念。 + 元 切 不 民 臣 精之 底 餘 晦 之事 磋 下 裹 年 究 向 卓 未 聖 莫能 之,而 罪。 哉 矣 業,不大見於天下者,皆 上 來 然 有 八書問 亦 特 聦 1 以 故 坐 明 <u>\</u> 仰 伯 盛意之辱欣幸至于 枉 品 不 真 稱 往 恭一病,終 費 品 世 明 來,終 金 心思 出 每願從世之賢 意,大抵 石 真 之友 豈若會 處多耳。 難 未 逢 也。 後 全 之一會, 世 面 吾 一復,深 再三 心之精 然作 之 者 儒 致 得 相 講 君 所 也 盡 别 與 澤 口 學 恨

朱子答吕伯恭書

叙 迹 發 子 静 明 ,此極 到 此 數 有 日 功 所 卒章 作 子 微 壽 婉 埋 尤 銘 己 見用意 見之。

深 此 日 有 處 益 歎 終 也 服 有 歎 未 服 盡 合 處 子 静 幸 近 其 日 却 講 好 論 商 比 量 舊 亦 亦 彼 不

理之 之亡,盖 按 以上五 益 ,與 深 書,朱子始 致 鵝 湖 意于斯文之不幸焉 議 論 不 稱 同 陸 子 而 又惜 有 讀 子 窮

朱子跋白鹿洞書堂講義

之病 静 又 俱 亨、胥訓 其 懇 徒 而 既 至 于白 盖 或忘之也,復 到 朱 不 淳 漏 明 熙 克 實從。 聽者莫 白 辛 而 鹿書堂,請得一 家、 $\dot{\mathbb{H}}$ 惠許之,至其 而 陸 春二月, 十月丁 皆 不 麟之、 請 竦 有 子 然 以 陸 亥,熹率 周 静筆之于簡 切 動 所 清 言以警學者。 兄子静 中 心 以 叟、 焉。 學 發 者 寮友諸 熊 明 來 隱 熹 鑑 敷暢 自 而 猶 微 金 受藏 路 懼 深 牛 則 子 與 謙 其 錮

> 其 可 以 凡 我 不 迷 同 於 志 於此 人德之方矣 反身而 深察之, 則 庶

乎

附 德 按 懇 性之 見。 朱 到 者 子 功。 道 於 此 問問 始 學 學 之效; 吸 者所 稱象 當 反 Ш 究 之言,盖 身深察者 心 也。 發 尊 明

附 陸子白鹿洞書堂講義

某平日 所志 辨其 之者 此 在 在於利,所習在利,斯 義 章以 斯 志 子曰 苟 讀 志 義 不 喻 乎 人之 : 此,不無 利 切 於 一君 判君子 義 己 義 所 則 觀 子 矣。 所 喻 省,亦 所感 喻 小人,辭 習者 由 於義 志 喻 其 ,竊謂學者於此 乎 於利矣。 恐 必 所 小小 利 未 習, 在 旨 則 能 於 曉 所 所習 喻 義 有 白 習 故學者 於 益 然讀 者 所 由 利 也。 必 習 當 其

胷 是 習, 身,不 從事 然場 焉,博學、 有 則 耳 之 心 鄉 H 以 鉅 中之 共 而 所 力 又 則 從 · 非 公皆 志 此 怛 其 惟 進 喻 其 於 有 事 相 屋 不 焉 口 所 職 藴 於 間 或 官 之得 者 尚 與 可 由 以 爲之痛 顧 使之爲 場屋 資 勤 · 而 ,使汩 審 事 聖 雖 不 此 恐 更 爲君子 〈崇卑、 民 失,顧 問 賢 辨 其事,心乎 不 出 歷 日 不 ,其文必皆道 隱 背 聖賢 今 詭 也 没 心 謹 之多 在 小人之歸 ൬ 疾首 禄 於 於聖人。 以 思、明 其技 於義耳。 小人之 爲 馳者 之書 科 凛 此 無 講 士 舉 負 厚 丽 與有 國。心 專志乎 辨 者 習之熟,安 薄 矣。 一,而 取 於 不 辨 其 固 由 其 而 是計 士 任 能 誠 要其 也 司 推 乎 平日 篤 使 是 不 久 自 於利 能 義 好 民,而 M 矣, 行 ௱ 能 之者哉 ,豈能悉 拔 深 惡 志之所 而 而 上之, 一之學、 仕,必 之, 免 欲 得 思 今世 則 名 日 如 此 不 由 之 是 勉 不 終 儒 何

爲身計,其得不謂之君子乎?

以 凡 毋 至 負 斯 祕 堂者, 其 書 志 先 生 必不 起 廢 殊 以 志。 新 斯堂,其 願 與 諸 君 意 勉之, 篤

朱子祭陸子壽教授文

旋 必 於談 洒 世 與 實 生而 雖 將 中中 俱。 芸 學之支離 異 别來 端。 返 識 再 序 學 獨 匪 mi 出 見 以 面 疑 幾時,兄以書來。 深 新 徐 同 私 之 遂 加 篇以 觀 度 流 説 初。 傾 未 新 遂 兄之不 安。 倒 惟道 易 如 示 兄 逡 以 簡 我 我 命 是求。 巡 始 綢 之 與兄 駕 미 ൬ 聽 繆。 意懇 規 遽 而 旋 瑩 模。 鼎 以 返 於 少 荷 審前説之未定 念 懇 辨 來 胷 昔 不 誠 悵猶 而 顧 屈 次 鵝 並 心 載 子 無 湖 遊 而 聞 季氏 又 豫 卒 餘 之下 盖 擇善 知 紛 之 而 兄 繳 淺 厭 盤 而

按

淳

熙八

年一月,二先

生復

會于

南

康

議

論

之

際

必必

有

合

者

故

朱

子

特

請

象

山

于

白

鹿

洞

升

講

席

以

重之,而

又

爲

文

炯然 失聲 私 無 者 興吾黨之深嗟。 携 猜。 乃 今兹之歲,非 网 左之僧齋 乃聞 緘 邪 邪 將 通 子言之可懷。 參 ,至其降心以從善,又豈有一 西 自是 而 辭千里,侑此 曾往 期杖 兄 倚 隕 而 嗚 病 涕 以 , 兄乃枉 呼 口 在 還,道合志 使之未 東。 屨之肯顧 良 龍 沾 覺 床,亟 哉 **护** 非 惰 惟兄德之尤 盖 逮予辭官 車 蛇 尊。 香。 返, 曠 函 前 以 兄 何 , 或 歲 書 來 同 淋 何來音之 則 孰 獨 以 教 而問訊,并 慰滿 浪。 已矣,此 泄 賢 索 而 何風 ,相與極 子 粹, 儼中正 居 未 人之不淑 鳴 乎 衷, · 僅 獲, 豪 流 子 呼 不 心實存 而 衷。 停驂 裹藥 驕吝之 哀 祥 尺 論 雲散 慟 哉 書之 加 寢 屢 驚 屬 而 而 道 無

> 之 語 有「追 以 盖二 語 奠復 惟 後 齋。 先 曩昔 五 生 月 有「道 之 粗 而 道 ·U 東 至 合志同, 浮 萊 是 氣 計 而 至 ,徒致參辰」之 有 象 降 殊 心 山 途 從 奠之, 百 善 歸

附 陸子祭吕伯恭文

之

漸

云,奠文附

左。

俟。 之紀。 曾未期年 奪之,天乎 聞者隕涕。 學,伊吕其志。 偏持平,棄疵 人是寄。 辛卯之冬,行都幸 玉在 先儒是裨, 惟公之生,度 ,公又棄 山輝、珠存 何意。 主 養粹。 盟 久 斯文,在 麟 世 而益專, 荆 經是 《詩》傳之集,《 川 州 會 竭 媚。 越越 云亡,吾兄既 川 嗣 數 流 窮 既 夷 邦家之光 君子。 輩。 丽 計音 而 陵,忍不 益 值公,將 顔 厲 大 曾 逝 馳 事》 少 約 其

道一編

乎,胡 冬,以 異 道 符心 侈。 心 劑。 不自 疑 身,抑又有 湖之集,已後 午之夏,公尚居里。 文,知非 公雖未言,意已 命 、更嘗 浮 未 考試 同志合,惟公不二。比年以 决, 先兄 言不 契。 氣 制 親 本回 有 差多 講 他士。 徒 於是! 復齋之葬,不 公賜 知權,或以 冉 復齋,比 糊 懷 肄,庶 此 致 疾 名 觀 未 參辰,豈足 顔 良 既 謄 歲,輒復妄發,宛尔故態 惟 獨 公之藻鏡 微,始 幾十 省 夭,古有 書, ,計音東 至。 其不肖,往 二歲,兩 加 取戾。 我坐 幾 駕 細 方將優游,以受砭 痛 千 斯斯 懲艾。 酬 是 可 來,心裂神 狂 萬 追 雖訟 獲從 以 義 比 往失 已奇 紙 愚,幅尺 惟 來 近 口 曩 其非 教之 款 期 鳴 理 墜。 日覺 矣。 昔, 無 , 0 言 此 呼 見 碎。 有 秋 麄 天 鵝 以 殊 少 每 吾 甲

朱子表曹立之墓略

病 問 爲 三十 具 聞 道之衰久矣。 額 弟之不予欺 其言,知其嘗從事於爲己之學,而信子壽 而 人。 孰 甚 不能行矣。 書,禮授使者,踵立之之門以請,而 有旨,施 江 有 西 淳 可 樂。 後予守南康,立之果來。 七。 陸 熈 爲 乙未歲,予 子 子壽 師 行 子静 壽 也。 者? 如 十年二月辛亥,竟不 比年 及 昆弟爲 章。 以 及予所請 弟子静皆來 予以立之告。 以來,敬夫、 書來 送吕 郡 予道 守錢侯子言 相 伯恭 白 弔。 余干曹立之之 相 鹿 至 子壽、 目其貌 洞 鳴 信之鵝 子言欣然 與 起,年 呼 講 以 院 伯 立 書 其 耳耳 賜 湖 之 吾 方 來 昆 所

矯

首蒼茫,涕零如霈

皆 静 與予 盛 年 相 相 繼 弔 ,豈徒 淪 謝 以 而 遊 今又失吾立之,然則 好 之私 情 也哉 子

得見 焉。 是 其 是 則 欲 者 語 弟 高 始 今文皆可 是真 喟 歸 又寓 前 之 獨 者 往 窮 知聖賢 然歎 者 子 所 即即 以心之所得 見之,不 理 立 大覃思於諸 可 後得 ,壽盖 · <u>,</u> 而 書 益 及 之 與 往 以 日 者 觀 名 之學爲有 精,反 《共學矣。」然敬 今 從之,得其 : 其遺文,考其 講 深 建 而 能 許 則又往受其學, 於 幼幼 吾平 後 致 躬 之,而 張 者 日 有有 經 穎 益 乃 氏。 得《 爲學,其説 在 生 悟 有 指 告 切 也 於 聞 立之未 河 定 敬 以 歸 一,慨 學 長 夫 爲 張 而 南 論 沙 夫發書 尋没 學始終之致,於 知 敬 於 然 程 無 既 隨 而 敢 自 夫講 朋 久 有 盡 氏 所 不 程 又 ,立之竟 刻 以 友 愐 非 聞 聞 棄 疑 亦 書》讀之, 氏 自足 厲 道 若 講 其 矣 文 學 而 喜 陸 湖 習 字 有 學 所 不 氏 古 日 也 湘 之 自 不 得 古 究 爲 兄 行

> 信 之間 深,由 際, 幾 天 胡 得 學必 悟,而 乎。 假 哉 之 也。 子 亦 者 有 之 貴於 必 近 狼 言 循 邪 年 遂至於棄百 而 如 以 狽 下 以 遠 立之者,博 其 己 知 此 學之 學 則 盡 甚 道 所 其 欲 其 了, 又 前 得者告之。 庶 晚 則 博 力, 乎 况 歲 道非 不 事 其 丽 加 忽 用 欲 以 則 山 不 窮 力 下 雜 超之,則 斯 雜 矣。 理 之 超 聞 道之傳,其 盖 約 欲 之工 標 高 可 今必 其 約 悟 而 的 未 吾 不 書 不 程 由 欲 有 恐 先 有 洒 度 哂 幸 未 期 淺 超 日 也 庶 使 ጢ 口 悟 於 而

惓 者 然 字言 按此 至 港 ,亦未始 于 陸 以 棄 語 表 子 本末 謂 百 可及」,又謂「先 之 事 「以心之所 學 盡 先後 以超 主 廢 于 窮 為説 之一, 理之 孟 得 子 其 皆 期 功。 者 先 譏 書 于 爲 立 陸 具 其 學, 乎 氏 存 悟 教 有 其 之 學 非 門 而 大 文 遂

道一編

考見。 復 陸 躐 出 子之 等 陵 節 書 若 之弊, 今摘 朱子之言 可相 附 左,已 有 則 而 實 不 見 足 可 前卷者 以 相 拯 無 後 也。 學

附 陸子答詹子南書

命。 等。 資去聖人固 以學《易》,可 餘習,妄論聖經,多見其 順,又十年而 立,立十年 其未五 爲學有· 夫子天縱 而 十也 遠 本末先後, 從 以 後 之 無 輒 心 不 ~聖,自 日 欲 所 大 惑, 過 以 欲 其 一加 又十年 志 耳 矣。」又十年 不知量也 不 進有序,不 學 踰 我數 十五 剽 矩。 圃 竊 年,五 今人 後 場 年 屋之 而 知 容 而 天 躐 耳 + 天 後

友相信之篤

頗

知

反己就實,深以

爲喜。

鄉者嘗與吾友深言爲

學之序,見吾

其任甚 失。 今觀 加 日 與人辨論 惑亂 却 自 來 要之,吾友 重,非 耳 明白。 示。 是非。 頗 吾友之責 又 今欲遽言之,只是强説, 紛 且 辨 當孜 紛 論 於 是非 也。 孜 無 行 益 以 不 其 之 與 解 論 所 之論,他 人之惑, 知 人己 未當 俱

附 陸子與符舜功書

至 譬如行千 索。 者,往往皆强 ,但患不 善無 患 無志, 大小 里 行 自 耳 探 一步 道 力索之病 而 無 世 積之,苟不已,無不 淺 一乃有 深 也。 有 皆 志 若無 不 不 可 如 强 此病, 無 探 志 力

六四

朱子答劉晦伯書

書耳。 病 己 ,頗不能平。 立之墓文已爲 鄙意則 作矣,而 初 無 爲 適莫,但 陸 學 者 據 以 直 爲

與 按 有 叙 之 所騰 述 陸 情 起 子 有與 無 口 居 而 病 極 然與? 朱子 已不平之説,豈 其 親 書 厚 亦嘗 盖 稱 温 其文字, 然 亦 因 友 門 朋 相 且 人

附 陸子與朱子書

之 實 見 平生 否 處 ? 立 之墓 一甚詳 某 敬仲 往 時 表亦好,但 自 夏 與立 間 謂 必 真 之 來 實 赴 録 叙 書, 官,舒 , 未 履 其 歷 知 間 亦 元 尊 賓 有 叙 兄 未得 亦當 曾 述 及 立

> 直 曾造 元 時 赴 近 與 過 英,諸公間 江 卿,爲學日 舒 此 漕掾,其弟元英 函丈,曾記 相 元英相款 聚,尚 進,近更有得力者否? 號 憶否 爲 未 稍 日 見 ? 進 破 來。 與諸葛 能 其 令嗣 孚於· 執 吕 己自是之意。 子約 誠 伯 人者,向 之欲 仲,●令壻 與 誠 因 亦 之 此

朱子答諸葛誠之書

深欲勸己 之所 訾。 來喻之云 人所學喫緊着 急。 就有 示喻 同 志者 不謂 也。 未合,亦且 競 辨之端,三復 乃以 兼取 力 不 處 敏 E, 之故 曹表之故 置 兩家之長,不 勿論,而 在 深 惘 天 理 然。 以 反 人欲 自 姑 有 咎。 愚 勉力 可輕 所 意 二者相 激 然吾 於 比 相 吾 來 詆 如

❶「嗣」,原誤作「似」,今據《象山集》改。

笑,以 賢之氣方盛,未 不 仇 去之間 賢往往皆有 義 欲 於二 是,乃是吾黨之責。 IE 任,正欲身率學者 言,至今常不满 審明者以 敵 當 理天 雜 虚 者之間 於 爲 無 心 下之公, 耳 其 正使真是仇敵 復 平氣 間, 長 爲 立我自是之意 如 果 恐决 少之節 如 今所 何 也。 相 ൬ 口 何 處 人之所 與 ,一於天 耳 遽 不 論 今因 也 熟 而 至 以 ? 亦 禮 向 則 講 片 如 來 來 見 彼 而 遜 子 何 厲 理 辭 賢 喻 之因 之容。 講 徐 有 静 至 而 取 者 色忿 未 論 究 平 輒 此。 不 信 之,以 之 之 能 激 復 以一 日 所 際 詞 盡 而 陳 因 盖 所 但 疑 同 起者 之, 毫人 默 嘗 觀 見 歸 以 如 者 也 諸 竊 對 諸 於 自 不

朱子答諸葛誠之書

所喻子静不至深諱者,不知所諱何

來 然 何? 愛惜 愚 事 初 也。 無 意 ? 不 知 人情 彼 講 所云 又 此 此 論 云 心 之間 義 粗 纔 銷 何 理 心 有 融 故 害 異 不 只 其 粗 道 同 容 是 隙 1 自 更 大 者 便 家 恐不 似 知 成 不 世 商 明 嫌 知 口 俗 量 審 隙 不究 隙 深 也 遮 尋 從 箇 掩 所 其 如 何 歎 是 П (所自 生 何 服 護 處 如

朱子答李好古書

間 就 然,當用其言 當復引 此 西 聽 處 向 他 來 以 商 説 致 量 見 不不 惶 陸 以 ,專心致 惑 删 分其 當 徒 定, 遽 志。 資 舍 志 所 所 口 闡 若 庶 耳 受 如 幾 有 空長 圃 何? 所 可 遠 以 疑 來 枝葉, ,亦當 有得 若 也 以 爲 東 且 而 不

0

丽 無益於學問之實,不願賢者爲之,是以有 未敢對 也 問

書 又 嫌 未 故 按 日: 其 此 隙。 能 ,其言正與朱子合,今附于左。 言 Ξ 盡 不容 皆至 書 日 同 朱子覺其門 正 更似 論 義 當 也。 理天下之公,人之 世 虚 然 俗,才有異同 in 陸 熟 人輩 子亦有與 講 以 訾 歸 陸 便成 於是。 所 太 門 見 過 人

附 陸子與唐司法書

豈 荷 聞 未 天下之同 者。 私 可 必 荷 闁 樂 斶 户 今時 文納 聽 私 者 心,聖賢之所 門 斯 師匠 户。 言。 去數篇,第今時 學者求理,當唯理之是從, 理乃天 尚不肯受言,何况其 總 卿 從 以 下 朱丈遊、尤 爲聖賢者,不容 之公理,心乃 人偏黨甚衆 不 徒 願

> 門户,孔 而已。 一子亦無私門户,與人爲私商也。 顔、曾傳夫子之道,不私孔子之

私

道 編 卷 四

道一編卷五

輔 此 車 卷朱子 之 相 倚 之 者。 説 凡 附 + 見 陸子之説 五 條, 所 謂 終 馬 若

朱子答項平父書

於昏 理 撰 口 法 却是道問 今子静所 E 道 觀 惟 一一 不 理, 惰者 所 以 敢 喻 看 遮 尊 亂 學上多了。 説 曲 爲 得 德性 盖 説, 專 折及陸 厚矣。 義 不 是 理全 却 肯 尊 道 於緊要爲 放 國正語,三 德 間 不子 大 F 所以 性 學 抵子 事 兩 細, 而 爲 事 ·思以 己 熹 又 彼 而 爲 復爽: 爲 自 别 學 熹 用 來 説 者 平 人 覺 然,所 力之要。 教 上 多 日 雖 多 種 人之 持 所 於 不 義 杜 論 警 守

得力。今當反身用力,去短集長,庶幾不墮

一邊耳。

附于 按此 然陸子亦 者,於是可 如 全與朱子合 此, 左 書 世 則 之 有 知 以 褊 書 朱 惕 而 子 論 N 無 然 自 爲 所 中 而 學 以 用、 懼 歲 集諸 有 務 枘 講 幡 强 鑿 儒 明 然 辨 之嫌 之大 有 而 以 踐 省 成 矣。 履 者

附 陸子與趙詠道書

終始 者聖之事 格 脩身正心、《中庸》篤 子》始條理者智之事 物 爲 中 知 學 所 庸 有 先 此 》博學、 講 後 踐 明 履 則 也 有 審 近 丁,此講日 行之、《孟子》終條 踐 間 道 履 謹 矣。」 物 明 有 思 也。 一、欲 本 大 明 末 學 脩 《大學》 辨 其 事 , , 致 身 有 理 知

聖矣 惠之和 哉 行 又 力 得 庸 者,先 也 是 有 問 自 中 也 欲 安 之純 J。 講 猶射 終 也 》言之, 《大學》言 誠 思 ,辨之弗 謂 0 者。 自《 辨 可 其 然必 吾 IE 而 篤 明 故 者 以 意 能 孟 不 其 孟 而 講 有 示 日 其 者 學之弗 思 至 明 心 如 子 子》言之, 日 所 . 習於教法之 明之未至, 硜 意 一於百 之, 伊 吾 , 顧 不 先 「其 未 則 實 硜 欲 尹之任 唯 勉 有 致 至 固 學不 之 亦 至 步 能 Œ 篤 所 其 從容 先 之外, 則 必 何 爾 行 其 不 則 間 知 乎 所 事 力 心 圃 之 爲 雖 願 事 * 之 巧,而 講 伯 空言 加 行 也 徒 材 者, 而 而 盖 學 致 而 弗 然 一,其 明 夷之清 哉 質之卓異 恃 己, 傲 未 知 先 不 知, 矣。 其 知 徒 拘 計 然 可 中 有 是 在 誠 能 學 儒 以 恃 後 思 非 其 未 冥 無 格 其 自 力行 之 瞽 謂 之 其 嘗 行 可 柳 未 爾 始 意 物 ^ 以 士 生 之 有 學 弗 踐 嘗 者 力 中 而 3

非聖人之徒矣。謂之講明。若謂口耳之學爲講明,則又

性 按草 於 則 爲 必 尊德性 朱子於道 草 偏 斯 陸 爲 本 學 於 廬 廬 而 言 爲 吴 之 庶 見 語 主。 氏 言 間 幾 擯 訓 爲 學 IE 得 焉 問 釋 或 之 朱 之。」 學. 之 子 然 功 子 末 不 居 司 以 當 本意, 本 朱子 多 業 時 故 於 , 議 學 謂 而 德 學 此 者 陸 必 學 性 者 書 子 以 以 者 觀之, 宜 草 尊 其 静 日 考 廬 敝 德 以

朱子答陳膚仲書

於 每 友 義 勸 專 學 理 事 陸 學 者 聞 知 兼 見 所 固 决 取 有 而 擇 其 似 於 善 禪 非 自 處 欲 要 己 其 得 身 然 兀 身 心 湄 然 心 全 意 稍 無 無 沂 作 稍 I 覺 以以 夫 端 婺 静 冀 所 州 於 方 以 朋

守己 之弊,非是 且 〕偏,不 豁 然 大 能 細 悟 兼 也 取 衆善,所 吾 道之 以 衰, 終 IF. 有 不 坐 學 明 不 者 各

以 陸 知所决擇」。 學」,至此 按朱子書在前兩卷者, 勸學者要得身 尊德性爲本,而陸學之非禪也 子之言有與朱子相發者,謹附著之。 始 謂 即 是 N 陸 觀 稍 學 之,則 稍 固 端 曰「子静全是 有 静, 似 道 禪 問 方 學 處 於 明矣。 義 古 禅 必 E 理

附 陸子答包詳道書

此數語 若能若此静 處 之,使自趨之。 多。 垂 不可 流 優 新 加 處 不 功,以 柔之, 應事,讀書接人皆當有益 熟味,於己於人皆當如 若江 是 使 未 海之浸,膏澤之潤 能 自 寬裕, 求 之 所 饜 以 費 而 此。 飫 力

> 嚴 優 免助長之患。 游 自 寬 不費力。 裕, 却不 恐詳 是 委 道 靡 所謂 廢 放 奮 此 迅 中 者 至 或不 健 至

朱子與吕子約書

字,令此心全體 書,亦何益 己,便是 程子亦言心要 孟子言學問之道,惟 箇 於吾 無 知 在腔子裏。 事 覺 都 邪 奔 不 識 在 册 痛 在 子上, 癢 今 一 成其 之 更 向 放 雖 耽 不 心 讀 知 着 有 文 得 丽

按 者 也。 此 IE 陸 子 之 學, 平 日 諄 複 以 教 人

附 陸子論學問求放心

舉天下從事於其間而莫知其説,理

禽獣草 飲 心也。 其間 而 不甚可歎哉 縱欲之心,扇之以熾其傷善敗類之焰,豈 浮文緣飾之具 聽,不爲 問之道,盖於是乎在。下愚之人忽 問之道 故 人之求放心, 則汙雜茫昧,駁乎無 無是也。 已矣。」孟子斯言,誰爲聽之不藐者。 ,焦之待救,溺之待 哉 者 ? 心之在人,是人之所以爲人,而 ,於是而有莫知其説者矣。仁,人 木異焉 也。 學問 動心,而其所 而至於有是,是豈可以 然于其所 也者,是舉天下之所從 不啻 →甚至於假之以快 者也,可放 「學問之道無他,求其放心 如 以 飢 謂 援,固其宜 以 議 之於食、渴 學 學 圃 爲 問者, 問 不 也。 求哉 者 加 也。 乃 古者學 不論其 其 觀之, 之於 視 轉 遂 事 學 與 玩 爲 古 於 私

附 陸子與舒元賓書

友切磋 借資 達奮 丽 伐,牛羊之牧,則當 容詠歎者,皆吾分内事。 禦之。 於 發 此心之良,本非外樂,但 人,人 ,但助鞭策耳。 ,無自沉 尊兄看到 亦 於縈迴 無 着 此,不 日 力處 以 迂曲 暢茂。 日充 須 聖賢 之處 低 回 日 聖賢 無斧斤之 垂訓 明, 此 思 之形 事 誰 特 得 不

朱子答陸子書

昨聞嘗有丐外之請,而後未遂,今定何

- 「具」,原誤作「其」,今據《象山集》改。
- ② 「聽」,原漫漶不清,今據嘉靖本補。

者。 然精 黑白 患 相 來支離之病,甚 理雖 想 亦 意慮之表,亦已誤矣。 去冬相 顯 如 見,尚 道 亦 到 甚 ? 不少。 所幸 即 神 極 部 害 得 莫 在 事。 書 衰 精微,然初 ,必已相 見,氣質 復有 且 邇 面 云「嘗詣 减 宿 前,此 雖嘗苦口,恐未必以 來 比 異 留 日 數 日 同 恨 否? 見,亦嘗痛 剛毅,極 甚 用 日 否 未 不 而 見」,不知已到 功 來 得 耳 在 不 學者後 日,恐終 夫 病 熹表 從 耳 察,乃欲 頗 軀 容 不易得,但其 目見聞之外,是非 覺 與砭 方 病日 面 來 有 論,未 似 非 别求玄妙於 更 力, 略 石齊 侵,去年災 未 能 爲然。 得 口 否? ? 久 知 無 何 支吾 異 於 偏 復 子 人 门 世 道 時 淵 處 ?

字,始 之表」,盖指傅子淵。 力, 按朱子此 無復 見於此。 向 書 來支 謂 「邇 其 離 謂 之 來 病 E 别 子淵嘗學於朱、 用 求玄妙於意慮 盖 功 夫 「支 頗 離 覺 有

憾于陸

氏也

説,以 病, 高 否 陸已下世矣。 陸 附于左。 之 ?」考象 而 陸 門 無補于實行」者,正 無異 子 者, 亦復 書 或疑 同 味之,朱 山 故 以 可 與 又 朱 過 知 子 日 子書 0 高 淵 : 惜 子 爲 書 尾 憂 其未及胥會 既 亦 朱子之意, 有 自 尚持異 嘗 則 云 以 痛 先 支 所 與 同 離 生 談 砭 胥 之 爲 今 益 而 礴

睨之 有所 至 N 言 又按朱子他日 意,盖因 之説,疑 似 當 日 一足下何其 不 之 未 詞,况賢者之燭 甚定。 暇 歸 其人所 於陸子終有 以 而 亦 自 答人,有 竊意且當 通 非 善 書 慮之不 所 其 語 理, 當 身。 未釋 狂 預 不 一
僭
而 虚 似 審 此 計 也 然 未甚 而 N 外 平 者。 發,非 擇 盖 味 爲 日 善 其 此 然 不 異 惟 求 有 立 傲 其 詞 同

願從事

了,而願

與朋

友共之者。

之,當隨其分量

有

が所増

益,凡此皆某之所

思、明辨、篤行、皆聖人之明訓

遵

辨

、寬居

仁行,《

中

庸》之博學、審問、

謹

進,德當

日新

,業當日

富。

《易》之學聚問

故躐等

陵節

,所談益

高,而

無

補

於實

行。

利與善之間

也。」讀者多忽此

謂

爲易

今子淵

知

致辨於此,

可謂

有其序矣。

大

日

利。」孟子謂:「欲知舜與跖之分,無他

夫子言:

「君子喻於義,小人喻於

朱子答吕子約書

究,不亦誤 物。」今自家一箇身心不知安頓去處, 謀中去矣。 王談覇 天下萬 外虚内之失,則 病,雖與彼 處見得分明,自然不到得 廢,然涵養本原 日用動静之間不可頃 日用 將 物撓 工夫,比後何如 乎。 經 中 熹亦近日方實見得向日支離之 己,己立後 世 症 一事業別作一 而察於天理人 一而已。 候 不 同 刻間 ,然其忘己 自能 程子説 流 斷 ? 箇伎倆商 入世俗 的 了 欲之判,此 文字雖 事。 得天 逐物, 「不得 功 若於此 下 量 而 利 不 一講 談 萬 權 以 可 貪

端既明,趁向既定,則明善喻義,當使

謂 雖與彼中 按此書謂「方始實見得向日支 或 以支離 ·症 候不 而失之,或以過 同」,盖指 陸 高 子 離之病, 而失之, 而 言。

陸子與傅子淵書

附

七三

病

而

也。

朱子答何叔京書

聖人」,是隔幾重公案。 離。 其本,而 近因反求 行」,固君子之所急,熹 渺茫茫,恐無下手處 學而上達矣。 昧 但 ,則是做工夫底本領。 因 如所 其 向 來妄論持敬之説 良 其言之得失自不能逃吾之鑒 謂「因諸公以求程氏,因 未得箇安穩處,却 心 發見之微, 若不察於良心發見處,即 也。 向 曷若默會諸 ,亦不自 猛 所喻 本 來 省 領既 所 始 提 見 「多識前言 知此未免支 撕 亦是 文 記 程氏 自 其云何 使 心以立 邪? 如 以求 然 心 此 往 渺

> 著之。 苟動 其心 道外 離」。 兩 日 E 反求未得箇安穩 處 多 苦若 先生之言,不 敗 識 即 事, 静 荷病 無事」、「前言往行、所 而 前 渺 不 得平穩之地,不以 陸 言往 如 則 渺 能 房 子 茫 如 宿、荆 非 與人書 行 茫 一,是未得平穩也。」 徒 約 固 處,却始知 無益 恐 而 公, 君子所急」,「 無 日 同 可勝 所 事 下 者 手 傷 當 如 動静 既 處」, 此未免支 博 實 此, 外 乎? 識」 多。 無道 而 謹 近 又 附 盖 又 謂 他 顧 天

附 陸子與 陳正 己書

下嘗言事外無道,道外無事。 古之學者以 古之學者以養心,今之學者以病 成 事,今之學者以 足下 敗 事。 · 今 日 足

心不知安頓去處,而談王談覇,

將

經

世

業別作伎倆」,謂「不察於良心

發見

按朱子此二書,

謂

學者「自家

箇

身

所 則於此 測 行 荆公之均輸者 失,亦所當 耳。 智 傷實 日 所當 慮 非知 月 如 多。 ,耗氣勞體 事業,奚啻聾者之想 此 博 此 讀 廣 識 者 他 書 覽 可可 1,特習 日 殆 加 古今興亡 敗 勝既 ,喪其本 詳究之。 將 人事如 聞 食 平 其 蟛 1 説 蜞矣。 心 治 房 鍾 顧 附 亂, 琯之車戰 非 其 鼓,盲者之 會 徒 心荷 是 前 其 無 非 私 益 病 得 往 意

附 陸子答潘文叔書

恐 發 殺 穩 , 是 、明,終 7,所謂 之地 只 、增擾 怠 未 墮急迫 然 不 飢 得 擾 無 者 以 平 耳 益 甘食,渴者甘飲,本心 動 穩 兩 静 也 偏 何 若自 而 適 此人之通 變。 涵 加 謂 泳之 非 己 若 此 得 動 久, 心,心 静中工夫, 患 静 若 馳 不 正則 若 能 得 擾 未 平 暫 如

> 矣。 静亦 若 E 動静 動 亦正 異 心 * ,是有二心也。 心 不 正 列雎 静 亦 不

IE

朱子答吴伯豐書

平正 其外 徑趁 自 煩 以自警。 碎。 反 也 馳 簡 開中 ,然亦覺欠却 者 其 約 過 脱 詭 頗有學者相尋,早晚 然覺得今世 高 譎 略 者 狼 過 古 狽 涵 高 ()更不 爲 養本原功夫,此 , 爲 有 學 害 則 可 不過 覺得 言。 然 不 猶 廢 兩 外 吾 爲 馳 種 講 儕 不 近 支 ·可不 幸 本 則 稍 得 離

也。 覺 約 晚 按朱子 年 得 脱略 益 然 外馳,支 致 陸 謂 過 反 子 兩 高 身之 晚 種 盖 離 年 爲 繁 誠 指 益 學之人,其 碎,殆 陸子之門 加 取 窮 是 理之功, 謂已之 編 前後 人。 徑 門 朱 所 其 趨 子 簡

兼 程 者考之、則二先生之學,所謂 取 也 衆 善 者 真 入道 進 德 不易 去短 之 集

法

長

朱子與周叔謹書

之理 大 心 每 因 離 喻 未 徇 如 概 勸 處 及 知 所 此 何 兩 諷 其於此 爲幸 見之偏,而 學 ? 應之甚 减 ,反身以 ,甚覺不滿 章 誦 者 去文字 近來 着 也 涵養,未須大段着力考索也 亦 實 看 恨 且 吕、 求,正坐自 體 熹 得 未 功 看 人意。 不能公天下之心以 察 近 果 陸 得 二 夫, 收 日 如 門 相 拾 子 覺 何? 亦 見,其 應之盖嘗學於兩家 * 覺 爲 得 互相 己 要。 向 閑 道 用 因 爲 來 中 性 功 排 話 學 其 説 善」、 氣 亦 扣之, 斥, 餘文 規 話 象 未 觀 有 此 模 甚 切 字 求 因 大支 天 由 次 耳 滴 且 放 下 各 第

> 出 字未 言。 按朱子此 善」、「求放心」兩 間 須 而 附 陸 着 子 力 書 ,勸學者且讀《孟 考 之言已 以備參考。 察, 章 盖 見 着 與 前 實 陸 體 卷 子 察, 者 爲 子》「 不 其 復 家 餘 道 之 文 重 性

附 陸子與邵中孚書

莫之知 培 得其 水 消。」今吾友既 下之大道,乃吾分内事 而 汩没於流 有源 浸 無 養 害 而 居天下之廣居,立天下之正位,行天 ,苟有疏 ,則誰 無 避 無 俗, 贵 傷 物 戕, 得 驅 不 不長; 得其 浚 而禦之。 加 則 口 而無 納 枝 憐 〈本心 諸罟 葉 荷 哉 壅窒,則波 耳。 當 失其養,無 矣,繼此 如 獲 日 木有 若 孟 陷 益 子 不親 穽 暢茂 之中 根,荷 日 能 流 師 當 養 物 友 之 有 荷 如 丽

抵讀 科而 必 H 以其明白 勵之功。 益充積。所謂「原泉混混,不舍晝夜, 强加 明,後日本 書 後 揣 進, 討 或有未通曉處,姑缺之無害,且 量,則 昭 訓 放 晰 源 既 乎 者 深 無 通 四 日 非浸灌 厚 之後, 海,有 加 則 涵 向來 但 本 泳 、培益、鞭策、 平心 者 則自 未 如 曉者將 是 讀之,不 然 日 盈 亦 充 磨 大

後日不 深日 稷》、《大禹謨》、《太甲 其 必 以下,可常讀之,其浸 洪範》、《無逸》等篇,可常讀之。 (他非 深考,恐其 固 《告子》一篇,自「牛山之木嘗美矣」 患不 相見莫能 也。 通 其卷首 力量未 解也。 盡 與 《尚 到, */ « 此 告子 灌 最 則 培植之益 説 書 是讀 論 反 • 命》、《旅獒》、 惑 性 泉陶》、《益 書 亂 處 當日 良 精 却 法, 神,

朱子答吕子約書

涉支離 要清 溺 聞 心 可 於 .講 操 以 謂之學乎? 故 源 授 存 日用工夫,不敢以老病 紙 正本,以 亦頗勤勞,此恐或有 ,若無本以自立 舍亡,只在 堆 中, 察事變之幾微,豈可一 使精神昏弊,失後忘 反 掌 之 則 間 事 而 未 事 日解 便。 向 皆 來 病 今日 誠 覺 耳 前 向 是 得 汩 IE 又 太 此 m

有涣然冰釋者矣。

之言 中,使 往乾没于文 間。」又謂:「 掌之間」,又謂:「豈可 而 按朱子謂「覺得此心操存舍亡、只在反 已。」朱子前所謂 則 精神 日 昏 「念慮之 義 非 蔽 間, 明 實 而 爲 道 正 可 理有實行之人,往 蛆 合志 謂 不 汩 虫 IE 之 没於 識 一,在 學?. 同者,於是 見以自 故 頃 刻 紙 陸 喜 堆 之 子

益驗。陸書附左。

附 陸子雜説

在其 之不 克念作聖。」 之正者,頃 心、《書》 正者,頃 念慮 之正 刻 刻 加 日 不 失之,即 圃 Ė 知 惟聖 一,在 之, 頃 是不正。 即 罔 刻 可 念作狂 之 以 間 IE 此 惟 事 念 念 狂 皆 慮 慮

附 陸子與胥必先書

索 德 熟讀 通 固 曉,近 ,不起其疑惑,使末不害本,文不妨實。 解説, 比 讀 排 書最 所 爲 以 必 佳 以 令文 開 精 發之者,非 德 熟 義 固 爲 明 前 貴。 暢 此 於文義 ,欲不勞 在文義,每 煩 喻 德 間 古 其 多 思 爲 未 且

> 然此 解説 臾 常 聖賢之門牆哉 識 事 離 見 實 \$ 行 亦豈 以 文義之妙旨,必先亦不可 文 ,於文義 自 之人,往 義 喜 可 輕 而 强 而 則 己 爲之哉 事 往 曉),安能 實 乾 不 曉不 重 没 於於 任 於 文義 ·足爲 重道遠,自 非 事 明 實 間 重輕 實 則 不 理有 爲 不 知 此 <u>\</u> 蛆 可 也 於 實 吾 虫 須

朱子答吕子約書

紀,則 也。 處,不會减 子 主 一念之,惕然自懼,且爲朋 約 不起,反爲文字奪却精神,不是小 書, 訓導後 年 雖 來覺 不 輒 教後生,亦只見得展轉 人氣力。 復 得日 生若説 恍 然,尤 前 若只 得是,當 爲 學不得要領 不 如 知 友憂之。 此 所 極 支 以 有 離 爲 可 ()自做 漫 迷惑 賢 自 病 而 警省 無 者 每 無無 謀 得 統 每 身

之學 碎。」 淬 不 盖 支離漫 此 實見得 按 力,無復 向來誠是太 礪 拯 未 朱子深 以 ~,極其 知 免支 日 ,故於書札之 上 有義理之公,而 無統 向 七 向 「向來 離。」 有見于 日支離 、警惻 書, 來支離 紀, 涉支離。」曰: 日 説 日 展 . 後 間 話 之 所 之病。」 轉 覺 學 病。」 有大支 謂 屢 日 迷 支 無彼我之間,百 豪 掇 惑 得 用 傑 離 曰:「却 以 日 工 外 無出頭 離 「若只 之 之 近近 語 夫 馳 處。 オ 弊, 支 頗 聖賢 鞭策 處。」 始 如 覺 不 離 日 日 此 知 方 有 口

世之下所當刻骨而 師之者也。

朱子答滕德章書

陸 丈教人,於收拾學者 散 亂 身 心 甚 有

道

編卷

五

佳耳 功。 然講 學 趍 向 上, 不 可 緩, 要當 兩 進

乃

朱子答符復仲書

可也。 多疑多問 書,其言明當 盡 有難擇者 舍 聞 元未盡 向後 向 一,但意 道之意 却 者 見得親 轉 不 且 迷惑也 所 解, 就 甚勤 疑 此持 切, 有過 以 却 爲 向 守 看 近 當 所 自 舊事 利 也 謂 見 者 義 功効: 見 又 利 即 陸 有 之 便 不 丈 見 舍 間 須 未 去 回 誠

當 按此 是將所謂 居敬之益 之如此。 窮 二書皆 理之 密 前 益 而二,二而 者 稱 精 也。 書 象山 者 稱 也。 後 其 爲 收拾身心 陸 一者乎 朱 書 丈,所以尊 陸 稱 二先生於 其 所言 有 功, 明

朱子答滕德粹書

皆 子約監米倉,所聞 以 身,亦皆 民 從遊。 爲 可 從遊 先 示 其他 問曲折具悉。 可以取益。 不惟 也 事 可以 難 者 預 沈國正焕、 答决 熹所 説。 大抵守官且以 所 識 幸 者 疑, 四 袁和叔燮,到 「楊敬 明 至 多賢 於 仲 爲 廉 士 -簡、日 學 勤 彼 修 愛 可

朱子答林退思書

今想其 者固如是 舒 學 大 也。 ·, 益 夫 向 有 不及爲 嘗 成 相 矣。 見 書 聞 於 因 其 會 便幸略道 政 稽 亦 所 甚 論 佳 意。 「有本 未 合。

朱子答詹帥書

不教 過 諸 子静學,有意爲己,必能開 科舉之業,伎倆 處教官,亦有肯留意教導者,然其 子晚 ,猶足以 弟子如 按此三書皆 高 教授能 年不獨 此 全其純愚之爲 留意學校 致禮 尊 愈精 其師, 于 心術 陸氏門人者, 而 甚 道其 愈 又兼重其 善。 愈壞 也 人 渠嘗 也 盖 所 盖 習不 高 不 從 近 如 第 日 陸 朱

跋 西山真氏跋傅正夫所編慈湖訓語

側 心 思、廢持守、談空妙、 聽 諸 慈 湖先生之道 公間,或不能 學 無 略 者 竊 事 所 議 爲 共 者 尊。 也。」今觀 謂 顧 泯 嘗

動 心 戒 夫之心與先 至 脱 則 欽 邪 甚 自 何 日 至於言道以 正 m 敬 其 常一 君 不 ·, 日 勤 其 然光 略 爲 ? 妙 是 夫 以 動 盖 (爲説 、論 當 0 恤 事 學。」 所 敬 守之,於意態未 此 世 篤 又 爲 明。」先生之學,其果 録 常明。」 "**,** 曰 灼 . 三五 之務 至平 有日 者 有 日 然 知 心 學未 謹, 生 本心爲正 . 也 不 則先 「徒 微 盛 實,既 日 討 通 敬 日 : 嗚 純 動 : 貫 際 是 克 論 思 生 呼 熟,不可 爲 則 成 四 無 君 艱 與 白 固 品 一,言德 之學,其 此 身莫 動之先,守定用 斯言 者 談 思 以 不 ,豈能 過 畫 心 曰 孜 孜, 既 甚 若 空説 此 口 隨 易 如 皆異 至矣 廢守。」又曰 妙, 命 指 以 爲 之。 廢持守邪? 動 敬 傳 臣 學,不 直 諸 妙 果 思 之簡 ! 乎 者不 日 掌,又非 心爲主 泯 此 敬 臣 之 書 所 兢 非 心 心 則 以 思 IF. 兢 闡 同 力 正 Ĭ 不 此 思 此 如 亦

後學 不 失其真哉 傳 乃 按慈湖先生, 必 斯 如 以慈湖 丽 此 道 E 夫 而 可 爲 所 爲朱子之世 謂 首 象 然 録 理 ,又有 則 Ш 到 然 先 高 之言 西 第 生之言, 功於先 Ш 適 當當 矣。 先 也 生 時 與。 生 此 論 攻 古 者 所

其

所

得

以

卒

陸

學

者

也

有

功

於

道 編卷五

道一編卷六

賢之 此 適 以 其究 卷 莫之弊也 論 凡 事 二先生多矣,然 六 精 條 審 皆 後 觀理平 賢 論 獨 IE 有 而 先 取 生者 無 於是 偏 後

道園虞氏跋朱先生答陸先生書道園名集,

川人。

達於群 今其是非 尤快台人之心。 朱 元晦 按《朱子 疑之中,此尤可喜。」即書中 在 已 浙 明 東 年 台 大節 譜》載《 雖士 江東之命,出 殊 大 陸 人夫議 偉 先 劾 生 論 唐 與 於 不 與 人 所謂 九 免紛 IE 帖 重 尝云 事, 紜 特 長

平日問 之功 性 進步 處。」此 者力加 用 憂夫詞説之泛濫,一 説,克己求仁之説,令學者且 其所謂 象甚 功亦 來説 者亦 中絶學 但覺日前 葉公謹 功 善」、「求放心」之説、直截 愈切 實 處 適 未 話 不 辨 兩 以 ,向來泛 捐 鞭約,爲克己求仁之功,亦粗有得 。」又《與胡 切 有 泛濫,正 後復姓 至 7,是以 講明之説極詳,至 書,却 其 書 用 大支離 尔 于 皆同 力 工泛濫 周 此 辭 ,更名叔謹書》云: 因 於此 覺得 濫 也。 坐文字太多,所 處,反 時 爲 此 真 季 所 過者 减 不甚切己 隨 然 稍却其文字之支離,深 是 旦用 心身 發,正 去文字工 竊 身以求,正坐自 不 書 也。 觀 濟事」之語 頗 》云:「衰病 力而其效之至 與 如 相 其 此 看《 此用 書中 收 「近日 反 又按《朱 而 方與 以 夫, 管 身以 切己 孟 此 功,盖 所謂 子 時 覺 似 合。 亦 如昔 反 》「道 求 進 得 有 己 覺 子 之 速 學 求 盖 其 兴 力 氣 用 病 山 小

説 贵 也。 歎 如 力者已 道 是 先傳後倦之有次第也 此 槁 噫 學問 ,故樂爲朋友言之也。 盡 ! 木死灰,心如牆壁以 ,而後來者失其宗,然後知朱子之 之功多,尊德性之意少,正謂 陸先生之門,傳之未久,當時 爲 病 功 中 者 絶學捐 ,朱子嘗 得 此

官,而 此 范 不濟 學 殆門人去之也。 覺得身心 按朱子此 也。 識 解仇事,而忠 之下 事」之語,然不見于《大全集》中, 伊 川作行狀 頗相收管」、「向來泛濫真是 書與陸子有「病中絶學捐書, 先正 者,宜其不能 宣公於碑文删之。 明道 略之,歐陽 當爲 新 法 公記 釋然於 條 例 吕、 况 司

貞白鄭氏表融堂錢先生墓略 先生名時,家淳

安,慈湖門人。貞白名千齡,歙人。

之墓 輩者哉! 端之别爲一端緒也。 所見有不同,故終身有不苟合者,後之黨朱 也,象山之議無極,亦天下之公言也。 朱之説概行,毁陸子之議肆起,•豊善學前 或謂智者過之耳。今之學者,發言盈庭,宗 之歸。夫陸氏之所以異於朱子者,非若 而伐陸者,又豈天下之公言哉! ,所以息黨同伐異之論 予既爲朱子立祠學宫,復表 且朱子 之言無 特所見出於高明,而 極,天下之公言 , 而 爲至當精 融 堂先 偶其 異 生

按此表實用朱子「學匪私說,惟道是

●「發言盈庭」至「議肆起」,原漫漶不清,今據嘉靖本補

求」之言。

師山鄭氏送葛子熙序略師山名玉,歙人。

者哉 及其 簡易 各尊 朱氏 學爲 同 其質之所近 有同 排 之者。 達 ? 所 釋 至 之稱 己任 方朱、陸二先生相 也,三 道 朱子之 老 闡 况同! 陸 ,各行 無 同 以予觀之,陸子之質高 陸 圃 氏 是堯 有 綱 以 爲 質 氏之稱 不 天 五 日 所知,今二百餘年,卒 學,故 篤 同 舜, 江 理 常 實, 者乎 一爲公, ,仁義道 朱氏, 同 西之學」。 望 所人之途 故好邃 非 ൬ 桀 同 巨江 起也 紂, 德,豈 以 密。 人欲爲 同 有 兩 以 東 尊 不 明, 盖 有 家 之 倡 周 同 不 故 未 學 各 學, 明 私 爾 好 能 者 道 同 因

異,江東之指江 後之學者,不 西 則 求 其 日 所 此怪誕之行也,江 以 同,惟 求 其 所 西 以

> 盖後 俗 不 弊 之指 力行之效。 一家之學亦各不能 爲學之常也。 矣,此豈 儒 能 也 之尋 之學者之流弊云爾 如 江 盡 釋 東 致 善學 行 子之談 知 則 然豈二先生之言垂教之罪 數 之 日 聖賢 陸子之説,高 墨,至於 功 此 空 支 , 者 朱氏 無弊焉,陸氏之學,其流 説 離 哉 妙 之 頹 2,至於 之學,其 説 惰 朱 才獨 也 委 子 靡 鹵 而 之説 得之妙也 流 莽 其 加 滅 無 弊 異 也 益 以 收 如 而 其

師山鄭氏與汪真卿書略

之高 弊。 里之外而此身元不離 H 未 盖古 下,所 識 自 周 T 人之 亦 程朱子以來,三尺之童 言皆 聞 學, 性 實 與 事。 是以 天 道 家,所見雖遠 今人之學,是 所到 之 變 深 而 即 淺 爲 談 遊 爲 而 忠恕 皆空 所 耳 心 見 之

息。 胖 者 知 也。 子, 行 不 下 及 同 言矣。 爲 H 宗 必 海 如 之之方 恐 者 觀 功 此 以謹 有 夫 何 雖聖 謗 某 過之之失,故以之自修 也。 , 而 庵,然其簡 等皆 朱子 嘗 又近 象 弊。 加 無 獨 故 謂 無 Ш 頹 之 純 以 是 則 爲 是 時 先 其徒傳之久遠, 陸 也 墮不 敬 學 肆 學者 要,則工 學者自當學朱子 子 後之序, 易 毁 亦不 爲 術 此皆 静 光明之説 振之習。 主 風 象 未 高 Ė, 俗之 知 山 以 明 則 夫 而 黨 本 其 不 皆 無 不 其 壞 及 領所在,先 知 雖 由 亦亦 放 陸 間 所 但 施 明 耐 此進 有 肆 殊 氏 其 於 斷 見 未 言 道 之學,然 餘 非 而 教 政 則 而 又 始 一,高 , 縝 爾, 心 盡 事 好 非 而 自 不 爲 至若 卓 立 强 廣 學 氣 議 明 免 是 無 密 以 體 然 亦 有 略 朱 異 見 象 不 不

按 宜 其 此 能 條 振 高 議 風 論 于 平 正 時 叮 驗 全 大 術 節 之 于 醇。 叔

東山趙氏對江右六君子策略東山名游,休寧人。

之要, 子渾 之所 以 如 明之資,當其 顔 周 回 是 成 . 子 子 若 其德焉。 然 之學 能 爲 陸先生之學 孟 則 而 天 盡 師 子 惕 獨 其 知 學乎 成、恐闊 才高 我 能 者。 至朱子之告張 者 德之門, 以 妙 其自 年 學 孟 0 然朱子之學實 與 顔 0 子 大 知 則 之 朱子 子之學者 爲 觀 難 固 超 也 無 其 師 依 不 然 明 可 不 尚 能 有 矣。 依 同, 敬 圃 論 且 得 無 據 夫 謂 古 有 也 異 盖 於 陸 出 取 人者,不 矣。 學 先 則 幼 周 有 孟 於 程 生 非 者 聞 氏 又 叔子, 程, 當 子 愚 立 以 以 伊 高 心 伯 亦 同 Ш 生 以 而

❶ 「惕」,原誤作「湯」,今據四庫本《新安文獻志》改

八六

3) - 44

之, 歟 弟謂 之。 先 極 辨, 分二, 極 柢 載 子之説 心 深 陸 生爲 也 由 先 察乎學者心 往 無 聽者爲之動 ,所 今觀 二太 然 以 生之在 周子「善惡 夫儒 聲 率由 復 夫以「中」 親 講 以 而 其 極上 謂 無 數 授 先 其 一君 生 者之學,莫嚴 有 舅 臭, 氣 四 於 白 生之言 無 子 誠 百 理 禀之偏。 程子,而 鹿,朱子 不 而 術之微 形 訓 喻 累 聖 剛柔之論」, 加 不愧 心 當 實 丽 於義 「極」者 千 뻬 無 流 更 造 有 深 萬言 於 不 形 汗,朱 加 化之樞 於義 理 切 一小人 請其 朱子釋之曰「上 惑 孟 뻬 孟. 明 故 子 無 者 欲 是 而 子「舜 故 白 其析之也 利 子 之 極」字 其 知 也 日 喻 不 言以 日 紐 之辨。 請 訓 致 太極之本 使 於 能 品品 太 陸 跖 無 其 矣 於二者之 人 利」一章 相 警後 極 先 彙 雞 移 極 羞 書 而 精 之 天之 書 本 然 悪 鳴 生 學 而 丽 學, 矣 體 周 之 争 兄 根 之 何 太 術 無 藏

知 者 覺 子將 終以 當淪 大 過 邃 墓 於周 然觀 易有 又 有 由 矣,而「中」非「太 賢 矣。」 以 己 焉 於 密 不容於不同者乎? 丽 ,深辨乎 斯矣。 銖 相 入井 哀 子 發之心 朱 於 太 深 不 則 至 銖 之書 高 極 與 合 子 也,宗廟 沉 其本 一哉言 之心 剖 寸寸爲 嘗 ,不當言 之説, 而 虚矣,而 疏 執 擊 謂 罷 而 體 目 庸 事之言曰: 也 悟 者 子 闊 則 已 而 而 有 終有 必差,則 其 静 極」所當 猶 其深 節 洞 欽 無 下 朱 則 未 未 不 之多 然 也,即 未 者 子 又 深 未 然而 發之心,則 知 者 是 知 有 賢 所 有 考者 合, 其所 有 矣 也 周 得 「二家之精微, 謂 孟 説 得 知 氣 簡 子 於 ; 於二 等者 焉 矣。 名之 介 子 論 甚異者 禀之性 立言 石 易支離之説 原 是 然 所 太極者之不 稱 其 毫 賢 殆 其 之 夫 鵝 謂 實 之妙 丈量者 所 者 分 要 湖 所 無 頃 人 也 指 縷 歸 乎 從 見 謂 之 則 抑 也 非 析 Ť 丽 無 亦 皆 孺 墟 其 有

所自言者,可乎? 晚學管窺,復何所容喙,無亦徵之於二先生

恭 則 力 則 力 思 勇 日 ,使子静見之,又當以 論 辰 也 朱 其 口 所 之 以 抑子朱子 更、陸 ,其言 微 知 贵 至 子 論 來 子 短 是 矣。 進 朱 教 言 足 集 却 德之 人之法 而 精 子之答 子 日 子 長 是 各 夫以二 後 義 義 静 道 序 有 庶 來 0 必 所 問 追 合 可 惟 項 · 德 盛 不 觀乎斯言 有 説 學 惟 邪 見 先 平 墮 契 專 以 上多了 曩昔 ? 矣。 甫 生之言 焉。 是 尊 爲 也 偏 孰 使 尊 德 如 陸 粗 其 也 德 性 其 而 何 先 所 則先生克 ___ 如 合 心浮 性 言 子 今當 謂 也 道 生之祭 此 觀 并 事 静 日 問 去 於莫 氣 乎 則 豈 反 短 學 而 此 既 己之 吕 身 集 徒 鵝 熹 爲 自 歲 言 往 湖 伯 用 長 致 用 平 子

則 顔 今朱子之書, 曾、思、 孟 以 至 家傳 於周 人 誦 程、 其 張 端 子 之所 緒 之 傳 明

他 持 者 非 人 自 以 出 者 不 思 也 退 口 不 而 子静 <u></u> 欲 任 守 在 集 異 求 足 徵 也 後 而 則 而 Ē 於 義 雜 雖 爲 乎人之致 放 以 達 知 也 是 其 蔽 小 學 是 其 言 斯 於 者異乎人之 哉 乎 口 爲 放 欲 者 於 故 之 知 其 心 脩 其 乎 略 己 身率學者 心 物 不 利 先 也 間 而 -]之學。」 I 齊 丽 獨 能 翼 0 不 行之士不 知 生 夫之密 治 若 陸 已矣。」又曰 心 貴 奪 知 非 然 則 平 之官 氏 日 也 自 求 集 嘗 先生 其 不 無 又 之 . 哀 得 義 闡 所 致 間 於天 學 日 則 則 此 荷 足 以 孟 非 知 也 哉 則 : 則 陸 思 自 他 子 以 此 夐 也 子 不 理 思 . 知 0 豈 先 洒 H 語 心 出 集義 耳 日 者 索 其 先 静 生 學問 有 掃 前 朱 之在 千 此 鮮 講 之學 所 自 待 立 平 不 子 古 也 應 習 加 之 之 以 乎 以 日 嘗 故 於 者 况 之 擴 官 所 其 道 愚 所 其 致 愚 F 皆 於 豈 毫 所 充 以 從 進 知 大 無 心 不 亦

致 過計者,盖有在也。 以異於常人。 端,於是專務考索者傅會繳繞,而 後學寡師,求之而未得其要,察焉 也。 心之何在。 簡之云乎 以聚之,問以辨之。」又曰:「精義 小子後生之至愚 用 然則 也。 其可以易而言乎,奈何前 利用安身,以崇德 此先生之高明,所 然後 致力持守者師 極暗者 知二先生之所爲 乎 ! 心自 也。」豈 \wedge 以 (易》)日 用, 終 爲 而 脩日遠 入神,以 深 不 不 徒 而 不 憂 ·見其 可 卒 知 日 及 無 本 易 而 學

覺得身 子去 按 恐未然。 二書皆在 子《與陸子 年,陸子有 此 短 篇 N'S 集 曲 頗 盖 長 盡二先生 書 書 相 時 之 朱 *, 项 收 説 子 所 稱 則 管 在 劾 謂 之。 兩 陸 道 唐 及 先生殊 德之 病 子 周 仲 而 没世 中 叔 友 虞 詳,獨 絶 謹 在 途 道 一之後, 學 淳 百 袁 胡 捐 歸 煕 考 季 謂 之 隨 朱 九 朱 則

不及與朱子合并者,殆未之深考也。好,當不出此數歲間。而謂陸子去世

ハハ

東山趙氏贊象山陸先生象

超然獨 儒者 按 費,不若東山 句 契本 此 而發, 亦 ----因 心,以 其 然 朱子 學 歷 似 此 俟聖 考先 謂 贊之約 禪,佛者曰 陸 人 IE 百 學 之 而 世 固 論 該 有 象 我 也。 似 Ш 法 禪 者 無 處 博 而

道一編卷終

● 「繳繞而終」,原漫漶不清,今據嘉靖本補。

易之方。凡紛紛者可無容議矣。 梓,廣其傳,與四方學者共焉。 此未之有聞,使非先生博約之至,攷以示 德性、道問學之説當交脩並進,爲造道不 人,何足以知之。 終之同,故不得已爲是編以合之。然前 夫子筆札,鈔釐 二夫子之學,人惟知其始之異,不復究其 右《道一編》,迺篁墩先生取朱、陸二 成 信敬閱之餘,遂命 帙 而 次 爲著説 俾知 也。 夫 尊 刻

李信識

則先生有功於斯道,豈爲少哉 能要其指歸者,兹始得白於先生之編, 嗚呼! 二夫子去今四百有餘 若泛然 年,無

跋

豈以人言之是非爲加損哉! 然大賢君子之道,在天下後世 不諦觀者或尚 持 於初説, 因 識 必有公論 其後。 雖

綴葺,無補世教,先生亦奚暇爲之。

竊恐

弘治庚戌冬十一月朔旦,門生祁閶

婺源汪道全繕寫

原無題,今補

八九



木

知記

「明」 羅欽順 劉美紅 校點 撰

	困知記四續 一〇八
	困知記續補 一一四
目録	答胡子中大尹書 一 一四
	與鍾筠谿亞卿書 一五
	與崔後渠亞卿書 一一六
校點説明 一	答蕭一誠秀才書 一一六
重校困知記序	太極述 一七
重刻困知記序	整菴存稿題辭 一 '九
困知記序(黄芳) 六	謝恩疏併部咨 一二〇
羅整菴先生困知記序 八	整菴履歷記
潮州府刻困知記序 〇	羅整菴自誌 一二二
困知記序 一一	書重刻困知記後 一二五
困知記卷上	讀困知記後語 '三六
困知記卷下······ 二六	困知記後序 一三八
困知記續卷上 四八	困知記外編 一四〇
困知記續卷下 八三	壽太宰整菴先生羅公七十序 一四○
困知記三續 九 六	賀整菴老先生八十壽序 一四一
目録	

答陳侍御國祥 一七五	答陳静齋都憲七一	答劉貳守焕吾 一六八	答歐陽少司成崇一 一六一	答黄筠谿亞卿 一五九	答允恕弟 一五七	與王陽明書 一五一	困知記附録 一五一	又文 一四九	祭太宰整菴羅文莊公文 一四八	先生畫像贊 一四八	吏部尚書贈太子太保謚文莊整菴羅	太子太保謚文莊羅公神道碑銘 一四五	明故吏部尚書致仕進階榮禄大夫贈	又序	又序		
							答林次崖第二書 一〇七	答林次崖僉憲 二〇五	再答林正郎貞孚 101	與林次崖憲愈 二〇〇	答湛甘泉大司馬 一九六	復南豐李經綸秀才 一九五	答林正郎貞孚 一八四	一 答陸黄門浚明 一八○	一 復張甬川少宰 一七八	一 答劉貳守焕吾····································	

校 點 説 明

學。 成 年, 宗 菴 監 四 羅 於 小成化 存稿》二十 司 九三)進 欽 五 辭 晚 ^ 業、 順 禮 四 困 困 年 元年(一 吏部 七), 字 知 部 知 的 士 允 記 尚 記 重 卷、《整 影即 書、 左 及 升 贈 **>** 要 九 侍郎、 第,授 太 四 (哲學 吏部 號 是 卷, 子太保。謚 六五), 其 整 卷 窮 著 菴, 南 明 尚 翰 續 -+ 作。 代 書 京吏部 林 稿 江 卒於世宗 之 著 》十三 編 西 餘年研 此 召 名 文莊。 修 一古州 外,羅 尚 理 致 後 書 學 仕居 泰 等 歷 嘉 磨 弘治六年(一 家 氏 和 體 職。 靖二十六年 任 羅 還 家 究之 南 著 潛 欽 京 生 嘉 有《 順 功 或 於 N 靖 撰 整 子 而 於 六

志於 變 爲 僵 儒 羅 化 欽 學 的 並 順 官 早嘗 以 學 衛 遊 流 道 N 於 爲 於佛,四 支 己 離 任。 E + 當 漸 是 歲 式 前 時 微 程 後, 而 朱 始 禪 理 既 學、 學 N 演 有

> 弊 衛 學 理 困 病 學 程 卻 知 進 蓬 的 朱 記 行了 理 勃 基 即 學 發 礎 深 羅 展 上 的 X 風 氏 IE 構 剖 衛 統 靡 建 析, 道 地 天 出 之 位 又 下。 T 作 對 羅 陸 既 欽 爲 套 王 抗 對 順 自 15 程 在 辯 己 學 朱 禪 批 的 學、 及 理 判 理 佛 學 繼 論 N' 氏 的 承 學, 系 禪 内 程 在 朱 學 捍

 \wedge

進

行了

不遺

餘

力

的

批

判。

範 氣 爲 知 理 質之性、道 下 二元分判格局, 物」、「 其 的 論 的 羅氏 的 錯 做 轉 促 在《困 命 誤 换 成 法 題 理只 消解 同 T 在 以 15 知 響 於「有 明 及王 是 時 與 T 記 甚 代 氣之 批 人心、 還 程 中, 理 抨 陽 評 見 朱 學 擊 理 理 明 羅 於 T 天理 的 3 釋 學 氏 陸 S 的 氣 佛 格 中 王「心 旗 與 氣 學. 無 氏 理 物 幟 人欲 本 轉 見 明明 爲 與 鮮 論 即 於 向 格 氣 明 等 S 性」。 思 理」、「 心 地 對 見性」之 重 想。 天 提 明 致 要 命 出 清 羅 良 知 間 之 在 T 學 氏 性 爲 此 知 題 説 術 的 致 即 理 F 與 脈 典 理 認 良 天 的 絡 氣

六卷。 根 其 據 中,《 羅 氏 困 最 知 後 記 ___ ř 個 自 下 刻 兩 本,《 卷 成 困 於 知 嘉 記 靖 ~ 七 全 年 稿 共

容。 又增 有 = 困 附 一續》、《 知 録 加 記 了 續》 卷,收 四 序 續》各 言、 兩 卷 續 X 分 補 與 别 人 卷,完成 後 論 完成於嘉 跋、 學 書 後 於嘉 信。 語 靖十 靖二十五 後 後 序、 世 年、十二 不 外 斷 編 年。 翻 等 年; 刻 另 内

收 備 是 明 七 本、萬 刻 所 淵 刻 萬 編 李 年 現 收 録 本 閣 本 鄭 存羅 楨 收 卷 刻 宗古刻 排 清 四 曆二十年 困 七 重 本 録 卷 數 最 庫 康 知 年 校 氏 上 擴 熈 齊 全 記 該 詳 下二 生 本、 本文字 記 增 四 整。 書》本、 本 略 該 前 至 流 + 李 隆 卷、 不 經 刻 九 傳 七 重 慶 楨 明 相 過 盡 本中 卷, 版 印 年 續二卷、三 重 四 差無 萬 咸 反 相 年 本 本 福 校 曆 萬 豐 復 同 較 甚 在 州《 <u>-</u> + 本 周 幾 曆 審 四 爲 多, 現 弘 刻 二 十 年 閲 完 明 E 存 本、 祖 年 吴 整 校 嘉 主 誼 續 各 年 刻 李 榮 要 訂 的 靖 堂 天 本 本、 楨 重 + 有 卷、 啓 祖 全 本 中 刻 重 即 子。 六 書 明 刻 = 萬 EN 附 校 時 本。 編 年 年 嘉 曆 精 刻 録 本 又 鄭 E 明 羅 七 靖 本、 良 刻 收 各 最 萬 宗 十 斑 年 卷 與 本 完 X 曆 本 文 古 仕 刻 六

曆

指 有 三年 録 本 擇 曆二十 完 正。 限 書 内 嘉 》本(簡 備 校 容 羅 靖 和 考 疏 + 互 慮 點 年 珽 齊 漏 稱 六年 到 重 整 提 爲 仕 訛 四 錯 印 供 補 刻 誤之處 此 庫本), 之 字 3 充。 鄭 本 次 宗古 異字 萬 大 簡 校 曆七年刻 量 在 孫 點 稱 這 刻 總 通 幫 所 以 幾 天 本(體 海 難 助 北 啓 個 較 免 甘 簡 特 京 版 本)、 本 少, 祥 稱 大 尚 此 本 爲 望 且 滿 學 致 較 嘉 底 文 等 所 讀 謝 具 靖 本。 置 淵 代 本)、 者 諸 書 收 閣 表 不 由 位 編 校 館 吝 性 於 先 四 明 藏 E 本 批 水 生 EL 庫 天 則 明 最 評 淮 爲 收 啓 全 選 萬 爲

校 點 者 劉 美 紅

後學慶陽李楨撰

以 夷 斯 耳 世 加 水 功 殫 ,帝王之道 目 躋 王 行 田 了, 上 制 雍 ,胥率性行之,以 地 古 不 和 作 皞 稇 易。 與 篡 悠 皇 氏 帝 蕩 而 以 久之盛,民 日 五. 氛 王 于 惠 道 霸 祲 並 是 夫 而 威 作 澌 聖賢 排 皇 之儔 而 滅 一,帝以 晷 治夫家國 帝 安 殆 一之道 墊 居 E 物 盡 鼎 然 道 之道 阜 建 稱 而 如 孔 天下。 乾 E 帝 日 孟 始 志 坤 行 本 法 假 王 醇 天 身 制 以 明 用 道 心 淪 魏 能 道 如

遠

無

怪

也

佛 説 法 慨 Ŧi. 傳 自 閎 達 輝 傳 磨 航 宗 盧 泛 舍 擘 以 那 南 來,直 之形 北 象 指 闡 人心, 釋 遍 厥 迦 見 + 金 千 河 性 世 秘 爲

> 界。 駕 者 往 于 不 流 馭 往 自 茸 捐 訌 俗 , 執 寧 軀 誕 讃 卹 儒 心 比 上 生 説 之場, 當 肩 民 以 則 是 烜 日 聖 俾 時 赫 談 炎 髡 道 訓 天下。 惑 所 之 頂 詁 吾 謂 火 弗 詞 道 身, 心, 著 苦身修行之士 章 本 弗 甘 而 之 真。 察, 壑 茶 儒 赴 毒 愈 彼 日 之返, 戕 離 禪 放 賊 愈 氏 心

作 彼 絡。 于 朗 明 是 隨 9 吻 純 則 而 爲 影 粹 叔 明覺 伯子 程 親 明 大 逐 子 炙 氏 波 從 學 覺 自然之真 楊 者 崛 術 而 自 中 起天 闡 然 又 亦 立 繹 何 畫 因 有 中 傳,適足 之, 以 一,先自 以 爲 , 尤 撥 發 應 孔 ? 翳 明 迹 孟 染 抑 以 之 E 潜 迦 洚。 齎 向 道 叔 毗 續 定 非 氏 羅 洙 劃 伯 慧 正 之 氣 家之 以 子 叔 泗 功 習, 氏 脉 清 昭

文元 緊自 迥 氏 唐 嚌色空之胾 宋 大 臣 蕭 而 瑀 啖 以 其 佛 精 爲 髓 聖 曉 人。 執 晁

重校困知記序

善 以 提 鼓 吾 嗟 横 明 之 如 决 云 甚 鞭 竅 E 何 膏 些 簧 嘗 門 行 求 之 乘 踐 宣 П 近 1 心 掉 各 禪 勝 粱 聽 圓 暢 士 機 履 咳 互. 詞 世 臂 此 既 不 之矣 覺 章 聞 氣 妙 絾 儒 唾 方 先 尚 勾 初 失 竊 義 節 陸 者 厭 乏蒙 法 儒 彼 而 攝 宗 口 創 本 高 子 之 彼 苦 飫 嗣 執 受 且. 論 開 畛 杲 色 E 自 静 調 養 紛 螟 且 爲 用 竇 且 行 其 畔 冥 實 秤 推 則 長 劑 宇 蝨 嫌 粗 綸 吾 在 内 世 頭 語 相 量 托 儒 育 無 佗 此 根 與 道 錯 學. 0 大 興 招 其 之 儷 正 圃 氣 煉 沓 擅 聖 狱 張 眇 致 飽 咀 身 功 委 考。 魔 其 置 無 大 德 H 秖 能 牽 啟 叹 身 徒 吾 戒 ∭ 之 賢 椎 下 垢 竊 引 脪 片 質 其 將 考 禪 皈 行 楊 鑿 歌 始 據 驥 滓 而 其 依 雄 儒 所 人 簡 彼 之 間 屢 灑 之, 豹 心 心 行 氏 心 鑿 猖 嗜 變 藐 多 情 且 乘 掃 文 彌 功 事 徉 其 美 真 赕 $\overline{}$ 彼 精 又 狀 中 大 利 也 巧 驕 質 説 元 苦 猶 漏 月 嗟 縱 调 無 無 立

> 泰 爲 不 糠 有 吕 真 秕 嬴 儒 物 孔 安 而 孟 明 凌 之 轢 正 潢 題 聞 牛 達 馬 睥 周 睨 程 人 之 世 派 嗟 六 經 嗟 束

____ 也 剖 多 寸 大 爲《 也 F 失 白 而 復。 傳 0 夫 鵠 閣 忘 几 H 似 困 獨 置 精 席 于 是 來 愚 無 知 學 之 俟 之 實 其 既 菴 故 沉 記 日 講 非 知 署 闇 羅 切 西 庶 爲 \sim 然自 既 道 近 允 • 用 吾 吾 躬 障 君 書。 升 道 道 甚 寡 殄 今 衛 狂 子 脩 氏 券 其 幸 有 厥 箕 之 瀾 涵 奮 矣 謝 力 世 儔 疾 裘之業。 允 于 濡 起 爲 暇 其 0 絶 將 升 道 南 門 嗟 之 愚 説 世 H 東 氏 術 徒 服 之 嗟 繙 之 表 爲 章 閱 此 勃 喜 古 咀 今 厥 以 恥 懼 新 校 勃 流 人 嚼 之 功 弦 自 靦 訂 布 害 奇 所 IE 豊 程 于 恐 得 顔 己 捷 謂 味 是 得 叔 者 的 不 角 久 也 徑 尺 精 厭 爲 筆 子 亦 而 П

萬曆貳拾年壬辰春正月上元日。

重刻困知記序

後學澄海唐伯元撰

故 也 即 衷,若有 理 太極 然 理 謂之易。 也 爲 出乎 故 無 一,在 其 道 降 0 私 要 天 曰「人心惟 中中 衷, 天 以 列 八爲命? 恒 謂之仁。 隂 以其 其 也 在脩身,其物則 性 天 而 調調 純 生 0 陽之謂 E 粹 實 在 之天 蒸民,不 矣,故 危,道 有 人心之必 以 人 以 是 爲 精,謂之至 其 理。 道 理,謂 性 至 日 心惟 叮 人有是心 極 在 中 允 有 易 以 而 典禮 之誠。 而 執 微一, 道 其 己。 不 善 己 其 心 循 口 故 矣。 「惟 中 即 即 衷 環 加 恒 以 又 者 無 性 皇 其 謂 有 以 是 敬 是 之 降 是 其 之 道 渾 中

> 之 學 于 敢自 則 間 之人 何 且 既 生,所 命 脩 敦 也 書 聖 用 往 切 皇皇乎 也 미 聖人必有事 庸 其 聖 9 切 中,若 ,共聞 人 則 願 曰一 謂 也 執 以「勿 載 可言者 命 古先聖人既皆 , 皆 ,懼其 吾 -中 其教 日 共 將 也 其 以 之 雖 聽 覩 墜失, 物 慎 在《詩》 盡 難 自 机,相與 然 中之難 焉 是 也 厥 性 也 有 以 勿 此 身 也 而 mj 故 1 在 有 *\ \!\ 脩 盡 共 庸」爲戒。 終 無稽之言、弗詢之謀 也 執 以 動 何 性 __ 書 執 不 何 也。 此 作 聖人 一之學 此 \forall 敢 也 而 遞 威 受 使 中。 以 ? 相 稽衆舍己, 儀 之心 也 天 凡 語 之則, 鳴 傳 微 慎 生于 地 乎人, 베 呼! 授, 乎其言 凛 盡 聖 之 徽 性 乎 迨 中 人 中 以 筆 之 不 是 好 猶 其 定 或 以 日

人以 樂》之訓 F 周 衰學廢 則不 猶 道 恐 前 孔 未 頻 孟 足 頻于《 憂之。 以 防 詩 好 性 **>**,</br> 異 命之旨, 者之趨 《書》、《 禮 非 也 中

身以 爲 若 所記 方,于 則 使 以 于 不 加 本」; 是 人 是 肖莫之敢 知 又 規 爲 揭 巧 本 竢 乎 及曾、 乎 是 立 之 之 其 加 示 方 平 E 日 嚴 又 以 命 則 思、孟 迪 自 養 之 違 日 IIII 焉 此 以 必 大 馬, 至 之之法 日 約 謂 天 爲之之序 以 之書 也 子 知 所 匠 故 矩。 矣 至 本 以 不 日 然 特詳 庶 規)/ 爲 于 能 又 人, 壹是 拙 矩 是 命 恐 與 設 其 使 平 I 不 殀壽 改 見 知 廣 得 嗚 規 加 皆 廢 于 爲 以 其 智 呼 矩 不 以 繩 推 員 要 魯 貮 愚 不 之之 脩 墨 則 也 論 脩 學 能 賢 身 必

諸 子 寖 規 韓 以以 失 解 矩 得 其 之 以 秦 接 雖 漢 説 真 翼 未 于 以 具 其 孟 必 考 後 在 緒 氏。 亭氏 世 周 ∭ 其 其 教 盡 出 程 教 絶 所 合聖人,獨 得 始 易 爲 而 以 收 明 訓 大 拾 續 也 學 其 如 遗 乖 格 微 書 程 其 物、 然 心 表 則 高 而 性 戒 章 以 弟 董 之 慎 程 其

> 詳 辩 功 于 平 則 吾 其 詭 言 道 于 偉 使 經 矣 的 者 的 其 乎 少 0 口 循 至 于 m 據 從 則 規 考 矩 亭 氏 尤 必

書 皆 聖. 也 傳 弄 聽 而 呼 也 者 精 不 耶 -古 其 **>** 語 非 已 神 ? ~ 世 果孰 先 要 屏 之儒 詩》、 可 聖人之所 滅 夫 [[]] 口 幸 Ť 目 知 爲 性 聞 求 者 ൬ 也, 矣。 ൬ 真 本 書 見 而 其 9 傳 乃 文 **>** 説 知 毁覆 誠 皇 以 之 命 障 蹴 日 未 也 其 皇 耶 求 也 可 果 19. 禮 規 于 心 切 其 ___ 爲 行 今 學 教 即 矩 切 所 也 耳 果 也 在 者 聞 性 岩 淪 謂 0 何 必 也 見 則 也 不 其 心 X 稽之言 引,「心 去 其 誠 外 能 流 夷 當者 而 要 也 自 失 狄 不 矣 禽 至 奇 詩 未 即 而 于 遠 潤 É 不 今 鳴 聖 口

道 鳴 呼 規 夫 心 矩 此 荷 性 整 存 不 菴 明 先 雖 生之《 難 若 語 爲 要, 稍 木 迁 知 IIII , 記 其 而 》所 失 其 終不 以 流 不 乃 遠 口门 禍

觀之、規矩之遺意存焉、即程朱復起、吾 又增 承郡 刻 其不能已于傳矣。 論先生之所至,吾以待後之君子也。 無于今日也。《記》凡五續,乃先生所手編, 而傳者,吳、越、楚、廣之間皆有之。 若曰讀其書不知其人,可乎? 伯姑蘇張公之命,刻付家藏。 卷,盖欲備先生言行之概, 以 輙 嗚呼 而今 合而 妄意 示 知 後 Ī

萬曆七年己卯歲夏六月之吉。

困知記序

事 貫 以 物 聖 所 中 無 日 誠 者 間 也 貫之。」一 道 自 同 聖人之道 而 得 天, 明 其 盖 理 木 以 明二二字盡之矣。 者 之妙 心 融 知 非 天之道 聖 也 體 記 在 者,誠 盡 也 人之事 中 天下 用 **>** 性 四 述 · 至 者 道自 時 卷, 者 之物 之本 聖 , 不 而 精 何 人 泰 聖人 人, 能 出 而 體 ? 故 形 和 之,不 固 無 孔子 之 爲 至 能 衛 羅 卒 而 不 整 準 爾 之乎? 大 道 舉 當 遽 假 日 苸 菴 而 也 其 思 丽 聖 夫 先 天 無 大要, 無 惟 吾 聖 生 不 而 何 漸 日 從 之 道 混 包 物 道 述 否 能 ; 則 容 我 於 其 而 ?

之 悟 得 非 反。 以 守 間 是 致 矣。 而 明 藝之教 T 加 者 務 爲 有 因 釋 者 其 失 則 夫 隙 極 及 守之 貫 次 也 之 靈 明 乎 氏 似 其 盖 入大 固 覺 非 盖 第 明 際 以 事 則 吾 所 不 不 謂 之 誠 自 亦 心 也 理 養 以 與 道 足 特 學 體 舍 未 致 //\ 見 之 培 堯 之 而 學,孝 用 不 其 有 以 性 俗 詳 養 進 舜 誠 則 舍 處 自 本 之説 學 之 此 假 以 又 以 以 謬 誠 善 原 IIII 出 以 誠 弟 來 間 因 明 能 盡 戾 其 侕 謹 誠 充 達, 精 學 其 凌 而 猖 成 立 馳 信 IE. 之 口 而 所 而 以 己 空 而 狂 鶩 雖 耳 不 其 用 能 明 漸 使 徒 駕 成 若 自 平 詩 體 足 中 瞭 之 丽 開 恃 虚 固 外 物 恣 之 以 固 然 益 廣 發 意 事 之 無 茫 曠 説 之 似 成 於 亦 懋 其 書 智 功 足 是 然 乎 非 天 幾 德 以 正 原 聰 以 稱 焉 下 遠 相 無 微 而 專 無 格 明 爲

兵

先

生

慨

然

以

衛

道

爲

己

任

·, 爰

述

是

探討 顧 私 動 有 之妙用,言之皆 編 斥 心 之士 功矣! 罔 乃 佛 性 根 因 不 氏 以 之辨,聖學之旨要,治道 據 善。 似 未 發其 往 亂 間 有若 言, 夫吾儒之道, 真 能 彼釋氏者 所 党员不 善 是 意皆 以 ī 親切 厥 其 不 用 明且 悲哉 同 獨 有 1,學之 者, 之故 得。 味。 體 悉 亦 者,衛 用 吾 而 於 而 皆實,學 道 自 之 成 凡 於 特 唐 禪 機 之緒餘 理 道 以 栝 學 氣之微 枯 於 *, 神化 來, 成 是 槁 也 自 乎 則 排 極

既自 不 顧 家 至 自揣 寡 一, 故 居泊然,鋭意營道,老而 爲 哂 先 心體 深 ,僭爲 序, 生字允升,整菴其 慚 謂 融 之解 蠡 徹 芳 測 而 嘗 群言莫能 備 展 屬 玩 員 彌 别 日 不倦 寓 號。 掩 9 書 粗 也 若 委 官 盖涵 《記》成 綴 有 至 契,爰 簡 冢 養純 末。 宰,

嘉靖癸巳秋八月壬申賜進士出身嘉議

羅整菴先生困知記序

之嶺 記 著 書 南 T 明 卷,乃合而 道 菴 忽遷官 羅 予 先 生 往 去 既 得 序之。 未及 辭 其 ^ 吏 困 叙 部 日 知 之命 也 記 0 纵 若 家 又 F 居 得 卷 杜 其 門 刻

君 此 先 侕 知 先行 之艱 子 爲 識 故 評 自 則 世 其 見言 行之 品 古 之論 爲 言 之 聖 智 論 高 賢之言學也, 而 識 惟 次 下 物 後 文 之。 艱 從 者 辭 。二子 智 之。 故 是 識 亦 尚 傅 貢 文 惟 聖 説 問 咸 辭 即 而 賢 告 以 君 弗 其 行 之 高 躬 子 與 行 實 宗 重 0 行 焉 履 不 行 E 子 之 實 論 今世 優 也 日 踐 劣 如 非 爲

焉 世 也 焉 行 道 幾 談 肆 不 故 有 所 即 己 之下, 有 ? 屑 者 ? 其 預 杜 居 不 聽 鳳 哉 孟 所 門 其 官 子 解 爲 如 翔 口 噫,當今人物,舍先 日 居 發 言 觀 惟 者 子 家人子弟, 干 使本 謂 家 得 爲 如 明, 我 以 先 憂 若 日 曰 仞 躬 又 幾 聲 精 著 世 孔 生 . 伊 之 朝 乃 行 如 X 金 利 書 孟 自 君 若 史 意 此 周 哉 身 君 冉 美 束 明 子 册 守 我 發身 距 子 有之,故言 -牛 玉 縛 道 未 孔 雖 其 詖 燁 矣。 且 孔 不 爲 是《記 孟 然 觀 家 人 詞 閔 放 孟 嘗 孟 事 能 生 子 其 淫 法 無 有 林 不 視 復 子 去, 吾 光 周 之 辭 欽 得 以 於 本 出 夫 其志盖 所 是三 之 顔 欽 分 如 至 誰 辭 吏 疵 賢 世 程 考 言 之 先 淵 與 部 親 萬 一之高 不 其 致 歸 張 外 座 生 及 善 步 切 肖 咸 鍾 尤拳 實 一,其行 歎 節 退 言 於 而 朱 論 何 何 則 德 举 斯 敢 無 有 得 要 鱪 如 真 百 调 市

味。」若先生者,不謂善言乎!

九

潮州府刻困知記序

之好 出自 不忍 中 漫 未 耶 釋,坐卧 有 再 有 京 ? 聞 去 閲 師 取 安安 多談 置之不 殊 能 必 道之書 不 别 觀 復記 自 諸 出 知 書 則 其 優 憶 子 、携之。 劣 所 何 心 同 得 晚 · 贵 異? 得 凡 予俗: 此 + 所 編 餘 乃於 謂 吏也, 手之 種, 秉 其 彛 然

袖 劉 已十 子 中 以 翁 年 及 書未發 授予 來 矣,必 同 潮 邑 0 適 姻 即 有 予得之,不啻 黨 潮 欲 續記, 之貳 也。 板行之。 守 將 因 遣 晴 詢 拱壁,讀 其 川 人 又思翁 書 劉 致 子 書 劉 來 翁 之 此 子 蒞 數 所 編 出 諸 求 出 H

夜、遂併刻之以傳。

意 翁 呼 既 下之士同予之好者當 且 群 異 0 門 侮 遠 説 聖賢之迭出 1 乃 之以文其説, , 士有異學無 鳴 丽 不有君子,其 質 興,然隨 呼 諸 ? 也。 代 興 刻 而 而 足 成書 又 何 今去周、程、張、朱數 輙 E 奚 怪 能 亦 息者 學出 者。雖 谱 此, 息 不 糟 ? 少,其 用 以以 於 粕 經 是 述予 之而 有孔 傳 編 尚 既 炳 刻 代 相 孟 炳 布 行 與 而 而 及 私 天 彼 子 嗚 下 下

嘉靖十六年春三月一日知潮州府事晚

生鄭宗古序。

困知記序

於鑚 踰 庶 夫 志 句,不過 難 於道 時 幾 研 得 無 余才微 又疑 體究之功,亦 專 負 ,雖已晚 爲 此 利 丽 0 生。 圃 未定 禄 間 質 謀 然 嘗 魯、志 圃 爾 官守 若 自謂 可謂 如 有 此 復 年 拘牽, 所見矣, 荷 盡 者 幾 凡 能 盖二 心焉 近 四 加之多 ? 早嘗 粗 + 耳 + 既 見 始 矣。 大意 餘 旬 從 慨 病 年 月 然 事 其 或或 亦 有 章

萬 而 者 象 無 何 ? 餘 紛 近 年以 紜 盖 惟 而 此 其 來, 不 理 無 亂 之 乃爲 餘 在 是 自 有 心 末 以 以 目 圃 至 間 自 歸 約 信。 乃 由 本 本 所以 知 而之末, 真 聖經所 自信 湛 寂

> 之理得 誠 心 謂 V 道 「道 心 醻 心 之 酢 惟 辨 微 固 明 當 者 沛 然 然, 後 其 大 本 是之謂 本 體 可 誠 得 如 易 是 而 簡 立 也 而 0 天 大 故 下 本 人

復斯 求其 體 百 然、《書》不云乎、「非 講之,不有益 文 言,多或數百 有常談 有 有 也 異 稍 言 所 Ŧi. 適 同 山 未至。 俗 之論 十六章,名以 積 林暮 ,愧懼交 有 久 語 所 成 何 景, 亦 言。 尋繹 於彼,未必無 帙 司 集。 不 由 獨 ,置之座 志之士有 復 輙 既 究 學 《記》分爲 知 刊 無 極 無 木 之艱 書 削 其 倫 朋 知 盖 而 歸 間 序,且乏文采,間 過 記之,少或數 行 雖 益 著其 趣 , 時 初非有意於爲 我 上下 自 平 於 之惟 者 信 實 ? 我 披閲 兩卷 則 爾 製」 也。 則 每 爾 出 遇 通 雖 以 m 病 非

南 泰 嘉 靖 和 羅 七年 欽 歲 順 次 序。 戊 子 + 有 月己]亥朔 日

困知記卷上

凡八十一章

離 智根於 不違 神明 明言之也,孟子則明言之矣。 曰:「從心所 心之所有謂 而 曰:「人心 仁。」 孔子教人,莫非存 實不容相 性者,人之生 心。 孟 此 欲 之性 子 心 惟 不 混 **>** 一,不 性 曰: 踰 危,道 理。 矩。」 之辨也。 精之又精,乃見其真。 口 □「君子 心養性 混 心 又曰 理之所 mj 惟 所 爲 微。」《 之事 夫 . 性 也。 「其心三月 在 心 者 一, 仁 者 謂之心, 初 然未 論 一人之 不 義 \sim 相 禮 虞

> 者矣。 其或認心以爲性,真所謂差毫釐而謬千里

若徒 志 將 變者情 神,其孰能與於 物。 在 極 然不動,感而遂通天 其變,遂成天地之文;極其數,遂定天 人 深 ,成天下之務,有 極其深,研其幾,以無失乎性情之正 能 有見乎至神者,遂以 也,容有二乎? 而 非天下之至變,其 《繋辭傳》曰 非天下之至精 研 極 也,至神者心也。 幾 而 也。」易道 幾 此? 之不 :是理: 其 無有遠近幽深,遂 下之故。 能 夫《易》,聖人之所 是 則 、孰能 孰 哉 研 故 然, 爲 所貴乎存 能 至 道 顧 與 與 即 在是 精 欲 天 於 非天下之至 於此? 者 通 此? 道 性 矣,而 心者,固 天 也 也 下之 一家 下 知 也。 以 Ż 其 通 來 至

■「孟子」,原誤作「乃子」,今據嘉靖本、四庫本改。

用 故 不 可 道 測 心 故 寂 危 心 然 不 感 動 而 者 遂 也 通 至 者 精 也 之 至 體 變 不 之 口

中 其 制 兩 幾 言 動 之者 道 則 也 從心所 吉 心 惟 動 動 性 欲 __ 静 也 而 不 迷 之分 踰 所 復 人 以 矩 則 心 體 存 X 也 用 情 其 0 之 聖 也。 誠 惟 别 神之能 也 精 也 心 介允 所 凡 事 也 以 静 執 也 厥 審 以 而

覺 有 也; 欲 盡 性 性 見 其 離 精 於 相 即 諸 釋 既 微 心 似 氏 得 相 相 純 之 而 即 無 而 則 實 見 明 空 求 空 不 性 心 其 於 相 而 之真 同 性 所 見 洞 契 謂 性 徹 其 盖 故 也 空 所 與 神 虚 其 空 謂 吾 用 釋 靈 爲 即 覺 儒 無 教 氏 知 虚 之學 覺 之 方 即 始 也 知 盡 心 神 則 覺 大 欲 之 即 既 心 也 抵 靈 則 妙 知

者。

然此

三者皆心

之妙,

而

豈

性

之

謂

哉

也

凡

釋

氏

之言

性

窮

其

本

末

要

不

出

此

徒 駕 道 隂 攻 衷」 倫 使 其 一,曾 異 合, 滅 其 誰 亦 端端 説 據 絶 則 貌 庶 不 所 信之? 闢 以 天 瓿 乎 知 見 邪 理 誤 心 其 其 之 其 説 從 天下後 終 可 及, 識 孔 貽 身尚 以 復 氏 矣。 禍 熒 世 能 之家 之 有 惑 一之人。 向 酷 顧 尋 多 可 上 法 自 不 土 尋之, 也 以 號 到 勝 至 爲 處 道 於 爲 或 乃 無 孔 廢 乃 帝 氏 陽 棄 敢 E 降 之 夫 遂 妙 之 離 人

得 誠 遠 該 則 我 物 乎? 之本 見 其 猶 爾 惟 故 分 盈 人 皆 其 其 也 不 也 天 故《大學》之教,必 小 蔽 備 乾 地 能 於 於 道 其 而 然 之 不 我 遺 有 變 理 間 則 殊。 其 我 化, 容 知 者 之私 夫人 大。 有 有 分 各 惟 一哉 未 殊,故 正 萬 凡 · 是 心 至 其 性 物 虚 ? 以 始 命 欲 所 靈 明 各 人 於 然 意 遺 之體 於 古 私 格 形 之 所 萬 近 其 物 猶 暗 質 誠 本 身 而 物 既 物 所 皆 其 暗 無 中 也 以 理 於 口 不 不

之耶 矣。 以之言聖人之道 發育萬 凡 白 盡 但 開 相 三千」,莫非 中庸 備於 本 二之辨 ? 之意,尤 得 格 發 其 威 庸》言 ? 末 至於「發育 天 明 蔽 儀 $\stackrel{\smile}{\sim}$ 徒 物 道 我 也 下之 於此 莫非 三千。 自 出出 鳶 峻 其 者, 而 明之故 爲 誣 形 言 格 精 極 大 物 Ä 耳。 深 魚 有 物 譬 物 待其 萬 事 于 切。 哉 思 爲 則 不 躍 之 也 如 死 物, 何 天。 H. 而 疑, 一於此 미 訓 千 可 聖 聖 人 耶 之旨,《 如《 加 有 以 生之説,鬼神之情狀 得 蹊 人之道, 人 ? 自是造 加 優 是遗 今之學者,動 得 如 推 論 萬 而 之 後 精 優 程 馬,天 其 類 語 徑 盡 道 大 思 常 行。」夫「三百 孟 子 * 人又若 圃 1 哉 通 化之功 皆 九 而 固 子》「犬牛 Щ 通 人 乎 條 有 日 口 於是乎 洋 其 上」之歎 物 ? 往 得 以 實 何 禮 洋 以 餘 我 用 適 用 而 儀 乎 又 不 往 或 内 在 如 其 爲 則 能 而 互

> 皆當 者 果 性 以 外 貫 之 之 物 而 也 耶 無 ? 遺 矣。 然 則 所 謂 萬

> > 物

深救其 之私 者物 於 萬,初 者 終不 有 是 往往 理,不 理,不復置思,故常陷 求之情 物 見 誠 表章《大學》之書,發明 有是言矣。 馬 可與 亦 我 溺 匪 口 固 格 鮮 失 兼 於明心 推 不 是 安 無 性 物莫若察之於身 照,内 矣。 加 入堯舜之道。 之 故 排 察 分 固 納 於 之力 察 於 見 0 夫此 之於大 切 至其答門人之問 物 之 鳥 外 性 盖 於 熠 而 於 3 俱 之説 方 理之 身,然 會 不 身 草 融 於 是 中。 萬 通 木 彼 時 宜 在 ____ 八其 格 而 偏,蔽 非 其 ,禪學盛 即 莫 良 程 天 此 歸 物 草一 於天 至 得之尤 先 下, 有 交 I 之旨,欲令學 切有憂之, 理 見焉,反之 於性 苦 盡 於 豈 木 則 也。 由一以 地 · 正 心, 己, 行 亦 容 萬 切 又 察之 牽 知 所 以 皆 物 學 之 之 於 加 者 即 以 有 爲 程

然其 於 致 之 心 何 .妙,了 不可 而 不 亂, 合, 無 此 斯 彼 非 此 爲 至 之殊, 格 理 致 也 之極 而 必 其 分之 功。 灼 然 然 殊 有 非 者 見 真 自 乎 森 積

力

久

以

及

等 此 在 地 氏 狀 知 以 其 獄 識 爲 未 爲 Ш 之緒 出出 耶? 見 有 報 河 明 性 應 大 物 論 之故 是 格 ? 地 佛氏 以 爲 知 隂 其 世 , 幻 至 售 之幸,吾聖門之不幸 知 顧 而 死 其 之 以 有 不 生之 所 明 生 尊 能 未 死 心之説 用 通 説 徹 爲 乎 格 者 輪 此 者 此 亦 迴, 鬼 者 物一、「 多矣, 是 以 神 也 也 成 天 之 安 致 堂 何 佛 情

謂 夫問 循 博 學 此 理 學之 簡 得 五. 此 審 者 者 理 問 煩,而 誠 以 乃 哉 至易, 進,所 成 慎 德 欲徑 思 大 之 誠 抵 以 明 事 達 至 求 好高 辨 簡 於易簡 至 若 篤 於 欲 夫學者之 然「易簡 行 易 速,學者之通 之 簡 廢 域,是 也 丽 不可 事 贵 苟 天 所 厭 則 下

> 欲 患。 斯道之害甚 ,人之靡 爲 此 説 然從 矣, 者 之, 口 適 懼 無 有 也 怪 以 夫 乎 投 其 其 然 所 也 好 中 其 其 爲 所

不然? 物 意,盖 平. 愚 因 類 下」之類; 至三字,其意 格於上下」,曰 格」之「格」, 按 文生義,惟其 渾 然 工 格物」之「格 格」字,古 通 夫 「格物」之「格」, 徹 致 至 或 無間 到 訓 味 雖 又以 「通 當 註 尤 爲 合字 則 而 或 亦 爲 徹 通 爲 IE 己 訓 明 亦 徹 E 至 矣。 程皆 白 通 爲 不 IE 下 無 如 必 字 徹 間 是 而 加 至一, 昌 「格 以「至」 用 深 之義 無間 通 東 物 極 長。 其 徹 萊 如「 即 圃 非 釋 字 無 我 然 其 試 格 無 間 訓 心之 天 孰 比 間 以 我 于 之 Ė 壽 即 之 訓

而 何 已 物 也 自 夫子 氣本 哉 贊《 也, 盖 易》, 通 天 而 地,亘 始 動一静,一往 以 窮 古今, 理 爲 言 無 非 理 氣

之生 歷 精 以 萬 之 之器」,「立天之道 在 也。 易 初 亂 成 著 本 形 乃 敗 殊 總 非 闔 有莫 叔 由 類 得 迹 也 兩 或者 也 名 長 别 求 子 著 也 儀 失。 收 求 有 闢 辭 因 有 所 與 知 復 斯 藏 因 哉 朱 \geq 以 其 而 微 兀 固 千條 八爲斯 云「易 物, 形 歸 推 易 子 物主宰乎其間 象、 所 升 自 爲 于 其 而 有 似 以 斯 然 依 萬 八卦之總 兀 至 生 L 民 有 太 乎 義 然 之機,不宰之宰, 於 降, 緒 時 者 隂 之 生之序 極」 太 小 뻬 也 氣 之 與 謂 日 循 極 紛 有 一,惟 然, 斯 而 陽,立 之道 温 用 環 紜 未 言, 口 立 名, 是 明 者, 凉 程 粉 合。 明 膠 矣。 無 形 即 寒 伯 倫 附 轕 乃 地 萬 太 是 己。 暑 所 爲 子 今其 之道 本 程 於 殊 極 不 疑 IIII 而 謂 言 夫 之 伯 之 則 氣 卒 積 然 下 隂 爲 人 理 之 散 者 衆 不 事 説 豈 原 子 陽 以 微 萬 也 柔 最 具 爲 於 夫 之 行 之 理 可 可 物 而

知 直 類 有二 詳 者 也 以 試 與 觀之,自 叔 道 <u>云</u> 兀 理 竟 截 陽 頗 隂 來 也 剛 「所以」二字, 子 以 與 數 一若 以 多。 所 物之嫌。 只 · 前 陽 小 此 ,立人之道 氣 深 往 語 謂 言 何者爲定 者 此 有 無 見渾 來 决是二物。」又云: 有 惟 是道 朱子小有 道 未 潛 乃 此 合於 不 道 合 0 玩 從 息 氣 答 然之妙, 者 以伯子元 者 又云: 精 固指 而 日 程 要在 柯 論 即 則 思, 惟 申 劉 伯子之言,然 或 也 是 此 未合者 此 言言 之 與 元 人 道 材 久 似 理 語 形 義 日 所 承 久 默 之全 $\Rightarrow =$ 不 如 截 來 而 記 以 自 須 圃 「氣 何 得 書 只 上 盖 其 闔 當 隂 體 識 更 頓 者 上下 有 此是道」之 語 其言 着 闢 陽 之 强 有 隂 不 放 「然未 云 有 此 者 理 見 也 所 亦 多 ? 最 10 語 弱 有 道 Z 形 陽 見,不 以一字 分 心又 似 免 學 最 之謂 云: 所 而 隂 此 微 者 爲 竊 所 謂 下

於此 朱子 私 誠 不勝 舊習。 此 指 就 誠 者 此,今漸能 生 淑 者。」又云:「此 其 明 裹 有 幾 而 心悦 之徒 妙 差誤 其 漸 兩 人 麗 + 面 師 朱 元 熟 多 道 進 體 澤之益 延 事 年。 子 累 平既 而 端 之處 车 認 之, 晦 著 則 融 無 百千 誠 觀 及年二十有 的 初 體 述 釋 餘 於是大悟禪 卒,又 今既 者也 其 服之,是豈 五 從 亦 於於 用 藴 六,即 人,未 自 論 其 子 謙 合 富 日 論 又 中 與 見羅 矣。」 別無 開善 得南 延平 用 難,見 南 可 和 當 必 有志於道, 處 最 見 先 軒 皆 觀 他 四, 處 時 軒張子而定交馬 可 學之非 - 営與 其 後 往 生 事,一 下 在 乎 從 一意下 儒 始得 以聲音笑貌 所 復 來 工夫 今人之下 游 此 者 其友羅 未 書,發 造之深 論 路 之 味 I 求之 延 而 士 來,故 辨, 脉 夫。 潜 見 平 叫 盡 後 明 書 博文 以 有 釋 心 李 極 棄 也 爲 然 世 尺 皆 見 於 如 先 能 其 氏

> **訾**,徒 哉 讀 陸 1 象 自 今之學者, Щ 見 遺 其 書 陃 數 也 概 已 過 未嘗 矣 輙 於於 隨 深考其 朱 聲 子 逐 乎 本 何 末 横 傷 加 但 詆 粗

之無 嘗 力未 學者 於伯子之説,了無 之者 爲 矣。 程、朱之學可謂至矣,然其 近 以自珎,反從 於上面 徧 至 時 取 然考其 窮 衰 莫 也。 也 以 自昔· 程、朱 尚 於於 道 得 謙 猶 何 夫 學 有 開 傳 心 覬 隔 鳴者。 以 志 善 勤 所 授 之 容 有 而 明之? 得, 當 或或 於 書 議 有 少進 膜」之歎 道學者,罔不尊信 生以 所疑。 乃 則 其後 是 所 潜 以 程 高 未 爾。」朱子年垂七十, 泰 爲 玩 求 僧,然 程 慊 不不 然自 、朱早嘗學焉 請 精思 盖 道 叔 叔 者 心 亦 子 則 處 誠 乃 未 則 誤 非 與 反 於 拾 有 及 謙 固 耶 、朱子 程、朱 覆 考。 見 未 ? 先 傳》已成 辭 不 乎義 自 賢 嘗自以 程、朱, 也 mi 論 置 雖 量精 所 竟 惟 理 有 棄 愚 棄

答問 所 猶 敢忽也 ,非篤於尊信者不能,此 口 隔 疑 膜 不 獨 者 多 未 乎 見 往 ? 其 往 夫 定 窮 因 深 於 其言 愚 極 所 微 爾 以 面 兩 豈 盡 求 端 其 其 心 焉 所 所 未 而

不

命之謂 其言益多 謂 加 始 成之者 至 民,若有恒 性善。」 而 湯 之知, 詳 又曰 ¨, 曰 下, 始明言之曰 舜 性 性,率性之 之四言 經之中言 凡古聖賢之言性 初 白 ,其合於聖賢者殊寡,卒未有能定 也 無 性 姓 性相 克克 灼 隂 日 仁者見之謂之仁,知者見之 未 然之見,類皆想像 用 綏 心 嘗 近。」子思述之, 謂道。」 :「惟皇 陽之謂道,繼之者善也 加 自帝 厥猷 及 不 性, 知,故君子之 舜始 一不過 孟 惟 上帝 性 子祖 后。」孔子言之 固 了; 言性· 如 在 之, 則日 降 此 以 其 衷于下 則 自 爲言 中 天天 道 自告 成 日 鮮 湯

故上 也。 以 於吾言矣。 之一,常在分殊之中。 分則殊。其分之殊,莫非 物之生,受氣之初,其 假於牽合安排, 之,沉潛以體之,積以 於一者。 也 今不絶於天下,亦奚怪 孟 而 一分殊」四字,簡而 洞見其本末者。 ,驗之人情,其說 兩名,雖曰二之則 孰爲 智與下 語 學者之惑,終莫之 其 天命之性 及宋、程、張、 一,故 愚不 人皆 自 移。 孰 確 竊以 盡 於是 미 乎 滅年, 理 一, 約 聖人 不是,而一之又未 爲 朱子 以 哉 解, 此所 其 性 惟 乎大備矣。 氣 爲 而 自 不 命之妙,無 復起,其 質 則紛紛之論 出 堯 無所不通 以 ,成形之後,其 然之理;其 可易也 愚嘗寤 旦恍 之性 舜 爲 始 性命之妙 别 語 然 必 然 寐 參 白 其 出 盖 似 之 初 以 脯 取 能 求 性 理 有

所謂 TI 約而 無所不通」 者,請 以 從古以

通 罅 在 則 固 分之殊 間 天命之謂 思、孟以言性 分之殊 者」、「百 而 也 來 天命」對言, 天命之謂 氣質 分之 其言 · 而 縫 已就 凡 物 矣。 言 所謂「天下無性外之物」,豈 成之者性」, 未及乎 之 殊 克綏 也 也。 氣 也 性 姓」也、「 乎? 中。 惟 質 者 乃 性, 者 而 此别 厥猷 以 而 誠 語終 ,既專主乎 日 明 其言 分殊。 言 理 夫 亦 有説 理 之。 之矣, 既 盡 性 之一也 未 相 理 氣 在 未 則 分 之。 以「墮」言, 圃 後。 瑩。 質之 近 若 「有 之一也; 及乎 殊 分之殊 兩 日「氣質之性 理,復 蔽之, 但 名,且 也者,分之殊 有 性 ; 朱子 性 性 理 善有 「率性之謂 善 恒 即 者 天 0 推 性 自 」,理之一也 二仁 尤恐人之 理 太 以「氣質」 隱 氣質之説 <u>-</u> 不 命之性 無 性不 氣 極 然寓 一者」、「 程、張 ・宣其 理 往 不 全 善善 容 體 性 之 道, 丽 乎 也 然 視 非 本 無 嶞 與 知 其 不

乎?

八

好 馬 分也 地之中 然静 明。 謂之惡 即 謂 性 怒哀樂之發,未 夫「未發之中 人 則一 曰:「人生 人之所惡,惡人之所好 ,或不及焉 也,不 之欲 無 之中; 所貴 無形 失 至 動 也。 節也者, 以 也。」《 理 乎 於 則 發 之 乎 而 生」者, 天 丽 動 萬 必反之,然後 動 加 源 命 窮 中 静,天之性 有 静 皆 殊 猶 不 理者, 必皆 之 理 即一帝 庸》 在 象,有象者易 求 中 有 夫 本 一之在 出 之, 節 曰:「喜怒哀 所 安 中 然 天 乎 E 9 謂 降 乎 有 將 在 謂 動 欲 之 何 也。 善 爲惡。 節 不 分 也。 何 之 人 静 明 衷」, 者 善 善哉 殊 此 從 和 兩 其 感於 識 存 如 中 所 也 ጠ 端 善惡之所 之! 焉,未 所 即 樂之未 也。 反之云者, 以善惡之 此 有 無 加 難 物 見 理 惟 所 形 Ľ, 樂 中 明 而 之在 口 或 是 受 者 哉 節 爾 動 调 難

也。 謂 反 相 去 加 萬 不明乎 或 中 殊 之本 相 而 倍 此 何 蓰 體 ? ൬ 固 或 然 日 自 相 欲 我知性」,非 若 + 動 白 也 情 勝 或 初 相 未 雖 1 妄歟 始 或 萬 須 流 臾 弦 而 離 忘 不

恶 故 順 也 喜 《樂記 ,其爲善爲惡,係於有 之則喜,逆之則怒,得之則樂,失之則 一怒哀 七情 樂記 》獨 樂 之中 以 同 所言「欲 ·,欲 謂 性之欲 之七 較 重 情,其 與「 一爲言。 節 盖 好 與 惟 理 惡 無 天 皆 節 欲 生 根 爾 未 與《 民 於 可 中 有 謂 性 哀 欲 庸 之 者

所疑

未定于一者,正指

此

也。

動 此 必 慎 理 其 天人一 此 古 獨 理 在 固 於 其 理,而 出 人,分則 以 乎天,分則 此 夫 其分不 屬 乎 同 屬乎人 夫 一人 也 「感 矣。 生 而 物 君子 静 而

言。 盡 其言 在 理 天 固 至 分 然,在人亦然,在 一簡 殊 加 四 推 字,本 之天 程 下 子 物 之 論《 亦 理 然 無無 四 鉊 在 所 学之

> 伊 其 性 則 身 m, 才禀於氣」,豈 如視][言之乎? 然 則 此 然, 不 在 諸 語 須 在 掌矣。 説 V. 日 得好。 朱子 一天 亦 家 其 然 亦 但 命 嘗 所 然 却 在 伊 因 謂 終 萬 在 學 川 「分之殊」 以 氣質」之 古 既 天 者間 理 亦 下 有 氣 然。 亦 此 理 爲二 然; 者,專 言,又 兩 與 持 名, 氣 物。 此 在 以 指 亦 粲 以 歲 愚 爲 論 然 稱 氣

於脩 子 放 率其 則 又 質既成 率性 之道 謂 不 此 盡 之 物之性 可 道之教 之謂 天命之謂性 乃 見 知 同 一二二 中節之 則 道 白 所 ,然後 而 率 姓 <u>一</u> 乙 者見之則謂 爲 其 則 自 和 二君 物之道。均是 人之性 H 其 君子之道 ,天下之達 用 子 自 成 · 之道 m 形 其受氣 不 而 之後 之仁 知」,分之殊 爲 鮮 口 道 人之道 矣」者, 之 言 得 人也 也,必 知者 初 也 而 言 從 盖 盖 而 物 也 也 道 形 則

全。戒懼慎獨,所以脩道也。

有 矣。 得 助 理 自 中 於 乎 爲 即 所 故 言,所以 無 之 即 然 體 釋 此 有 形 物始言 長 此 一天下 以 程 中 楊 認 象 氏之空 ,然知之未至 而 喜怒哀 闸 誠 喜 只 伯 在 可 節 大 易見者 龜 敬 開 之大本」,故 是 怒 養 子 本 也。 覩 Щ 存 示 哀 養 省言. 未發時 寂 樂 之而 李之 後 無 無 楊 樂 氣 矣。 上文「戒 但 以 學 物 方 乃 之 之 明之。 己。 不 最 又養 此 體 未 程 法 故 學 則 氣 特 知 指 爲 口 門 發, 李 者 象 所 慎 叔子 指 其 深 箇甚?」由 求 高 如 延 夫喜 盖 分 養 先 恐 所 以 切。 謂 弟, 不 平 得 明 須 學 不 懼 謂 亦 示 之 識 之 識 教 能 怒哀 者 言 盖 其 中 即 中一,不 即 羅 無 猝 天 怎 固 處 使知 所 是觀 豫 差, 樂,人人 難 命 有 子 生 勿 識 須 事 以 章 理 之 自 或 得 於 知 志 思 應 存 性 之, 性 勿 此 來 陷 養 命 其 羅 物 静 此

> 乎 嘗言 以 何 直 則未 在 推 亦 有 者,天下之大本。 前 身之定論 天 吾 以 尋體 傷 終 體 -下之正理,出 則 理二字,是 見得 重。 目 認 之, 不 「存養於未 發之 斯 可 認 T. 庶 夫 思乃動 如 也 中」安 可 要不 無 灼灼 此 此 謂 分 負 且 自 殆 見 則 之 發 出 明? 静之交,與發 子 以 可 知 其 家 之 天 不 方寸 思 爲 時 無 直 體 性 地 是。」若 時 子 答 之 體 學者於 也 貼 上 則 既 間 問 直 所 間 認 己。 出 可 思 爾 之語 以 非 下 亭亭當 求 來 I 即 夫? 未 其 亹 於外者 垂 伯子 是 真 中 發 亹 潛 又云 教 未 已 如 於 之中 當 焉 心 之 · 當言 發 必 未 雖 體 不同 深 物 戒 直 其 發 叔 意 之 懼 之 誠 中 终 子

分 至 用 時 意 意不可,安 存 養 味 是 迥 學 然 者 不 排 終 同 把 身 捉,静 事 知 未 但 定 至 知 爲 時 既 難 存 至 往 與 往 非 知 久 未

之功 致 加 謂 養是君主 而 味 容 而 察 之意 能 深 涵 易 「誠 其 且 厭 慮 泳 明 心官不 長 之 乃 即《 所 兩 一,省 矣。 中 知既 知 進 得 大學》所 , 察 曠 者 止 生 然爲 至 者 乃 河,則 後 終 意 ,存養即 輔 事 未 以 油 知 學之 佐 故故 謂 口 此 然, 亦 也 安 同 所 無 初 自 不 省 日 得 由 而 須大 有 察是將 非 而 者 而 慮 不 有 深。 至。 八段着 可 者 平 遏 動 若 朱 大 日 力 者 抵 尋 時 子 然 存 從 常常 存 安 所 其 養 更

乎

養氣 與 之意多 無 别 性 法。 孟子 養 物 ,孟子語 氣 子思 以「勿忘 但 即 養 有 所謂 意 性 形 較 勿助長」爲 顧 而 「戒 完 L 所從言之不 也 慎恐 F 之分爾 懼」,似乎 養 氣 之法。 同, 養 勿 然 性 更 即 氣

者 終 盖盖 也 格 物 道 物 我 致 本 相 知 人 形 學之 所 則 古 惟 有 始 知 前 也。 有 人 我 克己 不 川 能 己。 復 體 禮 之 有 我之 爲 學之

> 真知 然天 理,自 理之 之。」知及之而 私 日勝,於是 是見。 理之 禮之爲禮 不容紊,故 流 己 行 乎違 有 行 此 克 日 : 不逮,盖 則 能 道 其 「不遠 無 日 所 知 我 遠。 以 至,至之; 有之矣。 惟 而 爲 物 仁 復」者,不 理 格則無物 之 也。 是 知終,終 荷 始 曲 未 終 亦 嘗 條 惟 沛

徒之天資學力去此良遠,但 卓 I 盡 所 声 夫 謂 爾 從 0 夫。 最 禮者 顔 消 顏子 「克己 性 也 子 難 融 偏 之猶 土 盖 盡 惟 見 難 希 大可 是 得 克 即 有 賢 復禮 有 處克 渾 己 我 賢 爲 我之私 然 極 於於「 希 也,化 與 分 將去」, 」,殊未易言。 聖, 明 理 願 分,所 固 爲 無 猶 不 能 即 自 伐 可 有 謂 是 善 有 如 矣。 纖 爲 次 謝 如 H 毫 也 無 第 用 然 盖 L 消 有 施 也 間 蔡 若 此 其 所 融 勞 切 所 吾 \ 於 處 未

其説 之秘 陽之謂道」。 始不 ,古今之運,死 天 地之化 可 勝 窮, 物之生 一言 生之變,吉凶 以 蔽之, 日一 典 禮 之 悔 吝 彰 之應 隂 鬼 神

之。 明 静之際,人 義也。「君子敬 了,及爾 若夫聖人「純 「上天之載,無聲 出 倫 王。 H 用 圃 昊 之 無失」,事 天 亦不已」, 間 日 無 旦,及 臭」,不 \wedge 詩 天之道 則固 爾 所 出 遊 謂 與 乎 衍 昊 天 庶 人 爲 即 乎 心 天 盡 其 日 動

然學 儒先之訓,惟程伯子所謂「渾然與物同 用 延 而 力 者 平 人心 不 之方。 謂 類 至 可 也」, 難 失 莫之察,往 孟 爾 言。 孟 子 盖 不 子 與 即 孔子之答問 亦未 是 下 此 將 往 文「人路」 以 心 遂 嘗 明 訓 失其旨。 明言 彼 仁,皆止 」,其 之義 見 其 其 義, 見卓矣。 歷選諸 甚 同 其 體, 言 切 故 於 日 其

> 也。 常 然之 存,則私曲 徹 似 西銘》,其大意 日 提 尾,莫非 爲 愛」之類,自 分,無 孔子嘗言「敬 掇 操 盡 之。 此 舍之爲言, 心,無令放 更 是物,此 且 不 無 以 具。 同 所 皆 爲 體 容,不 以直 猶 其 與 惟 ጠ 失,即 俗 義 所 此 推 其 禮 内」,盖此心 云 ·期其· 以 合。 之, 無 智信 提 爲 此 皆可 起 渾 他 直 是 不 皆仁 放 如一曰 然 操,操 丽 具, 見矣。 下 也 自直矣。 常 故 公人、 操 即 但 張子 徹 則 敬 而 粲 頭

到 下之至顯者,實根於至微也。 處 命之性於 ()復言 底矣。 為飛 「君子之道,造端 盖 是 魚躍」之三言, 夫 乎成,率性 婦 居室 乃 之道 生生 乎 誠 子 夫 於是乎出。 聖賢所言, 化化之源 婦 思 喫 緊 則 直 爲 天 天 窮

先

儒

有以「主

敬

「持敬」

爲言者

似

乎

欲

密

反

踈

後學

或從

加

疑之,又不

·知其

(實用

I

果

何

如

也。

非 譊 實 然 事 自 釋氏 以 爲 見 既斷其根,化生之源 性 性 果 何 物 也 哉 絶矣 猶

殆 賢 其 日 夫 重 道 難 非 後 爲 逐 藩 免乎 得之且 逐 無 其 密 口〕 有 非有 於利 功名 事 得 志 障 謝 於 必 而 以 所 名 不 道 E 人。 有 間 爲 但 蔡 處, 者,必透 其 乎其 而 而 其 「鸚鵡 不然, 功, 別從 爲 所 项 之也。 八中,其 談 爲 有 道 而 」之譏矣 ,皆理之當然 得 其 則身在 德 求之乎? て實其 富貴 相 以爲 至於富貴,不以 去日 名 此, 、功 觀 自 益 道 名 聽之美 苟此心 附 而 遠 在 兩 不 矣。 彼 嗣 容 聖

爲之 始 有 非 不 輔 是戾氣 微微 IE 鬼神 前 者,如淫昏之鬼與夫妖孽之類,亦未 氣所爲。 陽 乃二 反 爲 無陽 爲 正 氣之良能,莫非正 直 之役,而爲 但 之鬼 亦 陽 不能 氣盛 神。 成。 不 隂 則 正之妖 陽 此理至深, 氣 盛 爲之主 也。 孽。 則 隂 其或 一,隂 妖 爲

> 自 隂 孽之 在精思 有 日 興 不 長 期 皆 而 而自得之,非 莫之 然 由 而 政 抑,此 然者。 教 不 感 明 言 然則消 彼 陽 説 應,猶 所 日 能 異 消 盡 致 影 而 也 祥,其道 之 莫 於形, 之扶, 凡妖

亦豈

遠乎

哉

所在 者」, 間 天根 者歟 有以 根」、「月窟」之不能 也。 歟。 固 遺識 無乃 ,讀者其 深達邵子之奥矣。 。」性命之理,一言 邵 又其詩 無由見所謂 子云: 動 徒爲贊歎之辭 人?」 朱子 有 静之間 山 云:「須探 忽諸 動 月 者,天 遂 知 窟 静者,天 取 加 學者不求之動静 而 則 次 月 窟 其 盡 地 己。 與「天根」,苟「天 所云「至 詞 之,何其見之卓 人 以 方知物, 之 儒先深意之 地之 爲之贊 至 妙至 妙 至 未 至 妙 妙 之 躡 妙 者

之。盖中爲天下之大本,人與物不容有二。未發之中,非惟人人有之,乃至物物有

爲「常 義 勉 無 顧 異 不 大 理 於 本之 至 若 禽 ,安得 精 夫 . 默 更 文 微 百 者 無 處 姓 非 爲 幾 未 斷 聖 「物物 希」, 發 則 不 之中 日 容 不 E 各 用 能 指 具 而 此 此 在 不 其 言 太 學 爾 説 知 恐 者 極 也 誤 先 孟 則 乎 儒 子 不 ? 若 或 所 口 此 謂 以 有 不

是 乎 古 所 未 其 以 偏 發 自 之中 孟 若 着 程 口 子 故 識 子 也 取 譏 矣 盖 不 之。 吕 且 可 以 其 與 謂 赤 即 雖 叔 子之 之大 此 有 不 推 偏 識 心 本 尋 着 大 爾 不 本,非 中 能 而 之爲 常 然 無 中 純 動 謂 之本 義 赤 動 無 亦 即 子 僞 庶 有 無

故 有 無 兩 適 即 理 m 無 非 也, 理 0 必 然 因 天 感 地 而 間 後 無 形 適 而 感 非 則 感 兩 應 也 是

陽 不 化 神 化 非 者 太 極 天 地 不 神 之 妙 然 用 遂 也 以 太 天 極 地 爲 間 神 非 以 隂

> 教體 之歸 矣, 陽 化 合 運 行 也 神 隂 隂 則 行 陽 則 而 也 陽 也 用分 矣。 太 言 常 者 張 神 爲 非 加 子云 之 也 「爲」之爲言 極 化 在 化 明 則 其 , 在 也 神言 則 其 中 爲 神 其 不 矣, 神 丽 中 神 本 其 或差之毫釐 可 矣,言· 乃 言 故 存 分 者 所 太 神 神 主 夫 而 而 極 也 化 則 者 太 言之則 謂「莫之爲 兩 兩 之 化 也 乃 極 故 之 學者 所 鮮 在 隂 則 化。 中 爲 化 陽 其 隂 爲 不流於釋 於 無 之 中 雖 盖 陽 而 化。 弗 此 矣 加 所 兩 在 化 太 言 在 故言 須 極 其 言 丽 者 氏 認 除 其 中 其 非 而

然 第 天 承 人、 用 物 舊 聞 我 之 而 分 己 明 始 可 以 言 理 0 不

賢 至 以 則 性 窮 理 命 張 盡 無 性 子 不 所 以 1 至 言 然, 於 乃 更無 命」,二 國, 者 漸 事 次 程 所言 若 然 物 到 格 乃 盡 大 知

處,則有未易言者爾。

當 可 嘗 形 有 ? 二直 體 云 象皆可 ? 程 固 上直下 叔子答蘇 中者 知叔 然既謂之中也,須有 求,然則 ,天下之大本。 子此言,非 之正理。」兹非 季明之問,有云: 求 中於未發之前 其終身之定論 形 天 箇 象 地 形 而 象。」 間 何 何 中 亭亭當 也 爲 伯 有 不 凡 子 甚

與易象 一字皆實,「象」字 形象」 又 難 |與「形 概 論 要 虚 體 在 實 善觀 之間 只争 丽 一字。 默 然中 識 之 一之爲 形 爾 體

偏守一 之當 也 不 君子之仕 吾仁。 通 然 人物之生,本 節 故 自 彼溺 親 以 有 也 爲 不 親 一,行 於 高 容 而 富貴 者 其 已 同 義 ,亦未足與言仁義之道 1者,非 民 圃 也。」行 氣, 忘 返 民 人 惻 者 而 爲 五日 隱之心 固 愛物」,皆 之 義 即即 使 無足論 ·, 無 然 所 也 以 所 理

> 明,克 欲本 業可 見。 稱, 吾 也 輔 未 太 1 考其 之正 盖必 甲 見 希。 論 後 終 其 周 治 世 厥 全 能 然則 有 道 加 公之 非 德,商周之業 功 急 當當 濟 顔 無 也 作 **孟** 務之不 能 輔 以 賢 已。 養人才又 庶 成 之學 格 相 幾 Ξ 君 知 隨 皆 術 乎 心 賴 猶 事 伊 爲 能 誠 然 以 臨 TÉ. 使 本。 周 後 爲 永 川 救 其 者 治 伊 延, 而 亦 若 君 が、周 乏舟 之急務, 殊 多 何 出 伊 之 未 有 其 香 尹 楫 相 之 多 盛 即 口

兹乎 法 古 往 純 有 推 也 往 用 口 ,其不在 冀 先 經 作 而 所 若 術 養 詞 行 因 藻 之,人才事業遠 人才,必 謂 亦云善矣,但以科 今之學校, 而 兹乎 「堯舜之智,急先務」,其不 後 身心 由於學校。 取 此 程 追 人才之所 子 商 舉取 今學校之教 教 周 養 之盛 七,學者 選 以 舉 不 在 如

古之立政也,將以足民;今之立政也,

化 爲 惟 政 以 者 足 或 愚 夫 古 愚 之 婦 爲 或 政 從 者 而 將 議 之 以 化 何 民 民 之 今 能 之

當 欲 躬 史 或 則 有 姦 心 也 則 家 其 致 愈 乎 不 失 其 歷 知 受 信 附 力 深 爲 君 知 誠 其 歷 言 其 惡 巾 其 會 子 人 則 僞 所 可 之學 之 爲 禍 彌 心 其 然 亦 徵 以 君 所 乎 害 縫 盖 未 何 照 子 爲 以 也 E 之 嘗 容 有 夫 臨 已 爲 善 愈 也 心 隱 不 不 之本 人 乎 難 巧。 之功 愈 ? 假 口 固 ? 固 者 密 勝 無 未 或 自 雖 夫 是誠 救 義 迹 不 易 乃 非 其 幸 安 者 然 善 以 知 蔽 洞 終 而 得 官 之 矣。 盖 而 於 見 於 有 荷 不 人 其 迹 心 私 其 必 所 清 者 謬 載 或 姦 心 敗 遇 之 累 明 乎 稽 小 不 術 合 於 所 ? 在 前 然 其 然

治。 然欲 法 有 變法 當 變者 須 是 不 得 可 人。 不 變 誠使 不 知 即 道 無 者 由 致

> 舞 爲 當 利 兩 年 口 必 尚 真 舉 自 不 無 亦 固 變 德 相 耶 者 口 也 人 才 然 悖 ? 衆 致 近 必 月 相 而 則 也 當當 異 誠 與 無 實 爲 接 而 議 得 彼 相 數 以 踵 歲 之 其 資 無 天 + 必 不 而 己 下之大 年 出 同 精 以 之 惟 矣 五 爲 利 年 既 善 近 之 間 則 是 變 且 遠 知 表 從 談 五 也 道 則 亦 率 道 年 者 何 數 相 則 與 事 薰 安 遠 百 崩 於 議 敢 陶 年 守 則 法 之 之 + 鼓 以

之業 賢 也 民 亦 生 向 背 者 不 慢 固 之情 故 必 易 嘗 已 而 君 臨 之 自 久 窺 正君 之, 子之守 心 而 加 自 邑觀 得 後 有 民 丽 雖 之。 信 不 心 或 嚴 之, 約 即 定。 修 但 刑 風 爲 翕 加 其 峻 聲 同 然 政 知知 嚬 身 法 之 者 者 歸 笑、一 ௱ 無 遠 流 向。 荷 益 乃 天 之 不 非 感 下 也。 近 疾 舉 其 其 平 應 措 賢 而 之 知 之 速 不 風 常 大 日 民 肖 間 臣 理 其 軱

自,知微之顯」,斯可以爲政矣,政與德無二

道也。

數 格 所 言於君,其 難矣。 宜 ,雖幸而 深 忠告善道」,非惟 戒。 然激 (道亦 有濟 夫矯 出 其 無 則 於 以 如「勿欺」之戒何 非 忠 易此 忠, 誠 友道當然,人臣 猶 激 미 則 故 未善, 「矯激」二字, 如 或 哉 出 欲 於 之進 求 計 感

乎? 之,其 也。 天下 得 爾 顧 人之言, 知之義 所 而 求 之未 舉,已仕者自藩臬以 知 之才畢 爲治者常患於乏才。 人 非 也。 爾 亦不少矣,而 有 以 得 以 所 此 今舉賢之路 其 見 變 不 而 於用 方 知 而 欲 爾。 求 通之,乏才之歎 0 其 盡 其 盖 孔 賢 天下之才 殊 必 舍諸?」 至 子 否率取 才固未嘗乏也 狹,未仕者 各 郡 告 舉 仲 邑, 所 弓云 此 决 以 知, 何 各舉 其 於 . 能 道 既 可 然後 計 舉 免 莫 所 得

於此 此 術,不 之田 民 而 宋之陳靖 南 也。 子之德風,小人之德草」,是在朝廷而已矣。 之不易者 無妄費 婚、喪、祭,必須貴 下 北 有 江 ,雖勞不怨。」學道 財 明與 者乎 井田 以處之,其 浙之民,特爲 用 故 制 西 然 雖 m 自 H 度 極漢 養 未 斷 | 勢不 不 也。 財可 衣 窘 V 民 能 服、飲 何 得 沔,大 然漢之晁錯 風 之 然 盡 豐 可 如 行 然法之不行,自 所 俗 職 後 均, 爾 其説 復,限田 濟 人 食、宫室、輿 蕃 賤 日 無 口 率 一愛人 然 無 亦 有等, 蔽 庶,往往 時 以 土 於京 妄 不 亦 阜 而 皆 曠 之 得 少 取 當 勢 舉 俗 人 西,此 由 矣。 上下 君子 行 而 求 矣 未易行。天下 稀 而 制 無 其策 馬 E 俗 所 豐 度 · 贵 犯之。 有 田 地 以 口 以 則係乎上 今自 以 隳 財 口 於 有 别 至 阜 處之之 無 佚 廢 耕 塞下, 一於冠、 遺 念及 道 构 則 今天 此 而 一君 於 利, 使 淮 物 理

之出 窮且 難 立 乎 粟 鮮 ? ? 小、化爲 移 不 盜 財 内 相 理 經 由 賦 也 財 戾,公私 費 月 此 司 之 於 課 推 不 或 道 且 左 類 足 以 計 唐 藏 以 人 交病 者 大學 之 則 權 盡 况 德 不 横 其 門 古 乃 復 **>** 宗 斂 餘 者 四 其 英 預 猶 呗 言 財 所 不 明 聞 行 能 盡 不 也。 之主 口 納 之, 謂 可 奈 勝 楊 勝 之 今 有 計 炎 用 抑 何 太 政 ൬ 之請 矣 又 民 倉 事 内 後 何 之 不 庫 世 口

其 實 静 儘 心 不 實 往 遠 得 兼有 諱 受用。 矣。 唐、 何 初 其 有 宋 稽古之功 如 實 無 且 足 諸 也 害 而 盖 凡 稱 名 其 侈 焉 爲 其 臣 爲 其 0 此 生 多多 忠 名 學 則 後 質 信 者 尚 者 世 其 既 也 乃 皆 禪 運 美 吾 有 學 用 故 不 不 心 儒 子 其 隱 學 知 地 其 酢 學 其 之至 其 名 復 雖 名 雖 反 緣 ൬ 者、 誤 不 之 不 此 禪 中 於 其 諱 其 虚 亦

天下,大器也,必以天下爲度者,始能

運 運 君 大,不其 子之道,其器 之,才不 裕 足 平 恃 古 也 易 盈 雖 也 有 過 弗 盈 之 則 才 大,以 而 未 大 聞

八

之才 之在 哉 之治 之 務 事 實 聞 或 深 脩 1 所 亦 高 以 ,道學之名,世多不 以 各 自 未 庶 其 下 政 元 人才之見 且 此 之異, 實 平 祐 生 事。 以 必皆副 形 忌 其 時 也 求 其 迹 人 有 成 大 土 然皆 事 固 又 攸 約 夫學 於 分, 兩 者 亦 賴 不 世 有 或 必 不 口 所 勢 可, 以 此 未 相 兼 鑒矣。 謂 或 喜 將 求 能 嫌 取 以 才 以 等 道 無 而 其 之 而 免 也 道 所 交 長 於 凡 是 驕 自 其 學 致 不 驕 爲 故 是 但 間 如 至。 或 其 吝 此 亦 吾 以 爲 此 又 學者, 用 以 惡 土 此 余 則 人 各 程、 詞 者 乎 分 所 天 嫌 有 小 當 下 名 大 蘇 見 謗 淺 可 内

^{●「}大」,原作「太」,據嘉靖本、四庫本社

唐

府

兵

之

法

最

爲

近

古

范

文

E

公

當

以 就 以 叔 出 未 高 聽 當 末 家 必 年 魯 未 爲 愚 當 孫 雷 先 之 而 不 知 其 兩 時 m 足 觀 後 高 生 在 有 後 明 施 口 何 漢 生 如 以 者 之 以 陳 之 達 我 所 미 所 爲 不 陸 高 當 之? 爾 序 從 興 爲 從 , 有 見 然 也 H 賈 非 兩 大 事 行 而 叔 無 不 生 賢 固 其 叔 臣 不 其言未 孫 者。 且 云 止 於 用 使 况 宜 於 之選 規 孫 出 然 之 惡 其 道 乎 儒 不 二子 有 模 通 則 招 也 知 兩 言 未 禮樂之爲 定 亦 忧 力 輩 爲 爲 0 顧 生果 其 果 必 楊 者 坐 見 帝 量 夫 兩 無 真 不 可 子 有 失 矣, 詎 概 生 理 謂 大 儒 皆 能 雲 聞 行 事 肯 可 賢 嘗 亦 即 出 用 用 禮 而 以 盖 幾 然 見 輕 歟 自 ? 樂 爲 納 則 帝 有 大 之 棄 矣。 偏 白 定 爲 不 臣 其 難 於 遂 會 積 之 守 天 年 從 見 許 得 四 論 視 哉 其 之 德 平 下 以 皓 之, 爾 説 節 去 盍 内 ? ? 漢 或 百 本

其

有

命

也

愚

於

此

頗

嘗

究

心

竊

以

此

法

之

議

欲

興

復

而

爲

衆

説

所

持

道

之

廢

興

信

平

勝 陽、 然之 皆歸 行 及 中 當 逃 燕 斯 其 處 不 乎 隋 矣。 制 臨 可 灼灼 有 以 成 條 取 利 楚、 行 之 何 所 時 識 泉 齊 然 通 目 然 以 農 之理。 恃 裁 此 間 漢 非 形 之相 行 有 其 布 以 酌 勢 漢 簸 之 河 自 於 利 歸 南 無 爲 取 北 争天 弄 令韓信 然 天下 非 管 而 猶 漢 虞。 先。 顧 筆舌之空談 天 或 攝 無 有 Ш 則 其 下 言 下 者 害 用 九 東 其 使 然 其 北 脉 之 非 日 所 江 之 老 郡 揆 有 重 渡 高 大 絡 舒 能 王 地 之 弱 品 天下之 河 帝 四合矣 勢 之 端 盡 黥 既 無 人 民 無 也 身 相 忧 取 也 布 駆 情 用 變 力 處 拒 聯 魏 形 坐 事 通 韋 無 日 項 屬 凡 羽 然 羽 勢 食 備 之 勢, 未 裕 取 羽 者 用 復 在 須 之兵 合 宜 趙 於 安 有 緩 推 非 兵 漢 此 亦 也 制 所 祭 灼 急 韋 要 取 廣 無

駢請 使 急 之所繫,豈小 自 之,終唐之世 范 犯 分内 之則 方之 今之儒 從 陽 東 將 於 「巢果 其 分兵守郴、 收 以 京 事 敗 形 由 言, * 眷留 ·,何 大 復,不 覆 者 成成 鮮 其 庾 覆 巢 可 敗 有 巢穴, 或談 度 哉 加 不去。 以 出 直 之 戰 從 爲 嶺 不 不 循、梧、 置 爲 陣 其 兵,要之錢 擊之, 恶 能 講 中 此 利 間 策 遂 復。 李 也 兔 真 之 害 昭 ? 巡、 形 識 致 爾 此 河 黄巢 有 勢, 桂 形 滔 郭 H. 真 北 不 穀 而 勢 天。 如 子 識 之 永 横 得 口 當 者 甲 儀 唐 地 形 數 之 行 勝 然 或 兵 皆 也 安 勢 州 計 入廣 則 由 者 皆 則 請 禄 者 之 者 成 曾 此 形 吾 肅 先 Ш 高高 險 也 矣。 莫 失 宗 失 勢 取 既 人

其 露 中 爲 矣,此 之 夫婦長 天 之道 緯 造化之所 一,日 幼朋友爲之經,喜怒哀樂爲之 經 緯 月 有 星 常 以 辰 成 爲 丽 之 也。 元 經 亨 人之道 利 風 貞 雨 之 雷 君 妙 霆 在 臣 霜

> 此 緯 0 德 業之 經 緯 所 不 以 沈 成 ጠ 也 義 禮 智之實 在 其 中

惡言: 密 焉 源」, 加 一,讀者 声 止 者。「 性 矣 一誠 周子 , 其 是也 或 立。 之言 剛善。「 亦 有 踈 所 純 然《通 性 矣。 未 粹 察,遂 9 剛惡」,「柔 有 至 書》首章之言 自 善是也 疑周 其 本 子專 亦 而 如之」 言 有 以 據 者 剛 渾 柔 其 淪 善 精 中 末 誠

外 端 合。 也。 難 息 内 矣。 求 詳 自 相 也 要之,近 當 也。 太 易》言「復其 爲 哉 苟 7 極 循環之 明 然。 隂陽之妙 一元之 乎 而 此 理,即 日 内 其 日, 見天 亦 之 善觀 於 遠 内 可 酬 地 歲 觀 ൬ 亦 者 酢 之心 一元 mj 世 可 試 然 推 觀 變, 求 太 之, 之,一 盖 其 遠 然 又 豊 明 無 盈 而 太 待 指 歲 有 虚 難 近 之 於 其 消 悬 不 而

性無形,雖有善譬,終難盡其妙。孟

之謬。 器 未 然至 日。」「受」字固 先 爲 盖 子、 M 親 在 生 泥 以 同之,性之義 程子皆嘗取 太 語 沙 就 間 然 陽 混 有 其 下 方 又言 幾 云: 不善 之, 之與 圓 時 大小 是 動 :「人之於性 與「傾」 在 禪家之言 ? 庶 亦 譬於水,其言有 Ш 則 不 其 微 伊川 以 同 盡 有 清 字不類,但 爲 矣。 之 不 特 性 此 搏 與濁 同 欲 ,猶器之受光 語 擊 謝 猶 傾 使之, 顯 必 足 太 此 同 不 此 道 也 陽 以 於 容 譬終 記 之 會 破 易 彼 物 下 禪 則 伊 爾 者。 也 覺 於 家 置 説 以][[

物 其 請 詞 無 分 試 非 有 相 之 對 陳 詳 理 程伯子論「生之謂 殊 略 而 分殊之義。 生」,以其理之一者言 者言 加 夫謂 大旨不 也 人 生 然 殊 朱子 氣 性」一章,反 不 然 禀 是 爲 似 性 理 學 乎 中元 有善 者 也。 小 條 有 覆 有 惡」,以 未 析 推 此 合, 兩 雖

之前 之界 以 物 喻。 時, 可 見 性 得 於 始分矣。 中 生 惡 損 之 無 也 欲 物 故 ൬ 便已 則 亦 盖清 切詳 於 澄定,而 修 , 亦 静以 也 加 非 由 不 性 曰「不容 其 治之功哉? 動」也 「未發」更指 須流 不 動 復 可 然其 之 章 間 本 E 是性 其至静之本 而言,則静 其 真 不 内 體 不 也 行 本 一,動 本 謂 湛 容説 分 説 誠 也。 處 以 故 體 體之 之 雖 然 至清, 則 __ 方 以 常 上二字, 性 殊,莫 一、盖 而 修治 萬 見。 何處爲 湛然矣。 下文 精 舜 爲 __ 己, 繼之者善」 殊, 體 然 純 以 人 有 之功 若 八非自: 既 未 更 (又以· 剛 矣, E 生 天 前 M 夫 出 以 着 止 柔 而 下 故 猶 既 濁 ? 然非 不 然之理,故 剛 是分 言 Ш 善思 水之清 静 而 所 至 能 日 即 柔 盖據 其 以 語 即 不與 謂 無 所 截 能 善 則 前 感 纔 於 形 未 濁 謂 未 動 有 濁 動 惡 濁 是 無 説 容 發 終 所 爲 感 之 安 性 乎 由 日 不

547

物 味 説 而 字 未 之自 乃 言 物 説 無 生 之 性 生 性 未 着 時 可 爾 之動 時 生 而 落 説 見。 便 静 時 朱 則 而 若以 E 子 是 非 恐 不 語 於 説 性 非 是性 E 此 人生 之本 程 維天之命」,「不 似 指 子 求 而 也 言本 本 之太 静 語 0 意 此 · 盖 然之性 以 意 過 盖 言 E 甚 爲 程 世 却 是 明 指 所 繼 以 子 性 詳 所 人 常 以 爲

少 意 源 無 不 被 以 犬之性 之性 害 極 告 餘 命受生 完 爲 子 爾 程 無 叔 歉 備 猶牛之性 生之 之後 嘗 盖受氣之初,犬牛與人,其 子云:「孟 同 若 考 但 中 謂 謂 章 叔 乃 有 性。 末 孟 子 牛 之 異 論 子 子言 性 爲 之性 語 之言善者 異 性 爾 不 之 中 性,當 恐 然 故 猶 語 有 記 者 人 不 亦 同 録 之性 隨 同 此 多 乃 性 者 文看。 亦 性 惟 極 繼之 命 歟 不 性 未 能 之 此 本 也 不 嘗 以 實 然 章 無 窮

> 應 加 叔 不 下 子 非 文「若 成成 所云二 記 形 録 之誤 之後 乃二字 不害 而 爲 犬 何 牛 却 與 説 9 人, IF. 開 指 T 其 本 性 語 源 自 脉 處 是 殊 言 不 歉 同 照

難 者 此 段 必 識 養 立 誠 所 日 遺 學者 騐 事 使學 説 箇 . 謂 仁之體」之言 「上蔡 甚? 之, 物了 「欲 此 話 明 **>** 及 程 者 不 將 道 誠 斷 極 _ 0 諸 教 先 説 嘗屢 易 嘗言 好 其 安 非 他 門 人,皆 識 先 所 之 意 先 日 仁 者 稱 序 適 有 及 則 有 却 所 天 體 , 先致 從 知 也。 以 胡 明 又 知 述 又 哉 識 大以 道 知 五 理二字, 有 識 其言之先 不 及 歷 峰 識 其 云 學者先 以 叮 考 愚 有 歷 爲 知 爲 敬 嘗 朱 疑, 미 先 欲 未 是 涵 第 竊 考 子 知 能 爲 須 却 自 後 其 識 養」,似 以 至 之言, 仁, 識 識 謂 \wedge 言 家 不 仁 所 而 大學 仁. 體 必 見 從 大 后 如 貼 是 不 先 先 則 意 於 涵

+ 其 大 出 抵 分 不 來 多 人 而 隨 此 細 求 學者之偏 所 以 以 毫 歸 識 未 于 仁 盡 至 之 而 即 救 方 在 之,是 失 彻 其 0 我 真 然 有 以 體 餘 不 朱 貼 師 子 工 矣 9 然 之 夫 因 須

於錯 甘 能 無 須 杰 反 心。 理 於 盡 先 觀 有 心 心 自 認 内 後 漸 乃 孟 理 之 之 欺 吾 可 其 省 子言心言 次 何也 言 所 人之有 所 M 亦 極 至 E 有 必 致 在 ? 於 矣 如 謂 自 謂 盡 中 性 事 非 理 求 之 之心 知 間 於 有 心 放 性 誠 非 緊 知 心 未 不 心 不 有 故 故 性 要 地 窮 盡 只是 志 分 非 便 非 此 者 於 則 而 明 是 存 知 道 自 初 其 心 學 性 窮 心 者 下 以 時 杰 雖 者 理 則 則 手 爲 俱 與 文 往 無 無 İ 盡 終 不 1 窮 以 往 以 9 盡 是 理 盡 更 至 窮

非 對 性 而 之所 言之,是世 延 平 謂 李 動 先 静 生 之 日 真 所 : 僞 謂 動 動 善惡 静 静 真 也 真 爲、 僞 惟 善惡 善 求 惡 静 也 於 皆

> 語 未 未 未 是 始 始 始 實 有 有 有 下 惡 僞 動 之 細 之 之 先 先 先 密 Ι. 加 而 而 夫 性 性 性 體 之 之 之 貼 善 静 真 出 口 口 口 來, 見 見 見 不 矣。」 矣。 矣。 山 草 此 求 求 草 等 善 真 於 於

過。

之所 際,又 心,本 未 苟 以 之 兩 而 進 能 膠 燭 迷 當 其 膠 順 常者 I 動 惡 體常自 誠 勉 夫 性 擾 其 亦 知 有 純 擾 定 也 理 也 理 弗 心 熟 曾曾 而 之所 湛 静 存 也 夫 應 然 然 無 亦 事 之, 平 後 在 須 定, 了 聖 物 時 定 而 臾之定 亦 雖 無 性 人 既 性 順 自 多 動 之本 性 無 之 미 無 皆 静 之 所 得 貼 乎 之别。 事 體 心 主 性 者 ? 而 0 然 即 分 言 然 心 則 故 也 中 理 常 臨 役 此 必 而 0 所 學 事 明 於 誠 理 人 動 有 之 者 明 有 物 静 所 即

言 未 爲不是,但 既 不 知 尊 恐 德 差認 性 焉 却 有 德 所 性 謂 則 道 問 間 學 學 ૄૼૺ૰ 直 此 差

説 而 到 I 蔽 約 夫 底 其 方爲 見 原 必 於方 所 如 善學。 以 孟 差 1 子 認 之間 所言「 荷學 之故 之 雖 博學 亦 不 欲 只 博 不 詳 是 差, 説 説 欠 之不 弗 却 口 以 問 得 反 學

得 意 知 迷 計 没 及此,其 如 暗 何 只 程 海 着 出 子有云: 中 是 身處。」此 脱 不 難 拘 得 爲 得 滯 也。 今 到 執 「世人只爲 之狂 言於人甚 此 然上文已 泥 地 坑 者 位 裹, 幾 非 希 有 便 有 物 所 事 齊 格 物 警 事 在 知 各 發 轉 那 至 付 香 動 但 而 物 惑 妄 不 不

覺者不同」一語,亦皆已發之意。 道 用 既 程 自 心 。皆指 子 以 凡言 舊 爲 説 未 心 爲 未 當 者 已 及 而 皆 發,《中 改 改 是 之矣。 E 己 處, 一發」, 庸 序 如《 朱 程子 中 書 子 傳 文 嘗 愚所 所 字 有 釋 以 是言 謂 爲 人 猶 心 未 知 有

定于一者,此其一也。

即 雖 仁 殊,推之至爲 衆 義 事而 二字 命之 即 性之全體存 理 便 象 是分殊 而 萬 加 命之全體 象。 己 矣,舉 推 性 焉 之 之 存 至 理 隂 焉 爲 陽 萬 而 萬 字 事 己 事 便 矣 雖 萬 是 象 舉 分

是之謂 何 凡 以 其 見 天之 所 天 其 當 人一 道 不 然 莫非 可 者 理。 違 皆 ? 自 其自 然, 順 之 然 人 則 之不 之 吉, 道 皆 違 可 是 之 違 當 者 則 也 然。 M

既 猶 自 邵 逆天 舉 子 善 然 之 背 五 爲 有 吾 言 理 理 儒 倫 遁 者 丽 只 哉 辭 是 盡 也 佛 以 然彼 棄之矣 順 氏 片 謂 天 棄 言 佛 理 君 亦未 氏 可 之自 ,尚何法之不舍邪? 臣 門 以 父子夫婦 嘗 折 中 然, 不 斯 不 佛 以 舍 獄 自 矣。 老二氏 之道 然 法 藉 顧 豈 皆 彼 夫

此下舊本傷冗,今削之。●

或認從知覺上去,未免失之。 『書、直上直下之正理』是也。朱子以爲「思當、直上直下之正理」是也。朱子以爲「思當、直上直下之正理」是也。朱子以爲「思

亦可以見心性之别矣。 「人心有覺,道體無爲」,熟味此兩言,

矣。爲其學者,不求所以歸于至一可乎?置之』。」與所云「理氣决是一物」者,又不同之名雖異,然其實一物也,故曰『吾道一以朱子《辯蘇黄門老子解》有云:「道器

當並 能 此 亦 後之序矣。 只 未 所自來也。 在自 進,固 有 乾以易知,坤以簡能。」此人之良 所知未徹 勉 無必待所知既 其在學者,則致 若 然乾始物,坤 將 而能 來 尚 不 量議擬 疑其 徹 知 成物,固自有 面 所 第成 後力行之理, 力行工夫,要 行 者 也。 場閒 知 然 先 良

説話耳,果何益哉!

其不能 書 近 愚天下之耳目 以 世之談道者 彌 張子韶以佛語釋儒書,改頭换面, 免夫。 縫佛學,律以《春秋》誅 或或 其 猶 得罪於聖門 隂 祖其 故 智,往 心之法 亦甚矣。 往 ,吾知 將 假 以 儒 ៣

困知記卷上終

安居之計乃其所不能舍之法爾」二十三字。據嘉靖本、四庫本、此處删削「獨有誑取人財以爲

0

困知記卷下

凡七十五章

所 程 氏 王 難 不 御 容。 之學。 過 祖 相 阻 製 傳 是 修 嘗 訓 神 聖子 朱之説 身清 之道 讀 詞 樂 其 至 宋 觀 機 由 神孫 於 學 浄 是 碑》有 也 是 是崇 火型 士 遵 0 脱 知 綸 ,守爲家 ^ 於 離 聖 新 是信 孔、 萬 云: 此 幻 刻 祖 務 曾、 又 化 楞 一長 洞 法 彝 垂 知 疾 伽 明 思、 倫 訓 生之道 我 雖 佛 經 速 攸 萬 孟 聖 學。 序 與天 去 叙 世 之 \forall 祖 世 來 書 邪 深 又 具 地 有之, 嘗 使 同 慝 惟 明 載 周、 帝 其 老 讀 無 無 我

常萬萬哉! 悠久可也。卓哉,大聖人之見,誠高出於尋

之,吉 資 吝 此 者 變於 者相 意 也 玩 退 變 夫變之極 其 故 於 存 於 與與 與 聖人 凶 學。 象皆 辭 未 亡 爲 吉凶 聖人 明 无 易》之爲 形 循 而 於 以 動 不 若 \wedge 環, 不 繫之辭 出 其 悔吝之占, 其 繋 則 聖人之能 爲 利 失其 待 於 變 無 觀 教 辭 象 其 自 書, 動 其 有 此 **>** 斯定,象 Œ 也, 象之 欲 然, 之 曰:「君 變 窮 有 者 人 初 事 特 己。 而 其 辭 凡以 既 豫 易》之 也。 其 因 玩 逆 理 成 知 既 有 其 惟聖人 而 子 則 推 文言 爲 所 定 變, 占 自 順 居 則 所 極 其 立 謹 之, 大賢 而 則 無 謂 是 有 功 理 人 乎 變 日 觀 미 勢 以 性 象 以 而 也 道 以 復 其 免 免 必 自 深 命 下, 計 生 有 之 乎 象 夫 至 占 知 之 致 天 占 悔 祐 消 理 於 必 也 而 准 其 理

尚 日 極 用 則 之所 卜筮 使誠 工 君子 夫, 得之, 以 有得於觀 亦 初 立 未 無 也 亦 嘗 待 可 有在於是乎? 於 不 玩 是 以 與 1 則 固 不 衆 統。 君子之玩 迷 能 人 乎 適 若 同 趨 裁 夫 爾。 避 制之宜 卜筮 之路 占, 聖人 之 乃 此 一,其 作 所 其

《易》之意,或者其

奥義, 學術 彼異 美 則天下之理皆無 者、《繫辭》發明 辭》。」盖子貢 玉 端 則 矣。 程子言:「聖 自然通貫爲 邪 亦 説 然 何以 或韋 ,真若蹄涔之於滄 所謂 多讀 殆 編 所遺,凡古聖賢 盡 性 一人用 屢 爲哉 , 與天道,不 絶,而 而確乎 學者苟能 意 深 不 處, 有 海 能 以自信, 可 有 辯 碔 經書微 全 得 所 世 砆之 在《 領 而 間之 聞 於 繋 視

變 而 從 求 劉保 程 以 子 歸 ,其義 齋 于 於 至 卦 甚 德、 , 精 可 卦體: 謂 盖 篤 亦 於尊信程、朱者 桂 因 象 其言之 從 朱子, 不 卦

矣。

哉! 行。 盡。 也 不忮 燕居 其 詩》三 可 無 不求,何 感者 事 百十一篇 時 多 取 矣。 用 圃 不 諷 人情 臧? 百 詠 爾 之, 世 君 其言 歷 態 子 歷 誠 不 無 皆 不 知 目 味 德 曲 前

事

之節 則簡 常。 消息 使過 範 「不使過 「不過」者,疑若 道脗合之意,所 云:「天地之化 出 加 度,以遂 聖人裁成之云,亦惟 於中道,所 盈 範圍 明矣。 天 虚 於中道」一 地 而 天 爾 已,其 地之化 生人之利 謂 指 無 謂 非 化 窮,而 示 裁 在 妙 語, 育。 而 外 成者也。」如 雖 過」者, 不過 似 非 也。」 不 聖人爲之範圍,不 因 然竊 乎 可 能 其 欠瑩。 如 在聖人。 測, 時 有 惟 程子云: 此 所 順 天 而 此 即 損 其理,爲 地之化, 若 理 則 是 益 程 則 所 朱子 與 也 謂 有 模 説 天

相 精 爲 協 難 切 爾 宜 用 東 年 致思 説 北 大 來 喪 桎 凡 深 朋 梏 讀 喜 乃 讀《易》, 傳 覺 終 × 得 有 慶」, 義 本 但 》者 義 精 程《傳》之 神 於 漸 與 其 短 E 異 下 義 同 浹 之 洽 文

必 子 便 意 盡 曾 見得 信 懼 義 見國 其 ,終是案底 孔子作《 是非之公, 詳 其後史既 史來,故 則 具 春 于 秋 其 T 所 史。 ×, 逸 作傳皆有 以《 每 當 事 惟聖 春 時 只 秋》成 史 舉 筆 來 文 其 獨 歷,雖 具 大 存。 而 在 綱 亂 左 以 難 觀 臣 氏 見 於 賊 者

得 通 焉,始不 得 亦未 尚 書》有 必是。 可 勝 難 用 於 曉 矣 其 處 明 正 白 不 易 必 曉 枉 者 費 熟 心 讀 思 ጠ 有 强

言 也。 但 敬 書》言: 以一字 以 直 内 在 以 義 義 義 以 制 事 方 禮 外 以 禮 上, 大 制 則人 旨 心 初 爲 無 之 異

> 敬 密 主 造詣 義 與 理 爲 猶 之淺深 之主, 0 固 以 與 當 字 理 有 在 别 矣。 敬 其 工夫之 義 下 疎 則

八

得 之法 之人 古未 者 載 傲 此 象恭, 皆所 君 静言 所舉 弟 子。 曆 一者亦 乎 矣。 遠 以 相 柔惡 堯 庸 ? 猶 III III III 知 與 授 典》 若 違, 非 小 感 口 以孝 苟 也 時 此 甚 化 以 有 與 人。「克 象 能 盛 外, 概之。 圮 恭」二也,「方 知 所 丽 廉 小 取 德 措若 族, 不 人之道 取 人之情 法 惟 其 格 土 諧 於 皆 此 孝乃 彼 姦 孰 斯 四 以 然能 所 四 狀 能 事 孝 非 則 謂 雖 白 0 之? 固 乃 萬 天 剛 命 使 四 欲 行 不 下 嚚 世 其 頑 圮 惡 之首 無 也, 止 族」三 舉 父、 君 無 訟 也 治 堯 此 措 所 天 不 典》 嚚 下 之 可 漢 不 静 以 然 也 也 者 化 大 所 口 去 即 知

《春秋》殊未易讀。程子嘗言:「以傳

秋》矣。 當 若 惟 容 多用 公之論恐未可 誣 經 考 忠 有得 虚 以 是 所 經 ,或失之鑿,安 而 之不 淺 心 三傳之説 之 論 不 也。 近 惑 易 事 魯 氣 窺 同 於三 隱 迹, 三傳所 耶 反 測,然求之太 趙 以 忽,舍程 傳 而 覆 盾 經 者 可 不 夫聖筆之妙 潛 别 長 從歐 矣。 盡 許 玩 傳之 固 以 止 子 及胡 不 三事 兩 爲 勿 過 公。 真 容 以 言 據 或 僞 掩 人之所 文定 衆 乎 亦 如 反 可 ? 説 無 失 化 然 謂 如 作 以 其 工 或失 竊 篤 歐 之,自 讀《 見, 傳 Œ 謂 固 信 陽 意 之 春 歐 何 聖 不 則 文

之以 同 承訛 福 能 者 踵 養以之福」,累見 倒 誤若 却 此 字, 類 盖 其 亦多矣。 意 味 諸 理 本 致 皆作「 迥 然 養 不

不 而 能 動 ,性之欲也」一段,義 樂記》「人生 陸 象 山 乃 而静,天之性也 從 前 疑 理精粹, 之,過矣。 要非 感 彼 聖 於 人 物

> 是則 「不遠 末 兹不 言 爲惡 於其 有惡 怒哀樂又可去乎? 偏 往 日月之食, 彗孛之變, 未有 專 有 也,亦安得 重。 盖 而 必 以 心,如日 循其 謂之天 非 所 爾 欲 然 而復」,奈何「滔滔 所以 善善善 ? 夫欲與喜怒哀樂,皆性之所有者,喜 不容已者而皆合 爲 而 先儒 本而言之,天人曷嘗不 恶 不 防其 月 也 理 容 蝕、惡 加 多以「去人 惟其 、流者 己, 不二哉? 圃 夫 何? 人 星之類。」 且 象山 不得 恣情縱 之有 有 故 乎當 當 者 不嚴,但 欲 又言: 「天亦有 人 欲 天 不 然 欲 是 下 道 旋 然 而 而 古 固 皆 所 復 之則 遏 不 不 出 然矣。 語 貴, ? 是 其常者 知 可 於 意似 ?; 夫安 欲 也 反, 斯 易 天 在 究 其 平 然 爲 1 善 乎

之子有父母之喪,不得 壻之父母死, 曾子問 已 〕葬,使 「昏禮 人致命女氏 既 嗣 納 爲 幣,有 兄弟。」女氏 占 日 日 某 而

説》未 聖人 謂 於義 後, 免 壻 姻 諾 ൬ 之父母 而 請 之約 禮 喪 改 不 害理傷教 亦 而 嫁 取,而 理 之 雖 辭 弗 如 女之父母使 爲 弗 既 使 與 人情皆説 敢 初 未 之。 也 無 取 定,直以 人請,女家不 别 嫁 嘗 後此 不忍 功 而 莫此 娶耶? 言 其 陳 禮 於禮,但小 後 後 女嫁 澔 也 遽 嫁 固 爲 不通 人請 喪 必 \wedge 爾 之, 甚 口 集 於 再 故,需之三年之久 壻 盖 從 以 壻 禮 説 何 許 他 有 免喪,女之父母 吉, 「弗取」、「 義 小 成 也。 其謬也 壻 族。 往 \forall 謂 踈 推 故 昏, 壻終守前 ,然後别 復 失 也 辭 若女免喪, 女之父母 「壻祥 時 香 其 -弗許」者, 澔 禮 復 請 娶。」 安有 有之, 之《集 乃 乃從 禫 使 亦 成 死 所 婚 此 壻 説 之 人

其 象也不 一,誠不一也,理之不一,盖 易》 逐 桂 逐 圃 爻各是一 理 亦 然。 象, 然 究 象 而 各 無 論 具 往 之, 而 理

> 也 0 故 日 . 同 歸 而 殊 塗 致 而 百 慮。

非 知 道 m. 者 子》「性 孰 能 也,有命焉。 識 之? 命 也

也。 難之,故未 知其不悚然而 當時 語 意 孟子與告子論性,皆隨 暇 極 及 爲完 悟,俛 此 備,正 焉 如 使 而 伏 告 所 也 子 謂 得 理 闡 其 斯 有 説 圃 義, 性 分 圃 焉 殊 安 折

凡物 説 而已。 五五 朱子之所 性,前後數説,其大旨 ៣ 之精 必 周子《 董子云:「性 顧有合於告子,豈其 董子知尊孔子,未 兩 ,妙合 解釋 侕 太極 後 미 可 而 圖 無 以言合, 者,生之質也。」 凝」三語 説 疑 **>** 矣。 篇 不出「生」、「質」二字 首 太 必 愚 至於 亦 極 有 無 不 則 與 知 所受之耶 無 極」二字, 不 隂 有孟子 觀告子 能 極 陽 之真, 無 疑 之 論 如

556

三〇

⁰ 「禪」, 原誤作「禪」,據四庫本改。

記 耶 未 盖 極 理 各 物 於 ? 者 弱 安 乎 敢 出 此 在 於 ? 以 惜 又安 爲 耶? 此 乎 其 理 然 俟 管 爲 能 也 愚 後世 物 朱子終身認 攝 爲 當 也 也 他 造 時 嘗 積 之朱 果 不 未 化之 考朱 數 二,則 得」。 有 + 子云 以 樞 子 年 理 此 紐 之言 若 潛 方其未合之先 氣 説 品品 然 玩 爲 吅 之 有 之者 物 則 云 功 物, 之 所 根 其 謂 氣 至 姑 柢 源 太 强 今

極 何説 之 · 藴。 」 朱子 也 然 謂 書 $\overline{\ }$ 中 通書》之言,皆 並 無一言及於無 所 以 極 發 不 明 知 太

而 反 乾 凝 即即 覆 無 道 推 疑 者 變 氣 通 明 有 化 即 至 造 間 理 **>** 如 各 化 四 + 五殊 正 絶 之妙,本末 章 性 無 知言之君子 義 命 罅 縫 實 精 之旨 詞 深 兼 確 有 盡 實 ,不識 與 合乎《易 其 萬 所 然 分」數語 爲 謂 語 以 周 妙 爲 意 子 傳 手 渾 何

> 如 ?

來,何 神,其 伯子 其 吾恐其終身亂 語 亦 (體則 是 涉 之言, 將 牽 張子《正 .等明 命 謂之易 合 理 於 氣 白 人 殆 有云: 看 蒙》 則 非 其 於多説,未 作 調 性 學者若 理 由 之性。」 「上天 命 一物,其 一則謂 太虚 自 然 於 之道, 有 之載 只 求之不爲 之理 有 此 歸 將 天之名」 處 數字 其 也 之期 無 無 用 所 不 剔 嘗 則 也 無 領 數 謂 觀 撥 之 但

端 於 擾 亡 而 有 死 (),合而 無 循 爲 生 之不亡者,可 者 有,有 有 環 耶 無 正蒙》云: 死,天 成質 ? 此 不 已者 物 此 若夫天 物 地 者 即 立大 即 則 無 與言性矣。」又云:「 生人 聚 萬 有 此 地之 亦吾體 古 理 此 地 物之萬 如 理 運 之大義。」 安 0 萬 散 得 氣 殊 古 散 所 氣 亦 如 聚 謂 而 夫 其 吾 死 而 死 游 體 人 隂 生 又 終 物 陽 氣 而 何 形 則 歸 知 网 紛

=

求 零矣 子 葉 何 死 之,是 此言 交 天 生 涉 其 存 地 ? 亡 其 以 根 其 之 不 流 謂 榦 根 有 覺 之生 之 乃 榦 ? 是 其 不 也 誤 箇 意 亡 譬之 花 如 大 固 9 可 此 輪 自 謝 乎? 若 葉 迴 樹 __ 枯 彻 故 人 由 則 而 朱 物 其 飄 脱 迫 子 乃 零 落 謂 者 其 切 而 張 以 復 花 飄

義 殊。 大 德 敦化 \wedge 隂 游 中 陽 庸 氣 兩 **>** 紛 有 端 擾 兩 循 合 言盡 環 而 不 之, 成 己 質 日 者, 者 : 立 生 小 天 人 德 地 物]1] 之大 之 流 萬

至 未 一於義 可 曾子易實, 理 加 之本 視之。 原 釋 毫髮 也 經 小有不 不 子 容 路 差 結 同 互 纓, 也 未爲大 勇 也。 恐

出 順 體 用 E 兩 蒙 言 中 而 論 己 禮 器 體 立 禮 則 運 用 其 行 詳 究 體 信 其 斯 歸 達 不

^ 正 蒙 》有 云: 陰 陽之氣, 循 環 迭 至, 矣

劄記 哉 聚 有 行 制 ? 間 散 不 欲 讀 矣。 息 相 者 先 盪 擇 之 段 莫 後 盖 焉 議 或 而 初 升 其 口 論 使 不 不 降 窮 也 能 之,不 最 同 相 思 精, 時 求 力 此 索 與 故 日 絪 其 淺 性 緼 所 所 隨 深 謂 命 以 相 有 踈 之 太 揉 屈 所 密 虚 理 伸 盖 得 無 謂 亦 氣 相 方 化 復 之 即 兼 者 便 何 運 不 相

多 曠 者, 其 古禮古樂之亡 出 會 干 學者又 於 白 通 六經之道 穿 年 湛 鑿 而 酌 鮮 附 不 其 能 會 能 也 同 口 熟 之 歸 久 復。 行 讀 私 矣, 9 之實 其 而 加 其 其 禮 書 已 施 樂 遺 遂 深 用 可 之 文 使 於 味 慨 緒 用 先 當 其 也 爲 論 王之禮 夫 旨 世 僅 急。 者 詳 有 類 樂 觀 存 然

與 與二 發 本 理 要 程 爲二也。 邵 歸 子 無 大 不 異 離 學 於 數 故 而 數 推 其 見 而 出 程 已 至 處 不 其 理 語 甚 默, 揆之大 許 作 其 之 用 見 者 既 處 别 其 盖 未 超 中 以 至 免 其 殆

誠 IE 賢 一之道 斯 看 爲 某 聖 時 如 或 此 過之。 某 貫之 煞 學 用 程 爾 I. 伯 夫。」 子 嘗 盖 語 學 必 反 者 身 云 而

者 歷 不 則 何 内 之所 年 也 以 四 雖 反 盡 耶 至 謂 所 ? 氣 於 天 今日 之 假 常 贵 皇 道 帝 均, 間 亦 僅 天 帝 之 盖 王 道 帝王之道固嘗少試於天下 必 有 且 E 之世 四 往 帝 冬則 覇。 干 盡 則 説 Ē 可 餘 必 於 一之道 Ŧ 是 復 矣。 年 復 春 固 春 覇 而 夏 世 然 之道 春 覇 漢、唐、宋皆 秋 矣。 道 則 道 冬。 將 雖 復夏,自 獨 殊 爲 往 世 長 年 道 然 而 然 多 之 之 覇 遂

何 便 謂 識 除 隔 妄。 得 得 真 視 層 天 ? 與 聽 人本 除 妄 思 但 爾 慮 却 無 動 0 形 去 二,人只緣 作 動 有 體 皆 以 我之私便是除 渾是 天之 天 也 天 謂 有 也。 真,動 此 但 形 然形 於 也 以 其 中 體 與 之 天 要 如

> 者,姑 言,要 作 散 天 平 也。 性 以 理,度人之情 人之蕴 爲 爲 中 爲 」,終以 於 萬 子 庸 邵子云: 非 指 物 無 事 思 其 深 而 理 有 間 作 「上天之載 非 意之所 示 而 人 也 二不 順 行 之近 中 其 情 中 天 言 庸 之 其 以 出 存 而 庸 敷? \forall 所 如 邵 所 也 E 於天者乎? 非 此 無聲 安, 子 安, 書 不容一 天 之高 記 首 豈. 古 斯 降 無臭」 ~禮 其 從 爲 言 地 明 急 天 毫 得 **>** 出 者 於 天 降 古 矣 私 故君 語 揆 亦 命 誘 己 智 地 有 進 子 愚 物 妙 出 有 中 之 此 達 依 間 者 之 所 竊

惡 測 聖 自 秋 一,向 》者得 識 人 筆 其 既 春 非 削 **左** 其 不 功 秋 意 事 知其惡之所 亦 **>** 傳 事 義 迹 不 迹 雖 載 爲 小 之之詳 據 無 莫詳 矣。 甚 而 自 發 於《 且 聖 明 如 則 經 何 左 楚 聖 由 意 然 傳 世 義 人 知 後 子 垂 其 所 之 悪 商 戒 左 在 學 之 氏 臣 天 ^ 所 於 미

荒 以 矣。 垂 戒 君 盖 凡 父 篡 弑 夫 之 君 書 不 君 非 則 但 臣 以 不 垂 臣 戒 臣子 父不 父 亦

則子不子,此一説也。君雖不君,臣不可以

不臣;父雖不父,子不可以不子,此又一説

也。君君,臣臣,父父,子子,然後綱常正而

品品 乃 謂 物 遂 春 此 秋 凡 春 書 秋 弑 》所 君 以 弑 有 即 功 是 於 罪 萬 何 世 必 也 更 求 或

其 詳 果 如 其 言 即 不 過 發 讀 者 長 春 歎 秋 而

爲 一,於 哉 世 道 竟 何 補 而 聖 人 又 奚 以 作 \wedge

明 識 此 有 處 分 間 理 别 須 不 只 ,若於 容 就 就 髪 氣 氣 上 此 最 認 認 看 爲 理 取 不 難 與 透 言 然 「認 認 多 要 氣 説 氣 在 爲 亦 爲 人 理 無 善 理 便 用 觀 兩 不 也 ጠ 是 默

當 所 謂 處 即 中 或 問 否 是 楊 太 龜 極 日 Ш 耶 ?! 日: 「 然 易 有 若 太 然。」「 是 極 則 莫 本 便 兩 無 是 儀 定 道 之 四

> 不 易 也。 説 四 有 象 是 ൬ E 話 方 八 懸 言 下 便 然學者 卦 詞 空立 之。 有 有 如 甚 四 L 平 何 於 説 維 盖 下 自 易 須 此 就 皆 便 此 當當 加 實 子 有 自 生 理 體 細 知 左 ? 然 極 上 體 聖 右 之 分 指 日 認 人 前 理 明 : 出 所 後 可 也 此 謂 也 直 既 有 理 太 是 龜 有 左 以 極 看 山 右 太 乃乃 示 得 此 極 前 據 透 段 便 後

即 也 無 包 盡 夫 矣, 但 也 無 人 盡 由 哉 不 心之 如如 謝 如 其 窮 盡 上 其 之何 之 主 蔡 體 爲 夫 而 於 有 即 物 未 是 我 包之?」此 言 天之 果二,又豈 至 之 者 爾 謂 謂 體 心 之心 盡 物格 之 心。 本 言 窮 爾 人之智力 來 不 則 物 心 0 知 無 有 盡 心 物 爲 盡 之 盡 則 矣, 何 之 無 與 窮 而 侕 所 天 用 天 無 物 發 能 爲 者 盡 有 包

爾 物皆然。」 程 伯 子 嘗 佛家 言: 亦 萬 言 物 皆 蠢 備 動 於 含 我 靈 不 皆 獨 有

不 動 佛 愚 佛 歸 不 含 之 於 同 氏 嘗 性 獨 亦 」。」 其 至 者 靈 之 際 求 人 莫 所 其 無 爾 似 與 不 云。 大旨 謂 所 待 佛 此 有 物皆 性 以 言 絶 容 此 者覺 殆 不 有 矣。 少 覺。 無異 然 口 0 異 之故 愚 乎 然 吾 是 以 也, ? 是 人 儒 也。 理 之所 用 物 圃 竟莫 凡 言 反 伯 之 以覺 伯 覆推 謂 子 生 能 子之言 不 性 伯 莫 言之, 得 究, 者 口 子 不 也 理 其 所 以 前 有 説 求 後 謂 此 夫 得

首 爲 以 勝 儘 而 不 彼 述? 約 得 有 人。 之聰明 不 或 章 當 初 任 議 有 深於 儒道之不 其 觀 論 必 博洽 儒 責 其 施 至之理 哉 也 理 於 學 朝 使於吾 生 融 者 當 棄 受 廷 其 周 殊 而 時 雖 用 所 道 鼎 達 則 未 宋 成 無 誠 之 多 而 有 潛 就 非 天 加 寳 數 見,禪學 溪 禪 之 康 存 下 爲 豊 意 學 者 瓠 馬 文 不 吾 而 臣 偉 吾 由 何 中 己。 博 之 却 口

能不深爲潛溪惜也。

説 而 詳 禪 學 究之,毫髮 車 竟 淺。 無 若 所 於 逃 吾道 矣 有 見 復 取 其

子早 嘗通 於其 於吾 啻千 禪學 陋 者。 道 後 置 미 有 世 避 ,了不知 而 乎禪 歲 道 之人 ௱ 得 中 混 輕 弗 萬 辨之弗明 朱、陸之 皆嘗學 者 辨 之 議 而 里之遠? 始 果 學 哉 莫 也 儒 力排 吾道之 將 大悟 何 之本 能 先 0 異 莫 禅 在 圃 其 自 之咎, 夫斯 知 痛 同 禪 弗 也 末, 初 振 亦 爲 闢 學 所 然 措 不 雖 皆能 何物。 道 適 之 亦 含 以 嘗 閔 爲禪 焉, 過 非 之 從 非 無 胡 重 関 考 毫 後 弗 必有 究 於於 兩 爲 而 由 焉 兩 學 釐 學 其 爲 明 吾 真 盡 惟 程 者,既 口 辨 之 所 底蘊 道 於 時 棄 以 道 恐 知 宜 差,其 學者, 敢 天 而 之累 之。 其 厚 有 及於 明矣, 張子、 下, 輕 安 之陷 所 誣 不容 議 於 非 以 究 或 凡 天 凡 吾 朱 異 其 未 下 豊 徒 然

者 莫 覺 爲之 其 有 年 研 讀 老 哉 所 朱 膏 日 初 X 之 乃 磨 去 或 流 僧僧 子 以 垂 ? 嫌 肓 不 排 六 精 此 如 體 自 手 汗 加 目 之 知 闢 佛 忌 漫 愚 信 合符 + 象 認 焉 心 通 思 所 病 之 在 問 潛 自 必 體 達 虚 Ш 語 謂 始 庭 日 何 受 玩 初 節 朱、、 後官 欲 爲 日 輾 樿 復 了 前 學 由 久之, 非 皆 自 禪 既 之 文 者 然 柏 陸之學 以 成 有 出 攬 學 妙 南 致 而 日 何 有 以 樹 佛 來 以 善 於 衣 得 雍 漸 其 也 爲 見 子 揣 積 ൬ 洞 將 禪 渠 覺 知 乎 至 罪 其 則 非 數 見 塺 於 起 就 家 及 心 愚 亦 奇 有 而 見 聖 性 + 臆 其 是 \wedge 官 實 性 漫 聖 之 至 意 則 故 賢 證 之 年 度 肺 乎 賢 之 妙 恍 其 舉 京 審 之 加 道 始 之 理 腑 僅 真 天 襌 之 用 師 矣,豈 然 必 之 書 知 歌 也 私 曲 能 訓 語 心 有 而 以 未 下 前 \sim 偶 而 深 也 辨 甚 悟 爲 所 而 嘗 之 是 自 確 逢 嘗 所 中 之, 編 不 答 謂 已 平 見 此 名 理 有 故 其

隱 爲 能 明 者 之而 子 辨 者二一 之。 有 日 不 觀 心 良 Z 之也 當羞 又云 此 喫 思 所 得 孟 亦 則 非 緊 者 也。 已矣。心之官 説 子之言 鈍 耳 句,全. 心 貴 其 時 惟 爲 心 矣。 目之官不 悪 弗 但 乎 有 小 其 不 人 此天之所 仁 處 存 思 者 所 先 議 識 自 處 無 崩 盖 自 耳 義 不 思 7 之者云: 則 謂 象 伎 象 嘗 矣。」 羞 禮 不 能 其 而 此 所 倆 山 思 徧 悪 Ш 智 出 得 大 奪 學 理 以 則 之 閲 圃 而 亦 乎 者 者 也 當 自 其 與 思 非 學 象 象 蔽 因 不 性 何 辭 明 我 亦 除 思 由 自 於 山 思 Ш 讀 識 之 ? 者 遜 以 1 外 之 物 别 則 \wedge 段 之一言。 孟 理 當 處 爲 先 以 鑠 孟 教 書 得 言 物 子 自 也 於 先 惻 誠 學 其 子 我 之, 語 立 交 矣 立 隱 辭 此 然 大 \forall 也 能 是 不 物 遜 其 平 乎 抵 處 而 ൬ 思 其 則 自 我 是 其 顧 故 思 則 孟 然 皆 自 不 也 惻 他 孟 分 以 古 大 引 子 能 愚 則 大 得 明

性 是 者 要 不 也 至 執 短 謂 之 寬 非 自 則 知性 以 枝 絶 爲 本旨 靈 而 無 裕 如 在 在 動 類皆 難 梧 然 不 少 此 不 前 温 所 而 輙 之爲 得 明 以 者 也 籠 思 用 則 柔 者爲 知 無 自 數 間 於 爲 罩 乎 性 象山 之者」, 當 能 所 雖 此 + 性 言 至道 . 過 大 夫 思 果 心 發 取 或 理 辨之。」 白 聲, 不 也 矣, 一之誤 舍 何 强 並 中 有 言 終 者 思 靈 然 物 謂 剛 出 而 無 無 非 有 非 而 嘗 亹 覺 則 豊 IE 非 於 耶 毅 又云: 實 孟 問 由 考其 得 過 亹 即 性 ? 禪 學 在 靈 自 落 子 不不 而 焉 果 不 覺 者之 於 學 乃 無 發 得 又云「 斯 言 先 良 倦 之妙 當寬 聖 以 得 此 不 强 丽 不 有 爲 由 文 在 已 何 所 人 剛 凡 而 故 及 云 ? 道 所 分 乎 人 而 及 毅 在 其 言 其 矣。 裕 而 矣 見 言之, 哉 其 耶 上 天 1 當 及 盖 發 温 輕 不的 事 大 若 者 即 謂 於 明 遂 心 如 重 之 既 爲 止 乃 所 者 自 理 性 荷 心 性 長 此

其 也一 故 嘗 求 立 格 雖 理 象 乎 言 盖 伯 禪 Ш 思則 之 一、未必 此 此 是 主 顯 學 其 也 書 陽 書 Ш 1 聖 者 大, 物 中 廣 而 亦 於 言其道之有異,豈 避 語證 得 所 未 賢 聖 也。」 所指 嘗 引 但 經 其 之一, 不 謂 復 必 致 經 本旨 言 博 言 世 之, 以 名 不 此 何 之 隂 則 兩家 固 致 證 得 則 爲 以 而 疑 知 用 所 則 非 皆 此 無 思 遂 爲 竟 隂 也 其 無 凡 謂 之 本 者 背於聖門之訓 爲 禪 用 乖 然或 亦 非 所 實」者, 如 教 格 之 公、 學非 也 ____ 其 戾 嘗 云 以 謂 窮 物 經 非 所 實 者見 而 言 曲 爲 理 窮 從 以 傳 其 此 不 也 先 格 此 義 成 起 理 儒 所 者 合 格 象 然 文 也 物 者 其 者 佛 取 爲 果 物 乎其 也 何 Ш 以 明 窮 無 不 皆 儒 指 亦 致 殊 以 或 殊 所 心 此 同 文 或 指 嘗 者 知 大 者 明 與 心 不 不 之説 理 道 此 者 言 之 猶 平 心 之 知 又 初 知 王 也 者 見 學 未 象 而 窮 順

之友 景之 其 之 朔 至當 嗟 雖 軸 視 象 似 忽 下 以 高 南 夫 誤 所 之日 省 有 Щ 此 就就 H 爲 第 奇 莫辨 忽省 見 善 下 此 弟 否 然 而 即 觀 使 安 特 樓 辨 乎 心 即 : 究 象 請 能 孔 其 坐 之無 ? 此 也 愚 言 至 Ш 一、曾、 此 忽覺 圃 殆 復 所 虚 瞑 心之 嘗 往 之, 於没 以 忽 其 理 實 不 至 1/2 目 所 年 英 於 一發「本 思、孟 之 此 易 能 證 己 不 清 所 不 何 義 监 邁 以 用 心 爲 佐 顯 氣 敢 通 明, 見 理 可 絶 己 力 事 之出 。 曾 之分明, 也 爲 __ 心 之光 之 當 舍 之 人之資 復 忽 _0 操 含胡 莫知 相授受,曾 精 短 也 之 澄 省 有 有 盖 存 脱 景 取 微 瑩 詹 此 間 楊 惟 矣 其 兩 長 脉 如 阜 心 簡 愚 禪 向 顧 遇 象 遂 所 口 此 路之端 氏 之 者 盖 是 乃 以 家 道 高 於 之 Ш 以 者 者 無 以 有 眩 求 明 雖 有 象 目 象 生 詞 半 從 始 子 於 歸 能 勤 正 此 逆 Ш Ш 月 也 的 末, 言 直 游 光 于 者 機 知 之 而 而

> 之 然 尊 不 有 崇 有 亦 感乎 叮 云 而 信 哀 斯言,是故 奉 也 亦 之 夫 使 者 1 後 人 其 時 不容於不辨 而 説 復 復 之 有 哀 傳 見 後 於 至 人 天 於 也 下。 今 未 愚 杜 泯 惕 牧

恐 耶 下 人 綱 後,陸子得之。」然所 去 不 身來」 放 ? 學 下 有 免冤 之心約 程子 加 似 學而 云 上 此 前 屈 日 達」 之見, 上 止 程子 之使反, : 孟子之言, 達 0 聖賢 也 最 也 非 語 0 緊 惟 嘗 復 干 引 要 却 無 見 言 人 是 程 程 裁 以 席 身 萬 一自 子之言 子 去 直 文 來, 語 得 不 象 能 同 之。 只 自 用 山 尋 鳴 是 能 之冤 只到[「] 向 果 程 欲 冤 尋 上 何 子 人 録 向 去 復 説 之 IF. 提 將

《易》,言性屢矣,曰「乾道變化,各正 也, 是 則 至 此 程 當 子 非 言 歸 安 性 可 精 即 不 義 理 明 無 辨 也 之! 象 此 是 Ш 昔 言 則 吾 彼 夫 性 心 非 命 子 即 贊 彼 理

自 白 説 聖 能 理 心 用 理」, 人 義 説 即 見。 未 之悦 洗 以 之者性 諸 理 性 日 有 心 此 心 故 即 茅 也 我 ௱ 窮 洗 理 自 心 理 ____ • 心 其 也 而 夫 誤 盡 曰 猶 以 不 口 心 者 明 性 曰 芻 聖人 取 通 此 而 忧 矣。 以 豢 證 平 易 至 之悦 ? 作《易》, 於 試 自 於 其 於 洗 詳 怒型 誤 心 Ħ. 1 命 我 書 味 已 亦 圃 孟 日 此 不 屢 0 後 子 以 但 言 數 可 切 易 嘗 語 尤 詳 順 語 言 師 况 爲 性 味 謂 明 . 命 心 日 此 日 --

惑 之間 無 晦 道 , 或 出 時 夫 矣 象 警 未 其 Ш 或 明 雖 能 初 晦 縦 有 灼 志 所 警 於 然 或 孔 知 學 縱 作 分 子 也 未 明 或 + 作 輟 免 見 輟 Ŧi. 即 乍 己 得 而 至 名 分 出 志 = 爲 乍 矣 於 至 + 學 人 兀 然 知 加 -道 乍 是 於) 始 明 已 事 緣 不 物 則 知 乍

> 物 先 聖 然 也。 見 耶 何 山 則 古 ? 則 既 不 、之資 嘗 所 立 聖 其 豊 直 有 之 已 人 言 非 則 言 後 知 之 道 猶 以 亦 者 學 但 知 於 待 不 不 果 安 存 此 事 見 副 何 有 物之 + 心 此 矣 有 道 之 是 心 五 罪 哉 存 即 間 且 年 我 ? 爲 之 所 所 見 則 者 知 知 久 未 得 愚 此 道 古 方 見 所 猶 非 理 耶 者 不 見 能 未 自 敢 得 各 果 灼 明 分 邨 爲 而 議 然 然 明 何 儒 有 象 物 ?

阻 爲 爲 真 事 所 反 足 高 約 得 去 皆 淺 之旨 就 , 盖 以 吴 深 組 淺 康 之决 廉 欲 織 之 齋 深 頑 少 得 聖 際斟 之 也 立 無 需 賢 無 志 懦 所 歲 有 成 酌 於 但 考 時 未 説 爲 當 察 見 道 有 至 難 其 時 殊 所 乎? 觀 可 初 事 無 獻 諸 謂 其 體 意 統 納 老 專 辭 其 殊 紀 所 亦 觀 官 且 常 辭 以 非 求 其 後 勤 官 不 之 形 合 以 矣 疏 勢 孟 復 不 陳 否 節 堅 多 屈 子 其

多 矣。 未 留. 得? 必 其 誣 謇 或 取 齋 然 有 其 瑣 見 好 大 學 綴 加 録 ൬ 如 略 康 康 **>** 記 其 齋 齋 康 之 細 節 齋 决 固 操 晚 去 君 年 如 子 所 康 之道 得 齋 亦 事 也 何 E 多 雖 口

之訓 精 認 道 於 散 亦器」? 有 然 到 録 室 所 爲 道 理 深 亦 處 能 無 单 微 礙 薛 儘 有 亦 無 物, 其 及,然心 至 妙 有 ጠ 到 文清《讀 未 器 其 聚 言當 於 不 굸 耶 散 爲 至 故 能 品 可 其 縫 爲 理 盡 ? 神 得 之説, 品 矣。 思則 言 隙 難 書 氣 合 所 盖 故 未 則 言 録 也 無 處 見 至 既 文清之於理 吾 免 無 大 愚 縫 **>** 於 , 荷 甚 竭 盖 矣,安 信 夫 時 往 則 隙 反 毫 有 焉 有 子 有窒 乎 而 不 覆 髪 故 體 不 有 不 能 歸 得 嘗竊 失 證 認 日 期 通 礙 無 精 謂 明「氣 真 器 氣 I 而 矣。 也 疑 之 之 以 義 夫, 亦 合者 雖 亦 爲,氣 道 難 此 器 欲 見 始 有 夫 夫 神 矣, 也 非 得 聚 道 免 理 终 亦

> 得矣。 是 長 之 有 分明 事 聚 聚 便 有 物之 不識 並 散 是 聚 終 是 無 之 知言之 始 室 乃 理 礙, 所 莫 氣 君子以 謂 雖 不 之 理 欲 皆 散 也 然。 尋 便 爲 其 是 推 何 縫 如 散 之造 如 隙 此 之 言之, 理 1 化 不 之 惟 消 其 口

少 惟 見 義 有能 之安。 薛 文 冷清 及之者 其言 學 識 可可 雖 純 間 正 謂 踐 有 君 口 子 履 疑 儒 篤 矣。 然 實 察 出 其 處 所 進 退

言 其言 其 誠 望 皆 身 乎 以 而 片 事 甚 動 \wedge 己。 讀 圃 君 當 忠 於天下。 欲 書 大 誠 事業 録 事 薛 抵 爲 》有 君 能 文 國 名 之 後世 主 清 之心 云 | 譽比 忠 忠 盖 之人 信 有 當 韓 故 儗 素 以 此 魏 其 前 以 心 爲 定 公、 賢 事 私 於 學, 非 范 業 意 爲學之 難 則 徒 文 顯 小 矣 能 必 智 著 正 哉 爲 自 諸 有 日 而 公 忠 此 持 名

術之誤,亦恐自白

沙始

至

無

而

動

至

近

近

世

道

學之倡

陳白

沙

不

爲

無

力

而

學

四〇

言皆有 沙 本 見 極 而 ン之病 末 河 夫至 神 一,此 幾之不 古 一神者 所 E 以 恐 白 據。 禪學 逐 沙 在 能 公論之在天下,有不可 此 自 目之。 研 以 得之 爲 章 道 雖 楓 妙 胡 在 不 山 也。 敬 爲 是 嘗 齋 白 矣, 爲 愚 沙 攻之尤力,其 余言其 而 前 面 深之 所 發, 謂 得 爲 不 而 而 學 白 徒 能

之心。 公之文學固 此 中 有 程 丘 其卒 子 處 文 所 莊 譏 謂 足 也 公 議 「克己」 以 雅 異 白沙祭之 名 學 不 世 喜 最 似 前 陳 難 乎 白 占者 以 未 爲 沙 文, 白 也 有 以 沙 意殊 大 深 發 學 服 也 不 衍 白 滿 義 沙 然

誣

之道 似 之,故言之親 成 乎欠透。 乃仁 胡 居業 敬 義 齋 録 之所 如 大 切 云 中 類 而 爲」, 言 尹 氣 有 和 一敬 乃 味 靖 又云「所以 理 也 最 之 皆 詳,盖 所 然 是 爲 亦 儘 爲是太和 所 敬 窮 又云「人 謂 理, 字 身 但 做 有

> 矣, 焉 者道 及 自見 道 有 云 者也。 了,是以 乏 開 理豈 示不 闔 所 也」,又云「有 爲一, 盖朱 有 謂 失之。 不 《性書》 理 照應。 救 子 但 氣 氣之衰乎?」余 雖 熟 交 若余 相 認 有云:「 讀 後 理 爲 理 子 來 而 繫 賜 氣 積 後 承 辭 如 爲二物, 之《 用 有 氣 傳 此 者 氣」, 嘗 》,其 性 ! 偶 能 書 思 又云「易 爲 輔 説 \forall 慮 然其言 着 之合 理 則 皆 之 其 莫 語 美 甚 即 極 否

卷 之 得者 所 也 可 可 二字斷之,安能 所 以 見 與 舒 但於禪學本 作 想 見 者 固 人 胡敬 像 堯舜之道 乃 用 不 是實見,禪 無 疑 虚 同 齋 之。 靈 力 不 是 知 攻 自 得 末 非 然其 也 覺 禪 似乎 學 其 由 得 之 學,盖 之 心 失 妙 愚 是 一見之餘 未嘗 有 服 遂 所 ,亦自分明 以 得 耶 於 有 謂 猖 深究 者 ? 盖吾儒之有 此 志 「有見於心, 狂 亦 妄行 萬 乎 於 是實見 閑 判 動 脱 事 聖 而 爾 以 皆畢 洒 終不 想 道 者 無 但 彼

四二

也 無 難 之 見 知 於 心 物 理 明 性 自 性 又 惟 是 非 就 以 不 學 當 多 至 未 物。 爲 物 誤 於 至 不 中 猖 易 於 謂 除 分 狂 之 知 却 之 剖 妄 論 性 兩 心 得 行 即 物 兩 天 矣。 使 無 又 物 下 誠 非 性 出 之言 盖 有 除 來 兩 心 見 物 未 却 方 性 平 易 謂 性 至 可 性 知 謂 之 即 爲 命

興 别 理 義 心 木 在 知 法 是 亦 者 名 歎 必 覺 便 所 運 以 即 以 説 미 其 居 能 爲 動 凡 道 謂 爲 合 業 他 爲 事 無 也 是 義 之 乎 録 性 莫 適 設 理 道 道 義 \forall 故 云 搬 不 之 而 使 乎 理 : 非 木 未 能 有 ? 此 如 丽 道 之, 者 法 易 與 婁 無 此 愚 固 『運 窮 克 然 私 説 荷 亦 讀 不 也 貞 所 是 水 得 乃 此 知 見 搬 夫 儒 搬 其 道 條, 可 夫 之木 道 搬 柴 者 法,即 爲 爲 法 不 木 古 事 何 者 道 相 之人 覺 荷 矣 無 物 似 爲 道 贵 慨 不 所 合 其 搬 指 得 但 之 然 不

> 學,然此 邪 道 之 與 但 所 木 肖 據 以 ? 過 從 否 得 與與 此 得 能 來 法 邪 禪 此 之 知 搬 或 ? 事 m 言 其 家 非 能 能 有 不 却 所 所 若 自 行 義 謂 非 運 不 言 以 是 搬 自 義 之道 者 差 與 暗 者 此 是 運 即 也 敬 吾 合 即 非 爲 水 其 得 儒 齋 道 主 道 至 搬 道 責 無 異 妙 乃 道 柴 固 在 有 則 顧 從 也 無 與 主 空 其 無 미 初 侕 者 所 缺 得 舉 譏 克 不 非 夫 夫 不 處 之 法 貞 間 妙 婦 在 邪 党 處 雖 其 用 而 调 自 得 是 搬 若 廢 愚 矣 盖 禪 法 是 者 木 搬 白 不

居,故 爾 如 原 蕭 静 惠 却 及 王 \wedge 驟 善 伯 録 陸 而 間 安學 原 单 讀 静 儘 干 之 術 答 言 會 者 具 問 思 萬 在 或 索 語 數 未 傳 章 第 無 必 習 未 非 可 能 録 知 是 謂 知 学中 後 物 其 吾 來 而 落 契 無 觀 變 着 合 隱 動 其 也 何 平 龃

嘗 得 湛 元 明 所 著 書 數 種 觀 其 詞 氣

格

品 自 力 甚 品 處 甚 之見,多有 類楊子雲,盖欲 高 姑記 自 負 其一二 未 甚 大,子 合 如 恨 成一家言 左 雲豊 無 由 相 其 與 爾。 所 屑 細 講 然元 爲 哉 以 明

道。」然則聖人之言, 也。 不然矣 元 明云:「自 隂 陽之 其 調 亦容 道」,吾夫子贊《易》 隂 有 欠缺 陽 之 處邪? 中者謂 之 語 殆

+ 焉 爲 E 百二 有 元 以 一也。 道 者爲道 道 明 四 云 則 爲 + \sim 中 易》卦三百八十四爻,中正 也。」其説「器」字 非 有 固 ൬ ,不過六十 道 爻之陰陽 吾觀於《大易》,而 未 八,不中不 不正者亦六十 則 得 道 其 器 剛 四四 中 不 Œ 柔 爻 甚 Ē ·容於 者 器器 也,不 有 明,然但 而 亦 四 不 也 知 百二十有 識 道 餘 IE 矣。 得 備者 元 以 器之不 爻 圃 其 得 不中者 明 三百 果 中 六 其 如 中 E + 何 以 口

以處之邪?

方可 知 犬 牛 元 明言 何 從 「犬牛 得 此 性 之性, 來? 非 天 天 地 地 間 之性 須 是 即 本

其 熙日 夫 猶 道 此 事爲障,又以 分殊 真 云 空者爾,於分 不可 一、安得 未 未 切 欄 求之所以 「自兹以 嘗 免 所 柄 籠 此 理 謂 於 佛 入手,更 斯 不 統 其 會分殊, 家 籠 理一者,須就分殊上 理 爲 真 所 所 統 往,更有分殊 籠 自 無 理 殊 如 以 見 瞞 爲 有 統 之義 瞒 學,所以 似 亦成 障,直 瞞 肝 而 處 何 是 肝 先已 也 事 肝 不 初 佛 而 片, 乎? ?」其説 到 無 欲 非 性 教 「得 况 處 掃 干 也 一,大 無 其 合 0 緣 此 涉 除 陳 理 見 皆 欄 要 也 其 始 要 白 甚 息 會 理會。」 得 無 詳。 障 以 亦 紁 沙 柄 不 分 警 其 嘗 乃 來 謂 不 運 殊 末乃 愚 爲 既 林 夫 有 知 方 夫 至 是 得 緝 有 口 以 頑

湛 亦 見 不 得得 元 用 明 非 其 爲 欲 作 平 稍 改 日之心 自 葬 别 墓 於 碑 傳 禪 并 學 授 合 而 必 姑 要 有 爲 理 在 是 會 矣 言 邪 旬 ?

然,語 覺 豈 之 盖 處 金 氏 處 可 所 見 鮮 語 而 其 針 難 作 其 不 然 其 悟 志 不 而 白 未 意 喻 妙 以 發見, 之後 乎 註 傳 也 遂 亦 沙 口 旨 示 心 乃 與, 及 同 自 法 元 而 古 謂 則 所 於 知 年 江 教 然 深 也 明 溥 如 萬 禪 厶 皆 深 》開 門 屬 而 者 博 此。 法皆空, 日 家之 莫 擴 明 語 意 風 也。 卷第 淵 誰 杖 而 正 於 也 藏 月 金金 泉 掇」云者, 杖 學 莫 充之,即 元 釣 所 ൬ 而 喝 有 喝 兀 明 針」之譬, 舉 臺 章 後 以 時 端 學 耳。 發 出 闢 深 經 , 無 何 在 只 是實 之, 書 釋氏 殆 乃 之 觀 我 學 是 邪 便 曾 以 其 句 有 乎 掀 亦 地 之非 道 領 有 不 病 無 翻 上 其 出 作 理 莫 覺 殆 過 悟 革 時 説 自 者 熟 無 弄 道 佛 無 時

> 所 物 乃 幾 道, 道 理 夕 何 也 坐 夫。 或者忽然有見, 吾 無 嘗有 本 非 一。」今顧 一,庶 死 有 於 窮 知 事 盡 邪 也 : 侮 今乃 一之訓 物 有 吾 幾 所 天上 ? 聖言 而 我 亦在 言 不 無 以 我 欲 我」 以 之所 然 交, 吾 負 爲 無 以 於 者 此 天 則 也 此 道 善端 盡 人 Ì 下 乎 夫子 得 不 所 又 静 生,故 」, 正 爲 也 註 ? 爲 過 私 謂 云写玉 中 吾 惟 何 皆 處 所 虚 道 養 是 我 爲 夕 緣 指 老 纔 程 聖 以 靈之光 乃 出 惟 獨 我 死 發 覺 處 臺 爲 賢 子 示 天 端 ? 尊 我 見 可 便 形 病 經 申 道 人 倪 地 獨 ? 矣, 我 我 惟 書 處 景 其 當 今其 尊 萬 大 也 我 死 佛 明 耳 遏 義 是 之説 汲 物 既 若 之 而 何 氏 伏 是 詩 公共 不 囚 汲 物 道 形 妄 日 之 虚 於 味 朝 不不 誕 云 之 安 7 姑 闡 聞 生 謀 静

^{● 「}開」,原誤作「間」,據嘉靖本、四庫本改

自成一家可矣,必欲强合於吾聖人之道,難

矣哉

則 氣 未安。 萬 不 徒理 ,而 楊 方震《 理 亦 復 萬 而 也 余 氣]。」此 子 亦 積 言 也。 書》 甚 有云: 若 當,但「亦」字 論 萬 「若論 則 不 徒

子云: 觀 ,若有内 人呼吸之氣, 「天人本無 外之分 二,不必言合。」 其 即 天 實 地 之氣。 氣之往 自 即 來 形 氣 爾 即 體 理 程 而

不知

其 中之傑出者 生 蔡介夫《 做 窮 理 中 工 庸蒙 夫 且 引》 能 論 力 鬼 行 神 所 數 學 盖 段 極 儒 林

視之道 其首尾,殊未見其 老子》五千言,諸丹經莫 ,當出於《老子 有 不合 ,》無 疑矣。 者。 不祖 然 則 之。 長 生 久 詳

魏伯陽《參同契》將六十四卦翻出許多

己。 此乎? 所謂 外 意,盖當其 説話,直是巧, 别 傳之説。 使吾朱子灼 「工夫容易 然朱子之考訂 (時,其 後 其 藥非 知 來 所感者深矣,吾黨尤 實 其 張 遥 字 平 爲 此 説 叔 也 可 書 笑,其 破 説 無 與與 得 所 註《 用,故 須 亦 肯 楚辭 失 自 留 八 笑 」 分 不 意 有 明 是 於 口

專言 彭註 明 矣。 真 達、盖秘之也。 内 俞註 備 人、俞琰、陳 \sim 内 亦 俞有《易外别傳》 M 参同 含蓄,此 未 最佳,次則二陳。 事 甚明。 . 契》有 家 致 所 儲 以 虚 又 彭 以 註 傅 有 六家註 曉、 優 甚 會 一卷,亦佳,其言大 於他 無 一簡 陳 鑪 名 陰註 顯 皆能 火 氏 註 中 微 之術,失之遠 也 間 似 家 却 儲 得 乎意 註 華谷 有 其 眼 微 未 日 抵 家 盡 隂

月 無 雙明」下 讀 **今** 同 方出 契 發 揮 呼 吸二 到 蟾 字。 蜍 要之, 與 兔 魄 金丹 日

作 字之爲 用 之 妙 妙 不 皆 出 惑 呼 於 吸 他 岐 字 者 也 加 已 9 如 不 識 此

於禪 果 也 悟 何 真篇》首 《 悟 用 其 仙 乎 家 必 真 妙 有 篇 旨 尾 説 > 本 貫 矣。 無 是 通 出 發 而 \wedge 然 參 明 無 使 同 仙 所 真 契》 遺 能 家 到 事 方是 書, 得 末 究 乃 究 然 竟 致 竟 須 處 意 處 讀

心 是 舉 以 溺 爲 以 愚 如其信 之 無 爲 神 當誰 仙 愚 造 吾 之説, 早亦 黨 化 咎 不能 告 哉 矣, 也。 嘗 及,必 自 誠 究 昔 知 天 心 聰 此 地 欲 焉 明 理 間 僥倖於萬一,載 之 果 後 更 士 方 有 不 鮮 識 不 必 不 死 破 枉 之 慕 故 用 物 之。 詳 其

稍 閒言語 金 複。 剛 嘗 經 耳 閲 法 **>**, ≪ 佛 且 華 心 書 多 繁 經 數 誕 要指 謾。 種 可 爲 姑 示 達 處 簡 就 磨 盡 其 纔 雖 所 不 + ^ 見 立文字,直 員 一三,餘 覺 而 論 詞 之。 皆 意

> 出 真 境 非 指 人之後,則無妄非真,故 亦 界」。 妄不 妄 ,韓子火攻之策 嘗 人 故 略 心 分, 究 雖 云「若見諸 見 其 真 頓 性 始 漸 詖 成 終。 淫 佛 各持 其 邪 相 其 然 必 遁 非 教 在 後 之尤 説 云 相 人 所 來 大 取 發 説 無 即 者 夫 抵 話 心 明 見 之 首 、真 如 不 如 尾 來 初 勝 有 如 其 衡 無 無 異 悟 直

是就 教 收 盡 彼 你 世 滅 所 諸 發 無 間 朱子嘗答《 謂 衆 相 阿 心 降 T 生之心 耨 乃 伏者 方是。」此 多 見 羅 其 金 入它. 非 所 剛 藐 謂 謂 經 恐未 三普 空者 無 欲 \sim 大 遏 餘 然 提 耳 意 伏 涅 之 心 詳 此 槃 者 問 其 心 中 説 語 滅 謂 有 意 度 盖 盡 云 只只 欲 都 降

中 實 來 切 滅 甚 ^ 要 而 大 法 言 處 久 華 滅度, 遠 經 諸 佛 壽 以 如 如 命 是 來 來 無 壽 方 秘 量 便 量 密 教 常 之藏 化 住 所 衆 不 不 云 生 滅 過 成 如 此 佛 雖 此 經 以 不

善男 思 是 過 若 閒 中 議 實 言 於 禅 所 見 彼 定 其 以 説 語 女 實只 是爲 五 居 前 盖 波 其 五 聞 布 争悟 大半, 於 羅 者 第 我 施、 蜜 雖 功 説 與 若持 滅 般若 德 皆謂 壽 미 未 不 比 厭 命 悟 滅 戒 此 多 之功 而 之 乃 千 羅 ^ 若 己 分 語 蜜 至 德 忍 萬 别 若 其 辱 億 念信 功 信 分 功 及 德 若 德 得 不 品品 云 精 其 及 及 不 》偈 其 有 可 即 福

皆 識 應 性 家 未 程 ,終不 出 分 以 道 及 子 爲 明 見 之論矣。 翻 理 事 淺深 譯 ,但見其 亦自 理二 知 頗 者之手 性 疑 分 是 障 翻 ^ 拙 明 所 (經)有 何 譯 非 焉 出 自序 物 要 者 耳 盡 也。 皆 員 有 草堂僧宗 當 及裴 只 覺 所 時 此 是 潤 經 本 經文 休 一説 \forall 色。 文 其 心 序 密 法 遂 大 失 但 圓 抵 隨 認 説 疏 無 熟 其 佛 以 得 略 逃 佛 才 於 經 照 爲

《中庸》舉「鳶飛戾天,魚躍于淵」二語

其 非 言: 面 所 般 申 之云云: 以 若 青 0 不 青 司 語 翠竹 自 言言 意 絶 不 其 , 盡 相 爲 上 是 似 其 下 真 所 察 只是 如 惑 也 0 0 不 佛 同 家 黄 亦 若 花 嘗 能 識 有 無

畏 者 世 有 透 哉 才 E 應干罪惡即 乃亂 加 朱 未 子嘗 復染禪學,後 及詳考其 臣 論 賊子之三 及釋氏 都 無 人, 來 T 之學, 窟 但 0 遂 嘗 耳 然 無 駝 大 則 所 之 抵 此 不 所 邢 爲 謂 舉 恕 種 若 Ė 吁 學 履 明 識 道 辨 在 得 口

困知記卷下終

困知記續卷上

凡八十章

於是 凡 聽 荷 人心 過 輪 得 口 ? 可 於 回 之者 高 思 罪於名教者,勢不 之 佛 以 異 見性 既 議 説 端 明 氏 免 有 者 猶 之 者 動 輪 成 求 則 鮮 説 亦惑焉。 矣。 人。 佛,以 於彼 迴, 其 也。 説之玄妙, 自古有 出 佛 人 ,則彼之遺君 爲 生 之情 其 法 惑及 後 死,安得 初 · 得 之, 闡 有 莫 人 不姑置之,然吾 千 於高 達 迥 不 中 考 悟 非 磨 其 貪 或 不 親 明 者 前 神 生 爲 惟 惟 滅 害, 至 日 通 ጠ 則 以 其言之 一,直指 比 自 種 惡 其害 生 莫 矣, 在 類 死 儒 死 有

推

行

其説於天下者,繩

繩

不乏。

迨我

聖祖

親

而

炙之,遠

者

聞

風

偂

起

相

與

爲之

羽

翼

故其言

出

聰

明

豪

傑

之士

靡

不

心

服

近者

純 能 道 之訓 息 經 故 切 知 和 大 神 不 執 冷。 皆 深 世 之 説 幾 内 所 而 意 可 辨 何哉? 己。 之 義,孟 以 宰物之用, 適,一人其陷 、《大學》致 中之傳,孔 辭 勝 氣 心 其 無 足 救 并 論之 説 既 者 以 以 向 力 子 亂之。 \ 矣。 以 建 非 惟 以 明 知 大中 其 文 排 兩 教 數 門 知 確 言 何 道 門 君 程 衰 格 斥 穽,鮮 養 真妄 至正 自 哉 爲 户 之,吾人之不變於 貫 子 子 物 而 氣 ? 孟 道 至, 之教 忠恕之旨 俗 其 張 一之本 子 復 混 敗,不 盡 德之充備 盖 則 聰 子、朱 能 而 淆 心 , 高 取 明 中中 外外 學 後 有 知 明 但 自 才 莫 以 性 庸 克 之士 子 之 者茫然莫 古 可 辨 之説 或 自拔者 ,學術之 》性 身 爲 無 己 帝 足 過之, 任 夷 長 以 道 爲 \pm 以 其 者 斯 達 精 太 張 精

之於 惑 披 有 從 君 丰 之老 其 息 賴 有 故 來 士 出 閲 説 也 見 事 道 徒 其 乃 子 君子 是 非 矣。 位 策, 於 焉 無 世 説 師 ? 聖 則 復 豈 隆 記 · 贵 之 能 其 吾 之 賢 故 宿 傳 故 潛 猶 初學 爲 志 儒 之學 興 説 儒 自 之 於 病 於 有 不 人一 師 役 之 將 能 朱 又 爲 是 吾 之士 其 誤 衣 異 學 以 往 興 不 子 教 黨 説 平 鉢 但 哉 同 救 日 學 也 求 没 講 往 有 之 既 之傳 以 之 ? IE 庶 則 之力 育 道 迄今三 未 久, 續 不 莫 初 際 者 幾 而 主 才 愚 也 屑 詳 能 未 Z 殊 張 愛 頗 而 所 而 哉 也 究 學 明 曾 能 性 助 鮮 謂 懼 外 斯 ? 才 四 禪 心 平 以 命 不 辨 禪學 道 之 而 無 假 質 百年 於 心 而 五 之 别 知 從 夫 者 以 萬 於 凡 所 性 偶 經 理 其 之 道 何 者 解 又 下 , 之 嘗 謂 夫 0 者 學 雖 亦 所 近 以 天 誠 兀 辨 禪 有 嘗 粗 於 時 求 寔 世 以 之 下 書 有 若 數 著 之 繁 復 世 滅 之 文 以 所 及

> 之心 覺 無 如 有 也 黠 邪 見 在 以 不 黑 以 别 窮 迷 逞 者 聞 如 ? 出 者 白 其 隱 究 土 今 覺 中 乎 佛 無 因 良 乎 須 知 其 師 以 , 伎 氏 見 至 妙 由 而 不 據 倆 情 之 見 之 單 此 者 造 理, 迷 妨 所 矣 折 其 他 而 知 而 贵 妖 悟 東 聳 獄 然 策 謂 覺 所 猶 捏 之 見聞 説 動 其 性 9 後 子 謂 而 以 怪 兩 不 西 人 情 吾 上 性 已 非 覺 造 同 之 知覺 説 百 言 儒 者 既 矣。 爲 而 具 聽 爾 般 之 得 是 語 謂 已 備 果 聞 之外 作 性 然 不 反 矣。 莫 精 則 不 後 弄 理 又 覆 能 幾 是 出 來 秖 别 可 異 有 加 神 其 與 於 非 於 其 爲 有 研 得 所 同 出 謂 之 之 徒 無 見 衆 所 覈 處 而 鬼 謂 是 判 聞 明 法 謂 没 明 皆 非 辨 桀 有 必 覺 知 離

伽 時 四 達 謂 卷 磨者 之 可 日 以 禪 印 家 心 吾 之 _____ 觀 初 遂 震 併 祖 日 授 也 所 之。 有 其 經 自 傳 教 法 後 惟 其 徒 楞 祖

皆 自 卷 究 佛 者 乃 劉 無 疑 宋 時 譯 或 初 本 高 其 僧宗 文 頗 斞 泐 澁 如 難 玘 讀 嘗 當當 奉 詔 出 兀

亦 註 無 比 附 次 釋 而 第 貫 參 註 通 散 以 之, 語 漫 唐 以 以 不 本 暢 究 其 亦 極 義 觀 頗 其 者 明 歸 高 猝 白 趣。 明 難 但 理 遇 經 會 奥 中 有 澁 言 深 今 處 於 輙 語 間 其 聯 初

説

者

,當知余言之不

妄

也

識 者 性 無 識 相 我 其 也 妄 也 中 日 識 楞 妄 想 識 一八 伽 想 經 自 凡 身 藏 識 》大旨 也 中 性 識 此 巾 明言之矣。 諸 也 正 緣 曰 意 法 有 智 起 根 不不 四 也、 自 無 , 意 無 出 性 日 如 我 識 我 五五 迷 如 成 五 悟 者,人 眼 也 法 法 自 兩 識 -性 切 途 三自 者 佛 無 耳 也 曰 識 名 我 法 盖 性 也 迷 法 悉 鼻 自

聞

知覺

之

,體,五

隂之

識

屬

見

聞

知

覺

乃

號 界是 成 也 界。 而 也 前 所 香 而 爲 爲 則 人 覺 ,離人而言之也 其 本 佛 悟 覺 真 如 法 爲 味、 覺 合而、 之 之 者,眼、 識 有 己。 本 名 人 如 謂 道 觸 覺 之 0 朗 執 日 爲 爲 言之, 所 然 也 義 悟 者 覺 五 等 法 相 成 而 耳、 獨 謂 隂 六 常 有 無 識 即 自 正 爲 及 存 者,色、受、 鼻、舌、身、 人 塵 藏 始 性 所 住 覺 所 妄 其 法 也; 覺 也 轉 則 覺 謂 想、 不 至 爲 因 爲 之謂 則 佛 此 動 IE 有 也 加 析 始 爲 諸 果 五 之 之 智 之 法 本 覺 M 妄 始 識 想、 隂、 成 迷。 謂 意 覺 也 六 覺 言 無 而 想 , 覺 矣 也 六 行 識 + 之, 合 我 悟 緣 即 即 佛 根 始 IE 本 起 則 所 故 人 者 是 識 本 法 對 而 智 覺 覺 爲 自 佛 謂 而 諸 譽 爲 也 也 色、 覺 者 亦 性 E 所 言 + 乃 有 如 識 聲 也 之 見 + 以 如 目 八 爲 有 轉

識 道 該 嘗 性 # 生 知 在 謂 故 知 以 以 本 言 不知 爲 沙 清 覺 覺 唤 無 離 爲 日 如 作 界 談 之 浄 骨 情 見 作 之 謂 亦 離 性之 論 精 切 闡 用 也 遣 心 如 收 何 明 用 見 在 不 魂 心 離 着 知 來 攝 其 甚 + 是 聞 眼 覺 爲 在 之。 不 即 着 於 然 在 미 矣 八 性 覺 識 手 日 理 住 合 其 於 隂 後 舍見 平 界之 知 見 執 與 離 微 法 、界、 見 也 ? 義 可 乃 有 不 捉, 之 ? 而 聞 者 聞 塵 在 以 欲 也 偈 識 彼 識 耳 行 云 何 知 知 在 强 昔 屬 云 明 者 ? 識 日 布 覺 道 覺 然 即 足 合 焉 達 非 以 者 聞 施 則 而 則 迷 運 非 於 磨 懼 故 異 在 知 知 亦 奔 五日 佛 應 非 弟 不 其 非 欲 胎 悟 是 覺 矣。 在 無 氏 儒 無 見 本 子 着 不 人 之 鼻 爲 爲 佛 本 徧 之 以 所 波 覺 不 於 異 \wedge 也 謂 辨 身 性 性 覺 現 爲 所 羅 金 聞 則 見 住 香 也 矣 不 俱 處 始 其 提 謂 聞 佛 無 岡川 無 而

> 其 知 邪 者 鬼 後 魂 知 Ħ 毒 遁之辭 怪 來 是 者 矣。 桀 説 即 得 佛 黠 話 所 往 性 不 然造 謂 者 翕 往 -, 爲 直 H 名 然 便 其 是 即 相 妖 能 並 嫌 玄 所 所 捏 興 其 妄 如 妙 謂 動 怪 此 淺 想。 乎 IE 直 不 近 ? 智、 吾 出 止 是 此 黨 乃 於 張 其 奇 如 偈 尤 佛 人 徒 子 特 自 如 不 氏 人 所 是 之 口 但 捏 以 謂 真 嘗 門 不 出 利 唤 實 知 略 詖 作 心 般 誠 求 中 淫

住 識 識 謂 出 品 不 卷 滅 首 實 及 轉 心 廣 諸 分 相 識 良 声 説 楞 以 别 虚 相 而 諸 業 有 伽 妄 生 事 萬 識 相 > 八 滅 識 法 四 住 真 相 有 故 唯 卷 則 經 滅 識 又云 相 種 何 中 卷首 切 諸 生、 等 之言 次言 根 識 又云 爲 住 皆 若 識 唯 ? 識 굸 . 諸 覆 滅 滅 心 切 彼 識 略 特 是 種 謂 謂 真 有 説 切 名 詳 種 直 識 流 有 差 佛 相 識 種 注 第 種 别 語 滅 生 種 現 種 心 不

者 業 涅 識 識 執 生 若 住 處 又云 蕩 識 異 真 因 槃 實 相 外 自 3 流 藏 天 熏 切 事 由 境 心 若 猶 又 注 真 相 道 樂 愛 習 自 識 識 界 海 偈 不 波 註 滅 實 斷 不 見 種 轉 性 氣 爲 識 風 異 浪 云 者 車 相 云 見 滅 妄 種 習 分 識 自 所 者 . 浪 滅 識 論 想 跡 依 無 氣 覺 動 不 者 浪 之 境 議 非 藏 始 轉 自 彼 凡 聖 藏 斷 藏 所 生 界 0 自 藏 識 譬 流 識 性 意 夫 智 種 意 故 熏 又 真 識 注 真 滅 習 類 無 意 種 境 又 意 習 又 破 應 則 實 相 通 智 餘 識 氣 界 諸 偈 藏 云 識 外 滅 斷行 相 0 若 趣 慧 者 <u>二</u> 識 習 也 識 轉 : 謂 道 ___ 第 滅 相 異 浪 變 見 亦 藏 藏 衆 又 斷 即 外 續 者 但 者 有 轉 應 識 識 云 見 生 藏 藏 卷 騰 境 變, 業 云 滅 如 滅 云 有 心 界 藏 識 躍 識 有 謂 者 相 巨 識 識 名 水 轉 與 海 加 風 云 而 囚 海 滅 常 若 不 識 事 性 爲 流 轉 飄 藏 自 非

海 傳 者 爲 分段 是。 識 緣 界 相 六 七 如 緣 所 妄 外 送 識 境 識 分 想 藏 自 計 海 還 轉 能 道 其 者 識 是故 我 段 不 着 識 浪 心 生 緣 識 總 兀 間 離 六 現 計 執 風 滅 諸 轉 即 思 自 諸 自 種 境 意 着 識 惟 第 從 生 識 名 涅 境 心 識 心 界 心 識 海 生 從 諸 思 因 所 八 爲 界 槃 現 喻 滅 六 故 計 識 緣 現 識 習 若 惟 涅 乃 境 八 非 識 着 塵 生 Ł 境 彼 乙 氣 生 槃 界 自 識 六 我 心 識 也 生 心 界 謂 因 若 長 風 心 識 所 聚 聚 也 不 亦 浪 此 彼 養 滅 有 所 以 吹 起 説 我 生 生 壞 滅 喻 八 緣 藏 現 云 善 計 習 法 身 亦 我 若 六 也 識 而 識 起 着 註 所 氣 展 相 猶 還 識 牛 大 生 意 惡 故 意 計 我 長 轉 藏 若 依 吹 展 於 云 俱 識 着 養 所 識 相 海 八 以 轉 滅 七 六 不 而 者 者 説 因 識 六 識 壞 境 識 相 生 我 ጠ 亦 因 塵 有 六 心 則 因 能 身 界 我 如 譬 攀 境

生 性 性 M 識 智 智 卷 諸 註 覺 滅 有 而 風 根 有 故 相 相 智 有 想智 無 有 本 乙 因 塵 又云 \equiv 離 故 是 境 墮 相 有 云 相 云 識 風 及 智 事 相 界 覺 隨 是 不 無 及 現 亦 而 和 我 若 智 轉 離 智 彼 前 事 至 無 滅 不 鼓 和 得 合 知 亦 無 之 方 佛 牛 相 也 合 出 浪 相 生 無 隨 性 礙 便 異 長 及 地 念 滅 不 是 方 所 妄 相 相 相 墮 自 養 又 爲 風 者 則 故 識 便 而 有 是 應 性 有 偈 息 相 塵 是 復 則 云 相 智 轉。 及 相 無 而 云 如 不 則 是 境 識 平 是 勝 得 生是 是 種 水 得 浪 境 所 等大 識 念 識 若 智 不 不 中 種 相 界 轉 平 滅 靈 7 識 得 心 非 相 生 月 種 無 等 是 慧矣。」第 知 此, 此 妄 故 相 縛 因 不 也 長 故 智 事 智 種 惟 即 有 是 於 養 不 註 滅 慧 云 方 不 礙 是 業 識 真 境 又 假 者 相 意 知 便 自 相 生。 云 縛 偈 得 自 緣 自 是 識 是 是 離 超

矣。」 若 浄 斷 於 識 是 僞 變 聞 智。 法, 方 無 Z 我 能 惡 現 如 我 俱 便 善不善因 思 以 智 智 佛 有 之 心心 來 習 論 諸 想 生 而 之終 之始 如 Ŀ 子 執 云 念 於 藏 所 生 法 意 趣 海 註 非 及 . 口 善 熏 自 自 及 浪 離 也 也。 則 $\frac{-}{\Delta}$ 外 聲 勝 光 識 苦 性 性 與 能 我 身, 名爲 轉 道 闡 藏 義 薩 清 無 識 我 徧 寂 能 第 識 不 名 此 常 浄 垢 塺 所 隨 興 静 所 識 刀 爲 覺 遠 寂 生 隨 造 勝 浄 訶 藏 卷 智。 行 所 畢 。 計 不 離 若 静 不 染 進 薩 悉 緣 謂 覺 有 竟 思 無 勝 斷 生 切 緣 着 忍 遠 此 **云**: 性 彼 惟 清 欲 識 進 則 無 作 趣 離 是 德 故 即 想 從 浄 求 藏 忍 離 離 明 者 生 0 菩 如 如 勝 名 細 如 無 無 住 註 來 爲 譬 薩 如 得 來 常 常 進 至 緣 來 地 常 云 如 則 無 如 清 來 無 而 之 過 Ż 粗 和 來 究 與 伎 始 净 非 清 思 過 也 合 藏 顯 兒 忍 離 得 七 虚 浄 想

生 俱 識 客 若 謂 名 名 聞 名 云 相 法 舌 者 迷 生 相 緣 諸 身 八 如 妄 如 無 是 如 身、 則 覺之 形 ? 亦 善 如 ,離二見、 想。 識 來 彼 非 識 名 此 無 相 不 意 藏 藏 謂 相 外 爲 不 不 生 善 差 有云 地 之 轉 Œ 亦 異, 道 如 生 者 滅 相 意 别 相 名 成 智 滅 來 所 建 識 以 象、 不 者 眼 妄 註 攝 展 妄 藏 則 説 不 立 所 此 識 善 斷 識 轉 受意 馬、 名 云 想 轉 覺 彼 及 照 正 不 不 變 所 識 者 五 妄 無 自 誹 名 車 智 常 善 壞 照 識 藏 名 識 識 步步 有 謗 1 相 者 不 施 識 五 不 爲 身 爲 别 名 現 相 不) 心 設 知 者 聲 藏 墮 謂 如 體 男、 續 爲 識 意 口 衆 次 名 名 以 流 八 來 色; 心 得 香 第 相 俱 女 名 故 相 名 意 識 切 藏 注 意 等名 相 滅 但 言 不 識 猶 非 外 顯 味 耳 也 應 生 有 者 意 餘 不 何 如 亦 及 不 道 生 觸 名 有 識 是 壞 識 Ŧi. 等 是 文 聲 過 諸 由

言 見 等, 身 説 住 住 常 見。 際。 受 知 不 起 刹 本 厶 ご註 識 故 故 惡 意 9 無 滅 際 見 覺 那 斷 極 首 常 而 而 自 識 識 時 意 謂 不 滅 於 云 然 有 起 由 不 妄 者 不 識 藏 之爲 尾 知 七 説 或 斷 其 覺 妄 想 住 云 之 具 故 本 識 以 一意 無 0 見。 作 自 識 不 慧 所 於 宅。 際 常 五 起 妄 藏 註 涅 自 由 七 滅 起 愚 此 根 彼 想 常 如 槃 無 滅 識 云 故 夫 矣。 以 八 攬 來 識 又於意 或 盡 見。 見 是言 識 之 依 解 内 必 爲 宅 作 Ŧī. 者 外 間 見 脱 而 七 不 加 由 塵 是 意 涅 自 有 識 之, 無 起 其 壞 不 此 説 慧 及 所 槃 妄 牽 攝 註 所 身 及 念 者 皆 常 眼 自 住 而 圃 見 想 涉 滅 知 云 歸 外 念 凡 滅 住 識 不 不 故 他 故 故 意 相 外 等 識 而 意 也 起 也 容 斷 文者,不 識 續 自 爲 不 愚 不 意 及 天 斷 斷 以 也 故 説 經 之 妄 眼 又 能 夫 知 滅 起 見 起 -中 識 所 常 偈 想 起 善 處 識 知 斷 所 本 攝

端 惡 數 相 性 即 之 暇 有 或 超 即 謂 有 所 其 識 類 恐 則 藏 謂 所 本 牛 種 生 盡 窮 有 有 覺 猫 之 善 以 爲 種 死 日 死 録 涅 而 其 出 死 惡 名 末 有 之 真 以 杰 而 己 本 槃 根 然 於 無 色 其 此 所 境 種 證 矣 諸 末, 相 已 知 是 始 義 未 日 子 苟 界 涅 也 佛 識 不 覺 達 流 不 能 也 故 槃 也 家 真 無 故 勝 之 有 藏 也 注 渦 矣。 滅 本 終 相 謂 其 語 外 然 之以 妄 由 如 體 輙 即 9 藏 之 多 種 而 邪 識 此 真 此 0 所 以 初 藏 日 識 生 ? 觀 識 亦 謂 藏 而 但 無 生 識 藏 真 然 契 住 即 迷 無 識 死 如 其 雖 宅 識 藏 識 驟 真 之 庸 本 相 爲 來 即 其 常常 所 佛 滅 海 識 覺 識 則 故 盡 藏 主 涅 加 言 住 以 氏 觀 日 也 爲 録 也 爲 之 反 則 諸 乃 之者 爾 日 妄 爲 真 善 覆 所 以 有 其 分 涅 乃 識 涅 也 實 多 謂 涅 爲 其 爲 槃 以 其 悟 加 雖 所

離 有 名 滅 識 類 類 意 海 槃 又 乎 浄 是 滅 當 爲 言 識 其 於 及 識 浪 如 勝 涅 自 我 身 日 本 日 及 曰 乎 種 言 來 槃 論 常常 爲 體 五 日 9 見 業 平 本 識 種 轉 乎 清 識 也 日 羽首 末之 識 等 生 宅 識 跡 相 類 其 浄 身」, 0 日 智 遠 藏 境 轉 不 末 智 , 欲 意 所 變 如 斷 慧 離 日 日 生 流 日 求 識 名 流 由 常常 思 一分 住 也 覺 E 勝 爲 分 注 滅 日 意 日 惟 諸 E 地 别 住 進 涅 七 想 生 也 想 及 虚 意 自 無 識 不 者 事 槃 識 日 智 眼 妄 識 住 藏 明 生 性 識 此 亦 其 隨 日 當 識 滅 轉 名 不 言 無 滅 滅 爲 日 與 轉 等 浄 則 滅 相 日 垢 離 「妄 七 及 日 如 相 曰 脩 識 生 類 無 日 等 此 畢 切 來 想 此 識 生 E 常 俱 滅 行 是 藏 無 識 根 爲 爲 皆 竟 浪 调 處 意 及 現 等 所 識 滅 清 如

哉 其言 妄,既 明 妄 玩之 脩 以 識 口 滅 即 特 認 得 行 藏 真,又 ,則知 之法 達 七 其 爲 日 名 分本末 要 顛 者 性 自 若 領 也。 乎 混 余所 妄 顧 矣。 無 倒 1 真 爲 想慧 不 欲 識 妄 謂 更 免爲 兩 且 夫 窮其 藏 爲一途。 截 無 滅 其 識 滅 是 故 名 者 妄 其 以 (説 謂 處 解 如 所 識 本 者, 迷 脱 而 惑, 來 體 則 心 盖 吾 合此 契 爲 藏 真 之 所 豊 黨 真 凡 者 真, 成 神 見 不 之 數 識 此)既差, 妄, 明 末 深 號 則 皆 類 耳 悟 口 流 爲 無 誠 言 而 借 詳 聰 故 則 爲 其 有 生 而

言之。 謂 道 也 不 미 易者 盖 甚 識 佛 凡 夫 也 氏 無 有 然求 以 分 過 又 本 所 心 於 非 識 末 視 此 其 以 則 爲 爲 實, 其 本 全體 兩 不 本之一 初非 截 可 在 但 識 混 心 目, 如 爲 真 分 識之 妄 末 此 有 加 爲 説 所 爲 外 固 调 聽 末 别 其 途, 則全 之六 有 名 須 之 究 所 害

聽言 也 儒 之使 者。 當言 故 若夫 以 造 者,有不當視 豊 體 而 通 目之視,耳之聽, 在 ()便是 此 日 作,莫非 其 所 可 身 在 公然,故 若 以 治 真 動 分 ,只 理 真 凡其所當然者,即 者,有不當言者, 耳 文 而 不 如 已具,是皆天命之自 其身心 也 妄之不 就此 此理。 有 問 人極 佛 爲二,而 真 所 氏 四 其 所 也。 者,有當 言 妄 件 之道 、當然 之説 以 不 미 説 則 也 以 當 口之言, 混 此 及乎 0 以 取 全 此 然者 與不當 則 達 簡 體 而 其 真 則 觀 聽 有當 而 其 方 諸 感 内 半爲 之,本 者 在 又 者, 易 其 自 身之 外、本末無非 家 物 見 則 口 存 口 然,一 動 「然,無 未 爾 有 真, 然之不可違者 而 往 之,妄者去之, 得 或 有 末明 者 悟之先, 動 不 動 往 、天下 半 所 而 所 當 切皆 出 有 假 爲 謂 則 言 物 動 是 聽 於情 不 有 矣。 妄 於 感 雖 則 者 謂 當 凡 此 當 安 未 而 全 物 貫 欲 之 排 視 吾 動 夫 有 視 交 遂 體

莫之 非 能 者 切 妄 幸 皆 存 在 林六, 歟 及 謂 所 其 當 之真。 欲 中 、既悟 去 肆 或 平 之 加 又 ? 吾 爲 天 不 不 當 中 理 知 問 去 或 滅 者不 何 其 矣。 八當 者 類之爲 在 然 去 使 所 與 其 當存 當 不 説 人類 存 當 肆 者 平 然 行 必 將 不 丽 何

之感 覺》有 之? 障 見《楞 吾 口 用 不 儒 續 理」字 所 障 雖 楞伽 諸 云 嚴》 謂 其 生 智 性 有 訓 所 死 障 命 刀口 釋 云 用 者 之理,然言之便 爾 卷 其 理 事 理 説 理 字 並 非 理 障 不 則 無 盖 逃 過 頓 礙 儒 本 障 指 悟 他 歸 IE 理 知 乘 在《 經 知 佛 足 字 覺 悟 之文 見; 者 楞 以 併 m 註 伽 亂 言 銷 誰 爾 中 **>** 真 者 能 初 但 却 不 謂 員 嘗 多 非 易 事

天 理 也 傳 習 又 録 云: 有 「道 云 心 者 吾 心 良 之 知 良 之謂 知 也 即 所 又 謂

> 即 所 有「問 Z 人能 學 謂 體 人 之生 間 達 虚 。」又問: 良 存 磨 思思 靈 知 得 意。」 所 知 者 這 即 辨 尊 覺 以 是 信 此皆 否 天 所 點 篤 未 ? 者 謂 地 生 行 發 以 萬 生 意 惟 日 之中。」《 知 所 者 物 便 覺 以 楞 『然。』」又 即 爲 爲 是 存 伽 活 性 與 養 **%** 雍 體 動之 之 其 天 語 明 凡 地 知 意 日 > 驗 其 答 有 覺 萬 否 也 切 物 E 云 要 性 又 則 爲

之解 之辨 之言 究言 又恐 自 極 達 其 吾 也 明 磨 歸 余既 C 未 人 而 趣, 當 乃 下 免 其 聯 雜 ,其言之亂真 誤 失於繁冗 比 所 取 持 ጠ 以 其 其 貫 異 ____ 説 通 於 以 之, 吾 尤 將 爲 者 儒 近 是 頗 不 似 者 切 者 爲 15 者 章 置 欲 論 其 章 而 斷 别 惑 明 不 終 以 辨 與 莫 究 m

空寂 達 只 磨 告 此 梁 八 武 字 帝 已 有 盡 云 佛 性 净 之形 智 妙 容 員 體 其 自

五

八

準 其 與 嘗合 感 不 氏 即 所 此 然常 用 説 後 言者 有 感 言 吾儒之道 應 以 甚 知 人 而 得 有 而 而 之 寂 • 用 性 異 遂 又 妙 而 不 寂 他 神 重 遂 心 者 足 無 爲 感 通 觀 寂 有 有 會 家 無 通 應 方 至 之, 以 爲 天下之故 即 然 者 道 所 E 用 一,安可 即 雖 程 發 精之理 是 性 摩 不 理 與《 權 惟 嘗 無 是 子 盡 也。 訶 動 不 亦 此 著《 方 在 製 真 嘗 達 卒 般 同 失 自 其 於 言言 盖 是 磨 空。 歸 辭 若 年 顯 圓 而 分 所 此 用 殆 吾 也; 於 傳 前 宗 通 以 妙 明 爲 真 乎 丽 無 空 冥 儒 心 語 記 之 \leq 圓 所 甚 所 空 常 1 異 有 ൬ 哉 行 以 妙 \forall 空寂」 謂 其 異 謂 空, 即 也 指 不 寂 也 夫《 妄 神 反 中 寂 也 清 而 作 感言 用 無 者 空 覆 有 易》之神 然孰 之旨 有 高 浄 當 而 然 而 加 數 良 云 指 便 涅 下 言 E 之, 不 常 心 百 由 成 無 體 槃。」 知 動 用 語 故 彼 佛 其 所 余 妙 湛 而

於採 所 爲 者 小 謂 必 首 也 元 天 也 必 相 同 亦 ,萬 以 無 性 同 至 有 地 裴 有 有 日 1 兩 方有 攬牽合以 爲 絲 (休,深 於 之間 盖 知 體 異,是二 句 一心 程子 物 究 毫 此。 者 0 渾 其 云 陰 知 佛 雖 M 空 ,常言「 然 爲 ,萬物之衆,有 所 此 言之, 多 無 陽之氣 衆 於禪學者 一夫 闕 若 同 齊 即 也 本 其 知 生 爲 之 體, 吾 同 一心 Ш. 也 同 處 血 無 一; 其 渾 然 儒 以 氣 者 則 佛 哉? 非 氣 然 相 則 所 之屬 無 成 盖 無 出 衆 也 之 出 遠 齊 渾 所 見 形 須 以 知 一,當 乎 所 生 於 流 奚 致 然 謂 夫 同 必 臾 者 知 則 知 知者 通 啻 與 程子之言,至言 序《圓 同 渾 間 有 覺 非 凡 覺 本。 燕 物 體 然 斷 脉 語 知 爲 異 陰 賦 而 同 者 齊 之 絡 有 體 性 越 陽 形 已矣。 覺 故 凡 體 何 時 之 致」 乎 無 亦 於 此 經 之 其 有 其 聯 ? 知 贵 身 之 此 理 室 知 疏 兩 佛 相 其 有 以 間 者 雖 礙 謂 目 唐 似 家

也 0 則 但 是 恐 援 讀者 儒 以 看得 助 佛,非吾道之幸矣 不子 細 或認 從 知 覺 上

言矣 乎? 先 所謂 苦 寂 吾 有 此 彼 主 不逐 提 番 其 儒 天 番 初 不 不 地 所謂 然 使 未 觀 難見者矣。 所以大亂真 求之吾儒之書,「太極 兀 能 逐 有 嘗 之, ௱ 所 富 彼 後 物 時 爲 四 謂「有 知 立矣;「 有 意 凋 先 明 昭 萬 無 時 有 之 既 也也 指 天 然 象 形 凋 隂 謂 明 其 地 0 主 本 太 以 也。 物 陽 且 大 無 異 此 極 寂 佛家之言 作者之意,不 也 先天 無 業 盡 聲 寥 同 安 詩 之 今先 形 ; 無 之實, 知 義 乃 , 再 「常 本寂寥,能 也 地 臭 萬 據 有 夫 高 以 ; 住 生 象 禅 爲據 佛 所 吾 一心 也 則 復 皆 兩 家言 則 不 謂 儒 所 ; 似 何言。 亦 滅 無 生 儀 太 作 言 是 則 湛 體 形 明 萬 極 爲 語 語 也 之非 無 然 是 所 哉 也 不 且 法 解 萬 解 固 謂 足 始 釋 釋 自 象 ? 然

> 間 儒 彼此 復 仰 三字 火、金石 父子、兄弟、 主,然所主 教 提 義 日 非 説 書 有 中 不 圃 新之謂 Ē 太 意義 所 亦 爾 日月星 即 可 遂 謂 極 明且 爲 萬 竊 爲 不 萬 太 無 物 法 者 取 此 盛 夫 象 甚 神 極, 盡 切 辰,俯 爾 實 等 也 而 德」,萬 乎 婦 異 乎? 視 不 明 然 處 用 以 哉 同 以 朋 過 矣。 之 遂 而 萬 其 請 爲 友 詩 不足深辨。 以 爾 陰、界、人。 Щ 象 古 皆 復 幻 爲 遠 以 凡二十字,其十七字 太 河大 猶 生 詳 也 闸 此 萬 余於 極 而 於 之。 空之矣, 地; 詩 象 時 爲 飛 心, 以 言 者 前 神 也 所 近 之, 物 , 盖 自 所當辨者 故 則 謂 記 言 此 動 而 謂 不 彼 嘗 在 太 一之,菩 之外, 植 君 之能 口口 天 嘗 彼 窺 安 極 水水 得 之 地 有 見 經

● 自上段「而言者」至「言也」。原闕、今據嘉靖本、四庫本

此 言 殊 未 敢 易 誠 以 太 極 之 本 體 動 亦 定

静 以 此 亦 分 定 明 神 見 則 得 動 是 而 能 物 静 不 可 静 混 而 能 而 爲 動 者 也 故

《繋辭傳》既曰「一隂一陽之謂道」矣,而又以此分明見得是二物不可消而爲一故

不 日 得 隂 不 陽 異 不 不 測 然 之 聖 謂 神 人 何 9 用 由 兩 其 言 實 之 不 哉 同 故 然 其 其 名

不 0 識 隂 陽 爲 何 物 古 無 由 知 所 謂 道 所 謂

體

則

同

__

隂

陽

所

以

難

於

領

會

也

佛

氏

初

0

神 口 得 但 則 見 以 得 爲 此 空 心 寂 有 推 點 其 之 用 靈 加 徧 求 於 其 體 隂 而 不

此 人 爲 則 性 以 萬 爲 無 神 是 通 處 所 謂 M 其 有 言 物」者 之 亂 真 此 乃 爾 有 0 以 如

以前之神, 刀無二人。 卫神之三食易产, 可此詩者, 可無辨乎! 然人心之神, 即隂陽

忠

則

所

謂

神

出

鬼

没

以

逞

其

伎

倆

者

也

彼

見

不

同

邪

?

盖

無

業

是

本

分

人,

説

本

分

話

南古山一, 正人心音, 则具 上它 目爲 子二,不測之神, 初無二致。 但神之在隂陽者, 則

吾 所 萬 黨 謂 古 理 如 士 盍 而 在 分 相 人 殊 與 心 也 精 者 察之。 佛 則 氏 與 不 生 足 死 以 相 及 爲 存 此 矣,

法

平

等

無

有

高

下

之語

佛

與

衆

生

古

伙

之

情

狀

每

每

如

此

見《

金

剛

經

明

有

是

説

話

務

要

高

他

着

使

之

莫

測

盖

桀

點

南

方

以

見

聞

覺

知

爲

性

便

對

其

人

捏

出

般

之 惑 之 佛 覺 見 見 自 覺 法 傑 性 • 之 空 也 知 知 0 _ 出 尚 與 知 寂 是 此 南 者 爲 若 太 不 見 佛 南 陽 復 無 言 境 虚 邪 僧 行 性 慧 其言 何 ? 菩 齊 惑 見 者 忠 大 爲 法 薩 壽 聞 · 破 問 皆 汾 ? 流 覺 可 浄 : 南 見 不 州 轉 得。 乘 知 名 忠 方 於《 生 無 無 **>** 宗 遗 業 是 不 法 不 傳 窮 迷 8 旨 滅 以 則 應 有 華 燈 者 衆 云 見 云 $\overset{>}{\uparrow}$ 云 此 他 録 不 聞 . 生 . \forall 1 乙 義 切 覺 癡 人 若 見 何 法 境 倒 知 皆 開 即 若 開 聞 以 離 界, 爲 是 禪 覺 佛 佛 便 非 見 見 之 林 木 成 境 知 知 知 求 聞 聞

586

常 異。 常 論 合。 滅 伽 旬 則 此 縦 難 告 者 迷 等 之 受 **>** 固 ? 論 波 ? 悟 汝 窮 謂 處 處 悉 若《浄名》, 滅 出 斯 聲 不 形 着 此 經 又嘗 窮着 矣。 有 於 彼 聞 匿 同 他 銷 累 而 皆 異 瞿 E 他 傳 終有不 累 不 見《 非 明 有 其 他 (,俱 命 先儒嘗言佛氏 云 曇 燈 -變者 見之,此 無 云 以 知 便 一楞 光 也 録 則 他 不 見之 有 見 嚴 遷 能 緊 学中 顔 便 ---俱 元 非 聞 盖 其 **>** で要在 非 離 有 謝 無 貌 中 常 似 體 爲 便 有 瞿 者 無 非 形 生 有 有 此 性 即 是 曇 無 此 常 非 雖 滅 變, 異 如 儘 兩 之辭 是 説 性 遁 非 無 寐 與 云 段 離一字, 見 多 平等, 辭 有 法 <u>一</u> 厶 其 常」。 波 説。 語 精 之 常常 善 闡 非 説 非 究 -, 何 羅 不 根 遁 性 異 無 其 其 爲 豊 欲 提 自 余 因 變。 只《 若 將 不 淵 汝 常 非 便是 容 非 離 説 前 與 源 楞 灼 將 無 銷 有 不 無 兀 章 佛 相 311 變

然看得他破,只得聽他愚弄爾。

華 諸 群 竹, 具 世。 之冠 不 座。」翠竹 若爲?」 不 Z 般若 華嚴 旣 省 許 生 凡 于 説 杰 者 二, 云 不 小 前 左。 渠嘗拈 大慧 禪 經》云 經 是 有《語 左 越 難 而能 師 或 是 法 隨 來 既 僧問 爲 於 禪 何 邪 身。 師 右 緣 措 不 出 故 色 信 録 師宗杲者,當 説 『佛身 日 去, 赴 意 出 忠 》三十卷。 受, 色無 不 一此 欝 豊 感, 亦 段 於 許 或 神 皆與 欝 非 法界, 又 有 说說話 師 邊, 出 充 靡 黄 青 般 華 是 信者 鬼 滿 不 華 若 大 普賢、文殊 青 故 嚴 没 豈 於 古 Ē 宋 周 頃 乘 翠 般若 乎 二, 云 座 無 非 法 德 余 嘗 南 而 ? 竹 所 7 主 非 界, 不 法 二 乙 所 徧 渡 恒 義 問 亦 以 般 盡 深遠之言, 思 欲 身乎? 閲 初 處 普 經 能 大 無邊。」 若。』有 『青青 是 境 辨者 議 之, 珠 此 合。 聳 現 爲 法 界 · 不 苦 和 直 動 禪 身。 黄 尚 提 切 故 翠 非 又 知 今 是 林

似 收 以 黄 非 翠 直 法 道 麽 欝 水 經 相 像 你 作 華 是 ?! 日 ,只是不同」,欲吾人識 身 皆 竹 破 中 欝 云 (華) 應翠 學 直 若不 到 , 説 亦 若 月 非 成 黄 者 處 底 諍 得 彼 是 佛 華 . 竹 法 語 見 具 黄 黄 論 法 示不 真 張 道 以 更 身滯法身 性 以 老漢 無 眼 。」宗杲 華、 華 身 到 法 無 成 不 Ż 人 0 非 若 謂 底 身 翠 拈 形 是 ,說翠竹 此 翠 余於 將 般 猶 是 與 提 竹 亦 意 竹 若 \(\times \) 大珠 般若 般 不不 説 得 鳶 0 若 還 前 箇 ? 而 若, 虚 珠 飛 宗記 能 主 般若 隨 其所 敢 着 有 破 或 無 魚 空, 日 般 動 張 應 珠 翠 翠 般 用 知 **>** 師 躍」之言 若 嘗 以 底 若 着 不 竹 用 應 竹 而 日 主 對 舉 若 即 他 識 説 不 説 ? : 不 物 張 法 黄 同 翠 般若 是法 見 同 現 箇 不 翠 黄 座 法 身 絲毫 華 處,盖 性 無 形 絶 竹 竹、 破 華 滯 主 身 ITTI 身, 情 底 是 會 着 相 所 是 無 故 顯 如

則 經語 内 吾 也 餘 有般 旨。 大珠 不 同 不 後 引 有 成 所 獨 則 藴 非 同 不 而 草一 形」、「 鳶 者 本 是 謂 彼 與 若、 大 容 未 天 一成 彼 然則 珠 大 所 天 不 發 命 木亦皆有理,不 果 形」、「 有般: 魚 法 詎 物, 謂 珠 顯 所 之意。 命、 盡 也 何 有 可 身 般若、 其 所 以 相二二言; 其 在 在 率性 若、 之, 同 爾。 引 與 不 顯 子言 飛、 外 邪 年 吾 許 經 相 花 今偶 法 者 ? 法 便 ,在鳶、 而 躍 儒 語 其 之 身 一言, 矣 成 身 竹 語 皆 意 誠 「鳶 雖 曰 爲 日 在 亦 哉 可 合 殊 以 據 「道 但 此 物。 飛 道 言 有 ? 魚之身之内。 不 鳶 花 便是 慧 異 魚 直 其 以 是 之。 也 不 察」者,正 且 二則二本, 同 躍 是 忠 竹之身之外。 黄 魚 亦 渞 是 古 天 一之義 之 明 華、 分 雖 得 程 同 慧 德 亦 命 白 論 微 析 子 忠 得 翠 立 之性 語 所 率 所 惟 其 即 竹 言 所 所 更 激 性 有 在 性 無 引 即 前 非 以 本 與

破 其 動 物 見 花 一楞嚴 、之意。 總總 矣。 義 乎 爾 此 亦 是 E 吾 以 也 猶 楞 占 便 黨 余 是 Ш 伽 便 通 之 佛 忧 也 》以 河 宜 不 士 自 氏 大 去 夫 秖 雖 却 宗 四 地 豊 只 引 緣 要 杲 大 咸 得 學 認 無 ∭ 於 種 是 以 者 知 具 不 色, 兩 妙 爲 覺 發 眼 具 家 爲 明 法 者 · 今 爲 眼 之 真 界 虚 乎 性 説 則 殊 1 空 中 9 舍 更 不 所 所 中 所 失 不 矢 以 物 持 現 爲 拈 於 如

是 明 是 去 知 聽 解 在 與與 ? 死 散 便便 甚 真 法 宗杲 大。」 實 麽 人 是 説 日 處 是 到 分 生 法 嘗 又 ? 這 虚 是 大 也 嘗 謂 非 段 妄 裹 0 不 日 士 示 歷 你 歷 . 别 知 吕 人 歷 白 歷 好 前 不 鄭 機 孤 歲 杲 醜 孤 此 知 尚 宜 明 後 底 日 明 0 臨 云 底 明 . 底 四 杲 0 濟 决 日 未 你 大 却 定 日 亦 現 生 既 . 是 嘗 向 你只 五 今 已 不 有 甚 語 歷 你 藴 前 知 是 其 麽 若 歷 今 畢 無 徒 時 這 便 處 孤 不 竟

> 耶 夫 歷 難 法 聽 解 • 見 ? 安 悟 聽 歷 法 之 法 知 孤 四 _0 然 有 是 明 歷 大 ? 觀 境 而 汝 身 歷 此 必 目 界 不 渠 孤 數 以 更 前 解 道 明 節 悟 親 歷 説 理 者 爲 切 歷 法 只 則 之 則 爾 孤 聽 是 佛 非 者 法 明 如 氏 性 縱 勿 此 之 只 虚 使 形 所 而 是 本 空 段 見 謂 性 要 不 不 得 者 性 自 見 須 解 親 有 得 苦 説 亦 解 切 真 此 求 法 説 何

蹋 若 病 怖 安 話 道 而 排 慞 或 理 不 又不 只 鼻 隨 惶 直 底 杲《 管 孔 智 時 底 是 是 〈答曾 失 在 識 放 亦 明 即 裹 爲 以 情 是 下 盡 此 許 本 天 故 識 識 隨 分 游 百 頭 情 昧 渠 情 人 生 侍 不 出 却 最 便 死 也 思 郎 頭 本 加 善 是 遷 没 第 量 地 今參學之人 捏 真 流 書 計 風 教 怪 空 底 云 書 較 光 中 妙 亦 却 **>** 所 智 忽 是 本 有 尋 説 謂 然 識 來 不 更 常 得 此 失 情 面 等 知 計 無 隨 他 脚 别 識 是 怕 説 家 較

是 性 死 來。 得。 來。 否? 便是 齊 也 得 · 無 頓 壽 口 悟 此真 東 得 如 雖 如 大 雖 餘 之 着 人 此 只 自 藴 不 無 若别 説 空 迷 信 這 不 受 别 在 矣。 妙 時 得 得 底 太 有 智 有 及, 物 漢 虚 東 唤 而 亦 所 忽 Ô 礙, 空 東 見 然,凡 不 得 然 細 此 中 作 得 礙 而 9 失 觀 真 有 西 徹 不 生 脚 還 聖垢 此 空 所 ·妨諸 死 及 有 書 方 妙 證 蹋 智,與 染 至 是 凡 着 佛 物 則 着 悟 物 聖 箇 鼻 氏 於 又 時 於 孔 之 出 空 礙 太 却 所 中 點 中 得 生 , 即 虚 不 謂 便 人 往 不 往 他 空 是 西

生生 種 不 種 又《答吕 得 悟 得 般若 不 徹 般 杲 失 若 示 舍 亦 種子 人身,不 真 種 人書》有 能 如 子 分 深。 道 在 别 人 性 生 邪 縱今生不了 有 云 地 邪 IE 云: 上 見 不 若 家 爲 世 依 不 今生 世 邪 此 來 做 不 雖 魔 魔 生出 落 未 所 Τ. 軍 障 夫 惡 悟 類 頭 趣 0 亦 雖 亦

> 得 惡業 故 生未了 亦 理 贵 亦 臨 现 答湯 何 焉 不 ,貪今生受用 知 可 昧 成 命 爲 所 以 ,只是妖妄。 死生之説。」 爲 我 終 受 丞 憑 牽, 窮 底 用 其 時 亦 相 理 ? 不 所 墮 種 書 亦 亦 爲 得。」此等 惑 人 諸 得 》有云: 能 不 哉 也! 情 惡 種 未了 费 轉 生 爲 大 趣。 子 力 業 死 學 抵 深 \wedge 説 輪 易》 又要 况 若 亦 而 多 换 話 迴 貪 不 却 不 臨 存 曰 : 貪 能 决 被 念 都 只 殼 命 心 來 是 惡 漏 終 無 在 相 無 不曾 原 生 疑 此 誘 子 時 念 應 上 一受用, 始 於 理 人信 邪 奪 面 亦 見箇 轉 萬萬 此 反 將 頭 不 縱 終 去 道 則 有 來 被 今 又

子」、「竹篦子」、「麻三斤」、「乾屎 老 便 心 是 鼠 無 所 人 杲《答吕 如 牛 之 狗 ,角 是 做 , 便 子 舍人書 無 T 見 佛 夫 倒 性 處 斷 **>** 有 也 其 鋸 云: 做 解 倒 Τ. 秤 斷 夫 心 錘 即 橛 只 無 是 看 一之類 所 悟 柏 話 處 樹 頭

皆 儒 爲 所 説 盖 過 過 至 不 不 絲 亦 者 同 境 ,是以 毫 謂 能 所 不 這 無 佛 目 界 所 氏 儒 杪 性 箇 便 人 通 謂 略 彌 乃 後 忽 境 以 迎 話 知 見 以 亦 佛 縫 \wedge 界。 知 刃 之然 頭 證 來 脏 0 决 無 雖 不 帝 覺 而 無 也 道 光 巧 無 佛 用 佛 解 降 悟 爲 歌 影 頓 T. 之 者 非 是 性 敗 余 心 向 \leq 久 便 悟 若 闕 衷 所 實 安 也 者 於 之, 勞 所 要 之 吾 謂 有 處 將 以 日 理 與 聖 柏 了 始 至 渠 不 不 悟之後 兩 彼 拙 賢 樹 精 知 口 省 F 家 世 1 虚 悟 之微 子 勝言 之 言 其 畢 之 有 空 見, 便 理 萬 所 竟 若 話 説 境 見 學 佛 詞 語 無 以 何 偶 禪 界 吾 得 弄 細 和 奥 家 然 益 嘗 得 判 箇 合 只 旨 儒 書 而 物 於 虚 然 是 驗 來 未 竟 而 但

寫 經 度 梁 武 僧 帝 不 問 口 達 勝 磨 紀 日 . 有 何 朕 功 則 位 德 ? 以 來 答 造 曰

> 聞 費 謂 此 平. 解 貪 不 看 却 以 今 雖 E 並 争先 求 之 造 是 幾 謂 ? 生 有 如 則 時 無 事 寺 愚 卷 無 福 不 所 非 此 雖 其 學 功 爲 聞 利 經 事 作 寫 人 實 但 日 以 説 道 省緣 德 者 之, 所 經 0 罪 人 新 吾 念 亦 之 __ 爲。」 彼 又 過 其 導 天 儒 而 供 幾 無 士 静 盖 帝 宗 小 貪 月 之 正 緣 佛 聲 鳴 要 以 果 杲 盛 心 坐 只 色 者 佛 飯 而 呼 免 吾 : 體 ^ 惑 求 昌 僧 固 人 答 閻 有 1 儒 佛 志 但 究 言 速 也 其 何 曾 漏 未 家 其 看 前 爲 自 效 徒 之 以 纏 侍 老 諳 懇 多 經 佛 力 卒 奈 綿 因 無 不 佛 子 禮 郎 切 念 调 稍 法 何 向 固 教 詳 書 功 佛 手 知 幾 時 如 人 叮 非 世 結 德 錯 爲 中 拜 光 盡 中 影 所 之 人 種 有 ? 而 者 1 或 鐵 隨 言 諂 心 懺 種 不 不 Z 形 棒 也 答 之 無 悔 如 切 靡 佛 糜 所 口

● 「杪」,原誤作「抄」,據四庫本改。

也 邪 以 冠 則 足 不肯失言 謂 爲 信 爲 無 禪 也 之「三毒」。 且 以 益 家 夫貪 保 决 者 初 達 護 矣。 磨 祖 嗔 前 佛 在 後 法者 乃至 宗杲 西 凡 癡 如 域 三者 世之造寺寫 出 如 皆 擅 稱 上 無 名 口 乃佛 所 所 + 0 代 云 不 八 此 氏 經、供 爲 用 祖 之 又 種 其 所 不 種 禪 人 心 足 造 深 林 佛 中 ,其 信 作 飯 戒 之 國

有 意 至 事 不 有 愚 不 佛 土 知 雖 者 佛 其 丹 書 口 活 平 木 霞 中 無 得 佛 佛 燒 乃 益 加 在 木 有 而 泯 凡 以 世 佛 此 爲 吾 滅 僥 等 之, 亦 者 儒 倖 事 本 不 矣 解 於 是 亦亦 分 能 萬 惑之言不可 癡 余 説 口 爲 也 是 之 以 話 非 人人心 用 解 解 天下 \equiv 愚 表 脱 毒 夫之惑。 勝 而 天 之 乃 ∭ 出 述, 理 至 欲 犯 之。 誠 愚 孰 諂 其

僧、

看

經

念佛,

以

爲

有

益

而

爲

之,

是貪

也

如 則 拙 爾,人一 近 伽 其 理,只 言 義 邪 楞 乎 説 是之才 亦 》四卷,達 頓 理 ? 嚴 拙 異 不 則 佛 被 是 \forall 看 口 如 又 書 相 他 不 有 口 而 此 來 不 從 中 遼 若 粧 爾 可 甘 磨 此 知 惟 絶 而 點 欲盡 得 心 事 此 最 《楞 矣 附 得 而 爲之役 本 灼 又 所 益 好 其 知 嚴 以 無 然 尊 經 之, 四 意 切 》最 足 故 見 信 較 無 大 丽 深 足 揣 佛 之, 殊 巧, 其言 足 有 然 未 辨 以 學 摩 미 疑 名 不 能 風 頗 惑 湊 歎 溺 者 但 物 大 應 者 疑 丽 人。 合 也 既 人 雖 其 抵 無 房 之 攻 且 相 言 佛 都 質 朱 金 融 深, 其 如 似 之工 實 子 無 竄 \wedge 嘗 義 有 楞 其 而 人

第三句 見杲示 無罣 煩 份 礙 昔 重 即 增 人有「水 有 涅 小水 儒 病 槃 生 Ė 生 趣 悟 上 葫 死 向 禪 葫 蘆」之謂 是 真 者 蘆」一言, 空 如 嘗 華 亦 一。」宗 作 是 也 邪 凡 頌 杲 佛 屢 云 取 隨 家 出 之。 順 道 世 此 斷 理, 頌 嘗 緣 除

五

事

佛

家

則言

六

根

其

蹈

襲

邪

抑

偶

同

儒

書

有

Ŧī.

行

佛家

便言

四

大。

儒

書

有

吾

儒

之闢

佛

真 也 時 是 無適 若欠却「義 如 此 也 \wedge 無 論 莫 之 語 也 與與 **>** 有云: 比 義 之 與 語 君 比 則 0 子 使 之 所 於 謂 吾 無 夫 天 子 下 滴

無

莫

者,何以

異於

水上萌

蘆

也

哉

非

畏

哉

用

子

未

而

呼 成 何 論 者 乎 IE 子 景 代 就 辨 1 難 下 姑 於 也 德 當 得 百 之 未 禹、湯、文、武、 之後 韓 44 自今觀之,其 傳 , 向 通 其 十人? 何 論 子之闢 丰 燈 不見黜 如 若 亦 明 其 使 録 語語 不幸而 也 不 獲 》所 夫 佛、 1 幸 及 此 戒 旬 載 之 其 吾 於 老 之 行 加 舊 幸 周 不 甚 聖 禹 有 人亦皆有 皆 超 之清 公、孔子也。」善哉 也未若 出於三代之前 湯、湯、 而 人 云 邁 畢 何 之 Ŧ 苦, 記 竟 門 文、武 「其 七 落 覽 建 其不幸之甚。 過 占 而 空 亦 之該 Ý. 人 人,其 取 以 幸 ハ
之
オ 一之精 周 E 死 而 博 焉 公、 不 瑣 出 勤 所 要 亦 鳴 瑣 見 孔 於

氏 有三,有 真 知 其説 之非 既 足 H. 罪 與 化 辨 徧 周 以 過 , 之 不 棄 人 徧 所 開 堯 也 口 丽 ,誅絶之意 實 程 而 物 謂 舜 則 愈 不 子之闢 不 深 顧 成 之 難 神 外 足 又 尚 微 務, 道 0 於 何 以 吁 佛 倫 ,可

者 禪 能 痛 固 家 闢 也 深 爲 詗 之者 知 難 佛 其 有 辨 駡 説 除 兩 祖 實 至 而 程 之 常 尊 於 子、 機 喜 用 訶 者 闢 佛駡 其 張子、 之者 也。 説 祖 而 夫 朱子 之機 陽 篤 佛氏 闢 信 是 作 之者 程 似 也 是 則 張 3 之 其 數 有

子云 「道其 所道 化、 凛 一之云, 何 開 有 則 即 氏 理 一周 於 不 物 非 周 然 其 有 * 得 吾 成 徧 徧 辭 云 皆 _ 深 所 謂 窮 務 所 氣之表矣。 彼 言 微 之有? 深 之「神化」。 謂 * 之 所 深 ? 自 言 極 道 所 微 造 謂 微 爲 也 自 盖 之『窮 者 堯舜 而 _ 神 無 德 夫 也 明 而 其 之道 既 指 化 非 倫 不 不 神 所 韓 吾 理 其 周 不 口 知

今,安 易之理 陽、晝夜、 又嘗有言 非 吾 得 所 謂 神 死 :「佛氏 謂 形而 化 生 德 者,易之 、古今、易之 也。」此 L 不 者 識 與 隂 用 之謂 聖 陽、 也 體 人 畫 也 同乎 也 聖 一夜、死 人全 他 ! 深 日 微 生、古 夫 體 程 者 皆 隂 子 聖人 其 問 雖 是 議 學 見 有

易,故

能

範圍天地

之化

而

不

過

曲

成

萬

物

而

之其 但 直 其 無 内 本不 三矣。 程子 以 本 方外 亦 是」,正斥其 非 日 不 然 許 是。」 無 内 其 佛有 亦 能 義 此 直 未 以 認 箇覺 言 内 ·嘗直 方 知覺 之辭 雖 外上, 之 簡 也 以 理 而 其 爲 當 意 直 性 可 極 以 爾 内 味 故 圓 者 敬 備 非 以 要 口

程子嘗言:「聖人本天,釋氏本心。」直

適 妙 燕 圓 合」, 欲 空 論 得 而 相 寂 矣 透,斷 南 似 直 其 爲 反 處, 造 轅 形 及 謂 得 聖 畢 其 而 蔑 明 竟 人,且嘗從二 上者 晚 程 由 也。 和 年, 至 所 合不 邪 矣。 乃 本既 見 ? 見 太近 得。 得 不 以 程遊 此 同 佛 吕 希 得 之 原 所 聖, 非 道 明 亦 以 誤 無 與 稔 其 生 説 異 以 吾 聞

謂 本 滅 心之見相合, 之本末,安能 之幻妄,真 天 地 張 子 以 日 小 : 所 緣 釋氏 謂 又 及 大, 此 推 疑 以 不 冰 到 末 知 釋 者 緣 歟 天 氏 ! 本 窮 命 處 此 其 而 言 非 不 以 深 與 能 心 程 知 法 窮 子 其 起 而

豈

容

- 毫

私

意

於其

間

哉?

得

而

贖

者

吾

儒

之誅

絶

之,亦

惟

順

天

而

彜

倫

加

不

知

悔

此

其

所

以

獲

罪

於

天

有

不

可

不

遺

佛

氏

昧

焉

, —

切

冥行

妄

作

'',至

於

滅

絶

蒙 庸 明吾説之有 》者多矣, 盡 述 程、 也 張 闢 所 今但 佛 據 氏 其 舉其 之言, 他 尤 皆 見 切 吾 於《 要者 人之所通 遺 著 書 於 **>** 及 以 Œ. 無

朱子闢佛氏之言,比之二程子、張子尤

間 説 有 箇 能 將 者 事 士。 覺 嘗 章。 不 爲 因 彼 稍 釋氏 真 運 語 合 不 動 知 不 他 以 如 他 實 行 緣 覺 學 也 人 凡 動 説 少 那 報 何 知 是 道 ? 他 運 者 得 今之謗 做 覺 因 兩 無 只 妙 應 理 是 性 太 動 Z 必 末 果 運 是 覤 1 亦 却 高 分 做 日 他 二之論 更 所 離 報 動 被 所 無 不 朱子 於 玄 曉 佛 那 這 有 爲 應 他 以 曾 庸 以 世 妙 便 邊 家 形 玄 知 是 作 鼓 未 識 者 人 杰 俗 説 都 有 覺 只 只 妙 而 其 弄 舞 免 競 述 説 是 從 見 運 處 無 下 世 得 得 有 下 如 趨 或 得 形 者 動 頭 他 識 録 俗 來 許 知 所 他 兩 , 空 不 日 而 者 日 不 精 其 稍 覺 多 妨 恐 之 邊 得 下 : 識 亦 副 尤 也 運 學 聰 寂 礙 只 者 末 自 _____ 所 如 動 便 當 明 著 無 爲 只 爾 是 稍 是 不 或 以 此 這 只 是 明 他 豪 形 或 污 此 頭 信 其 横 是 簡 則 濁 傑 者 只 認 朱 等 m F E 渠 這 中 便 安 是 底 之 E 子 處 知

> 愚 病 底 T 雖 他 不 下 幾 不 前 將 做 是 得 消 是 箇 誠 所 掉 知 學 日 高 11> 雖 去 有 覺 你 謂 翻 禪 他 間 愚 有 據 運 道 古 自 那 依 不 人。 洞 縱 矣 動 他 是 見 舊 見 説 如 得 他 他 底 離 層, 其 高 贵 此 他 那 X 這 肺 依 煞 只 説 底 口 有 箇 箇 腑 舊 忧 認 學 低 時 物 不 又 離 0 他 依 掉 事 得 依 而 説 這 觀 着 没 0 翻 深 舊 不 箇 此 自 理 中 或 1 掉 只 如 不 都 會 家 其 是 舍 此 得 章 不 膏 底 這 依 捉 説 肓 做 今 白 你 箇 摸 則 如 之 知 也 道 便 家 他 他 不

棄 從 安。 中 延 平 前 渠 言 習 謙 用 所 朱 禪 言 稱 工 以 子 子 渠 夫 謙 歸 語 病 曾 來 開 于 類 脾 於於 善 病 IE 時 \leq 有 者 坐 此 非 只 云 得 必 可 全 坐 . . 此 見 具 禪 道 人 知 四 六 謙 然 也 七 日 言 朱 便 日 ^ 勇 子 謂 無 减 大 後 朱 事 藏 食 0 子 德 來 經 嘗 李 便

能,其爲百世師也,殆無愧矣。

失其 素輩 益 其泯 也。 去古 物、盖 所 俾常一其心志以導迎二氣之和,其義 古者用巫 根 不 在 三清之列,以爲其教之所從出 一言及之。 謂 相干。 人 固 ,於凡祈 日帯,長 心 精 既遠 滅 經 今之所傳,分明 今之道家,盖源於古之巫祝,與老 雖 誠 義 之惑,而 呪 而 其爲 有以 ,精義 老子 則 不 符 祝 生久 禳祭 禱、經 呪 籙 傳 以 而道家立教乃推 所 用 通 大大 誠 者計 事 以 重爲 浸 乎 視 不出 神,建其 亦異端,然其爲 交神明 抵皆 失,而 幺 丽 遠 亦多矣, 世 明之故, 己。 乎 祖 **」秦、漢** 道之害爾 淫邪 祈 者率 符 張 《道 官 禳 籙 道 加 祭禱 間 妖 故 等事 德 正 陵,近宗 尊老子,置之 非 ,不亦妄 終莫之能 其 誕之説 專 **>** 其 方 道 五 然既 名 其 道 土 望 主 初 千 所 精 職 辨 其 徒 林 乎 子 未 言 於 爲 起。 消 E 其 深 滋 靈 絶 有 殊 具

> 彼 災 二端 私 老子之所不 雖 固 而 一架點 致 聖門 而各明 福 亦無 所 不亦 屑 辨其 不取,道 爲 派所措 遠 也 失, 乎? 其 陵 則 欲 解 攻 **輩之**譸 矣 吾之説 盖 老氏 老子之善成 張 爲 者,須分爲 爲幻,又 有 據 其 加

所 不 謂 及性,與 彌 老子外仁義 近 理而 聖門絕不 大亂 禮 真 而言道德,徒言道 相 惟 似, 佛 自 氏 不 爾 足 以 副 德 而

千萬 《易大傳》曰:「仁者見之謂之仁,知者見之 理固 於千百世之上,或 謂之知。」是安 未入中國也,而 者。皆非 里之遠,其 「然矣。 列 子、 莊子出 聖人所見, 真 有華夷之别,古今之 知 道 其言之相合者,已自不 聖道 安有 生於千 入老、佛之間。 者 無 不 百 也 非 同 ? 世 極 之下,或 致 故 凡 則 其時 異 謂 雖 佛 邪? 相 佛 或 少。 生 夫 法

「黄、老於漢,佛於晉、魏、梁、隋之間。」

道 裁 程、 以 必 不 天 學 盛 韓子之言是 世 必皆 於 下 成 以 莫之能 以 夷 責 孔 規 器 規 觚 救 數 狄 者 深 矩 矩 而 哉 孟 君 當 之 不 進 所 用 適 之道 子 巧 世 禍 繩 觚 用 也 也 遠 行 相 或 之 之外、 所 哉 矣。 爲 繼 不必皆力, 不 於是復明。 淪 直 以 然 之 足,終 胥者 而 相 近 至 佛 慮 方圓 此言 出 我 學 尋 來 口 相 朝 異 不 不 在 乎 亦 平 殊 然譬 與 説 失 其 絶 既 唐 1 直 口 雖 推 爲 尤 諄 紛 學 説 念 惟 諸 何 明 盛 起 方 諄 者之 也 方 足 其 梓 孔 圓 懇 意 直 盛 在 怪 丘 孟 懇 之 所 之 宋 欲 亦 輪 行 哉 有 所 得 世 足 亦 超 於 正 輿 丽

是 未 如 此 T 語 盡 此 ,朱子 累 萬 體 朱 世 年 子 認 · 省言 説 亦 竟 認 性 恐 不 來 之 説 能 認 根 伊 得 歸 去, 基]] 太 過 有 性 却 愚 處 即 疑 難 初 通 理 伊 爲 發 必]1] 也 有 憤 信 此 處 時 語 也 不 語 常 有 通 將 遂 所 便

> 言,斷 然者 得 字 殊 礙 盖 限, 去,一 頭 川 亦 姑 雖 纔 皆合。 也 嘗 有 之語,反覆 不 竟 置 又驗 愚 終 知 屢 箇 之, 不 乎 般 見 必 只 恐 見吾 I 悟 能 得 不我 明」之言,又不 之 乃 有 爲 無 夫 於 處 歸 將 不 隂 處 理 能 到 黨所 是 反 合 欺 不置。 陽 後 字 通 理 始 上 , 也 有 五 難 氣二 脯 達 著 心 便 涣 雖 行 驗 明 中 以 書, 然 也 欲 處 愚言 0 甚 之身心 先 自 又 添 字 能已 不 往 旦於「 有 意 不 儒 信 驗 通 參 往 以 及 欲 之 快 言 箇 互 爲 此 而 推 乃 性 鳥 理 己 字 説 體 如 氣 知 復 之, 即 非 爲 潤 此 認 字 謂 自 圃 從 分殊」 不 理」 以 草 又 之 驗之 君 是 忽 識 事 認 足信 累 自多 木, 所 添 爲 子 見 於 記 來 之 妨 不 四 有 認 頭 伊 起

然學 者 理 窮 無 理 往 須 而 是 不 看 定 得 9 不 活 定 不 即 口 非 滯 所 泥 以 爲 先 理 儒

定 至 不 理 多 日 : 也。 以 便 得,放下一 則 亦 活 善 知 此 然見 不 潑 觀 及 理 · 得 潑 爲 之,仁 終 言 减 地 處 分亦 非 固 常 即 己有 不 是 毫亦 不得 在 此 如 能 意 面 亦 守之, 此 以以 不得 前 也 無 向 此 緣 要 若 雖 使 見 雖 得 然 看 存 擡 理 得之,必 他 如 得 養 無 高 一受用, 此 活 之 往 時 功 分 要 而 失 故 未 亦 不 添 此

其 理 種 目 種 形 所 之譬 各 觀 便 窮 四 之 别 不 理 隅 處 也 ,其實只是 譬 同 觀 便 則 種 之, 故 觀 是 種 自 又各是 Ш 日 面 四 用 此 目 Ш 方 間 體 則 觀 應 Ш 分 般 之, 接 定, 殊之譬 之 面 Щ 便是 實 一之本 目, 觀 地 者 面 四 也 也 體 移 般 目 步 則 在 雖 面

能 往 不 而 來 來 理 來 只是 來 丽 圃 氣之理,當 不能不往,有莫知其 往 一,便是: 轉 於 折 氣 處 之轉 也 折 所 夫 處 以 往 觀 然而 而 之。 不

所

以

爲

性

者

也。

愚

故

嘗

日

理

須

就

氣

其 容 適 感 應易 嘗言: 故 此 不 有 應。 之所 焉,在天在人一 事 於 ? 有 冲 多 及 當 常常 ,若有 所 則 轉 謂 是 焉 須 和 心 其 而 折 以 如 夫往 天 就 之 則 不太。 臾之間 感 「亭亭當 是 名 而 處 口 感 氣 則 靡 而 看 也。 地間 悔 物 者 自 通 古, 應, 常 應 得 且 主 感 爲 處 人情 分明, . 只有 當、當、 吝,故理 也。 宰 易 反 有 循 感 説 則 此 夫 乎 有 不 뻬 應者, 直 環 來 則 感 不 天道 須 一箇 其 容 去之 自 太 上直下之正 無 者 天 能 應 知 間 以 然 極 無 之所 己 應 者 無 感 未 惟 此 則 毫 而 往 頭 私 始 應 是 心 來 使之然者 髪 理 [X] 氣 頭 此 而 命, 欲之累,故 有 雖 至 加 者 差者, 或或 無 皆 之 也 不定 寂 公, 己, 往 感 而 理」,自 謂 過 息之停, 然 也。 如 故 則 更 加 也 焉 理 不 物之 往 是 有 感 不 程 此 動 也 然 或 者 感 應 存 其 若 子 而 理

認 取 然 認 氣 爲 理 便 不 是。」 此 言 殆 不 可 易

哉!

溺 怪 嗚 天 諸 曰 於 小 呼 大 不 既 44 儒 天 余 井之安,堅 自 加 ì 斯固 非 自 思 入官後 論 小 知 之, I 終歸 也, 其 有 身 亦 明 子 於愚 不 嘗 在 詆 口 盍 肯 見 憐 井 者 從 出 而 近 也 中 已矣。 井 有 時 爾 亦 外 暗 + 坐 將 觀 詆 數 井 然 如 之? 者 種 觀 之 或 書 往 直 何 天 彼 哉 告 於 是 m 方 之 宋 口

得 説 後 小 孔 只 理 之 小 盡 之 真 是 孟 君 所 之微 出 是 大 ? 諸 子」之本 本 人 無 迷 大 後 處 旨 儒 窮 惑 大 儒 言 原 使 其 果 不 所 語 E 意 間 後 有 妨 以 文字 見 學 也 細 所 爲 不 得 微 見 知 之 ·, 豈 端 免 曲 所 申 自 小 的 用 折 無 明 當 有 力 故 小 信 如 亦 出 之方,不 小 何 能 得 先 入 出 及 有 儒 者 時 人 以 盖 以 處 於 便 爲 發 俟 其 見 義 異 明

之狀 之功 横 矣。 當 焉」以 心 者 所 盖 知 謂 懼 句 有 謂 在 節 ジ以 I 人 面 所 不 則 之常 也 夫 所 胸 蹉 事 又 故 憂 下 爲用 至 多憂者 心 得 不 中,未 與《 詳 「欲 過 患 以 静之中 , 似 得 有 其 蔡 「有 方 情 脩 於 中 不 則 則 其 所 介 E 是 之 有 其 免 喜 心 庸 口 所二 不 IE 忿 夫 但 説 所行,不 多 身者 者 礙 怒 體 得 須 \forall 嘗 懥 無 應 喜 却 憂 上 其 致 臾 有 述 少 似 處 用 懼 字 者 必必 欠 正 則 忽 正 中 所 偏 E 只 之 偏 當 之發 却 __ 能 不 忧 先 好 倚 只 端 有 指 無 失 道 重 數 每 得 樂 E 不 毅 多 是 異 理,此 心 嘗 語 大 便 其 失 視 其 鮮 便 , 公 怒 説 體 則 玩 抵《 常 其 是 Œ 聽 心 能 語 者 中 人 盖 不 加 味 E, 存 有 飲 心 中 大 情 謂 庸 言 得 此 有 有 得 養 此 其 心 節 食 學 偏 造 其 章 經 其 省 名 乃 所 義 也 不 ^ \forall 旬 處 IE 物 懼 IE 察 正 第 章 明 切 在 恐 所 口

及 來 進 編 可 詳 與與 指 情 講 讀 殺 既 此 朱 也 章 有 子 處 偏 頗 每 説 有 旬 則 爾 未 貼 或 合 先 公 處 先 或 所 售 字 後 著 有《 嘗 皆 , 以 能 石 爲 見之, 渠 爲 未 意 病 當當 見》 惜 但 未 不 看

者 右 着 未 説 也 牽 做 可 儒 煮 虚 必 拽 笛 不 也 終 行 白 題 近 向 加 心 於 秖 不 裹 致 時 裏 目 此 重 既 知 既 緣 口 格 來 爲 意, 反 見。 不 所 誤 物 以 誠 而 字 得 懇 之 然 以 道 認 思 意 略 求 學 説 别 何 知 而 之? 自 正 苦 造 覺 其 畢 名 心 外 與 亦 之累 費 爲 所 竟 ___ 又 其 置 荷 未 未 牽 般 性 盡 不 所 格 必 能 哉 許 見 説 拽 通 見 物 故 纔 姑 者 多 話 不 相 干 欲 舍 明 而 得 氣 似 要 性 其 涉 求 是 不 力, 與 將 分 講 異 難 事 所 兩 左 定 於 天 已 得 無 物 物 又 見 故 籠 道 字 先 歸 來 不 便

《論語》首篇首以學爲言,然未嘗明言

乎 皆 失 以 事 放 之,了子 所 几 ? 心 者 焉 要 教 不 學 者也 時 之外」。 者 ·待言 非 便了 以 時 何 學者之 四 習之,而 事 , 也 註所 教: 然 0 若 但 則 盖 如 所 謂 文、 要 聖 當 忠、信意 學乎 陸 加 門 時 效 行、忠、信 象 時 之 先 門 Ш 習 其 學 覺之所爲 弟 之 之 是 本,尤不 與 子 説 功 知 釋 皆 爾 只 學 氏 已 夫子 文、 又 可 亦 知 自 箇 何 脩 之 不 須 今 所 異 求 出 臾 行 所 觀 從

遠, 説 領 盖 近 下學立 心 會 篇 誠 日 知 首 風 雖 中 自 遠 意 心之始 即 不言 庸 I 之 日 日 分 夫 **>** 近 顯 微 明 首 知 皆 説 指 似 言 皆 知 丽 起 出 少 言 戒 言 風 知 道 乎 格 乎 之 却 懼 在 體 其 物 其 少 自 其 慎 致 發 本 Œ 知」字 中 獨 知 知 體 用 矣。 欲學 微 之 也 巾 即 之 不 意 ^ 道 末 者 性 大學 顯 得 章 於 也 也 何 復 Ħ 所 也 **>** E 以 就 下 知 日

慎 此 獨 所 則 方 謂 有 有 以 知 着 至 見 力 夫内 加 處 後 意 故 外 誠 曰 本 末 心 口 初 與 正 無二 人 其 德 致 理,戒 矣 也 ^ 懼 大

謬 時 道 爲 思 之妙 此 也。 良 知覺」二字之義 異説 爲 爾。 一,甚 理。」 天 慮 知 哉 理 及其 用 而 良 孟 底 之興 夫以 者 又言: 愛敬 能 子 自 是覺斯 一然則 知 長 之 日 ,聽者曾莫之能 二子之言, 説 也 此, . 乃 「佛 民? 愛 故 孩 人 其 無 云: 敬 氏 謂 心 提 義 不 果 之云 之 之 之 正斥 知 其 明白 知 何 良 天 敬 童 明 是 物 其 其 理 覺 辨 精 知 乎 無 近 認 盖 兄 也 ? 切 甚 此 不 時 也。 則 知 知 如 事 知 底 覺 亦 程 有 以 能 此 是 愛 何 爲 覺 子 以 其 以 乃 覺 是 嘗 其 以 性 良 此 人 不 ጠ 之 講 覺 近 斯 釋 待 心 實 親 知

焉 性 以 之 其 渾 理,一 然 無 而 間 也,名之日 矣。 名 其 德 以 則 其 有 燦 四

> 然其 所 非 截 者 其 然有 此 之 以 即即 自 仁 燦 然之不 日 爲 然 所 條也 之所以 然、 義 其 性 以 而 • 截 燦然之不可 然 如 可 以 命之理 然、 名之日 是之渾 蜀 包 其 ,不假纖 者 四 判 判 也 也。 德 然 然 禮 然 者 而 有 毫 移者也; 9 名 。 皆 爲 别 安 燦 以 雖 性之全體 其 排 然 也 不 有 布 出 截 名之 截 四 判 然有 置 於渾 然 之力 然 其 日 也 者 實 止 判 然之中 智。 也 然, 則 截 此 也 , 莫 其 其 然 凡

得? 與 爾 便 出 覓 而 聖 實 邪 自 昭 門 非 ? 昭 也 然 上天之載 卓 想 然 然 爾之 像之辭 果 定 在 自 然 心 而 知 見 見 目 無 不 道 絶 也 之間 可 到 者 聲 不 卓 易 觀 無 相 佛 之, 爾 臭, 百 所 非 氏 處 自 謂 以 即 彼 又安 外 如如 事 異 寂 曠 來 滅 即 説 而 有 有 爲 物 虚 如 所 非 形 極 何 此 立 此 體 由 卓 約 動 内 理 口

妙用爲定 智皆吾心 以 覺言 理 ,則《大傳》所 仁 之定 固 非 理 以 而 覺 覺 謂 言 乃 智 其 隂 妙 亦 非 用 陽 也 之謂 0 如 以 盖

道

,陰陽不測之謂

神」,果

何

别邪

言確 答以「只是 上者有之矣。 氣之精英」, 誠之不可 乎 朱子嘗言「 其 不 掩」一 實 須 可 理 黄 易。 曾 神 處 直 語 實 亦 發見」,其義 卿嘗 不 下 形 則 然 工 而 是 疑 夫 下 形 則 體 中 者」,又云「 誤 加 究 愈 庸》 上者 以 明 來, 論 神 鬼 方 爲 朱子 信 神 形 神 有 面 此 乃

之散 太極 妙 明。 之用 爲 分隂分陽,太極之體 先天 不知手之舞之,足之 萬 殊 以 圖 萬 行。 V 最 殊之 若玩 宜 潛 原 得 玩 於 熟 ·性 以 蹈之 時 本, \ 命 者矣。 之 便 無 理直 見得 非 隂 自 是分 然之 陽, 本

於學者,必須熟讀精思,將一箇身心入在聖聖賢千言萬語,無非發明此理。有志

要作 首 爲 賢 了 之好 象 所得 讀 理 哉 矣。 Ш 言 亦 0 出 應 高 不 以 有「六經皆我 之淺深, 語 欲 舉用,相將 爲 從 必記,亦不 中 言 道 速 上 翻 而 理 者, 諸 則 來 儒 但 貽後學 將 由 覆 當 先 坐禪入 聖 註 必苦苦 其 去 求 君 賢 脚」之言流 資 之於 子 無 體 經 禀 定 窮之禍 皆 認 求 書 有 心 去,無 窮 是 解 都 高 書 究 如 作 下 及近 口 此 象 復 看 没緊要 方 爾 不 用 Ш 以 來 尋 世, 必 其 L 若 自 讀 得 非 罪 書 看 陸 其 道

雖 痛。 明,自 淵 下 則 須 T 工,文字雖妙,其病痛必不能免。 善言德行,孔子兼之。」看 若本 要 T 是難 宰我、子貢 涵 加 無實 養、涵 發 事 脱 (見) 不 養 見之不真 善爲 出 得 圃 者,却 揣 熟 説 摩想像以爲 終 辭, 者 是 久 不待論 來 冉 説 口 説 牛、 才 出 得 來 短 言。言 閔 亦有 道 亦 也 理 無 病 此 心 分 顔

之者 如 出 合。 體 氣之 此 人 m 于 乾 則 又云: 言 邵 子《 有 神 流 也 則 無 别 行 異 觀 但 朱子《 生 是 神 同 物 謂 而 死 之 亦 外 之 有 之間 際。學 物, 篇》有云: 乾 易 動 而 本 而 静 與 已,乘 無 義 者 無 爾 朱 所 \Rightarrow 不 方 子 所 以 可 不 圃 所 氣 謂 氣 不 包, 其 不 謂 而 致 測 流 天 變化 圃 思 氣 與邵 者 地 行 己, 也 之 也 之 間 精 能 説 主 統 本

端 如 得 好 的 ,故《易 何 ,便是立 ? 邵子有「神 但 大 「質」字 抵 文言》有「脩 其 理 誠 無 最 未善 也 方 難 而 言 , 欲 性 辭 得 有 作「定」 之訓 失只 質」一言, 字 在 只 亦 要 一説 未 亦 兩 得 見 字 知

分明 發 動二 張 先儒 盖 如 字 言 情 此 是 亦 發 動 不 情 不 待 者 相 是 主 遠 性 張 不 之動 却 待 而 説 主 自 得 意 張 然 是心 情 者, 發 動 意 須 之發。」 二二字 者 是 與 意

> 慎 他 便 獨 有 做 Ì 公 I. 張 夫 私 ",方能 義 利 兩 中 途, 節 須 要 由 此 詳 心主 審 張 二者 而 發者

者。」 皆是 談玄 得。 東 加 並 凡爲 階 退, 坐 説 理 故 粗 則 不 長 主 其 妙 無 迹,感 程 先 横 者 佩 塵 有 大 子 右 肱 倚 糞 不 何 小 日 足上,於 · 授 則 之禮,必 應之理 及 交 故 . 臣 涉 長 立 也 佩 灑 者, 不 垂,主佩 掃 跪 便 西 若 加 以 應 階 在 於 帚 授 箕 則 對 其 事 於 坐 自 先左足。」 垂 中 物 箕上 不 便 向 前 L 立。 只 而 臣 無 形 要 以 極 佩 所 人 而 之。 袂 此 E 委。 見 識 拘 於

精, 理。 此等切至之言 程子此 莫之爲 言 而 最 爲, 杰 都 莫 最 當 之 好 面 致 蹉 尋 過 思 而 矣 至 若 便 讀 是 不 天

曰 陰陽 天地 言,語 人物,止 地 道 則 是 日 理。 岡 柔」,語 然 而 語 人 道 天 則 道 則

庶 不容 斯 抵 性 矣 ΗŢ 以 以 於 欲 盡 命 無 名 何 天 同 别 其 也 地 道 ? 道 人 然 人物之理 以 則 盖 夫 形 其 贵 鳥 異、 潤 分 口 必 草 既 以 明 木 殊 言 之 乎 其 異 爲 盡 爲 物 冒 平 道 之 ? 亦 也 大 云 自

者,此 之物 之始,裁 五 府 行 皆 之質, 或或 以其 人 洪範》之五 成之 用 之 其 所 惟 質言之, 妙 二,或 人 以 有 靈 聖人 行, 於 以 用 人之 在《 之功 萬 兼 其三 物 而 所 大 用 誠 也 賴 禹 更無 之。 歟 所 以 謨 謂 生 **>** 能 若 其 則 萬 者 用 夫 謂 世 他 忧 火、 創 有 之 永 賴 制 知 盖 金

者」, 却 説 得 本 邵 胡 動 塗 子 T 第 静 之 親 間 切 之言, 天 地 其 之 子 至 伯 温 妙 至 解 註 妙

知 ^ 李習 復 性 之 書》有 雖 闢 Z: 佛 然 情 陷 者 於 妄 其 也 説 而 邪 不 也。 自

> 説 爲 道 明 此 日 ,尤可見其意之 聖人之徒邪? 声 邪 得 周 與 非 流 何 妄 有 六 以 取 虚 則 異 無 其 於 所 微旨 所 佛 以 所 且 因 謂 氏 主 矣。 其 圃 之 書 姑 能 妄情 闢 其 復其 篇 其 亦 滅 粗 嘗 皆 性 迹 從 及 也 禪 以 死 本 生 無 觀 師 性 失 間 清 平

之樂 先 其 得 著 與 分 明 晦 陸 余 象 即《 翁《辨無 嘗 Ш 語 意 與 録 其 極 詹 \sim 指 中 書 子 識 所 \Rightarrow 南 所 此 謂 書 謂 心 **>** 此 言言 有 爲 理 事 論 云 己 實 未 顯 日 詳 今始 享 者 事 事 也 黔 實 實

真 人。」 是 斗 舉 有 我 手 翻 按《 取 般 包 身 於智 顯 人?! 南 傳 倚 道 斗 燈 通 北 所 不 之説 録 迴 辰 録 知 \leq 身 象 智 舉 象 也 倚 Щ 通 頭 Ш 北 語 禪 之言 天 辰 有 師 外 云 出 臨 望 其 頭 終 偶 天 無 仰 有 同 外 偈 我 首 邪 見 這 云 攀 抑 般 南

之 其 惓 子 其 逢 齋 出 始 焉 時 世 其 可 處 羽 而 祖 終 兀 進 翼 謂 之 儒 尊 甚 致 聖 大 節 者 有 信 位 鋭 經 之道 功 儒 朱 自 通 終 於 稱 子 難 晚 顯 斯 不 許 老 年 例 其 文矣。 廢 雖 魯齋、 不 所 學行 之 虞 倦, 未 見,乃 魯 得 伯 其 吴 齋 草 皆 盡 生 草 志 平 廬 與 謂 行 若 亦 廬 初 IE 陸 魯 其 可 夫 年 篤 象 志 尚 篤 齋 實 Ш 矣。 生 信 然 實 合。 惓 朱 當 遭 啓 魯

謂 體 以 發 有 凡 變 事 者 當當 得 愚 事 物 乎 當 觀 器 物 通 以 時 者 聖 之,謂 静 俟 别 之 不 推 人之道 修 不 爲 可 肖 知 重 天 之有 窮 言者 容 夫 殆 分 物 也 不 道 與 甚 志 與 斷 恐 之 而 許 即 高 於聖人之道 道 焉 未 體 立 魯 如 體 然 平 學 者 齋 其 \wedge 爲 也 事 博 退 吴 言 二,荷 皆 物 才 齋 洒 姑 草 之 則 雄 記 則 外 然 舉 是 廬 有 9 **>** 可 所 議 有 等。 所 而 肖 論 謂 無 謂 疑 云 ∭ 所 之 然 道 所 其 英

《易》 乎 明 疑。 其 爾 於 理 至於 性 也 末, 乎 程、朱之訓 所 亦 (禮》爲 ? 一,他 其 盡 且 以 欲 ? 謂 必 具舉天下 得 盡 性 命 至 易 之 令學者「 有 夫《易》之爲 荷 經 又《 器 非 至 者 於命, 學之 也。 弗 能 固 嘗 亦 所 命 ^ 叙 肖者矣。 事 既 無 語 實 《易》芍 道 取 荷 學 體,《 竊 畢 而 之 不 不 先 用 \leq 者 能 \forall 恐未 日 道 具, 矣 理 相 後學夫《易》」。 其 六 書,所 博 窮 春 合 亦 篇 未明 I 經 然 理 夫器 而 理 易言 秋》 器 爲 而 未 窮 盡 又 而 似 不 又令「以《 以教 勇 之 他 有 爲 後 外無道 何 是 性 而 乎 也 應 於 難 專言之如《易》之 性 學之 ^ 學 以 也 經 枝 若 自 人窮 語 言 而 盡 焉 至 雖 葉 是 信 × 静 此 而 9 矣。 ? 用 於 有 詩 盛 道 之 之 之 修言 \wedge 理 顧 命 孟 所 **>**,</br> 於 外 得 易 性 過 盡 口 殊 窮 得, 根 無 其 之乃 歟 無 命 書 性 則 爲 貫 理 其 之 之 學 訒 以 本 與 口

乎? 然則 其 者。 際, 精 言 又 而 IE. 所 遂 「、殊若 朱 嘗 人 而 議 所 之道 嘗 卒矣。 静 求之 評 不 其不 以 者 極 觀 修 正 宋 其 可 爲 或 乎 之 其《 諸 志 大, 赴 喜 哉 使其 元 以 正 所 儒 集賢 渡 計 其 必 盡 而 爲 徐 謂 江 者 不 尚 不 其 不 口 mi 之召 **>** : 在 肯 如 仕 精 大 重 ____ 繹 自 邵 是 賦 爲 者 而 者 之, 固 至 安 其 其 高 乎 貫 實 將 豊 未 大 之 ? 於 悉 以 相 心 非 亦 以 爲 隱 病 周 時 不 若 惟 未 以 當 Œ 逸 阻 至 丽 其 仕 夫 爲 知 ___ 也 之 盖 動 精 有 出 有 果 知 初 流 以 志 静 處 踰 何 孰 元 聞 程 也 行 於 之 義 年 而 修 有 其 至

齋 容 無 有 似 失 曾 其 不 劉 同 静 IF. 子 修 雖 静 之 進 修 譏 退 似 許 無 子 魯 恒 路 齋, 未 其 頗 爲 氣 傷 渦 象 於 也 既 刻 别 竊 所 苟 謂 能 見 魯

不仕固無義,然事之可否,身之去就,

焉 矧 莫 求 不 而 之 有 不 聖 義 顧 存 門, 將 焉。 别 具 有 有 先 所 成 儒 見 法, 之論 耶 爲 其 口 學 謂 者 明 且 或 盡 乃 忽

如 未 有 所 也 説 0 此 知 發 《易》 盡 得 邵 明 凡 口 國 合 親 9 事 敬 性 賢 聖 回 皆 切 也 命 《簡 : 處 有 人之意 夫 之 知 漸 端 理 ^ 幾 春 録 其 否 視 秋 其 **>** 漸 近 也 近 論 神 ? 始見 方 時 乎 斷 萌 道 然 \forall ! 其 學 之,於文義 是 其 難 諸 辭 即 博 其 君子 尤 而 所 人 確 矣 謂 不 , 較 多 雜 獨 幾

偏 仁 比 於柔 也也 亦 在 0 因 惟 是矣。 動 時 其 制 皆 宜一 時 合 是故 加 義 已矣。 君子 語 則 最 天 之用 好 理 周 即 不 流 所 偏 謂 ൬ 無 於 義 剛 間 之 不 與 m

體 미 無 如 剛 時 此 宜 無 用 須 柔 知 剛 以 出门 圃 剛 之 濟 其 用 時 剛 不 宜 口 用 或 無 柔 足 柔 而 以 柔 柔 致 之 悔 只 用 是 大 無 不

忠信」二字,吾夫子

屢

以

爲言,

此

實

剛以制其柔,或足以取吝。

静 處 也。 觀 之, 陽 此 動 静 可 隂 亦 爲 静 動 知 其 也 者 大分 道 自 其 固 主 然。 宰 處 然自 觀 之, 其 動 流 行 亦

如 此 爲 規 模 政 寬 亦 大,條理精詳,最爲 如 此 斯 口 謂 真 儒 矣。 難得。 爲 學

用、斟 之常 謂 切 無 循 意 所 酌 以 其 謂 也 至 己。 裁 無 理之當 彌 制 意 綸 者 莫 然 參 非 無 而 贊 意 私 己。 之大, 也 意 三, 云 爾 無 凡 預 胡 自 焉 其 可 日 斯則 設 無 用 ? 施 應 惟 所 運 酬

費 昔 免。 盖 心 聰 年 力。 代 明 必欲多方 凡 博 經 悠 若真 辨之士 書文義 貌 编編 牽 欲 簡 求道 補 多多 有 錯 解 喜 强 亂 斷 説 做 解 字字 不 不 求 此 通 畫 在 等 通 處, 此 差 I 則鑿 夫 訛 只 宜 勢不 矣 似 闕 乎 之。 枉 自 能

> 矣。 忠信 黨,况君子之學期於 道之本也。 有 所 不足, 常人無此 則終身之所 成 己成 猶 不可 物 成 者 以 就 乎 自立 從 於 口 若 於 鄉 知

耶? 者。 則 有 得 「上達」矣, 曰 進 其 於此 、理則 於聖賢,下達則 子 至於義利之際, 成己成物,便是感應之理。 君 日 子 物我 或以 Ŀ 喻 君 達 俱成, 禽獸 子 於利」,斯「下 小人下達。」「 喻 於義 乃 故 斥之,未有 其 或不 日 違 「合内外之道」 小人 禽 知 機 所擇 達」矣。 喻 喻 能 也不遠 理惟 於 甘 於利 果 義 心 受之 上達 ご又 何 也 爾 斯

則 之「命」只 修 則 富貴、 身以 有 以 是 俟 知 貧賤、死生、壽夭之「命」, 之 夫 箇 命 命 之一矣。 語,豈不 皆 定 理 簡 誠 也。 加 知 易守乎? 夫 明 命之一 乎 與 理 性 之 命

程子 則庶乎 論《 曰 : 得 其 大學》則 此二書切己,終身儘 「善學者玩 . 學者 索 而 有 必 焉, 由 多

覺 學焉 讀 惓若 是 哉 首矣,差則幸而 論《中庸》則 身用之,有不能盡者矣。」爲 空踈。 四 :「人只看 書者。 庸 書 愚 以 於此四書,童 免, 不差矣。」論《語》、《孟 識 吾 至 愧 求 其 É. 切己受用處, 人之意 以 而習之,今皓 申告吾徒之 何 其 也 則 **>** 殊 惓 終 則

是 而

> 之。 意, 爲 理 欲 至 是 以 誠 續刻完,因贅此於末簡 告 編 難 往 亦 年 明 初學之士,使 有不得已者。 嘗述愚見, 雖 而 詞 愚言且 若 稍 繁, 拙 爲《 不 迷其 世 或 意 困 有 頗 有 知記 所 君 傷 未 向 子, 直 盡 焉 兩 必 品 卷。 乃 爾 能 品 復 之 亮 筀 惟 盖

嘉靖辛卯夏六月丙 ·辰整菴 書。

困

知

記

續

卷 上

终

困知記續卷下

凡三十三章

説之 偏 頭徹尾, 之。 有 謂「自覺聖智境 至此 無始末, 有 見 所 不 猖 勝 横説 其 乎 未合,猶 癸巳春,偶得《慈湖 其 狂 (自言「忽省此心之清明,忽省 無非 忽省此 慨 竪説 比 慈湖頓 歎者。 之 此 且 直 象 箇 界」也。 心之無所不 支 見解。 Ш 吾 悟之機,實 是 痛 尤 果 哉 竉 甚。 敢 罩 書 ,禪學之誤 而 遺 過,未敢 中 意 書》,閱 通」 象 然於聖 氣之横 千言萬 自 Ш 陸 平. 即 之累 人也 公然 象 H 釋 賢 此 逸, 語 據 迦 Ш 明 心 日 徹 乏 叛 訓 其 發 所

> 叛聖 不可 見 日 微言大訓,又往往肆其邪説以亂之,刳實 《大學》 但與其 之者,反從而爲之役,果何 虚,揉直作曲 更無隙 者,雖明 之。慈湖上自五經,旁及諸子,皆有論説, 漸 是 也。 就。 月 經,疑誤後學如 漬 (所見合者,則以爲是,與其所見不合 可投,故 出 世之君子,曾未聞有能 以以 書,工夫節次其詳 務令學者改視易聽,① 於孔子, 輙以爲非孔子之言。 深 ,多方牽合,一例安排,惟 人乎其心。 其 詆之尤力。 此,不謂之聖門之罪 見 其敢 如 哉 此,頓 至凡孔 貪 於侮聖言, 鳴 新 鼓 悟之説 忘 而 子之 其 攻 偏 爲 而

聖人强分别也,體之静正有常而用之變化此心也,人心,亦此心也。一心而二名,非人心道心之辨,只在毫釐之間。道心,

●「令」,原誤作「今」,據嘉靖本、四庫本改。

物 然清 騁 者 嚴 合。 指 將 絶 其 佛 心 不 人 不 在 經 之 何 不 歸 最 篤 心 斷 氏 測 吾 天 物 力 之於 即 不 明 試 相 所 ጠ 也 安 成 無 性 所 然 其 茫 舉 用 而 干 復 出 象 見 得 須 謂 中 終 義 吾 意 續 非 茫 乎 耳 於道 兩 之 不 參之佛 蔽 儒 也 在 物 乎 能 Ш 虚 謬 左 以 F 象, 於 地 以 若 吾 靈 見 所 聽 河 心 援 乎 誘 其 所 成 概 地 知 耳 得 大 性 ? 以 進 右 氏 見 無 所 回 形 其 者 覺 似 分 地 學 . 洞 引 之 涯 以 集 餘 直 慈 是 明 而 徒 然 書 吾 涘 能 皆 陽 中 目 咸 己 湖 方 以 而 者 無 口【 性 開 我 \wedge 聽 其 能 是 於於 之志 實 是 則 虚 己 際 窺 者 中 衮 之 隂 日 視 妙 非 真 靈 易 丽 四 之 所 . 何 衮 闔 於道 明 者 盡 所 如 聖 **>** 知 然徐 非 形 物 數 爲 真 心 五日 符 之《 覺 以 有 量 極 篇 千 之 心 能 故 性 節 究 其 爲 不 見 言, 易 學 楞 中 澄 之 於 視 天 其 馳 乃 道 爲 日 口

文、 謂 與 義 謂 往 生 認 物 伸 = 天 非 能 心 嗅 作 + 紫 大 者 民 也 非 非 能 ? 者 暰 武 惟 如 吾 用 以 爲 鳶 古 也 何 何 思 來 我 是 所 血 周 毫 相 來 朱 凡 也 物 者 也 物 慮 性 獨 説 氣 以 公、 篇 ? ? 明 尊 即 髪 未 世 此 能 果 魚 能 所 中 是 孔 是 非 界 手 有 躍 非 足 暰 周 何 無 偈 以 日 子,皆 大 非 小 能 能 于 今 者 能 異 能 流 物 即 錯 相 己, 也 即 識 淵 也 運 何 步 思 耶 非 其 所 用 其 吾 非 , 它 乃 趨 物 是名三十二 畫 天 慮 世 爲 以 之全 屈 日 義 魚 敢 ? 非 界, 者 下之大 H 禪 夫 能 所 伸 也 放 也 明 吾 非 何 學 鼻 堯、 者 以 周 是 言 所 也 後 物 能 也 其 能 名 流 無 以 聖 舜 日 金 也 嗅 固 夜 日 吾 相 世 者 步 忌 能 剛 非 昭 0 其 我」, 禹 鳶 界 波 不 趨 何 所 運 經 謂 昭 晦 遞 知 即 羅 者 飛 物 天 用 以 湯、 **>** 矣。 也 義 相 所 自 其 説 所 地 戾 提 何 能 屈

傳授 者 有 事 者 有 以 但 决 窺 之, 看 非 無 見 物 得 非 靈 其 物 此 覺 全 精 有 之 篇 之。 謂 破 己 執 時, 易 非 中 慈 美 譬 惟 湖 之旨, 之 人 敢 顧 破 人 作 獨 有之, 竹 未 平 丽 之 ? 餘 所 識 謂 皆 乃 閲 耳 训 至 斯 中 誠 刃 集 事

m

解

矣

章之; 猷 是 嘗 見 來 非 經 儒 言言 故 傳 疑 聖 本 吾 天 誤 賢 佛 吾聖 世 如 於 則 後 本 無 天 聖 叙 不 一賢 學 旨 範 F 從 討 有 人 易 道, 之言 不 革 帝 本 而 有 典」,吾 第 之論 淺, 之 庸 夫 天 罪 假 决 地 降 與 之; 故 之 佛 非 佛 衷 儒 則 則 以 不 氏 知 氏 從 從 天 佛 成 發 得 本 道 之言 脩 而 命 加 異 就 育 13 不 者 刑 惇 道 有 同 其 明 萬 也 殊 之; 之; 之 德 辨 物 此 説 實 不 教 之。 乃 慈 判 等 相 克 天 則 灼 切 湖 於 語 本 綏 從 秩 然之 恐 程 所 此 於 有 厥 而 將 皆 謂 引

> 其 化,皆 以 所 言 範 明 邪 人 此 深 天 天 之 行神 所 乘 語 物 命 偏 重 ? 地 切 何 常常 惑 間 不謂 之在 主 著 天 吾 盖 用 皆 忍 又 矣。 , 们 情 地 明 而 性 其言 變 於 在 任 大 我 也 之以 執 發 之變化。」 化 吾 叛 0 情 吾説 抵 育 之 有 學者於 堯、 性 牽 所 以 悦 心 萬 妙 云 : 量 謂 合 慈 舜、 法 以 新 物 , 之中, 湖 審 之 奇 起 固 又云 湯 聖人本天」 必 此 其 之 妙 其 滅 自 而 欲 心 孔 聰 是 荷 若 慕 天 丽 固 混 通 明 非 地 能 高 也 天 意 自 而 儒 者 之 遠 虚 地 謂 宜 若 消 以 者 歸 無 心 萬 佛 若 故 之 洞 則 心 忧 遜 體 物 將 何 於 見 法 有 邪 本 如 無 哉 此 之 説 天 清 不 起 見 此 得 無 途 本 變 地 平 其 滅

物 見 也 但 愚嘗謂 其 若 主 謂 於 其 我 人 心 者 心 通 謂 之 者 之 體 心 洞 即 見 非 天 天 之 臆 地 體 説 也 物 本 乃 來 在 實

謂 説 首 其 如 語 吾 功 不 故 心 變 吾 有 欲 心 數 者 之變: 心 化 其 以 用 所 太 夫 其 知 其 大 性 人心之變化 戸之 常 是爲 之理,故《中 之所能 以 極 理 用 有 而 量 各 化 住 之 分 爲 亦 天 之 何 是 反 E 軀 不 言,明天人之無二 之 地 别 太 中 與 生 成 性 乃 滅 識 哉? 極 殊 小 而 网 焉 命 邪 若 矣, 則 矣。 以 欲 儀 而 無 物 1 ? 庸 與 謂 私 此 是 乃乃 是 盖 發 生 9 則 雖 既 》 質「大 謂 造 况 心 理 以 發 育 天 而 俱 物 非 不 化 之 統 也 分 口 天 天 育 萬 地 生 物 知 人 以 地 體 以 則 知 地 萬 物 人 哉聖人之道 所 分之 各 爲 也 之 慈 則 之 道 範 殊 爲 物 物 具 己 能 歸 湖 變化 太 亦 重 有 自 之變 此 可 殊, 物 與 之吾心, 誤 與 惟 極 天 限 是 豈 乎 生俱 矣 太 0 其 地 量 其 造 化 何 萬 又 ? 蔽 乾 分 極 矣 悪 皆 其 古 化 於 理 則 矣 盡 殊 自 不 藐 是 道 異 即 之 吾 易 而 是 口 本

> 時。」 合 鬼 知 神 其 量 此言 合其 德 哉 與 吉 便 日 是 凶 文 月合 的 言 先 確 > 天 其 日 而 明 : 天 夫 與 弗 大 違 四 人 時 後 者 合 天 其 與 而 序 奉 天 天 與 地

住 之哉 道之 之訓 除 斷 憧 學》之教,不 非 意 盡 命 ,使 乎 意 之 意 思 往 門, 見 其 不 0 自 則 來 無 有 其 意 作 不 者 私 然, 心 心 屏 彼 積 日 若 聖 미 耳 意 必 襌 絶 更 德 非 無 耳 有 易 日 何 口 學 思 無 之 《書》 思」, 人之 意,心 者 無 由 者 慮 無 所 基 意 謂 線 安 其 將 惟 所 惟 窮 日 之官 ^ 得 可 又 四 日 易 何 爲 以 理 惟 通 舉 何 方 **>** 思 頓 也。 盡 慎 思 日 則 日 異 盡 八 何 牢 悟 性 : 思 E 思 端 之 誠 慮 曲 聖 關 爲 睿 必 之 路 有 聖 意 是 人 固 主 由 邪 人 此 睿 以 皆 頭 所 閉 於 必 説 吾 立 作 曉 出 謂 故 此 中 欲 聖。 儒 以 齊 以 象 夫 於 ^ 大 冀 掃 蜀 斷 以 憧 寒 無 天

之士 之光 宜 得 其 又 不 何 及 明 不 晃 足 濂 忍 以 景 旦 此 爲 以溷 廢 爲 忽 以 而 洛 害 何 然 蜀 已 非 吾之耳 鍋 必 如 性 吾 而 細 欲學爲聖 ? 有 儒 閩 命 言 省 之説 窮 如 之 目 之 理 欲 理 哉 終其 學 不 盡 在 人 覺 實 爲 性 未 所 縷 之 則 佛 彼 學 嘗 見 縷 濤 固 邪 不 , 不 張 哉 有 慈 有 見 爲 五 调 識 湖 幻 經 也 學 靈 之 吾 者 書 黨 桁 覺 四 安

以 是 白 文 作 旬 子 E 佛 義 爲 弄 所 證 聖字 能 何 初 一之言 心之精 豈 物 若 盡 如 使 有 有 自 也 可 也 人 相 他 形 不 疑 無 似 哉 神 類 慈 須 請 得 ? 是 及 其 湖 看 究 m 事 考其 謂 盖 悟 獨 得 言 議 聖」, 有 此 摘 重 處 馬 之。 真 全 句 此 IE 而 更不 一文首 此 僞 實 在 子 其 声 此 何 與 思 意 暇 必 尾 出 佛 間 故 處 義 審 顧 於《 家 於孔 欣 處 亦 其 亦 之, L 然 孔 非 頗 即 將 下 取 此 明 子 心 來

之在 神。」 若認 易能 也。 之謂 答之, 諸 乃 形 ጠ 知 也。 推 由 ൬ 事 實 ? 此 迹 ___ 欲 數 隂 若 道 之 心 矣。 人 不 精 物 惟 知 切 究 7 而 之 粗 其 此 容 爲 詳 之 神 所 人心之神, 理 陽 則 申 E 處 於 實 神, 以 無 間 理 以 玩 9 之 言心之妙 道 錯 其辭 所 不 體 審之之由 意 相 爲 欲 謂 物 而 心 認 不 以 由 混 道 道 神 是 所 盖 理 通 物 乎 焉 聖 爲 詳 既 世 通 則 以 無 疑 心 致 往 故 用 又 其 妙 之 人 錯 得 物 所 神 能 察 ൬ 日 如 義 用 所 理 矣 夫子 理 不 周 之 心 夫 推 不 此 以 事 則 通 之 其 在 雖 是 可 錯 復 見 兩言之 隂 情 遂 雖 精 非 易 見 所 乃 乎 何 事 盖 謂 陽 聖人亦 以 察 判 大 所 能 皆 神 疑 物之 聖 之 不測 則 然 傳 通 是 謂 者 由 所 聖 聖 也 或 之 道 數 當 謂 乎 疑 心 之謂 有 若 亦 通 日 妙 物 也 心 聖, 道 所 是 病 於 究 口

矣。 心 通 之道 之 不 殊 理 然 不 爲 知 道 何 事 謂 則 物 道 之 乃 以 理 貫 在 與 之? 平 吾 事 心 之 物 何 理 而 謂 不 合 在 而 吾 内 己

珠 以 程 中 莫 解 非 成 章 : 不 看 提 將 物 實 忘 是 通 嘗 得 子 戲 貫 之 書 皇 用 劇 極 形 曰 因 起 斜 心 爲 之, 明 夜 影 天 . 閲 逐 性 便 F 風 番 分 ^ 弄 都 心 意 只 此 細 可 慈 新 付 精 緣 在 只 些 兒 與 1 湖 以 道 任 神。」《 定, 一兒二二字, 是 聲 却 釀 贊 微 之 遺 握 此 色 是 輕 逼 中 所 書 化 理 字 解 真 真 華 寒, 書 在。 **>>** 育 故 ൬ 迷 相 時 那 **>** 有 掩 須 乃 丽 盡 己 人。」「 日 類 總 復 感 微 就 卷 俗 己 . 參 如 不 有 之 這 長 天 語 偶 道 道 天 鏡 真 衣 性 此 吁 地 賦 人 之 線 心 冠 邵 中 明 日 之 體 小 物 惟 萬 何 便 康 慮 慈 詩 能 也。 事 貫 我 微。」 象 節 貫 攢 湖 詩 貪 裝 盡 萬 所 原

> 儱 之象 量 謂 放放 之 與 中 不 其 _____ 鏡 開 心 是 原 通 安 將 不 者 得 形 相 謂 影 洞 屬 之 弄 見 提 精 天 貫 不 神 地 起 耶 也 人 按 物 殊 不 皆 不 下 知 在 吾 收 鏡 性 中

之 爲 比 觀 湖 所 日 禪 慈 盖 謂 肩 所 月 湖 學 謂 慈湖 丽 以 定 至 者之不 已 自 此 慧 焉 哉 處 所 自 也 之意。 ? 引 之 處。 也 孫 列 ; 定、 論 每 大 其 1 豊 語 哉 乃 門 慧 每 能 \approx 但 \forall 慧 人 不 類 與「二 守 知 頗 ൬ 此 歌 之, 及之」, 不 有 謂 無 月 足 覺 以 之 狀 不 於 者 合 員 以 尤 定 違 則 合 佛 甚 明 者 處 佛 氏 也 者 之 慈 凡 之 氏

生 道 人 小 也 者 服 道 其 亦 與 慈 其 湖 何 多 篤 以 行 門 \wedge 遺 紀 知之? 遂 先 患 講 信 頗 訓 習 其 深。」 **>** 盖 内 説 學 慈湖 其 者宗 條 其 所 當與 説 指 云: 仰 古 乃 學者講 多 語 伊 近 矣 録 Ш 世 流 程 有 而 行 聖 先 害 以

之耶 毫分 之所 無 多 分 覺 文 而 護 不 論 X 明 文 非 析 爲 E 者 口 敬 有 數 於 如 盖 字 之所 ? 縷 爲 太 繫 目之爲 通 所 語 也 則 庶 法 出 深 排 極 析 極之實 行 不 云 必 何 伏 物 於 講習, 得 致 知 者 但 如 口 羲 其 天下 自 周 察於 小 遂 冮 不 也 其 講 既 程 公 不 不 體 道 聖 决 能 學 言 敢 無 之 繫 憚 畫 害 哉 荷 之心 非 安 人 可 不 非 於 篤 爻 之 八 煩 則 其 偶 有 倫 傳 能 自 得 人 卦 行 説 也 是大道 爲 然之故 者 孔 F 於後 灼 若 大邪? 倫 不 ௱ 9 也 子 又 謂 萬 見 亦 因 庶 辨 己。 重 世 作 世 世 安 物 其 大 議 明 顧 不 伊 知 爲 + 之 者 精 道 之 易 及 凡伊 耳 在 미 得 夫 川 翼 六 無 千 所 理 微 混 及 伊 伏 以 以 無 所 + 之 條 ? 成 通 千 他 Ш 家 羲、]1] 小 大 以 作《 妙 行 萬 兀 出 道 與 萬 惟 舜 其 庭 不 又 舜 緒 桂 易 目 雖 許 容 世 之 其 是 所 議 口 口

> 斯 文 道 周 公、 非若 孔 子 人 而 而 誰 黄 ? 面 瞿 曇 獨 得 之 矣。 害

片 這 事 所 禮 固 殊 理 是 而 執 乙 卓爾」, 躍 虚 以 本 顧 物 守之,然後應酬 以 之「中」, 然後 理。字), 如一、皆 者 爲 以 空 吾 執 近 千聖相 • 理 竟 夫子 世 吾 曠 之 理之 子 而 爲 學者 蕩 儒 古 是 思思 不 孔 其 障 誠 傳 境 之 有 能 之 物 子 分 而 切 界 實 沉 明 者 識 所 所 則 行 也 只 中 故 溺 學 訓 之際 其 可 謂 是 凡 不 殊。 其 朱 乎 也。 矣。 至 見 踰 此 上下 盡 病 子 義 精 聖 之 理。 理 必有 矣。 無 謂 禪 理 盖 至 既 一大賢 之 其 或 察 矩 一之意 家 通 微之狀 有 堯、 禪 在 ^ 差謬。 以 次 所 慈 天 見矣 惟 家 吾 察 孟 舜 則 顔 見 説 湖 地 其 最 乎 心 子之 子之 訓 爲 見之真, 禹 博文 胸 怕 必 其 與 只 此 物 何 語 中 其 是 博 分 從 所 所 湯 如 説 常 有 約 之 約 在 謂 其 而 所

若 矣。 安 於 知 凡 胸 意 必 存 止 排 真 理 見 中 度 置 視 矩 焉 且 布 得 聽 古 理 理 如 置 其 字 爾 吾 則 此 言 自 不 水 之 理 儒 清 怕 日 於 能 動 勞 泡 真 若 忘 明 這 其 不 喜 ? 之 瑩 切 捨 中 除 踰, 理 怒 自 澈 箇 爲 自 捨 不 字 哀 生 理 此 然 世 然於「中」 是 知 樂 也 自 字 言 通 是 則 聖 滅 者 不 漢 透 不 豁 人 乎 講 灑 然 然 切 亦 適 胸 哉 落 則 蕩 甚 無 任 以 更 中 無 乎 肵 其 講 自 初 又 元允 主 憑 狀 必 自 無 何 何 牵 依 不 作 聖 其 有 執 如 事 ? 於 然 自 許 不 故 而

皆 及 之 卷 卷, 慮 觀 出 有 至《續 至 ^ 又不 慈 目 經 深 録 湖 傳 集 知 吾 遺 可 考 不 出 書 雖 則 雜 自 H \leq 皆 不 辭 何 以 爲 自 知 證 佛 人。 禪 諸 何 具 氏 學 稿 備 自 人 中 所 人 語 + 亦 選 或 , 有 編 八 其 出 未 卷 勢 初 以 觀 必 終 ^ 知 止 之 續 杰 + 有 編 集 悟 類 不 者 八

敬

多 忽 今之 嘗 亦 詞 口 辨 傳 論 <u>*</u> 不 得 ? 於 爲 及 人 而 首 佛 隱 世 不 人 惟 己 高 氏 者 也 有 是 自 矣, 品 識 以 因 如 分 之 乃 謂 品 \wedge 其 明 炳 過 士 終 高 昔 招 講 身 慮 古 明 之 認 師 能 爲 自 惑 求 灼 禪 尚 有 若 學 訓 見 何 所 也 \approx 慈 所 其 説 不 誤 非 湖 哉 乘 能 奠 者 其 己 今 馮 亦 迷 爾 其 天 何 氏 暗 書 資 庸 妹

之,心 間 矣 也 乎 與 易 之 0 渾 理 知 則 然 謂 然 心 與 其 易 動 之 則 與 理 理 中 則 理 中 何 日 未 截 有 該 修 初 之謂 易 然 静 貫 事 何 未 明 立 有 爲 動 嘗 之 斯 仁. 也 人 止 而 合 静 不 截 之 之 能 事 理 然 自 斯 道 謂 復 與 也 矣。 道 即 渾 義 日 其 理 體 然 仁. 有 心 本 截 声 矣 與 體 之 自 與 以 然 之, 間 理 體 義 之 謂 者 事 之 道 渾 義 之 者 則 耶 不 與 然 其 言 ? 形 出 名 心 理 無

窮究 乎 看,若認 發之中,天下 人 ? 有 人生而 説。 益 虞 愚於此 信 書》之所謂 Ŧ. 道 静,天之性 此 心 生所見,此 所以 論之不容易 之大 爲 己 不 發 本 也, 「道 能 也 無 則 爲 心,即 即《 也 少異於朱子者 將 至先。 何 决 中 者 不 庸 樂 比 以 盯 記 所 年反 作 爲 》所 大 己 覆 謂 前 本 發 未

用 中 全也。 之「中」同 及」言,似 于民 可 允執 見先聖後聖,其 **《**仲 以以 平 體 義 厥 虺之誥 未 制 用 中」之「中」,先 盡 兼 事 》有 舉 以 竊 前 揆 禮 云:「王 詳 無遺 制 一也 其 心。」其言 義 斯 儒 當當 懋 專 爲 昭 以 與 聖道 大德 一中 亦 無 之大 兼 過 體 建

是 未 此 必 見 皆當 不 人所以固 舍己從 到 復 亦是 有 人」,非見得 執己見,善言更 無定 種 性資 見 也 輕輕 道 快, 夫 理 示 所 聞 透徹,安能 能 謂「舍己從 言 人者 便 轉 一,只 然 及

人」者, 豈苟然哉? 從其至當而已矣。

切 之心,斯 於未然之防。 虐 舜 有 退 此 ,惟欲各盡 , 則 有後言。一 數者之失邪 舜 戒 以 命 口〕 「違 臯 禹 以 陶 道 禹 日 其道 事 讀《 則 子子 從 号 君矣 以 ? 欲 面 書》者能識 而 」爲 從 盖 叢 違 無毫髮之歉 後言 脞 汝 其 戒 君 爲 禹 者 弼 臣 虞廷 戒 則 邪 相 汝 以 故 ? 交 與 舜 無 益 相 至 慢 常 亦 面 儆 之告 致 誠 层 游 從, 謹 懇 戒 嘗 傲

幾乎 用 以 所 修 人 以 矣。 身 列之四 秦誓》一篇,有 善無常主 矣 慎 明 斯 代 之書 道 於 ,協于克一」,時中之謂 君 也 一之終。 以 子小人之情 可爲 往 一,帝 後 悔 世 Ė 過 法者二,孔 之治 狀 遷 善 其 知 殆 也 所 知 庶 子 以 所

君子不足以當之。今以「鹿鳴」名宴,以賓《鹿鳴》之詩,雖云上下通用,要非賢人

音笑貌之 其 不,能言者 之盛禮 酒 初 能 升之士 無 <u>,</u> 而 所 12 感 一,待 能 可 動 稱 爲 之不 其 於其 勉 矣。 爲 也 嘉 爲 心 不 賓 乎 不 視 如 ? 也 厚 民 是 耶 矣。 然 不 將 恌 而 聽 何 周 其 以 則 歌 行 答 非 之 主 飲 聲

惡 發 情之 之可言 證 讓、 舉「 在 有 喜怒哀 之,亦 也 節 善之一邊,其説 明 親 一發,皆根 與 樂 非 樂記 畏 愛、 ^ 哉 孟子 無 可 記 敬 樂」,《 等 賤 節 見 **>**′ 猶 是 恶、 所舉「欲 矣。 》道 此 恭 於 大學 中 人情,但 孟 可 敬 性 畏敬 性 節 哀 子 終是 了其所 見 彻 »`≪ 善善 與 矜 **>** 人 故 不 所 與 如 哀 猶 中 不 心之危 名言之不 舉 中 發 以 「好惡」,《 庸 矜, 所 惻 備 節 爲 舉 ***** 隱 惻 皆 善爲惡,係 也 四 辟 矣。 但 隱、 説 中 當 端, 以 與 賤 同 足 大學 庸 羞 《大 不 危 惡 主 耳。 又 以 恶 **>** 字 所 猶 辟 何 意 互 八 學 》 **>** 着 辟 凡 羞 於 辭 相 只 而 駆 所

> 地 在 大亂之道 位 中 間 萬 物 操 育 持 固 向 放 理 F 勢之所 縱 則 趨 極 下 於《 必 則 至 中 如《樂》 彻 庸 **>** 記 所 謂 所 謂 天

九二

公所 見交 夢 人 公之所 有 與 見 見 龍 神 漢 見 之 者 於 遇 高 者妄 L° 誠 者。 帝 是時 然 紀 夫 史 *<u>'</u> 則 人 雷 遷 媪 電 夢 所 决 晦 中 記 母 非 冥,父 所 媪 夢。 殊 遇、從 嘗 費 息 媪 太公往 分 大 誠 未 疏 澤 夢 聞 之 視 若 在 則 陂 太 他 則 太

乎 雎 道 切 有 内多 ! 中 行 有 武 可 漢武帝表章六經,而 黯之學 欲 麟 豈 帝之病 行 趾 其 ൬ 之 》之化 外 力之不 兆 術 施 矣。 且 不 仁義,奈 爾。 深 口 足 然 達 知 哉 ? 終 善乎 爲 帝 然 治 黄 何 老之 之本 觀 之世,未 欲 所 汲 乎 效 不 韶 此 説遂熄 唐 足 虞 者 見 之 其 ? 非 日 治 舅舅 能 吾

唐之禍亂,本於李林甫。宋之禍亂,太

德

歸

厚

治安之本

無

切

於

此

取

士

之

法

宜

有

變

通

士

行

修

然

後

民

於 王 甫 之禍 介 甫 宋 本 林 甫 於 學 之 術 禍 不 唐 正 本 於 心 桁 不 端 0

則 定 規 知 規 而 模 模 能 大 圖 不 治 秉 則 有 定。 德 當 成 大 先 成 者 荷 定 也 規 無其 規 模 則 模 然 規 小 病 其 模 則 乃 間 於 不 有 小 致 病 定 成 持 治 源 循 未 乎 所 積 用 有 何 累之 在 規 有 不 模 ? 地 口

之路 此 口 超 補 不 遷 盖 責 建 焉 甚 之 爾 品 台 以 其 久 园 議 任 爲 法 此 後 濟 素見 事 然 自 與 之 法 , 盖 是 久 久 者 時 而 任 良 因 未 并 之 欲 超 之 法 他 用 及 以 口 於 法 策 執 救 超 後 陸 相 忤 德宗 遷 爲 於惇大之化 固 宣 用 爲 之 定 無 公 事 流 之偏 説 論 者 負 明 通 其 於 大 IE 疏 超 庶 前 意 治 德 竟 於 或 廣 之 間 體 以 寢 前 有 登 淹 爲 9 自 愚 乃 小 延

> 子 子 此 子 養, 不 孫 也 "曾言 相 丑 可 更 勿 合 無 不 示 盡 孟 自 求 是處 明 心 子 明 但 學 於 日 辨 知 之 而 以 者 氣 之。 善 性 學 誠 然 存 須 加 養 異 者 字 先 亦 声 吾 學 該 識 章 自 未 性 亦 養 以 即 必 明 字 有 見 是 便 而 而 假 爾 其 此 造 誠 段 之以 日 義 所 説 其 吾 知 氣 極 話 文其 儒 言 異 然 之學, 者 皆 其 養 理 也 説 告 與 因 須 氣 孟 程 告 是 公 善

更不 亦 孟 也 心 盡 存 地 子 若 位 心 管,只是 凡 其 語 又 執 邪 聖 將 心 定 便 ? 賢 何 \equiv 要 言 月 説 義 近 成 處 硬 語 就 不 以 禮 世 説 將 得 通 違 智 學 須 來 心 之 根 者 是 硬 邪 箇 即 於 大 看 説 是仁」, 偏 心 孟 得 仁之與 見 子 其 孔 浹 其 子之 有 他 何 治 獨 言 説 由 不 稱 亦 義 不 得 思 出 理 固 顔 到 通 淵 於 心 處 方

有辨,須於此見得端的,方可謂之識仁。

别 是 彼 也 矣,何以 旬 彼 句 亦 合 句 且. 然而 言 程 則混然無别矣,安得 合? 子 如 性 又曰「不 吾 · 吾 日 不 儒言 同。 然 儒 以 吾 言 同一? 心 夫 吾 儒 寂 既 觀 彼 見 感 日 Œ 得 於 彼 亦言 人 儒 同 此 事 亦言寂 心 釋 心 所 事 吾 道 謂 是 事 心 毫 一,句 感 儒 事 分 釐之差 贵 言 是 旬 明 性 合 有 不 旬

也 剛 並 言 ,思過半矣 該 其 天 乎 地、 柔,仁 實 天 鬼 該 神、 該 乎 乎 陰 地 義 陽、 神 剛 該 明 柔、 乎 乎 鬼 此 説 義 陽 該 其 雖 乎 於 每 陰 道 每

减 處 故 可 有 愈難 志 義 移可 於 理 爲 明 愈 ·换, 吾未敢 言,一 道者,其言自不容易 窮 究, 字 愈 未 見 以 安, 爲 細 知言 密 或 反 也 到 累 若 得 其 愈 口 全 增 細 體 密 口

佛氏之學,不知人物之所自來,斷不足

分爲 蔽 行。 人 理 以 於 經 世 所謂「一 始 兩 所 務 世 一是以 截 得非 若 儒 猶 以 非 所 而 缺 依 貫 譊 用 佛 べ之」者 於 傍 譊 者 終 所 然 吾 動 爾 用 聖 自 果 以二 非 人 以 如 内 所 道 爲 是 得 外本末, 理 有 貫 平 Ē 得 即 藉 矣 所 口 既 步 謂 至 吾 不 不 由 於 免 聖 其 可 經

渴 聖希賢之第 草、若將終身。 也 本 有 之害 其 原 爲者亦若是。」盖 之地, 顔 孰 爲 淵 能 心 日 禦之? 同 義 害,則 顔子 舜 也 無 不 以 何 累 孟 及 簞 舜 人 子 如 人 食 自 也 日 不 此 瓢 期 ? 爲 則 飲 也 予 顔 憂 人 不 矣。」 之 何 能 舜 改其 進 無 人 飯 於 此 糗 以 也 希 ? 饑 舜 茹

困知記續卷下終

并刻之,盖其言間有互 學之士或者未爲 有之,然亦簡矣。 凡再續,故其卷亦分爲上下云。 有許多言語。夫學之不講,聖人以爲憂。 余言雖多,凡以講明此學,非 嘉靖癸巳夏五月戊申整菴識。 山林日長、别無所事、劄記之續、時 無益。 偶閱《慈湖遺書》,不覺又 相發明者爾。 乃删取 好辨也,於初 近年所記而 念記 復

困知記三續

凡三十六章

是故 既 夫性 可 人欲 差,千里之遠。 本之《樂記 矣。 去 日 也。 人矣,其可縱乎! 必 乎 兩字看得過 「人心,人欲。道心,天理。」程子此言 到此地位甚難 有 ! 欲,非· 獨乃天人之際,離合之機,毫釐之 欲之 》,自是 荷能 有 人 7 也,天 分明。 節 ,故議 無所 ,但講學則不可不 無節,非天 也。 不 君子必慎 論 後來諸公往往將 致其 間 既 有 慎 日 未 也,人也。 則 其獨,爲 天矣,其 歸 天人 盡 處。

> 説得 按 實 如 此言,真説透禪學骨 底 云『惟此 《朱子 道 一邊,只認得那人心, 理。 語 一事實,餘二則非 他也 類 説 有 我 云 這 髓 箇是 吾 無所謂道心。」愚 儒 真』。 真 只 實 是 底道 只是他 箇 理 直

始终條理,概具於三言之中。此先立其大者。」説得頭腦分明,工夫切當。明道先生云:「知性善,以忠信爲本

也。 以 却别是一箇道 以告之,必至殺人,夫豈可 説那人,那人復來問自家。 今有人不 聖人到這裏 忠之爲義 今有凶惡之人於此,吾所聞於其讐敵 徐居 父問 可盡告,則又當 ,盡其心之謂 又却 理。」 於朱子曰:「盡己 有 愚 義。 嘗 因 也 何 且 此言 哉 非 其人凶惡,若 如?」朱 如 有 盡 而思之,竊 到這裏又 人對 其言之謂 之謂 子 自家 日 忠。 盡

告 心 似 未 心 古 曾 吾 盡 也 亦 有 不 須 有 不 然所 不 則 所 萌 此 云 容盡告之者。 姑舉其 不盡 矣。 人 別是一 以 聞 保全兩家 乎 吾之言 其 (可言者告之,不可言者 ? 響敵 箇 道 事 之言 於彼 言之盡 理 理 實 自當 也 在 《者,雖 不 於 一、必將 至 如 此 此 己 有 甚 便是 所 至於 此 隱 其 則 不 用 殺 殺 以 而

欣 應之亦 仕 子 南 而 奥援」,盖 方,故 子 以 夫子答以 然奉之以 求仕 媚 是 子 有「孔子主 遂激 一時,不 甚從容。 奥之諷 見 也 南子,子 出 發 有有 告,未 於 其 獨 始,夫 , 殆指 此 不 命 子 我, 子 路 平之 路 路 必 衛 子 但 南 不 則 麄 不 疑之, 王 買 卿 子 悦 人 氣 固 鄙 意 之 圃 可 衛 盖 ,忿然見 拂 夫子之見 言 必 訶 得」之言。 其 疑 彌 然 微 也 孫 意 夫 子 忿 婉 後 賈 子 矣。 便 属 於 故 亦 人 疑 欲 之甚 從 辭 子路 疑 及 夫 所 其 因 也。 色。 子 見 謂 之 求 南

> 之君子 明,區 然其 有 亦 未 口 (所謂 見 미 品 其 遽 一之見 曲 天 解者,故 折 厭 似 矣。 之 頗 者 夫子不 此 得 即即 當 章 時 之旨 「獲罪 得 事 己 實, 舊 於天」之意 加 記 説 出 以 多 矢 欠分 俟 後

孔子不 求之, 堯舜 此 引證 聖人 所 以 則 類 窮 論 是 猶 也 孔 所 聖人乎? 侯氏之説《中庸 庶無遠於「至 理 古往今來 子非 病 得 不 明足 聖人 位 有 知 教 無 似 矣。 爲 無 意於得 所不 大凡 聖 乎 莫 類, 愚 淺 人 窺 也」之義 能,殆此 解 \forall 見 所 近 下 所 位 釋 以 、恐未 不 以孔子 愚 始 但 爲 經 能 不 聖人 、天高 書,自 力 尤 移 類 得 不能 問 也。 害 爲 所 博 禮 不 地 事 至 施 問 不 爾, 以 須 厚 也 濟 知 官 此 贵 罔 如 始 類 以 爲 測 所 此

可。 科 作 舉 人才 取 厚 風 惟 俗,非 出 辭 華 復 鄉 不 舉 復 里 考其實行。 選 之法 不

之法 厚? 俗 鄉 其 亦 才 則 党 不 有 所 通 **\$** 行 得 少 治 而 。二孟 者 名, 也 端 則 不 頑 古若 盟 有 非 則 人 子 官 人 鄙 無 可 居 Ħ 使 薄 忠 望 皆 :「以其 官 無 者 既 厚 務 蕩 足 必 哉 正 多 修 怪 有 無 直 若 飭 也 善 繩 時 之士 考之, 0 人, 《易》: 政 撿 居 誠 者 了,其 家 風 使 任 有 則 由 於 俗 鄉 重 善 窮 之 可 化 何 舉 致 行, 則 矣 而 民 由 里 遠 進 成 選 之 居 歸

誤 妄 淫 心 人之言, 索》、《 之 投 民 私 也 死 所 者 湯 人 之 往 從 難 往 劑 術 丽 往 殆 來 往 弟 無 則 繆 假 亦 者 有 所 恒 施 通 有 教 於 亦 繫 針 所 鬼 養 遠 經 不 仁. 誠 神 ,本以 之 砭 感 脉 可 本 不 人 時 法 而 莫 以 君 輕 發 辨 作 日 非 利 其 子 矣。 也 以 巫 必 率 人 口 安 图。 疑 之 死 以 以 得 夫 世 衆, 之疾 生 僥 不 醫 不 夫 之 倖 坐 爲 乃 子 講 而 庸 爲 妨 之 因 聖 善 世 乎 之 南 動 而 ?

> 事 不 陰 口 不 耗 思 民 所 財 以 處 爲 之之方 害 反 甚 雖 律 有 明 禁 要

九

八

子能 此 狀 喘 軰 不 壯 有 衣 帛, 皆 之民 歲 调 贏 殆 爲 有 餘 不 不 ____ 文王之民 幸 得 七十者 窘 思 可勝 再, ,貪官汙 目 己 所以 者 於 多 而 布 述。 之所 衣 衣 鮮 袍 拯之之策 何 食者十 無 吏又從 食之資 中間 不 共見, 朝 衣 凍餒之老,是 食 帛 夕 肉也。 得一 食 常 而 有 誠 耶 肉 侵 八 ? 不 口 盂 九 歲 之 削之,受役 哀 蕩 今之稿 蔬 計 饑 敢 然 也 五 食, 粗 望 者 + 寒 給 邪 鮮 困 荷 者 項 公門 苦 或 黄 延 鮮 矣。 之 稍 少 殘 馘 不

君 所 人之言 知 子 學至 矣。 也 而 若 於 力 夫 自 行 未 得 之, 得 盖 其 謂 所 難 得 其 自 ,言行 人。 立 亦 相 荷 口 違 能 以 非 無 篤 余之 信 愧 於 聖

五 行 之 質根於地, 而 其氣 則運 於 天。 例 取 其 如 溺 紛 陽 天 成 根 舜 破除 於 流 紜 兩 化 於 時之説 洪 或 典》,五 端 爲 地 偏 乃 胡 節 讖 此 者 見 將 并 口 五 緯 其 理 耳。 辰 勝 無 與 隨 行 有 其 之 紨 紀 來 矯 用 傳 氣 口 高 所 數 ? 遠 撫 枉 而 **>** 斯 推者 明 當 之 過 之學者, 矣。 著 不 然太 有 之 信 正 類 窮 神 在《 已乎? 也 土 者 窮 極之 牽 丽 有 其 泉 運 良 合 古 七 於 不 謨 象 本 妙 由 附 宜 ·之信 政 天 末 斯 昧 會 知 之 者, 無 不 有 孟 於至理 所 齊 乎 數 誠 至 子 參 出 决 不 無 變化 亦 錯 欲 平 書 在 而 足 隂 以

諟 覺 也 得 天之明 在 輙 余 意 嘗 敢 輿 思 義 則 疑 忘 慮 命」、《 都完 見 其 其 未 其 僭 欠 萌 然非 倚 論 越 而 理 於 語 知 擬 敢 字。 衡 覺 **>** 用 日 臆 也 不 立 「所 决 精 味。」 思 也 非 則 字 默 朱 見 所 易 究 子 書 其 覺 參 嘗 盖 **>** 知一字, 不 日 於 有 有 昧 顧 是 年

> 間 而 者 何 ? 也 此 實 平 日 存 養 工 夫,不 容 有 須 臾

近

世

言

太

極

者,

皆

不

出

漢

儒

承

爲

自 果 發 之言 自 與 體 非 又 且 理 」之見。 斃 用 喪 認 如 如 理 如 即 真見太極之本體 其 直 齊 之害,有 或者之言,則 無 爲 當 内 而 孰 躬 桓 私 未 無 外 朱 理 不 公攘 之 心 善 私 「函」字 兼 子 而 以 證 不 心 盡 無 無 述之者 爲 是 夷 攘 口 不 則 私 私 盖 當 狄 羊 勝 待 王 仁之 與「生」字 心 心 知 ,難乎與 理 以 救 伯 言 申 也 則 即 ? 其 尊 者 矣,謂 將 爲 是 0 生 矣 周 混 義 謂 不 當 此 加 之論 爲 意 自 言 無 之 忍 理」, 乃 漢 不 義 明。 當 傷 私 須 延 高 途,而 知 是 大 心 祖 就 平 父 理 加 其 非 或 相 之 爲 李先 得 以 可 矣 謂 遠 事 志 乎 義 乎 析 師 也。 帝 ? ? F 心 而 生

聖賢立言,各有攸當,誠得其所以言之

00

言之 得 與 未 也 自 合義 本 是 生 意 近之説 是 不 如 中 箇 口 云 則 耳。 道 又 道 與 輕 此 庸 可言合 及 雖 都了。 道 於 分 \leq 其 須 説 E 哉 文 曉 論 也 配 道 是 開 養 論 ? 其 義 爲 説 道 以 不 成 若 方 與 也 極,豈 向 故 未 合 遠 不 浩 人 以 其 道 非 養 不 行 人 可 然 人 未 其 時 知 伊 有 之 須 道 而 養 理 謂 聖 言 川 口 言 此 臾 始 氣 自 賢 以 造 也 則 離 特 得 離 無 義 則 所 則 道 氣 與 聖 力 不 之 理 以 人自 氣 自 如 不 他 X 9 通 立言 養 深 言 與 是 口 爲 口 日 是 道 義 成 氣 安 離 離 始 又 伊 之 合 此 能 云 學 非 則 川 而 意 矣。 氣 道 自 遠 者 説 道 是 先

言 看 子 皆 非 喜 當 延 是 平 看 宜 李 不 IE 其 先 是 爲 生、 恐 朱 先 嘗 南 子 軒 語 人 之 張 了 之 所 先 費 E 敬 生 力。」 畏 所 横 也 見 南 渠 皆 延 軒 説 平 因 不 朱 因 須 有

> 乎 執 病 至 子 認 ..! 論 有「人心之安者是道」 己 所 此等言 意以 安是 不 然, 如 爲 未 心 何 有不 之所安 所 惟 安? 是 視爲 經 淺 歷 若 以 言 過 近 此 學 者 來 者 爲 明 也 錯 道 謂 方 不 會 知 此 此 其 亦 語 句 害 有

覺 言 謂 虧 之所 胡 各 ൬ 但 正 城 此 太 是 廣 分 是 其 中 欠 知 贵 此 仲 渠 也 意 極 以 南 者 則 頗 書》有 子 終 緊 爲 軒 則 口 款 是 與 ^ 知 要 極 疑 無 遂 與 太 物 所 此 虧 者 障 以 云 物 某 吴 極 也 欠 謂 者 礙 知 : 雖 所 晦 爲 亦 故 此 也 處 覺 此 香 知 何 解 叔 也 者 爲 於 物 帰 覺終 ^ 有 書》 覺者 盖 太 此 大 不 乃 虧 若 天 未 哉 極 本 有 能 仁 欠 不 在 將 知 圖 云 甚 以 覺 乎 可 也 物之身太 \leq 物 其 : 有 自 哉 此 訓 此 則 全 渠 礙 通 伯 者 皆 知 仁 之語 與 有 亦 覺 也 切 逢 而 香 録 極 至 是 如 前 太 答 所 知 此 此 有 M 極 在

言 處 不可 求 如南 不 .詳 軒灼 玩 也 然之見,豈易 近 時 講 學之誤,正 得 哉 在 此

之以 矣。」 之謂 天 禮 錯 几 他 時 求 會了 地 命德 欺 此 神 也 間 不 彖傳》「神道 其君 義 ,其所見 只 加 討 盖一 不 是 神道 明,至 罪 ,以惑其 此 聖 理 隂 率 人 無 云 使姦 非 與 以 設 者,合體 故 衆。 陽之謂 神 杜 神 教」一言,近世諸 日 邪 道 鎬 道 . 學其 如 設 無 設 觀 用 道 E 教 異。 教, 可 天 而 之事 欽 • 不講 之神道 若 一名之 夫惇典 而 隂 者 不不 天 陽 乎 得 下 不 口 儒 阚 假 服 而 測 以 庸 多

於是 言 此 遲 不 數 者 初 可 語 棄 無 颠 較 居 一致。 也。」「 都不 沛必 處 分 明 恭 曾行 君子 易 於是。」工 執執 但前 下 事 得 無 章三句 手。 敬 成 終 簡片 夫 食之 與 年 即 人忠 説得 來常 段 間間 是 違 如 渾 自 般 仁,造 雖之夷 淪 何 點 聖人之 便 檢 敢 告 次 狄 説 只 樊 必

仁能守之」?

吾懼 矣。 以 誠 而 本 聖人懼人之求之於外也 IE 不善。 矣。 言乎人,謂之親民; 意之 修 序 誠 誠 身,著 析 徒 體 意 乃 意 合之 意者 學之日遠 以 ,而聖人之意亡矣。 復 是故至善也者,心之本體 極 戊 而 庚 IE. 格 止 寅 辰 意者,其 已 其 其 而 調調 以 春,王 矣。 物者,謂 七月所 不 無 用 至 敬 善之 之虚 不 善 也 於至善也,去分章 誠 而 伯 動 善之動 加 **小作。** 意之功,格 益 動 已矣。 也,物者,其 安以《大學古本》見惠,其 以言乎己,謂 之支; 支與 以言乎天 綴 而 序云: 已矣。 矣,是之謂 補 一,而 虚 不 正 是 之 其 心, 事 故 反 物 「《大學》之要, 以 不 事 也 地之間 於 於 不 覆 復 之明 而 傳 而 世 動 善 格 至 本 其 其 己 止 至 格格 加 復 復 善 於 物 辭 矣。 而 體 德 舊 益 誠 也 而 而 物 後 則 世 3 本 善。 離 舊 意 體 備 誠 徒 以 以 有

歟 其 序》, 其 不 何 其 及於 矣。 知 求 傍 ? 故 初 焉 結 之 隂 口 爲 ※ 致知 却 夫 謂 離 序《大學古 盡 始 之什 語 者 合二 陽 不 將 此 云 改 有 矣。」 勞矣。 合之 其 大 用 以 其 序 全文 引 近見《陽 頭 致 要。 而 陽 迹 其 乃 腦 知 觀 本》,明斥 明 乎? 然於《 也 若 義 遺 立 之, 學術 噫 一首 致 下 ? 説 明 庶 安排 知 於於 尾數百 幾 大學》本 文録》有《大學古 罪 以 朱子傳註 復見 豈 則 布 格 我 良 其 存 置 物 者, 知 言 聖 擬 乎 -旨,惡: 更 委 爲 並 其 議之未定 心 不提 之心 曲 大 爲 亦 悟。 無 遷 支 頭 能 以 就 腦 起。 本 言 掩 致 是 뻾

徒 即 能 又《答陸 者 吾 視 聖門 聽 ,必欲爲之諱之,何也? 王 伯 言 原 安答 所 動 静 謂 的 書 蕭 良 惠 有 這 知 0 云: 云 箇 : 渠 便 初 是 所 佛 未 性 謂 氏 嘗 汝 本 便 諱 心, 是 來 禪 却 天 山 爲 是 理 目 其 那

> 下一而 諸 知 미 須 T. 分毫不得。 而 夫」。 字字 身, 先 至 「先」、「後」兩字,果見 后 則 則 大學 有以見其 看 此言 非 」兩字乎? 意 得 便 所 > 若可 有 八 尤錯 誠 以 條 下 决 小心 爲聖人之訓 隨 落 目 不 便 意 不不 然者 姑 即 八 Ē 那 無 如 相 箇 動 得 身 取 此 7, 先者 字 混 親 經文 便修 矣。 證 淆 虚 切 於經文,反 自 方 或 口 八 何 更 后 謂 是 箇 不 然 須 后 字 本 節 那 用 物 格 者 求 節 做 動

言也 臭」 遵者 也。 謂 序云 之學,孔 之神,其 其 獨 湛 物 \wedge 體 明道 遵道 元 中庸測》於「天命之謂性」旁註 孟之 所 則 明嘗 受爲 命 謂之易, 者 正 何 於 輯 性 脉也 何 邪 人 《遵 ? 天 則謂 ? 一夫 其 道 遵 所 = L 理 之 録 賦 明 既 則 性 道 \Rightarrow 爲 天 謂 日 此 命一, 之載, 也 編 之道 兄 弟 明 明 此 而 矣, 道 無 道 其 自 立 用 聲 兄 爲 而 則 之 無 所 弟

討 ? 也 爲 能 之喜怒,不 根 云: 乙。 命 遵 無 脉 一天 之 當 喜 道 惑 凡 然 维 之 也 此 理 則 而 語 命 爲 只 繋 聖 實 明 ^ 遵 難 是吾 又 人之 則 定 道 於 明 語。 日 性 相 之言 心 道 心 戾 怒, 書》 而 耶 _ 本 又 繫 不 以 有 ? 於 其 體 加 於 知 物 又 云 : 穆 贵 遵 物 後 之 何 不 語 伊 當怒。 也 學 可 足 聖 III)° | « 將 於 遵 人 耶 安所 是 事 雍 之喜 耶 ? 是聖 天 命 物 語 ? 之 門 取 余 **>** 信 尋 乃 名 命 之 不

體 者 所 處 中 1 認 體 皆 每 凡 不 嘗 有 以 以 明 數 知 爲 披 論 處 隨 所 覽 天 斷 × 處 謂 理 再 ^ 無 又 體 新 本 者 此 以 認 論 體者 理 非 天 天 中 \Rightarrow 理 理 知 體 間 樵 爲 覺 爲言 既 語 以 耶 心 而 **>**′< 不 知 ? 之本 何 容 覺 此 雍 ? 有 言 爲 語 體 耶 其 心 *****, 如 ? 之 何 教 則 亦 吾 學 其 謂 破 數 本 閒

> 明 爲 未之 之道 測 天 性 得? 疑 知 得 引 續 是 知微 此説 不不 物 是故 之理 覺 録 觀 要 X 之 而 》又其 然 解。 之 其 知 悟 而 應彼 語 見 自 旧 以 理 覺 爾 則 此 知 得 問 以 爲 夫「光 下 知 L 知 有 此 是 又 後 知 辨 豊 之 微 五. 去 覺 體 俱 其 言 覺 出 録 미 何 説 知 許 明 而 失 而 知」字,皆指 門 , **>** 爲 認 謂 彰 信 日 之。 復 似 己 照 洞 無 人 乃 天 以 爲 乎 有 乎 勘 燭 知 物 因 有「 理, 教 爲 有 據 分 光 稍 柔 世 天 或 變 性 此 物 明 覺 知 則 之 知 理 者 明 神 動 與 也 借 剛 其 覺 凡 多 人 者 洞 妙 ? 條 不 隋 而 天 誤。 是 一天 體 桁 燭 不 居 天 言 於 理 心 認 答 也 通 理 測 似 便 ",必 乎? 之 然《 有 神 謂 其 經 詞 平 理 物 夫, 文 妙 問 惑 明 書 之 有 既 也 之 只 甚 終 Ħ. 以 夜 不 知 辨 所 又

《雍語》有云:「佛之廣大高明,吾聖人

矣。」 者之 是佛 即 儒 用 邪 至 之妙 ? 本 釋 有 私 覺之境界 夫既許 學 之 氏 之。 至 又 心 至 辨 小」之議 而 日 體 而 私 廣 則 之以 與 聖人 至 大 也 日 中 吾 高 小。 : 此 「廣 聖 哉 庸 之 明 ? 聖 精 中 E 則 大小、 大 無 人之 微 庸 是 盖 心 高 異 精 佛 體 元 即 明 矣。 學 公 微 明 氏 也 是 矣, 至 之 私 悟 此 佛 及 大至公, 處 廣 據 足 何 答 心 又 大 此 以 爲 其 感 周 何 高 言 辨 又 所 嘗 應 衝 明 有 之 謂 釋 問 則 發 有

天 天 下 地 之物 萬 新 物 泉 無無 而 問 與 不 辨 之一 在 録 内。 體 有 云 則 此 非 夫 不不 余之 若 念之 所 大 敢 其 發 知 心 也 至 包

此

則

無

以

爲

儒

釋之辨

故

不

得

不

援

之耳

私

狹

小

偏

私

盖

先

儒

之

所

以

議

佛

氏

者

舍

也

本

覺

何

有

於

中

乎?

不

中

故

小

不

中

故

圃

不

疑

殊

不

知

天

德

乃

帝

降

之

衷

非

本

覺

聰

明

聖

知

達天

德」者

即

此

是

以

概

之

聖

之自 勿 道 爲 極 夫 助 也 程 處 非 子所謂 長 惟 不 程 然。 所 子 亦 ,未嘗致 日 以 所謂 「浩浩 遠乎 今欲大其 爲自 一 ? 纖 一者 其 必 然之理矣。 \wedge 天 毫之力」,此 有 中 渾 心 事 庸 然 以 此 焉 》 論 與 包之, 其 加 物 所 至 如 勿 同 以 其 誠 此 正 則 體 爲 存之之道 之 體 是 實 德 認 心 出 乃 學也 勿 於 其 其 到 志 其 於 玾

盡 之言 1-積 格 程 管 體 助 須 力 物 子之所 翻 是 古 然 便要做 故 久 己 具於《大學 灼 I 來覆去 派便要 自 程 得 夫 望 子 其 乃 當 不 自 又 大 於後 將 體 口 然 豁 費 有 者 後, 勿 的 然 纖 或 學 存 然 有 毫 格 志 問 工 方 乎? 之力 物 勿 其 箇 夫, 久 **>** 可 中 間 覺 助 自 I 議 已 者 處 是 四 明 精 誠 夫 此 明 字 微 欲 脱 斷 斯 誣 是 之 處 滕 識 不 今猶 識 不 也 助 訓 説 得 容 未 仁. 長 不置 説 勿 未 須 必 矣 易 凡 了 忘 實 程 識 便 贵 都 能 識 真 子 勿 用 只

無滲 能 進 到 漏 我 其 也 馳 或 驅 以 好 高 此 如 知 欲 行 吾 速 萬 人 里 有 爲 能 途 學 免 , 於 必 决 差 須 非 謬 循 序 ൬ 蹴 漸 得 所

所

歸

宿

者

乎? 言 得 已 古 之學者皆只 語》諸 盖「由 不足者從容,是則 由 乎 也 미 殊 之也 義 以 口 孟 吾 義 希 駭 子嘗言「堯舜性之,湯武 而 彼 我 夫 義 行 何 每 反之之聖矣,求十一於千 伯 子 未 一行 行 夫苟 是「行 自 道 非 嘗 見 以 力不足者。」 言 行 仁 吾夫子不 直 能 自 爲「由 有 所謂「反之」也。 義」者,於道 假 然 躬行仁義, 義 義 之而 從 仁義行 能 容 稱 而 應錯 己, 中 舜 謂 以 日 道 惟 之 伯 亦 何 以 用 其 反之」, 之 H 道 無 伯 有 用 是 其 義 學 孜 眇 比 百,未易 不 道 於 力」, 力 則 云 調調 孜 之, 觀《 中 誨 於 躬 所 何 又以 非 其 雍 斯 世 謂 所

> 謂 吁 則 嘗 大 也 吾 自 聖 ,言其可 云 世 人 爲 爾 以 此 敢 也 爲 己 言者 ? 聖 矣。」 不 其 也 慎 抑 命 由 乎 禹 爲 亦 吾 ? 之 也 何 夫 不 義 不思之甚 猶 子 厭, 誨 行 亦 日 者 「予違 日 之言 一若 人 乎 不 汝 盖 倦 聖 弼 如 一與仁, 且 則 , 未 可

巧爲 傳,實 身以 也, 非 表 平生心事 裹。 異説 俟 存心養 惟 孟 盖 則 子 在 * 其 盡 此 無少愧 且 性 義 盡 始始 心 學 即一誠 亦 知 心 而 終 _ 無 性 作 至於「立 條 不 其 章, 理 意 乃 該 甚 Ē 孰能與 實 矣。 格 心」之功 是 命 與《 物 分明 孟 於此 致 大 地 得 自自 知 學 位 聖 也 煞 **>** 」,「修 學之 之 相 不 爲

得 則 與 論 會 m 覽之。 王 文 晤 湛 絶 而 未 少 二子皆與 音問 及 區區之見,終未 細 亦 忽 稀 焉 余 長 相 然 逝 知 相 兩 殊 合, 於王 家 可 之書, 因 惜 , 盖 續 也 記 湛 相

後之 二于 君 册 子 道 幸 無 從 彼 而 折 此 其 自 衷 不 斯 容 道之 有 形 明 迹 庶 之 乎 拘 其

可

望

矣

知其子 始 於人, 之母 子 明 書 雜 書 家 刻 有先得我心 莊 以 ,殊未見 以 亦亦 劈 白 多多 本 子 發之。 貺 宋儒 初 條 、列子 爲 是 用 而 兩 余 便 暢, 復守其母 天 貴 禪 無 句 者 林 説 得 食 下 語 奈胸 賢 然於 希逸 出 者矣。希逸高 母。 因 母。」五 以 至 無 只 於 人老、 釋 得 第 中 名, 郭、 是以己意凑合成文。 二子本意 嘗著《三子 ,没身不殆。」五十九 既 其 而 許 天 得 + 張之註 佛 義 徧 多 其 地 覽之。 一章 禪 之間」, 章, 往 之始; 母, -, -何 往 才 乃 又 遠 以 皆 能文,學 故 其 義 日 曰 可 矣。 乃知 知 合。 有 假 得 0 **%** 於 其 名, 其 莊 至 莊 我 天 昔 子 余 近 七 盖 章 於 獨 下 列 博 人 萬 嘗 有 列 之 又 既 有 異 老 物 此 固 謂 以 而 XX

> 要 事 皆 出 深根 言 話 長 五千言中 極 日 在 情 非 字 但 久。 0 用 皆 * 者 兵,諸 明者擇之。 IE 固 當 莫 是 重積 不 一當道理 至 是謂 知 爲 柢 知 作 其 其 M 一於造 德 如 用 母」字 極 深 書 己。 要 此 I 則 本 根 領 之 化 口 類 夫。 無 希逸 之妙 無 之 要 以 凡 固 不 皆 乏 所 領 抵、長 其 有 屢 克 是 論 於 在 或 青 無 出 譬 亦 顧 耳。 譬 無 疑 取 時 喻 生、久 調 喻 有 不 天 其言 或 皆 三子者之言 之言 或 中 克 其 下 窺 鄭 之 一,言治 間 道 則 頗 視之道 見 重 母 亦 許 莫 不 有 看 切 出 多 則 知 口 或 得 中 平 説 此 其 以

膏肓之病耳。 説 精 楊 思 子 而 不 雲 足 擇焉 讓 口 以 也 敢 蔽 而 之? 不 爲 且如《非十二子》及《性惡》等 荀 精 高 卿 論 語 如 得 而 焉 蘇 罪 不 而 東 於 顧 不 坡 聖 詳。 所 門 乃 論 多 爲 此 矣 喜 切 言 中 爲 以 議 其 異 不

耶 ? 矣。 篇, 類皆 顛 韓昌黎之待荀卿,未 倒 反 謬 覆 戾 其 至 詞 於 不 此 尚 而 免過 足, 何 於姑 詳 不 略 口 息矣。 之 謂 足 不 議 詳

人」,可以知其學術矣。 本大原,殊未有見。觀其稱佛爲「西方之聖文中子議論,先儒盖多取之。至於大

誠 經 然之理。邪慝之息,寧須久而 由 身,直推 其身,稽古 身立,法 之意,可謂 歐 陽子所著《本論》,盖原於《孟 明大 不徒 本 以善其 所在 E 行。 矣。惜 誠使君 ,猶落第二義 政, 風 其不曾就 行 相 後 草 交修。 艌 偃 也。 乎? 乃 君 明 子》「反 其 相 善 夫 自 教 之 以

洞 言 而 明 下 雜乎才而言之」,此言却 ,於性實無 以以 思、孟 蘇 東 及近世諸 坡 之本旨者 論 所 見 子思、孟 儒,誤 獨 ,豈非後學之大幸歟 所 處 軻 謂 往 偶 及 天 往 中 楊 在 下之言性 也。 雄 此。 累 自 千 有 楊 能 者 白 雄

> 所本, 者 方 明 有 性,性命於天。 而 兼 盡 言 心者,體用 生焉,理 ,故於人 人 心、道 謂 張子 初非 張説 之心。」 日 心 臆見,自不容不尊信也 心 : 可 皆然。 定 有 而 疑乃 合 則 而 未 程 言 性 暇 專指 子 不 也 在 與 須 移 及 方欲 上三句,末 神 如 知 爾 程 道 此 覺, 子 心 申 萬 推 夫 明 丽 曰 有 變 尋,心 理之所在 其所 言。 mj 心之名 句 自 不 則 之爲 謂 道 存 測 明 心 諸 有 義 凡 神 即 盖 理

困知記三續卷終

木 知記四續

大學》誠意是一 刀兩 段 工夫,正心、

身是磨稜合縫

I

夫。

註 德 ,於義爲長。 性 大學》所 心之 《 章 句》 解 謂 無 似 明 異, 指 德 恐 心 當 而 即 言 與 中 德 與 庸 性 ^ 学之 孟 般 所 子 集 謂 解

説

夫爲 世 妃之辨雖 人婦 生民》之詩, ~ 祈子 久 遠 丽 難 恐當 得 明 子 、然姜 從 此 毛 常 嫄 説 理 固 爲 也 爲 IE],安得 婦 元 矣 妃 謂

> 子之比 意必有 跡 可 危 之「無 乎? 地 知 矣。 以騐之,至再至三而 人道 ,其爲祥爲妖,莫可 奇形怪狀,可 玄鳥生商 是固 而 生子」乎? 天意之所 毛 駭 説 可 亦 存也, 不 疑 然 E 測 死 如如 其 也。 所 何 則 宋 以 取 其 故 芮 見 於 屢 司 爲 棄 巨 祥 置 徒 之 女 忧

之本 過 盖二 天 斷, 加 矣。 自 中,當一線空白處,着「太極」 來 地人之至妙至 圃 但畫 體 倍 分,此 陽 ^ 便 氣之分,實一氣之運,直 先 只 是 奇 ,其數至 天 而 隂 加 是 即 爲 横 須 隂 後 圖 邵 圖 偶,二氣 不 一,若非 半 空 康 **>** 妙者也」。 最宜 可 節 截 線,方 勝 耳 所 留 窮。 謂 潛 流 只 玩。 行 見其 線 偶 然倍 此 不容 空白 行 兩字, 畫 動 奇偶 轉 去 至 奇 亦 有 則 折 爲 有 静 其 纖 處 奇 陽 畫 偶 空者, 之間 日日 畫 偶 毫 轉 之 則 每 隂 深 無 間

三才之道包括已盡。圖雖無文,而其理甚

顯,要在默而識之。

周世常然。此當爲不易之論。 范景仁、司馬君實皆以文王配上帝,終

體 爲 几 Ĵ 篇 當時記録者慮不及此,何也 五 孔 章 門 以 諸 、《子張》第十 附《 弟子之言, 堯 **>** 篇 九 散見《論 後, 在 尤得 内 語》 尊 若 聖言 挑 中 者 出 凡 别

之義 見得 則 地 用 知 不 切 生活」 箕 故 者 識 子 了本」字 庶徵 故 次次之。 習 洪 謂 原 也。 列 範 聞 無 庶 氣 于「九疇 》「五行」, 師 此 蔡傳 也 疑 徵 五. 訓 ,氣運於天。 意。 事 亦未安。 本 乃能 謂 於 , 二之初 固 盖 五五 以 五 切於 五 以 其爲 事」,詳 事 一行,質 漸 又以庶徵 所 本於五 人身, 修 民 以「 謂 其 炽 也 生 潤下」、「炎 文 德 然 一行」, 民 日 西己 「馳 質 而 心 用 非 五 附 弘 殊 稍 之 水 用 行 於 未 其 最 火 有

> 應之理,似 看 上」等語 來 庶 徵 觀 不必 之, 疇 謂 過求 但 在 順 經 天 爲 文 解 五 説 行」,非 便見天 其 實矣。 人感

然太 見 祖 五 常 頭腦分明 太極 極 ^ 中 乃性 欲 庸 圖 **\$** 説 章 命 ·句》 之全體,恐 相 解「天命之謂 氣 對 則 自 隂 須提 陽 不 覺 五 出 其 行 性」,大 此 言 理 之 兩字,方 則 多 概 健 也 是 順

德性 兩句是 之言 從 是欠事。 加 温 尊德性所以 存 頭 故 體 也 ,似乎倒説了。 心者又不 中 意義 認 兩 力行工夫,此皆問 庸 見得 句是 余嘗 章 甚明, 存心」,質之孟 句》 致 可 再三 「洋洋乎」三句是以造化言 不致 知 謂 但 I 一尋繹, 且專言知而]與《章. 夫, 知 ____ 非 學之事 説 極 存 見得 句》欠合。 子「存 得 心 高 明」、「敦厚 極 無 即即 不及行,終 致 是。 心 以 廣 所以 養性 致 大 又嘗 但 知 尊

0

書 千萬 之,爲 曉 不 小 優 · 具學 義 也 雖 優 ? 以 無取 萬 大 嘗 問 爲 恐不 哉 引 爲 之道,又安得 於 千,皆 \wedge ,不亦大乎 章 小 須 句 大 句 分小大立 是 》 爲 小 也 以 也 人 證 遺 ? 事言 自 説。 只 其 德 其 是 大 性 往《 體 要 圃 即 之 統 見 答 專 其 中 觀 力 网 林 散 之, 股 於 次 固 殊 分 其 厓 合 無 觀

者矣 無 遇 我 雖 異 議 庶 禮 幾 加 最 得之。 其 難 理 盖 皆 或 天 有 稍 不 下之事 有 容易 偏 狥 有 者。 則 常 要 更 有 在 無 變, 可 虚 言 心 所

黑 所 其 以 異 衰 喪 禮 以以 於平人者, 之廢 營營家 英基 僅 計 者 衰 於近世,更不 苸 麻 之 在 身爾 忍言。 况 復 有 其

顧 未 惜 世 有 道 廉 不可 升 耻 之 降 沒者。 繫 心 勝 於 於 營求富 不 繋 於 貴之念,三代 天。 誠 使 吾

> 爲 廟,不 是 陟 至 日 降 日 於 人 也 不見。 及 此 厥 嘗 〈詩》云 顯 土 聞 亦 爾 非 京 臨 或 日 游 \wedge 師 監 家之 詩 衍。」又云: 無斁 有 昊天 在 * *\frac{1}{2} 講 44 福 亦 攘 日 也 保。」此 搶 何等 明, 此 雝 之 當 及 雝 無 謡 説 有 文 爾 在 日 得 王 出 任 士 官, 高 分 所 其 風 E 高 明 責 肅 之 以 在 者 昊天 肅 與 洒 天 在 只

能 子 言 穆 穆。」 其 有 所 來 以 余嘗喜 雝 妙 雝 者 誦 至 此 11-數 肅 旬 肅 , 但 . 覺 相 維 其 妙 辟 公, 而 天 不

箇 稱 賞之,人各有 羲 皇向上人。」覺得 劉 静 修 有 詩 所 $\frac{-}{\angle}$ 見 . 耳 鳥 頗 露 聲 筋 似 共 花枝 楊 月 語 湖 特 好

外。 生 生 之 陳 非有所見,安能及此? 子 妙 昂《 隂 感 陽 遇》詩首 消 長 之機 章 僅 隱 然不 四 然 + 皆 知反 字, 見 求 於言 太 諸 極

實。 只將 知 作外邊物事 者 見之謂 之知」, 看 7 ,故無益於脩 其 諸 若 人 之 德 類 之

乎

安知 其小 以 所 則 以 論 貳矣, 矣。 論 仇牧「不畏 及其大夫」。 事 以 曲 所 所 之,二人之罪,自 其 謂 節 與。 深 貽 狥 若 荀息狥 孔父、仇牧、荀息之死,《春秋》皆 督 君者 身家 其 著 禍 孔 豊 與 君之欲 其 余意 父 强 所 里 之大 之利 君若 人 其 狥 禦」,荀 以 克 君 説 不 不 其 爲 因 者,凡以 戒耳。 果 是之烈,而 以 忠 者 然。 君, 是 訓 安 不 之罪 皆 廢嫡 息二 乎? 乃 容 在 以 仇 稱孔 敢 掩 哉 爲 數 不食其言」,故 牧 爲 立 義 肆 ? 戰 父「義 原 事 利 其 庶,諸大夫之 形 萬 其 縱 殃 其 身卒 迹 竊 于色」之説 世 其 逆 民 身家 弗 人之心,所 詳 人 形 大罪 謀 亦 經 詳 臣 民 于 計 意 不 懷 即 心 姑 色 書 而 爲 盖 免 耳。 心 利 此 離 聖 取 勿

> 之事 以 左氏之志,所以 站於獻 左傳》無之。 此 觀之,是二人者 司 公未没之前 馬 温 公 ^ 貶荀 獨 傳》引《白 看 1,必非 息 得 M 好 不 加 可 圭》之詩以 聖人所 非 救 謂 所 於 以 一荷 已 與。 爲 没之後 息之言, 褒也 斷荷息 仇 牧

之死

亦亦

可

例

推

明。 削 至? 孰 以 程子 合者,但當 從 必必 有 加 僞,蓋 傳聞 此言,學《春秋》者斷 無所 以 正之? 或不 傳 荷。 考 以 審 經之事 故 <u>一</u>, 而 經文爲正 之誤耳。 此 凡三 史 遂書之于 家 迹, 傳之説,有 之通 以 愛憎之言,何 則 不 經 患 册 容 辭 别 流 易。 不 也 傳 費 與 之 傳 聖 傳 真 而 經 既 經 所 理 文 之 僞 自 所 不 筆

要是 與 齊 無下手處,在聖人 梁之 部《戦 君 或 如 策 何 説 無 得 、則不 相 句 着 可 義 知 之談 耳 事 勢 至 孟 此

賢 之資,誠 唐 郭 中令子儀, 加之學問 與與 我 朝 伊 魏 吕 國 公達 殆 相 伯 。皆有大 仲

耶 尤 之 口 人, ? 書 以 利 人 而 但 莫貴於自 用 不知 少 安身。 見 有 反 能 求 其説 反, 尊 諸 可以 信 己, 已 者耳 備 何 進 於 但 德, 孔 出 若 口 門 每 曾、 以 即 每 寡 思、 有 怨 怨, 孟 礙 天

外之 味 與」字看,便見分 孟 道 告子 子之言 也。 以 義 \wedge 疑 論 爲 亦 外, 語 曉 有 \forall 所 孟 日 未 子 . 盡 非 義 盖 之, 之 是矣。 與比。」 義 皆 合内 但 就 詳

文

也

近時學者反

極

力

追

蹤

八代

何

耶

禮 伯 事 還 本 果 末 論 如 尤 頗 衡》 是 可 詳, ,毫髮 見 述 其 宜 太 哀 必 伯 無 有 遺 慕之至 人 據。 恨 吴 矣 采 情 謂 藥 不 太 及 後 失 E 送 薨 來 終 讓 而 之 太 位

有 安 陽 吾 家 韓 所 性 藏 序。 王 充 非 \sim 論 有本之學,不 衡 \approx 乃 南 監 本 能 爲 卷 此 末

> 必 文,其亦 多所發明, 惜乎不可 可 謂 知言 矣。 得 性 所著 而 見 書 也 凡 數 種 意

[《]易 往 字無 往 ·彖》、《象》之辭 落着 以新奇相尚,要皆子虚 文貴實。 文起八代之衰」,此韓文公之所以 ,故曰 《詩》、《書》之文, 「《易》奇而 特奇,然皆 烏有之類 法 無 實 近 理 非 世 耳 實 作 無 者。 爲 者

道 明 便 截 語 此 曰 之意 是道 道者 見 - ! 陽之謂 乃 更説不 明道先 形 若將 從 m 惟此 要 圃 蓋 道」二語,各不 上、 去,蓋道器 作 在 申 生 立 分 人 語 下 之曰:「隂 嘗 截 天 默 截 渾 歷 之道 看 得 而 然 舉 識 上 自不容分 無 則 $\stackrel{\cdot}{\sim}$ 下 繋 之也 日 間 過 陽 下 辭 隂 最 亦 句「 七八字耳 何 與 分 **>** 形 形 等 也 陽 截 明。 原 ൬ 而 斬 字 來 及 下者 上、下 元 當 只 截 即即 此 得 來 爲 分 是 此 只 隂 斬 數 而

「理同而氣異」,「氣同而理異」,此兩説

必須講究歸一,方得觸處洞然。質之《大傳》「形而上下」之言,終覺有礙

此 是 爲隨 用 性 有 數句最緊要,最要體 廓然大公,物來 無内外」云者,内 意 物 明道先生《答定性書》有云:「且 於外 於 絶 外誘, ,則當其在外時, 而 ...外只是一 順應」工夫,方有下落。 不 認。 知 性之無 若認得分明,去 何者 理也。 内 爲 外 在 以 也 内 0 性 ?

容,可乎?

《皇朝理學名臣録》,頃年方見刻本。公固目頗多,皆據行狀收入,然皆未及見。内目頗多,皆據行狀收入,然皆未及見。内

困知記四續卷終

年且耄矣,其能復 功,不爲不勤,而 《記》凡六卷,首尾 反 少進 躬 實 乎? 經二十年。 踐,終未之有得也。 四 續 刻完,因 體 認 之

書以寓歉。

嘉靖丙午端陽日整菴識

困知記續補

答胡子中大尹書

學者 分。 説 釋,更不 以 愛 誠 不 厚 意 奉 非 考之《大學》經文,容有未合 之 與 쪰 頃 只 下二 有 意 承 格 高 ·待言 緣 定 見 見,殆一 物、 論 千 燭 何 惠 也。 言, 理 日 致 長 然以 忘之! 未 不 知 書 大 來 明 能 门,欲 打 概 爲 書 爲 成 懷 以《 其 反 以 此言 疑 第 説 發老 覆 傳 片, 未 素 甚 習 乎 也 决 愚 一朽之所未 長, 致 更 録 且 無先 知 故 其 **>** 夫 程、 爲 耄 格 須 未 所 主 朱 後 物 就 媿 爲 明 發 之 朋 既 訓 將 之 講 無

至上 書 之所 子 其 欺 第 之在 所 況 發, 不鄙 焉 所 所 友 皆 所 無 驗 實 見 商 敢 ? 必 亦 字。 未 自 乎 義 舉 知 無 目 既 量 而 求 且 將 嘗 ? 具大 勵 其 偏閲 也 所 矣, 切 定 品 自 窮 何 以「 又一 有 磋 而 以 品 老 慊 而 致 自 固 之,異同之際,度已 不 誠 也 學 獨 謬 窮 朽 窮 審 未 當 能 而 事 加 所 **%** 知 見,皆嘗 致 屬 求 聞 自 物 字訓之, 自 以 以 然 爲 其 中 望, 稍 中 己 信 賢 之理」一 潤 固 持 以 和之 是, 契 庸 者 守 而 實 契 身 循 究 正 》篇 也 著之於篇。 以 惟 力行 無 格 而 之地 其 亦不 理 弗 致 疑 及 在 首 是 使 句, 更 之説 迷 矣 物 之 此 兩 容 非 猶 有 判 則 功 其 句, 者 朱 不 計 致 之 少 固 有 然 而 所 爲之 註 瀆 則 必 將 雖 實 精 賢 又 亦 自 如 字 往 朱 原 賢 贵 無 奚 修 哉 黑 非 華 契 别 註 作 契 之 無 É 僕 白 既 講 來 若 可

白也。一字異同,毫釐千里,切希照悉。

與鍾筠谿亞卿書

覺 矣 精 執 及。 新 寡 志 高 讀 而 滋味 事 奇 於 相 衰 宛 逾 林 何 無 之 然拙《記》之出 勵 取 下 人 ൬ 憊 四 幸 然故 足 月六 乎 忽 能 善 如 别 所 爲 心 勉 平 留 見見 人之 以 逸 志 知 圖 日 實 意 以 增 日 司 寡 己 就 稱 者 在 得 此 光 休 而 道 過 其 鮮 惟 令鄙 去 目 知 吾 聲 者 以 是 矣。 剛 言 朋 年 也 高 道 應 畢 各 方之 説 友 過 五 明 者多矣。 欣 承 餘 天一方, 近 間 重 月 稍 僕 之 生, 慰 語 氣不 時 盖 有 所 將 學 媿 無 學子, 及 多見 滋 不 加 非 拙 量 篤 衰 味 書, 至 僕 過 無 淺 於 之, 緣 於 記 終 大 年 亦 進 開 哂 緬 爲 未 孤 抵 求 何 修 所 來 惟 封 首 立 悦 能 能 詳 自 如 之 以 逾 養

> 《疑 文寶重 發,幸 泉 矣, 爲 有 ***** 水 逐 又 作 甲 以 條 遠 郎 不 司 **\$** 報 午 資 誼 何 批 馬 審 到 秋 切 克 郎 甚。 録》之類, 日忘之! 之器。 諭 \forall 何 ,永綏多 幣 磋之 承 大 與 緣 皆 家學, 人 尤 書, 舍姪 拙《 辱 未達 壞。 益 미 感 書 輙 記 前 福 托 及 念之 便 才志 以 者 > 續 京 臨 Ш 賀 深塊簡 中 頗 求 亦 令小 亦蒙惠問 林 覓 卓然, 儀 嘗 倘 未 教 未 倍 便 日 增 蒙 嘗 追 1 兒 有 禮 轉 勤 長, 續 寄 不 謝 雖 何 抄 馳 合 寄 0 示 惘 必 弗 及 時 今作 白 仕 遡 商 愛 不 然 多著 及 近 方 途 量 原 有 惟 意 也 者 徹 稍 書 此 冀 答 以 所 中 其 述 書,恃 不 尊 寄 淹 爲 湛 相 自 往 途 久 斯 惜 甘 啓 要 如 來 遭 即 歲

與崔後渠亞卿書

親 暨 甚 道 聲 辩, 崇 耳 也 林 折 年,進修 便未果,竟辱先施,負媿 曾 大復 益 甘 應, 旋 同 正 衷》, 可 志 舉 聵 , 尤 石 異説 審 泉 謂 佐邦 人 諸 江 極 何 有 用 不 高 以 諄 行 君 少 感 言 其 懈 書 明 詳 禮 嘉 精 7便,專: 宰 子 能 、將息乎 ,著爲文字,經緯 歎 於 不 何 神 是 過家,承 念。 而 能 南 以 之中 斯 望, 執 此 究觀 讀 處 都 道 事 伏 1 寓 之? 想 之明 E 朋 之助之也尤力,志 屢 自 惠 敬 切 新 多矣。 然僕以所通之理 爲 來 欲 光 教 为 刻 留 道, 且 僕 不 專 膺 札 湛 意 行,惟 附 能 年 書 召 及 整 是 執 甘 也 見 講 來 奉 整, 命 新 亦 泉太 事 品 賀, 目 刻《 不 弦 吾 茅 高 而 再 品 益 遇 後 塞 能 宰 尚 因 楊 ____ 人 昏 爲 舍 伏 渠 己 之 同 味 有 乏 翰 子 同

希亮察,不宣。

答蕭

誠

秀

才

書

學, 之訓 不 盈。 見 日日 之問,多是 問未嘗 久, 童蒙」也,是好 不吾向? 士之諷, 爲異説所惑 向 須是本 閒 哉 老夫茫然,殊不 音 道之勤 所惠書,并疑 門 問 不悉心 加 無 似猶未 不 領上 此 乃崇飾 主 日 通 良 老 張 不 方 爲 條答,此 所 夫 盖 開 自 免於 用 好 見 標榜,誘之使來,是「 間 所 兩 家 嘉 師 朋 商 略 + 知 不 年 見 殉 歎。 來未 也, 量 六條 同 所 能 矣 。 開 名 解 豈 以 也 又能 納之實 也。 但 嘗 不 詞 爲 不 近 書 然 不 披 若 答。 至 有 得 擇 老夫 中 見, 覽 若 謙 昧 也 則 前 所 信 大 荷 雖 於 開 而 + Ш 月二 再,足 聖 凡 我 門 往 六 若 從 氣 有 居 復 求 彼 而 講 條 則 所 歲 納 +

着 心體 其 吾子 有 又害之。」程子云:「若急 安 而 面 言 頻 不一言之。 不 力 己。 助 得 失 能 應 ,而 「,緊 煩 就將 哉 認 盍 長 者曾未 有 相 便 助之長者,揠苗 要 成 只 安 終不足以得 耳。 到 益 試 契 是 功 於 滕 所 排 0 於 加 深 晚 相 發 口 而 論 近世 孔子云:「 吾 布 雖然,老夫盖 循 力 年 明 説 背 其 人心 置 子, 省? 者 到 心 而 所 見,其 以 終 之 性 也。 猶 見,殆 弛 來, 道 無 私 自 之也。」 欲 二字,盖 __ 倘 一者也。 當 益 心 故 談 欲 雖 使之 微 所 兀 也 迫求 見 非 今吾子 或 何 道 嘗 速 言 有 此 得 見 老 其 者 有 耶 則 譊 勤 拙 此 皆 果 分 之, 非 夫 間 所 所 ? 朝 不 譊 親 曉 病 徒 切 云 所 記 稍 在 感矣,不 暮 達 生窮 則是私 患 焉 無益 然,是 至之言, 及 成 有未瑩 **>** 宜 之 切 則 在 以 家 矣,尚 群 間 速 孟 究之 凡 不 重 Ŧ 欲 今 乃 除 己 子 些 可 潛 而 速 口 萬 而

品 所 矣。 日 之所 一愛助 短 不 之意 後 審 疑 者 生 能 信 ,皆將 也 可 畏, 得 及 涣 必 否 然冰 須 乎 循 ? 釋 序 隨 而 而 機 漸 無 接 進 事 引 於 此 老 多 夫

辨

太 極 述

耶 ? 言,未 静 記 首 圖 所 疑「 》中矣。 詳 以 不審 尊 周 免析 味 無 信 元 爲 其 極 爲 公先生之《太 而 次疑 自定則 説 理 之 聖 表 氣 真,二 雖 章之者, 人自定 「聖人定之以 爲二物,其 頗 欲 通其 五之精 動 耶 極 情 至 大義 ? 圖》, 矣。 勝一, 説 爲 中正 然 妙 己 定 乃 愚 朱 合 見 不 天 仁 嘗 文 聖人之所 於 而 無 公先 義 下 熟 凝 少 之人 困 加 玩 之 疑。 主 知 其 生

嘉 靖 本

文前 故名 耳。 篇,以 象 謂 雖 中言 此 於 比《大學》、《中庸》引用《詩》、《書》例 擬 得 尾 如 必 終涉 既 間 自 言, 有 圖 何。 分 無 「天地 後 其篇 此言 之甚 架 凡 曉 耶? 然、恐未 陳 盡 疑 此 至論 以 愚意。 安排 要 錯 其 亦太 皆傳吾 日 爲 朱 悉、《太 造化之妙, 在 取 而 頃 妙 太太 定 門 下 意則 視《 可 血 因 吾夫子《十 因 略。 學 嘗 天 同 而以先天 脉 極 朋 夫 可 工 下 有 極 未 先天圖》之易簡 年 述 貫 子之 友 默 且其圖之作 之人, 夫 問 圖 盡 加 **%** 通 間 識 聖學 僅 説 及此者,所答亦 也 語 亦亦 一舊,不 有 錯 八卦揭 一,於是· \Rightarrow 翼》 也 則「主 顧 殆 有「君子修之吉 論 體用之全、《易》 非 取 贵 用 不 中 及 云 敢 敢 心 能 略 元公未 語 周 者,不 一静」二 自 妄 于篇端 專 雖 倣 有 精 學者, 用,盖 贊 굸 組 極 周 所 深 織 拘 何 嘗 説 力 未 字 加 而 辭 經 成 首 愚 見 模 竊 如 其 難 見 妙

卦	八
象	四
儀	兩
太	
極	

「易有太極,是生兩儀,兩儀生四象,四

象生八卦。」

太極之名始此,述此以明太極之全

體也。

學者當於

動

静

之間

求之。

霆,潤之 是故 以 剛柔 風 雨,日 相摩 月 八八 運 行,一 桂 相 盪 寒一暑,乾 鼓之以 道

述此以明太極之妙用也。

成男,坤道

成

女。」

物化生。」「一 天地 絪 隂 緼 萬 陽 物 之謂 化 醇 道 男 繼 女 之 者 構 精

成之者性也。」

爲, 而一物各具 述 此 以 明 $\overline{}$ 萬 太極 物 之 也 生 無 非 二氣之所 木

知記續

当。

「仁者見之謂之仁,知者見之謂之知,

百姓日用而不知,故君子之道鮮矣。」

述此以見人性皆善,而其分不能不

殊也。

利 四 物 德者,故曰 足以和義,貞 君子體仁 『乾,元、亨、利、貞』。 足以 固 足 長 以幹事。 人,嘉會 足以合禮 君子行 此

述此以明聖學體用之全,即所謂君

子之道也。

「大哉,乾乎! 剛健中正,純粹精也。」

吾夫子贊乾道之大,累至七言,

而

歸

中正之至極,而精者又純粹之至。」極得結在一「精」字。文公謂:「純粹乃剛健

其旨矣。所謂「純粹之至極」,非太極

而

何?

故述此以明太極之義,以終此篇之

整菴存稿題辭

古之 稿 以 事 究心,則聖賢門户可得而入,繼述之善, 顧 操筆
軟書,
粗淺 有 得 垂示之意也。 曰《整菴 喜爲者,始焉出之弗慎,後來 了,擇其 則 加 合焉。 嘗費日力,勞心 而 作者 此 盡焚之。後之人於吾晚 成於 余嘗著《困 1 存 稍 凡 毋 晚 稿 或 可觀者 應 年 不免爲詞章之學,亦當 事 》,藏之家塾以示吾後人。 其慎藏之。 個 者 無法,勉以 知記》 浮 詩 也。 思,不 以 夸, 文,積數鉅册。 類 以 以 六卷,乃平生 忽 相 踵 俟後之君子, 從 悉 狥人,可愧多矣。 余 棄也 ,得二十卷, 遂不 愧 年成説,果 此余所 得 取 盖 力 居閒 加 學 法 非 宜 以 能 餘 題 所 於 何 無 所 必

謝恩疏併部咨

謝 臣 旬 月 着 江 江 政 $\sqrt{}$ 順 舊 書 部 恩 當 夫 使 西 九 撫 以 未 送 遂 部 + 等 監 四 即 按 任 司 勸 禮 禮 忝 首 伏 六 名 望 察 轉 官 處 勵 致 科 部 科 重 念 應 闕 御 及 仕 都 H 行 爲 抄 後 名。 臣 臣 門 史 察 到 用 臣 出 口门 謝 學 本 性 臣 魏 存 院 羅 頭 年 原 恩 久 事 縣 稟 謙 木 問 欽 欽 任 右 至 事 糜 祇 移 顓 吉 此 府 節 順 南 倉 副 八 仍 受 臣 蒙 儀 _ 0 到 縣 奏 京 + 該 都 廩 月 羊 行 知 制 臣 欽 該 車 之 欽 御 給 照 會 遵 清 嘉 部 私 禮 酒 奉 儲 史 能 食 隨 例 靖 宅 吏 部 尚 訖 虞 聖 淺 米 曾 該 賜 備 司 題 書 守 薄 旨 以 貮 乏 理 欽 + 以 案 行 爲 改 禮 愚 石 合 絲 劣 差 羊 呈 几 江 優 吏 存 巡 毫 通 具 洲 羅 年 禮 西 歲 部 奉 間 酒 之 章 本 按 撫 布 撥 欽 尚 四 本

洽 類 寶 榮 之已 祖 媿 眷 常 伏 之 俄 五 悵 或 杜 益 0 訓 福 己 儒 遇 類 0 門 , 餘 驟 口 默 連 ; 負 門 耗 紳 遂 正 生 康 戀 罹 伏 時 章 日 運 思 學 使 之 於 我 侯 墻 枕 平 逢 靖 嗟 洪 丐 揣 詠 元 之 難 皇 捐 卑 莫 之 Π 家 嘉 志慮 四 鈞 免 歌 緜 子 接 林 F 淺 明 時 難 軀 報 靖 方 力 諭 相 之 制 萬 之 節 望 誓 更 以 運 屬 枯 配 教 居 星 作 流 幸 念高 徒 奉 高 不 儗 難 屬 之宜 乾 慚 朽 霜 光 兼 矜 歡 存 典 忘 天 精 堪 休 元 盛 屢 易 皇 乎 從 優 禮 騰 使 乎 求 明 典 易 蚤 邁 締 霑 百 德 贵 切 之 持 婦 結 於 造 荷 恐 Ŧ 符 誤 意 庶 衡 雨 臨 慎 子 疾 草 古 但 之 恩 坤 及 孤 之 露 頺 勉 簡 • 疢 動 期 訓 感 惟 恩 厚 公公 數 錫 命 凡 策 相 宫 伏 厒 勉 戴 H 艱 子 才 以 信 於 仍 僚 終 願 盡 尊 率 重 顧 交 駢 逾 疲 恪 斂 兹 乎 成 乎 臨 紆 聰 清 方 駑 誤 郊 澊 慶 羔 庶 皇 時 大 明 天 時

之 綿 廟 至 聖 尊 顧 壽 嚴 於無 ,實惟海宇之同 白 神 疆 受職 固 皇 間 圖 情也。 閻 於 給 有 足, 永。 臣 九 感 非 敘 極 獨 詞 惟 愚 歌 臣

無

任

戰

悚

屏營之至。

者 允 欽遵 野 見 者。 也。 憂 尚 爲社稷宗 卿 或 等 奏謝 紳 爲 抄出 因 羅學究 仰 此 旲 既 朕 爲 合咨前 I 送司 本 還 斗 ,人物司 根 知 該 田 山 源 ,按呈到部 道 通 加 去, 了 政 念 德 因 使司 煩 命 修 主 進 禮 爲欽 實 謝 純 部 而後學所當 官 懿 圃 繹 知 畎 遵 奏,奉聖旨 獻 譽 讀 道 畆 知會 規 望 前 之餘 ,見老成 重 疏 欽 須 誦 於 此 忠。 至 服 朝 仰

整 華履 歷記

答

余平 生 無 可 稱 述 惟 是 履 歷 之概,不

> 其 悉從其實而 可 不使吾後人知之。 識 之於册 , 事 各 居 繋 閒 於於 無 其 事 年,辭 ·, 時 追 憶 則

己

諭 余 生於浙東青田 ,盖六年矣。 成 化 元 年 Ż 之官舍。 酉。 十二月辛巳 先公時爲其 時 加 邑 辰, 教

巷曲 慶 八赴官 教授任 折 七年辛卯。 五年已丑。 ,歸途山 所。 秋,隨先 曾夫人常言 行 春, 先公官 川 祖 初 泛,余略能記 母 人學。 1滿還 Ē 「吾兒 夫人、先 鄉, 夏,先公履 初 之。 學舍 人 母 學 中 曾 安 便 門 夫

律 親 · 詩。 ,先公留之館。 + 一年 之未。 余從受業,初 先姑· 夫蕭 貴 學 步 作 先 五 生 七言 來 訪

循

循

守

規

矩

不與

他兒同

也

鄉 試 蕭先生亦還 三年丁 西。 鄉 夏,先公膺 應 舉 余 獨 閩 藩 處 聘, 齋 往 考 讀

朋 趙 書 習字 輩 先 或 生 相 解 未 拉 嘗 釋 遊 輕 大 戲 出 學 輙 間 辭 數 之, 條 盖 略 日 性 能 所 則 領 不 往 其 好 就 大 彻 司 訓

也。 能 端 又 公還 士 稿 口 旬 道 勉 余 欲 暫 合格 喜 柬 美 於 輙 午 此 其 歸、先 文 離 見 覽 日 任 Ţ 題 語 + 多 曾 月 月 畢 ?」其二云:「吾 兩 刀 義 甫 同 先 讀 何 其 追 語 之天。」 年 官指 公令誦 如 兩 見 生 書 尚 云: 戊 曾 是 諭 面 爾 不 便 戌。 先 其 門 0 試 須 令習舉 不 見 符 生 敏 所 乃 發 者 雅 規 「子學 論 春 俱 謂 作 遣 奮 彦 第 頗 規 及 語 先 IE 從 鄉 業 思 龍 良 第 勉 於 加 月 **>** 公 多 義 T 色喜 文 齊 先公员 乎?」 先 事 頭 力, 歎 , 宗 士 例 未 駕 真 爲 賞。 . 不 仁先 皆 篇 之末, 改 久, 極 **令** 間 患 因 騏 無 題 選 三月, 未 學 所 公 不 郎 賦 驥 生 門 何 作 午 但 I 探 遠 E 日 學。 符 逐 能 夫 花 絶 聞 遂 呈 到 先 勉

> 卒。 電 先 淺 耳 公 矣。 與 奔 所 芸 纖 T 離 重 不 先 可 後 生 追 時 中 名 余 成 榮 駑 年 化 懷 劣 方 T Ħ 寧 + 未 慙 庠 JL 進 空老 先 先 生 士 其 公 大 未 學 屬 授 行 還 望 官 素 己 看 爲 而 不 緑

訓 先 公頗 不及從 + 五 以 年 爲 他 憂 師 亥。 殿 療 春 勤 得 至。 咳 疾, 既 愈 久 而 H 未 授 愈 庭

其 罷 戴 而 卒。 秋 歸 天 錫 + 先 天 冬,先公官滿 六年庚子。 同 生 錫 窗 及 亦 天 中 天 錫 錫 皆 未 春 ,挈家還 長 中 進 從 余 鄉 士 Ŧ 舉 ,累官 應 歲 0 鄉 禛 後 頗 桂 先 先 生 林 見 生 學 推 知 未 府 仕 與

同 里 曾 + 七 氏 年 秋 辛 八月 丑 , 先公赴 夏 四 月,余受 京。 醮 命

卒。 冬十月,先公守制來歸 八 年 £ 寅。 春 三月, 先 喪 葬 祖 諸 母 E 事 皆 夫 命 人

秋

暮

方

抵

家

余 相 守 菴 叔 父理之。

屬 百 會 稿 城 提 兩 九 所 司 學 取 年 諸 鍾 僅 癸 公乃 公 一四之一 卯 卧 合 病 秋 而 0 余忝首 試 郡 時 之。 邑 生 取 儒 名 令嚴 中 未 鄉 試 甚 試 者 , + 比 許 至

+ 车 甲 辰 讀 書 里之雙龍 觀 中

+ 年 Z 巳 夏 四 月,先 公起 復 赴

京。

余始受

命

理

家

史試 皆 + 叨 首 年 選 丙 午。 時 提 郡 學 試 爲 ,提學 瘠 茂 馮 試 公, 巡 獎 按 與 御

尤

至

故 錫 也 所 賞 弘 治二 後 爲 年 提學敖 己 酉 公静 小 試 之所 爲 黑出 太 守 論 顧 偶 公 失 天

季 弟 允 年 恕 庚 讀 戌。 書 于 春 率 性 赴 堂 南 之 雍 右 省 廂 侍 凡 至 數 則 月 率

> 省 然不 所 至 同 L 稍 危。 七 日 其 ,夾持 徐 舟 : 約 H 口 兄 買 意 北 0 日 夜 五 日 廣賢夏官。 \equiv 年 中 分 上 遂 己 加 車 以 壬子。 場 決 猶 叨 申 同 往 吐 意 首 未 至 畢 載 , 瀉 吾 能 南 不 選 顧 自 交作 當 人場矣 食 都 秋 也 病 度 臘 出 體 既 必 赴 余人省二 月既望 冬十 宜 不 而 中 會 比 堪 所 酣 具 曉 城 中 親 重 睡 粥 應 月, 當 乃 勞 息 力 親。 以 聯 僅 不 强 與 需 乃 夜 出 騎 屬 徐 謂 廣 精 渡 + 威 竟 廣 月 所 飯 勢 神 江 威 初 如 親 數 頗 方

手 試 賜 夫 士 進 非 往 榜 也 往 出 六 余 及 錢 年 爲 余名 本 第 余 批 癸 色 誦 余 丑 列 也 既 之。 論 第 首云 而 春 七 廷 聞 然《 IE 修 試 閣 月 録 撰錢 老 擢 九 有 **>** 丘 中 第 日 相 文 與 所 業 莊公閲 謙 至 甲 刻 者 先 京 第 作。」 乃 生 師 余所 出 所 錢 士 取 會

得 門 釋 不 凡 余 對 荷 自 先 閱 褐 策 讀 容。 歲 書 , 授 公書,亦未 是 调 貢 益 翰 有 生 有 天 留 林 褒 執 及 性 心 院 語 考 贊 簡 嘗不 於 編 0 滿 求 直 學, 脩 徐 訓 見 以 文靖 拙 導 階 皆二公 者 此 試 於 承 爲 公覆 悉堅拒 卷 人 事 戒 事 赤 郎 玉 也 視 成 嘗 交 頗 弗 朝 之 遊 過 摘 納 退 刻 甚 賜 其 輙 寡 也 瑕 亦 每 閉

居 日 軱 舟 兩 往 南 九 月 省。 年 年 陞 還 丙 Ż 國子 閏 卯。 冬十二月 辰 \equiv 助 月 春二 夏 教 抵 四 家,以 月,先公乞休 ,聞母夫人之訃 徙 月 , 先公以 居退 冬十二 省堂。 考 月襄 得 滿 間 允 到 數 事 京 遂 H

始 出 邑 + 城 年 謝 諸 戊 親 午。 友。 春 冬十一 \equiv 月, 釋 月,北 服 上。 夏 四 月

考, 職 蒙 恩授勑 弟 同 年 中 己 命,進階文林 進 未。 士 遂 春二月, 同 居 郎 至京, 封 夏 先公編 五 月 隨 滿 復 脩 初 原

贈先母孺人,内子亦受孺人之封。

南 嚴 月 乏。 公以 虚 安之,六 即 廢 得 不 或 人 置之首選,及 於 監 可。 争 糜 累 不 子 也 公, 履 辨 奉者 歲 者 盖 家 監 可 卷,三 + 遂定 任 持 紛 五 月 此 難 俄 司 館 IE 争 此 年壬 充 員 業 如 辭 監 宜 頗 肅 爲 可 場 風 缺 經 惜 及 疑 規 拆 本 如 俱 者 宜 余 戌。 筵 先 而 詔 爲 時 積 卷 房 優 甚 息 謂 年 不 推 展 請 奏 之冠。 作 鄉 弛 非 力, 春二 : 補 書 乃景 補 起 而 友 立 疏 養 官 始 士 蘭 放 司 藏 稽 言 蕭 法 垂 月, 顧 多 業 谿 陵 考 鋒 心 丽 時 以 七十年 主 放 往 下 宜 以 夏 魯 之 章 斂 怨 堅 同 拘 一考吴 往 逸 需 公 鐸 謗 精 收 四 鍔 考 制 第舉人當 然 今, 徑 交集, 懋 月 禮 之。 矣。 果 非 匏 每 而 意 不 自 爲 部 奪 余 遇 管 陞 菴 丙 其 敢 祭 П 會 當 之 夏 終 攝 差 適 午 先 南 以 必 試 酒 道 亦 之 撥 承 京 舉 牛 私 困

情 雖 以 不 便 爲 然 也 然 不 肯 盡 從 吾 所 立 法 盖 惟 恐 人

深相信。 平 相 之者,公頗置疑,徐 月,大 杭 初,余改官 生寮 處 則 僅 留 司 友之 踰 成 仲 自是凡 年 年癸亥。 章 即 弟 相 一公抵 允 以 逐 得 迎養 迪 相 事 者 任 所 、公其 乖 必 而 春二月,先公至自 請 隔 以 察之,知所言皆 專 未數 , 先公許 見咨, 使 然 最 再 書 彻 日 往 尺 余靡 寮 來 乃 往 屬 至 一視。 來 不 中 盡 不 妄, 秋 有 絶。 心。 杭 乃 間 過 八

還 相 有 水 汪 、楊 與 名,亦自喜其 文 鄉 痛 叔 王 在任 七 加 思 通 切 年 磋 陸 陳 ·甲子。 將二 耳 沂 深 年,所獎 謬。 盛 嚴 冬十二月,得告,奉先公 嵩、 儀、 所 潘 董 媿 進之士,如 玘 鑑 學 張邦 力 曹 未 琥 充 等 奇 吴惠、 未 湛 後 皆 能 若

十八年乙丑。春正月,道杭,少駐。二

乃 宰 月 行原籍 謂 抵 然三人皆 終 家 養 查 秋 之 一勘 從 例 疏 宦 乞 須 一,情 終 單 養。 T 古 乃 可 馬 許 推 端 今 肅 理 有 公 宜 兄 時 酌 弟 爲 處 太

位 代 IE 者漫 德 元 無可 年 丙 否 寅。 倚 閣 勘 踰 文 年 到 部, 馬 公已 去

大司 疏 司 固云例 慮曠 成 則 年丁卯。 日 不合, 歷 彌 城 久 王 乃檄 公勅也 乃 春,有爲余叩 以 有 冬十 司 催 ·月 余 復 其所以 還 莅 南 任 雍 者, 欲 該 時 再

然 太 始 方 可 宰,謂 作 面 也 或 末 瑾 如 具 威 所 該 年 奏。 福 固 余 謂 戊 司 當當 慮 或 南 辰 「無事。」 將 奏 禍 謂 銓 0 舉 口 及,不 還 忽 春 其 緩發 二月, 任 用 余 平 其 在 聽 心 牛 子 新 新 知 而 將 例 宜 例 奏 野 盡 滿 上 以 亭 前 棄 考。 將 之, 考 劉 必 兩 以 續 無 公 月 余 乃遜 時 全理 先 時 給 逆 勿 行 爲 辭 假 瑾 奏

六

動。 奏 具 謝 小 新 威 俾 云 舊 四 某得 月 例 感 得 六 兩 共 公 月 請 報 子 厚 抵 瑾 職 除 意 家, 果 名 爲 但 先 怒 賜 非 公泰 余簡 聞 多矣。」 力 吏 所 然 伉 部 如 能 , 竟 據 野 平日 南 一亭爲 用 願 銓 早 新 奏 之色 爲 例 辭 以 發

官。 冬, 五. 年 復被 庚 午。 南 雍之 秋 八 命 月, 更 化 詔 下 , 復 原

奉 來 疏 則 迎 人,留 居 永 先 嘉 六 年 王公 中 辛 九 瓉 未。 月至官 秋 也 七 春 月 五 三月 舍。 月 聞 鄉 冬, 上 抵 郡 復 獻 任 有 迎 納 数言 守 時 愚 菴 急 忠 大 叔 遺 疏 司 人 父 成

俾 月 北 而 余還 别 口 七 至 任 仲 年 抵 龍 弟 調 壬 淮 江 允迪 申 理。 安, 0 寓 病 使 夏 再 禪 弗 來 四 疏 茶 迎父、 月,以 能 懇 以 前 之。 俟 報 叔 新 人 秋 例考 疏 余 七 部 請 送 月 書 舊 告 至 流 至 績 嘉 賊 乃 踰 將 興

> 月 然, 允。 劉 人 疏 城。 六 未 乃勉强 切 蓋 達 等 欲 余自 八 驟 ,乃復令人 閒 月 至 供 居 得 人 江 職 春來, 静 報 上 養 人 陞 人 覺 疏 而 南 争 心 連 走 京 氣 吏 疏 太 避 部 虚 常 不 余 怯 覆 遂 少 狀 不 奏, 卿。 得 冬十 若 奉 己, 怔 旨 知 忡 再 不 復

之。 以 太 也。 奏。 署。 意 銜 有 功 大 祖 未 希 也 臣 或 余 是 滿 望 後 至 祠 河 年 親 日 春 祭 無 東 當 或 復奏乞一官,遂經營 癸 何, 鳳 及 張 署 滁 以 道 陽 西 夏, 公 隸 兹 陽 又 郡 頗 有 内 事 太 則 欲 難 琥 郭 明 弘 未 爲 常 以 比 之。 又 琥者 有 治 卿 口 義 徐 迭 乃 差等, 間 合 輕 再 來 既 數 楊二 易 奏 奏 嘗 懇 許 造 其 稱 故 乃 有 請 之 太 王,求 得 徐 追 滁 祠 得 詔 矣, 常 奉祀 陽 封 張 祭 楊二 冠 録 王 裔 署 公 余 請 帶。 開 蓋 孫 爵 將 E 未 爲 祠 國 從 或 岩 聞 具 祭 其 调 虚 諸

宗, 不果 概 帰 賦 致寬慰語 也 似 王 之, 妄, 事 如 察 理 此 無後。 程 久 知 也 設 下吏部 高 張公猶 遂 多詳。 門 者 絶 用 ? 秋 余 談 請 句曉之,其卒章 且當 意 性 网 張 削 萬 有 琥雖 ,且諷余拙 家宰邃 堅 理半 公直 京 爲余言「邃菴 余又考勑賜 其 重。 以 時一 先後 前輩 奉 或 此 雷同 可 視 及再 有 祀 署之設 知 菴 回 無言,第令琥姑 缺 來 當 意余將 楊 乃 祭酒 見, 歷,如 滁 官 若 余頗 公洞 云 滁 太 以 人 己。 頗 處 無 陽 : 過 墳 聞 余 不 有 訝 事 碑 王 燭 上 伊 一,今爲 慙 釋 連 命 琥 蔡 其 文 廟 其 洛淵 雖 人性之 色。 然, 被 下 乃 除 何 不 情 碑, 微 俟之。 首 自 根 相 ,惡其 琥 每 莫 源 不 己 力 知 薦 請 見 口】 明 敝 不 111 當 遠 軱 皆 忽 初 僭 所 因 快 後 有 何

郎 六月 十年 履 之亥。 任 友人曾元之在 夏五 月,陞 南 京 京 吏 師 部 以 右 侍 見

> 曾氏、 賀 月 皆 乍 秋九月,兼攝南京工部 有云 退,故 日 ,人皆曰 令子珝扶樞歸 卒于官 天也,非 : 封 號 人 凡 所。 人 也, 未 遇 及 也。」余頗 員 余 非 葬 缺 有 妻 天 加,心 賢 事 也 再 圃 推 以元 不 在 是 M 切 壽 先 月 得 哀 之爲 生 之 晦 且 今 者 余 封 知言 日 冬十 孺 乍 在 進 他 人

臨 夏五月,因災異自陳乞休。 潼 李氏 十一年丙子。 春三月, 解 冬十一 南 京 月, I 部 再 事 娶

聖節。 矣。 省。 歸。 駕 已 後十二月抵家 十二 沂 西 至 次子 章 儀 幸。 年丁 真 江 既 候 珝 始 報 畢 自 丑。 得 久 事 家 報 來 秋七月, 出 加 侍 至 未得 有 行。 張 旨 家灣, 乃 捧表 九月初至京 給 從 驛。」 人賢 乃 浙 疏乞 迤 萬 無 邐 及 歸 西

十三年戊寅。夏六月,還任。冬十二

月,滿考,即日馳書乞休,泝江西歸。

部 吏 用 心 答 辦 + 乃 事 四 奉 ',所辭 再 年 聖旨 疏乞休 己 卯 不允。二 羅 春 欽 IE 順 未 月 學行 幾 抵 家 又 老 成 得 部 五 着 答 月 照 改 舊 得

授 乎 高 旨 月 備 在 + 行 必 E 朔 至 不 所 ?」余爲之 員 緊 通 己身 月,毅 從。 旦 議 京 供 到 十 而 羅 一,候駕 事 大 履 五 任 欽 又多 夫 先 任 年 管 皇 順 公稍 贈 庚 今 漕 駐 病 事 悚 先 後 + 辰 運 往 蹕 封 然,乃 因 則 不 出 不 五 廳 通 或 推 以 將 准 秋 怡 日, 前 代及 州 可 舉 滿考 未 辭 八 決 日 賜 少 改 免 月 : 行 駕 <u>一</u> 十 妻室 見 「兒從 用 聞 行 有 至, 計。 余以 得 潞 悔 其 成 蒙恩給誥 日 部 若 偕文武 河 皆 志, 冬十 命久 宦 先 咨 驛 如 懇 雖 何 8 公年 被旨 制 月, 請 下 有 諸大 固 + 奉 年 益 冬 陞 陸 未 赴 執 着 聖

> 駕 故 壇。 御 法 臣 有旨 典 乃 座 及 還宫。 如 当 科 此 道 則 收 官 繫 司 十日日 初 禮 人 乙 九 見 監 云 日 大監 大祀天 晚 乃 遂 吅 劾 前 由 奏 頭 地,奉旨 行 御 諸 ∭ 候 屏 出 反 駕。 後 者 傳 分獻 堂 次 出 請 中 日 北 惟 頗 寘 午 設 之 海 聞

部 後 據 殁。 職 攝 庇 擬 詔 陳乞休,不允。 尚 之 言 實 名 降 篆 0 書,余 增 余初 首。 兀 十六 雜 殆 路 事 月二十二日 職 λ 傳 中 由 數 閲 遵 年 候 所 聞 有 上 語 詔 辛 司 舉 因 初 到 稿 條 云: 請 己。 太宰 部 有 稿 他 O 之誤 備 之 於 白巖 事 王 於 1,今上 春 日 王 晉溪 泛 查 是 三月 廷 另 廷 先 及 喬公,六科 亦 聖 廷 陳 陳 朝 王 即 欠 行 + 恩 陳 公 事 近 得 位 審 奏 所 四 者 被 因 跡 罪 矣 請 及, 後 日 後 頗 官 收 以 定 獨 宗余奉 9 數 任 欠 員, 無 奪 爲 不 緣 明 日 間 推 吏 開 奉 其 吏 部 遂 存 遺 自 具

竟 其 與 求 者 乃 及 先 熊 竟 但 白 日 沮 諸 九 進 實 以 峰 衆 朝 巌 亦 所 卿諸 之。 能 無 答 文 故 竟 論 石 愈 欲 齊 知 具 從 武 來 典 代 公 所 同 與 某 者見 奏論 敢 冬十 公同 屬 新 歸 也 衙 也。 人 同 熊 嘗 阳 管 是月 余 諸 門, 峰。 事 之謂 君 有 其 私 上 月 語 奏 言官嘗有所指 數 言 即 君 交 俾 望後 請 轉 勑 月 慎大 大司馬 位 矣。」 亦 之 通 詔 其 時時 一。當降 余再 左 知 害 所 不 協 俄 禮 白 某已 侍 口 余 政 罷官有 心 又 幸 以 被 巌 郎 不 齊 日 計 奏留 勅 請 菴 全聖孝 察。」 始 陞 旨 所 0 南京内 安根 劾, 彭 付 「仁者 陜 言 至 攝 秋 夤 前 公 法 西 往 篆 七 固 緣 覆 任 初 參 本 <u>+</u> 疏 司 月,太宰 返 應 内 奏 外守 見 郎 定 議 於是 重 至, 數 有 監 之謂 中 月, 罪 四 見 地 從 以 備 謂 疏 余 某

嘉靖元年壬午。春正月,奉勑諭充《實

之,但 馳 月 夏 語 蘇 由 李 即 請 菴 三千 録 充 但 所 四月 是不 疏 亞 起 楊 分 》副 以余言告白 0 非 見有侍郎 奠官。 乞 卿 蘇 公 貫。 亦 人京瑜 遣 惟 總 果起 休, 總 方 必 郎 僕 陞 事 裁 在 禮 中 制 都 南 體 子 以 彼 辭 以 御 賜 三 禮 京 年 當 李某 自 便 邊。 巖 行 稿 史 宴 余嘗誤 畢 聞 吏部 往 然, 養 家 事 于 席 乃 來 返 賜 在 親 來 諸 禮 吏、兵二 亦 看 公自 尚 利 須 於題 羊二 彼。 物 部 爲 欲 聞 書。 數 害 余 奏 論 先 以 邃 湖 月。 所 日 本 隻, 伏 殊 菴 忠 公 奉 廣 部 六 繋, . 後 乞聖裁。」 藉 月 病 於 所 聖 月 酒 馳 會 今邊報 增二 邃菴 恐 藉 知 知 勢 当 題 疏 駕 宜 履 己 不 瓶 幸 語 素 任。 = 乃 擬 請 曉]者尔。 解 孔 太 卿 蘇 尊 邃 思 舊 起 寶 云 如 學, 亟 仰 之 菴 父 即 0 相 邃 鈔 所

■「某者」,原漫漶不清,今據嘉靖本補

還 既 任 有 管 疾 事 准 暫 + П 省 月 視 抵 馳 驛 去。 疾 愈 F 緊

四 月 + 二年癸未。 九 日 先 公捐 春 \equiv 館 月 , 改 禮 部 尚 夏

出 之 陽 兀 ,奉遷先 年 Z 酉。 夫人 春 正 神 月 焉 庚 申 , 葬 先 公天 柱

代 謝 賜 五 祭 年 及 丙 營葬 戌。 恩。 春 正 秋 月, 七 具 月 疏 抵 遣 家 子 珝 京

旨 懇 致 乎 人 吏 疏 命 夫 部 切 廷 上 已有 四 尚 議 六 卿 緊 准 奉 名 年 旨 才 致 前 聖旨 應 禮 T 仕 勉 行 來 用 再 亥。 卿 素 留留 供 疏 該 有 缺 著 職 辭 卿 春 如 員, 衙 司 學行 免 再 門 何 仍 重 虚 月 復 不 望 知 月 任 位 簡 心 有 道 給 久 復 以 0 辭 在 懇乞 此 食 歸 起 待,宜 朕 奏? 秋 米 爲 休 夏 心 九 兀 近 禮 月 致 五. 石 自 既 勉 推 部 月 陳 奉 情 承 吏 歲 舉 部 撥 休 聖 詞 新 出 辭 改

> 是 能 爲 咨 有 祠 作 、又欲 機 會 役也,長男琰 到 羅 羅 會 族 氏 遂 宗 氏 之 别 馳 宗 時 祠 處 祠 疏 祠 並 謝 小 又 當 乃 舉,皆 多效勞云 與 恩。 宗 先 時 公 頗 而 一弟協 冬十一 創 所 病 地 作 以 其 基 謀 溢 成 弗 月 以 市 先 便 祀 欲 地 糾 公之志 始 展 創 合 至 遷 拓 作 族 是 之祖 衆 而 小 也 滴 未 改

余 也 采 啻 貽 往 既 + 面 ? 持 無 頗 年 用 + 人 而 己 數 以 論 虚 所 七年戊子。 元 論 秋 得 Ш 名 既 七 余爲 及 雖 丙 席 殊 月 時 不 猶 \equiv 戍之夏, 公 事。 人 首。 斥 知 即 以 亦 被 三人 余 大禮 \$ 嘗 春二月,十 其 忌者 實 斥 復 舉 爲 因 外補 無 告 起 猶 以 國 珝 大怒, 所 成 或 自 子 亦 下 長, 代 有 念 謝 安 余前 繼 遂 詔 又 恩 口 能 平 道 之者 衰 覃 謂 窮 歸 久 生 後 御 恩 且 惓 探 於 僅 被 以 史 盖 惓 病 其 進 其 薦 書 故 也 多 識 階 位 然 見 薦 不

榮禄大夫。冬十一月,編次所著《困知記》

爲二卷。

·餘日。 月二十 八年己 五日 冬十二月甲 丑. 竟不 一。秋,七月初季弟西野 起。 申 余前後駐邑 再往窆之。 城 配 凡 病 四

往 月,會同鄉士 著《困知記》一卷成 慶之。 十年 辛卯。 次子珝 一友於龍 春二月,楊 以 福寺 是 月 議 赴 鄉約。 氏 京 姊壽七十, 謁 選。 六月,續 夏 自 四

十二年癸巳。夏五月,又續著《困知

記》一卷。

詩 士夫 求 朋 七 卷 日 得 陸 在 抵 壽 續 十三 題 都 家 文 稱 年甲午。 「天壽 觴 下者几十人,人賦 親 篇,玉 皆以 朋 見之,莫不 平格 詩文 帶 年七十。 束 爲 諸君之意良 緘 以 侑 爲奇 一詩 書遣 生辰將近 次 兒珝 爲 事。 使, 壽 厚 在 以 江 然 其 右 京 親 初

非余所敢當也。

促珝 故 《記》於是 妻曾夫 還 十七 + 朝 六 人自 年丁 年 凡三續矣。 戊 西。 龍塘遷葬壽藏之右。 戌。 冬,次兒 又著 其冬築 ^ 木 珝 壽 得告歸 知 藏 記 于 **>** 事 省 桃 車 出 乃

村。 慮也。 考曾府君 山 兩月乃之任。冢孫 一人,年已向 地 賢 一片,遷葬外祖 十八年己亥。 mj 初冬, 羽陞 早死 諱 朋 衰, 可 止 猶未 哀 妣 馬 偁 春三月,買得小徑 也 蕭 考妣,立 湖 以 有 氏 知府,便道 疾卒,十二月葬 子, 其 爲銘 不得 遺 石 其 胤 識 不 之。 止 過家 爲 存 之 外 中 曾 遠 陽 孫 祖 嵢

養,温旨賜允。夏四月抵家。 二十年辛丑。珝自馬湖入覲,疏乞侍

可 百步許。 二十一年 十二月庚子 壬寅。 作 ",鷄 桃 岡 將 書院 鳴 夢 中 去 藏

都 霄。」 琅 得 之徵、家庭餘慶之兆 推。」未 句云 玕 時 句 老,雨 嘗夢題 亦 云:「東 一欲 未 審 爲 詳 窮《 露春 竹, 何 所 海 太極圖》中妙, 祥 謂 春 亦 深 也。 流 枝 止 漫 吞萬壑 也。 記 志之。 葉繁。」此實先公眉 因記 兩 句 <u>一</u> 十 南南 \(\frac{1}{2}\) 又記 須 Щ 年 向 先 冰 晴 前 姑 公 霜 翠 夢 蘇 歲 官 聳 中 臺 壽 久 南 層 嘗 上

之日 申孫 二十二年癸卯。 七月 初, 得曾孫 男,字

賀客陸續至,視七十時幾倍之。 二十三年甲辰。年八十。 生辰

心前後,

T 至京 撫 七 日 百,巡 遂具 ,禮部知道 都 一十四 疏 憲 疏, 按 東 奏, 令孫 御 **厓虞公奉** 年乙巳。 奉 。」十二月,佸抵 史 聖 男佸 槐 旨]]] 賫 魏 旨及門 夏四 公 奉 覽 繼 人 卿 月二十 至。 存 家。 謝 奏 問 謝 得部 以 是 六 朕 八 月 五 日 月 答 知 + 月 道 中 七 初 知 巡

會。

一十五年丙午。 夏五月, 又續著《困 知

記》二 卷。 一十六年丁

未。

羅整 一卷自 誌

少卿。 德戊辰 壬戌夏 瑾 會試 舍。 侍先公還鄉 也。 甲第三名,賜 伏誅 弘治壬子秋,江 成化 禮部,名第七。廷試,蒙孝廟親 整菴 逆瑾 陞 乙亥夏, 陞南 例還 乙酉 羅姓 南 因 舊 京 横 進士 臘 職 國 疏乞終養,當道持 益 欽 月 子監 一及第, 甚,奪 順 壬 八 京 藩 日 吏部 以 申 司 授官 職 秋 業。 第一 允 生 爲民。 右侍郎。 升字,吉 于淛 陞 翰林 人薦。 乙丑 南 不下。 東 京 庚午 院 得 太常 青 泰 癸丑 戊寅 告 編 田 和 修。 官

名

其

持

米

歸

辭

部

嘗

 \mathcal{F}_{1}

辭

奏? 視。一 病 午 事 滿 廟 特 式 尚 四 益 有 甚, ,不准 IE. 夏 月 E 益 考乞休 是 前 耳 書 近自 禮 冬盡 力 狠 既 陞 陞 疏 召 誠 情 重 歲 本 辭 南 乞 之命 陳 何 奉 四 當 於變通 抵 庚 心。」其 部 詞 撥 不 解 京 意 休 月, 聖 疏 代 家。 辰 懇 左 允。 人 吏 官 致, 不 聖 辭 旨 之所 夏, 侍 年 切 今上 夫 部 侍 恩 癸 . 不 及 郎,先 十月 已有旨 四 尚 己 准 有 養。 弘 鮮 量 未 允。 拜 名 卿 卯 書 人 致 旨 覆 哉 矣。 而 履 四 應 繼 才行 春 仕 後 有旨 到 後 勉 俄 所 月, 任 用 大 0 嘗 任 召 T 留 着 改 以 統 有 素 連 先 未 爲 亥 辛巳 吏 蓋 F 曲 亦 司 如 著, 「准 攝 公竟 春 幾 部 吏 萬 成 緊 惟 私 仍 何 部 「復以 部 邦 三月 右 者 暫 到 心 復 聞 古 月 事 尚 捐 胥 侍 望 如 有 任 訓 雅 先 給 慶。 武 館 郎 是 之 慕 久 禮 此 省 公 管 食 1

> 其見 典。 業。 俟 IE 道 是 得 遠 不 聖 + 之 志 0 矣 附 正 風 7,亦 非 於言者,孰 人 乃 所 於 平 録 學 巡 化 ൬ 其 事 是 生 撫 非 蓋 爲 所 大 不 於 爲 謝 有 無 惑 L 卷 都 係 乃 性 説 絶 所 加 吾 所 誠 著《 御 所 命 塵 能 於 不 尊 欲 史 之 絆 若 固 分 非 困 用 以 禮 使 净 理 是 知 外 淺 其 繼 知 静 峰 縉 實 之深 莫 記 嘗 小 也 續 誠 坐 張 紳 理之不容易矣 \leq 垂 敢 切 公岳 Ш 學 切 微 前 自 究 甲 力 不 閣 子 哉 非 辰 之 之 後 心 勉 爲 9 道 之冬,行 殫 緒 凡 風 率 知 請 而 矣 六 同 雨 某 以 白 存 明 未 卷 心 晦 世 問 趨 以 斥 遑卒 心 并 之 於 似 正 年

之,使 爲 何 同 疑 大 手 里 ? 近 後世 曾氏 筆累, 得 緣 危 素 子 ,生二子琰、 疾 無 孫 乃 功 久 自 由 業 而 誌 是 可 不 其 而 記 解 珝 生 知 將 卒 聽 有 之 來 天 我 女任潔, 不 概 所 足 敢 命 矣 刻 以 適 碑 而 何 萬 懼 初 藏 銘

道之碑,兹不複出。 者。 鈗。 微言細行,動 安劉宏,壻、 企、佸、偲、位、以,孫女四人,長適蜀江歐 女端潔,適同邑凍 其世系之詳,具載於先祖考及先考神 曾孫男一人申孫,曾孫女二人。平生 女俱 顧準繩,家庭子弟當有能記 先 卒。 溪 尹 繼娶 廷。 臨 孫男六人份、 潼李氏, 之 陽 生

卯向,去家僅五 月十九日丙申。墓在 巴,考終正寢,享年八十有三。 右誌作於丁未 夏 里。 29 月十 三十都 六 E 桃 丁 葬以 圖 酉, 之原,酉山 戊申 越 九 春 日 2 <u>iE</u>

困知記續補終

書重刻困知記後

云。 丞 一海 虞 太 陳 率 整 公 嘗 菴 先 刻 之虔 生 羅 南 公 矣 所 著《 粲 又 困 刻 知 諸 記 家 塾 中

談 白 故 末 視 所 不 得 其 流 如 經 得 簡 已 直 辭 之 弁 者 也 或 害, 焉 髦 確 折 日 無 抑 . 爾 其 衷 而 君子 所 有 是書何爲者也? 將 矣。 於 (説 救世之志焉。 回 棄 程 ,懼焉。 互。 詳 然 之,猖狂 朱之書。 ¨, 其 則公之學奚 公豈 剖 是書所 析於 好 恣 今之 辯 夫自 睢 異 曰:公自 哉 爲 爲 同 宋氏 師 作 之間 新 ? 平 唱 公亦 學 白 以 1 識 日 來 者, 和, 是 有 其 明

> 學 識 之。 之, 理學獨 真。」 四 미 所 公 卷,曰「困 也。 教, 自 吾媿,又以 師 吾未知所先後 讀其 粲無似 斯言 得 程 因 刻且成 薛 者 朱 獲窺見 書 者 文清爲 也 多 知」者,公之謙 矣, 也 視 得 知 日 ,録公所 諸 其 侍 是 公自謂 故 而 稱首。 同 用 公最 編 也 深 力於 志,期共 思 丽 而 貽 也 晚 力 深 其 精 手 愚 斯 踐, 也 非 嘗 嚴 醇 之 書 惰 道 勉 歟 辱 之 又 附 縝 且 不 不 ? 專 精 其 文 密 E 爲 與 (後,既 進 且 以以 乃 空言 未 , 殆於過 明 《記》 興, 之 見 以 也 能 凡 以 爲 方 其 則

嘉靖丁酉冬十二月望吴郡後學陸粲謹

識。

讀困知記後語

者 言 識 我 有 不 歸 E 之,及其知 也。 弗 往 口 以 道 於 以 文, 能,是舉夫人而 爲 行 ,爲達德 知 也。 或生而 天下之物,莫不 步 畜 非 以 德, 謂文 ^ 畜 易 之, 趨 日 知之,或 其 其 不 無 也。 非道,不可 跛 德。」 絶物 疑 大畜》 於言也,爲 者 於 夫言 有 棄之也。 可 耶? 支 學 聖 日: 企; 離 理,亦莫非吾 丽 愚 者 行 也 是 馮 知 相 耶 曷 通 ; 君 故 之,或 風 去 君子之教 謂文非文, 訓 託 子 爲 御 遠 而 以多 今夫 氣 「夫子 矣, 載? 公理, 困 心 識 力 行 之 而 而 由由 邁 博 + 多 前 亦 爲 知 理 同

> 者 外 乎 之,而藩 也 人 交 所 同 之,不 而 也 本 末 亦 知 遂 必 行 辨。 乎 相 -因, 木 此 而 滋 亦 先 其 人事 後 液 有 矣, 之易 序 而 , 見 溉 内

學盖 乃 其 以 問 又 甚 有 徒 静 學,不知約之於 問 如 焉 養爲尊德性,遂流於空寂 後世 于 我 今盛 者。 之, 者 言學者, 愈覺 耶 人情 矣。 -茫 嘗 大 心,已失朱子之本 大 然。 抵 闡 率 其 厭 有 嗟 説 膠 乎 擾 而 未 則 而 以 天 解 樂 讀 主象山 下 於 徑 書 至 直 心 爲 就 陸 面 道 加

誠 情 氣 即 愚, 轉 分 謂 折 殊 繼 亦 得 以 處 「人之知 時 見 整菴羅公《 觀 有 理 之, 耿 之一, 識 耿 印 焉。 諸 不 困 謂 容 經 知 己 傳 有 道 記 輙 心 無 讀 自 爲 弗合 之, 疑 謂 性 謂 胡 理 者 爲 當 格 心 雖 於 爲 而 物

氏之嚴, 以信言也。 然耶? 道,而 誠 平, 胡 有如玉之温 居 爲 夫焉有誠 知公之得於格物者,行足以信 鄉有陝、洛之化。 已又思之, 而 公立朝有羔羊之節,正家 同 ? 將 而 言 異 非 七無賢 所 者 知 爲 至 以 蚤歲 明 障, 者乎? 不 道 肖,莫不 圃 剛毅, 也 同 有 鐸 者 行 其 未 心 柳 晚 乃 所

偶

異?

渴 飲。 鞭授綏 於戲! 公之示我厚 ,以相從於赤幟之下 沙 瀰 杯 矣, 水, 因 頓 以 覺 志 也。 無 幸 期, 非 饑 日 能 食

執

言也。

嘗聞

服其

更和

院 歐 陽 右 鐸 副 嘉 識 都 靖 御 丙 中夏 史 奉 勑提 五 月戊 督操 辰 江 賜 兼 進 士南 管 巡 江 京 婣 都 生 察

困知記後序

誠 惟 以 辭 誠 獨 也 極 玩 IE 惑 緯 致 求 聖, 立 IE 心 竊 世 墜 道 動 察向 片 之 歎 目 匪 誣 是 緒 惟 明 言 本 彌 服 聖 民者 故 真 獲見 中 弗 開 之。 義 弗 精 E 折 荷 積 自 之 學 之 整 力 先 弦 升 趨 也 執 必 菴 久 生 有 此 堂 ጠ , 中 悉 先 口 凡 恒 洵 客 覩 褆 融 其 生 以 貽 異 恐 真 奥, 克 身 會 是 出出 少 説 儒 有 復 續 貫 惟 息矣 微 是 編 之 過、 哉 忠、 編》 通 敬 闡 近 辩 粹 不 恕、 是 卓 理 至, 之必 匪 然 盖 及。 敷 有 亂 格 敬 其 復 定 真 究其 弗 式 理 出 遜 加 致 松平 足 克 志 居 展 Ŧ

> 離 者 者 誰 不 殊 池 口 有 涵 高 識 明 指 與 不 眩 視 養 通 口 趣 甚 固 歸 摘 勝 後 光 本 濶 抗 知 或 塞 夫 至 不 言 其 生 景 失 吾 源 異。 丽 步 存 以 足 則 足 未 自 者 好 起 道 而 乎 主 論 矣。 虚 淵 以 於 忽 志 事 詭 必 其 敬 羽 精 在 源 一念之 偏 隨 中 於 人。 翼 爲 志 然 義 發 深 失 衆 E 川 聖 綴 不 則 者 策 造 則 學 觀 純 流 經 止 求 好 决 獨 滯 以 塲 有 粹 是 士 賢 此 科 正 高 卒,卒 得 朱 欲 經 麗 傳 者 學 因 間 子 其 以 竟 者 生 志 於 之 終 依 之 有 所 於 流 靈 則 今日 辭 微 以 讀 古 資 傳 見 之 浮 覺 偉 斯 爲 意 常 禀 書 弊 註 爲 又 華 矣。 頗 編 新 英 新 較 略 將 道 或 爲 利 辟 奇 明 同 有 支 心 無 達 顧 差 晦

歲 如 楓 察 極 Ш 章 無 公、 似 第 虚 念 齋 切 蔡 緇 公, 衣, 數 君 獲 子 承 必 顏 接 詞 近

請借以爲贈焉。 言于朝,今附 冢宰。 猶,察往往躬得於聞 心 力,未能摹寫其妙。 是編豈後世之文學 於嚴侍,則司成如遺; 感其持正。 易氣 、從容潛 而端莊之操,清 比于先生,益 題 玩, 世之有志者、試 末 簡, 而 미 見。 始終典學,得其精華, 無 以 介石於感時 肅之行,經世宰 匪 以 擬 有 用 日 他 倫 本 阳 仰 説淆 哉? 者如 好。 止。 即 焉,不 是 是,然則 察昔 第乏筆 則 夫 編,平 ·物之 愛 峻 將 昌 辭 日

 有所

感發

興

起也

夫

一三九

困知記外編

壽太宰整菴先生羅公七十序

非 于 其 指 得 時 覇 學,均之求 今益 天道之常 角 中 · 而 位 臣 自 恥 而 必 夫 異 藉 尊。 周 立 辨 端端 居 者 也 强 道 遂其 之 覇 平 昔 微 大 與 名。 過 與 孟 争 以 加 勝 可 子 角 覇 矣。 假 元 减 心 者 陳 臣 夷表 焉 興, 王 然 何 泯 覇 爾。 道, 自 如也 也 宋 章 儒 漢 ? 朱 論 朱 故 必 以 子 繁 其 僭 抗 書 來 申 人尚之公, 圃 侯 術 高 崇信 IE 覇 雖 自 玄以 之咎易 學 儒 白 至 競 當 力 邁 而

> 失傳 者乃一 矣。 之緒, 厭 弘治中,士 申 奇 訓 象 見 經 Ш 盛 之 之 而 卑 獨 厭 典 圃 造 文習之痿 義 談 微 心 創 學,是 格 内 而 物 主 倡古: 之 詳 故 解 慨 而 作 外 剽 顔 行 後 禪 嗣 略 悟 起

故 枘 釋, 介。言 矣。 知記 虚端 用,愛敬 心之用, 整 君子服 合理 言 一,我 洋洋 **%**0 整菴 揆 道 之位 動 氣 摘 矱 天之 得 其行 先 哉, 矩 以 無 似 者 生羅公, 造 易。 明 召之不 其 性 理,故曰 天人。 加 真, 武 之理, 士之嚴,貳 信 榮 夷 剔 其 與 就 耆 之 僞 詞 達兹 良。 是 利 年 衍 正 著 曰 IIII 譽 乎 實。 銓 四 析 書 謝 與 1 之定 者 心 政。 四 毁 其 公 性 知 篇 圃 不 日 莊 能 以 群 天 雖 與 日 辯 子 言 心 時 思 重 ^ 之 累 方 統 儒 者 尚 困

今甲午歲之臘,公之壽七紀,仲子參軍

預生 天下 直 僻 必 朴 珝 享 散 IE 自 温 遐 弭 之生久矣,一 圃 ,學趨於時。 而 京 之者 柱 期 名可要, 間 師 下之無 末 以 一,豈其 士 伻 則 造 盖 徑 恝 治 IE 上 鄴 無 於 於 淆 驕 所 索 道 博 亂 而 不 銑 之 約 故 下 用 蕪 或 否 天 好 其 言 囿 然 乎 竺之空,要 私 慕 以 於 ? 則治 世 情 獻 氣 將 我公其 3 亂 消 銑 夫 於 邪 聞 走

相 在 銑

所

謂

乎

菴 老先生八十 -壽序

於 物 及之遠 和 也 於 煦 君 子談 前 寂 今夫草木之生,雨 無 寞, 意 後 世 相 霜 生 道 遭 雪 意 必 而 不 盎 先 適 得 然,至其 風 以 專其 露 教。 相 滋 成 威 震 盖言 猶 之矣,必 也 林 風 盪谷, 感之速 之行 君子之 披 斂 於 拂

> 約 亦 甚欲 於 動 人也 者 且 退 此 其視 君子之風 感然悔悟,索然潛 ,可使遠者慕,近者化,縱懷不肖之心, 而 有位 亦 道 愈隆 然 得 披 當 志者、 拂之 京處 其 之常 勤 人之所不能,而 與 施 震 沮,有不待言説 篤 盪 無 惠 亦 足 怪 澤 何 生 也 以 薄 民 惟 人之所 加 而 制 夫 身 非 群 要

十,上 以 司 去 進 往 菴 子 一,而 盖 羅 必 飭 時 不 六十告爲最 朝廷 勵 能 先 有 今制, 仕于朝者, 七十 聞 始 先生有 生自 存 舍, 知 夙 加 更定禮樂,天下文學之士 問 有 夜不遑,即 嘉之,特命守 屢 侍 , 是請 明 而 召 從 鮮 哲 以 不 登太宰,年六十遽以去請 1之幾。 故 太 應。 大 宰 老 臣 被是 不爲 且 家 積二十年,年且 臣 邇 病,不 -致其 居,八九十者 及 來 重其 命 門 邊 爲 舉 事, 境 可 尤鮮。 位 自 禮 多虞,百 而 顒 前 引 如 大 然 重 制 其 天 臣 向

進 免於 節 處之節 之士人祝之以 官 也 始 朝之公卿歌之以 不 而 于 則 ·荷 知 1 如 上 無 蠧 有 舉 於處也已, 是 士有 亦 疆 · 是禮 戾。 退 侃 莫 其不 一將謂 休 廉 不 侃 乃 之樂。 故 隅,士 然 日 先 輕型 矜式,邦之大 天以 吾其 先 人 稍 於 生 典 不 著 以 有 出 刑。 生之安 莫 先生風世道 口 獨 于 聖賢之學, 廉 也 不 以 重 天下 隅 己, 自 日 其 病 有 其 夫 則 壽 於 吾其 矣。 先 先 樂 頌 民 俗 而 生之 也 日 有 生,而後 也 之以考問 重 夫出 미 不不 有 如 其 所 决 以 於是 勉 賴 是 賢 亦 利 處 於 焉 以以 有 出 口口 其 鄉 於 幾

祝 行 頌 事 洪 以 鼓 先 敢以 舞 幸 不 而 不文辭。 怠 生 是 且 鄉 喜 斯 又 世 幸 皆 爲 有 口 遭 姓 嘗 也 故 竊 於 取

詩

經 人 木 勤 得 榻 側席 友 歲 功 千 深 成 年 曾 早 外 幾 納 同 尚 团 尚 四 書 父載安車 海 憂 履 草 民 庭 道 春 直 飯 在 頫 餘 不 删 教 儒 空 除 者 使 書 聖 六

宗晚學洪先

又 序

與 禪 哲 使 故 人 斯 德 ,皆吾徒 辯 之而 以 符 昔之 民 道 爲 自 衺 之先覺 人莫不 異 也,故辯 由 端端 而 年 歸 鄉 永, IE 信從 如 原、 之而 則 伊 由 楊、 吾 尹 確 人不吾信。 今之異 是 誰 以 墨。 望 己。 趋 皆 與 明 端端 ? \sim 非 書》之「帝 則 五日 援 夫 自 必 徒 篤 天 非 儒 也 將 位 生 人

易。 儒 欲 胡 迪」、《 言 爲 書 於是 本 寔 詩》之「天 轉 自 初 成 仲 無 明 圓 尼 帝 所 覺 删 謂 所 牖 頓宗, 述之 禪 得 , 覺 四 盖 經 吾徒 者。 + 言 尚 覺 且 一章始 由 反 也 擯 晉 援 至唐 而 之以 其 乃 不 言 若 信 爲 剽 以 漢 簡 又 絶 譯 竊

何

辯

之可

施

乎

吾之. 以 廓 其 必 經 羅 歸 而 於 然 書 有 似 事 公于 作 養。 爲 是 知 圓 躬 大公,物來 而 佐 日 之非 覺 爲 不不 行 東閣 辯 嘗得公所著《 生 :「天之覺民 之説 應迹 加 其 也 必學古訓 晚 後 以 ,若徒 視 其後 何 爲 非 順 初 者 爲 有 有 應。 人 公公 ? 得,公則 是。 爲 言 翰 而 困 其 明 林 如 知 以 後 吾 知 彼謂 夢 嘗邂 儒 農 明 爲 在 而 記 幻 覺 泰 不 内 有 公 求 **>** 泡 貴 宗吾自然, 而 爲 外 獲 乎 和 諸 近太宰 影者 一、公則 力 讀 , 佐亦 合 自 實 之,三 行 然 踐 彼 之學, 則 證 整菴 謂 加 亦 棄 奚 必 辯 不 歎 官 以 致

> 起,佐 天矣, 世。 健 公生 謂: 言 公足以當之。 明 不 家傳 「保衡 天下之民 一夫惟 自 衰 公之 於公重致望 將 所 成 使 人 久於 化 德 謂 壽 誦 斯 Z 望 一天 耈, 民 盖)酉,距 其道 且 將 在 終 公 壽 焉 使 百 天 有 被 衛 平格 衺 今甲 下 纮 有 攸 堯 道 者 其 , 餘 賴 舜之 之功 佐 自 辰 化 焉。 歲 無 自 此 行 所 澤 亦 伊 容 迄 IE 年 繇 昔 論 尹 于 八 成 則 既 皇 確 之 +, 與 沃 憣 格 甫 者 而 後 然 于 Ţ 謐 其 自 而 皇 興 惟 之 今 此 立 康 氏

南海黄佐

又序

行 鄉 四 自始學之年, 方,以至於佚 鄉 譽 之 難 得 以 老 也 至 無營,皆其黨里之考長 尚 於 矣 能 强 立 今 不 夫 反, 士 自 生 其 壯

業 之 其 大 望 難 豚 甚 輕 有 尚 父 所 童 人 母 磨 口 於 至 微 短 魚 子 稚 振 趋 勢譽 揉 攝 先 摘 疵 ,不輕予 長 所 同 天 繒 而 漸 之行 然大人先 響 天 生 産 習 下 聊 異 難 相 影 下 漬之力 以 見 岐 億 援 於 素 之 峙 而 友 而 其 潔 萬 乎 議 節 ; 聲 裝 恭 狎 居 子 莩 年 叢 而 鄉 生 而 綴 , 之名。 又 聞 處 以 繩 之 媢 徽 而 起 里 種 莫 者 昭 相 孝 譽 根 難 忌 愚 種 不 往 不 無 綴 名。 也 歡 於 夫 矣。 图 旋 能 况 繇 往 疚 0 '潾 收 愚 而 漏 於 與 息 乎 之學 群 遏 莫 鄉 之 婦 故 成 纖 其 穹 鄉 抑 親 居 而 里 異 毁 之 信 爲 鄉 壤 里 搋 不 暇 於 樹 愚 情 衰 心 不 也 喜 。 習 昆 相 聞 日 楷 夫 隆 莫 難 ; 終 道 弟 遐 世之 愚 即 智 之 嗜 慈 於 持 始 遇 異 婦 不 感 有 異 不 於 其

年。 懿 行 以 鄉 之 自 菴 志 先 規 生羅 士 淑 才 紳 其 公, 志 欣 致 意 幸 太 頗 得 宰 異之倫 師 里 居 咸托 者二 亦 其 皆 緒 + 懼 五

行 亹 倦 公也 歟? 無賢 之人 之善 利 自 不 意 鬯 如 至 公 免苦 訓 得 菽 勃 相 禮 + 頗 知 被 而 辯 者 不肖, 焉 異 其 粟水火之常 其 亦如 無賢 尚 天 以 與歌 命 天 大 好 之 心 所 自 昌 容 F 行 寧 子 費 之,其不善者惡之。」 倫 爲 悔 接 求 不 公。 恃 積 率 者 詠 抵 詔 思 辭 前 者 糲 觀 肖,率 不 自 亦 其 以 欲 撫 之爲。 粱 於公, 不 鄉之志 盖 盛 莫 難 不 竟 挽 充 按 間 欲 月 且 而 惑 欲 彷 世 不 不 嚮 臣 日 其 嗜 離 徙 焉 溺 奔 其 用 孝仁信文,建 策 風 及 父 孔 士才紳 鼎旨 去。 圖 盖 景 歎 染 純 然。 己 雅 門 母 子 之 公 附 粹 歆 而 化? 以 昆 存 著 不 日 未 聲 復 羨 3 聽 新 風 弟 間 書 . 遑。 公何 未 嘗 應。 之 其 學 益 來 謂 數 之言」若是 其 嘗 不 故 爲 議 以 晚 學。 信 諸 頌 爲 萬 頃 爲 峻 生 以 少 人 如 論 作 公也 躬 當 言 之總 咈 絶 誦 始 者 使 鄉 牢 其 德 公 之 其 古 忘 雖 廖 鄉 志 秬

幾 盡 付 駭 子 出 朝 與 之公卿 諒 托 處 常 懋 平 之 清 彻 深 有 水 厚 節 論 首 9 土 之 寅 徒 教天 而 · 正 亮 風 知 操 之業 惜 人 並 下 海 奇 公 心心 以 牛 内 論 未 者 之 其 尚 前 者 究 才 未 鄉 同 廉 自 經 彦子 憂 知 之 耻 難 綸 患 公 越 而 於 衛 衿 9 非 罔 其 不 道 斯 直 負 知 徒 範 之 學 好 公 先 知 車 力,庶 斯 施 誦 世 此 其 今 公

嘵

嘵

而

已

之 者 媿 節 就 諸 屑 白 淑 乎 世 性 之 列 乃 志 日 誨 敢 X 昌 + 退 下 邁 如 暢 積 事 公之名澤當 獲 未 乎 此 幸 公, 心 免 嘗 ? 無 産 則 下 不 公鄉 論 謁 彼 流 望 汗 世 鄉 豪 之 見 下 荷 責 與 傑 行 公廬 竟 具 穹 有 志 世 之 爲 夕 公 幾 之人 之 得 壤 多 親 也 微 景 私 相 於 戚 終始, 玷 先 行 親 噫 寤 由 子 嚴 志 若 炙 是 寐 弟 此 者 檢 又 以 賴 即 而 不 承 則 能 積 公 强 嘗 無 獨 愚 德 干 不 顔 他 從 不

當時之達尊,多歷年所之壽俊也已。

眷晚生陳昌積

明 故 子 太 吏 保 部 謚 尚 文 莊 致 羅 仕 公 進 神 階 道 榮 碑 禄 銘 大 夫 贈 太

言爲 德 仍 禮 或 風 初 以 司 之 格 誉 嘉 加 退 公 代之 殊 既登 峻 葬 賜 靖 有 則 致 整 數 廪 Ţ 明 遵 贈 仕 師 未 宿 也 八 雅 太 隸 袠 四 德 天 反 純 操 子 月 君 子 碩 詔 貞 躬 古 至 太 子 儒 特 實 肅 遣 而 是 保 + 謂 日 踐 守 給 節 信 進 四 謚 太 於 臣 月 惟 聞 則 則 日 宰 H 奉 鄉 廪、 公實 崇 行 卒 整 文 詔 牢 節 爲 歲 莊 賜 醴 談 年 菴 克 物 振 隸 道 諭 及 先 八 之 盖 稱 邁 祭 著 門存問 + 生 以 軌 之。 褒 而 論 羅 有 賢 示 毗 命 公, 崇 公 優 好 則 於 有

兀

六

學不倦,不知其衰耋之將至者耳。

精 轉 望 尚 翁 京 職 侍 公 義 端 肅 退 m 當 久 奉 召 書 年 左 吏 爲 而 即 重 (之,不 改 部 益 侍 民 行 蘭 擢 閉 廷 公諱 殊 抵 時 禮 對 右 溪 户 高 郎 南 異 任 論 部 侍 瑾 以 章 讀 欽 京 忍 賜 舉 公 稱 即 前 年 誅 父栗 郎 公 尚 書 順 或 去 弘 進 歸 重 馳 後 + 懋 書, 子 改 復 土 治 字 不 養 連 疏 因 爲 四 齋 司 職 充《 吏 事 及 未 壬 之 允 攝 乞 祭 9 疏 翁 部 業 第 子 交 題 升 行 志 休 部 實 酒 乞 由 年 ,吉之 謁 授 右 江 其 益 篆 便 録 南 終 IE T 高 侍 深 西 門 切 養 養 > 京 翰 已 容 栗 副 甄 見 郎 鄉 得 嶷 太 林 泰 端 有 翁 别 信 薦 總 丽 拜 請 常 詔 然 編 和 則 憂。 裁 人 今上 逆 第 重 南 允 勉 少 奉 脩 有 人 才 瑾 之。 是 卿 六 歸 事 勉 京 公 0 服 則 怒 時 咸 多 館 吏 陞 輔 於 明 每 少 翼 位 既 栗 部 極 南 留 咨 之 年 奪 以 朝 即

> 者 其言 足。 古 有 我 理 流 數 慕 時 則 懇 仍 餘 之 榮 + 矱 似 之 學 屏 辭 以 今之論 聖 無 是 議 弊 者 上 禮 居 利 於 其 精 部 哲 易 將 持 却 如 無 是 圃 學 微 起 墮 論 掃 此 識 得 斥 罔 者 、公未 術 於 衍 高 人 其 旨 惟 不 不 以 奥, 異 自 戲 虚 虚 毫 識 致 研 戒 同 是 謂 釐 誕 根 仕 至 精 不 慎 署 江 干 員 道 0 世 極 聖 屑 作 省 不 右 里之 理 明 盖 復 之不 之 業 古 冀 察, ^ 部 朗 要 公 改 君 木 訓 幸 窮 使 謬。 審 徹 率 吏 子 明 知 辯 其 簡 探 部 時 記 諸 必 取 兩 禪 復 智 理 時 約 直 終 有 諸 都 出 悟 而 若 性 習 巧 是 己 身 能 之 臺 公 横 波 趨 干 言 辨 而 學 患 乃 諫 不 具 卷 頺 出 之 不 近 其 而 近 章 帯 疏

是 規 倚 由 考公平 之 以 取 丕 變。 平。 生 自 中 由 奉 史 更 常 館 仆 以 而 抑 歷 陟 秉 或 小 志 宰 學 弗渝 則 則 官 + 榮 常 行 進 或 雍

靖 容 相 化 聲 群 中 天 屢 於禮 絶 謹 (,食 下 淑 丞 從 得 辭 皆正 公先 , 怡 爲 飭 失 恒二 去 宗 讓 念 究 怡 就 叙 卒 子 初,公 戚 也 家之 簋 心 如 惟 揖 率 仲 姓 生民 潔 也 服 畢 之 每 語 弟 僮 昆 無 而 平. 之休 孺 端 憲 然 方 弟 侈 興 日, 疾 公 使公亦 坐 屬 三人, 罔 麗 於 呕 戚 雖 疾 觀 IE 不 孝 居 蚤 舉 書。 衣 守 固 乃 並 敬 未 無 退 手 其 冠 未 自 起 老 臺 Ė 雖 鄉 約 嘗 而 作 高 升 乞 榭 巾 獨 間 考 而 誌 休 學 科 而 則 處 歸 讌 日 論 古 卒。 繼 季 之 德 於 集 無 不 政 樓 弟 謙 以 義 而 無 惰 以 務

導 次 氏 教 吏 部 珝 贈 右 祖 父 馬 封 侍 栗 祖 及 皆 湖 郎 父 諱 翁 夫 知 俱 寧。 妣 人。 府。 諱 以 皆 公貴 用 祖 子二人,長 淑 女二人,長適 俊 諱 人。 鐸 贈 由 封 元 鄉 由 配 通 舉 鄉 琰 曾 議 舉 歷 萬 引 氏 大 任 任 安 禮 夫 繼 或 黟 劉 舍 子 縣 配 南 人, 宏 李 訓 京 助

> 孫 佸 次 女二人。 適 偲 同 位 邑 凍 以 溪 尹 孫 廷。 女 四 孫 人。 男 七 曾孫 人,偁、份、 男一人,曾 企

嵩 銘 取 無 出 昔 其 之 似 緊籍 所 有 將 原 以 以 忝 爲 諸 戊 子 誨 學者特詳 生 申 珝 言 年 繼 銜 E 哀 在 爰 月 屬 詞 述 焉 + 垣 辭 蕪 九 亦 詞 曲 刻 日 以 成 諸 以 見公之 葬公於 獎 隧 列 挹 首 休 之 志 美 邑 顧 碑 也 桃 而 44

崇。 宰 宰 其 大 知 説 耋 夙 政 趋 有 孔 公既 卒 記 年 維 熾 志 聖 世 踰 隱 斯 昭 則 有 逝 不 其 道 我 矣 踐 多岐 學, 有 身 塗 脩 皇 深 碩 軌 不 眷 名 造 哲 所 理 己。 愈 振 尚 敏 萬 折 孰 隆 當 求 殊 滋 衷 公 閑 世 異 群 繇 雖 斯 昔 行 明 言 壯 退 潰 欣 也 誠 高 至 佚 析 存 妄 兩 古 老 人 問 嗜 進 翼 物 人。 毫 新 望 翼 光 斯 不 縷 水 動 愈 踐 其 太

日

知 記

遠 而 宸 綸 關 梁 木 洛 今也 斯 摧。 衛 卹 道 哀 勒此信 立言 澤 濡 辭 泉 以 扄 惠 萬 禩 來 進 學。 無 則 隳 伊 典 皋 刑 退 日

袁 郡 嚴 嵩

吏 部 生 尚 像 贊 贈 太子 太保謚 文莊整 菴 羅 先

退 賢 的 今 淇 舊 行 寵 睹 澳、先日 志 無 章 口 從 驚 褒古 公貌 學。 不 儒 謙 不不 忘。 公嘗 者 民 譽光。 貶今,毫分縷 既 意 矩 寐 疑 辨 文 自 矱 遠 何 寤 言 以以 必 畛 思 司 懼 域 布 存 馬 名 四 理 粟 辭 洛 益 + 爲宗。 昔 豈 析 黨 陽 始覺 謹 拜 儀 當宁 碑 日 公堂, 行 則 公貌 孰是 藏 珪 木 知 彼 知 璋 先 眷 聽 在 小 此 訓 誌 顧 目,公言 厲 物 式 欲 位 墓。 即 克 心 言 進 明 衛 勤 温 正 武 身 有 聖 能

> 在 可 書 不 朽。 0 肅 小子 穆 公 神 且 興 對 矧 越 嗣 儼 如 0 身 有 準 繩 皆

祭 太宰 整 菴 羅 文 莊 公文

瞻 譬 子 望 孝 苟。 公爲 用 與 捐 及 敬公, 公,如 彼 友是 易 天。 見 薄 肆。 又 内 稀 公 曰 俗 如適 得之 先。 天 家, 0 書 歲 郊 永 未 嗚 推 有 見 絶。 時 知 外 呼 定 途,爲指 而 原 心,不 作 麟 間 傅 所 理,而 -始 於天,小 止 位 勞。 學。 之 仰 語 自 在 啻 比 嚴 思。 默 迷者 少 接 冢 出 矜 心 爲 有 宰 心 顔 幻 式 口 無 之慕者,卓行 雖 公之立言,不 聞 年 勿貳。 焉 色, 國 敢 無 行 儒 弗 慕 退 幾 厲 雖 佛 以 虔。 公如 然 大 色, 咸 故 幻 由 之辯,本心 恂 耋 賴 爲 公之行, 子 榮 恂 渴 有 心,其 弟 禄 矯 四 造。 在 具. 方 早 天 不 知

公靈 孰謂 故 言 必 後 煩 成 意獨 此 戒 下 進 身, 終 忽 今 何 越 愛 世 身 己 爲 歲 方依 而 至 可 復 報 不 不 年 師 得 德 肖見公,公 弛 中 出 斯 地 尚 心 使 而 人 牖 以 以 如 公 闡 其 負。 節 遽 類 公之計 明 束 推 車 遐。 不 芻 先 余 歸 服 之哀 鳴 弦 公能 棄 于 以 呼 索 陳 時 尚 然 自 言 阻 是。 0 喪 全 且 於 雖 小 神 凟 多 期 物 不 如

又文

病 面 明 蕩 前 聖 圃 之歸 教 土 E 昧 微 習 自 嗚 IE 得 加 呼 襲 0 歉 之真 記 後 躬 問 世 行 之 者 代 之實。 執 學 之 意 則 淪 教 見 溺 道 於 出 者 於 之不 離 於 則 口 故 耳 陷 明 支 故 夫 異 儱 離 端 學 或 失 之 起 桁 侗

> 漓 尚 述 有 順 人 與 宋 師 朱 煩 以 説 否 晦 或 理 迄 菴 不 m 學 失 于今, 繫 濟 陸 則 大 焉 之 象 虚 明 以 侈 Ш 後 其 角 周 煩 之學于朱、 真 所 勝 飭 程 積 由 之 虚 至 力 來 流 私 矣 行 遠 弊 説 矣 陸之門 皆實學也 並 始 延 無 平. 其 騰 論 之下 而 者, 漢 道 唐 著 則 H

得,有 若 如 决 矣, 不 及 薛文清 必 平生得於 柘皆慕 見 成 至 如 論 陳 有 理 之仰 白 如 學, 師 沙 一君子 吴 友 之,第 則 康 所 踐 陽 ·皆予 尊信 齋 明 履 未 篤 所 志 者 甘 及 實 願 則 大 泉二 在 學 識 議 門 志 精 論 公 恨 以 真 晣 平. 生 罄 力 深 也 正 矣, 其 勇 造 説 晚 自 果 備 有

古

水

晚

生

羅

洪

先

之 嚮 有 正 往 整 久矣。 菴 弱 辭受之嚴 先 冠 生 宦 一者,好· 嘉 京 靖 鄉鄉 師 癸 古 卯 里 與 之勤 還 稱 四 之, 朝 方 學 力 道 天 者 行 泰 下 游 信 之 和 之 實, 竭 則 予 進 又 日 心 退 知

之語 習》, 之學 益 乃 聞 湛 不 必 領 杖 日 Z 聲 事 有 款 程 厥 \equiv 不 已以 欬, 告 忘。 恐. 著 湛 先 識 之才, 悟 迓 遂 述,間 之者。 之《 停 别 生之言 而 未 而 謁 罪 襲 雍 惇 見 素 雖 口 擯 爲 其 之 語 誨 未 有 願 摘 若白 斥 不 論 以 素 論 \approx 慰 克 而 可 遂 爲 皆 失 矣 成 疵 沙學宗 確 及。 歸 皆 至 弟 斯 之 援 立 有 舊 悟 則 言 計 子 也 引 遠 真 隱。 栢 後之見, 0 先 往 之 托 者 矣。 自 的 生 日 禮 還 先 然, 也 喻 相 夙 E. 生首肯。 泛 然 源 去 忘己爲 恙 乃其 敬 學之 Ŧ 天 及 登 日 源 未 下 服 之《 陳 堂 遠 請 瘳 泛 後 者 白 王 益 智 大 栢 應 世 傳 未 沙 扶

之妙 之幾 H 復。 以 可 丙 著 徴 午 夏 其 此皆 以 得 以 動 先 理 獨 静 生 得之見 體 分 手 用 書 殊 論 論 及 惠 心 性 至 於立論之 而 而 木 道 性 知 記 心 命 人 \approx 流 確 心 行 暇

> 耶 真 成 攻 實 於 辯 1 言 諸 栢 嚴 私 君 行 淑先 子 相 則 之 良 顧 生 教 工 豈 較較 不 獨 非 敢 苦 爲 所 方 之 得 擬 謂 力 心 故 獨 也 躬 窺 信 行 先 栢 君 益 生 子 踐 未 者 履 有

五.

0

呼 筵 泗 以 何 之 侍 敢 漣 1 斁 奉 詎 洏 奠 哲 思 庭 期 人已 千 闡 1 天 緘 里寸 示 不 訶 精 萎, 吾將 愸 靈 束 敢 心, 遺 不 帛 遠 T 昧, 萬 離 何 遥 古 未之 庶 依 將 峻 或 時 嶺 哀 秋 鑒 臨 長 慕 兹 遽 羹 風 江 之 闡 墻 悵 尚 誠 未 信 惘 如 展 立日 見, 涕 几 鳴

困知記外編終

南

海

晚

學生

何

維

栢

困知記附録

與王陽明書庚辰夏

得 何 某 本》、 恒 怯 而 示 其 用 於 其 他 無 幸 旨 爲歉。 《朱 話 所 似 昨 呕 言, 拜 未 也 歸 一讀 往 子 書,後 聞 -未 在 而 晚 者 去年夏 過 克 顧 南 向 年 尚 惟 傾 都 則凡 日 定 多 日 吐 不 嘗 有 論 ,士友有 始 敏, 所 疑,嘗 向 **>** 乃 蒙 獲 懷 日 再 今 誨 奉 編 以以 所 文 益 領所惠《大學古 以 以《 聞 尋 求 獲 面 珍 繹 傳習 第 并 歸 往 請 感 終終 書 讀 往 于 而 珍珍 録 多 其 未 未 》見 書, 在 病 决 能

> 示。 者,復叢 率爾之罪 將 集 不 徒 而 不 然。 ,度弘度之能 可 解 輙 敢 深 惟 __ 容 執 條 也 事 陳 所 仰 以 惠 煩 開 教

文。 明訓 但當 以學不資於外 凡程、朱之所爲説、 人門之際,便困 竊 之,曾無所 子之分章,而 之於外,聖人之意,殆不其然。 正心 惟聖門 求 切詳《大學古本》之復,盖 誠意」四字 文果内 之於内,而 顔 淵 設 用 教 稱 削 耶,外 求 夫子 ,文行兼 以 其所補之《傳》,直以支離 夫當 亦亦 格 但 程、朱格 有 之善 物 當 何 耶? 是 戾 反 不 資 不 段 於 盡 觀 誘 讓 此 博 物 Τ. 之 内 • 亦 夫 學 者 固 之説 省 有 以 於是 也? 曰 於 無 미 乎 ? 以 人之爲學, ? 「博 謂 不 難 文 爲 遂 何 辨 勇 務 顧 必 如 我 厥 去朱 免求 矣。 經 於 則 必 以 有 目

「不」,原誤作「之」,據文義改。

五

復 亦 歸 歸 親 見 就 既 如 則 大 堆 既 於 之 于 其 以 此 從 有 學 疊 誠 繳 IE 事 此 正 此 而 》之始 要使 也 而 矣 繞 而 訓 文 爲 而 而 無 格 迁 正 推 之 之 必 皆 理 之, 用 総 其 曲 之, 盡 内 訓 荷 盡 當 乎 此 不 而 夫 而 IE 夫 能 日 尊 如 正 難 天 其 不 : 信 誠 天 即 日 明 理 事 外 意 事 理 以 ... 物 矣 又 親 即 歸 以 者 IE 則 意 之 不 盖 物 于 會 心 審 用 心 事 容 猶 意 正 歸 之 亦 如 之 於 Æ 不 未 之 也 目 既 其 所 事 不 有 及 用 處 正 訓 親 知 不 E 以 無 其 也 矣 字 正 者 處 弦 乃 爲 亦 即 惟 格 重 意 以 已 以 事 嘗 訓

物 物 也 物 彻 資 孰 自 生 非 渾 我 哉 然 出 mi 凡 乾 於 觀 吾 元 致 乾 物 之有 坤 萬 丽 固 已 物 此 物 資 身,與 其 夫 世 始 理 何 以 分 古 夫 理 至 皆 於 萬 觀 哉 乾 内 物 之, 坤 坤 外 之 兀 之 爲 乎 我 1 亦 理 萬 萬

之有 遺 叛 繁 至 性 是 或 易 格 矣 以 本 會。 盡 理 所 君 賾 己。 其 哉 與 於 之 誇 1 而 至 貴 然 此 真 内 父 丽 喜 多 否 是 夫 乎 於 學 然 於 見 凡 ,俗學 不 乎 然後 徑 治 格 而 者 學 天 惟 或 捐 無 乎 口 爲 可 鬪 物 所 是 者 則 淺 妻 人 平 惡 ? 彼 禪 文 謂 者 靡 是 當 聖 之 物 子 局 或 無 學 之 門《 使 庶 達 르 由 資 我 E 深 於 則 此 之 知 毛 其 以 之以 乎 道 欲 禀 内 溺 大學》之教 至 至 未 或 無 見 局 自 於 口 即 不 而 於 者 有 遲 之 髮 於 欠 陷 亦 是 其 以 齊 遺 外 皆 果 不 或 内 無 分 於 平 即 必 其 不 而 真 吾 速 I 圃 餘 之 禽 所 口 以 自 外。 遺 可 一之者 體 遺 夫 行 謂 殊 潤 貫 以 則 詎 其 其 而 誣 不 其 也 知 之 爲 之 溺 容 極 道 實 内 也 等, 베 外 自 止 域 是 於 而 又 明 則 以 天 有 有 誠 安 哉 其 下 口 心 禪 外 或 外 無 無 所 見 而 言 之 謂 見 學 厭 能 以 統 而 此 遺 大 平 正

今欲 使 可 夫 不 调 有 援 俗 志 學之 於 慮 學 聖賢 溺 忧 加 者 未 將 有 或 以 深 昧 杜 於 所 禪 從 學之萌 恐不

爲

之

詳,而 問 暇 孟 朱 謂 其 四 論 前 書 皆 集 子 詳 爲 學 晚 通 所 一字。 考, 書 則 註 年 年 定 主 見 又 監 立 以 詳 方 於 尺三數十卷之内 以 論 未 偶 論 本 爲 四 向 《朱 爲 真 今所 之太 或 考 止 斷 晚 裹 斯 中 問 得 子定 云 以 者 年 有 其 年 編 **>** 果 何 及 何 始 以以 此 定 六 所 刻 未定之説。 叔 也 論 晚 年 成。 是 擇 論。 京 爲 爾 学之 爲 年 增 向 宜 得 氏卒於淳 又所 後一 定? 此 今有取 來 編 至 亦 始 於 摘 二字 差 於 精 , 盖 克 既 此 年 取 誤 矣 ^ 羸 有 悟 ___ 褔 丁 於 以 集 答黄 軀 + 熙 悟 之 恐考之欠 第 其 答 酉 註 别 别 乙未 餘 餘 病 乃 中 何 不 × 直 無 加 暑 有 條 書 於 知 歲 而 卿》 據 定定 或 者 論 時 未 其 其 所 斷 以

> 此 m 定 同 本 所 序 愚皆 之説 指 中 否? 又 不 變「定」字爲「舊」 能 然 無 朱子有《答吕 非 疑 指 顧 ^ 集 猶 註 未 **>**′, 東萊 足 字, 深 或問 却 論 \cong 未 **>** 書, 詳 也 嘗 本 及 字 凡

白 其第三 書 書,亦 與 然若 是 然 恍 而 凡聖賢之書 爲 中 執 者 耶 若 騐之,則又 獨 無 ? 發 事 復 於朱子之説 决 有 褔 今皆 自 其 十二卷皆與 之 江 悟 以 叮 以 他 所 疑 執事 所 之 河 説 爲 不 見, 而 後 以 以 無 「其 姑 某 待 天資 放 不 自 及 未 固 安 自 有 諸 於 爲 不合。 序 近 敢 排 信 以 張 相 絶 海 實 不 者 世 請 其 爲 南 牴 出 體 明 諸 往 又 嘗 非 證 牾 無 軒 似 老 往 以 盖 而 諸 答問 虚 而 讀 益 先 揆 自 爲 日 平 卷 Ŧi. 語 語 生 精 之於 新 精 見 H 朱子文 末 經 書 也 不 之 明 明 不 灑 所 相 遺 理, Ė 的 四 書 落 疑 然 因 内 似 子 確 提 處 集 而 第 復 容 又 同 也 綱 未 讀 取 以 几 有 洞 沛 來

《論 其 其 明 百 姑 見 取 殆 振 間 然 决 般 所 取 辨 領 無 無 孟 之以 以 者」,安 道 也 以 與 以 尤 集 亦 然 理 出 成 朱 註 爲 偶 證 也 如 子 此 牴 雖 詳 然 成 其 知 牾 異 矣, 或 杰 也 學 高 不 以 之大 矣 其 耶 庸 論 不 有 爲 間 竊 章 知 未 毫 隙 凡 小 以 m 句 何 合 若 釐 哉 有 所 此 爲 ×, 之 以 故 謂 \equiv 出 F 則 \wedge 不 此 + 或 人,自 聖 獨 是 恐 先 百 問 餘 相 不 執 不 得 者 書 條 > 傳 爲 我 事 可 不 不 爲 之心 者 爲 執 心 不 精 容 妨 然 祟 詳 之 隨 事 明 别 不 學 之 於 所 過 推 處 有 則 所

之後 吾 釐 易 爲 之 之 知 見 差 之 所 又 尤 謂 執 盖 竊 Œ 昭 真 事 吾 以 在 昭 於 儒 草 面 於 者 昭 朱子之後, 廬 取 此 安 昭 晚 其 之 年 知 即 云, 所 説 非 草 見 其 釋 特 廬 以 端 氏 推 四 所 附 + 的 草 亦 見 於 年 與 每 廬 果 間 言 否 吴 有 之, 氏 合 鑚 良 餘 研 於 毫 未 條 以

豈 間 己 其 下 既 約 者 文 也 此 耳 知 獲 在 反 未 者 此 他 斷 口 義 文 有 求 科 親 也 能 矜 义 聞 面 乎哉 乃 見 人 諸 ? 之 炙 臼 安 必 則 魚 之所 夫 云 效, 爲 六 於 爲 欲 有 不 兔之 得 以 盖 而 庶 所 濂 經 悔 間 其 知 以 雖 殆 可 别 溪 謂 能 幾 ? 而 於 至 然世 斷 獲 前 + 不 以 所 有 昭 乎 與 後 則 此 H 以 明 謂 深 夫 所 與 尊 昭 ? 而 得 之 夫 之 發 繼 有 道 有 得 謂 者 他 反 真 之之道 之。 徒 其 鑚 續 未 其 先 且 儆 學哉 人 魚 追 積 之 又 研 須 事 生 吟 能 既 於 極 志 咎 但 臾 以 鑚 之 力 而 文 風 知 斯 筌, 力 則 之 筌 其 研 義 久 弄 高 所 其 言 不 於 間 間 蹄 所 爲 月 而 明 是 得 以 又 亦 使 也 鑚 面 於 禀 間 以 之 豁 非 純 則 尊 兔 安 然 研 有 不 人, 爲 斷行 然 趣 粹 見 之 得 忘 矣 抑 者 了游 知 須 而 多 與 貫 道 之 學 蹄 以 臾 草 反 於 以 不 亦 又 事 通 於 道 之 古 爲 廬 説 嶞 冒 牛 早 必 可 加

難 講 前 恐未 體 道 尤 口 安 難 於 0 道 所 見 誠 未易明 ጠ 遂 以 , 爲 而 學 柳 則 誠 也 不 미

暇 甚。 與之 其 論 矣。 樂 不 試 他 求 學,多見其 教 意 駸尋 節 某 焉 然其 非 目 觀 良 衰晚 知 焉 不 所 大要 道 不 欲言 薄 得 還 者, 知 茫 矣, 亦 之 賜 量 無 者 略 愚 然 雖 也 所 頗 言 黽 可 則 得 用 多 覩 勉 駑 悉 雖 以 矣。 乃 筆 以 鈍,心 然 陳 决 欲 求 硯 之 其 伏 執 與 之 久 而 誠 惟 事 口 踈 不 代 否 感 亦 經 平 敢 收 略 慕 之英 有 日 拾 幸 之 相 而 年

又戊子冬

支 欲 離 瞻 側 艱 聞 德 於遠 旌 範 麾 出 以 伊 咫 慰 彌 多 尺 計 千 年 渴 不 里 一,悵 仰 H 當 之 惘 懷 臨 曷 弊 勝 奈 邑 病 伏 甚

惟亮察。

尊旨 者, 段 既 尚 己 提 同 免於循 之論 不 有 右 但 亦 奉 能 雖 去年 妨 挈 條 塵 無 將 然, 有 常常 無 盛 爲 若 相 不 尊 望 嘗 愚者千 意 與 非 覽 免 而 品 於 唇 段, 偕 0 何 高 爲 品 ----高 手 之大 明 會 之 口 及 明。 覆 具 書 慮 者 虚 晤 嘗 古 瓿 如 容 道 辱 預 間 滯 伏 之 别 反 恒 ? 訂 之 希 有 覆 具, 幅 妙 何 爲 文 裁 所 高 於 1 輙 會 愛 亦 得 擇 論 能 以 獨 古 夫 良 姑 先 决 得 殆有 知 有 沂 幸 固 厚 效 也。 未 不 來 甚 睽 滯 其 能 能 感 意 鄙 竊 後 者 愚 然 恐 説 仰 無 戢 乎 合 病 左 而 疑 數 異 契 未 無

不 向 蒙 E 惠 以 物 教 歸 者 于 有云 意 IE 之用 也 0 格 也 此 物 執 格 者 事 者 格 格 物 E 其心之物 之 也 訓 Œ 也 其

●「廛」,四庫本作「呈」。

之,猶 物 者 巧 物 可 其 端 豈 也。 者 也 格 既 淺 耶 通 物之意 以來, IE 格 其 也 凡 陋 ? 也 竭 致 無 其 口 其 心 之所 就 其 知 通 物 意 如 固 口 之 就 爲 無 者 嘗 致 之 之 必 也 通 物 物 能 此 物 以 0 心 物 其 反 之 致 也三。 議 物 窺 而 爲 以 物之 覆 日 格 也 也 論 其 也 而 論 執 推 其 意之 耶? 物 格 論 此 誠 事 尋, 知 此 以 意 謂 之 其 格 高 意 愚 則 程 之 用 正 知 不 知 然誨 者 物 明 之 其 所 子 之 物 敢 也 之 其 獨 所 格 謂 爲 雖 忽 物 誠 _ 訓 諭 物 得 格 物 物 物 不 極 也 其 也 之心 自 之 之 推 其 能 者 之 也 安 物 勤 有 妙 知 排 訓 果 無 夫 之 正 ^ 之 之 謂 大 疑 何 不 推 誠 而 兩 意 心

是 物 又 執 事 意 嘗 在 謂 於 事 君 意 在 即 於 事 事 君 親 是 即 物。 事 親

> 流 聖 諸 也 歸 未 111 賢 于 可 如 鳶之飛,魚之躍,若之 上」之歎 喫 Œ 謂 此 緊 類 之 耶 爲 知 不 ? 人 學 妨 處 中 此 也 説 學 庸 愚 得 \leq 之 者 試 行 鳶 所 如 以 矣。 飛 何 未 吾 不 魚 能 正 能 意 有 躍 深 着 無 如 其 之旨 達 疑 於 ^ 不 論 其 者 正 Ш 語 義 之 以

當 良 理 格 物 得 致 理 良 知 其 吾 於 ; 知 而 云 事 後 理 心 又 當 致 以 即 格 者 之 執 知 事 其 굸 精 物 所 至 良 物 事 格 本 察 謂 在 知 物 答 知 矣。 然之良 物 此 天 致 至 者 也 則 理 心 知 而 論 且 事 也 致 之天 不不 後 知 學 既 審 事 知 物 書 如 言 物 致 也 理」。 當 格 又言 所 物 有 吾 精 云 言 皆 굸: 事 心 察 不當 得 然 致 良 正 此 則 事 其 則 知 知 吾 物 惟 心 云 大學》 理 天 之 之 在 物 致 心 格 物 天 之 理 其 天 各

能 也 致 無 也 良 疑 果 知 者 孰 也 \equiv 先乎 也 果 乎 孰 後 果 乎? 非 乎 此 愚 ? 之所 察 世

約 議 鄙 説 因 書 數 初 「 録 之。 作 未 段 此 及 皆 書 寄 \wedge 記 將 而 **>** 以 中 陽 復 語 明 陽 也 下 明 世 念 往 矣 非 年 講 惜 家 哉 學 私 之

答允恕弟己丑夏

禪 佛 象 術 何 氣 慰 氏 Ш 諸 居 一之學, 然可 有見於心 如 説 昨 似之 之 得 見, 手 爲 吾 ^ 簡 記 顧 然 言 見 無 乃 心 得 知 中 彷 疑 性 見 嘗 分 大 彿 之辨 於 吾 明 細 節 之 言 性 是 讀 目 謂 爲 既 禪 拙 象 吾 也 明 弟 Ш 記 弟 甚 則 亦 則 以 所 **%** 象山 余 以 9 見 心 何 爲 皆 觀 之學 也 性 其 之, 「似 合 所 ? 理

> 吾儒 得。 用 此 合 異 謂 而 爾 隂 只 0 也 處 攻 至 用 者 禪 贵 道 釋 盖 是 如 其 以 氏 就 何 緣 實 直 皆 實 之自 靈 形 自 當 在 不 彷 覺爲 迹 肯 出 於 時 彿 誠 私 拈 上 多 乎 此 云 有 至道 自 以 斷 靈覺 出 乎 見 利 ? 禪 而 乎 他 乃 之妙 學 此 固 此 余 病 據 其 目 所 與 也 根 象 之,不 病 字 謂 吾 初 所 Ш 根 Ė 儒 不 在 所 所 陽 是 容不 見其 不 見 避 象 不 以 同 其 異 曾 山 自 自 有 受 於 説 然 少 解

卦 命 有 和 以 萬 觀 爻 0 格 物 順 變 爻之 後 格物 無 而 於 物 於 窮 疑 兩 道 爲 隂 之義 之 理 旬 格 德 陽 皆主 皆 人之有 也 此 而 而 程、 心 所 理 立 十 盖 則 當 於 桂 交 心 朱 不 義, 窮 而 之訓 桂 發 固 可 言 有 揮 窮 窮 然 0 於 到 亦 理 \wedge 明 窮 説 掛 剛 極 是 且 盡 理」云者 之 桂 處 柔 盡 ____ 性 理, 傳 物, 矣, 而 以 却 生 **>** 至 然 當 止 日 爻, 爻 即 於 專

五

八

恐攻之之不 甚。 於 謂 丕 象 即 見 I 古 心 可 變 知 夫之詳 無待 Ш 此 也 理 心 知 研 甚 於夷之勢,世 士之 是 止 即 之 0 感應 止 幾 道 一,感 也 於 理 爲 此 工 好 密 思 理 此 應之 其 夫正 之 自 而 力 高 有 在 也 言 口 不 神 然 以 欲 知 定」,必「 際 至 前 在 明 窮 之 誤 速者 則 矣。 然欲其 道 於 乃 無 此 機 理 人 謂 而 以 升 猖 處 爲 多矣, 之性 理 若 所 切 塞 降 更 狂 窮 慮 之 此 謂 倡 其 任 將 妄 故《 此 而 存 心 天 源 其 迭 其 行 在 心 必 後 大學》之教 主 中 粗 下 自 和 者 哉 流 天 能 殊 由 處 節 之 立 幾 然,遂以 則 禍 不覺 得 之。 駸 也 至 謂 之, 迄 猶 非 駸 良 神 之 今 余 其 未 思 乎 贵 心 命 惟 其 有 益 及 爲 凡 雖 不 發 口

作 僞 之人」,此 來 簡 有 云 固 君 陽 子之言 避 隂 用 加 則 亦 象 口 Ш 謂 乃 善 反 辨 覆

> 幾句 之問 用 脱 陽 肯 矣, 未 修 二之説 却 免 作 解 余 言性 是形 頗 僞 須 <u>7</u> 始 敢 有 常不 其 終 要 但 忽 分 而 飾 誠 不 遮 其 哉 辭 明 上 俟終日 見 見 飾 - 1 者 處 也 分 性 來 如《 夫 况 曉 又 不 弟 以 辨 如 太 安 的 而 嘗 象 只 答 有 極 無 改之矣 是 徧 Ш 而 李 乎 極 不 支 讀 之 主 敏 書 服 吾 其 高 兩 張 ? 求 書 語 中 明 所 心 恐 學 性 陽 試 明 非 古 太 隂 避 尋 材 是 宜 所 過 情 得 謂 踈 隂

嘗言 雲矣 道 護。 耶 語 見 於 不 ? 意欲 言及 見 况 心, 趙 辨之弗 湛 東 爾 渠 但 爲 元 ,倘 於 山 乃 明 無 象 此 之 明 猶 議 見 象 Ш 贊 加 於 論 未 出 弟 Ш 弗措焉 合 性 多 派 脱 要 將 持 爾 下 禪 在 又 不 真 學。 兩 以 超 妨 贊 ,必有 端 法 爲 更 詞 然獨 余 嗣 甚 熟 余 得 平 古 時 嘗 講 無 契 謂 而 之。 顧 儗 尚 本 明 不 之 容 費 象 心 直 楊 分 有 Ш 説 古 則 子 有

附允恕原簡

生死 尤 書 經 心 非 物 極 此 細 山 未 性 一,不盡 懇 發見 格 心乎 想 心 ,窮此理,此字皆指心言。 盡 理 切 事大,此 物 之 是合 氣 承 遂謂 處、恐亦無 ?」「當惻隱 窮理, 理 諸 示 「儒 人道 若謂 下 劄 説 心 亦 心心 者 心 記 性 不不 果指 鄙 即 何 地清 ,反覆 以 雖 即 見皆 陽 其 性 足與天 人 微 待乎思。 道 心乎 避 理 處 不了?」《 明 生 有 數 之 日 其 自惻 也。 與 ? 分, 故 過。 名 有 地 所 天 獨 隱 而 異 原 然 並 又云:「 又《與王 見過高 象 詞 地 隂 爾 記 則物 只一 人誠能 等語 111 意 並 用 **※**云: 釋 條 俱 其 後 氏 而 理 理 到 下 實」, 格 爲 此 果 止 順 窮 再 書 見 伯 皆 聖 良 得 此 象 不

> 朱之攻 專 得 信 伯 嘗愛趙 則 以 謂之禪, 陰實祖 無已 此 也 書》,朱子 象 攻 0 申 之 山 陸 東 叫 甚 乃 請 用 順 謂 吾 Ш 未 乎 反 便 其 一之贊 伯 平 不 覆 亦議 中 説 知 老 正 作 敢 示 無令後 能 及 之論。 兄 面 也 僞 正,病 其 得 近 陽 亦 之小 不是,今不及 其 日 諱 將 謂 人之議 服 暑不能詳 湛 其 兄 流 攘 辨 所 元明之語 再 臂 而 非 否? 自 思之,《記 非 而 今也。 來」, 惟 禪 敺之矣。 悉。 朱子得 撿 ^ 吾不 與 <u>云</u>: 此 閲 今 順 亦

答黄筠谿亞卿

情者 從 萬 來 化 不易。 之殊 道 道 之 心 然 用。 性 來 而 也 書乃有 其 莫非 性 體 者 道 道之 「用 面 也 已 非 矣 此 道 理 乎」之難 用 人 甚 則 心 明, 有 情 此 千 也 殊 變

之,此 莫詳 源 印 有 未 窮 僕 合 處 所 處 於 平 以 方 合則 此 敢 煞 反 文 夫「危 無 曾 覆 往 論 思 下 而 萬 微 之, I 不 精 夫 ·合矣 得 未合 體 ___ 非 究 四 人 來, 語 願 心 相 直 道 乃 與 心 窮 心 熟 學 之 到 講 無 辨

容 於 多謬, 有 出 不 之 能 獨 心 所 而 歸 不立。 ال بار، 便 常 是 寂 而達 之聖人矣 自 危 然不 亦 以 可 也 道 有 不 常人 0 見 能 動 有 時 此 感感 無 所 而 之心 請 既 亦 疑 不 寂 而 不 是 更詳之。 於 行 亦亦 遂 須 人 但 圖 通 心 執 茫 無 説 此 紙 動 時 無 其 高 静 E 不 主 愚 所 見謂 言 感,但 如 宰, 則 以 此 語 以 善 而 非 謂 恶 即 騐 應 大 之 雜 物 本 不 常 人

明 格 上 程 立 物 子之意,其説 窮 論 静 非 無 謂 形 夫,《 而 人 倫 動 記 亦既 有 庶 象」, 中 物 詳矣。 第 皆 只 六、 不 是 必 第七章 試 就 留 求其下 已 意 發 也 嘗 未 手 盖 推 發

> 既 與 便 處 見,則天下 第二十 E 人 成 騐 日 惟 過 倫 窒 騐 窮 性 過 庶 礙 理」, 情 章 物 盖 所見 之理皆 最 之理 或 方 内 孰 爲 能 外 先 非 終 切 皆 盡 只 於 明 未 不 近,故 其 是 事 其 外此 所 爲 説 物 所 謂 的 也 理, 有 此 難 然 也 無 明 見 章 但 聲 亦 果 者 粗 且 有 亦 無 須 於 乎 舉 吾 纖 臭 須 於 性 其 心 毫 就 事 情 之 者 端 不 性 物 F 理 也 情 H 有 至

若 字 無 日 深 論 至」,此言未爲不 餘 物 斷 何 出 要 矣。 理 之, 者 用 不 固 知 理 工 南 足 行當 可 如 之言 ,乃自 誠 軒之 謂 深 此 以 切 辨 並 I 自 説 中 進 爲 陽 深 是 不 其 明 四 未 力 而 相 知 説 學 病 但 見 知 到 應, 術 萬 矣。 之 不 常 全文, 而 異。 物 大 朱 知 在先。」先 豁 本 余 同 子 吕 然 據 所 己 以 所 出 氏 貫 其 自 云 謂 於 物物 牽 通 所 不 格 理 知 儒 合 説 同 物 爲 則 有 格 有 凡 龃 定 順 處 知 其 淺

筆誤 情 處 理。 來 是 不 本 而 屈 書 或 容 體 牽合之私 伸消 知 雖 所 私意安排 天」, 也 通 ,夫是之謂 千緒 舉 切形器 長之變,始 他 即 無 處 萬 非 斯 物之句,格字 復 端, ",若有 義 之 自 礙 無 也。 粗 而 物 終 然之謂 何 迹,舉不 卓 聚 意於合物 由 天人物 然 散 孟 得 在 矣。 子 心 之 到 物字 目 狀 所 能 我 盡 間 我 哀 勉 謂 礙 心 者 Ŀ 强 其 M 吾 盡 樂 地 牽合,此 理 恐 廓 位 無 心 好 之, 本 然 恶 耶 非 知 即 時 之 ? 性 此 之

者 處 育 但 而 人 性 形 動 緣 於 也 發 容 理一 何 六十 用 以 人 直 反 分殊之義, 惑 處 心 緣 五章「重添 感 説 也。 程 ? 動 , 子之 繼之者善」 盖 釋 感 物 程 意 似 註脚之 子 而 加 乎 善 動」 申 稍 繼 , 明 煩」, 即 有 程 正 善之云, 之 所 發 子 是 耳 謂 明 誠 本 人 如 非 性 意 感 不 來 是 較 發 以 於 知 諭 就 化 觀 用 似 物

> 分明 所 欲 以 以 致惑,或恐在 下 似 三語 亦 無 口 原 疑 此 本 者 更更 倒 却 希 惟 正 示 濁 意 知 其 後 感 嘗 動 改 之 正 物

未 佩。 矣,及寫淨 加 果盡 禮 不足,僕 初 指 間 削者,誠 擿 遇 本, 有 之諭 誠 亦 所 過 慮 頗 見,即記之於册 矣, 道 盛 自 之不 將 覺 德之言也。 傷 何 見 以 直,多 也 補之乎 已削之,所 然直 似 感 此 佩 有 類 餘 多 感

答歐陽少司成崇一甲午秋

尚 爲 歸 可 朽 當 存 見 持 趣 7,有 反反 得六 循 棄 之 爲 圃 志 夫道之不明 月望 地 之欣 騐 於 之吾 學者,誦 顧 日 然 有 書, 心, 傾 道 久 披 倒 之君子,世 其 庶 矣,所 閲 言 多 或 再 窺 至 而 幸 四 累 見 咀 Ó 聖賢 其 其 幅 不 承 多得, 味, 之 厚 不 遺 探 以 意 以 其 老 書 何

復 者 鑿 聖 以 聞 見 监 非 而 賢 圓 以 奉 遂 髪 得 請 寄 之書 頃 置 既 失 更詳 殊 與 加 辱 之者 凋 意 朋 書 不 莫 貽 而 之。 者 相 友 詞 或 自 書, 己。 多 將 講 人 T 正 度 矣, 有 見 之。 寧 之, 無 僕 合 需 高 異同 之 能 其 然視 不 見 焉 拙 從 復 容 所 己 稿 之 事 進 但 取 定, 誨 爲 於 論 已 證 老 札 夙 乃 殆 此 終 欽 生 遄 貌 筆 勉 亦 · 盖 高 來 常 乎 其 罄 亦 無 談 誼 亦 其 品 不 所 復 則 有 單 未 品 出 因 枘 口 之 覽 平 輙 有 以 方

肯 異。」 諸 之説 之言,質之《 孟 經 以 子》本 末云: 禪學自 甚 來 其宗旨 書 悉 意 凡 「考之 (楞伽) 但 居 首 異 也 段 云: 以 日 × 孔 不 第 然 頗 (楞嚴 一、曾、 慮 知 覺 人 覺 而 段 之 判 思、 知者名之曰 **>**′≪ 與 申 别 知 良 明 孟 員 識 知 良 足 覺 濂 不 知 **>** 名 知 容 溪 賢 即 同 良, 涅 有 明 契 天 m 非 道 實 理

> 分 别 者 乃 正 伽 往 惡 發 於 敬 謂 動 爲 ൬ 乎? 未 别 桴 强 救 也 臭 不 知 别 知 有 是 必 个之思乎 事 之, 生分别 輙 鼓 覺 有 待 是 如 非 而 所 識 掩 果 所 且 非 謂 何 思 高 必 其鼻 是 知 無 四 以 何 以 爲 自 論 慮 真 也 果 疑 端之發,未 吾 異 自 從 良 其 識 而 0 矣。 有 則 聖 見 於 知 解 知 而 口 今以 良 賢 現 惻 孺 者 出 見 者 夫 之書 知 識 知 隱、 子 知 其 亦多矣, 知 終 不 乃 恭 乎? 將 及 視 異 羞 有 惻 不 以 真 敬 未 分 人 乎? 不 恶、 隱 知 免 禪 識 必 於 嘗 别 關 夫 聽 墮 學 恭敬 形 感 井 有 知 事 人 而 於 於 自 於 通 知 羞 也 知 識 之 知 視 軱 其 之妙 居 容 惟 、是非 言 惡 視 覺 聽言 匍 惟 説 貌 志 當 種 聽 匐 知 知 爾 無 爲 之 惡 動 捷 動 恭 而

條 理 天 是 性之真 以 謂 之 良 明 知 覺 自 亦 然 謂 隨 之天 感 理。」 而 通 僕 雖 有

曾 謂 其妙 性 明 所 至 静 第 之欲」,即明覺之自 此 生之後。 其 在 神, 曾 謂 非 ,天之性」,即 恐 口 此 思、孟 明 固 即 盖 定 僕之臆 用。 數 以 下之至 覺 有 有 知 即 明 力 天 語 不 物 只 賢 明覺 覺 有 天 性 難 濂溪 言 是 杰 有 契所 性 之真, 之自 説 體 此 移,言之苦 乎 精 謂 則 之 必 IE 正 天性 事 ? 其 得 良 明 自 有 是 然也 於受生之 在 即 即 乃 知 道 然 然 夫 用 講 一之真 在 品 其 天 天性 爲 之言 也。 樂 謂 也 學 此 品 無 加 性 本 天 記 諸 切 良 也 一之見 數 用 益 之真 之真 體 理者 在《詩 在《易大 要 **>** 知 初 如 賢 語 則 不 爾 處 此 明 即 明 感 契當考之矣, 要 所 可 也 也 然 平 類, 覺 天 物 謂 以 雖 不 一,「好 覺 其 不 天 大雅 理 傳 自 爲 然 得 而 其 發 免於 誤 體 動 無 證 是 下)則 生 於 則 吾 處 言 也 甚 懿 之 既 性 乃 則 所 心 而 天 亦

> 古,徒 年 之, 是 嘗 凡知 言 且 自 道 請 或 覺 將 釋「知覺」二字之義 」、「知德」矣,曾子嘗言「知 明 知 恐 再 其 贵. 字皆 獲 此 以 别 天知 滋後學之惑 容 言 罪 理。 所 有 用 立 如 虚 於聖門 聞 可 爲 人」矣,孟 異。 出 下 尤 證 於 體 高 數 爲 若 口 未之前 論 子 字皆 可 加 明 前 , , 者 者 不 吾 子 已,非 白 無 云: 慎 '嘗言「 證 實 輩 惜 易 所 聞 之。 平 乎 但 見。 「知 也 受, 惟 虚 當 略 知 止矣,子 孔 是知 不 實 而 篤 F 况 性 未 子 足 既 欲 信 下 明 舉 知天」矣。 當 以 此 判 自 千 道 而 及。 言 明 我 思 數 先 固 體 道 嘗 作 僕 守 生 用 知

之 先 書 晦 説 生 菴 有 ,何也? 之學以 且 物 僕 礙 I 乎 又 夫 ? 嘗聞 惟 程 得 夫 是 之,伊 爲宗。 無 隨 天 以 其 人 其 位 物 Ш 來 格 分 我 之 書 物 道 修 其 所 之 與 其 舉 理 訓 明 竟 H 無 道 履 於 不 無 良 及 異 知 雖 來

所 取 儒 世 理 容 於 至 知 天 安 天 度 \overline{Z} 見 以 能 妄 矣 地 不 天 地 外 踵 龃 洞 偶 加 俟 哉 盡 萬 置 地 佛 於 徹 寧 更 若 未 詆 聖 萬 己 物 之 氏 無 不 復 之合 之性 当 非 之 物 異 人 度 間 先 此 復 少 上 理 而 外 以 隨 生 然 無 講 有 而 凡 既 不 自 其 爾 以 之 良 他 於 遂 其 分 皆 惑 陷 則 位 知 盡 學 天 置之,斯 格 别 置 只 於 分 無 聖 地 者 物 乎 之 似 緣 浮 物 字 以 人 萬 之 修 ? 其 度 誤 宜 薄 之 達 自 本 物 訓 其 外 認 文 更 孰 性 夫 是 天, 之 諒 H 之 加 能 良 安 誠 先 理 其 履」, 賢 贊 幸 釋 之 貫 易 着 有 知 生 契之 所 化 意 之! 也 氏 之妙 爲 所 不 所 則 本 育 切 謂 本 得 天 所 見 不 自 從 置 而 不 理 心。 以 不 百 之 之 世 頂 可 參 又

聞 方 亦 第 無 先 其 後 段 異 緩 所 急自 論 但 學、 本 有 領 問 不 既 口 思、 别 得 辯 則 而 I. 雖 同 夫 者 同 與 此 盖 僕 進 以 爲 所

爲 下 是 己 是 其 紀 先 也 免 聰 世 也 愚 事 可 良 道 之 於千 乎 明 之學者, 概 必 緩 1 知 工 則 然 先 士 存 聖 明 9 謂 爲 惟 終之 深 其 貿 則 陳 以 自 賢 亦 里之謬 天 尊 天 貿 大 當 Á 力 滋 賢 雖 多 經 岐 奉 理 理 既 要, 磨 急 到 焉 柔 以 沙 契 書 矣, 加 非 其 不 礲 往 莫 所 之 必 則 者 無 内 良 得 中 良 贵 人 知 强 謂 明 易 非 鮮 之, 但 外 心善 知 聖 知 庸 細 口 所 矣 簡 悟 發 自 得 是 有 以 賢 **>** 謂 不 之, 所 明 在 -所 然 則 分 此 也 從 以 惡 宜 善 凡 先 賴 天 謂 若 易 合 殊 欄 事 善 爲 是 亦 讀 讀 理 者 簡 師 讀 之 處 於 非 此 果 柄 I 不 書 書 經 易 居 心 合 之 説 書 師 能 夫 以 待 人 者 者 易 書 後 自 簡 者 頗 要 手 迹 居 垂 此 皆 簡 余 始 也 而 用 長 理 訓 道 後 遠 之 之 詞 莫 固 重 萬 夫 乃 夫 妙 有 開 之 非 無 姑 有 後 世 爲 以 天 於 能 發 里 舉 在 切 舍 雖 是 不 何 則

不遠人以爲道乎?

只是哲 之則 孔 得 下。」則是道 明 以 理 必 去 博 尊 弊 傳習録 於 乃 除 孟 有 取 奉 通 亦可 矣,無 之學 言 其 則, 若 良 1 於 第 欲 根 程 而 本 是 典 知 謂 故學必先 來書亦 「致吾心之良 者,或 體 勿 未 段 訓 是 理 乃 句 從 贵 求 嘗 所 夫 者 全在 無 不 事 句 п] 諸 論 云:「致其良 認 孔 爲 偶 得 合矣。 勇 於 於易 心」,此 教 良 孟 非 於言 人安 世 霑 事 於格物。 學 物 知 之 斯 簡 Ŀ 知 本 爲 排 絶 只 疾 乎 但 尋 者 是告 於 原 知 緣 學 不 天 出 微 1 討 於 事 爲 與 理 本 日 意 今以 至 早 事 是, 子 事 夫 雍 履之間 也 領 總 所 物 進 語 物 大 後 是 窮 不 在 物 良 程 瞑 病 以 無 世 此 亦 同 究 眩 見。 Z: 以 知 謂 兄 復 乃 學 物 達之天 之藥 此 本然 凡 爲 弟 天 有 故 桁 專 語見 理 爲 天 不 物 其 始 之 以 理

古者《大學》之教,非秀民不預。農、

之世 者也 學者, 披之 明, 自説 豈 説 暇 道 宜 之,不 德 者 賈、 ----一,誠 生等 通 立 + 亦云 ,殆以廣 爲學又奚 而 置 患 論 破 年間 豊 以盡覺 學之果不 亦 及爲 兔 可 嗟乎 乎 乎 可矣,豈 易 難 ,誠 使 彼 無 ? 本 矣。 得 公卿 招徠之路 知 Ţ 非 徒 病焉? 有 披 夫 格 哉 古人 之。 爲 所 博 安得 源 致 未覺者 差焉,斯固吾夫子之所 若 ? 真 大夫,直 學之 不 加 與 遠,皆差之毫釐 夫 自 見 能 學 公侯 不 先覺之君 博 講之精,辯之悉, 來 幼 圃 日 既 及 哉 知 使 物 書 知之, 而學 者 不 人 反 腹 行 洽 既 示 差 諸 競 其 聞 心, 故 專 能 , 子, 約 趨 所 至 Ħ 與太公望、 不 安 天 及不暇爲之 者 於 學 同 四 久 特 有 資 而 民 易簡 十始 先 而 望 之 源 起 道 不 口 謂 於 遠 知 其 自 忠 儒 明 使 爾 之 本 散 好 不 已 mi 厚 由

累幅之書,中間儘有合商量處,第年

未 凡 但 老, 窮 審 千萬 未 即 高 經 其 神 商 切 見畢竟 短 量 要 照 者 者 管 雖 論之。 以 不 爲 欲 及, 何 不 如? 然 又 歸 體 恐 於 用 亂 言 兩 却 **,**不 [有盡 字 IE 果 可 意 而 得 明 意 是 也 無 則 以

又乙未春

欲資 知 使 開 復 剥 間 ,俾得 麗 僕 不覺 月十 獨 澤之益 學 聞 無 遂半 所 日 朋 故 未聞,幸甚 年 得 見 詞 矣。 去 繁 聞 年 甚 而 披 + 幸 少 不 覽之 月 9 殺。 甚 向 晦 來 既 H 兹承 奉 欣 所 復 惠 逐 慰 條 誠 口

儒 固 合 也 所 固 未 古 夫 以 宜 及 良知之説 凝道 僕之所守,不 詳味來書 ,謙以全交,可謂 賢 契講之久矣,其 门,詞 雖 過 若 先 謙 儒 前 成説 兩得之矣。 所 義 皆先 執 其 不 彌

> 圓 肯,姑以奉 再 瓜 老 一、老拙 舉 之 拙 報 於 此 固 又 酬 所 以 禮 尚 之 雅 見 不 何 意焉 能 枘 所 言 鐅 不 哉 斵圓 爾 之不 容 廢 就 然 相 者。 方, 而 人 0 瓊 賢 處 玖 敬 契 之 就 亦 刓 投 來 或 方 爲 未 木

六六

存之而 體。 言 者 也。 認爲實體 良 樂 知 此 知 須 此 記》 先識 體 爲 但 義禮智信 來 良 0 實 以 己。一中 書 亦 知 體 理言 以 謂 云 即 此 也 與 是 \ 物 間 意 皆仁 成 道、徳、性、天字 章,首尾 即 言 存之, 至 又 首 恐 何等説 各 云: 也。 知 良 有 更有何 知 知 仁 所 甚 識 難 話 , 當 得 一者,渾 是 不 頑》 耶 作 此理, 分 事 妨 ? 無 實 意 明 此 然 自 體 異。 未 思, 明 語 以 與 初 爲 看 道 固 誠 若 物 嘗 體 未 乃 然 嘗 備 指 敬 學 果 用 同

拈 脉 明 成 終 却 得 心 見 存 所 語 潛 出 良 存 並 謂 也 及 便 有 養 良 玩 存 能 合 近 無 可 工夫 其「 之 之。 知 毫釐 時 便 H 有 尋 者 言 爲 良 充 己 有 得 也。 一之差或 己 知 果 與 自 志 之 惟 則 舊 有, 良 良 何 分 於 是 猶 此 習 意 能 知 物 明 學者率喜 存 夫 是 章 未能 H 指 略 耶 是之謂 養 以 之言, 消 盖 相 ? 出 物 下 深 雖 免 似 實 此 數 有 且 厚 識 者 體 談 陳 理 無 語 對 \wedge 得 有 訂 1 自 白 與 之。 乃 此 以 乃 得 此 頑 然 沙 心 理 理 己 申言「存 **>** 不 嘗 漸 累 然 良 殆 ž 一合彼 然 若 先 非 喫 知 其 次 不 書 賢 緊 語 虚 打 日 難 具 則

中 也 此。 正 言 嘗 之 又 純 來 讀《文言》 逆 粹 書 耳 精 力 9 然 也 辨 0 有 竊 置之 此 有 云 天 所 度外 「大哉 見 理之本 非 乾 敢 言 然 平 厚 也 誣 僕 0 剛 君 固 彖 健 子 知

已

乎

1

精 中 之 爲者, 之物 分 地 是 潤 之 之在 傳》 得 萬 也 萬 人 0 揣 草 心 各 物 古 此 物 即 在 有 顯 森 以 格 木 者 理 F 之 摩 萬 正 純 故 人之所 萬 云 其 然 於 金 知 與 之 講 理 物 臆 粹 能 物 分之殊 萬 至 石 其 以 者 求 在 人 度 精 致 則 事 殊 者 其 乾 示 古 在 也 方 天 爲 之 中 而 幸 者 人 理 地 萬 道 與 鳥 有 然 隱 己 和 口 萬 ,故 也 , 若 其 熠 者 物 吾 變 故 F 謂 於 物 0 則 非 草 中 夫 化 在 是 與 天 盖 之 有 人 何 , 自 物 天 之 在 木 其 子 之所 天 謂 志 心 此 知 __. 各 源 地 所 費《 理 吾 地 金 在 者 性 之 理 於學者 徂 能 IE. 以 物 爲 皆 者 心 石 純 人 知 也 在 易 位 流 性 爲 則 無 者 心 爾 粹 天 天 有 **>** 者 所 命 宰吾 和 萬 無 者 明 精 地 謂 0 須 非 明 須 如 物 無 不 則 方 若 即 以 灼 純 就 此 言 人 身, 指 以 宰 可 純 其 所 粹 在 然 天 天 何 天 育 謂 粹 理 其 能 精 天 只 鳥 在 見 謂 地 理 地

之,良 之物 各正 得 木 未 否 得,安得 故 良 見其 以 金 乎 知 日 爲 石 爲 知 即 而 聖 性 吾 有 天 之非 此 不 是 天之高 人 者 未 良 理, 理 置 天 本 知 見 之 天 天」。 無 無 地 即 其 也 理 非 度 間 也 不 有 豊 外 不 純 未 有 知 萬 僕 良 具。 粹 邪 無 天 不 物 之 知 易 精 ? 明 性 地 衆 所 也 驟 不然, 之 甚 之 萬 殊 多 聞 窺 理 矣 物 不 求 物 盖 未易 乎 矣。 皆 即 知 其 Ш 雖 如 不 良 萬 河 有 頑 此 徧 以 得 物 大 然 此 知 舉 此 謂 之 無 地 良 ൬ 之 觀 草 知 所 吾 不 知 以

界 認 恒 各 魂 無 處 普 有 者 取 IE 此 此 處 爾 來 見 菩 心之靈 未 處 書 安 提 所 頗 免昏 切 座。」非 記 着 云 群 不 佛 却 感 視 生前 得, 書 聽 理 通 所 之 字 思 有 而 謂 隨 云 妙, 慮 置 終 緣 必交於 視 之 原 無 赴 聽 佛 度外 不 以 感, 思 身 曾 自 天 者」, 慮 充 靡 透 别 地 滿 必 不 於 到 萬 交 於 周 只 弄 萬 物 於 是 而 法 精 物

> 之 天 良 爾 由 地 純 萬 粹 物 精 者 之未 耶 ? 易 此 識 不 睽 肯 m 虚 彼 之合 心 易 氣 無 以 他 求

書 盖 風 在 已 時 明 講 寄 者 祇受,珍感,珍感。 論 率 數字 擇 意 道 焉 盡 理, 言, 以 自 倘 慰 似 不 猶 岑 乎 容 未 寂 傷 於 亮, 直 足 不 不 姑 盡 宣 見 然非 置 久 是 要之義 之 以 非 叮 求 取 也 舍 勝 也 鄉 因 則

答劉貳守焕吾乙未秋

答。 確 大 體 想 雖 非 前 若 篤 日 爲 志 講 相 煩 同 好 論 學 有 m 遗, 安 工 夫 能 補 終 若 之 未 此 以 歸 小 簡 示 0 諭 遽 再 縷 有 勞 還 商

云 求仁之外無 來 書 云道 心 餘學」,又云「孔 即 本 心 本 心 門 即 答 天 諸 理 子 間 又

外 皆 矣。 用 子 認 亦 處 云 晦 心 不 徧 又 形 程 乎 菴 也 此 着 踰 説 謂 不 考 處 焉 容 赤子 經 差爾。 理 以 道 矩 爲 朱 各 赤子 孟 旧 只 易。 多 爲 也 書 心 乃 格 然 指 IE 子》「良 要 一純 之心 中 其 其 物 性 之心 認 亦 如 其 則 若 所 至 專 散 非 命 要言 心 I 得 所 禮 一謂 貴 曰 言 殊 夫 無 伊 = ? 獨 心 天 謂 則 道 字 乎 之分 ĬI 不 月 心 僞 人 聖 理 之, 道 心 兩言 格 以 體 爾 可 故 以 不 賢 矩 及仁 心 物 而 禮 0 欲 則 爲 違 者 論 字 亦 物 最 本 者 利 一字分 然 見 人 夫 是 「發 心 皆 却 體 惟 盡 心 物 説 而 得 人有之, ,皆指 正 有 m 恐 字 是 已 發 我 此 明 内 要 * 之。 未 未 此三 其 自 , \wedge 此 並 理 用 皆 屏 從 虞 遠 他 的 道 庶 在 立 分 處, 理 得 ^ 何 乎 説 心 書 心 就 心 平 易》 明 也 其 天 中 字 \approx 獨 不 声 所 僕 發 而 存 所 外 非 若 嘗 内 赤 去 欲 用 道 言 養

> 物 則 以 程 吾 性 一、朱 雖 爲 乃 我 盡 名 非 能 原 物 格 爲 盡 是 之 只 物 合 之者, 性 欲 之 理 固 訓 實已分 守 故 非 正 物 此 能 以 所 之性 心 此 盡 謂 而 其 理 合 爲 各 加 之 性 二矣 物 内 在 理 外 同 人 則 之 故 更 物 能 不 道 耶 身 杰 ? 窮 上 人 而 究 顧 凡 而

意 有 石 其 知 便 兩 本 心 而 之 是 思 室 覺 體 何 親 下 性 至 礙 之 ? 情 看 即 大 兩 發 情 及其 抵 頑 妙 得 性 字 然 恐 得 分 品 乃 性 已 不 謂 則 執 明 長 品 性 人只是一 多 即 口 之 良 爲 之見, 始得。 也 一之欲 理 不 知 無 天 但 故 深 理 之 無 性 恐 與近 ,故名之曰「 思 説 不 可 名之曰 散 則 箇 孩提之童, 也 乎 知 口 漫 凡 時 ? 心 敬 知 難 草 諸 拙 其兄 己。 「道 然 推 木 看 公 ^ 記 之 有 究 人 異 心 若 無 \sim 體 近 到 無 心 者 中 非 旧 不 此 知 有 答 此 認 發 發 只是 知 用 崇 等 明 金 用 取 用 愛 須

其 者 契 僕 符 講 有 合 是 盖 **>>** 其 以 樂 必 欲 書 得 有 於 櫽 之 往 以 括 於 輔 復 粗 心 品 耐 品 盡 忘 非 之不 今 其 若 軱 他 拙 逮 人 以 者 出 奉 雖 未 敢 耳 必 賢

又

意 乎 焉 其 因 、爲言 爾 再 復 檿 少 矣。 還 效 品 盖 品 高 乍 見 合 雖 己 乍 若 定 離 傷 故 煩 猶 也 欲 庶 致 無 然 失 重 爲 違 亦 忠 雅 難

謂 分 地 物 命 明 萬 立 原 未 . 理 物 天 人之道 無 理 相 有 是 爲 不 理 也 通 流 識 天 故 日 通 地 此 仁 字 者 是 人 理 與 專 之謂 物 之在 義 昨 就 而 因 言 是 人 舉 身 也 心 來 圃 果 易 者 書二 言 認 **>** 盖 所 自 得 天 易》 語 謂 與 天 地 故 天 人 所 理 性

> 著 本 體 箇 及 也 字 0 惻 恫 惻 隱 皆 發 用 妙 非

念作 之意 通 及 (舉 存 格其 禮 以 禮 其 非 非 誠 制 外 心 也 心 之説 看 來 自 皆得 句 書 是 以 皆 之矣。 如 人 作 念字 心 格 聽 物 代 所 命 説 云 於 心 道 格 却 難 此 心

即 此 合。 物 其 有 天 遷 性 之 就 人 此 伊 僕 則 訓 物 合 未 知 川 於 加 先 天 内 天 我 敢 矣」。 外 生 理 以 與 云 之 時 爲 粗 賢 道 通 然 來 窺 契 徹 也 物 也 書 見 素 我 更 知 所 果 ---所 無 尊 見 理 先 先 信 得 實 後 後 纔 者 此 從 明 故 理 程 ___ 終 彼 言 分 日 朱 即 恐 明 知 難 曉 格

明 覺 所 不 處 云 審 謂 良 是 之 知 日 良 是 有 知 别 條 ? 理 處 此 即 與 謂 之爲 良 天 知 言 即 理 天 还 天 理 理

去 應 物 心 得 推 註 欠 恐未 自 究 缺 脚 古 否 可 殆 至 無 耶 不 也 今 ? 難 能 息 見 賢 幾 間 契 也 見 斷 非 耶 淺 夫 堯 ? 所 於 草 謂 文 便 田 義 天 以 荆 理 者 爲 者 推 Ш 稍 究 傾 肯 無 得 鐘 虚

又丙申秋

學,此 辭 懷 然 副 五 亦 第 以 月 無 一 好 佳 間 미 儀 獲 消 辭 領 之 足 息。 華 理 感 翰 聚講 也 至 意。 知 之 履 願 任 聞 賢 平 潮 善 契 上 恐 多 良 肯 不 层过 得 腦 向

言性 果 記 所 何 見 往 物 声 年 來 驟 耶 奉 書 至 難 柬 ? 又 善 歸 ,已嘗 論 未 矣, 及 易 9 IE 曷 心 識 有 性,足 姑 終 心 也 置 乃 恐 之? \wedge 止 難 知 中 至 合之慮 -庸》未 好 善 《大 學 工 無 八學》未 夫, 嘗言心 既 己。 至 各 善 嘗 安 頗

> 微 言 難 而 性 物 條 心 處 也 道 無 地 戒 理,毫髮 切 一。」「者」、「 非言 不錯 别 懼 工 恐未當 乎? 夫 慎 ? 獨 不差,若 乃 可 矣 悉 理 無 且 也 無形 戒 性 失 孟 須 懼 兩 乎 乃 子 自 欲 意有、 慎 生 天 字 得 援 日 獨 : 理 命 之。 此 非 今直 之 迹 以 盡 呼 心 E 也。 證 其 而 心性之爲 應 心 認 何 此 其 者 爲 言 安 至 生 得 各 知 惟 意 混 其 至 有 有

矣。 無 彼 此 問 雖 俱 辯 然 失 雖 賢 乎? 勤 契 9 匪 平 惟 虚 H 加察焉,是所望也 曷 所 受? 聞 盖 再 己 三之瀆 積 滿 胸 得 中

答陳静齋都憲丙申冬

借 承 諭 之 過 以 辱 書 殊 人 心道 知 不 嘗 敢 心 當 通 之疑, 惟 覽 拙 不 \sim 具 記 吝 悉 ×, 切 尊 爲 磋 幸 乃 多矣。 爲 然生之 至 獎

云 純 矣, 常 天 出 云 有 事 致 語 體 理 認 惟 窒 察 理 動 命之性 甚 用 認 道 道 是 騐 此 精 故故 施 焉 明 大 天 礙 心 丽 之體 之 平 天人之所 動 是 爲 爲 爲 本 遺 命 否 雖 日 則 只 則二三, 爲道 隨 若 或 日 未 體 乎? 者, 消 也。 存 勤 凡 率 久 時 謬, 人 發 養。 養 人 矣, 天 性 省察工 心 心, 無 夫 聖 江夫, 以一也。 其 非 心之發, 且 命 益 道 故 則 既 平 於 則 欲 朱 病 之 道 也 須 心 以 是 日 之言, 道 就道 與 夫, 只 性 子 0 察。 心 既 大 證 心 朱 在 序 鄙 概 本 之 察 就 知 以《 天 無 明是 子 心 本 殆 道 ^ 見 作 爲 人 即 謂 所 非 下 中 異 中 加 原 無 如 天 心 1 L 養 審 天 未 之 也 言。 庸 也 庸》之説 常常 此 所 命 發 也 而 若 理 發。 理 又 0 章 之 定, 看 言 不 皆 註 本 之 盖 不 盖 恐 隨 旬 性 盡 前 由 是 解 原 非 流 審 惟 潛 時 人 也 以 未 心 惟 义 此 有 有 猶 行 是 爲 而 其 心

> 是 以 原 爲 非 未 「指 高 有 其 明 其 發 定 於義 誰 之 望 論 耶 理 者 也 而 言 將 求 則 所 謂 以 之 歸 道 于 心 至

七二

乎 之 言 之 據 不 分 不 何言之不 且 下 動 論 其 道 既 之 析 甚 愈 深 叮 無 心 太 遠 以 中 有 同 口 日 動 所 迹 見 望 以 過 默 聖 舉 而 和 古 口 之 亦亦 盖 於 覺 黄 反 識 意 根 理 見 迹 也 失 高 渠 勉 先舉 于 所 而 少 之 ? 不 而 論 明 齋 故 理 泥 存 動 矣 然 求 哉 答 喜 日 將 融 之, 心 矣, 古 1 動 李 一怒哀 微 即 求 之妙 道 難 必 貫 __ 若 恐 則 所 而 心 臆 之 有 樂四 茫 無 夫 以 也 又 此 度。 皆 迹 間 然 聲 歸 先 日 言 者, 言 無 無 于 所 固 存之 似 安 旧 殊 至 謂 處 臭之妙 人 守 得 似 觀 與 有 心 下 師 皆 於 以 鄙 云 病 手 中 欲 安 内 微 理 見 而 庸 庶 後 得 而 Ħ. 亦 天

698

妄意如此,姑備一説可乎? 久病初

不

敏

亦嘗

與

有

闡

焉

何敢

弗

敬?

然考之

夫敬之一字,誠

千聖傳

心之要

典,

生

夫子之訓

但言

敬

以

直

内,

未嘗言主敬

愈,詞不逮意,切冀尊裁。他有所疑,不惜

鐫

諭

九感。

又

於鄙 朱子 謂 子,凡其格言至論 於所見 似 如 徒 無 此 忠告善道 説 操 所作《 所 續承 者 也 加 用 心 「其曲 教札, 不 其 必 敬 乃備 敬 敬矣。」又謂: 敬 齋 一,何以 箴》, 折 未 而 舉 摘 與 後 免 盡 示 堯 加 夫實用 能操, 欲 此 其 拙 舜 此 數 密 切 以 \sim 記 甚 語。 ௱ 主 來至 今日 工之方,以 学中 感甚 密 反 敬, 踈。」 然恐生之 於程、朱 操 論 絶 一、幸甚 持敬, 敬 即 無 凡 罅 敬 一 條 所 開 也 數 蔽 如 發 疑

之耳。 難矣。 之? 不定, 持敬 其義 敬外 矣,此致一之妙也。 盡,更不 恐非 持敬 宰乎心而心反繫於敬,欲 道 Ι. 欲密反踈」之疑 而已」兩字,只「敬 夫 一、敬 自 程子 爲 無操,操外 也 也。 往往 謂之持敬,非心 以 若論 初 明 須道「主敬 直 有滯焉,安得直乎? 意也。 至程 學之士言之可也,非 何也? 爲物所化, 而於鄙 内 細 而 密 子 無敬, 己 也。 始 I 若 説 謂之主敬,非心 夫 以 有 曰「必 亦 古 直 此 以 其孰持 謂 初學之士,其 無 持 無 夫子 内 声 此 其 口 敬 如 敬 必 爲 周 疑 便是操之之道。 本意 敬 而 操」字 之? 訓 流 者矣。 其 此 敬 所 後 而 無 日 Ē 盖 生所 以 能 後能操」, 也 滯 「操之之 其 在 之 心 夫 所 論 存 主 約 其 把 敬 孰 以 二,則 以 良 詳 細 敬 防 捉 主 中 而 有 亦 密 味

生之從事於斯,不爲不久,凡諸儒先之

更他 不 訓 常惺 見 於《大 適 果 能 者 惺」者 苸 常 學》、《 常 ? 提 乎? 有不 掇 或 此 間 有 整 心,有不「主 **>** 不「 齊 中 嚴 者, 收 肅 斂 者乎? 嘗 而 於 復 容 有 騐 丽

然自 身心 是 物者乎? 知 ,若動 信 操之一 以 驗之 若 爲 言, 即 静 數說 乃 此 亦頗 是 吾 夫 敬 做 既 子 口 得 無 喫 主 無 不 緊 宰 合, 待 爲 於 反 於是 人 他 處。 而 求 始 騐 也 凡 之 涣

期 直 有 與 截 志 既 同 於學者,果 志 無勞擾,亦不 之士 共 能 學焉 奉以 空疎 9 周 非 旋 立 故 日 異 特 用 也 表 而 况 夫 出之, 真 朱 子 是

語 嘗 箇 操 大 論 字。 敬 誠 直 到 先 緊 窮 得 我 要 到 底 心 處 之 亦 全 所 以 不 同 爲「要之, 消 然,惜其 許 多 文 只 混 字 消 於 多

説

之中

莫

或

知

此

言

尤

爲

切

要

者

耳

0

敬

齋

違

表

裹交正

孰

非

操

存之實乎?

恐

不

必

所

謂

原原

來只

此是

道

益了

然矣。

大抵

説

到

箴

》反

覆

詳

盡

委

無

罅

隙

然

所

謂

動

静

弗

將敬字别作一項工夫看也。

説 諄 尚 有 以 誨 望 自 自 而 於 欺 領 終 嗣音 爱 教 未 札 竭 能 以 幸 愚 頓 來 無 衷 舍 紬 靳 以 其 謝 繹 也 舊。 再 明 教 又 不 思有 切 敢 磋 曲 以 之惠 爲 仰 之 承

又

與之誠 是 然 乎 是 不 妙合 品品 用 少 無 形 人異,請 而 罅 也 昨 品 耐 縫 小 之意 何 凝 者, 耳 僕 所 能 更詳 口 以 及 雖 所 9 然 但 之。 舉 此 又承 着 隂 以 張 所 陽 所 爲 教札。 者 如 以 以 南 往 不 道 南 軒 字 一復 兩 如 之説甚 軒 亦 莫逆、欣 字 伯 之説,合字 非 來 不 果 子 志 教 妨。 之言 看 當 道 云: 得 朱 之 慰 此 透 良 篤, 尤 言 説 自 理 多。 則 渾 良 既 口 似

精微處、愈難爲言。謹此奉酬、伏希裁擇。

答陳侍御國祥丁西春

哉

自 此 道 當 友 外 高 實 和 中 數言 中 間 得 無 心 遊 緣 學 爲 之辨 庸 可 往 高 匆 歲 於 之降 力之 者 言 遽 此 疑 往 前 論 聖 尤 者 無 祇 疑 僕 門 爲 既 歎 優, 爲 他 使 矣 領 喜 信 於 之 自 發 切 無 教 志 者 怒 相 此 發 氣 當 當 己。 札 僕 向 去 哀 半 用 則 明 用 守 嘗 之正 後 樂 明 I 如 必 事 吾 第 只 謂 之未 乎 殆 最 加 獲 方 鼠 聖人 推 爲 斯 非 深 百 隱 不 得 人 舊 與 中 義 發 朋 小 用 然 家 究 竊 説 之 節 , 心 補 則 占 事 觀 頗 法 横 過 裁 道 則 有 之 品 丽 自 爾 在 謝 殊 心 直 所 信 見 品 辨 後 天 胸 草 之 謂 云 之 謂 不 於 分 也 中 草 説 之 心 之 之 朋 敢

> 高 明 論 然後 首 及 大 於 本 此 口 得 而 調 间 又 立 足 以 斯 達 誠 其 講 意 學 其 第 有 義 見

其 也 墮 然 嘗 未 子 恕」, 山 性 盡 所 敢 以 於 之 僕 悉 耶 略 心 不 然其 告子目 不 意 嘗 爲 ? 豈 死 高 容 申 又 盡 動 見之偏 其 細 詞 非 後 承 論 之。 然既 心」矣。 爲 推 者 論 以 亦 心 既 時 象 説 佛 既 及 僕 云 未 而 其 山 然 在 佛 氏 論 初 不 高 有 欲 心 矣,盖 無 僕 所 彼 之 氏 佛 無 能 論 佛 處之告子之列 活 見 取 謂 此 於 與 以 氏 無 以 氏 於 之 矣 象 此 陸 盖 動 以 别 爲 性」, 有 論 但 心, 象 Ш 力 而 誠 學 見 亦 以 告子 制 山 又 似 有 見之 其 即 馬 然 於 燭 其 以 乎 得 斯 害 不 心 而 理 之 爲 心 小 於 猶 亦 終 高 得 流 之 未 不 有 頓 責 講 朱 有 無 小。 論 比 者 明 同 動 未 子 於 之 見 學 初 所 也 心 是 之 未 甚 象 m 固 以 孟 於

之失乎 妙 心 從 放 而 源 過 蓁 頭 也 蕪 其 便 請 Œ 是 人 路 更詳 佛 雖 者 氏 遠 之。 本 固 其 君 來 説 子 面 方 之所 目,夫 行 深 所 慮 以 豈 未 陷 末 可 溺 流

者。 儒 之間 弗 耳,惟 夫 或 處 處 而 物 之中 F 全 失。 夫, 遂失之。 」數 達 倘 斷 其 磨 在 又 語,心 是 故 \wedge 之 承 遺 盡 隨 詩 則 操 緝 則 形 妙 塵 見 晦 存 晦 萬 旦 器 垢 詳 目 所 加 諭 字 却 者 之 、省察交致其 方 因 之昏 間 謂 失 味 也 恐 以 因 粗 畢 恍若 之 所 書 學 反 明 覽 會 感 者 詞 憚 鏡 生 則 有 拙《 有 分 觸 明者 積 病 本 足 緝 見 路 此 累之 記 似 痛 體 熙 I 知 一情於一 理 功, 益 \Rightarrow 乎 鉴 于 夫 平. 喻 固 至 顯 勞 妄 不 光 欠 然。 豁 日 然 不 皆 物 意 然 曾 自 使 接 明 而 久 推 當 格 無 行 出 用 有 續 欲 有 前 緊 測 미 到 於 格 則 徑 久 須 之 箇 晦 先 故 如 探 疑 臾 王 要 而 覺 物 無

此,不識然乎?

道 計 辨 此 見 厭 人崇尚陸學之私 病 之 0 舊 ? 夫 所 也 關 姑 説 近 1 又承有感於 夫世之妄議 遂 有 未 世 浮誕 甚 勇 一學者 論 不勝其可 是 於隨 夫 之 詳 至 妄 風 明 聲 道 僕 議 朱 日 逐 爲 自 所 朱 傳 嘅者矣。 長 就 響 其 論 傳 者 非 其 忠 徒 吴草 之失 留 其 肆 師 者, 實 心 爲 説 始 之意 示 IE 廬之言, 操 往 亦 盖 學 戈 往 及 何 出 日 人 貪 嘗 所 安 於 微 室 新 能 嘗 有 而 世 實 之 及 論 而

大 乃 未 子 如 古 光 此 當 爲 何 ,則不 然義 明 尊 審 如 務 信 之 求 期 其 理 其 體 之實,正 尊 惟 於完 真 是, 亦 有 信 是 以 無 也 全 補 無 服 所 純 1 其 不 窮,吾輩之 妄議 累 粹 微 必 觀 罅 其 委 者 而 目. 曲 註 之心 毫 救 朱 遷 釋 尊 髮 其 子 就 經 信 小 無 之 而 於 偏 朱 遺 於 吾 其 恨 子 與 心 兩 間 焉 者 其 程 IE

説 深 研 亦 幾 時 則 有 小 所 異 謂 豈 是 者 非 要 惟 是之從 亦 未易言 乎 ? 也 然 非 極

惓 哉 培 見 長 夫 辱 足 反 教 惓 培 因 覆 以 養 也。 究 養 之 傾 僕 想 千 敢 愈 資 斯道之大全 深厚 功 倒 蒙亮察。 里 輙 力 不宣。 本 將 神 效 曾 丽 中人,學 交 其 無 則 來 事 愚 少吝。 即 所 所 愈 凡 如 見 就 同 實 愚 此 無 晤 益 固 , 見所 過 重惟 師 升 語 非 精,言愈 蒙 據 授 堂 朽 屬 未 不 高 管 盛 拙 及, 望 圖 見 意 室, 之意, 所 窺 所 而 約 更希 不 能 蠡 及 惠之 夫 而 口 測 量 倍 有 味 何 以 加 也 以 遠 愈 切 虚 以 何

答劉貳守焕吾丁酉冬

況 清 佳 伻 · , 兼 來, 有 辱 捧 書 珠之喜 儀 之 惠 ,尤用 多 感 盛 欣 慰 情 書 審 中 知 宦 諄

> 諄 病 以 茅 講 且 學 塞 爲 心 事 將 志 何 以 誠 奉 篤 酬 矣, 高 顧 論 老 乎 ? 朽 連 年 卧

之義 夫。 分明 與 子 不 \sim 訂 曾 物 細 潛心體認 指 不然,更將孔 ,自當了 果 頑 拈 看 所 同 》意 舉 看得《訂 出 體 來 出 仁 「學者 須 下 思,乃備言此 真 一體處, 義 手工 以 然於 禮 意 (積力 頑 須 智信 會 夫。 心 子答諸弟子問仁之訓 》意 先 學者便當 久, 庶乎其自得之。 目 識 皆 盖 僕 思 間 體 仁 透 首 向 前 0 也。 云 時 時 就 此 存之者 段, 亦 「仁者 則 此 中 是 嘗 以 章 下 間 明 有 體 有 首 道 爲 又 此 其 兩 認 先 云 渾 中 疑 實 生 然 間 T.

静 簡 求 致 無 當 其 也 功 工 乎不 夫 今 固 則善矣。 欲 不 在 似 外 灼 頗 乎 知 故 心 傷 必 欲 於 體 欲 然 灼 急 所 非 灼 知 迫。 在 知 可 仁 仁 以 體 蓋 而 體 淺 從 此 所 而 近 理 事 存 在 窺, 於 該 省 急 貫 親 而 求 交 動 切 迫

其工夫之簡當,有不墮於佛氏「本來面目」

斯 亦未 矣。 端 形 ,不容有隱 而上下之分。 恐難作仁體 一當道 且覺之一字,非 乍 見孺 及,後學當 子入井之心 ,更希詳 看 若 以 安 惟 體 擇。 覺 所 用 孔 爲仁, 取 子 雖 孟 信 未 非 子 嘗 乎 則 明 ? 物 道 混 以 及, 鄙 然 爲 而 程 無 見 自 如 子 别 之 有

使君 斯道 會耳。 詳 並 處 味 難 志 其 拙《記 心之好之,亦自有 力疾裁復,詞欠周悉,幸惟亮之。 明 題 日 辭 道 同 》誤 合, 志 其 勞 難 篤 切 鄭 得。 信 磋 使君 之益 好 乃 學 不能已 翻 大 贵 可 刻, 賢 少 想見]者,第 契,又 哉 恐累知 己。 無 僕 知 言, 緣 有 常 兩 賢 鄭 念 然

復張甬川少宰戊戌春

惟 能 造 安 製 己! 有 既 和 四 以 深 尤 編 歲前 規 第 用 而 IE 斯 小 書 猶 欣 文 而 · 兒 珝 慰。 以 詞 助 至 講 益 過 愛, 到 習 高 之, 重 家。 弗 明 爲 乃爲 殊 事 之 勝 非 得 9 學 感 至 同 所惠 淺 荷 幸 聲 切 陋 之 於 教札, 所 審 應, 爲 敢 知 己, 當 亦 道 及 體 何 所 盛

屬 詳 念記 服 盡 心 能 高 智,是以一之。 -略 之義 学中 意 晦 舉 但 大 盖 於 翁 其 學 以 與 此 端 復 以 靈 鄙 事 性不 起, 覺 見 不 中 論 爲 不 殆莫 如 之 庸》二《 僕嘗騐之《文言》「貞 外 性 約 高 最 乎 而 淺 論 之 詳 同 哂 貫 能 傳 義禮智, 想 殊 穿 \forall 易 未 然 不 前後 辭 矣, 拙 深 能 皆 ጠ 契 無 敬 記 精 本 謂 也 疑。 服 練 者 末 靈 中 事 覺 拙 敬 兼 切 僅 IE

間 畫 以 之分 之幹 不 分 論 即 理 也 靈 其 於 平 也 在 覺 所 太 本 自 靈 盡 無 貞 亦 妙 當 極 其 之 之 有 原 以 字 不 也 用 别 明 其 愚 乎 爲 妙 明 盖 不 此 能 也 之 智 及《 理之自 非 辨者 神 僕 達 觀 凡 心 無 無 義 容 性 即 中 當言 之所 則 字 之, 盖 君 對 往 備 有 何 在 庸 之義 不 則 子之 1-待 而 毫髮 裁 然。 無 靈 可 \sim 天 智 可 以 義 之 不 擇 切 之 之 以 聰 <u>_</u>, 靈 體仁 禮 ,則聖知 與 勢, 行 是 地 差互 于 貞 有」一 見 明 者 智 即 靈 乎 間 此。 以 不 心 聖 此 覺 是 其 非 皆 以 雖 合 性 可 言, 義 知 請 即 間 禮 辱 定 與 欲 太 有 之 得 殆 達 更 也 所 愛之厚,不 極 性 天 理, 是 辨 不 詳 理 天 而 和 謂 之, 焉 德, 不 明 容 夫 之。 矣。 經 德 義 而 天 神 賓 有 也 於 不 又 而 而 靈 德 幹 主 然 謂 覺 語 賓 此 且 覺 不 無 語 之 敢 吾 遂 脉 高 性 主 義 緯 容 乃 别 明

> 之餘 稍 相 發 逆于 與 决 僕 良 細 多 晚 非 心 講 而 工 之 學 盖 想只 爲 爾 $\stackrel{\cdot}{\sim}$ 皆 易 籠 得 是 罩 於精 本 者 殊 原 所 欠 思 處 能 浹 熟 所 治 到 玩 見 也 未 詳 優 讀 間 游 高 恨 有 厭 論 無 飫

啓

由

息 牧 如 此 與 行 事 爲 偏 學 之。 事 孔 遠 意 直 少 盡 識 狍 馬 矣。 其 迹 父、 求 何 書 洗 春 須 君 欠 疑 之, 反 仇 從 得 秋 丽 復 詳 縱 以 ? 僕 來 説 牧、荀息之死 所 得 如 如如 推 其 廢 於 穿鑿之弊,其 歎 見 失 是 尋 嫡 大 此 初 孔 賞 固 自 筆 深深 立 讀 罪 經 之餘 父 見, 應 力 庶 便 而 狥 所 未 脱 以 快 取 皆 其 未 鄙 及 灑 發 因 其 諸 君 西襄 喻 愈 明 之。 意 有 欲 小 加 成 以 讀 傳皆 習 素 補 節 求 之 弑 贖 三人 愈 然 力 亦 於《 文 E 逆之 快, 武 以 豊 救 云 者 字 春 所 殃 爲 所 然。 胡 有 禍 縝 謂 民 兩 秋 一聖人 惟 以 氏 如 事 罪 據 之 垂 荀 仇 不 是

疑。 禦」之云,考之《左傳 訓 及」之意果 於 萬 世 乎? 安 在也? 又况「義形于色」及 * 俱 跂 聞 未 見 高 得 論 不 以 不 决 知 畏 鄙 强 書

究 斯文寶重 所 欲言者,千萬亮之。 老病交侵, 不宣 神 疲 力乏, 臨楮惓惓,尤 乘 便修 復, 冀 不 爲 能

答陸黄門浚明戊戌秋

《記》, 殊 得 原 職分之常 健,意味深 執 不克當爾 五 事之 月 七月二十日得 皆如 + 所用 九 長 初非 數 日 收 識 拙《記 心 書。 有 領 者 所 惟 無 感 六月十 ^ 私 欲 \leq 恐 震 慰 不 於老 共 未 歎 兼 澤 明 足 服 日書 至 長 斯 朽,老朽 傳, 但 語 道 跋語 >> 推與 乃 後 及 以 勞 數 重 亦 盡 簡 一之過 重 日 安得 吾 刻 重 刻 一嚴 儒 方 拙

> 學不 以其 見 認 具悉,無俟鄙 I 倦、尤 夫常要接續,記 私 謝? 慰 懷 第 想。 心 識之。 覽 爲己之學,最是 考索皆其 審知 文候 次 爾 清 涵 佳 想 養 體 績

所計也 録 限,有所未合 所疑, 兹因 蕭掌教先生處 當再· 條答如 商量 左。 人行 弗明 義 理 弗 敬 無 措 此 窮 奉 煩煩 識 復 数非 見 有 别

程伯子論生之謂性」章

言 者, 性 纔 時 説 非 却 則 兩 此 無 此 本 便已 章 字 然 章 曲 言 大 之 不 E 折 與 説 旨 是 性 頗 不 着 本 本 而 多。 容 本 何? 然 因 説 之 然 論 僕 之性 性, 三字 性 嘗 若 而 反 以 則 相 發 覆 爲 所 而 照 推 遽 既 指 謂 應 尋 推 詳 天 不 於 道 及 容 纔 覺 説 天 氣 説 得 而

字 物 就發 然天地之性,須就人身上 執 則所謂「人生而 性,分殊便是氣質之性,與高 所以卒成千里之謬也。 夫本然之妙。 若夫本然之妙,畢竟不容説 道性善,亦只是就發用處,指 言,意謂凡 盖以申明「纔説 之者善也」、孟子言『人性善』是也。」此三句 道,恐非 乃若其情,則可以爲善」等語,分明可見。 繼善」乃借用《易》中 以 加 動一 用 爲性,竟不知有「人生而静」一 教 處指示,正欲學者泝流 理 程子意也。 言申「繼善」只是要將 人説 ___ 分殊分曉 如告子輩則遂 静」,所謂「未發之中」, 性 性 只説得 時便已不是性」之意。 「凡人説 語,指人性發用 拙《記》中 體 理 發 認。 也。 見 用 出 性,只是説 認 窮 便 亦 示 處 取 源 然孟 是天 體 何 人。 阚 動 層 又以「感 發 ,以默 認 異 静 此 用 乎? 得 一子雖 自 地 處 觀 孟 處 繼 到 之 兩 其 乎 識 而 子

抑 説 頭 固 去 頭合着 一終是 而未化也? 舊 矣。 時 見 遠 **運** 誨 識 便中更希明 諭 不 知 研 理果 究 示 再 盡 = , 於此

而

説 來

乎

?

凡言心者皆是已 〕發」章

相與 希賢希聖更無他法,但當力踐此言而已,願 存,而人心之發每不失其正焉。」此言尤當 八勉之。 人心道心,看得甚好。 「必使道心常

 \wedge 新刻楞伽經序》章

憂深慮遠,拙《記 》偶 未及此,當思所以

處之。

「能者養以之福」章

有對 古人 之以 漢 書》作「養以 屬 得 致 養之以福」,僕於此 整 辭,固不 福」,理 齊者。 無不 之福 必 要之,只是順理成章,非 通, 」,其 對 但 待 須 疑 句平日有 ,然經 增 遂 釋。 | 致|字 若 疑, 語 日 句 因 爾。 養 多 有 讀

「《通書》義精辭確」章

平,與 終 謂 最 有 難 所未盡耳。 爲 愛 孟 固 言 太 子「惻 説 不足以盡仁,而仁實愛之理, 來 殺 書 隱之心,仁 了。 「中也者,和 所 疑 「愛 未 爲 日 過 也 也 也,中節也,天 相 語 似。 但「 意 却 博 要之, 愛之 較 所 寬 以

> 者」一 下之達 中。 類,此處恐不必置疑。 中 句, 字 道 該 也 與 貫 L 體 其 文 意 用 剛 盖 善、 在 以 剛 如 發 惡 何 而 柔 中 用 善、柔 節 耳 之和 惡 中 是 也 爲

天道之變盡於春夏秋冬」章

《書》、《詩》、《春秋》爲 雖 之。 由 矣。 佛氏宏闊之論,切 綜 初 (儀禮)、《周禮》,然有「禮樂污隆 則 通 ,其説皆 非 元、會、 經綸 知 此前一 並 杜 其 稱 撰。 本 世 有條 而 變, 末耳。 運、 章已嘗論及邵學大意,亦 小 等 則 乃 世之説 理 級 恐太過。 邵 至 高 若 歲, 書 爲 聖人之 論 比 本 大 嚴 之 都 甚 旨。 密 實 則 但 是 鄒 從 四 衍 元, 其 皇、帝、 僕 其 府 數 乎其間」 迁 學不傳, 無 以《易》、 雖 上 誕之談 得 參伍錯 王 推 未及 而 可 伯 出 見 議 無

疑者 著贊 理 有 也。 言 到 所 爲之權度 説 不得不 見 辭 若其妙達天人之藴,朱子特深知之,所 頗 得 矣。 稱 多 却 其「手 無 間 耳。 大 疑,可信 滲漏 抵 有一二未純 吾 探 輩 月 者 其前 窟 博 示 一、足躡 觀 容 後 瑕 示 群 議 籍 信 論 瑜 天 但 諸 於 自 根」,其 當當 凡 不 儒 相 以 所 道 義 必 可 掩 不

或問楊龜山《易》有太極」音

之本然也。 識 者 得 常常 破 在 中」字非所以 時,中 天 地 央之中與未發之中 萬 物 之 訓 中。 極」字,而 只要 人 識 所 無 謂 非 得 太 太 極 若 極

梁武帝問達磨」章

迷惑者 耳。 由之而不知 是 人」等語,皆是 看 一發出 要人學 經 極看 念佛 達 耳。 來。 磨 得 以 爲 他 非 僕 破 彼雖異端,天 「愚 造寺 上一乘法,在 真 是 過 然所 寫經 用 許 心 表 實 也 謂 而 話 並 來 出 理 書 不 並 無 之, 如 謂: 彼 無 知 功 何 教 以 功 不 德 泯 警 覺 德 中 其 滅得, 悟 從 高 本 宗 及 世 天 處 意 杲 但 之 愚 理 走 以 只

「元之大儒稱許魯齊」竟

祖 長 ,素知尊孔 元之土 君臣之義, 地 元元 子 無 君 重 所逃於天地 儒 則 文,其賢 其 君 也 亦未易得 况 間 所 遇 魯 者 齋 必 世 生

困 知 記

詳 於 焉 論 力 雖 魯 欲 魯 齋之 守 斷 聖 未 不 齋 隱 必 門家 容易 有不 出 盡 也 居 由 不 法 設 合, 魯 仕 在 未 拙 使 齋 之 輙 行 之 身 見 節 奉 然 道 或 非 如 開 身 失。 恐 此 元 導 當 而 非 未 民 從 退 時 此 義 臾, 知 君 儒 僕 理 視 當 非 者之道 之 之 樂 魯 否? 世 所 齊 正 利 祖 若 以 不 也 爲 請 將 則 有 廢 更 取 高 凂 無 且

答林正郎貞孚己亥秋

嘉 比 及 且 製 親 歎 審 聞 兩 接 侍 居 編 劉 奉 閒 石 間 吉 竹 開 日 獲 慶, 憲 久, 封 見 副 細 欣 造 過 讀 慰 詣 家 兼 篇 志 益 至。 什 深 專 同 聲 人 藏 心 曩 送 應 器 固 在 到 待 己 仕 如 手 時 奇 獲 途 札 之矣。 尤 至 雖 及 寳 用 未 盛

> 闡 之。 及 當 其 耳 見 則 難 如 雖 有 姑 將 凡 是 究 • 限 或 僕 用 何 大 觀 有 才 進 塞責 何 以 意 思 修 合 高 承 足 少 相 清 論 不 欲 重 不 而 副 大 同 力, 通 加 獨 煩 者 愛 之 自 得 抵 賢 故言 徒 皆 與 切 知 之 者 天 事 之 磋 其 不 妙 資 之箋 之 空言 盛 贅 可 明 亦 能 顧 否 心 快, 釋 不 學 暢 乎 以 也 荷 哉 未 厥 故 管 -同 成 旨。 幸 得 窺 之不 相 勉 而 講 適 天 與 耄 於 增 摭 學 舊 鄙 見 E 古 愧 見

益 爲 己。 之君 振 至 堅 斯 幸 任 子 文 Ш 重道 士 川 其 以 間 風 何 式 遠 阻 日 能定? 之志 來 靡 良 學 異 覿 篤 將 説 無 僕老矣,所 致 瀾 不 由 深 翻 止 倘 潛 , 爲 非 不 縝 有 惜 望 密之功, 世 卓 嗣 於賢 一之士 然 音 不 者 尤 而 以 惑

上卷首章

驟 難 理 開 卷 會 數語 想必 有 似 説 乎 也 用意過 深。 德字形字,

第四章

明 用。 請更詳之。 於分别也 也。 而 心道心之説。 動 證 **無** 二一語, 道 體常静 謂 心 一體用 可疑者。 性 及 但 , 動静, 也 用常動,此 伊 觀《樂記》「人生而 性 拙《記 川《 看 道 爲 顔子 來 體 心 影綱 此段 人 自然之理,非 所 心皆有之」, 人心,情也 領只在 好 却 何學論》 是未 静 此 • 悉 四字 品 便 感物 有 情 恐 品 是 意 誤 爲

「應妍應媸」之説,固未當,「鏡明鏡昏」

是昏 明處 之喻 人心 也。 亦 ,發不當理却是昏處,不可道人心 則有昏有 未 盡 明。 盖 道 凡 心 發 常 ൬ 明, 當 其 理 本 即 體 是 然 一味 也。 心

第五章

非分 以 性、 殊 服 不 倫 其 曉。 知 謂「 理 心 鄙 佛 與 而 不然則毫釐差處,無從辨别 意正要將 之 氏 解其 並 别 八惑也。 言 是 • 來與之並言,方見得是 教,不 朋 友 間 當 亦 以 嘗 吾儒 有 此 之心 終 説。 無

第六章

E 事 0 物各付物」,「一以貫之」, 宜 更從天 理 上研 究,方 見 似説 得 理 聖 人分分 分

困知記

也。 長, 殊 便是各私其身之説,非自 無 非 自 然 之 妙 也。 各 親 下 其 -學不 親 各 誠 者言 長 其

第七章

何 也? 格 物 既 説 果 主朱 可 通 子 用乎? 之説 又 有 取 於 、陽明,

第十一章

鄙 卷 論 有 弱」之説 意 第 見 所 未 主 十九 其 理 虚 所以 如 終 氣二二字, 章。 是 未爲 亦 《記》中但云「氣之聚便是聚之 然者, 所 難 的 疑 ,拙《記》 乎 非 因 其 理 故 爲言 復 與朱子 散 》中言之頗詳 强 果 矣。 綴 何 數 異也。 之? 但 語 語 氣 似 今高 在 强 看 下 理 誠

> 毫釐 乃 理 所謂 氣之散 ,便成二義, 理 也 便 並 是 散 全要體認精密也 無 之 理 理 散」之言。 惟 其 有 聚 此 有 處 散 只 争 是

第十四章

乎? 性,特異其言耳。」此言誠是。 高 易 所言 也。 幾 性 爲 古 於 論 希 氣 口 體認 若以 謂 默 宋 字之所妨 性 氣質之性,君子 此一性 何也? 之所 諸 識 月 月 理一 君子 理 以 在 於諸 而 分殊言性,較 難言 始有 碍 即 初 夫性 兩名, 耳。 學 本然之性,分殊 君子 者, 觀 此 , 一天 有弗性 僕所以疑其詞之未瑩 之,有 言。 大 只 ጠ 意 爲 地之性 己 自 亦 理 似 能 矣。 」,不幾 謂一一 知 未嘗 字 分 免 性 明 難 即 於 荷 學者 者觀之, 明, 不合也 性兩名 於 鶻 氣質之 如 一之 突者 張 往 往 較

殊 猶 性之善,終未見有以盡諸説之異 顧未之及。 性之言,中間儘有曲 中。」决不至鶻突人也。 兩 在 ,莫非自然之理。 名乎? 則未然。 况章 末後 末 只是一 又申 段 其 折, 雖 明其 理之一,常在分殊之 所舉三聖及群賢 箇理字, 正宜 詞 意 義云 講求歸 高 同 遠 何 也。 止 其 從 是 分 更 之 有 贊 論 而

第十五章

不明 成一片。 耳。 非 樂於 苟不善觀,無怪其惑也。 善觀 細碎,但 者 從 細 一恐語 碎 處 焉 收 而 拾 弗詳, 來 自 此 然 理 打 終

第十八章

足見用心,更得數語發揮其所明者,尤

善。

第十九章、二十章

或可 可也。 理 又頗有所發明, 盼,惟恐有失,不 理,始終未嘗及氣字,非遺之也, 也。 參 吾夫子贊《易》,千言萬語只 看 拙《記》嘗再續,於「 賢友往 也。 往 恐未及見, 輙以一 將 亦勞 理 乎 氣二字並説 1 就 須求其 氣 認 是 理 部奉寄 理」之説 所 發 左 即 明 以 顧 氣 然 之 此 右

第二十四章

「無物」只是不爲物所蔽,不以辭害意

可也。

第二十五章

分明,將何以致其决也 看朱註「至明」、「至健」兩 語」之後矣,此非 顏子喟然之歎,先儒 大義 所 歸 嘗意其在「 言,若非見得禮字 不 必 深 請 泥 事 斯 但

第三十一章

當别有所指矣,可得聞乎? 今謂「生化之源,乃其 地,即此端之極致,不容復有兩端 婦」,盖就人事之近 化育爲言, 命之理不出乎此。「上下之察」,朱註 理不出乎此。「上下之察」,朱註明以「天地之大德曰生」,「生生之謂易」,性 可謂深 而指言其本始。 得其旨矣。 端」, 則 「造端 造端二字, 察乎 端 乎 也。 天 夫

第三十五章

拙《記 穿,只要看得浹洽 録》中所答陸黄门書,亦有數語,可參看。 全,清濁爲説,失之遠矣。 直下之正理」是也,見得 未發之中, 雖 無 次序, 程 耳。 子所謂「亭亭當當, 却 有 到 頭 腦,前 便信 太極之義,《附 得及。 後都 相貫 直 以 偏 E

第 四 + 章

窮 理 所以格物 似乎倒 説 了。

第五十三章

經界之法,古以均 田,後 世 則 以 之均

八八八

賦。中間曲折亦不盡同,然行之得人,爲利賦。中間曲折亦不盡同,然行之得人,爲利

誠亦不少。

第六十四章

惡 來比性不得。 至矣,第三句須着意理會。 ,然不是性 泉之 源, 不知 中有此 程子 亦 Ė 兩 有 物 濁 「人生氣禀, 相 否? 對 而 即 生。」其言 有之, 理 有 將 善

第六十五章

字,其他無不同 僕 參 所不 看 附録》中所答陸書,亦嘗論 何 能 如 無少 ? 異於朱子者,只是「以 高 也 論 雖 詳 似乎未 此 悉 一段,可 上二 鄙 意。

第七十九章

可乎? 不 見 已矣。 子,而 有 又不免於二之。 章句》所解「天命之謂性」,是人物之性 夫朱子百世之師 有遷就之意。 得 審高見以爲何如 未 到,雖有從 所謂 歸 。《孟子集註》所解「犬牛 有益於持循踐履之實耳。 大凡兩説之中,必 處, 「理氣二物,亦非判然爲二」,未免 必須審求其是, 既 有違, 有强 有志於學者,但草草讀 , 豈容立異? ? 有弱,難説不是判然。 自 無害 有 其 乃爲 與人之 顧 説 爲尊信也, 且 其 至當,果 如《 善 言論 學朱 性 中 一而 過 ·庸

困知 知記

下卷首章

希 不足爲 曲 其 子神孫所當守爲家法者也。高論似未詳此 川 己。 改而 所尊 折,反若有取於二氏然者,誠恐害事 愚之本意盖 正諸 盖 誠 用 有無,此其所以爲大聖人之見,而聖 以 爲 有見乎二氏之學,不足以 萬 謂, 世 無窮計者,惟吾儒之道 聖 祖雖明二氏之學,而 經世 切切

第二章

無疑 謂 後儒 易影 之論,恐難盡 只爲 1 筮 而 廢 作」, 也 鄙 見 終 不 能

第四章

乎? 極其精 取 後儒 有 ,似微有 無 之分 不可 卦德、卦體、卦象、卦變,孔子以前此説 加 知。 析 不亂,然後合之盡其大而無餘 厭繁喜徑之意。 也。 \wedge 《彖傳》 高 論 則分明可見, 每 到 朱子不 分析 處 Ė 多 非 「析之 不 出 甚 於

第七章

以「後得主」爲句,當俟精於《易》者决

之。

第十七章

欲」看,後一性字却是本然之性。 兩性字微覺不同,前一性字當作「性之

第十八章

畢竟不識本然之性。

第十九章

能管 君子小人,治亂禍 太極在本原處便能管攝 根 低」指本原處 攝 此章之説未然。 邪? 是何道 而言,亦過於遷 福 謂「造化樞紐」、「品物 理? ,證「氣强理弱」之説 到得末流處 其以形 一就矣。 體 性情, 遂不 豈有

> 舞之,足之蹈之者矣。 以此乃超然之見,理氣更安得有罅縫,以此乃超然之見,理氣更安得有罅縫。」程子謂「此二言便是

第二十一章

此一 所加也。推崇之過,聽者能無惑乎 迷其 異端 全、《易》中言之甚悉、《太極圖説》殆 所以有功於聖門,有功於後學者,第一 節 ? 所向, 豈小補哉 ,別邪説,使聖道既晦 「周子在程、朱之上」,恐未易言。 且天地造化之妙,聖 不知周子緣 加 復明, 學 一學體 不能 何 用之 是辨 却欠 者 二程 有 不

困

第二十四章

經緯」之説是矣,然區區未嘗疑此二

言。

第三十五章

物,不可爲二物」,竊疑所見猶未定也。 此兩言既在 所取,宜 有定見。 不可 爲

第三十八章

推 此理,只爲從那裏來。『生生之謂易』,生則 時生,皆完此理。 不得。不可道他物不與有也。」觀 伯子又云:「所以謂萬物一體者,皆有 人則能 推,物則氣昏, 乎此

> 言,可 所知所覺者則不同,可見理一 形異」耶? 偏,恐不能有」,何又云「人物之生,理同 至論,未可草草看過也。 見記者初未嘗誤。 煞要尋究。 人物俱 且高 此義 而分殊矣。 論既 理 有知覺,而 本 疑 原 物之 精 而 深

第四十一章

殷監不遠,尚賴憂世之君子,相與救之於未 「今之禪學,有類清談。」誠 哉是言 也 1

然。

第四十二章

終以「盲廢」 言,似欠温厚,有以潤色

之爲佳。

不爲理氣兩字所纏絆也

四十四章

第

此章之言,似乎未甚經意,請更詳之。

第四十九章

嚴,論人才不容不公。使白沙見用於時,做可謂深知白沙者矣。論學術不得不

第五十一章

出

來必有精采。

考究體 室礙 若有的見,則於窒礙 性 認 但渠於性 書》中有《五行之生各一 煞用工 命之理,終未能 夫,覺得朱子之言,不 處,須有説 以 究見端的。 其性 通之,必 一辨》, 無

第五十三章

大全。 也。 可 謂 此 直 此 窮 章之説,賢友至以「爲盜得法」相 正 當理會 到 底。 處 據 鄙 理會得透,方見斯道之 見,爲盜得法, 是一 難 道

第五十四章

是矣。 何異? 所未明。」以此見其儘 公實未 中也、寂也、公也, 傳習録》中附載陸 今 馳之於心,知 有也。」又論照 今假妄之照,以 既 心 以屬 會思索,若能再進一 無 續 原静疑問,有云: 妄 不 至誠之無息,竊 良, 心之體 心 謂:「妄與 加 中、寂、大 則良 息 知

之也。 此曲折,益以見立言之未易也。 兩 步 竊 意盖以此望之,非賢友見疑 恐終難契合,未必不爲 朱門 無 之曹立 由 虚

第 五十五章

至於此 格物通》近方見之,不意其侮聖言

第五十七章

方是實學。 大貞凶」。 大有得」。 三百八十四爻,俱要看得箇道字分明, 且如《屯》之九五、居中得 食前方丈, 豈容一 豫》之九四,既 不 正 口 又 併 不 吞 中 Œ 之 而 而

耶?

第 六十 章

不明之過小,不誠之罪大。 彼指金針 謂 金針爲 爲 心者,果 秘 法 不明 而非心」,見之明矣。 郭? 殆不 誠矣。

第六十四章

既 與 孔氏異,恐不得爲聖人之徒矣!

第六十九章

周 顛 仙 畢 竟消 、張三丰者,今安在耶? 滅。 前 代姑 未 論 或 初 所 見如

九四

復南豐李經綸秀才已亥冬

筆 使 戚 專 》,勉强: 勢 繼 使 崇 出 翩 貽 地 正 盛 書 之相去殆千百里,兼 翩 披 抑邪 製 ,殊莫詳 閲 開 合 ,乃知足下之有志 編,亦 爲主 迴 旋 所 誠 勉閱 以。 每 有志 極 不 其 過。 哉 素昧平生, ·幸適 意 於道 才氣 之所至,大 有 長 也 充 孫 忽 溢 來 之 厪

語。 進 之精微,豈 論 X 指合玄微 步 ,盖已自信 茫然 高 處 見知至之先六事 老 論 病 也 不 雖 忘言 談 於 知 不爲 又《 笑間 不 談 所 久矣, 疑 笑間 以 讀 無 口 爲 故 見 書 己一言, 盡 答 方 多涉安 繼 記 前 乎 也。 抱 以 崇中 昧乎 ? 天 哀 顧 殊 論 觀 惊, 排 地 覺 來 所 及 間 恐當 又 知不 傷 用合字 書 考亭, 大快」之 易 末 眩 越於 尚 簡 於 有 之 有 道 有 高

> 足下 云: 誠 則皆 理,安能贊天地之化 處之 極二 章 己之理,容有二乎? 極 材 明 又 盡 處 句 阻 新 云 「物格 得所止之序也。」 無 》,其 無 釋 難 極 性 物 0 不到 乃 「格物」之義云「窮至事 致 不 即 極於贊化育 此 玩之未熟 知知 釋「至善」之義 知 出 當 非 之論 乎人 至 然之極,非 老 事物之 則 拙之所 不 己 知 育乎 首 多天 根 則 而 所 理 尾渾 至 汎 輕 知 止矣。 即即 1 有 云「事 善 觀 於 地,不 也 萬 前 融 萬物之言 <u>\</u> 物之理、欲 窮 物 也。 所 論 絶 意 切 高 理當 之 明 謂 詳《 無 誠 乎 極 理 總 萬 事 滲 以 1 廣 與 論 然 大 物 碍 理 下, 漏 之 之 學 其 至 又 極 中

天下 云: 人不知。」真知考亭固難 後世之君子。 至 以「知言 人知處, 有 良遂 愧 考亭 總 議 然自 嘗舉 知 考 亭, 禪 良 知 尤 語 遂 亦 恐 以 非 知 警 獲 處 學 罪 者 於

其 進 加 願 察 或 足 、焉、幸 在 下 於爲己, 此。 慎 之。 此 損 緩 奉 議 於 酬 攻 論 雅 之有 人。 意 餘, 足 不 下 識 務 所 미 誠 乎? 從 明 事 之 惟 内

答湛甘泉大司馬康子秋

言, 夫 釋 楮 澄 忽差 殊 不能 以 所 偉 誨 江 私 疑 使 言 諭 出 人送至 宦 侵晨 向 1 白 成 諄 · 擬 聞 論 之所歆 僕 沙 志 諄 遂 專 解 一教札 脱 素 遂 極 見. 發 人 組 洒 聞 用 奉 榮 身 感 慕 追候 ,始知嘗 白 於 善 候,久之未 退 歸 不外 如 時 沙 開 名 此,安肯 深用 不 先 完, 發 做 及, 生人 第 爲 人。 出 古 爲 慚 悵 武 來 有 今若 故 밆 肆 夷 古 快 間 心 來 人 之 逆 甚 情 陋 口 嘗 有 喜 耗。 此 妄議 高 終 與 精 者 暮 未 采 朋 抱 老 邑 能 以 能 宿 中 友 負 别 病 幾

大本。 出 耶 不 臭。 神。 謂之神。」聖賢之訓 隂 教,兹非 也 近 也。 眩 而 而 致 中 ? 則 測 發 而 夫 深 中 庸 不 其 程 明 神」, 盖白 陽 神 人 之 刻 其 和」。 \Rightarrow 之觀 是 體 Ź, 天 之,固 者,天之理 日一 明 之 神 可 於《大傳 則謂 地 又曰「致 沙之言, 道 以 謂 惟 據之實 中 間 明 聽 先 爲 道 敬 : 將 也 亭 道 之易,其 耶 至 生 0 天 而 亭 者,天 垂 先 也。 虚 乎? 與 日 無 理 又 有 省當. 深 諸 無 生 其 : 所 失最盡 明 H 日 日 百 則 切 理 凡 下之大本 無 以 以 一夫 道 . 上 \wedge 世 直 著 則 易 \ 禪 所 此 欲 之言 天 一,以 上直 謂 隂 道 明 大 數言 學 謂 本 也 。」是 之 中者,天 之道 陽 傳 至 如 也 爲 道 昭 殊 載 下 此 無 **>** 不 至 疑 也 者 則 示 不 亦 之正 近 而 致 果 測 今 其 既 合 無 江 . 執 誠 ,近 動 下之 中 之 乃 門 又 矣 何 用 聲 事 大 有 74 認 F 物 謂 之 則 書 從 無 思 至 據

恐

天

下

後

世之人

未

必

信

也

且

吾

聖人之格言大訓

布

在

方册

之於秤 白 義 謂 是 言 所 夫 據 所 體 而 謂 淨 字而 沙 認 ,是之謂 不 文 認 又不 以 以 智 之所 疑 以 權 立 亦 妙 處 虚 中 虚 若乃 己。 乎 ·合矣。 爲 自 本 物 體 圓 所 而 嘗道 天 分明。 也 之 其定 認 本。 何? 以 妙圓 理者 無 體 禪學 輕 天 V. 敬 者 屋之秤 自 中 盤 理」一言, 重 把 本 之義 乎 而 空 字 虚 始 乎? 未 全 星 捉 ? 無 寂 無 見 於 也 虚 虚 得 其 失 非 津 其 執 西 雖 員 定 字 於 乃 此 千 涯 僧 爲 孰 勞 分斤 事 神 不 所 理 般 中中 義 中 萬 心 雖 達 真 而 云 測 以 殆 作 庸 以 何 磨 切 非 把 無 分 甚 之 有定 致 弄 ? 不 爲 其 是? 捉 兩 也 相 神 中 與 難 失, 非 遠 不 寂 言 僕 皆 止 也 明 見 禪 空 安 是 又 出 顧 潛 原 道 E 何 吾 也 非 之 得 其 此 所 於 譬 之 心

琅

之不

見疑

其

亦

難

矣

楊

有

如 評,遂 也 生 敬 前 荷 以 長 齋 畫 一。」僕 禪 於 固 來 無 從 皆 學 書 京 其 而 謂 出 稱 亦 師 實,人 附 於 江 謝 和 江 沙 右 以 之 方 安得 右 人 白 耶 何 石 若 也, 沙 ? 也 加 章 ? 爲 李 執 何椒 名之? 楓 文正 禪 事 夫 Ш 者 豈 名 丘 則 公 意 皆 依 皆 乃 張 諸 起 實 其 越 古 楚 習 君 而 於 城 子 聞 立 江 多 胡 亦 鄉 而 右

之道者 衣 無 以聖 然爲門弟子誦之, 言 月 來 墨 學 鉢 之 無 浩 無 一經爲 其 佛、 淫 覺 日 若 非 嚴 一进 辭 江 至 老 未足,須 如 河 理 直 之 出 此 莫 欲 害 面 荷 今 放 杖 能 目 得無 白 藉 甚 觀 莫 來 而 心 沙 此 於 白 喝 絶 領 與 顧 以 楊、 之, 大 沙 而 孟 獨 補 之 神 子 喜 抵 之 日 墨。」 所 , 異乎? 皆 所 會 禪 耶 金 以 禪 舉 之, 語 孟 閑 針 示 語 先 信 先 子 每 也 欲 於 儒 聖 琅 手

豈

拈

日

九七

處 善白 覆研究,終是不 《記》中 事 盍 ,全在旦 反 沙 頗嘗論及。 而 而 求之? 書之所爲,不 名其 同。 學 所 如 今又增入夜氣」之説 盖夜氣之所息,其用 辨《居業 此 ·在静· 亦 必 中 録》中 有 也 所 據 兩 條 矣 反 拙 力 執

與 誰 ? 使於此 則 諭。 爲 緣 愛與之至情,不爲 而 **憊特甚,舊業益荒** 疑,竟未蒙回答。 前 鄙 善實君 悉陳之, 會。 若夫二 此 見 僕與 自僕 相 所 稍有嫌忌 (執事 疑 往年嘗 同 觀 理 子 固 或 之,似 之盛 知 無 氣 相 者 逆 可 合 知 辱惠問 未 疑 耳 今皆踰 而 節 無負 ___ 垂 猶 忽枉 爲 者 之言異 也。 不 一之論? 四 多 過 傾 矣。 + 乎 誨 一合字,其大意 -知僕 竭 如 项 年 言,可 ? 於 望 所 以 日 是 未 , 之 遜 未 懷 八,而 出 書 審 以 兩 喜 無 然, 則 志,然與 報 處 志 詩 疑 踰 疑 兼 差池 之 詗 其 更希 於 僕之衰 於 望 者 意 固 故 叩 此 外。 俱 爲 人 陃 申 所 無

超,諷誦無斁,第陽春白雪,難於奉和耳。

九

八

湛甘泉原書原本有誤字落字

來。」 指 水 先 有 天理二字,最爲 爲存之之法。 E 「學者先識 以 ,心勿忘,勿 教之初,便以《孟 師 所受,然天 李延 爲禪。 爲「天理切 水又頓 平 教 水謂 首 理二字 言。 人「默 須 及 助 切 白 段,末亦 體 水 長」爲 要。 沙先生 人多言 坐 認 自 子》「必有 却 澄 明 思 日 標 是 道 心 以《 非 整菴 用 得 的 云 自 體 間 禪 以 孟 家 事 又 公指 隨 認 也 書 子 體 焉 吾 以 處 天 Š 貼 學 體 理 此 明 而 第 白 間 認 出 雖 段 道 勿 沙

❶ 「枉」,原誤作「柱」,據咸豐四年吴榮祖刻本改。

其 也 理 日 天 所 爲 理 明 鞭 障 何 也 便 得 0 先 某 合 患 師 日日 月 有 不 以 日 得 到 用 天 書 聖 __ 間 理 賢 來, 隨 先 之學爲是, 佳 處 甚 師 處 體認 好 喜 也 而 天 夫 理」, 讀 其 以 之 禪 書 不 者 遂 爲 答 着 禪 此 志 水 以

教 故 歸 出 高 此 日 高 此學 話 弟 「聞只 羊 本 也 仕 學 沙 又將講 司 城 去後,遂 ,渠不曾問 非是容易講得, 村 如 講 東 會 何 有 畢 道 所 (坐忘。)盖 東 三十 一 古 水水 之初 摇 所 無 水於言 首 以某亦 人問 進 東 年不講 氏 云 問 發歎曰 所 : 此 婦 某 不 東 下即 甚 婦 不 語之。 所 亦 見喜 ? 媚 . 不講 尋常 張 如 知 然 居 先 東 何 學 其 不 忽 生 + 自 ? 矣 來 所 ,佛静 問問 未 林 年 答 只 係 問 水 後 説 門 不 緝 云 答 坐 水 講 熙 此 下

> 先 釋 沙 之,恐渠 曰 生之非 先生爲 「東所是禪矣。 不 以 不 禪 的 爲然。 轉 又 也 頭 明 矣。 嗣 無 白 後遂往 益 但 沙 其 也 先 0 人 生聞 往 據 氣 與 此 高 之, 之 辨 則 且 面 莫 論 語 攻 水 沙 儒

端倪」之語 疑是 反 矣乎?」盖 時出之』者,亦禪 先 水辨之曰: 夜氣之所息」及『擴 答東白 生自得 禪。 以 則 爲 亦若 先 胡 之學,發於 禪 人之心 爲 生 敬 者 然 無 書》「 禪,水辨之日 軒《居業録》有二 皆 有 則《 矣乎?」 矣,實 天 藏 起 中 充 言 於江 理 而 庸 論 四端』之説 後 未 本 \forall 發」之 不 嘗 右 體 溥 以 「然則 前輩 無 具 蹈 溥 静 存。 也。 處: 淵 語 陳 中 言,遂 泉 爲 孟 亦 養 白 乏 以 禪 出 子 而 沙

●「所」,原漫漶不清,據嘉靖本補。

後 遂 襌 養 養 與 以 ? 人相 世 擴 聖 白 後世 則 充 沙先 者復 近 盛 本 必 者 大, 體 生爲禪 作,遂疑 是 端 有能辨之者。 則 也 倪 天 發 ,足累白 理 疑之者之未 見 見 流 此 行 端 平 矣, 沙先 倪 日 非 之 遂 慮 何 見 生也 氣 後 從 以 也。 世 謂 此 好 恐 人 之 涵 惡

重 惡 惡 義 也; 也。 盖 前 日 所 所 與 與 自 」,手足,氣 舉「 天性,其 人 至於疑 生者。」氣,其 又 有物 水 相 日 相 發 夜氣 近 近 : 必 之, 水 有 理 形 也 之 理 者 以 而 則。」 3 也。 色, 所息」,「 也。 平 具存 「理 其 氣 天 物 恭 旦之氣,其 又 也 氣 至於「手容 性 其 重 於古 日 9 合一 平 也 義,其理 : 氣 理 旦之 一之説 訓 其 也 也。一一合 形 3 也。 爲 氣 恭 氣 色, 則 氣 也 也 足容 其 孟 其 是集 其 此 9 好 子 説 好 又 氣 理

> 欲 居之後,幸 面 言 請 教 今水 四 而 也 ·垂詳 十年 以 與 墨 函 焉。 之所 卿 丈 爲 皆 悚息 積 道 老 疑 矣, 悚 者,敢 品 息。 故 品 平 以 以 謹 昔 附 既 之 于 不 所 起 得

與林次崖憲僉辛丑秋

然故 所與 以 盡 留别》及《 薄情 爲 貴 人之在 禮 頃 同 承 而 年 光顧 匆匆就 筋 留 目 馬宗 力 題 也, 不 極感 中 别 孔《 用 逮 - 壁》高: 第深 甚 此爲慰。 辨 高 欲 誼 書》。 作三 追 0 悵 送 Ш 快 首, 時 + 鄉 而 數 牢 次 展 里 落 日 玩 以以 又 隨 愧 宛 得 得 無 小

衰朽 有請 竟,此 空踈 ,計不以爲 理 心缺 氣之論 見棄。 然。 執 瀆也。 因 弗 事 拙 明 理 弗措 疾 學素 僕從來認 艱 E, 於 精 往 曾不 在 復 今日 理 氣 未 以 爲 及 敢 僕 復 之 究

觀之,理氣何嘗有二乎?

蒙開 儀、 傳》 矣 必 執 分殊 物, 氣 地 渾 觀 元 於 皆 説 間 融 並 事 也 高 兀 故 四 理 日 中 納 之 下 言 健健 亦 氣 又 論 中 象 理 氣 欲 舉 恐 妙 來, 生 但當 庸 順 與 理 以 固 不容有 易 其 僕 近 字 八 形 **>** 更不 是 五 氣 以 細 卦 有 日 理 取 未 桂 也 流之弊,將 分 皆 圃 常 思之, 太 證 五五 只 形 「有之。 明, 其 見 分 上 网 分 極, 大哉 夫 於聖賢 落着 是 下 丽 別 箇 行 分 殊 但 此 太 下 是 理一 萬 兩 於 殊 論 極 可 箇 者 以 生 或失之支離。 物, 聖 本 之明 也 旬 最 見 形 重 ,太極 理 言 也 形 兩 末 人之道 是 其 理 字 煩 言 謂 蔽 儀 而 訓 精 精 以 開 氣 分 聖 孔 之。 E 奉答, 微 固 氣 爾 粗 則 殊 示 之 人 兩 子 者 多言 言 無 太 謂 也 不 只 儀 嘗 殊 執 也 《易 _ 極 對 容 洋 是 亦 生 且 以 未 則 3 理 事 也 洋 大 分 未 天 睹 兩 兀 理 究 渾 理 謂

> 數 感。 也。 觀 如 證 道 所 平 生 流 儀 語 之, 一只 此 者 謂 行,三千三百之儀 ---1 則 説 請 形 百 切 此 發 理 只 條 再 m 恐 是 氣 威 育 消 器亦道 7 形 加 下者 道」之語 理 儀 萬 之不容 説 參 氣 物 而 酌 Fol 也。 終 箇 道 -峻 求 難 分又 理 一爲道 ,僕已嘗 極 子 亦器 夫 作 9 于 乃 思 發 定 可 分殊,亦 形 天 人 育 明 論 物 是 見 事 表 而 以 萬 優 看 矣 也。 因 之顯著 下 出 物 此 優 風 爲器 乃 還 未 大 據 爲 合 明 見 哉 爲不 大大 聖 此 道 造 有 者, 數 人 須 可 程 化 傳 至 盡 之 之 説 禮 着 爲

才, 淵 矣。 襌 源 而 者 僕 所 不 辯 自 與 能 書 只 E 非 爲 不 議 陽 惜 湛 尋 論 明 其 箇 甚 即 學 子 理 E 甘 桁 字 皆 泉 即 之誤。 不 相 其 高 着 知 詞 見 而 偶 盖 其 固 味 所 嘗 見 己 其 以 深 如 先 安 服 來 得 於 其 其 面

0

理 者 能 獨 裹 緣 曾 體 物 只 物 欲 知 便 私 目 所以 ,莫過 推 來。 何 H 是 尋 是 物 挾 不 意 便 人 泉 爾 都 吾 與 見 又云:「 上 此 而 謂 更於 成 則 不 有 理 求 不 心 以 己 則 於 生生之 物 萬 富 - 曾尋 照 能 字 本 也 至 陵 能 皆 事 明 物 有 勘 體 推 善 嘗 至善。 駕 推 然 物 道 物物 見 贵 又嘗 又 見 古 謂 而 之。」詳 E 乃 體 先 却 都 理 日 ^ 今, 其 易一, 則 怎 爾 可 生, 者 傳 即 是 字。二子 自 見《 才 於 氣 相 生 殊 是 義 習 這 其《 皆 味 辨 香 生 事 雍 求 反 此 萬 外 録 不 裹 ? 此言, 則 有 又 物 ? 語 遺 知 物 推 心 出 > 足 此 上 有 書 平生 皆 只 至 去。 純 不 明 有 以 時 理 以 尋討 云 善 成 便 備 得 乎 道 此 云 具 張 生 是 只 先 最 是 就 只 不 天 于 知 背 存 大之, ? 於 各 理 是 我 口 爲 所 陽 心 得 生 道 完 物 從 不 尊 之 之 IE 以 天 明 事 日 性 不 信 不 他 此 那 知 此 極 本 理 事 專 不 遂

> 程 過 命 可 人 償 子 之旨 見 謂 止 命 之「尋 言 欠債 便 物 是 爾 箇 還 格 理 錢 未 物 字不 第 及 則 於 着」, 事 義。 事 事 ? 皆 可 二子 只 不 有 如 定 信 都 俗 乎 理 當 説 亦 面 自 殺 抑 蹉

應之 欲 於 妙 何 遂 書 千 合。 然 而 心 嘗 假 速 中 載 尋 不 方 指 之 一,而 用 惟從 僅 不 亭 而 得 斯 知 良 以 有 傳 助 以 亭 理 着 於 人 之 長 知 良 行 事 爲 當 也 事 與 見 爲 於 知 重 秘 當 則 物 此 在 得 天 天 克 者 也 其 聖 天 上 理 而 語 地 己 真 口 圓 謂 通 在 門 此 耶 大 萬 則 光 就 之 覺 其 人, 不 ? 物 良 意 大公之體 反 萬 古 理 實 所 原 在 是 知 照 略 殊 其 會 學 以 來 事 誣 即 之 相 之 第 也。 爲 孟 厭 所 在 天 似 中 至 體 子 理 物 得 煩 以 義 若 悟 陽 善 也 立 而 不 盖 自 矣 但 明 也 喜 致 於 以 是 求 孟 而 無 之 是 儒 之 子 爲 順 牽 果 往

説 崇 之 易 難 天 乎 辯 自 心 不 知 讀 良 兀 掩 理 》有 是 是 天 能 ! 者, 静 緣 加 之 知 顧 一。」諸 _ 非 紛 非 以 嘗 字 何 更 理 有 東 云: 舍吾心之天 有 答南 曾 邪 聽 閲 天 紜 都 不 者 亦 橋》有 云: 云 理 不 矣。 如 正 勞 被 成 自 陽 如 自 此 能 天 擾, 元 他 説 天 能 則 考 明 其 類 目 云 知 能 善》 瞞 話 理 知 不 天 文 所 理 得 . 而 戒 顧 非 能 调 無 得 理 謂 録 有 理, 發 非 意之 慎 許 所 乃 徒 0 以 有 ×, 亦 미 天 云 用 多 若是 恐 輙 謂 誣 手 思 不 亦 偶 自 歎 0 理 是 之思,自 懼 聰 以 與覺 足 自 善 孟 將 會 摘 也 與 耳 者 明 惡 天 私 子 盡 知 則 何 分 夫 出 非 者。」《 之機 矣 而 理 以 意 露 不 以 别 是 數 1 者 爽 _ | | 就 安排 能 非 致 然 天 誠 得 處 之 字字 達 天 如 以 明 其 答 答 則 真 理 亦 士,不 磨 之 易 視 理 白 歐 體 謂 妄 肺 魏 盖 答 凡 世 思 矣。 之 簡 之 裂 陽 察 陸 用 肝 師 思 則

> 身 者 誤 冠 已矣 暲 毁 何 冕 其 미 流 勝 土 拔 ൬ 之 計 本 撲 ? 有 塞 其 志 源 焰 非 於 欲 有 言 學 之可 高 求 而 明 斯 終 特 道 爲 不 \ 大 痛 免 之君 明 恨 爲 於世 其 子 所 其 其 自 誤

口

得

乎

?

凡 賴 向 自 何 因 用多 爾。 然之 伏 辯 而 僕 希 書》 弗 三詩 祝 理 懷 覽 惑 ? 所 也 此 IE 於 皆依 感 有 惟 他 發 年 距 冀 岐 韻 詖 不 推 病 斯斯 奉 行, 覺 廣 卧 答 道 此 喋 放 空 斯 别 喋。 意 淫 Щ 民 楮 俾 辭 録 無 同 庶 後 是,意 聲 在 可 乎 學 告 吾 相 其 皆 應 語 次 淺 有 知 崖, 攸 所 亦 兹 詞

再答林正郎貞孚壬寅春

得 教 札 舍 親 兼 歐 承 陽 道 銀 履 臺 佳 及 勝 曾 甚 進 慰 士 渴 先 仰 後 之 過 私 家 連 所

高 愛 感 否 惠 與 , 姑 珍 見 續 乏 决 藉 感 記 厚,莫 之, 此 箋 使 以 往 或 得 爲 年 重 受 加 因 附 箋 焉 教之 其 呈 V, 所 謬 福 地 明 説 絹 益 過 誠 俱 求 蒙 不 奉 其 不 自 領 所 鄙 知 未 其 至 以 口 珍

道 惟 者 歸 君 有 之中」之説 或 之明 毫 是 子 猶 亦 之論 髪 第四章 未 之 細 既 差 閲《 教 免 其 歸 計 滯 互 重箋 口 于 實 於 「道心」之説,第三十 再 亦 得 ൬ 惟 舊見 三之瀆, 在 彼 矣。 \forall 平 義 所 此 1 口 理 尚 議 欲 否 其 本 輙 聞 容子 論 大 所 原 今則 敢 mj 參 約 否 復 細 不 差 聖 者 相 有 厭 效 學 推 乃 半。 所 也 其 五 爾 尋 綱 在 以以 愚 章 未 僕之 領 其 欲 敢 未 卒承 以 求 所 不 愚 也 斯 發 求 容 口

即 之 具 生 夫 也 主 所 自 宰 謂 其 道 禀 定, 心 氣 者 生 之 果 意 初 何 H 陽 自 滋 施 而 纏 隂 有 綿 受 耶 周 而 币 盖 此 遂 理 人

> 於道 之矣。 矣」, 容 隨 道 之心」, 方 天 成 離 理 心,其 寸 形 是以 ? 是 質。 者 中 爲 是體 今詳 從 何 耶 無乃 雖 實 何 此 ? 物 不 其 即 固 上智、 處 高 見其 然, 昏 天 天 盖 論 來 理 理。 擾之極 無 心 則 耶 末 乃 曷 下 爲 也, ? 所 謂 嘗 而 彼 愚 之 謂 遺 用 善學 未 有 常常 之 宰 圃 其 亦 嘗 須 所 人 我 至 本 者 臾 學 人 譬 滿 微 同 欲 乎? 心 之 問 如 腔 之 也。 固 也 者 頃 形 體 當 子 斯 影 不 皆 夫 默 自 雖 其 有 之 何 利 名 在 不 m 相 至 不 其 知 有 欲 爲

者 論 中 有 自 爲 講 之, ጠ 口 是天命之性有二 天下 之。 不言 若 己 决 夫未 矣。 與 高 之大本,大本 加 聖 一發之中 論 喻 荷 ,今猶 人 明 有 未 云 乎 常常 發 道 矣。 僕 未 之 即 心 嘗 也 中 之 豈 天 當 即 説 異 未 其 命 道 就 發之中 然 之 心 則 高 此言 乎 性 騐 未 論 之, 果 發 之 誤 盖 有 所 之 其 如 高 則 及 中 義

若 之中 盡 腦 臆 頗 有 萬 我 之不能 中 化 凡 言, 自 喫緊 其 説 詳 學 此 何 物 加 本 之所 ·然吾· 是 性 愚 間 論 者 干 無 爲 且 命 IE 間 終 見 執 有 以 未 體之仁。 涉 友 人講 物 人 性 之 初 耶 分, 能 疑 事 ? 道 非 方盡 處 皆 取 未 實 命 歸 ? 亦 當 完 證 學, 有 繫 嘗 體 子 IIII 既 耶 一之説 然 全 於 於 古 特 有 初 思 忧 不 單 ? 中 須 之 其 明 知 無 大 加 兩 無 纔 之 然 庸 是 物。 他合 道 斯 何 中 本之立 分 般 之意焉, 矣,倘 嫌 見 \sim 爲 獨 先 義 則 和 於 也 拈 口 得 疑 誤 書 歸 處 生 本 也 人 避 鳶 出 此 之 蒙 之義 指 雖 之言,以 贵 與 不 物 高 也 拙《記 飛 理 幸 終 愛 於 多 耶 程 不 論 不 只就 魚 通 終 與 甚, 以 聞 立 ? 又 子 躍 方 乎 以 便 幸 過 不 是 中 見 天 未 乾 人 口 而 而 其 指 高 言 身 未 敢 無 於 發 甚 進 人 疑 道 所 之 不 於 非 爲 人 頭 1 物 之 謂 而 物 變 發

> 説 妨 似 夫。 處 此 自 非 乎 章 也 故 君 ^ ·,似 不甚合 至 (或問》-:如道 於 子之道 若 造端 乎只是發明 造端 心 中 耳 一,法 及未發之中 亦 0 字, 有 乎 然 説 此 天 只 所 道 就 意 説 地 以 體 生 各是 不 但 以 不 斷 化 同 求 下 曾 不 上 之子思 盖 容不 却 V/ 説 義, 僕 是 説 到 殆 歸 修 常 做 本旨 不 于 道 高 玩 相 夫 論 味

答林次崖僉憲王寅冬

亦 渴 論 物 有 真 盖 僕 年 書 鄉 미 反 雖 親 詞 謂 有 不 劉 泉 得 覆 切 敏 司 涌 參 乎 切 訓 詳 明 然 偲 所 處 彼彼 從 道 偲 人 以 事 先 此 □ 開 一者矣。 於程 生之言 交 發 送 盡 愚 到 朱 哂 感 手 其 之 者 佩 非 書 認 學 臆 感 殆 理 甚 决 也 佩 無 慰 氣 也。 遺 饑

一〇六

分 着 明 亦 道 明 形 如 而 此 嘗 説 下 原 E 者 來 器亦 形 只 而 此 日 而 道 道 是 上 , 道 者 道 爲 惟 亦器。」 道 要 形 此語 在 而 又 截 下 默 日 得 爲 而 F 器 識 下 隂 之 最 陽 須

空 也 不 虚 . 説 0 箇 即 竊 形 詳 膠 而 其 於形器 E 意 下 盖 則此 以上 ,故曰「須着 理 天 無 ()之載 自 如 而 無 明, 此 聲 説 非 無 臭 溺 名 於

道 雖 理 氣 亦 有 器也。 渾 道 器之 然, 更 别 至 無 於 然 罅 實非 「原 縫 雖 來 只 欲二之, 物 此 故 是道 日 自 器 不 語 亦 容 道, 於 則

者之妙 二之,正 欲 之則 學 者 就 不 形 是 而 也 下 者之中, 前 書 雖 嘗 悟 舉 形 此 而 上

之無 條,只是帶 口 疑 過 惟 説 是 默 今特 識 推 心 通 明 其 則 意 有 未 以 易言 見 其 者 説

耳

平 H 皆 凡 曾 執 講 事 究 之 來 所 亦 説 頗 有 率 得。 本 諸 謂 晦 是 翁 先 理 不 僕 離

> 然 之 物 則 者 之。 之明 乎氣 亦 命 已覺 有窒 也 自 晦 之 如 · 曰 理 看 理,果 有 微 道 翁《 是 何 謂 不 夫 礙 亦 父之 以 兩 有 慈之理 之言,似 如 雜 也 辨 不 以 説 何 氣言之」 罅 乎 何 雜 或 蘇 道 矣, 慈,子之孝,猶水 縫 姑 子 自 乎 分 黄 不離乎父,孝之 借 矣。 請 氣 器 乎 門 或 而 其 則 來 欠合。 更詳之。 明 判 老子 合, 可 謂 (哉? 書「 乃其 然 如 通 慈 而 始 何 解》 父子慈 之理 終 乎 説 説 如 良 不 ? 不 又 來 之 何 由 相 嘗 能 之 理 不 説 最 抑 將 屬 孝」一 以 定 雜 寒, 以 不 去 精 尤 理 乎父, 爲 于 者 理言之」 離乎子, 有 火之 氣 然 未 口 語 則 免 但 也。 疑 性 埶 時 明 質

之言 百 其 意 威儀三千」爲「道 本 細 看 歸 閲 得 來 于 又 書 别 高 於明道之言看 以 論 之所生」,不是 乃 發 從 育 而 萬 一之。 物一、 得 似 就 禮 於 别 把 子 儀 思 此 盖

耶 太 頭 極 遺 當 起 極 腦 ? 生 上 道 學 矣 兩 也 肯 問 如 儀 承 豈 此 豈 認 段 其 未 是 其 然乎 器 論 急 只 抑 外 誣 就就 未 於 有 與 聞 天 立 道 不 然 天 地 論 矣,是 誣 地 則 E 之 面 説 謂 只 偶 外 子 起 恐 子 未 别 思 子 思 乃 及 思 去 語 有 是 致 所 子 簡 T F 詳 謂 復 無 太 而

於鳶 言 事 恶 也 者 H. 無 m 不不 以 如《 却 寸 徒 之尺 甚 守 魚 書 待 乾》之「亢 然分之殊 况 然乎否 理 花 末 於仁 言矣, 竹 所 非 近 分殊 亦 云 敬 時 可 ? 前 嘗 龍 孝 者 學 與 之説 至 慈之 用 子 易見 桁 如 議 精 心 必 多 不 坤 精 之 於 類 理 切 是 用 義 学之 理, 而 會 此 人 恐 如 格 人 理 等 道 秖 此 神 物 未 龍 頗 之 處 大 爲 嘗 之妙 戰 見 皆 倫 致 品 無 其 不 也 知 安 品 星 灼 其 也。」此 所 在 難 之 之 拙 見 爲 敢 以 明 學, 稱 功 其 然 執 X 忽

> 毫 所 分 謂 縷 者 析 猶 方 爲 口 徒 謂 博 也 精 義 人 神 不 雖

倘 以 猶 虚 辱 歲 有 力 中 疑 多 疾 更 病 希 布 嗣 此 酬 教 答 大 甚 意 不 艱 粗 宣。 白 而 諄 愧 不 能 誨 不 也 口

合林次崖第二書甲辰夏

容 箇 處, IE 相 處 理 不 分 不不 心。 氣 離 老 也 之 太 鄉 意 如 不 目 道心 和 教 親 如 雜 何 輙 劉 集 分 水之投 氣 」之説 慰 爲 以 長 得 義 也 、體言, 之 感 教 所 過 增 兼 丰 石 生 性 僕 家 明 至 理 人心 也 命 前 配 安 得 書 然 書 義 能 理 以 四 頗 究 詞 與 保 也 用 心 月 嘗 其 道 合? 累 道 非 言 望 推 指 幅 心 H 是 言 體 氣 歸 書 亦 遇 教 只 無 用 其 自 緣 警 原 是 總 窒 再 各 是 不 不 礙 策 承

二〇八

言 於「是 達 直 教乃 明。 生元 恐 以 之氣 區 利 欲學者 事之學誠博,然 二之則 氣 道 指 枝 ,不應缺 . 證 貞 之 品 以 君 竊 葉愈繁而 拙 理 方 灑 道」之下 來只 更從 就 臣 爲 謂 以 不 氣之爲二 見 掃 句 及 一錯 形 此觀之,不曾錯 、父子、夫 明 是 應對 少,却恐是錯 此是 何 養 已 道復起,亦 而 將 世 看 處 成之 具 前 本根 添着「之所 下 以 道一 亦不 尋 便 者之粗 一物,未 言 爲 竟 效 書 是 婦 偶記 終 雖 理 須多引, 道 形 若論 語 蔽。 約 更 必 乎 昆 義 見 而 明 ? 而 不 弟 有 在」三字。 也 悟 推 乎? 其 道 E 前 道 意 欲泛引 取 形 明 者。」《 爲 將 先 朋 書嘗就 H. 體 於 已 其 參之高 而 友爲 以 生又嘗 説 精 只 今 盡 斯 意,以 上 爲 欲 切 是 中 乾元 言, 義 者之 瀆 明道 天下 明道 氣 也 援 箇 庸 論 陳 有 爲 而 亦 此 浩 乎 妙 立 之 又 甚 乃 來 IE 先 ? 亨 誠 執 等 然

將 腦 截 乎 體 何 云 首 也。 矣。 之旨 來,水流 在 從 却 何 1 六 。」果如高 來安插 立 斷 何 子 了。 言。 句, 處 處 天 程 0 又 去 發育 蒙 運 子 存 鑚 牽 於 敢問 思 明 而 在 釋「逝 只 站 見 及 出 而 扯 萬 明 至 是 上。 要 不 論,程子 難 説 不已, 來 物。」。」 高 小一, 日 息, 中 遷 ? 到 存 論 萬 一大 者 講 就 頭 也者,天下之大本」一 ____ 物 站 以 物 解 學 如 日 將兩 己意 謂 哉, 兩 百、 之多 得 「萬 處 得 生 似 斯 往 僕 股 明 無 此 亦 而 物皆 三千之儀 聖人 則 句 之義 錯 白 錯 果何 更 自 註 不 月 一直説 乎 不 分 看 鑚 生 白 所 窮, 之道 來, ? 云 問 明。 一於道 T 謂 出 益 皆 子 寒 聖人立 且 來 乎 下 ! 干 失 與 思 極 高 往 此 此 亦 來, 之 1 是 洋 於 道 論 章 則 道 道 明 句 頭 如 洋 便 乃 至 章 爲 暑 體 果

且 吾二人之學,皆宗朱子者 也。 執 事

之中。」 曉 理 何 有 此 疑, 守 歸 有 如 墮 隂 差 察之過 所 歲 意 氣 其 于 此 陽是 莫 别 指 自 作 日 未 説 至 但 以「泊」言 甚 又 言 甚 道 此 詞 可 歟 於 物 日 田 但 之 氣 謂 覺 有 正 以 此 質之 看 不 所 之「横 後 得 精 必 無 所 曾 理只 粗之不 之乎 在 學 是 於 媿 理 性 明 無 之所 上 乎 以 與 即即 生 用 果 是 ? 疑 面 尊 不 議 泊 是 泊 泊 宜 猶 信 太 同 覺 論 僕 致 耳 不 在 何 字 在 隔 極 之 説 偶 氣 察 離 形 氣 實 全 也 出 耳 有 膜 只緣 上之言, 上 體 也 不 狀 此 非 所 雜 墮 盖 道 等 疑 僕 習 高 平 而 亦 在 朱 理 話 之 矣 論 既 日 口 無 子 氣 自 務 而 有 明 將 所 以 非 以 質 嘗 求 當

及? 聞 但 格 程子 於「 物 之義 豁 然 貫 凡 學 通 高 而 論 處 無 所 覺 及 不 ,皆學 則 知 亦 何 何 故 者 以 略 之 學 不 所 爲 拈 習

> 學,未 快 斯 説 哉 此 下 貴 上 物 物 徒 理 文意, 乎 言 約 則 四 體 乎 不 守 内 方, 待 也 爲 所 認 」,方是 格物者,正欲 分殊 理 有 外 此 言 主 謂 無 軱 專 事 終 果能 矣 物 齊穿 乃 事 分 最 譬之「水 全 説 成 執 説 格 傷 於 殊 盡 在 灼 事 兩 下 於易 而 透,尚 博 之 覺 見 正 片 才 學 知 只 而 即 説 此 欲 悟 F 拈 至 工 乎 其 不 是 終 安有 理之 着 夫。 打 也 歸 1 説 分之殊 不 不 但 便 棍 諸 道 然 能 徧 抑 毫 是 舉「分 僕 句, 約 體 , 雖 觀 其 無 髮之不 教學者 雖 者 精 水 中 更 自 格 惑 而 不 故 粗 又 不 殊 底 古 盡 或 有 也 敏 嘗 隱 聖 摸 推 常 有 盡 於 見 天 言 顯 曷 針 尋 以 賢 則 僕 下 T. 平 分 論 所 之 反 ? 殊 事 理

節 目 摸 得無言 針 横 此 議 外 • 更不 錯 看 容 强 乃 聒 來 子 貢 問 大

訓不敢不遵也。惟心照,幸甚! 遇同志之友而未覩其同歸,甚爲可惜,然聖友,子曰:「忠告而善道之,不可則止。」幸

困知記附録終

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzA3MDluemlw",
"filename decoded": "14270702.zip",
"filesize": 276925500,
"md5": "262e59d384cbfd81528940131f70f864",
"header md5": "dbbc9b905c52a5a389968ce21dbe1700",
"sha1": "8864695906d5bd202b2615914d25b130264ffe09",
"sha256": "b163972e2389c3a22578dce3f4441cc2749cae9bd7a1411c36bc2199b2026685",
"crc32": 1235564656,
"zip_password": "",
"uncompressed_size": 309764413,
"pdg_dir_name": "",
"pdg_main_pages_found": 736,
"pdg_main_pages_max": 736,
"total_pages": 747,
"total_pixels": 4434160000,
"pdf_generation_missing_pages": false
```